



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



Sc7-228



Harvard College Library
FROM THE
CONSTANTIUS FUND.

Established by Professor E. A. Sornocles of Harvard University for "the purchase of Greek and Latin books, (the ancient classics) or of arabic books, or of books illustrating or explaining such Greek, Latin, or Arabic books." Will, dated 1855.)

Received 20 Sept. 1893.



1

1

○

C. IULII CAESARIS
COMMENTARI

CUM SUPPLEMENTIS

A. HIRTII ET ALIORUM.



ITERUM RECOGNOVIT

ET ADNOTATIONEM CRITICAM PRAEMISI

EMANUEL HOFFMANN.


VOL. I.

COMMENTARIUM DE BELLO GALLICO.


VINDOBONAE

SUMPTIBUS ET TYPIS CAROLI GEROLD FILII.
MDCCCXC.

Sc7.228



Constantius fund.
(I.)

Plus quam triginta annis exactis cum bibliopolae rogatu ad recognoscendos Caesaris commentarios revocaret, me non eadem ubique vestigia, quibus antea institeram, servare potuisse, vix est quod moneam. cum enim in priore editione paranda Nipperdeium potissimum ducem sequi liceret, qui novissimus praesidiis criticis quae tum suppetebant instructus Caesaris commentarios acri iudicio recensuerat, sufficeretque in eos modo inquirere locos, in quibus constituendis vir ille doctus minus recte sensisse videretur, interim et accuratius excussi sunt imprimis illi libri, qui potiores commentariorum de bello Gallico habendi sunt fontes, simulque accuratius inquisitum est in eorum affinitatem atque auctoritatem; accessit etiam notitia codicum eo usque neglectorum, ita ut mirum non sit exstitisse, qui ut rem magnam clamarent, relinquendam esse viam quam Nipperdey tenuisset et nova rei criticae fundamenta esse iacienda. itaque principatum, qui antea penes librum Bongarsianum fuerat, alii ad cod. Paris. Floriac., alii ad Vaticanum erant delaturi, nec defuerunt, qui libros eo usque ob suspectam fidem tertio demum gradu numeratos potiores duces sequendos esse contenderent. sed haec ipsa virorum doctorum dis-

sensio documento est, frustra ab uno modo libro opem ad emendanda Caesaris verba exspectari, multoque rectius is fecit, qui novissimus Commentarios de bello Gallico apparatu critico instructos publici iuris fecit, Alfredum Holderum dico, qui licet non apertis verbis pronuntiaverit, tamen eandem fere rationem amplexus est, quam Nipperdey Prolegg. p. 48 tenendam esse contenderat: ut prima omnium cura conferretur ad scripturam codicis archetypi inveniendam. eam vero in libris d. b. G. effici aut ex omnium codicum consensu (X Holder), aut in dissensu utriusque familiae ex integris (α Holder), aut denique ex consensu alterius integrorum partis et interpolatorum (β). cum hoc fere modo etiam Holder in recensendis Caesaris verbis procederet et accuratioribus collationibus optimorum librorum, Bong. et Paris. Moiss., uteretur, praestitit certe, ut quoad fieri posset, in meliorum librorum vestigiis insisteret, haud raro tamen ipse etiam coactus est, ut vel codicum deterius notae scripturam reciperet, vel ad coniecturas confugeret.

Neque ego in universum aliam viam tenere potui; quae vero invitis libris reponenda duxerim, sequentibus adnotationibus consignavi.

E. H.

ADNOTATIO CRITICA.

B. G. I, 2, 4: *His rebus fiebat, ut et minus late vagarentur, et minus facile finitimis bellum inferre possent; quo aperte homines bellandi cupidi magno dolore afficiebantur*]] codd. *qua ex parte* habent, idque Nipperdey et omnes fere recentiores editores receperunt. insolentiorum vocabuli *partis* usum Nipperd. Prolegg. p. 50 sqq. exemplis probare studuit; sed etiamsi concedimus latius patere vim illius vocis, ita ut nonnumquam *ex aliqua parte* vertere possis 'in einer Beziehung, in einer Hinsicht', ubique tamen de divisione quadam cogitandum est, ita ut aliquam singularem partem vel rationem ab aliis partibus vel rationibus discerni sentias. quod cum in nostrum locum plane non cadat, in prior editione conieceram *parte* ex compendio *p re* natum esse; sed iam verisimilius duxi, genuinam scripturam fuisse *quo aperte* (*q aperte*); unde cum factum esset *qua perte*, ex correctura deinde scriptum est *qua ex parte*.

c. 3, 2: *ad eas res conficiendas biennium sibi satis esse duxerunt: in tertium annum profectionem lege confirmant.* [*Ad eas res conficiendas*] *Orgetorix* [*deligitur. Is*] *sibi legationem ad civitates suscepit.*]] verba uncis inclusa cum Dübnero spuria esse iudico.

c. 8, 1: *a lacu Lemanno, qua in flumen Rhodanum influit*]] libri *qui* habent; Nipperdey corruptelae signum praeponit; retinuerunt Frigell, Kran.-Dittenb., Dinter, Holder. sed non describendus erat lacus Lemannus, immo locus signi-

ficandus, unde orsa munitio ad montem Iuram esset perducta; itaque ut in priore editione cum Hotomanno *qua* scripsi. idem recepit Dübner.

c. 11, 4: *eodem tempore [Aedui] Ambarri cett.*] nomen Aeduorum, quos legatos ad Caesarem misisse modo narratum est, extirpandum, aut *quo* post *eodem tempore* inserendum esse, iure monuit Dinter. Holder *quo* recepit.

c. 15, 4: *satis habebat in praesentia hostem rapinis pabulationibus [populationibus] que prohibere.*] *populationibus* correcturam esse vocis *pabulationibus* suspicans uncis inclusi. alterum certe vocabulum spurium esse particula *que* tertio verbo adiuncta indicio est.

c. 17, 2: *hos seditiosa atque improba oratione multitudinem detertere, ne frumentum conferant; quod praestare debeat, si iam principatum Galliae obtinere non possint, Gallorum quam Romanorum imperia perferre; neque dubitare debeant cett.*] hanc superioris editionis lectionem retinui, quae nisi quod *debeat* cum Herzogio et Schneidero pro *debeant* scripsi, plane cum codd. scriptura consentit. Nipperdey et Dübner *quod praestare debeant* retinuerunt, deinde vero *praeferre* pro *perferre* scripserunt et alterum *debeant* deleverunt. hoc etiam Frigellius omisit, cum reliqua verba intacta relinqueret. qui Hellerum secuti sunt, Kran.-Dittenb., Dober.-Dint., non modo illud *debeant* eiecerunt, verum etiam superiora verba transposuerunt *quod debeant: praestare*. Dinter tria verba *quod — debeant — debeant* uncis notavit. — §. 6: *necessaria re coactus*] cum quod optimi libri habent *necessariam rem* ferri nequeat, in vulgata vero scriptura *necessario rem cett.* aut *necessario* aut *coactus* supervacaneum sit, ut antea ex Bong. 2 *necessaria re* recepi, quod etiam Dübner edidit.

c. 24, 2: *ipse interim in colle medio triplicem aciem instruxit legionum quattuor veteranarum; supra eas in summo iugo duas legiones... collocari... iussit*] codd. *ita uti supra sed*. plerique editores verba *ita uti supra* eiecerunt, particulam *sed*, licet parum apta sit, retinuerunt. Oudendorpius, quem Frigell et Dübner secuti sunt, ex uno cod. Leid. scripsit

ita uti supra se... collocaret, quae verba tum tantum apta essent, si per *ita uti* ratio explicaretur, qua trium legionum veteranarum acies instituta fuerit.

c. 31, 1: [*in occulto*] delevit Frigell. — §. 12: *Admagetobrigae*] sic optimi codd.; nominis vindex exstitit Mommsen Hist. R. III', 247*. — §. 13: *sustineri*] codd. activam formam praebent; quam qui defendunt parum attendisse videntur, in iis locis ad quos provocant, ubi in oratione obliqua infinitivo activi generis subiectum non est additum (infra §. 15: *non dubitare*; c. 7, 3: *rogare*), ipsum loquentem subiectum esse; at nostro loco apertum est, non Divitiacum, qui loquitur, eum esse, qui diutius Ariovisti imperia sustinere non possit — iam dudum enim ex civitate profugerat — immo eos esse, pro quibus loquitur, principes et ipsas Galliae civitates. itaque non nisi passiva forma *sustineri* admitti potest.

c. 38, 5: *pedum M sexcentorum*] M inserendum esse, ut mensura ipsi loci naturae respondeat, docuit Napoleo III, Hist. de Jul. César, II, p. 80, 3.

c. 42, 1: *existimaret*] meliores quidem libri infinitivum habent, sed ipsa loci ratione altera causalis sententia flagitari videtur. respondent enim hae duae causae 'quoniam Caesar propius accessisset seque id sine periculo facere posse existimaret' iis, quibus supra c. 34, 3 Ariovistus se prohiberi simulaverat, quominus ad colloquium veniret, 'quod neque sine exercitu in eas partes Galliae venire auderet, quas Caesar possideret, neque exercitum sine magno com metu atque molimento in unum locum contrahere posset.'

c. 45, 1: *quare negotio desistere non posset: neque*] et quod exceptis codd. Ursin., Havn., Vind. reliqui libri ante *neque* habent, cum Frigellio delevi.

c. 47, 1: *uti — e suis legatum aliquem mitteret*] codd. *legatis* habent, quod plerique recentiorum editorum omittunt; malui *legatum* scribere, quod olim Doberenz proposuerat.

c. 49, 1: *ab his* ut in priore editione secundum codd. scripsi, quod etiam Frig. Düb. Hold. receperunt; Nipperdey, Kran.-Dittenb., Dint. *ab iis* ediderunt.

c. 51, 1: *quod minus* ex P. Manutii correctura scribendum esse Nipperd. docuit Proll. p. 58; *quo minus*, quod codd. exhibent, Frigell et Holder retinuerunt.

c. 53, 1: *milia passuum ex eo loco circiter quinquaginta*] cum Oudendorpio *quinquaginta* pro *quinque*, quod codd. habent, scribendum esse, Orosii (VI, 7) et Plutarchi (Caes. 19) narratione evincitur. Frigell, Dinter, Dittenberger, Holder *quinque* retinuerunt, commoti fortasse Goeleri auctoritate (Caes. Gall. Krieg p. 54), sed cf. Napol. l. l. II, p. 93, 1. — ib. *pervenerunt*] libri quidem melioris notae (α Hold.) *pervenerint* habent, idque post Oudendorpium nunc Holder edidit, sed coniunctivus pravae modo doctrinae veterum interpretum deberi videtur, qui sententiae per *prius* — *quam* adiunctae finalem vim inesse rati, hunc in finem vel perfecti coniunctivum aptum esse putarunt. rectius ille fecit, qui in cod. Leid. *pervenirent* scripsit. — §. 4. *utraque in ea fuga periiit. Fuerunt duae filiae*] sic iam cum recentioribus editoribus ex A. Hugii coniectura scripsi. Frigell codd. scripturam *utraque* ... *perierunt*. *Duae filiae* retinuit.

B. G. II, 1, 1: [*in hibernis*] ut in superiore editione inclusi; retinuit Frigell.

c. 3, 1: *Andecumborium* scripsi secutus Glückium (Kelt. Namen p. 31).

c. 6, 2: *testudine facta [portas] succedunt murumque subruunt*] *portas* cum Kranero et Dintero inclusi; codicum scripturam *portas succedunt*, quam Frigell et Holder retinuerunt, Goeler l. l. p. 62 defendere studuit, sed frustra quaeras, quem in usum muri subruendi fuerint, cum portis igne dirutis aditus iam in oppidum esset datus. cf. VII, 11, 8: Caesar legiones ... portis incensis intromittit atque oppido potitur.

c. 10, 4: *consilio convocato*] sic iam secundum optimos codices cum recentioribus editoribus scripsi; antea cum Nipperdeio *concilio* receperam.

c. 15, 4: *nihil pati vini reliquarumque rerum ad luxuriam pertinentium inferri*] verba *ad luxuriam pertinentium* licet in optimis libris non legantur, tamen necessaria esse ut *reliquarum* habeat quo accuratius definiatur, et ut

sequens enuntiatum *quod iis rebus relanguescere animos et remitti virtutem existimarent* iure dictum videatur, in superiore editione contra Nipperdeium monui. recentiorum editorum unus Frigell verba illa omisit. — Vocem deinde *eorum* cum Nipperdeio inclusi.

c. 17, 5: *non omittendum sibi consilium*] retinui *sibi*, quod cum desit in cod. Bong. et Moissac., Frigell, Dinter, Holder omiserunt.

c. 19, 2: *quod ad hostes appropinquabat*] cum praepositio *ad* in libris melioris notae non legatur, Frigell *hostibus*, Dübna. Kran.-Dittenb. Hold. *hosti* scripserunt. sed cum deteriores libri *quoad* habeant, admodum verisimile est, in archetypo prioris classis codicum praepositionem AD cum antecedente QVOD coaluisse. Oudendorpius accusativi formam *hostis*, quae perperam subiectum verbi *appropinquabat* habebatur, causam loci corrumpendi praebuisse censebat. — §. 5: *neque nostri longius, quam quem ad finem porrecta loca aperta pertinebant*] sic ut antea cum Nipperdeio scripsi, omisso quod ante *loca* in codd. legitur *ac*. Frigell *ac* et *aperta*, Dinter Holder *porrecta ac* deleverunt. — §. 6: *ut intra silvas aciem ordinesque constituerant atque ipsi sese confirmaverant*] particulam *ita*, quae in Bong. et Floriac. inepte ante *constituerant* addita est, ante *ut* posuerunt Kraner (Tauchn.) et Holder. sed alterum sententiae membrum *ut... ipsi sese confirmaverant* obstare, quominus comparativam vim particulae *ut* tribuamus, docui in libro 'die Construction der lat. Zeitpartikeln' Ed. 2 p. 29 sq.

c. 20, 1: *vexillum proponendum [quod erat insigne, cum ad arma concurrere oporteret]*] haec verba, quae iam Aldo, Lipsio, Grutero suspecta erant, cum Holdero inclusi.

c. 21, 3 *adigi*] codd. *adici*; *adigendi* verbum hic itemque III, 13, 8. 14, 4 ponendum esse docuit Madvig.

c. 24, 4: *nostras legiones*] etiamsi non nego *nostras* omitti potuisse, litem tamen, quam inde ab Aldo editores huic pronomini intenderunt, neque antea neque nunc eam existimavi, ut *invitis optimis* libris eicerem vel cum Holdero in *nostra mutarem et ad antecedens castra* traherem.

c. 25, 1: *nonnullos novissimos deserto proelio excedere*]] cum *nonnulli* illi, qui proelio excesserunt, nonnisi *novissimi* esse potuerint, sic potius scibere malui, quam recipere vel quod ex uno Bong. vulgari solet *nonnullos ab novissimis deserto proelio excedere* vel quod reliqui libri habent *nonnullos ab novissimis desertos pr. exc.*; parum placet quod Klussmann coniecit, Dittenberger recepit *nonnullos ab novissimis deserto loco proelio excedere*; grata quidem sed audacior videtur Guil. Pauli coniectura *desperato proelio*. — §. 2: *scuto* [*ab novissimis uni*] *militi detracto*]] Kraner auctore Vielhabero *uni* delevit, Dinter Holder *militi* incluserunt; gravissima vero offensio verbis *ab novissimis* inest, cum nonnisi sensu partitivo accipi possint, itaque hunc ablativum et simul otiosum illud *uni* inclusi. — sequentia verba *quod ipse eo sine scuto venerat* interpreti cuidam deberi, iure contendit Guil. Paul (Ztschr. f. d. Gymnw. 1878, t. 32, p. 161 sqq.)

c. 27, 2: *horum adventu tanta rerum commutatio est facta, ut nostri etiam qui vulneribus confecti procubuissent, scutis innixi proelium redintegrarent; tum calones perterritos hostes conspicati etiam inermes armatis occurrerunt; equites vero ut turpitudinem fugae virtute delerent, omnibus in locis pugnant, quo se legionariis militibus praeferrent.*]] repeto, quae de hoc loco olim contra Nipperdeium disputavi, qui ex deterioribus codd. *occurrerent* recepit et verba *pugnant quo* exulare iussit. 'Qualis proelii commutatio sit facta et qui pugnandi ardor militibus additus sit, inde satis aperitur, quod *etiam qui vulneribus confecti procubuissent, scutis innixi proelium redintegrarent*; neque eos, qui nondum vulneribus quominus pugnarent impediabantur, conspectis legionibus subsidio appropinquantibus iam segnius pugnasse, per se patet. quod cum continuo esset factum, ut novo ardore legionarii etiam vulneribus paene confecti proelium continuarent, id quod iam calones et equites praestiterunt, eodem temporis momento fieri nequivisse, vix est cur demonstrarem. calones enim et equites fuga in omnes partes dissipatos non prius in proelium revertisse quam illa iam facta esset rerum commutatio, ipsis verbis *tum calones perterritos hostes conspicati* elucet. itaque tan-

tum abest, ut in iis quae de calonibus et equitibus referuntur, eandem enuntiationis constructionem continuari necesse sit, ut iure arctiore nexu solvantur; sic demum particula *tum*, quae recepta lectione *occurrerent* vix toleranda videtur, optime se habet. neque est cur verba *equites vero, ut turpitudinem fugae virtute delerent, omnibus in locis pignant, quo se legionariis militibus praeferrent* suspicione premantur. qui enim in eo, quod equites in omnibus locis pugnabant, nihil inesse arbitrantur, quod in eorum laudem vertatur, parum respicere videntur equestris proelii naturam, cum si ulli militum generi certe equitibus et locorum ubi pugnent, et adversariorum, quibuscum configant, ratio sit habenda. haud parvi igitur momenti ad turpitudinem fugae delendam erat, quod equites locorum et adversariorum ratione posthabita *omnibus* locis etiam iniquis tamquam legionarii milites pugnabant, quo se his praeferrent. (de iniqua loci natura et c. 22 et c. 19 satis monitum est.) denique quod ad temporum inaequalitatem attinet *tum calones ... occurrerunt, equites vero ... omnibus in locis pignant*, ea neque non ex Caesaris consuetudine est (vide locos, quos Kraner ad b. c. I, 65, 1 adscripsit), et ipsis rebus aptissima esse videtur; alterum enim, quod de calonibus praedicatur, tamquam temporis momentum obtinet; quod vero de equitibus refertur, continuitatis significatione aegre careret. ceterum cf. quod de natura et vi praesentis historici disputavi in libello 'Studien auf dem Gebiete der lat. Synt.' p. 14 sq. — qui *pugnarunt* receperunt, quod in nullo codice exstat, Caesarem correxisse videntur.

c. 32, 3: *re nuntiata*] sic codd.; Holder ex coniectura Guil. Pauli *re renuntiata* edidit.

c. 33, 2: *repentinam ... eruptionem* scripsi, cum adverbium *repentino*, quod codd. habent, Caesaris sermoni alienum, adiectivum vero *repentinus* tritissimum sit.

c. 34: *Venellos* scribendum esse pro codicum *Unellos* Glück docuit l. l. p. 165. — ib. *deditionem* ut antea secundum codd. scripsi. Nipperdey, Kraner, Dinter vulgatum *dicionem* ediderunt.

c. 35, 3: *quaeque civitates*, quod optimi libri habent, omnes post Frigellium editores receperunt; antea *quae civitates* vulgabatur. — §. 4: *dies quindecim supplicatio decreta est*] Frigell, Dübner *dierum*, Dinter, Kran.-Dittenberger in *dies* scripserunt; retinui librorum scripturam, cum accusativus temporis substantivo verbali appositus non magis mirus sit, quam accusativus vel ablativus loci cum verbalibus motum significantibus constructus.

B. G. III, 1, 6: [*ad hiemandum*] delevit Kraner.

c. 8, 4: *acceperint* cum Frigellio scripsi, cum *acceperant*, quod libri meliores habent, ratione grammatica dissuadeatur.

c. 9, 3: quae post *cognito Caesaris adventu* in codicibus leguntur *certiores facti* documento sunt, etiam in optimos libros inepta interpretamenta irrepsisse. — ib. §. 6: *quam plurimum*] vocem *quam*, quae in codicibus inepto loco ante *Romanos* legitur ideoque ab omnibus hucusque editoribus omissa est, de loco suo casu demotam ratus ante *plurimum* posui.

c. 12, 1: *cum ex alto se aestus incitavisset, quod [bis] accidit semper horarum XII spatio*] *bis* iam cum Nipperdeio includere malui quam parum gratam Hugii recipere coniecturam *quod is accidit*. arrisit hoc recentioribus inde ab Dübnero editoribus. in priore editione sententiam ita adornaveram, ut post *accidit* incidendo verba *semper horarum XII spatio* explicationi inservire facerem.

c. 13, 6: [*hae*] del. Frigell. — de scriptura *adigebatur* §. 8 et *adigi* c. 14, 4 v. supra ad II, 21, 3.

c. 20, 1: *quae pars . . . est tertia Galliae aestimanda*] recepi hanc a Dübnero in adnot. crit. propositam lectionem; libri habent *ex tertia Galliae est aestimanda*. — §. 2: *multis praeterea viris fortibus Tolosa et Narbone, quae sunt civitates Galliae provinciae finitimae, [ex his regionibus] nominatim evocatis*] verba inclusa ex interpretamento orta existimo. Nipperdeius Ciacconium secutus voculam *ex* delevit et *his regionibus* cum antecedentibus coniunxit.

c. 21, 3: *aerariae secturaeque*] *secturaeque*. quod codd. habent, alii alio modo temptarunt. Oudendorpius ommissa particula *que* edidit *aerariae secturae*, Schneider *aerariae structuraeque*; Nipperdey suspicionis signo illis vocibus appicto in adnotatione critica *ferrariaeque* scribendum proposuit; Kraner Jungermannianam repetiit lectionem *aerariae structuraeque*. particulam *que* cum non nisi mera libidine eicere liceat, neque Oudendorpii neque altera quam Kraner amplexus est ratio placere potest. cum vero *que* retinetur, aliud fodinarum genus adiungi necesse est; quapropter Schneideri et Nipperdei coniecturae abiciendae sunt, cum et *structurae* et *ferrariae* idem atque *aerariae* fodinarum genus significant. optime vero librorum lectio se habere videtur, si quidem *secturas* de lapicidinibus subterraneis intellegimus. quales sunt quae Parisiis et Mosae Traiecti in monte Sti Petri exstant, et quae catacombae dictae Romae, Neapoli, aliis Italiae locis inveniuntur. cum sic in priore editione librorum scripturam tutari studuissem, Dübner et Dinter verbis mihi assenserunt, etiam Holder *secturae* posuit.

c. 23, 2 reliquisque locis, ubi *quoquo versus* (*versum*) legi solebat (b. G. VII. 4, 5. 14, 5. b. c. I, 25. 6. 36, 2. II, 8, 2. b. Afr. 24, 3), Nipperdey *quoque versus* recepit, hac in re non tam libros respiciendos esse ratus, quam ipsam dictionis rationem. ex ratione autem *quoquo versus* tum demum recte dici censuit (p. 71), cum sententia esset relativa; in definita ut *quisque* pro *quisquis*, sic *quoque versus* pro *quoquo versus* dici necesse esse. iam cum quantum scio *quoquo versus* nusquam in relativa enuntiatione occurrat, in perpetuum ex latinae linguae thesauris exulare iuberetur. at recte Schneider ad b. G. VII, 4, 5 monuit, *quoquo versus* extincta relativa potestate 'wohin auch immer gewendet' factum esse unum indefinitae significationis vocabulum 'überall hin'; pari ratione et *quoquo* et *quicumque* interdum adhiberi in sententiis non relativis. adiungi potest etiam *quisquis* pro *quisque* inveniri, et si rem ad vivum resecamus, primariam ipsius pronominis *quisque* et adverbiorum *ubique*, *utique* notionem relativam dici necesse est, cum proprie significaverint 'wer auch', 'wo auch',

'wie auch'. ceterum conferas quae Neue (Lat. Formenl. II² p. 635) de usu dictionum *quoque versus* et *quoquo versus* et apud scriptores vetustiores et in lapidibus conguessit. recentiorum editorum Kraner, Dübner, Dinter, Holder cum Nipperdeio fecerunt, Frigell *quoquo versus* edidit.

c. 24, 5: *cum sua cunctatione [atque opinione timidiore] hostes nostros milites alacriores ad pugnandum effecissent*] Nipperdey et plerique deinceps editores R. Stephani receperunt coniecturam *opinione timoris*. at cum rectissime dictum sit *opinionem timoris praebere* — *confirmare* — *augere* (b. G. III, 17, 6. 18, 1. V, 57, 4), vereor ut logicae rationi respondeat ablativus ille *opinione timoris aliquem alacriorem ad pugnandum facere*. in prior editione librorum scripturam sanari posse putaveram eicienda particula *atque*; sed loco iterum iterumque perputato iam mihi persuasum est verba *opinione timidiore*, quae et superflua sunt et ratiocinationem quandam produnt, ab interprete quodam adscripta esse; itaque ea seclusi.

B. G. IIII, 1, 9: *cum a pueris nullo officio aut disciplina assuefacti nihil omnino contra voluntatem faciant*] codd. *quod... faciant* habent; sed cum in descriptione, ubi Caesar, quae de Sueborum moribus comperta habuit, cum fide historica proponit, locus esse nequeat coniecturae, qualem sententia *quod... faciant* contineret, cum Nipperdeio *cum (quom)* scripsi.

c. 2, 2: [*Germani*] inclusi auctore Hugio Mus. Rh. XVII, p. 319. — ib. *parva* cum Nipperdeio ex deterioribus libris recipiendum esse duxi; *prava* enim, ut edi solet, iumenta dici nequeunt, quae quamvis deformia cotidiana tamen exercitatione *summi fiunt laboris*. *prava* ex Holderi codicibus nonnisi qui literula B¹ comprehenduntur aperte praebent; lecto vero codicum principis familiae (*p'aua* Bong., *pua* Moissae) potius documento est, e compendio male soluto illud *prava* et *parua* effectum esse.

c. 3, 3: *Ubi, quorum fuit civitas ampla atque florens... et paulo, quam sunt eiusdem generis, [et ceteri] finitiores*] haec verba, quae alii aliter sanare studuerunt,

que ipse olim scribendo *etiam ceteris* (sc. *rebus*) corrigere mihi posse videbar, iam eo corrupta esse puto, quod *ceteri* ex interpretatione verbis *quam eiusdem generis* superscripta in textum irrepsit. sententia iam hoc modo decurrit, ut verbis *et paulo* — *humaniores* novissima illa *et ipsi* — *Gallicis sunt moribus assuefacti* respondeant.

c. 7, 3: [*haec*] deest in cod. Bong.; delevit Kraner.

c. 8, 1: *cum iis*] optimi quidem libri cum *his* praebent, sed in distinguendis *iis*, *is*, *his* formis librorum auctoritas fere nulla est, cum sescentis locis pravae librariorum pronuntiationi aspiratae quas dicimus formae debeantur.

c. 10, 1: *Mosa profluit ex monte Vosego, qui est in finibus Lingonum, et parte quadam ex Rheno recepta, quae appellatur Vacalus, insulam efficit Batavorum, neque longius ab Oceano milibus passuum LXXX in Rhenum influit.*] ante neque in codicibus leguntur verba *in Oceanum influit*; haec margini adscripta fuisse ut quod Caesar minus recte de confluyente Mosa cum Rheno rettulisse videbatur, corrigetur, iam in priore monui editione.

c. 22, 3. De hoc loco in priore editione haec adnotavi: 'satis difficilia visa sunt Nipperdeio, quae in codicibus leguntur: *navibus circiter LXXX onerariis coactis contractisque, quot satis esse ad duas transportandas legiones existimabat, quod praeterea navium longarum habebat, quaestori legatisque attribuit.* non modo enim hoc mirum videri, quod ad unam rem designandam duo verba *cogere* et *contrahere* sint adhibita, verum etiam aliam accedere difficultatem, quod cum hoc loco non nisi navium onerariarum mentio fiat, c. 29, 2 *longae naves* commemorentur, quibus Caesar exercitum transportandum curaverit. rationem autem, qua sibi has difficultates expedire posse videbatur (p. 76), ut contractas naves non easdem dici statueret, quae coactae erant, LXXX onerarias, sed naves generaliter, verba autem *quot satis esse ad duas transportandas legiones existimabat* ad alterum modo participium *contractis* referret, eiusmodi medicinam ipso malo tristiores existimo. contra omnia expedita videntur, ubi *contractisque*

corruptum esse statuimus ex *constratisque*¹⁾; has iam naves *constratas* illas longas esse, de quibus c. 29 refertur, non est quod pluribus aperiā.

c. 23, 3: *montibus anguste mare continebatur* ¶ *anguste* scripsi pro *angustis*, quod codd. praebent. mitto quaerere, num omnino montes *angusti* dici possint; at certe ex tali montium natura nondum efficeretur, cur 'ex locis superioribus in litus telum adigi potuerit.' hoc tum demum aperitur, si mare montibus *anguste* continebatur, ita ut ipsi litori immi-nerent.

c. 26, 1: *perturbantur* ¶ de hoc praesente historico, quod optimi libri habent, vide quod adnotavi in libello 'Studien auf dem Gebiete der lat. Syntax' p. 30 n. 40; vulgo *perturbabantur* editur.

c. 27, 4: *remiserunt et in petenda pace eius rei culpam in multitudinem coniecerunt et — ut ignosceretur petiverunt* ¶ cum Nipperdeio et post *remiserunt* inserere malui quam abrupto modo ex verbis *in petenda pace* novam incipere sententiam.

c. 34, 1: [*novitate pugnae*] inclusi, cum aperte interpretamentum sit verborum *quibus rebus*.

B. G. V, 1, 2: *ad onera ac multitudinem — transportandam* ¶ ac Schneider ex deterioribus aliquot codicibus recepit; optimi libri *ad mult.* habent, quod Nipperd. retinuit.

c. 2, 3: [*transmissum*] a Faerno deletum ex recentioribus editoribus unus Frigell ut genuinum retinuit.

c. 7, 8: *ille iam revocatus resistere ac se manu defendere suorumque fidem implorare coepit* ¶ cum in antecedentibus narratum sit, Caesarem Dumnorigem, si vim faceret neque pareret, interfici iussisse, etiam patet, sequentem sen-

¹⁾ Miror cur Kraner et Dinter adnotaverint, me ex Kochii coniectura *constratisque* scripsisse. primum enim volumen, commentarios de bello Gall. continens, media aestate a. MDCCCLVI publici iuris feci (praefatus sum 'Graecii Kal. Sext. a. MDCCCLVI'); Kochii vero animadversiones ad locos aliquot Caesarianos insertae sunt novissimae Tomi XI. Mus. Rhen. sectioni, quae initio demum anni 1857 in lucem prodiiit.

tentiam non per *enim*, quod libri habent, adiungi potuisse. quod A. Spengel et Ern. Schulze proposuerunt (Philol. t. XXXII p. 368. XXXIII p. 730), ut sententiae transplicerentur: *illi, ut erat imperatum, circumstant hominem atque interficiunt. ille enim revocatus resistere.....coepit*, iam propter verbum *coepit* reiciendum est, pro quo *coeperat* scribendum, vel finitis formis *restiterat* — *defenderat* — *imploraverat* utendum erat. Frigell cum vetustioribus editoribus *ille autem* scripsit. Fleischeri coniecturam *ille minus* ab Holdero receptam iure reprobavit Ioan. Gilbert (Ann. phil. t. CXXIX, p. 415); quod vero ipse proposuit *identidem*, non magis probaverim, cum nec verisimile sit Dumnorigem iterum iterumque revocatum esse, neque ipsum illud adverbium in hunc sensum plane quadret. *identidem* enim non de re modo iterata, sed de re iterum eodem modo facta ('wieder in gleicher Weise') usurpare licet. itaque pro tradito *enim* malui scribere *iam*.

c. 9, 1: *praesidio navibus Q. Atrium praefecit* || hanc librorum scripturam, quam in priore editione contra Nipperdeum defenderam, etiam nunc sanissimam iudico, licet Kraner aliique editores cum Nipperdeio *praesidio navibusque* scripserint. interest aliquid num quis *navibus praeficiatur an praesidio praeficiatur navibus* utpote vacuis. quod si Nipperdeio hanc ob causam inepte dictum videbatur, 'cum in uno homine nullum posset esse praesidium', idem esset iudicandum de loco VII, 49, 1, ubi nulla copiarum mentione facta unus legatus T. Sextius *castris praesidio relictus* dicitur. paulo aliter comparata sunt quae VI, 29, 3 leguntur: *ei loco praesidioque G. Volcatium Tullum praefecit*. hic enim iure locus, sc. pons in flumine Rheno factus, qui ex parte tantum rescissus turri quattuor tabulatorum et magnis munitionibus a Caesare firmatus erat, et *praesidium* cohortium duodecim pontis tuendi causa positum distinguuntur, ita ut Volcatius recte et loco, i. e. ponti eiusque munitionibus, et copiarum praesidio praefectus esse dicatur. — ib. §. 4: *ut videbatur* || retinui ut in superiore editione hanc vulgatam scripturam, quam libri optimae notae tuentur Bong. et Moissac.; idem ediderunt Frigell, Dübner, Holder. *videbantur*, quod Floriac.

et aliquot deteriores codd. habent, cum Nipperdeio Kraner et Dinter receperunt.

c. 11, 4: *ut quam plurimas possit... naves instituat*] meliores quidem libri *posset* exhibent, sed coniunctivum praesentis necessarium esse docui in libello 'Studien cett.' p. 40, n. 49.

c. 12, 1: *Britanniae pars interior ab iis incolitur, quos natos in insula ipsa memoria proditum dicunt, maritima pars ab iis, qui praedae [ac belli inferendi] causa ex Belgio transierant*] Nipperd. et plerique recentiores editores *ipsi* scripserunt. at licet meliores codices *ipsi* habeant, tamen cum *pa rum* referat, qui memoria illud proditum dicant, immo primaria sententiae vis in eo versetur, quod incolarum pars in insula *ipsa* nata, pars ex Belgio advenisse dicatur, *ipsa*, quod codd. Leid. 1, Scalig., Cuiac. praebent, ut olim sic etiam nunc praefendum esse duxi. — verba [*ac belli inferendi*] spuria esse docuit Heller (Philol. XVIII p. 502. — *ib. transierant*] perfectum *transierunt* Nipperd. et Frigell ex deterioribus aliquot codicibus receperunt; attamen plusquamperfectum non modo optimorum librorum auctoritate nititur, sed etiam ipsa temporis ratione flagitur, si quidem cum sequentibus *permanserunt* — *colere coeperunt* comparatur. — *ib. §. 4: utuntur aut aere [aut nummo aureo] aut taleis ferreis*] verba inclusa ab superioribus editoribus explosa nunc eo defendi solent, quod teste Mommseno (Hist. rei Roman. numm. p. 683) in Britannia reperti sint nummi aurei Caesaris aetate vetustiores. qua de re quamquam iudicium ferre nequeo, tamen parum verisimile videtur Caesari de Britannorum nummis aureis quidquam compertum fuisse, si quidem Cicero vel ab ipso Caesare vel a Quinto fratre per litteras ex Britannia datas edoctus est, 'in Britannia nihil esse neque auri neque argenti' (ad fam. VII, 7, 1), et 'neque argenti scripulum esse ullum in illa insula neque ullam spem praedae nisi ex mancipiis' (ad Att. IV, 16, 13). ceterum sat facile intellegitur, unde ille *nummus aureus* in Caesaris locum sit illatus, cum enim vocis *aere* superscriptum esset *nummo aereo* idque iam a librariis in ipsa Caesaris verba insereretur, orta est illa

lectio, quam codices ab Holdero per β notati exhibent, *aut aere aut nummo aereo*; inde iam per correcturam effectam esse lectionem *nummo aureo* in propatulo est.

c. 16, 3: *equestris autem proelii ratio et cedentibus illis et insequentibus par atque idem periculum inferebat*]] cum §. 2 dictum sit, *illos*, sc. Britannos, *etiam consulto plerumque cedere*, participia *cedentibus* et *insequentibus* ad Britannos pertinere ratus *illis* inserui. Tittler (Ann. phil. LXXXI, p. 506) totam sententiam glossema esse censuit.

c. 19, 2: *omnibus viis notis semitisque*]] ut in prior editione *notis* cum Schneidero ex deterioribus codicibus recipiendum esse duxi, quod eo omisso plane inepte narratur, nullam viam semitamque fuisse, qua non Cassivellaunus esse-darios ex silvis emiseric. ablativis illis *omnibus viis notis semitisque* causam indicari, cur Cassivellauni condicio melior fuerit Romanorum, et unde factum sit, ut ex inopinato esse-darii ex silvis proruperint, recte monuit Schneider.

c. 25, 3: *tertium iam hunc annum regnantem inimici, etiam multis palam ex civitate auctoribus, [eum] interfecerunt*]] sic scribendum esse duxi, cum in codd. lectione *inimicis iam multis palam ex civitate et iis auctoribus eum interf.* aegre feras, quod subiectum desit, obiectum vero bis sit positum. — ib. §. 5: *interim ab omnibus legatis quibusque legiones tradiderat*]] retinui *quibusque*, quod in prior editione pro *quaestoribusque quibus* scribendum esse conieci. inepte hic de quaestoribus mentionem fieri, cum satis constet in singulis provinciis singulos fuisse quaestores, neminem fugit. quapropter Ciacconius singulari numero *quaestoreque* scribi iussit, idque et Nipperd. et alii deinceps amplexi sunt editores. sed parum verisimile est, mero errore singularem vocis numerum in pluralem abiisse, potius hic idem accidisse puto, quod infra c. 53, 6 factum est in verbis *ab L. Roscio quaestore, quem... praefecerat*, ubi *quaestoris* vocabulum, ut recte monuit Oudend., ex compendio sequentis pronominis relativi per errorem repetito enatum est. itaque suspicatus sum *quaestoribusque* ex compendio $\overset{1}{q}b'q$; ortum esse, quo facto

etiam necesse erat ut denuo *quibus* adderetur. Kranero quidem pluralis numerus *quibusque*, cum de uno P. Crasso intellegi debeat, non aptior visus est quam quod codices habent *quaestoribus*, sed interest aliquid, opinor, utrum per *quaestores* unus modo quaestor designetur, an infinite de iis moneatur qui copiis praefecti sint, licet unus modo nominandus fuerit. ceterum dubitari potest, utrum L. Roscius ille, cui Caesar legionem 'in pacatissimam et quietissimam partem ducendam dederat', quique falso c. 53, 6 in libris quaestor dictus est, in ipso legatorum numero fuerit.

c. 27, 9: *ipsorum esse consilii, velintne cett.*] libri quidem *consilium* habent, sed genetivum necessarium esse puto, cum ex hoc demum recte dependeat sententia interrogativa *velintne cett.*

c. 28, 4: *quantasvis copias etiam Germanorum*] sic ut ante cum Schneidero scripsi pro eo, quod codd. habent quodque Nipperd. retinuit *quantasvis, magnas etiam G. c. Frigell magnas etiam* delevit.

c. 29, 7: *haberet* cum in omnibus codicibus legatur, miror cur Nipperd. et recentiores editores R. Stephanum secuti *habere* scripserint. interrogatio enim quae dicitur rhetorica in oratione indirecta per infinitivum enuntianda adest quidem in verbis c. 28 novissimis: *postremo quid esse levius aut turpius, quam auctore hoste de summis rebus capere consilium*, quippe quae verba idem valeant atque si dictum sit *nil esse levius aut turpius cett.*; nostro vero loco de re admodum dubia quaeritur, utrum ex Cottae consilio salutem sperare liceat, an ex eo eventurum sit, ut si non praesens periculum at certe longinqua obsidione fames sit timenda. itaque infinitivus in huiusmodi interrogatione plane soloecus est.

c. 31, 3: *res disputatione ad noctem perducitur. omnia excogitantur, quare nec sine periculo maneat, et languore militum ex vigiliis periculum augeatur*] verba *omnia... augeatur* ex Lüdeckii sententia (Ann. phil. CXI, p. 429 sq.) hic inserui, quod cum iam narratum sit probata Sabini sententia et pronuntiato, ut prima luce castra relinquuntur, militum quemque circumspexisse quid secum portare

quid relinquere cogeretur, continuari nequit *omnia excogitantur e. q. s.* vitiosam etiam duxi librorum scripturam *languore militum et cigiliis*, quapropter et in *ex* mutavi. Holder Guil. Paulum secutus totum locum inde ab *omnia* usque ad *augeatur* ut spurium uncis notavit. — §. 5: [*Ambiorige*] glossema esse iure contendit Tittler.

c. 33, 6: *quae quisque*]] sic codd. Bong. et Moiss.; *quaeque quisque* reliqui libri habent idque Frigell, Dübner, Dinter receperunt, parum recte. cum enim tria sint enuntiata, quae pari modo ex illo *accidit* apta sunt, fieri nequit, ut alterum per particulam *que* adiungas, tertium sine particulae vinculo sequi facias.

c. 34, 2: *erant et virtute et saepenumero pugnando pares nostris; hi tametsi e. q. s.*]] codicum verba *erant et virtute et numero pugnandi pares: nostri*... retinuerunt Frigell et Holder; vellem etiam rationem genetivi *pugnandi* aperuissent. Hug (Mus. Rh. XVII, p. 321) verba *erant* usque ad *pares* delenda esse censuit utpote a lectore quodam margini adpicta, idque Dintero persuasit. Kran.-Dittenb. et Dob.-Dint. Davisii redintegrarunt coniecturam *studio pugnandi*. at cum sequente sententia narretur, quomodo Romani milites tum se gesserint et quae eorum virtus fuerit — ‘tametsi ab duce et a fortuna deserebantur, tamen omnem spem in virtute ponebant’ —, antecedentia de hostibus dicta esse debent. itaque respiciens ad ea, quae paulo post de cotidiana hostium exercitatione memorantur, verba ut supra posui emendanda esse duxi.

c. 40, 1: *qui pertulissent*]] *qui* scripsi pro *si*, quod codd. praebent. Guil. Paul *si qui* proposuit.

c. 42, 2: *quosdam de exercitu nacti captivos ab his docebantur*]] in priore quidem editione optimorum librorum scripturam *quosdam d. e. habebant c.* servaveram, sed cum enuntiatum apta constructione careat, nec veri dissimile sit *habebant* ex glossemate ortum esse voci *nacti* adscripto, iam cum Schneidero hanc deteriorum codicum lectionem recipere malui, quam cum recentioribus editoribus ex Whittii coniectura *quosdam* in *quos* mutare. Frigell ut explicaret,

unde mirum illud *quosdam* pro *quos* ortum esset, etiam magis miram recepit scripturam *quos clam*.

c. 44, 3: *exspectas*]] antea ut optimi libri habent *spectas* edideram; sed licet haec lectio defendi possit, aptius tamen videtur quod deteriores libri habent *exspectas*, idque et Nipperdey et omnes fere recentiores ediderunt.

c. 46, 3: *qua sibi iter faciendum sciebat*]] *sciebat* non nisi deteriores libri habent, in optimis verbum omissum est. Helleri coniecturam *qua sibi scit iter faciendum*, quam Dinter alique editores receperunt, plane reprobendam esse docui in libello 'Studien cett.' p. 36, 47.

c. 47, 4: *veritus ne, si ex hibernis fugae similem profectionem fecisset, hostium impetum sustinere non posset*]] optimi codd. ante *hostium* etiam particulam *ut* habent, unde patet duas illas confusas esse constructiones *veritus ... ne non posset* et *... ut posset*. cum autem omnes libri in verbis *non posset* consentiant, dubitari nequit, quin genuina lectio *ne ... non posset* fuerit. antea cum Nipperdeio nimiam triuens vim particulae *ut* voolas *ne ... non* ieieeram.

c. 49, 1: *haec erant armata circiter milia LX*]] sic iam in priore scripsi editione Fleckeisenum secutus Mus. Rh. VII, p. 280. Bong. *haec*, reliqui libri *hae*, omnes vero *armatae* habent. hanc codicum scripturam Schneider, Whitte Frigell retinuerunt. Nipperdey *hae erant armata* scripsit; ante eum *eae erant armatorum* vulgabatur. — §. 8: *quo commodissime itinere vallem transire possit*]] libri quidem meliores *valles*, omnes vero *transire* habent; itaque cum vel in priore vel in altero vocabulo erratum sit, ut in priore editione lectionem praetuli, quae rei ipsi aptior videtur. speculatoribus enim dimissis Caesar non id exploraturus erat, quod iter omnino commodissimum esset per vallem (hic sensus inest lectioni a Frigellio et Dintero probatae *quo commodissime itinere valles transiri possit*), sed quo itinere ipse cum hostes trans vallem consedisent, commodissime i. e. minore cum periculo vallem rivumque transire posset (cf. c. 50, 3).

c. 54, 5: *quod [ei], qui virtute belli omnibus gentibus praeferebantur*]] vocem *ei*, quae in deterioribus libris omittitur, ab interprete insertam esse ratus seclusi.

c. 56, 2: *hoc more Gallorum est initium belli: quo lege communi omnes puberes armati convenire consuerunt, qui ex iis novissimus convenit, cett. necatur*]] aliter atque vulgo fit verba distinxi commate modo post *consuerunt* posito, ubi semicolon adhiberi solet. verba enim sic construenda sunt, ut ex *quo* supplendum sit *eo*: *quo... convenire consuerunt, qui eo novissimus convenit cett.* ne *quo* ad antecedens *armatum concilium* trahatur, non modo interposita sententia *hoc more e. q. s.* verum etiam *eo* vetatur, quod inepte dictum esset ad armatum concilium consuesse puberes armatos convenire.

B. G. VI, 4, 3: *quod ... arbitrabatur*]] praesens *arbitratur*, quod codicum auctoritate permoti Schneider, Kraner, Dinter, Holder receperunt, grammaticis legibus repugnare docui 'Studien' p. 29 sq.

c. 11, 2: [*partibusque*] cum in partitione illa *civitatis pagis domibus* inter *pagos* et *domos* locus esse nequeat *partibus*, iure hoc vocabulum Davisius delendum esse censuit.

c. 12, 5: *imperfecta re*]] sic optimi libri. Nipperdey ex paucis deterioribus codicibus *infecta re* edidit. de utriusque lectionis differentia quantum satis Schneider disseruit in adnot. ad h. l.

c. 13, 3: *nobilibus. In hos*]] Caesarem corrigere nolui inserendo *invitis* codicibus vel *quibus* post *nobilibus*, quod Dinter proposuit, vel *eisque*, quod aliis placuit.

c. 14, 1: *Druides a bello abesse consuerunt neque tributa una cum reliquis pendunt, [militiae vacationem] omniumque rerum habent immunitatem*]] cum *militiae vacatio* iam significata sit eo, quod Druides 'a bello abesse consue-runt', iure illa verba delenda esse censuit Guil. Paul. genuina vero sequentia verba existimo, cum *immunitas* non modo ad *tributa* verum etiam ad alia onera et munera civibus subeunda pertinere possit. — §. 3: *vicenos* ut in priore edi-

tione cum Nipperdeio secundum deteriores codd. scripsi, cum numeri signum 'xx', quod Bong. et Moiss. habent, properandi studio librariorum deberi videatur.

c. 17, 3: *qui superaverint* || codd. scripturam *quae superaverint* Schneider et Holder retinuerunt; *quom (cum) superaverunt* Clarkio auctore Nipperdey, Kran.-Dittenberger ediderunt. lectio a me iam in superiore editione proposita et proxime ad librorum scripturam accedit et sensui aptissima videtur, cum sic ea pars significetur, quae victoria reportata iam votis damnata est. quod vero Dinter hanc lectionem ut falsam notavit, nescio an eo commotus fuerit, quod non de duabus Gallorum partibus, sed de Gallis omnino bellum cum externo quodam hoste gerentibus cogitandum esse censeret; at ipsas Gallorum gentes proeliis inter se depugnasse c. 12 narratum est, et quae c. 15, 1 de bellis monentur, quae ante Caesaris adventum quotannis accidere solebant, cum iniuriae aut inferrentur aut illatae propulsarentur, non minus de Gallorum populorum simultatibus, quam de expeditionibus contra finitimas gentes susceptis intellegi possunt.

c. 22, 2: *cum una coierunt* || cum scripsi pro eo, quod codd. habent, *qui cum* vel *quique*. Nipperdey vulgatam scripturam *qui una* retinuit, Frigell *qui communiter coierunt* coniecit. quod Heller excogitavit et Dübner, Dinter, Holder probarunt, *qui tum una coierunt*, plane abhorret ab enarranda re quotannis repetita.

c. 23, 9: *qui quacumque de causa ad eos venerunt, ab iniuria prohibent* || *quacumque* ut antea cum Nipperdeio secundum codices deteriores scripsi; *quaque*, quod codd. melioris notae habent, cum Oudendorpio retinuerunt Kran.-Dittenberger, Holder, Dob.-Dinter.

c. 24, 4; *nunc quoque in eadem [inopia] egestate patientiaque Germani permanent* || lectio codicum *nunc quod* inepta est; sequentia enim *eodem victu et cultu corporis utuntur* epexegesis superiorum continent non vero effectum. deinde vocem *inopia* uncis inclusi. cum *inopia* necessario *egestatem* pariat, alterum certe vocabulum superfluum est. at Germanos non *inopia* pressos sed ultro viliores et vic-

tum et cultum affectasse, apertis verbis c. 22 narratum est. eo iam redit, quod nostro loco cum laude praedicatur, Germanos *'nunc quoque in eadem egestate patientiaque permanere.'* id quoque respicias necesse est, quod eiecto demum vocabulo *inopia* verba *in eadem egestate patientiaque permanent* respondent sequentibus *eodem victu et cultu corporis utuntur*. ceterum facile intellegitur, illud *qua*, quod codices habent (*in eadem ... patientia qua Germani permanent*), inde ortum esse, quod subiectum verbi *permanent* antecedentes *Volcae Tectosages* visi sunt, cui sententiae ego quoque olim accesseram. Holder ex Helli coniectura *qua ante* edidit.

c. 29, 4: *si quid ... posset*]] olim Nipperdeum secutus *possit* scripseram; at sententiae rationi non nisi imperfecti coniunctivum, quem optimi libri praebent, convenire docui 'Studien' p. 96.

c. 31, 3: *hi insulis*]] *hi* iam in prior editione secundum optimos libros scripsi, *his* Nipperdey ediderat.

c. 33, 5: *possint ... possent*]] de his coniunctivis v. 'Studien' p. 23, n. 31 et p. 77.

c. 34, 8: *omnes evocat* cum Holdero secundum codices deterioris notae edidi; meliores habent omnes *ad se vocat*.

c. 39, 3: *nemo est tam fortis, quin rei novitate perturbetur*]] de hoc loco v. 'Studien' p. 48. Guil. Paul sententiam spuriam esse iudicavit. — §. 4: *despecta paucitate*]] sic codd.; Holder ex Pauli coniectura *dispecta* edidit.

c. 44, 3: *Agedinci* pro *Agedici* cum recentioribus iam scripsi editoribus secundum meliores codices. cf. Glück, 'Kelt. Namen' p. 15 sqq.

B. G. VII, c. 1, 1: *de Clodii caede de senatusque consulto*]] alterum *de* supplevit Aldus.

c. 8, 4: *quem perterriti omnes Arverni circumstant atque obsecrant, ut suis fortunis consulat, neu se ab hostibus diripi patiatur*]] antea cum Nipperdeio optimorum librorum scripturam *neve ab hostibus diripiantur* retinueram, sed cum sententiarum conformatio ea sit, ut in utraque Vercingetorix subiectum esse debeat, iam cum Schneidero

et plerisque recentioribus editoribus deteriorum codicum lectionem recepi. illa meliorum librorum verba ferri possent, si *ne pro neve* scriberetur: ... *obsecrant, ut s. f. consulat, ne ab hostibus diripiantur.*

c. 10, 1: *quod nullum amicis in eo praesidium videretur positum esse* || Kraner, Holder, Dob.-Dinter *videret* scripserunt; equidem *videretur*, quod in Bong. aliisque libris exstat, eo magis retinendum esse duxi, quod dictio *Galliam vidisse* paulo insolentior videtur.

c. 11, 3: *ea qui conficeret, C. Trebonium legatum relinquit. Ipse [ut quam primum iter faceret] Genabum Carnutum proficiscitur* || cum plane inepte dictum sit, Caesarem *ut quam primum iter faceret, Genabum esse profectum*, in prior editione verba *ut quam primum iter faceret* ante *ea qui conficeret* posui. Vahlen (Ephem. Gymn. austr. XII p. 2), quocum recentiores fecerunt editores, traditum verborum ordinem ferri posse censuit, dummodo mutata interpunctione finalis illa sententia cum antecedente enuntiatio coniungeretur. at cum iam mire collocatum videatur pronomen *ipse*, etiam magis displicet, quod hoc pronomine antecedenti sententiae inserto iam deest, quo apte sequentia *Genabum C. proficiscitur* superioribus opponantur. cum vero ipsum illud *ut quam primum iter faceret* non nisi id spectare videatur, ut licet sat superflue explicetur, cur Caesar Trebonium, qui ea conficeret, reliquerit, verba illa ut ex interpretamento orta iam uncis circumdedi.

c. 14, 5: *hoc spatio obvia* || sic iam scripsi pro *a Boia*, quod libri habent, et spero hoc modo et sensui optime consuli, cum iam accuratius definiantur vici atque aedificia, quae incendi oporteat, et mira illa librorum lectio *a Boia* unde orta sit iam aperiri. cum enim coaluisset litterula *o[buia]* cum finali *o* antecedentis vocabuli *spatio*, quae restiterunt litterae BVIA in BOIA correctae sunt praemissa constructionis causa praepositione *a*. probe quidem scio adiectivum *obvius* apud Caesarem nusquam exstare, sed casu id factum esse puto, quod nullo alio loco ei de *rebus obviis* iisque sua natura immotis monendum erat, semper modo de hominibus *obviam factis*. *obvios montes* habes apud Nepotem Eum. 9, 3.

c. 19, 2: *omnia vada eius paludis ac saltus*]] in codicibus verba *ac saltus* ante *eius paludis* posita sunt; quo ordine cum verba se excipere nequeant, ea ut in superiore editione transposui. Nipperdey ante *saltus* corruptelae signum posuit, cum quod unum a Caesare hic scribi potuisse existimabat *omnia vada ac transitus eius paludis*, in textum recipere dubitaret. Heller (Philol. XIII, p. 308) coniecit *ac salicta*, et certe, cum antea palus *impedita* dicta sit, eam partim *salictis* obsitam fuisse sat verisimile est; sed inde etiam concludere licet, non tam *salicta*, quippe quae transitum impedirent, obsidenda fuisse Gallis quam *omnia vada* eius paludis *salictis vacua*. saltus vero qui hic dicuntur eosdem esse atque *artiores* illas *silvas* c. 18, 3 commemoratas, vix est cur moneatur.

c. 20, 3: *loci opportunitate, qui se ipse sine munitione defenderet*]] sic ex Bentlei coniectura scripsi. libri *se ipsum* habent. Nipperdey corruptelae signum posuit; Kraner, Dinter *ipse ut*, Dübner, Holder *ipsa* scripserunt.

c. 21, 3: *paene eo*]] codd. fere omnes *penes eos* praebent, quam lectionem a Nipperdeio reprobata recentiores tamen editores praeter Kranerum retinuerunt. at contra hanc lectionem et infinitivus *constare* facit, cum futuri infinitivus necessarius esset, et sensus eam dissuadet. cum enim Galli solis Biturigibus communem salutem non esse committendam censerent, aperte significatur in retinendo oppido Avarico communem salutem versari (cf. c. 25, 1), et cum communis salus idem sit atque *summa victoriae*, efficitur *summam victoriae* ex opinione Gallorum retinendo illo oppido contineri. itaque iure Nipperdey et Kraner Clarkianam lectionem *paene in eo*, licet in codicibus tantum deterioris notae Andino et Oxon. insit, redintegrarunt. sed cum optimorum librorum lectio facilius explicetur, si *pene eo* a Caesare scriptum fuisse facimus, *eo* edidi. (*constare aliqua re*, ‘beruhen auf —’, et b. c. III, 14, 3 et apud Ciceronem aliosque scriptores invenitur.)

c. 24, 1: *aggerem [latum] pedes CCCXXX longum, altum pedes LXXX extruxerunt*]] certe incredibile est, aggerem pedes CCCXXX latum fuisse, contra admodum veri-

simile videtur, eum non nisi tot pedes longum fuisse, cum contra eam modo oppidi partem exstructus esset, quae *unum et perangustum aditum* praebebat (c. 15, 5). itaque *latum* inclusi et *longum* post numeri signum inserui; hic enim, cum statim sequatur *altum*, vix mireris, cur *longum* exciderit et cur, cum iam adiectivum mensuram indicans ante *pedes CCCXXX* deesse videretur, *latum* illud sit additum. quod vero agger *LXXX* pedes altus fuisse dicitur, tantam altitudinem necessariam fuisse, ut cum oppidi muro exaequaretur, recte contra Goelerum monuit Napoleo, Hist. de César II, p. 256, 1. cf. b. c. II, 1, 4 ubi narratur C. Trebonium, cum Massiliam oppugnaret, aggerem in altitudinem pedum *LXXX* extruxisse.

c. 27, 2: *legionibusque intra vineas in occulto expeditis*] codd. meliores *extra vineas* habent, ex correctura opinor librarii, qui *expeditis* per *emissis* fortasse interpretans legiones murum aggressuras non *intra* sed *extra vineas* expeditas esse censeret. altera deinde accessit correctura vocabulo *castra* super *vineas* scripto, unde enatum est, quod in codd. deterioribus legitur *extra castra vineas*. Helleri conjectura, quam Kraner, Dittenberger, Dinter, Holder receperunt, *inter castra vineasque*, iam eo refellitur, quod legiones hoc certe spatio inter castra et vineas *in occulto* expediri nequibant. cum enim vineae certis spatiis inter se distarent, fieri non poterat quin quae inter castra et vineas pararentur, per haec intervalla ab hostibus dispicerentur. *intra vineas* vero expeditos esse milites ibique signum prorumpendi expectasse, inde etiam concludere licet, quod extremo capite narratur eos signo dato subito *ex omnibus partibus evolavisse*, sc. ex vineis, quibus occulti fuerant.

c. 28, 1: *si qua ex parte obviam [contra] veniretur*] contra vix genuinum esse omnes fere recentiores editores consenserunt. — §. 6: *quos ille multa iam nocte silentio ex fuga excepit veritus, ne qua in castris ex eorum concursu et misericordia vulgi seditio oreretur, ut procul in riu dispositis familiaribus suis principibusque civitatum disparandos deducendosque curaret, quae cuique civitati pars castrorum ab initio obvenerat*] retinui quidem verba qualia in *optimis*

libris exstant, sed ea apta constructione carere (*veritus ne...oreretur, ut...curaret*) negari nequit. quapropter Menge (Philol. XXXIII, p. 727) scribendum censuit *veritusque ne...oreretur, procul...dispositis...curavit*; sed leniori modo sententia emendari potest cum transposita particula *ut* scribitur: *veritus ne...oreretur, procul in via dispositis familiaribus suis principibusque civitatum ut disparandos deducendosque curarent cett.*

c. 30, 4: *animo confirmati*]] hanc iam Nipperdei recepi coniecturam, cum antea quod codd. habent *consternati* defendi posse putassem.

c. 35, 1: *Cum uterque utrimque exisset exercitus, in conspectu fereque e regione castris castra ponebant*]] sic cum Nipperdeio, Frigellio, Dübnero ex optimorum librorum fere consensu edidi. reliqui editores cum Oudendorpio interpolatorum codicum lectionem receperunt *cum uterque utriusque esset exercitus in conspectu fereque e. r. c. c. poneret.* — *ib. erat in magnis Caesari difficultatibus res*]] ut in prior editione *Caesari pro Caesaris* scripsi, cum genetivus *casus* et propter verborum collocationem et propter sonum suspectus videatur. — §. 3: *cum duabus legionibus in occulto restitit; reliquas copias cum omnibus impedimentis, ut consueverat, misit, immixtis captivis quartis quibusque cohortibus, uti numerus legionum constare videretur*]] codicum verba *captis quibusdam cohortibus* plane inepta esse, inter omnes quidem constat, sed quae hucusque excogitatae sunt correctiones — *demptis* — *sectis* — *carptis* — *detractis* — *laxatis* — *ita positis* — *apertis cohortibus*, vix aptae videntur ad aperiendum illud strategema, quo Caesar effecerit, ut duabus legionibus in castris relictis, numerus tamen legionum constare videretur. id quidem Nipperdey se assequi posse putabat scribendo *manipulis singulis demptis cohortibus*, sed haec verba tam longe recedunt a librorum vestigiis, ut nemini hucusque probata sint. lectio a me proposita et eo nititur, quod in libris aliquot licet deterioribus *captis quartis quibusque cohortibus* scriptum est, quam lectionem vix interpolatori cuidam tribuas, et re ipsa commendatur, cum Caesar oppidis Genabo et Ava-

rico expugnatis magnum certe captivorum numerum secum duceret.

c. 36, 2: [*in monte*] desunt haec verba in optimis codicibus. — §. 4: *periclitaretur*] hanc olim vulgatam scripturam cum Frigellio revocandam esse censui, cum quod in libris melioris notae exstat *perspiceretur*, ex prava certe interpretatione rarioris illius et elegantioris verbi originem duxerit. accedit quod passiva verbi forma *perspiceretur* etiam cum logica sententiarum ratione pugnat. verba enim '*neque ullum fere diem intermittebat*' non actionem quandam significant, qua aliquid ut fieret — *ut perspiceretur* — effectum sit, sed sententia demum per *quin* particulam adnexa ad integram actionis significationem, sc. ad describendam agendi rationem, qua Vercingetorix usus sit, explentur. recte se haberet passivum illud *perspicere-tur*, si primaria quoque sententia passivo verbi genere enuntiata esset: *neque ullus dies intermissus est, quin . . . perspiceretur*. — §. 6: *sed is locus praesidio ab his non minus firmo tenebatur*] *minus*, quod in cod. Moiss. et Leid. 1 exstat, cum reliqui libri vel *nimis* vel *minimis* habeant, ex prior editione retinui, nam ita demum et particula *sed*, qua verba antecedentibus opponuntur, recte adhibita esse videtur, et quae adiungitur adversandi particula *tamen* (*tamen silentio noctis Caesar . . . deiecto praesidio potitus loco*) suam sibi vim habet. contra in utraque particula offendatur necesse est, cum scribitur, quod editoribus inde ab Nipperdeio placuit, *sed is locus praesidio ab his non nimis firmo tenebatur. tamen e. q. s.*

c. 38, 5: *equites et multos Aeduorum interfectos, quod collocuti cum Arvernīs dicerentur*] retinui hanc superioris editionis lectionem. optimi codd. *multos equites*, deteriores *omnes equites* habent. Nipperdey, Kraner, Dinter, Holder Whittium secuti omisso adiectivo *equites Aeduorum interfectos e. q. s.* scripserunt. at licet concedamus, *omnes* a magistro quodam additum esse, ut hominum illorum oratio consentiret cum Litavici verbis, qui omnem equitatum, omnem nobilitatem interisse pronuntiaverat, non aequè tamen explicari potest, quomodo altera eaque optimorum librorum lectio *multos* exstiterit. itaque

cum parum verisimile sit homines illos ab Litavico subornatos nullam quidem interfectae nobilitatis mentionem fecisse, ineptum vero illud narrasse, equites Aeduorum hanc ob rem interfectos esse, quod cum Arvernīs collocuti dicerentur, ut antea censui scribendum esse *equites et multos Aeduorum interfectos, quod cett.* omīssa particula *et* locum turbatum esse, olim iam monui.

c. 40, 6: *Aedui manus tendere [deditionem significare] et proiectis armis mortem deprecari incipiunt*]] *deditionem significare* adscriptum esse ad interpretandam dictionem *manus tendere* recte monuit Guil. Paul.

c. 41, 1: *tribusque horis [noctis]] noctis* seclusi auctore Goelero ('Caes. Gall. Krieg im J. 52', p. 40).

c. 44, 3: *dorsum esse eius iugi silvestre et angustum, sed hinc prope aequum, qua esset aditus ad alteram partem oppidi*]] sic iam in priorē editione locum constituendum esse censui, cum quae libri habent — *dorsum esse eius iugi prope aequum, sed hunc silvestrem et angustum, qua esset aditus cett.* — duplici laborent difficultate. primum enim locus, cui vehementer timere Galli dicuntur, ita describitur, ut metum movere plane non potuerit; nam cum ibi silvestre et angustum esset iugum, ubi aditus erat ad oppidum, hac ipsa naturali condicione locus munitus videri debebat, neque erat, cur ad eum potissimum muniendum Vercingetorix Gallos Gergoviam defendentes evocaret. neque id placere potest, quod iugum fere non nisi ibi silvestre fuisse dicitur, ubi ille ad oppidum aditus esset; sequentis enim capituli verbis §. 5: 'legionem unam eodem iugo mittit et paulum progressam inferiore constituit loco *silvisque occultat*' — aperte demonstratur, etiam infimum iugum silvestre fuisse. altera deinde difficultas in eo posita est, quod Caesarem *dorsus* masculino genere dixisse persuadere nobis iubemur. *dorsus* forma nonnisi in illo Plautinae Militis loco v. 377: *ita dorsus totus prurit* obviam fit; sed cum hic pars illa corporis humani significetur, nullo autem scriptoris loco vel grammatici cuiusdam testimonio probatum sit, *dorsus* formam unquam de montium iugo esse usurpatam, taedet fere statuere Caesarem,

qui ubique sermone urbano usus est, neque orationi gravitatem prisca dudumque obsoleta vocabula adhibendo efficere studuit, hic vocis formam ex Plautinis horreis esse mutuatum. denique etiam pronomen *hunc* aegre ferri necesse est, cum rectius haud dubie diceretur *sed eum silvestrem et angustum*. quae cum ita sint non dubitavi emendationem illam retinere, quae etsi paulo violentior videri potest, tamen omnes expedit difficultates neque excusatione caret. cum enim mutato verborum ordine scribitur *dorsum esse eius iugi silvestre et angustum, sed hinc prope aequum, qua esset aditus ad alteram partem oppidi*, iam patet, cur huic loco Galli vehementer timuerint et cur ad hunc muniendum omnes a Vercingetorige sint evocati. turbatae vero genuinae lectionis originem ex adverbio *hinc* repetendam esse existimo. si enim facimus *hinc* aut magistri cuiusdam industria, quem demonstrativi illius adverbii usus mirum habebat, mutatum esse in *hunc*, aut casu in hanc abiisse formam, cum sescenties in libris mss. peccatum sit permutandis voculis *hinc hunc huc hic*, etiam patet, quomodo iam reliquae turbae moveri potuerint. qui enim antecedens vocabulum *dorsum* ex trita ratione neutro genere accipiebat, iam facere non potuit, quin *hunc* ad collem antea commemoratum referret. at collem aequum dici necessario displicebat, contra aptissimum videbatur eiusmodi epitheton de dorso iugi dictum. inde factum est, ut epithetis commutatis *aequum dorsum* praedicaretur, *silvestris* autem et *angustus* collis. recentiores denique critici, qui verba qualia iam adornata erant, *hunc silvestrem et angustum*, ad remotiorem vocem *collem* referri non posse intellexerent, posthabitis ceteris difficultatibus *dorsus* hoc loco masculino genere a Caesare usurpatum esse pronuntiarunt. — de significatione adverbii *hinc* sufficit monuisse, plane eadem vi hic positum esse qua supra II, 18, i dictum est *collis ... passus circiter ducentos infimus apertus ab superiore parte silvestris*.

c. 45, 6: *omnes illo ad munitionem copiae tra-*
cuntur]] meliores libri *munitionum* exhibent idque et i
 cum Nipperdeio olim edideram et Kraner. Frigell, Düb:
 Dinter receperunt. Schneider, Whitte, quibuscum de

Dittenberger, Holder, Dob.-Dinter fecerunt, vulgatam deteriorum codicum lectionem *ad munitionem* restituerunt, eorumque sententiae ipse quoque iam accessi. cum enim statui necesse sit locum per *illo* designatum, ad quem iam *omnes copiae traducuntur*, quod Caesar eum se aggressurum esse simulabat, eum ipsum esse, cui Gallos vehementer timuisse et ad quem muniendum omnes ex oppido a Vercingetorige evocatos esse c. 44 narratum est, et cum initio c. 48 de iis moneatur, qui 'ut supra' — sc. nostro loco — demonstratum sit, ad alteram oppidi partem *munitionis causa convenerint*, etiam patet, non *munitionum copias* aliquo esse deductas, immo *omnes illo ad munitionem copias esse traductas*.

c. 46, 1: *quidquid huc circuitus ad molliendum clivum accesserat*] in priore quidem editione librorum scripturam *huic* — sc. *rectae regioni* — tuendam susceperam, sed malui iam ex Nipperdei coniectura *huc* scribere, quod recentiores quoque editores receperunt exceptis Frigellio et Dübnero, qui *huic* retinuerunt.

c. 47, 1: *legionique decimae, quacum erat, contionatum signa constituit*] *legionique* cum Nipperdeio et Frigellio ex optimis recepi codicibus; recentioribus editoribus *legionisque* placuit. — *contionatum* ut in superiore editione posui pro eo quod codd. habent *contionatus*; non enim contione habita sed antequam contio haberetur, signa erant constituenda. unde participium pro supino enatum sit, facile explicatur, quod insequens vocabulum ab litterula *s* (*contionatū signa*) incipit. Goeleri coniecturam *continuo* Dübner, Dinter, Kran.-Dittenberger receperunt, sed vix credi potest tam tritum vocabulum librariorum errore in *contionatus* perverti potuisse. quod Heller coniecit *clivom nactus*, licet ab Holdero receptum sit, neque litterarum similitudine, neque sensu sententiaeque forma commendatur.

c. 56, 2: *Nam ut commutato consilio iter in provinciam converteret, ut ne metu quidem necessario faciendum existimabat*] in his verbis omnes fere libri consentiunt; Nipperdey vero Elberlingio obsecutus *nam ne* edidit simulque ex Ciacconii coniectura *ut nemo non tum quidem* scripsit. cum

Nipperdeio fecerunt Kraner, Dob. - Dinter. Frigell et Dübner *ut* quidem retinuerunt, sed in sequente sententia alter *ut nemo tum quidem*, alter *ut non nemo tunc quidem* scripsit. at sincerum vas incrustasse videntur, qui librorum scripturam emendandam sumpserunt; nullo enim negotio, ut in priore iam monui editione, sententiarum aperitur structura, dummodo verba *ut commutato consilio iter in provinciam converteret* ab *necessario faciundum* dependere facias et vertas: 'denn wie er seinen Plan zu ändern und in die Provinz zurückzukehren nicht einmal aus Furcht für nöthig erachtete, hinderte ihn einerseits u. s. w.' librorum lectionem etiam Holder servavit.

c. 58, 6: *ipsi praesepti palude* || optimi libri *prospecta*, duo *perspecta* habent, deteriores *protecti a* (vel *ab*) *palude*, quae lectio ante Nipperdeium vulgata etiam nunc edi solet. attamen eam ferri posse iure negavit Nipperdey et consentiens fere cum Ciacconio et Bentleio, quorum ille *protecti palude*, hic *obiecta palude* proposuerat, *proiecta palude* edidit. sed ut in superiore editione monui, facilius librorum menda *prospecta*, *perspecta* explicantur, si genuinam scripturam *praesepti palude* fuisse facimus. cum enim scriptum esset *p̄septi* oblitterata illa virgula facile *pspecta* vel *pspecta* effingi potuit. *praesepti* ex mea coniectura etiam Dübner edidit.

c. 64, 1: *Ipse imperat reliquis civitatibus obsides dedendique constituit diem; ad hunc omnes equites — convenire iubet* || hanc lectionem propius ad librorum verba *denique ei rei constituit diem. huc cett.* accedere censeo, quam quae Nipperdeio auctore vulgari solent: *diemque huic* (vel *ei*) *rei constituit. omnes cett.* at ne quis putet dativum certe *ei rei* ex genuina superstitem esse scriptura, monendum videtur, hunc dativum necessario inserendum fuisse, ut manca illa *denique constituit diem* apto quodam modo explerentur. — *ad hunc* scripsi, cum *huc*, quod libri exhibent, vix recte s habeat. Frigell, Dübner *huc* retinuerunt, reliqui editores auctor Nipperdeio omiserunt.

c. 66, 5: *a tribunis militum reliquisque [sed et] equitibus Romanis atque evocatis equos sumit*]] verba *sed et* iam a vetustioribus editoribus explosa spuria esse luculente demonstravit Nipperd. p. 101, mirumque est, qui ea retinenda visa sint Schneidero, Frigellio, Dübnero.

c. 66, 6: *nam — quin nemo eorum progredi modo extra agmen audeat, et ipsos quidem non debere dubitare, et quo maiore faciant animo cett.*]] Nipperdeium secutus alterum *et* pro *id*, quod in codd. est, reposui. Kraner (Tauchn.), Frigell, Dübner librorum scripturam *et ipsos . . . Id quo retinuerunt*, novum enuntiatum ab *Id* incipere statuentes. Dinter, Dittenb., Holder Whittio auctore *et ante ipsos deleverunt*.

c. 67, 1: *una a primo agmine*]] *a*, quod deest in optimis libris, in priore editione omiseram; sed cum ex antecedente vocabulo in *a* desinente apertum sit, cur praepositio illa excidere potuerit, et cum ratione grammatica flagitetur, iam cum plerisque editoribus eam recipiendam esse duxi. — §. 3: *inter*, quod libri habent, ut in priore editione servavi. Nipperd. et Kraner *intra* scipserunt.

c. 70, 2: *ne qua subito irruptio ab hostium peditatu fiat*]] haec verba Holder auctore Guil. Paulo ut spuria inclusit, sed plane genuina ea iudico, cum iure monendum fuerit, quo consilio Caesar legiones pro castris constituerit.

c. 71, 4: *exigue dierum se habere XXX frumentum*]] hoc iam ordine verba cum Dübnero et Holdero ex consensu codicum Bong. et Moissac. constitui. in aliis codicibus verba aliter se excipiunt, unde veteres editores et Oudendorp. *frumentum se exigue dierum XXX habere*, Nipperd. *se exigue dierum triginta habere frumentum* ediderunt. Frigell sat mire *exigere dierum XXX frumentum* scripsit. — §. 5: *equitum dimittit*]] hanc vulgatam scripturam etiam nunc servandam esse duxi, cum *mittit*, quod ex melioribus libris Nipperd., Kraner, Frigell, Dinter, Holder receperunt, non nisi tum recte dictum esset, si aperte esset significatum, quo vel quem in finem equitatus missus sit. Dübner *emittit* scripsit, quod in cod. Rom. correctoris manu exstat.

c. 73, 2: *aut*, quod post *arborum* in codd. legitur, iam Nipperdeio obsecutus, quocum etiam Kraner et Dinter fecerunt, delevi.

c. 74, 1: *ut ne magna quidem multitudine, si ita accidat, discessu munitionum praesidia circumfundi possent*] retinui hanc prioris editionis lectionem, quam qui repudiandam esse censuerunt, vix recte intellexisse videntur. quod codd. habent *eius discessu* ferri non posse ex eo patet, quod Caesar, qui solus ille discedens esse posset, neque discedere volebat, et ne cogeretur, dierum triginta pabulum frumentumque convectum haberi iusserat. quod Nipperd. coniecit *eius* (sc. hostis exterioris) *accessu* plane otiosum est, cum per se intellegatur, hostes nisi accesserint, munitionum praesidia multitudine circumfundere non posse. Goeler *equitum* (sc. Gallorum) *discessu* scribendum proposuit; at haec verba significarent, ipsum discessum equitum in causa esse, cur praesidia multitudine circumfundi possint. Kraner, Dinter, Holder facili modo verba expediverunt *eius discessu* uncis includendo. sed si Caesaris verba accuratius perpendimus, certe desideramus, ut etiam ratio aperiatur, cur munitionibus illis contra exteriorem hostem institutis iam effectum sit, ut ne magna quidem hostium multitudine circumfundi possent. haec vero ratio aperta est, si *discessu munitionum* coniungimus deleto illo genetivo *eius*, quem adscripsit, qui *munitionum* ad sequens vocabulum *praesidia* pertinere censebat. ut supra c. 72, 2 Caesar monuerat, se munitiones contra ipsum oppidum institutas ab fossa, qua Alesiae montem cinxerat, eo consilio quadringentos pedes reduxisse, ne tanto spatio interiecto aut noctu de improvviso hostium multitudo ad munitiones advolaret, aut tela in milites operi destinatos conici possent, eodem modo iam hic monet, se pares eiusdem generis munitiones quattuordecim milia passuum complexum contra exteriorem hostem perfecisse, ut cum tantum discederent munitiones, earum praesidia ne magna quidem hostium multitudine circumfundi possent. — §. 2: *ne autem* cum Dübnero ex Handii coniecta scripsi pro vulgato *neu* vel *ac ne*; codd. *aut* habent coniunctivo praes. *cogatur* v. 'Studien' p. 68.

c. 75 copiae, quae singulis Gallorum gentibus imperatae sint, his fere verbis in codicibus enumerantur: (2) *imperant Aeduis atque eorum clientibus, Segusiavis, Ambivaretis, Aulercis Brannovicibus, Brannoviis, milia XXXV; parem numerum Arvernīs adiunctis Eleutetis, Cadurcis, Gabalis, Velaviis, qui sub imperio Arvernorum esse consuerunt*; (3) *Sequanis, Senonibus, Biturigibus, Santonis, Rutenis, Carnutibus duodena milia; Bellovacis X; totidem Lemovicibus; octona Pictonibus et Turonis et Parisiis et Helvetiis; Senonibus, Ambianis, Mediomatricis, Petrocoriis, Nervii, Morinis, Nitiobrogibus quina milia; Aulercis Cenomanis totidem; Atrebatibus IIII; Vellocassis, Lexoviis et Aulercis Eburovicibus terna*; (4) *Rauracis et Boiis . . ; XXX universis civitatibus, quae Oceanum attingunt quaeque eorum consuetudine Armoricae appellantur, quo sunt in numero Curiosolites, Redones, Ambibarii, Caletes, Osismi, Lemovices, Venelli.* in hac enumeratione aperte peccatum est, et quod *Senones* itemque *Lemovices* bis commemorantur, et quod deest copiarum numerus, quem Rauraci et Boii dare debebant. neque id verisimile videtur in hoc sociorum indice nullam Andium vel Andorum mentionem esse factam, quos inter primos Vercingetorigi se adiunxisse supra c. 4, 6 relatum est. quapropter iam in superiore editione suspicatus sum, alterum illud *Senonibus* ex corrupta genuina scriptura *sena Andibus* ortum esse. inde etiam patet, cur copiarum Rauracis et Boiis imperatarum numerus deesse videatur. cum enim verba *sena Andibus* perversa essent in *Senonibus*, fieri etiam necesse erat, ut numeri, qui civitatibus propter parem auxiliorum rationem una nominatis praemissi essent, ad antecedentem gentium gregem referrentur, ita ut Rauracis et Boiis novissimo loco commemoratis numerus detraheretur. quod vero *Lemovices* bis nominati sunt, mero librariorum errori tribuendum est, qui *Lemovices* et *Lexovios* confuderunt. falso enim §. 4 *Lemovices*, Arvernorum finitimi, inter Armoricas gentes commemorantur, omittuntur vero in harum gentium enumeratione *Lexovii*, oram maritimam ad ostium Sequanae incolentes. itaque §. 4 pro Lemovicum nomine certe Lexoviorum scribendum est. nec tamen cum iis fecerim,

qui Nipperdeio auctore iam §. 3 pro *Lexoviis* superiora illa verba *totidem Lemovicibus* inserunt, ita quidem, ut *totidem* ad antecedens *Velliocassis* trahatur. vix enim verisimile videtur in commemorandis Lemovicibus ter esse peccatum, immo sat consentaneum est, Lexoviorum nomen inter Armoricas gentes omissum postea a correctore quodam margini fuisse adscriptum et falso deinde loco in textum esse receptum. nec placere potest, quod inserto illo *totidem* superiorum quoque copiarum numeri immutandi sunt, et cum *Rauracis* et *Boiis* iam numerus desit, ex interpolatis aliquot codicibus *bina* adscribendum est. itaque satis habui correxisse quae aperte vitata sunt, ut *sena Andibus* pro repetito illo *Senonibus* scriberem (hanc emendationem Dübner quoque et Holder receperunt) et ut *Lexoviorum* nomen post *Velliocassis* sublatum inter Armoricas gentes loco Lemovicum reponerem. probe quidem scio numeris computatis aliquanto maiorem summam effici ea, quam in agro Aeduorum lustratam esse infra c. 76 refertur; sed discrepat utraque summa etiam cum numeros catalogi, quem Nipperdey proposuit, computas. at profecto fieri potuit, ut maior singulis civitatibus numerus imperaretur, minor vero die constituta conveniret, neque in eo, quod non nisi Bellovaci suum numerum non complevisse narrantur, argumentum inesse videtur, cur omnes reliquas civitates integrum militum numerum misisse statuamus. Bellovaci enim hanc ob causam prae ceteris commemorandi erant, quod suo nomine et arbitrio bellum cum Romanis se gesturos esse dictitaverant.

c. 77, 3: *neque hos habendos civium loco neque ad consilium adhibendos censeo*] meliorum librorum scripturam *concilium*, quam Nipperdey, Frigell, Holder receperunt, ferri non posse, iam in superiore monui editione. agitur enim de iis, qui in hoc ipso *concilio* deditionem fortasse suasuri sint; hos non audiendos, ad *consilium* non adhibendos esse censet Critognatus.

c. 83, 2: *fecerant* ex deterioribus libris recepi, cum plane causa non sit, cur Caesar hic a legitimo temporum usu, cuius ubique observantissimus est, recesserit.

c. 90, 8: *his ex litteris cognitis Romae dierum viginti supplicatio editur*] *ex* ut in superiore editione inserui; vulgo *his rebus litteris Caesaris* (*ex litteris Caesaris* Dint.) *cognitis*. Nipperdey locum corruptum crucis signo notavit; Kraner et Holder *litteris* uncis incluserunt. — *editur* deinde cum Schneidero pro *redditur* scripsi, quod licet in omnibus codicibus exstet, rei ipsi tamen plane alienum videtur. ante Schneiderum vulgo ex Vossii coniectura *indicitur* legebatur. Nipperdey et qui deinde secuti sunt editores *redditur* retinuerunt.

HIRT. B. G. VIII. praef. §. 2: *non cohaerentibus* ut in priore editione cum Schneidero et Nipperdeio scripsi pro *comparantibus*, vel *comparentibus*, quod codd. habent. — §. 5: *desit* iam edidi, quod iure ex optimis libris primus Frigell restituit; deteriores libri ex grammatici cuiusdam correctura *deesset* praebent. — §. 9: *hoc ipso crimen arrogantiae subeo*] optimi quidem libri *ipsum* habent, idque post Nipperdeium Dinter, Kraner, Holder ediderunt, sed sententiae ratio *ipso* ut scribatur suadere videtur. omnis enim sententiae vis in eo versatur, quod scriptor, cum se excuset, ne cum Caesare conferatur, *eo ipso* arrogantiae crimen se subire dicit. itaque si qua pars enuntiati fulcro quodam eget, ablativus ille *hoc* eget; contra *ipsum* voci *crimen* adiunctum satis supervacaneum esse facile intellegitur, cum verba in hunc modum constituuntur: *sed ego nimirum, dum omnes excusationis causas colligo, ne cum Caesare conferar, hoc ipso arroganter facio, quod me iudicio cuiusquam existimem posse cum Caesare comparari.*

c. 5, 2: *atque in tecta partim Gallorum, partim quae coniectis celeriter stramentis tentoriorum integendorum gratia * erant inaedificata, milites compegit.*] *coniectis* omnes codd. habent, nisi quod in Vindob. f *partim* q; ..*nectis*, erasis duabus vel tribus litteris legitur. *collectis* vel *conlectis* Kran., Düb., Hold. ediderunt. — verba *tentoriorum integendorum gratia* Vielhabero auctore Kraner et Holder uncis incluserunt, sed cum unde haec irrepe-

serint dispici nequeat, non tam spuria quam lacunosa esse putaverim. cum supra de *constitutis repente exiguis ad necessitatem aedificiis*, quae Carnutes incolebant, monitum sit, haec ipsa *exigua aedificia* eadem esse puto atque *tentoria* illa, quorum *integendorum gratia* collecta erant stramenta. scripserat fortasse Hirtius: *quae coniectis celeriter stramentis tentoriorum integendorum gratia collectis erant inaedificata*. — *compegit*, quod in prior editione pro inepta librorum lectione *contegit* scribendum esse conieci, praeter Frigellium omnes deinceps receperunt editores.

c. 8, 1: *quo celerius hostis ... prodiret*]] retinui hanc optimorum librorum scripturam (cf. c. 16, 1); Frigell, Kran.-Dittenberger, Holder, Dob.-Dinter suadente Hellero (Philol. XIX, p. 467) *hostes ... prodirent* scripserunt. probarem pluralem numerum, si Caesaris essent verba. — §. 3: *consilio advocato*]] sic omnes fere libri; Nipperdey cum Vascosano *concilio* edidit; at si de concione cogitandum esset, hoc potius vocabulum quam *concilium* adhibendum erat.

c. 9, 1: *cum ... viderunt*]] perfecti indicativum ex optimorum librorum consensu restitui, cum ex re grammatica plane non sit, cur interpolatorum codicum lectionem *cum ... viderent* praeferamus. (cf. 'Construct. d. lat. Zeitpartikeln' ed. 2. p. 72.) — §. 3: *haec (castra) imperat vallo pedum duodecim muniri, loriculam pro hac ratione eius altitudinis inaedificari*]] Nipperdey negans, loricam ullam rationem habuisse ad altitudinem valli corruptelae signum vocibus *hac ratione* praefixit, suspicatus scribendum esse *per aggerationem eius altitudini inaedificari*. sed, ut in superiore monui editione, si tale quid Hirtius scripsisset, libri fortasse *pro aggeris ratione* vel simile quid exhiberent, verba autem *pro hac ratione* vix inde exstitissent. minus etiam placet, quod Goeler proposuit, ut *loricam pro hac ratione eius munitiois inaedificari* scriberetur, quae verba mirum in modum sic intellegi voluit, ut *ratio eius munitiois* significaret 'das Wesen und den Zweck der Verschanzungen, nämlich die Vervielfältigung ihrer Befestigungsgegenstände durch den doppelten Graben, durch Thürme und Gallerien und den Zweck, dem

Feinde Furcht zu heucheln.' Nipperdeio concedendum quidem est, non ita loricae altitudinem ex altitudine valli pependisse, ut quo hoc esset altius, eo lorica quoque altior inaedicaretur, at certe contraria inter utriusque altitudinem condicio intercedere poterat, ut quo altius esset vallum, eo minor lorica imponeretur. retinui itaque codicum verba, quae si cum Nipperdeio faciendum esset, vix corrigerentur Madvigii coniectura *pro portione*.

c. 13, 1: *non intermitti interim cotidiana proelia*] vulgo *intermittunt* editur; sed cum omnes codices excepto uno Havn., in quo *intermittunt* exstat, *intermittit* habeant, vix dubium esse potest, quin genuina lectio *intermitti* fuerit. recepit hanc lectionem ex superiore mea editione Dübner. — §. 2: *paucisque resistantibus interfectis*] retinui quod in optimis codicibus Bong. et Moiss. scriptum est, quodque etiam Holder edidit *resistentibus*; Frigell, Dinter, Kran.-Dittenberger, ex codd. Floriac. et Vat. *in resistendo* receperunt. parum certe verisimile est, quod Dinter opinatur, *resistentibus* a magistro quodam, qui Caesaris scribendi genus obtrudere voluerit Hirtio, scriptum esse pro *in resistendo*, immo contrarium verisimile videtur, ad dishibenda participia *paucisque resistantibus interfectis* superscriptum fuisse *in resistendo*. inde etiam patet, cur in Paris. a et Vind. f *in resistantibus* sit scriptum.

c. 16, 2: *equites cum intrare summum iugum et flammam densissimam timerent*] verba *intrare summum iugum* vix recte se habere, olim iam contra Nipperdeium monui. sed cum apta emendatio nondum prolata sit, neque iam placeat, quod in priore editione posueram, *summum ignem*, optimorum codicum verba retinere malui quam ex interpolatis recipere lectionem *intrare fumum*, quam Kraner-Dittenberger et Holder posuerunt. scripsit fortasse Hirtius *cum intrare summo iugo flammam densissimam timerent*.

c. 20, 1: *plus minus VIII milibus*] retinui hanc librorum scripturam ab H. Schillero (Philol. XXXIII, p. 522) recte defensam. Dinter, Kran.-Dittenb., Holder Frigellio obsecuti *paucum VIII milibus* ediderunt. —

§. 2: [omnibus adversis] cognita calamitate, interfecto Correo, amisso equitatu et fortissimis peditibus] cum traditus verborum ordo ferri nequeat, in superiore quidem editione satis habui cum Hotomanno transponere *cognita calamitate omnibus adversis*, sed iam tum contra Faernum et Ursinum, qui verba *cognita calamitate* deleverunt, monui, alterum potius ablativum *omnibus adversis* additamentum videri interpretis, qui cum ab Hirtio singulae Bellovacorum reliquarumque civitatum calamitates enumerarentur, tamquam summam earum margini adscripsit *omnibus adversis*. iam hunc ablativum, qui Whittio quoque et Dübnero et Vielhabero (Ephem. Gymn. Austr. 1870 p. 539) suspectus visus est, inclusi. Kraner-Dittenb., Holder *cognita calamitate* uncis notarunt.

c. 24, 1: *nullam iam esse civitatem, quae [bellum] pararet, quo sibi resisteret.*] codd. Bong. et Moiss. itemque aliquot deteriores *quae bellum pararet* habent; in Floriac. et Vat. et undecim codd. Oudendorpii *quae bellum id pararet* exstat. pronomen *id* post *bellum* plane ineptum esse, omnes viderunt editores; nec tamen verisimile videtur, quod Davisius suspicatus est, hanc voculam ex *ad[pararet]* ortam esse, immo inepta haec lectio documento est, primitus verbo *pararet* nullum obiectum fuisse additum, et hanc ob causam ab aliis interpretibus *bellum*, ab aliis *id* esse suppletum. utrumque deinde supplementum receptum est ab librario, qui archetypum codicum Floriac. et Vat. exaravit. ceterum ex sententia ipsa apparet, *bellum* hoc loco non ab Hirtio ipso esse scriptum. inepte enim dictum esset, Caesarem vidisse *nullam iam esse civitatem, quae bellum pararet, quo si resisteret*, tamquam de alio bello, quam quo sibi resistetur, cogitare potuisset. itaque iure mihi *bellum* uncis insisse videor. — §. 3: *illorum*, quod codd. habent, *retireorum* scribunt Kran.-Dittenberger, Holder; *Illyrior* Frigell, *Istrorum* Madvig coniecerunt.

c. 27, 2: *et Romanum externum sustinere hosti respicere ac timere oppidanos*] retinui pristinam lectionem licet Frigell eumque secuti Kran.-Dittenb., Holder, Dob

verba et *Romanum*, Dübner *Romanum* deleverint. cum optimi codd. et *Romanum et externum sustinere hostem* habeant (in deterioribus et *romanum hostem et externum sustinere* scriptum est), qui cum Frigellio faciunt, necesse est statuatur, locum bis esse corruptum, primum ab eo, qui interpretandi causa *romanum* adscripserit, deinde ab illo, qui '*romanum hostem*' et '*externum hostem*' distincturus alterum illud et inseruerit. quod cum parum verisimile videatur, malui statuere semel modo optimorum librorum verba inquinata esse intrudendo inepto illo et.

c. 28, 2: *turmas partim idoneis locis disponit, parte equitum proelium committit*] *parte* ut in superiore editione ex Nipperdei correctura scripsi. *partim*, quod codd. praebent, retinuerunt Frigell, Dinter, Holder.

c. 30, 1: *exulibus omnium civitatum ascitis, repentinis latrociniiis impedimenta et commeatus Romanorum interceperat*] vulgo secundum optimos codd. Bong. Moiss., cum quibus etiam aliquot deteriores faciunt, *exulibus o. c. ascitis receptis latronibus* editur; codices vero Flor. Vat. alii *receptis latrociniiis* omissa voce *ascitis* praebent, itaque Frigell scripsit. at cum concedo *latronibus* pro *latrociniiis* a correctore quodam esse scriptum, vocem tamen *receptis* glossam esse participio *ascitis* adscriptam existimo indeque enatas esse varias illas librorum corruptelas. hac enim glossa genuinis verbis superscripta — *ascitis receptis repentinis latrociniiis* —, cum *receptis* correctura esse videretur vocis *repentinis*, factum est, ut lectio *ascitis receptis latrociniiis* nasceretur; quae verba cum ferri nequirent, correctae sunt ab aliis *latronibus* pro *latrociniiis* scribendo, ab aliis delenda voce *ascitis*. (cum *repentinis latrociniiis* cf. c. 24, 3. b. Al. 19, 2).

c. 36, 1: *a milibus non amplius XII*] ad vulgatam iam redii lectionem delendo vocabulo *longe*, quod in optimis libris post *non* legitur; in superiore editione Nipperdeium secutus *longe* ante *non* posueram. — ib. [*perterritos*] cum recentioribus editoribus Vielhaberum (ephem. gymn. austr. 1870 t. XXI, p. 541) secutis ut spurium inclusi.

c. 38, 5: *qui ei omnia pericula et detrimenta belli [a Gutruato] accepta referebant*]] verba a Gutruato Frigell ut spuria deleuit.

c. 39, 4: *cum legionibus reliquit, qui iustis itineribus subsequeretur*]] vulgata lectio, *cum legionibus duabus ... se subsequeretur*, quam Holder propter codd. Moiss. et Thuan. retinuit (in Bong. verba Hirtiana inde ab *ad resistendum* c. 39, 2 usque ad c. 43, 3 manu recentiore exarata sunt) interpolationem sapere videtur.

c. 42, 4: *ita quisque, prout erat maxime insignis, quo notior testatiorque virtus esset, telis hostium flammaeque se offerebat.*]] retinui hanc lectionem in priore editione a me propositam, quippe quae quam proxime accedat ad verba Floriac. Vatic. et sex Oudendorpii codicum *ita quisque poterat maxime insignis*. illud *poterat* enim ex *puterat* enatum esse videtur. in eandem emendationem etiam Frigell incidit. Nipperdey *ita quisque ut erat cett.* ediderat. lectionem inde ab Scaligero vulgatam, quam cod. Moiss. et deteriores aliquot libri exhibent, *ita quam quisque poterat maximè insignis* — Dübner, Dittenb., Holder, Dob.-Dinter redintegrunt, eamque etiam Vielhaber defendendam suscepit, in ephem. gymn. austr. t. XXI, p. 542 scripsit: '— dass *signis* auf das Subject bezogen ist statt als Adverb die *I* lung charakterisiert (sic!) — *quam quisque poterat gnissime* um diesen Superlativ zu bilden — hat viel darin seinen Grund, dass doch der Mann auf seinem vor allem den Augen aller sichtbar, *insignis*, ist.' at subiecto, sive de actione *insignis* illud praedicetur. certe ineptus est, tamquam penes singulos fuisset, *q' sent insignissime* i. e. *quam possent maximè conspicui telis hostium flammaeque se offe*

c. 46, 1: *cum in omnibus partibus Gallie geri videret ..., Aquitaniam numquam adisset blum Crassum quadam ex parte devicisset*]] opt libri *ipse adisset sed habent et hanc vulgate* Holder redintegravit, s²

beri videntur sententiae structuram aperturo. — nec fidem habuerim iisdem codicibus (A'β), cum §. 6 pro *recipit hibernatque* perfecti temporis formas exhibeant, quas Holder reposuit.

c. 48, 7: *quod ibi malum dux equi velocitate evitavit*]] *ibi* scripsi pro *ubi*, quod codd. habent, recentiores editores excepto Dübnero omiserunt. — *ib. ac sic proelio secundo graviter ab eo vulneratus praefectus*]] in Bong. m. pr., Moiss. et deterioribus aliquot libris verba *ac si(c) proelio secundo* et *ab eo* desunt, itaque et ab superioribus editoribus et post Nipperdeium a Frigellio, Dübnero, Dittenbergero, Holdero omissa sunt. at quae sic restitit lectio *graviter vulneratus praefectus cett.* nimis aperta videtur, quam ut genuina haberi possit. itaque ut in superiore editione illa verba, quae in libris sat bonis Floriac. et Vat. et supra versum in Bong. exstant, cum Nipperdeio retinenda esse duxi. *sic* unus Norvic. habet, reliqui *si*.

c. 51, 3: *spectatissimi triumphi*]] corr. Nipperdey; Frigell, Dübner codicum scripturam *exspectatissimi* retinuerunt.

c. 52, 4: *saepe erat senatui pollicitus, si quem timor armorum Caesaris laederet, ut quoniam Pompei dominatio atque arma non minimum terrorem foro inferrent, discederet uterque ab armis*]] *ut*, in superiore iam scripseram editione pro *et*, quod codd. habent. *et* recentiorum editorum unus Holder retinuit, reliqui Whittio et Nipperdeio auctoribus deleverunt. — §. 5: *senatus consultum per discessionem facere coepit*]] corr. Th. Mommsen; libri *per se disc. f. c.* habent. — *ib. quod ne fieret, consules amicique Pompei *** iusserunt*]] pro *iusserunt* Holder ex Pantagathi coniectura *intercesserunt* edidit; Madvig *evicerunt* coniecit, idque Dittenb., Dob.-Dinter receperunt. sed consules, ut mittam privatos illos Pompei amicos, neque coeptae a tribuno discessioni *intercedere*, neque ne ad finem perduceretur alio modo *evincere* potuerunt, nisi ut alium tribunum *intercedere* iuberent. sic igitur verba comparata fuisse suspicor, quae ante

iusserunt exciderunt. inde etiam patet extrema sententiae verba scribenda esse *atque ita rem morando discesserunt*.

c. 55, 2: *belligerandi* scribendum esse omnium fere codicum consensu evincitur. cf. H. Schiller, Philol. XXXXIII, p. 522.

C. IULII CAESARIS
DE BELLO GALLICO
LIBER PRIMUS.

ARGUMENTUM.

Gallia descripta narratur bellum Helveticum c. 1—29. Helvetii in Galliam migraturi primum per provinciam, deinde per Sequanos iter temptant, sed cum duobus proeliis a Caesare profligati essent, qui ex tanta clade supererant, in patriam relegantur. Iam cum de Ariovisto, Germanorum rege, qui tum Sequanorum agrum insidebat, Galli apud Caesarem conquererentur c. 30—32, colloquiumque a rege denegatum esset c. 33, 34. Caesar componendae rei legatos ad Ariovistum mittit, sed frustra c. 35, 36. Itaque Caesar copias adversus regem educit c. 37; cum trepidarent, oratione militum animos confirmat c. 38—41. Colloquium Caesaris cum Ariovisto Germanorum impetu dirimitur c. 42—46; cum denuo colloquium rex petisset, Galli ad eum legantur; qui cum vincti retinerentur c. 47, iam armis res agitur. Germani gravissima clade accepta e Gallia profugiunt c. 48—54.

1. Gallia est omnis divisa in partes tres; quarum unam incolunt Belgae, aliam Aquitani, tertiam qui ipsorum lingua Celtae, nostra Galli appellantur. Hi omnes lingua, institutis, legibus inter se differunt. Gallos ab Aquitanis Garumna flumen, a Belgis

3 Matrona et Sequana dividit. Horum omnium fortissimi sunt Belgae, propterea quod a cultu atque humanitate provinciae longissime absunt, minimeque ad eos mercatores saepe commeant atque ea, quae ad effeminandos animos pertinent, important, proximeque sunt Germanis, qui trans Rhenum incolunt, 4 quibuscum continenter bellum gerunt. Qua de causa Helvetii quoque reliquos Gallos virtute praecedunt, quod fere cotidianis proeliis cum Germanis contendunt, cum aut suis finibus eos prohibent, aut ipsi 5 in eorum finibus bellum gerunt. Eorum una pars, quam Gallos obtinere dictum est, initium capit a flumine Rhodano; continetur Garumna flumine, Oceano, finibus Belgarum; attingit etiam ab Sequanis et Helvetiis flumen Rhenum; vergit ad septentriones. Belgae ab extremis Galliae finibus oriuntur; pertinent ad inferiorem partem fluminis Rheni; spectant in septentrionem et orientem solem. 7 Aquitania a Garumna flumine ad Pyrenaeos montes et eam partem Oceani, quae est ad Hispaniam, pertinet; spectat inter occasum solis et septentriones.

2. Apud Helvetios longe nobilissimus fuit et ditissimus Orgetorix. Is M. Messala et M. Pisone consulibus regni cupiditate inductus coniurationem nobilitatis fecit et civitati persuasit, ut de finibus 2 suis cum omnibus copiis exirent: perfacile esse, cum virtute omnibus praestarent, totius Galliae imperio potiri. Id hoc facilius eis persuasit, quod undique loci natura Helvetii continentur: una ex parte flumine Rheno, latissimo atque altissimo, qui agrum Helvetium a Germanis dividit; altera ex

parte monte Iura altissimo, qui est inter Sequanos et Helvetios; tertia lacu Lemanno et flumine Rhodano, qui provinciam nostram ab Helvetiis dividit. His rebus fiebat, ut et minus late vagarentur et minus facile finitimis bellum inferre possent, quo aperte homines bellandi cupidi magno dolore affiebantur; pro multitudine autem hominum et pro gloria belli atque fortitudinis angustos se fines habere arbitrabantur, qui in longitudinem milia passuum CCXL, in latitudinem CLXXX patebant.

3. His rebus adducti et auctoritate Orgetorigis permoti constituerunt ea, quae ad proficiscendum pertinerent, comparare, iumentorum et carrorum quam maximum numerum coëmere, sementes quam maximas facere, ut in itinere copia frumenti suppeteret, cum proximis civitatibus pacem et amicitiam confirmare. Ad eas res conficiendas biennium sibi satis esse duxerunt: in tertium annum profectionem lege confirmant. [Ad eas res conficiendas] Orgetorix [deligitur. Is] sibi legationem ad civitates suscepit. In eo itinere persuadet Castico, Catamanto loedis filio, Sequano, cuius pater regnum in Sequanis multos annos obtinuerat et a senatu populi Romani amicus appellatus erat, ut regnum in civitate sua occuparet, quod pater ante habuerat; itemque Dumnorigi Aeduo, fratri Divitiaci, qui eo tempore principatum in civitate octinebat ac maxime plebi acceptus erat, ut idem conaretur, persuadet eique filiam suam in matrimonium dat. Perfacile factum esse illis probat conata perficere, propterea quod ipse suae civitatis imperium obtenturus esset: non

7 esse dubium, quin totius Galliae plurimum Helvetii
possent; se suis copiis suoque exercitu illis regna
8 conciliaturum confirmat. Hac oratione adducti inter
se fidem et iusiurandum dant et regno occupato
per tres potentissimos ac firmissimos populos totius
Galliae sese potiri posse sperant.

4. Ea res est Helvetiis per indicium enuntiata.
Moribus suis Orgetorigem ex vinculis causam di-
cere coëgerunt. Damnatum poenam sequi oportebat,
2 ut igni cremaretur. Die constituta causae dictionis
Orgetorix ad iudicium omnem suam familiam, ad
hominum milia decem, undique coëgit et omnes
clientes obaeratosque suos, quorum magnum nu-
merum habebat, eodem conduxit: per eos, ne causam
3 diceret, se eripuit. Cum civitas ob eam rem incitata
armis ius suum exsequi conaretur multitudinemque
hominum ex agris magistratus cogerent, Orgetorix
mortuus est; neque abest suspicio, ut Helvetii ar-
bitrantur, quin ipse sibi mortem consciverit.

5. Post eius mortem nihilo minus Helvetii id,
quod constituerant, facere conantur, ut e finibus
2 suis exeant. Ubi iam se ad eam rem paratos esse
arbitrati sunt, oppida sua omnia, numero ad duo-
decim, vicos ad quadringentos, reliqua privata aedi-
3 ficia incendunt, frumentum omne, praeterquam quod
secum portaturi erant, comburunt, ut domum redi-
tionis spe sublata paratiores ad omnia pericula
subeunda essent, trium mensium molita cibaria sibi
4 quemque domo efferre iubent. Persuadent Rauracis
et Tulingis et Latovicis finitimis, uti eodem usu
consilio oppidis suis vicisque exustis una cum iis

proficiscantur, Boiosque, qui trans Rhenum incoluerant et in agrum Noricum transierant Noreiamque oppugnarant, receptos ad se socios sibi adsciscunt.

6. Erant omnino itinera duo, quibus itineribus domo exire possent: unum per Sequanos, angustum et difficile, inter montem Iuram et flumen Rhodanum, vix qua singuli carri ducerentur; mons autem altissimus impendebat, ut facile perpauci prohibere possent: alterum per provinciam nostram, multo² facilius atque expeditius, propterea quod inter fines Helvetiorum et Allobrogum, qui nuper pacati erant, Rhodanus fluit isque nonnullis locis vado transitur. Extremum oppidum Allobrogum est proximumque³ Helvetiorum finibus Genava. Ex eo oppido pons ad Helvetios pertinet. Allobrogibus sese vel persuasuros, quod nondum bono animo in populum Romanum viderentur, existimabant, vel vi coacturos, ut per suos fines eos ire paterentur. Omnibus⁴ rebus ad profectionem comparatis diem dicunt, qua die ad ripam Rhodani omnes conveniant. Is dies erat a. d. V. Kal. Apr. L. Pisone, A. Gabinio consulibus.

7. Caesari cum id nuntiatum esset, eos per provinciam nostram iter facere conari, maturat ab urbe proficisci et quam maximis potest itineribus in Galliam ulteriorem contendit et ad Genavam pervenit. Provinciae toti quam maximum potest² militum numerum imperat (erat omnino in Gallia ulteriore legio una), pontem, qui erat ad Genavam, iubet rescindi. Ubi de eius adventu Helvetii cer-³tiores facti sunt, legatos ad eum mittunt nobilissimos civitatis, cuius legationis Nammeius et Verucloetius

principem locum obtinebant, qui dicerent, sibi esse in animo sine ullo maleficio iter per provinciam facere, propterea quod aliud iter haberent nullum: 4rogare, ut eius voluntate id sibi facere liceat. Caesar, quod memoria tenebat L. Cassium consulem occisum exercitumque eius ab Helvetiis pulsum et sub iugum 5missum, concedendum non putabat; neque homines inimico animo data facultate per provinciam itineris faciundi temperaturos ab iniuria et maleficio existimabat. Tamen, ut spatium intercedere posset, dum milites, quos imperaverat, convenirent, legatis respondit, diem se ad deliberandum sumpturum: si quid vellent, ad Id. April. reverterentur.

8. Interea ea legione, quam secum habebat, militibusque, qui ex provincia convenerant, a lacu Lemanno, qua in flumen Rhodanum influit, ad montem Iuram, qui fines Sequanorum ab Helvetiis dividit, milia passuum decem novem murum in altitudinem pedum sedecim fossamque perducit. Eo opere perfecto praesidia disponit, castella communit, quo facilius, si se invito transire conarentur, prohibere possit. Ubi ea dies, quam constituerat cum legatis, venit, et legati ad eum reverterunt, negat se more et exemplo populi Romani posse iter ulli per provinciam dare et, si vim facere conentur, 4prohibiturum ostendit. Helvetii ea spe deiecti navibus iunctis ratibusque compluribus factis, alii vadis Rhodani, qua minima altitudo fluminis erat, nonnumquam interdiu, saepius noctu, si perrumpere possent conati, operis munitione et militum concursu et telis repulsi hoc conatu destiterunt.

9. Relinquebatur una per Sequanos via, qua Sequanis invitis propter angustias ire non poterant. His cum sua sponte persuadere non possent, legatos² ad Dumnorigem Aeduum mittunt, ut eo deprecatore a Sequanis impetrarent. Dumnorix gratia et³ largitione apud Sequanos plurimum poterat et Helvetiis erat amicus, quod ex ea civitate Orgetorigis filiam in matrimonium duxerat, et cupiditate regni adductus novis rebus studebat et quam plurimas civitates suo beneficio habere obstrictas volebat. Itaque rem suscipit et a Sequanis impetrat, ut per⁴ fines suos Helvetios ire patiantur, obsidesque uti inter sese dent, perficit: Sequani, ne itinere Helvetios prohibeant; Helvetii, ut sine maleficio et iniuria transeant.

10. Caesari renuntiatur Helvetiis esse in animo per agrum Sequanorum et Aeduorum iter in Santonum fines facere, qui non longe a Tolosatium finibus absunt, quae civitas est in provincia. Id si² fieret, intellegebat magno cum periculo provinciae futurum, ut homines bellicosos, populi Romani inimicos, locis patentibus maximeque frumentariis finitimos haberet. Ob eas causas ei munitioni, quam³ fecerat, T. Labienum legatum praefecit; ipse in Italiam magnis itineribus contendit duasque ibi legiones conscribit et tres, quae circum Aquileiam hiemabant, ex hibernis educit et, qua proximum iter in ulteriorem Galliam per Alpes erat, cum his quinque legionibus ire contendit. Ibi Centrones et⁴ Graioceli et Caturiges locis superioribus occupatis itinere exercitum prohibere conantur. Compluribus⁵

his proeliis pulsus ab Ocelo, quod est citerioris provinciae extremum, in fines Vocontiorum ulterioris provinciae die septimo pervenit; inde in Allobrogum fines, ab Allobrogibus in Segusiavos exercitum ducit. Hi sunt extra provinciam trans Rhodanum primi.

11. Helvetii iam per angustias et fines Sequanorum suas copias traduxerant et in Aeduorum fines ²pervenerant eorumque agros populabantur. Aedui, cum se suaque ab iis defendere non possent, legatos ³ad Caesarem mittunt rogatum auxilium: ita se omni tempore de populo Romano meritos esse, ut paene in conspectu exercitus nostri agri vastari, liberi eorum in servitutem abduci, oppida expugnari non ⁴debuerint. Eodem tempore [Aedui] Ambarri, necessarii et consanguinei Aeduorum, Caesarem certiorum faciunt sese depopulatis agris non facile ab oppidis ⁵vim hostium prohibere. Item Allobroges, qui trans Rhodanum vicos possessionesque habebant, fuga se ad Caesarem recipiunt et demonstrant sibi praeter ⁶agri solum nihil esse reliqui. Quibus rebus adductus Caesar non exspectandum sibi statuit, dum omnibus fortunis sociorum consumptis in Santonos Helvetii pervenirent.

12. Flumen est Arar, quod per fines Aeduorum et Sequanorum in Rhodanum influit, incredibili lenitate, ita ut oculis, in utram partem fluat, iudicari non possit. Id Helvetii ratibus ac lintribus iunctis ²transibant. Ubiper exploratores Caesar certior factus est tres iam partes copiarum Helvetios id flumen traduxisse, quartam fere partem citra flumen Ararim reliquam esse, de tertia vigilia cum legionibus tribus

e castris profectus ad eam partem pervenit, quae non-
dum flumen transierat. Eos impeditos et inopinantes ³
aggressus magnam partem eorum concidit; reliqui sese
fuga mandarunt atque in proximas silvas abdiderunt.
Is pagus appellabatur Tigurinus: nam omnis civitas ⁴
Helvetia in quattuor pagos divisa est. Hic pagus unus, ⁵
cum domo exisset patrum nostrorum memoria, L. Cas-
sium consulem interfecerat et eius exercitum sub
iugum miserat. Ita sive casu sive consilio deorum ⁶
immortalium, quae pars civitatis Helvetiae insignem
calamitatem populo Romano intulerat, ea princeps
poenas persolvit. Qua in re Caesar non solum pu- ⁷
blicas, sed etiam privatas iniurias ultus est, quod
eius soceri L. Pisonis avum, L. Pisonem legatum,
Tigurini eodem proelio, quo Cassium, interfecerant.

13. Hoc proelio facto reliquas copias Helve-
tiorum ut consequi posset, pontem in Arare facien-
dum curat atque ita exercitum traducit. Helvetii ²
repentino eius adventu commoti, cum id, quod ipsi
diebus xx aegerrime confecerant, ut flumen trans-
irent, illum uno die fecisse intellegerent, legatos ad
eum mittunt; cuius legationis Divico princeps fuit,
qui bello Cassiano dux Helvetiorum fuerat. Is ita ³
cum Caesare egit: si pacem populus Romanus cum
Helvetiis faceret, in eam partem ituros atque ibi
futuros Helvetios, ubi eos Caesar constituisset atque
esse voluisset; sin bello persequi perseveraret, re- ⁴
minisceretur et veteris incommodi populi Romani
et pristinae virtutis Helvetiorum. Quod improvisos
unum pagum adortus esset, cum ii, qui flumen
transissent, suis auxilium ferre non possent, ne ob

eam rem aut suae magnopere virtuti tribueret aut
6 ipsos despiceret. Se ita a patribus maioribusque
suis didicisse, ut magis virtute quam dolo conten-
7 derent aut insidiis niterentur. Quare ne committeret,
ut is locus, ubi constitissent, ex calamitate populi
Romani et internecone exercitus nomen caperet
aut memoriam proderet.

14. His Caesar ita respondit: eo sibi minus
dubitationis dari, quod eas res, quas legati Helvetii
commemorassent, memoria teneret, atque eo gravius
ferre, quo minus merito populi Romani accidissent:
2 qui si alicuius iniuriae sibi conscius fuisset, non
fuisse difficile cavere; sed eo deceptum, quod neque
commissum a se intellegeret, quare timeret, neque
3 sine causa timendum putaret. Quod si veteris con-
tumeliae oblivisci vellet, num etiam recentium iniu-
riarum, quod eo invito iter per provinciam per vim
temptassent, quod Aeduos, quod Ambarros, quod Allo-
4 brogas vexassent, memoriam deponere posse? Quod
sua victoria tam insolenter gloriarentur quodque
tam diu se impune iniurias tulisse admirarentur,
5 eodem pertinere. Consuesse enim deos immortales,
quo gravius homines ex commutatione rerum do-
leant, quos pro scelere eorum ulcisci velint, his
secundiores interdum res et diuturniorem impuni-
6 tatem concedere. Cum ea ita sint, tamen, si obsides
ab iis sibi dentur, uti ea, quae polliceantur, fac-
turos intellegat, et si Aeduis de iniuriis, quas ipsis
sociisque eorum intulerint, item si Allobrogibus
satisfaciant, sese cum iis pacem esse facturum.
7 Divico respondit: Ita Helvetios a maioribus suis

institutos esse, uti obsides accipere, non dare consuerint: eius rei populum Romanum esse testem. Hoc responso dato discessit.

15. Postero die castra ex eo loco movent. Idem facit Caesar equitatumque omnem, ad numerum quattuor milium, quem ex omni provincia et Aeduis atque eorum sociis coactum habebat, praemittit, qui videant, quas in partes hostes iter faciant. Qui cupidius novissimum agmen insecuti² alieno loco cum equitatu Helvetiorum proelium committunt; et pauci de nostris cadunt. Quo proelio³ sublatis Helvetii, quod quingentis equitibus tantam multitudinem equitum propulerant, audacius subsistere nonnunquam et novissimo agmine proelio nostros lacessere coeperunt. Caesar suos a proelio⁴ continebat ac satis habebat in praesentia hostem rapinis pabulationibus [populationibus]que prohibere. Ita dies circiter quindecim iter fecerunt, uti inter⁵ novissimum hostium agmen et nostrum primum non amplius quinque aut sex milibus passuum interesset.

16. Interim cotidie Caesar Aeduos frumentum, quod essent publice polliciti, flagitare. Nam propter⁶ frigora, quod Gallia sub septentrionibus, ut ante dictum est, posita est, non modo frumenta in agris matura non erant, sed ne pabuli quidem satis magna copia suppetebat; eo autem frumento, quod⁷ flumine Arare navibus subvexerat, propterea uti minus poterat, quod iter ab Arare Helvetii avertent, a quibus discedere volebat. Diem ex die du-⁸ cere Aedui: conferri, comportari, adesse dicere. Ubi se diutius duci intellexit et diem instare, quo⁹

die frumentum militibus metiri oporteret, convocatis eorum principibus, quorum magnam copiam in castris habebat, in his Divitiaco et Lisco, qui summo magistratui praeerat, quem vergobretum appellant Aedui, qui creatur annuus et vitae necisque in suos habet potestatem, graviter eos accusat, quod, cum neque emi neque ex agris sumi posset, tam necessario tempore, tam propinquis hostibus ab iis non sublevetur, praesertim cum magna ex parte eorum precibus adductus bellum suscepit; multo etiam gravius, quod sit destitutus, queritur.

17. Tum demum Liscus oratione Caesaris adductus, quod antea tacuerat, proponit: esse nonnullos, quorum auctoritas apud plebem plurimum valeat, qui privatim plus possint quam ipsi magistratus. Hos seditiosa atque improba oratione multitudinem deterrere, ne frumentum conferant; quod praestare debeat, si iam principatum Galliae obtinere non possint, Gallorum quam Romanorum imperia perferre; neque dubitare debeant, quin, si Helvetios superaverint Romani, una cum reliqua Gallia Aeduis libertatem sint erepturi. Ab eisdem nostra consilia quaeque in castris gerantur hostibus enuntiari: hos a se coerceri non posse. Quin etiam, quod necessaria re coactus Caesari enuntiarit, intellegere sese, quanto id cum periculo fecerit, et ob eam causam, quam diu potuerit, tacuisse.

18. Caesar hac oratione Lisci Dumnorigem, Divitiaci fratrem, designari sentiebat, sed, quod pluribus praesentibus eas res iactari nolebat, celeriter concilium dimittit, Liscum retinet. Quaerit ex

solo ea, quae in conventu dixerat. Dicit liberius atque audacius. Eadem secreto ab aliis quaerit; reperit esse vera: ipsum esse Dumnorigem, summa³ audacia, magna apud plebem propter liberalitatem gratia, cupidum rerum novarum. Complures annos portoria reliquaque omnia Aeduorum vectigalia parvo pretio redempta habere, propterea quod illo licente contra liceri audeat nemo. His rebus et⁴ suam rem familiarem auxisse et facultates ad largiendum magnas comparasse; magnum numerum⁵ equitatus suo sumptu semper alere et circum se habere, neque solum domi, sed etiam apud finis⁶ timas civitates largiter posse atque huius potentiae causa matrem in Biturigibus homini illic nobilissimo ac potentissimo collocasse, ipsum ex Helvetiis⁷ uxorem habere, sororem ex matre et propinquas suas nuptum in alias civitates collocasse. Favere⁸ et cupere Helvetiis propter eam affinitatem, odisse etiam suo nomine Caesarem et Romanos, quod eorum adventu potentia eius deminuta, et Divitiacus frater in antiquum locum gratiae atque honoris sit restitutus. Si quid accidat Romanis, summam in⁹ spem per Helvetios regni obtinendi venire; imperio populi Romani non modo de regno, sed etiam de ea, quam habeat, gratia desperare. Reperiebat etiam¹⁰ in quaerendo Caesar, quod proelium equestre adversum paucis ante diebus esset factum, initium eius fugae factum a Dumnorige atque eius equitibus (nam equitatui, quem auxilio Caesari Aedui miserant, Dumnorix praeerat): eorum fuga reliquum esse equitatum perterritum.

19. Quibus rebus cognitis, cum ad has suspensiones certissimae res accederent, quod per fines Sequanorum Helvetios traduxisset, quod obsides inter eos dandos curasset, quod ea omnia non modo iniussu suo et civitatis, sed etiam inscientibus ipsis fecisset, quod a magistratu Aednorum accusaretur, satis esse causae arbitrabatur, quare in eum aut ipse animadverteret, aut civitatem animadvertere iuberet. His omnibus rebus unum repugnabat, quod Divitiaci fratris summum in populum Romanum studium, summam in se voluntatem, egregiam fidem, iustitiam, temperantiam cognoverat; nam, ne eius supplicio Divitiaci animum offenderet, verebatur. Itaque prius, quam quidquam conaretur, Divitiacum ad se vocari iubet et cotidianis interpretibus remotis per C. Valerium Procillum, principem Galliae provinciae, familiarem suum, cui summam omnium rerum fidem habebat, cum eo colloquitur; simul commonefacit, quae ipso praesente in concilio Gallorum de Dumnorige sint dicta, et ostendit, quae separatim quisque de eo apud se dixerit. Petit atque hortatur, ut sine eius offensione animi vel ipse de eo causa cognita statuatur, vel civitatem statuere iubeat.

20. Divitiacus multis cum lacrimis Caesarem complexus obsecrare coepit, ne quid gravius in fratrem statueret: scire se illa esse vera, nec quemquam ex eo plus quam se doloris capere, propterea quod, cum ipse gratia plurimum domi atque in reliqua Gallia, ille minimum propter adulescentiam posset, per se crevisset; quibus opibus ac nervis

non solum ad minuendam gratiam, sed paene ad perniciem suam uteretur. Sese tamen et amores fraterno et existinatione vulgi commoveri. Quod si⁴ quid ei a Caesare gravius accidisset, cum ipse eum locum amicitiae apud eum teneret, neminem existimaturum non sua voluntate factum; qua ex re futurum, uti totius Galliae animi a se averterentur. Haec cum pluribus verbis flens a Caesare peteret,⁵ Caesar eius dextram prendit; consolatus rogat, finem orandi faciat; tanti eius apud se gratiam esse ostendit, uti et reipublicae iniuriam et suum dolorem eius voluntati ac precibus condonet. Dum-⁶ norigem ad se vocat, fratrem adhibet; quae in eo reprehendat, ostendit; quae ipse intellegat, quae civitas queratur, proponit; monet, ut in reliquum tempus omnes suspiciones vitet; praeterita se Divitiaco fratri condonare dicit. Dumnorigi custodes ponit, ut, quae agat, quibuscum loquatur, scire possit.

21. Eodem die ab exploratoribus certior factus hostes sub monte consedissee milia passuum ab ipsius castris octo, qualis esset natura montis et qualis in circuitu ascensus, qui cognoscerent, misit. Re-² nuntiatum est facilem esse. De tertia vigilia Titum Labienum, legatum pro praetore, cum duabus legionibus et iis ducibus, qui iter cognoverant, summum iugum montis ascendere iubet; quid sui consilii sit, ostendit. Ipse de quarta vigilia eodem itinere,³ quo hostes ierant, ad eos contendit equitatumque omnem ante se mittit. P. Considius, qui rei militaris⁴ peritissimus habebatur, et in exercitu L. Sullae

et postea in M. Crassi fuerat, cum exploratoribus praemittitur.

22. Prima luce, cum summus mons a Labieno teneretur, ipse ab hostium castris non longius mille et quingentis passibus abesset, neque, ut postea ex captivis comperit, aut ipsius adventus aut Labieni cognitus esset, Considius equo admissio ad eum accurrit, dicit montem, quem a Labieno occupari voluerit, ab hostibus teneri: id se a Gallicis armis atque insignibus cognovisse. Caesar suas copias in proximum collem subducit, aciem instruit. Labienus, ut erat ei praeceptum a Caesare, ne proelium committeret, nisi ipsius copiae prope hostium castra visae essent, ut undique uno tempore in hostes impetus fieret, monte occupato nostros exspectabat proelioque abstinebat. Multo denique die per exploratores Caesar cognovit et montem a suis teneri et Helvetios castra movisse et Considium timore perterritum, quod non vidisset, pro viso sibi renuntiasset. Eo die quo consuevit intervallo hostes sequitur et milia passuum tria ab eorum castris castra ponit.

23. Postridie eius diei, quod omnino biduum supererat, cum exercitui frumentum metiri opereretur, et quod a Bibracte, oppido Aeduorum longe maximo et copiosissimo, non amplius milibus passuum XVIII aberat, rei frumentariae prospiciendum existimavit; iter ab Helvetiis avertit ac Bibracte ire contendit. Ea res per fugitivos L. Aemilii, decurionis equitum Gallorum, hostibus nuntiatur. Helvetii, seu quod timore perterritos Romanos discedere

a se existimarent, eo magis, quod pridie superioribus locis occupatis proelium non commisissent, sive eo, quod re frumentaria intercludi posse confiderent, commutato consilio atque itinere converso nostros a novissimo agmine insequi ac lacessere coeperunt.

24. Postquam id animum advertit, copias suas Caesar in proximum collem subducit equitatumque, qui sustineret hostium impetum, misit. Ipse interim in colle medio triplicem aciem instruxit legionum quattuor veteranarum; supra eas in summo iugos duas legiones, quas in Gallia citeriore proxime conscripserat, et omnia auxilia collocari ac totum montem hominibus compleri et interea sarcinas in unum locum conferri et eum ab his, qui in superiore acie constiterant, muniri iussit. Helvetii cum omnibus suis carris secuti impedimenta in unum locum contulerunt; ipsi confertissima acie reiecto nostro equitatu phalange facta sub primam nostram aciem successerunt.

25. Caesar primum suo, deinde omnium ex conspectu remotis equis, ut aequato omnium periculo spem fugae tolleret, cohortatus suos proelium commisit. Milites e loco superiore pilis missis facile hostium phalangem perfregerunt. Ea disiecta gladiis dstrictis in eos impetum fecerunt. Gallis magno ad pugnam erat impedimento, quod pluribus eorum scutis uno ictu pilorum transfixis et colligatis, cum ferrum se inflexisset, neque evellere neque sinistra impedita satis commode pugnare poterant, multi ut diu iactato brachio praeoptarent

scutum manu emittere et nudo corpore pugnare.
5 Tandem vulneribus defessi et pedem referre et,
quod mons suberat circiter mille passuum, eo se
6 recipere coeperunt. Capto monte et succedentibus
nostris Boii et Tulingi, qui hominum milibus cir-
citer xv agmen hostium claudebant et novissimis
praesidio erant, ex itinere nostros latere aperto
aggressi circumvenire, et id conspicati Helvetii, qui
in montem sese receperant, rursus instare et proe-
lium redintegrare coeperunt. Romani conversa signa
7 bipartito intulerunt: prima et secunda acies, ut
victis ac summotis resisteret, tertia, ut venientes
sustineret.

26. Ita ancipiti proelio diu atque acriter pu-
gnatum est. Diutius cum sustinere nostrorum im-
petus non possent, alteri se, ut coeperant, in montem
receperunt, alteri ad impedimenta et carros suos
2 se contulerunt. Nam hoc toto proelio, cum ab hora
septima ad vesperum pugnatum sit, aversum hostem
3 videre nemo potuit. Ad multam noctem etiam ad
impedimenta pugnatum est, propterea quod pro vallo
carros obiecerant et e loco superiore in nostros
venientes tela coniciebant, et nonnulli inter carros
rotasque mataras ac tragulas subiciebant nostrosque
4 vulnerabant. Diu cum esset pugnatum, impedimentis
castrisque nostri potiti sunt. Ibi Orgetorigis filia
5 atque unus e filiis captus est. Ex eo proelio cir-
citer hominum milia cxxx superfuerunt eaque tota
nocte continenter ierunt: nullam partem noctis
itinere intermisso in fines Lingonum die quarto
pervenerunt, cum et propter vulnera militum et

propter sepulturam occisorum nostri triduum morati eos sequi non potuissent. Caesar ad Lingonas literas nuntiosque misit, ne eos frumento neve alia re iuvarent: qui si iuvissent, se eodem loco, quo Helvetios, habiturum. Ipse triduo intermisso cum omnibus copiis eos sequi coepit.

27. Helvetii omnium rerum inopia adducti legatos de deditione ad eum miserunt. Qui cum eum₂ in itinere convenissent seque ad pedes proiecissent suppliciterque locuti flentes pacem petissent, atque eos in eo loco, quo tum essent, suum adventum expectare iussisset, paruerunt. Eo postquam Caesar₃ pervenit, obsides, arma, servos, qui ad eos perfugissent, poposcit. Dum ea conquiruntur et confectur₄ runtur, nocte intermissa circiter hominum milia vi eius pagi, qui Verbigenus appellatur, sive timore perterriti, ne armis traditis supplicio afficerentur, sive spe salutis inducti, quod in tanta multitudine dediticiorum suam fugam aut occultari aut omnino ignorari posse existimarent, prima nocte castris Helvetiorum egressi ad Rhenum finesque Germanorum contenderunt.

28. Quod ubi Caesar rescit, quorum per fines ierant, his, uti conquirerent et reducerent, si sibi purgati esse vellent, imperavit: reductos in hostium₂ numero habuit; reliquos omnes obsidibus, armis, perfugis traditis in deditionem accepit. Helvetios₃, Tulingos, Latovicos in fines suos, unde erant profecti, reverti iussit, et quod omnibus fructibus amissis domi nihil erat, quo famem tolerarent, Allobrogibus imperavit, ut iis frumenti copiam

facerent: ipsos oppida vicosque, quos incenderant, restituere iussit. Id ea maxime ratione fecit, quod noluit eum locum, unde Helvetii discesserant, vacare, ne propter bonitatem agrorum Germani, qui trans Rhenum incolunt, e suis finibus in Helvetiorum fines transirent et finitimi Galliae provinciae Allobrogibusque essent. Boios petentibus Aeduis, quod egregia virtute erant cogniti, ut in finibus suis collocarent, concessit; quibus illi agros dederunt quosque postea in parem iuris libertatisque conditionem, atque ipsi erant, receperunt.

29. In castris Helvetiorum tabulae repertae sunt litteris Graecis confectae et ad Caesarem relatae, quibus in tabulis nominatim ratio confecta erat, qui numerus domo exisset eorum, qui arma ferre possent, et item separatim pueri, senes mulieresque. Quarum omnium rerum summa erat capitum Helvetiorum milia CCLXIII, Tulingorum milia xxxvi, Latovicorum XIII, Rauracorum XXIII, Boiorum XXXII; ex his qui arma ferre possent, ad milia nonaginta duo. Summa omnium fuerunt ad milia CCCLXVIII. Eorum, qui domum redierunt, censu habito, ut Caesar imperaverat, repertus est numerus milium C et X.

30. Bello Helvetiorum confecto totius fere Galliae legati, principes civitatum, ad Caesarem gratulatum convenerunt: intellegere sese, tametsi pro veteribus Helvetiorum iniuriis populi Romani ab his poenas bello repetisset, tamen eam rem non minus ex usu terrae Galliae quam populi Romani accidisse, propterea quod eo consilio florentissimis

rebus domos suas Helvetii reliquissent, ut toti Galliae bellum inferrent imperioque potirentur locumque domicilio ex magna copia deligerent, quem ex omni Gallia opportunissimum ac fructuosissimum iudicassent, reliquasque civitates stipendiarias haberent. Petierunt, ut sibi concilium totius Galliae in diem⁴ certam indicare idque Caesaris voluntate facere liceret: sese habere quasdam res, quas ex communi consensu ab eo petere vellent. Ea re permissa diem⁵ concilio constituerunt et iureiurando, ne quis enuntiaret, nisi quibus communi consilio mandatum esset, inter se sanxerunt.

31. Eo concilio dimisso iidem principes civitatum, qui ante fuerant, ad Caesarem reverterunt petieruntque, ut sibi secreto [in occulto] de sua omniumque salute cum eo agere liceret. Ea re impetrata sese omnes flentes Caesari ad pedes proiec-
cerunt: non minus se id contendere et laborare, ne ea, quae dixissent, enuntiarentur, quam uti ea, quae vellent, impetrarent, propterea quod, si enuntiatum esset, summum in cruciatum se venturos viderent. Locutus est pro his Divitiacus Aeduus: Galliae totius factiones esse duas; harum alterius principatum tenere Aeduos, alterius Arvernos. Hi⁴ cum tantopere de potentatu inter se multos annos contenderent, factum esse, uti ab Arvernibus Sequanisque Germani mercede arcesserentur. Horum⁵ primo circiter milia xv Rhenum transisse; posteaquam agros et cultum et copias Gallorum homines feri ac barbari adamassent, traductos plures; nunc esse in Gallia ad centum et viginti milium numerum.

6 Cum his Aeduos eorumque clientes semel atque iterum
armis contendisse; magnam calamitatem pulsos ac-
cepisse, omnem nobilitatem, omnem senatum, omnem
7 equitatum amisisse. Quibus proeliis calamitatibus-
que fractos, qui et sua virtute et populi Romani
hospitio atque amicitia plurimum ante in Gallia po-
tuissent, coactos esse Sequanis obsides dare nobi-
lissimos civitatis et iureiurando civitatem obstringere,
sese neque obsides repetituros neque auxilium a
populo Romano imploratorios neque recusatorios, quo
minus perpetuo sub illorum ditione atque imperio
8 essent. Unum se esse ex omni civitate Aeduorum,
qui adduci non potuerit, ut iuraret aut liberos suos
9 obsides daret. Ob eam rem se ex civitate profu-
gis et Romam ad senatum venisse auxilium po-
stulatum, quod solus neque iureiurando neque ob-
10 sidibus teneretur. Sed peius victoribus Sequanis
quam Aeduis victis accidisse, propterea quod Ario-
vistus, rex Germanorum, in eorum finibus conse-
disset tertiamque partem agri Sequani, qui esset
optimus totius Galliae, occupavisset et nunc de
altera parte tertia Sequanos decedere iuberet, pro-
pterea quod paucis mensibus ante Harudum milia
hominum XXIII ad eum venissent, quibus locus ac
11 sedes pararentur. Futurum esse paucis annis, uti
omnes ex Galliae finibus pellerentur, atque omnes
Germani Rhenum transirent: neque enim conferen-
dum esse Gallicum cum Germanorum agro, neque
hanc consuetudinem victus cum illa comparandam.
12 Ariovistum autem, ut semel Gallorum copias proelio
vicerit, quod proelium factum sit Admagetobrigae,

superbe et crudeliter imperare, obsides nobilissimi cuiusque liberos poscere et in eos omnia exempla cruciatusque edere, si qua res non ad nutum aut ad voluntatem eius facta sit. Hominem esse barbarum, iracundum, temerarium; non posse eius imperia diutius sustineri. Nisi si quid in Caesare populoque Romano sit auxilii, omnibus Gallis idem esse faciendum, quod Helvetii fecerint, ut domo emigrent, aliud domicilium, alias sedes, remotas a Germanis, petant fortunamque, quaecumque accadat, experiantur. Haec si enuntiata Ariovisto sint, non dubitare, quin de omnibus obsidibus, qui apud eum sint, gravissimum supplicium sumat. Caesarem vel auctoritate sua atque exercitus vel recenti victoria vel nomine populi Romani deterrere posse, ne maior multitudo Germanorum Rhenum traducatur, Galliamque omnem ab Ariovisti iniuria posse defendere.

32. Hac oratione ab Divitiaco habita omnes, qui aderant, magno fletu auxilium a Caesare petere coeperunt. Animadvertit Caesar unos ex omnibus Sequanos nihil earum rerum facere, quas ceteri facerent, sed tristes capite demisso terram intueri. Eius rei quae causa esset, miratus ex ipsis quaesiit. Nihil Sequani respondere, sed in eadem tristitia taciti permanere. Cum ab his saepius quaereret neque ullam omnino vocem exprimere posset, idem Divitiacus Aeduus respondit: hoc esse miseriorem et gravio rem fortunam Sequanorum quam reliquorum, quod soli ne in occulto quidem queri neque auxilium implorare auderent absentisque Ariovisti crudelitatem, velut si coram adesset, horrerent,

propterea quod reliquis tamen fugae facultas daretur, Sequanis vero, qui intra fines suos Ariovistum recepissent, quorum oppida omnia in potestate eius essent, omnes cruciatus essent perferendi.

33. His rebus cognitis Caesar Gallorum animos verbis confirmavit pollicitusque est sibi eam rem curae futuram: magnam se habere spem, et beneficio suo et auctoritate adductum Ariovistum finem iniuriis facturum. Hac oratione habita concilium dimisit. Et secundum ea multae res eum hortabantur, quare sibi eam rem cogitandam et suscipiendam putaret, imprimis, quod Aeduos, fratres consanguineosque saepenumero a senatu appellatos, in servitute atque in ditione videbat Germanorum teneri eorumque obsides esse apud Ariovistum ac Sequanos intellegebat; quod in tanto imperio populi Romani turpissimum sibi et rei publicae esse arbitrabatur. Paulatim autem Germanos consuescere Rhenum transire et in Galliam magnam eorum multitudinem venire populo Romano periculosum videbat, neque sibi homines feros ac barbaros temperaturos existimabat, quin, cum omnem Galliam occupavissent, ut ante Cimbri Teutonique fecissent, in provinciam exirent atque inde in Italiam contenderent, praesertim cum Sequanos a provincia nostra Rhodanus divideret; quibus rebus quam maturime occurrendum putabat. Ipse autem Ariovistus tantos sibi spiritus, tantam arrogantiam sumpserat, ut ferendus non videretur.

34. Quamobrem placuit ei, ut ad Ariovistum legatos mitteret, qui ab eo postularent, uti aliquem

locum medium utriusque colloquio deligeret: velle sese de re publica et summis utriusque rebus cum eo agere. Ei legationi Ariovistus respondit: si quid ipsi a Caesare opus esset, sese ad eum venturum fuisse; si quid ille se velit, illum ad se venire oportere. Praeterea se neque sine exercitu in eas partes Galliae venire audere, quas Caesar possideret, neque exercitum sine magno compectu atque molimento in unum locum contrahere posse. Sibi autem mirum videri, quid in sua Gallia, quam bello vicisset, aut Caesari aut omnino populo Romano negotii esset.

35. His responsis ad Caesarem relatis iterum ad eum Caesar legatos cum his mandatis mittit: quoniam tanto suo populiue Romani beneficio affectus, cum in consulatu suo rex atque amicus a senatu appellatus esset, hanc sibi populoque Romano gratiam referret, ut in colloquium venire invitatus gravaretur neque de communi re dicendum sibi et cognoscendum putaret, haec esse, quae ab eo postularet: primum, ne quam multitudinem hominum amplius trans Rhenum in Galliam traduceret; deinde obsides, quos haberet ab Aeduis, redderet Sequanisque permetteret, ut, quos illi haberent, voluntate eius reddere illis liceret; neve Aeduos iniuria lacesseret, neve his sociisque eorum bellum inferret. Si id ita fecisset, sibi populoque Romano perpetuam gratiam atque amicitiam cum eo futuram: si non impetraret, sese, quoniam M. Messala, M. Pisone consulibus senatus censuisset, uti, quicumque Galliam provinciam obtineret, quod com-

modo reipublicae facere posset, Aeduos ceterosque amicos populi Romani defenderet, se Aeduorum iniurias non neglecturum.

36. Ad haec Ariovistus respondit: ius esse belli, ut, qui vicissent, iis, quos vicissent, quemadmodum vellent, imperarent: item populum Romanum victis non ad alterius praescriptum, sed ad suum arbitrium imperare consuesse. Si ipse populo Romano non praescriberet, quemadmodum suo iure uteretur, non oportere sese a populo Romano in suo iure impediri. Aeduos sibi, quoniam belli fortunam temptassent et armis congressi ac superati essent, stipendiarios esse factos. Magnam Caesarem iniuriam facere, qui suo adventu vectigalia sibi deteriora faceret. Aeduis se obsides redditurum non esse, neque iis neque eorum sociis iniuria bellum illaturum, si in eo manerent, quod convenisset, stipendiumque quotannis penderent; si id non fecissent, longe iis fraternum nomen populi Romani afuturum. Quod sibi Caesar denuntiaret se Aeduorum iniurias non neglecturum, neminem secum sine sua pernicie contendisse. Cum vellet, congredieretur: intellecturum, quid invicti Germani, exercitatisissimi in armis, qui inter annos XIII tectum non subissent, virtute possent.

37. Haec eodem tempore Caesari mandata referebantur, et legati ab Aeduis et a Treveris veniebant: Aedui questum, quod Harudes, qui nuper in Galliam transportati essent, fines eorum popularentur: sese ne obsidibus quidem datis pacem Ariovisti redimere potuisse; Treveri autem, pagos centum

Sueborum ad ripam Rheni consedissee, qui Rhenum transire conarentur; his praeesse Nasuam et Cimmerium fratres. Quibus rebus Caesar vehementer commotus maturandum sibi existimavit, ne, si, nova manus Sueborum cum veteribus copiis Ariovisti sese coniunxisset, minus facile resisti posset. Itaque res frumentaria quam celerrime potuit comparata magnis itineribus ad Ariovistum contendit.

38. Cum tridui viam processisset, nuntiatum est ei Ariovistum cum suis omnibus copiis ad occupandum Vesontionem, quod est oppidum maximum Sequanorum, contendere triduique viam a suis finibus profecisse. Id ne accideret, magnopere sibi praecavendum Caesar existimabat. Namque omnium rerum, quae ad bellum usui erant, summa erat in eo oppido facultas, idque natura loci sic muniebatur, ut magnam ad ducendum bellum daret facultatem, propterea quod flumen Dubis ut circino circumductum paene totum oppidum cingit; reliquum spatium, quod est non amplius pedum M sexcentorum, qua flumen intermittit, mons continet magna altitudine, ita, ut radices montis ex utraque parte ripae fluminis contingant. Hunc murus circumdatus arcem efficit et cum oppido coniungit. Huc Caesar magnis nocturnis diurnisque itineribus contendit occupatoque oppido ibi praesidium collocat.

39. Dum paucos dies ad Vesontionem rei frumentariae commeatusque causa moratur, ex percontatione nostrorum vocibusque Gallorum ac mercatorum, qui ingenti magnitudine corporum Germanos, incredibili virtute atque exercitatione in

armis esse praedicabant (saepenumero sese cum his congressos ne vultum quidem atque aciem oculorum dicebant ferre potuisse), tantus subito timor omnem exercitum occupavit, ut non mediocriter omnium mentes animosque perturbaret. Hic primum ortus est a tribunis militum, praefectis reliquisque, qui ex urbe amicitiae causa Caesarem secuti non magnum in re militari usum habebant: quorum alius alia causa illata, quam sibi ad proficiscendum necessariam esse diceret, petebat, ut eius voluntate discedere liceret; nonnulli pudore adducti, ut timoris suspicionem vitarent, remanebant. Hi neque vultum fingere neque interdum lacrimas tenere poterant; abditi in tabernaculis aut suum fatum querebantur, aut cum familiaribus suis commune periculum miserabantur. Vulgo totis castris testamenta obsignabantur. Horum vocibus ac timore paulatim etiam ii, qui magnum in castris usum habebant, milites centurionesque quique equitatu praecerant, perturbabantur. Qui se ex his minus timidos existimari volebant, non se hostem vereri, sed angustias itineris, magnitudinem silvarum, quae intercederent inter ipsos atque Ariovistum, aut rem frumentariam, ut satis commode supportari posset, timere dicebant. Nonnulli etiam Caesari nuntiabant, cum castra moveri ac signa ferri iussisset, non fore dicto audientes milites neque propter timorem signa laturos.

40. Haec cum animadvertisset, convocato consilio omniumque ordinum ad id consilium adhibitis centurionibus, vehementer eos incusavit: primum quod, aut quam in partem aut quo consilio du-

rentur, sibi quaerendum aut cogitandum putarent. Ariovistum se consule cupidissime populi Romani amicitiam appetisse: cur hunc tam temere quisquam ab officio discessurum iudicaret? Sibi quidem persuaderi, cognitis suis postulatis atque aequitate conditionum perspecta, eum neque suam neque populi Romani gratiam repudiaturum. Quod si furore atque amentia impulsus bellum intulisset, quid tandem vererentur? aut cur de sua virtute aut de ipsius diligentia desperarent? Factum eius hostis periculum patrum nostrorum memoria, cum Cimbris et Teutonis a Gaio Mario pulsus non minorem laudem exercitus quam ipse imperator meritus videbatur; factum etiam nuper in Italia servili tumultu, quos tamen aliquid usus ac disciplina, quae a nobis accepissent, sublevarent. Ex quo iudicari posse, quantum haberet in se boni constantia, propterea quod, quos aliquamdiu inermos sine causa timuissent, hos postea armatos ac victores superassent. Denique hos esse eosdem, quibuscum saepenumero Helvetii congressi non solum in suis, sed etiam in illorum finibus plerumque superarint, qui tamen pares esse nostro exercitui non potuerint. Si quos adversum proelium et fuga Gallorum commoveret, hos, si quaerent, reperire posse diturnitate belli defatigatis Gallis Ariovistum, cum multos menses castris se ac paludibus tenuisset neque sui potestatem fecisset, desperantes iam de pugna et dispersos subito adortum magis ratione et consilio quam virtute vicisse. Cui rationi contra homines barbaros imperitos locus fuisset, hac ne

ipsum quidem sperare nostros exercitus capi posse.
10 Qui suum timorem in rei frumentariae simulationem
angustiasque itineris conferrent, facere arroganter,
cum aut de officio imperatoris desperare aut prae-
11 scribere viderentur. Haec sibi esse curae: frumentum
Sequanos, Leucos, Lingones subministrare, iamque
esse in agris frumenta matura; de itinere ipsos brevi
12 tempore iudicatu-ros. Quod non fore dicto audientes
neque signa latu-ri dicantur, nihil se ea re commo-
veri: scire enim, quibuscumque exercitus dicto
audiens non fuerit, aut male re gesta fortunam de-
fuisse, aut aliquo facinore comperto avaritiam esse
13 convictam: suam innocentiam perpetua vita, felici-
14 tatem Helvetiorum bello esse perspectam. Itaque
se, quod in longiorem diem collaturus fuisset, re-
praesentaturum et proxima nocte de quarta vigilia
castra moturum, ut quam primum intellegere posset,
utrum apud eos pudor atque officium, an timor
15 valeret. Quod si praeterea nemo sequatur, tamen se
cum sola decima legione iturum, de qua non dubi-
taret, sibi-que eam praetoriam cohortem futuram.
Huic legioni Caesar et indulserat praecipue et
propter virtutem confidebat maxime.

41. Hac oratione habita mirum in modum con-
versae sunt omnium mentes, summaque alacritas
2 et cupiditas belli gerendi innata est, princepsque
decima legio per tribunos militum ei gratias egit,
quod de se optimum iudicium fecisset, seque esse
3 ad bellum gerendum paratissimam confirmavit. De-
inde reliquae legiones cum tribunis militum et pri-
morum ordinum centurionibus egerunt, uti Caesari

satisfacerent: se neque umquam dubitasse neque timuisse neque de summa belli suum iudicium, sed imperatoris esse existimavisse. Eorum satisfactione, accepta et itinere exquisito per Divitiacum, quod ex aliis ei maximam fidem habebat, ut milium amplius quinquaginta circuitu locis apertis exercitum duceret, de quarta vigilia, ut dixerat, profectus est. Septimo die, cum iter non intermitteret, ab exploratoribus certior factus est, Ariovisti copias a nostris milibus passuum quattuor et XX abesse.

42. Cognito Caesaris adventu Ariovistus legatos ad eum mittit: quod antea de colloquio postulasset, id per se fieri licere, quoniam propius accessisset seque id sine periculo facere posse existimaret. Non, respuit condicionem Caesar iamque eum ad sanitatem reverti arbitrabatur, cum id, quod antea petenti denegasset, ultro polliceretur, magnamque in spem veniebat pro suis tantis populique Romani in eum beneficiis, cognitis suis postulatis fore, uti pertinacia desisteret. Dies colloquio dictus est ex eo die quintus. Interim saepe ultro citroque cum legati inter eos mitterentur, Ariovistus postulavit, ne quem peditem ad colloquium Caesar adduceret: vereri se, ne per insidias ab eo circumveniretur; uterque cum equitatu veniret: alia ratione sese non esse venturum. Caesar, quod neque colloquium interposita causa tolli volebat neque salutem suam Gallorum equitatu committere audebat, commodissimum esse statuit, omnibus equis Gallis equitibus detractis eo legionarios milites legionis decimae, cui quam maxime confidebat, imponere, ut prae-

sidium quam amicissimum, si quid opus facto esset, haberet. Quod cum fieret, non irridicule quidam ex militibus decimae legionis dixit: plus, quam pollicitus esset, Caesarem facere: pollicitum se in cohortis praetoriae loco decimam legionem habiturum, ad equum rescribere.

43. Planicies erat magna et in ea tumulus terrenus satis grandis. Hic locus aequo fere spatio ab castris Ariovisti et Caesaris aberat. Eo, ut erat dictum, ad colloquium venerunt. Legionem Caesar, quam equis devexerat, passibus ducentis ab eo tumulo constituit. Item equites Ariovisti pari intervallo constiterunt. Ariovistus, ex equis ut colloquerentur et praeter se denos ut ad colloquium adducerent, postulavit. Ubi eo ventum est, Caesar initio orationis sua senatusque in eum beneficia commemoravit, quod rex appellatus esset a senatu, quod amicus, quod munera amplissime missa; quam rem et paucis contigisse et pro magnis hominum officiis consuesse tribui docebat; illum, cum neque aditum neque causam postulandi iustam haberet, beneficio ac liberalitate sua ac senatus ea praemia consecutum. Docebat etiam, quam veteres quamque iustae causae necessitudinis ipsis cum Aeduis intercederent; quae senatusconsulta quotiens quamque honorifica in eos facta essent; ut omni tempore totius Galliae principatum Aedui tenuissent, prius etiam, quam nostram amicitiam appetissent. Populi Romani hanc esse consuetudinem, ut socios atque amicos non modo sui nihil deperdere, sed gratia, dignitate, honore auctiores velit esse: quod vero

ad amicitiam populi Romani attulissent, id iis eripiquis pati posset? Postulavit deinde eadem, quae legatis in mandatis dederat, ne aut Aeduis aut eorum sociis bellum inferret; obsides redderet: si nullam partem Germanorum domum remittere posset, at ne quos amplius Rhenum transire pateretur.

44. Ariovistus ad postulata Caesaris pauca respondit, de suis virtutibus multa praedicavit: transisse Rhenum sese non sua sponte, sed rogatum et arcessitum a Gallis; non sine magna spe magnisque praemiis domum propinquosque reliquisse; sedes habere in Gallia ab ipsis concessas, obsides ipsorum voluntate datos; stipendium capere iure belli, quod victores victis imponere consuerint. Non sese Gallis, sed Gallos sibi bellum intulisse; omnes Galliae civitates ad se oppugnandum venisse ac contra se castra habuisse; eas omnes copias a se uno proelio pulsas ac superatas esse. Si iterum experiri velint, se iterum paratum esse decertare; si pace uti velint, iniquum esse de stipendio recusare, quod sua voluntate ad id tempus pependerit. Amicitiam populi Romani sibi ornamento et praesidio, non detrimento esse oportere, idque se ea spe petisse. Si per populum Romanum stipendium remittatur et dediticii subtrahantur, non minus libenter sese recusaturum populi Romani amicitiam, quam appetierit. Quod multitudinem Germanorum in Galliam traducat, id se sui muniendi, non Galliae impugnandae causa facere: eius rei testimonium esse, quod nisi rogatus non venerit et quod bellum non intulerit, sed defenderit. Se prius

in Galliam venisse quam populum Romanum. Numquam ante hoc tempus exercitum populi Romani Galliae provinciae finibus egressum. Quid sibi vellet, cur in suas possessiones veniret? Provinciam suam hanc esse Galliam, sicut illam nostram. Ut ipsi concedi non oporteret, si in nostros fines impetum faceret, sic item nos esse iniquos, quod in suo iure se interpellaremus. Quod fratres Aeduos appellatos diceret, non se tam barbarum neque tam imperitum esse rerum, ut non sciret neque bello Allobrogum proximo Aeduos Romanis auxilium tulisse neque ipsos in his contentionibus, quas Aedui secum et cum Sequanis habuissent, auxilio populi Romani usos esse. Debere se suspicari simulata Caesarem amicitia, quod exercitum in Gallia habeat, sui opprimendi causa habere. Qui nisi decedat atque exercitum deducat ex his regionibus, sese illum non pro amico sed hoste habiturum. Quod si eum interfecerit, multis sese nobilibus principibusque populi Romanum gratum esse facturum: id se ab ipsis per eorum nuntios compertum habere, quorum omnium gratiam atque amicitiam eius morte redimere posset. Quod si discessisset et liberam possessionem Galliae sibi tradidisset, magno se illum praemio remuneraturum et quaecumque bella geri vellet, sine ullo eius labore et periculo confecturum.

45. Multa ab Caesare in eam sententiam dicta sunt, quare negotio desistere non posset: neque suam neque populi Romani consuetudinem pati, uti optime merentes socios desereret, neque se iudicare Galliam potius esse Ariovisti quam populi Romani.

Bello superatos esse Arvernos et Rutenos ab Quinto Fabio Maximo, quibus populus Romanus ignovisset neque in provinciam redegisset neque stipendium imposuisset. Quod si antiquissimum quodque tempus spectari oporteret, populi Romani iustissimum esse in Gallia imperium; si iudicium senatus observari oporteret, liberam debere esse Galliam, quam bello victam suis legibus uti voluisset.

46. Dum haec in colloquio geruntur, Caesari nuntiatum est equites Ariovisti propius tumultum accedere et ad nostros adequitare, lapides telaque in nostros conicere. Caesar loquendi finem facit; seque ad suos recepit suisque imperavit, ne quod omnino telum in hostes reicerent. Nam etsi sine ullo periculo legionis delectae cum equitatu proelium fore videbat, tamen committendum non putabat, ut pulsus hostibus dici posset eos ab se per fidem in colloquio circumventos. Posteaquam in vulgus militum elatum est, qua arrogantia in colloquio Ariovistus usus omni Gallia Romanis interdixisset, impetumque in nostros eius equites fecissent, eaque res colloquium ut diremisset, multo maior alacritas studiumque pugnandi maius exercitui iniectum est.

47. Biduo post Ariovistus ad Caesarem legatos mittit: velle se de his rebus, quae inter eos agi coeptae neque perfectae essent, agere cum eo; uti aut iterum colloquio diem constitueret aut, si id minus vellet, e suis legatum aliquem ad se mitteret. Colloquendi Caesari causa visa non est, et eo magis, quod pridie eius diei Germani retineri non poterant,

³quin in nostros tela conicerent. Legatum e suis sese magno cum periculo ad eum missurum et ⁴hominibus feris obiecturum existimabat. Commo-
dissimum visum est Gaium Valerium Procillum, C. Valeri Caburi filium, summa virtute et humani-
tate adulescentem, cuius pater a Gaio Valerio Flacco civitate donatus erat, et propter fidem et propter
linguae Gallicae scientiam, qua multa iam Ario-
vistus longinqua consuetudine utebatur, et quod in
eo peccandi Germanis causa non esset, ad eum
mittere et Marcum Metium, qui hospitio Ario-
vistus ⁵utebatur. His mandavit, ut, quae diceret Ario-
vistus, ⁶cognoscerent et ad se referrent. Quos cum apud
se in castris Ario-
vistus conspexisset, exercitu suo
praesente conclamavit: quid ad se venirent? an
speculandi causa? Conantes dicere prohibuit et in
catenas coniecit.

48. Eodem die castra promovit et milibus pas-
sum sex a Caesaris castris sub monte consedit.
²Postridie eius diei praeter castra Caesaris suas co-
pias traduxit et milibus passuum duobus ultra eum
castra fecit, eo consilio, uti frumento commeatuque,
qui ex Sequanis et Aeduis subportaretur, Caesarem
³intercluderet. Ex eo die dies continuos quinque
Caesar pro castris suas copias produxit et aciem
instructam habuit, ut, si vellet Ario-
vistus ⁴proelio contendere, ei potestas non deesset. Ario-
vistus his
omnibus diebus exercitum castris continuit, equestri
proelio cotidie contendit. Genus hoc erat pugnae,
⁵quo se Germani exercuerant. Equitum milia erant
sex, totidem numero pedites velocissimi ac fortissimi,

quos ex omni copia singuli singulos suae salutis causa delegerant: cum his in proeliis versabantur. Ad eos se equites recipiebant; hi, si quid erat durius, concurrebant, si qui graviore vulnere accepto equo deciderat, circumstabant; si quo erat longius prodeundum aut celerius recipiendum, tanta erat horum exercitatione celeritas, ut iubis equorum sublevati cursum adaequarent.

49. Ubi eum castris se tenere Caesar intellexit, ne diutius commeatu prohiberetur, ultra eum locum, quo in loco Germani consederant, circiter passus sexcentos ab his, castris idoneum locum delegit acieque triplici instructa ad eum locum venit. Primam et secundam aciem in armis esse, tertiam castra munire iussit. Hic locus ab hoste circiter passus sexcentos, uti dictum est, aberat. Eo circiter hominum numero sedecim milia expedita cum omni equitatu Ariovistus misit, quae copiae nostros perterrerent et munitione prohiberent. Nihilo secius Caesar, ut ante constituerat, duas acies hostem propulsare, tertiam opus perficere iussit. Munitis castris duas ibi legiones reliquit et partem auxiliorum; quattuor reliquas in castra maiora reduxit.

50. Proximo die instituto suo Caesar e castris utrisque copias suas eduxit paulumque a maioribus castris progressus aciem instruxit, hostibus pugnandi potestatem fecit. Ubi ne tum quidem eos prodire intellexit, circiter meridiem exercitum in castra reduxit. Tum demum Ariovistus partem suarum copiarum, quae castra minora oppugnaret, misit. Acriter utrimque usque ad vesperum pugnatum est.

³ Solis occasu suas copias Ariovistus multis et illatis
⁴ et acceptis vulneribus in castra reduxit. Cum ex
captivis quaereret Caesar, quamobrem Ariovistus
proelio non decertaret, hanc reperiebat causam,
quod apud Germanos ea consuetudo esset, ut matres-
familiae eorum sortibus et vaticinationibus decla-
rarent, utrum proelium committi ex usu esset, necne;
⁵ eas ita dicere: non esse fas Germanos superare, si
ante novam lunam proelio contendissent.

51. Postridie eius diei Caesar praesidium utris-
que castris, quod satis esse visum est, reliquit,
omnes alarios in conspectu hostium pro castris mi-
noribus constituit, quod minus multitudine militum
legionarium pro hostium numero valebat, ut ad
speciem alariis uteretur; ipse triplici instructa acie
² usque ad castra hostium accessit. Tum demum ne-
cessario Germani suas copias castris eduxerunt
generatimque constituerunt paribus intervallis, Ha-
rudes, Marcomanos, Triboces, Vangiones, Nemetes,
Sedusios, Suebos, omnemque aciem suam redis et
carris circumdederunt, ne qua spes in fuga relin-
³ queretur. Eo mulieres imposuerunt, quae in proelium
proficiscentes passis manibus flentes implorabant,
ne se in servitatem Romanis traderent.

52. Caesar singulis legionibus singulos legatos
et quaestorem praefecit, uti eos testes suae quisque
² virtutis haberet; ipse a dextro cornu, quod eam
partem minime firmam hostium esse animadverterat,
³ proelium commisit. Ita nostri acriter in hostes signo
dato impetum fecerunt, itaque hostes repente cele-
riterque procurrerunt, ut spatium pila in hostes

coniciendi non daretur. Reiectis pilis comminus⁴ gladiis pugnatum est. At Germani celeriter ex consuetudine sua phalange facta impetus gladiatorum exceperunt. Reperti sunt complures nostri milites,⁵ qui in phalangas insilirent et scuta manibus revelarent et desuper vulnerarent. Cum hostium acies⁶ a sinistro cornu pulsa atque in fugam conversa esset, a dextro cornu vehementer multitudine suorum nostram aciem premebant. Id cum animad-⁷vertisset Publius Crassus adulescens, qui equitatu praeerat, quod expeditior erat quam ii, qui inter aciem versabantur, tertiam aciem laborantibus nostris subsidio misit.

53. Ita proelium restitutum est, atque omnes hostes terga verterunt neque prius fugere destiterunt, quam ad flumen Rhenum milia passuum ex eo loco circiter quinquaginta pervenerunt. Ibi per-²pauci aut viribus confisi tranare contenderunt aut lintribus inventis sibi salutem reppererunt. In his³ fuit Ariovistus, qui naviculam deligatam ad ripam nactus ea profugit; reliquos omnes equitatu consecuti nostri interfecerunt. Duae fuerunt Ariovisti⁴ uxores, una Sueba natione, quam domo secum duxerat, altera Norica, regis Voccionis soror, quam in Gallia duxerat a fratre missam: utraque in ea fuga periit. Fuerunt duae filiae: harum altera occisa, altera capta est. Gaius Valerius Procillus, cum a⁵ custodibus in fuga trinis catenis vinctus traheretur, in ipsum Caesarem hostes equitatu persequentem incidit. Quae quidem res Caesari non minorem quam⁶ ipsa victoria voluptatem attulit, quod hominem

honestissimum provinciae Galliae, suum familiarem et hospitem, ereptum e manibus hostium sibi restitutum videbat, neque eius calamitate de tanta voluptate et gratulatione quicquam fortuna deminuerat.
7 Is se praesente de se ter sortibus consultum dicebat, utrum igni statim necaretur, an in aliud tempus reservaretur: sortium beneficio se esse incolumem.
8 Item Marcus Metius repertus et ad eum reductus est.

54. Hoc proelio trans Rhenum nuntiato Suebi, qui ad ripas Rheni venerant, domum reverti coeperunt; quos Ubii, qui proximi Rhenum incolunt, perterritos insecuti magnum ex his numerum occiderunt. Caesar una aestate duobus maximis bellis confectis maturius paulo, quam tempus anni postulabat, in hiberna in Sequanos exercitum deduxit; hibernis Labienum praeposuit; ipse in citeriorem Galliam ad conventus agendos profectus est.

C. IULII CAESARIS
DE BELLO GALLICO

LIBER SECUNDUS.

ARGUMENTUM.


[A. U. C. 697.] Omnes Belgae cum contra populum Romanum coniurassent et Bibrax, oppidum Remorum, qui soli cum iis facere noluerant, oppugnarent, missis a Caesare auxiliis ab obsidione deterrentur c. 1—10; discedentes Caesar insecutus in fugam conicit c. 11. Suessionibus, Bellovacis, Ambianis in fidem acceptis Caesar Nervios cum sociis Atrebatibus et Veromanduis fortiter repugnantes debellat c. 12—28, item Aduatucos c. 29—33. Armoricas gentes P. Crassus in dicionem populi Romani redegit c. 34. Omni Gallia pacata legiones in hiberna deducuntur c. 35.

1. Cum esset Caesar in citeriore Gallia [in hibernis], ita uti supra demonstravimus, crebri ad eum rumores afferebantur, litterisque item Labieni certior fiebat omnes Belgas, quam tertiam esse Galliae partem dixeramus, contra populum Romanum coniurare obsidesque inter se dare. Coniurandi² has esse causas: primum, quod vererentur, ne omni pacata Gallia ad eos exercitus noster adduceretur; deinde, quod ab nonnullis Gallis sollicitarentur,³

partim qui, ut Germanos diutius in Gallia versari noluerant, ita populi Romani exercitum hiemare atque inveterascere in Gallia moleste ferebant, partim qui mobilitate et levitate animi novis imperiis ⁴studebant; ab nonnullis etiam, quod in Gallia a potentioribus atque iis, qui ad conducendos homines facultates habebant, vulgo regna occupabantur, qui minus facile eam rem imperio nostro consequi poterant.

2. His nuntiis litterisque commotus Caesar duas legiones in citeriore Gallia novas conscripsit et inita aestate, in interiorem Galliam qui deduceret, ²Quintum Pedium legatum misit. Ipse, cum primum ³pabuli copia esse inciperet, ad exercitum venit. Dat negotium Senonibus reliquisque Gallis, qui finitimi Belgis erant, uti ea, quae apud eos gerantur, cognoscant seque de his rebus certiores faciant. Hi ⁴constanter omnes nuntiaverunt manus cogi, exercitum in unum locum conduci. Tum vero dubitandum non existimavit, quin ad eos proficisceretur. ⁶Re frumentaria comparata castra movet diebusque circiter quindecim ad fines Belgarum pervenit.

3. Eo cum de improvviso celeriusque omni opinione venisset, Remi, qui proximi Galliae ex Belgis sunt, ad eum legatos Iccium et Andecumborium, ²primos civitatis, miserunt, qui dicerent se suaque omnia in fidem atque in potestatem populi Romani permittere, neque se cum Belgis reliquis consensisse ³neque contra populum Romanum coniurasse, paratosque esse et obsides dare et imperata facere et oppidis recipere et frumento ceterisque rebus iuvare;



reliquos omnes Belgas in armis esse, Germanosque,⁴ qui cis Rhenum incolant, sese cum his coniunxisse, tantumque esse eorum omnium furorem, ut ne Sues-⁵siones quidem, fratres consanguineosque suos, qui eodem iure et iisdem legibus utantur, unum imperium unumque magistratum cum ipsis habeant, deterrire potuerint, quin cum his consentirent.

4. Cum ab his quaereret, quae civitates quantaeque in armis essent et quid in bello possent, sic reperiebat: plerosque Belgas esse ortos ab Germanis Rhenumque antiquitus traductos propter loci fertilitatem ibi consedissee Gallosque, qui ea loca inco-
lerent, expulisse solosque esse, qui patrum nostrorum² memoria omni Gallia vexata Teutonos Cimbrosque intra fines suos ingredi prohibuerint; qua ex re³ fieri, uti earum rerum memoria magnam sibi auctoritatem magnosque spiritus in re militari sumerent. De numero eorum omnia se habere explorata Remi⁴ dicebant, propterea quod propinquitatibus affinitatibusque coniuncti, quantam quisque multitudinem in communi Belgarum concilio ad id bellum pollicitus sit, cognoverint. Plurimum inter eos Bellovacos et⁵ virtute et auctoritate et hominum numero valere; hos posse conficere armata milia centum, pollicitos ex eo numero electa sexaginta, totiusque belli imperium sibi postulare. Suessiones suos esse fini-⁶timos; latissimos feracissimosque agros possidere. Apud eos fuisse regem nostra etiam memoria Di-⁷vitiacum, totius Galliae potentissimum, qui cum magnae partis harum regionum, tum etiam Britanniae imperium obtinuerit; nunc esse regem Galbam: ad

hunc propter iustitiam prudentiamque suam totius belli summam omnium voluntate deferri; oppida habere numero XII, polliceri milia armata quinquaginta; totidem Nervios, qui maxime feri inter ipsos habebantur longissimeque absint; quindecim milia Atrebatum, Ambianos decem milia, Morinos XXV milia, Menapios VII milia, Caletos X milia, Vellocasses et Veromandos totidem, Aduatucos decem et novem milia; Condrusos, Eburones, Caeruosos, Paemanos, qui uno nomine Germani appellantur, arbitrari ad XL milia.

5. Caesar Remos cohortatus liberaliterque oratione prosecutus omnem senatum ad se convenire principumque liberos obsides ad se adduci iussit. Quae omnia ab his diligenter ad diem facta sunt. Ipse Divitiacum Aeduum magnopere cohortatus docet, quanto opere rei publicae communisque salutis intersit manus hostium distineri, ne cum tanta multitudine uno tempore configendum sit. Id fieri posse, si suas copias Aedui in fines Bellovacorum introduxerint et eorum agros populari coeperint. His mandatis eum ab se dimittit. Postquam omnes Belgarum copias in unum locum coactas ad se venire vidit neque iam longe abesse, ab iis, quos miserat, exploratoribus et ab Remis cognovit, flumen Axonam, quod est in extremis Remorum finibus, exercitum traducere maturavit atque ibi castra posuit. Quae res et latus unum castrorum ripis fluminis muniebat et, post eum quae essent, tuta ab hostibus reddebat et, commeatus ab Remis reliquisque civitatibus ut sine periculo ad eum portari possent,

efficiebat. In eo flumine pons erat. Ibi praesidium⁶ ponit et in altera parte fluminis Quintum Titurium Sabinum legatum cum sex cohortibus relinquit; castra in altitudinem pedum XII vallo fossaque duodeviginti pedum munire iubet.

6. Ab his castris oppidum Remorum nomine Bibrax aberat milia passuum octo. Id ex itinere magno impetu Belgae oppugnare coeperunt. Aegre eo die sustentatum est. Gallorum eadem atque Belgarum oppugnatio est haec. Ubi circumiecta multitudo hominum totis moenibus undique in murum lapides iaci coepti sunt murusque defensoribus nudatus est, testudine facta [portas] succedunt murumque subruunt. Quod tum facile fiebat. Nam cum tanta multitudo lapides ac tela conicerent, in muro consistendi potestas erat nulli. Cum finem oppugnandi nox fecisset, Iccius Remus, summa nobilitate et gratia inter suos, qui tum oppido praefuerat, unus ex iis, qui legati de pace ad Caesarem venerant, nuntium ad eum mittit: nisi subsidium sibi submittatur, sese diutius sustinere non posse.

7. Eo de media nocte Caesar iisdem ducibus usus, qui nuntii ab Iccio venerant, Numidas et Cretas sagittarios et funditores Baleares subsidio oppidanis mittit; quorum adventu et Remis cum spe defensionis studium propugnandi accessit, et hostibus eadem de causa spes potiundi oppidi discessit. Itaque paulisper apud oppidum morati agrosque⁸ Remorum depopulati omnibus vicis aedificiisque, quos adire potuerant, incensis ad castra Caesaris omnibus copiis contenderunt et ab milibus passuum

4 minus duobus castra posuerunt; quae castra, ut
fumo atque ignibus significabatur, amplius milibus
passuum octo in latitudinem patebant.

8. Caesar primo et propter multitudinem ho-
stium et propter eximiam opinionem virtutis proelio
2 supersedere statuit; cotidie tamen equestribus proe-
liis, quid hostis virtute posset et quid nostri aude-
3 rent, periclitabatur. Ubi nostros non esse inferiores
intellexit, loco pro castris ad aciem instruendam
natura opportuno atque idoneo, quod is collis, ubi
castra posita erant, paululum ex planicie editus
tantum adversus in latitudinem patebat, quantum
loci acies instructa occupare poterat, atque ex
utraque parte lateris deiectus habebat et in frontem
leniter fastigatus paulatim ad planiciem redibat, ab
utroque latere eius collis transversam fossam ob-
4 duxit circiter passuum quadringentorum, et ad ex-
tremas fossas castella constituit ibique tormenta
collocavit, ne, cum aciem instruxisset, hostes, quod
tantum multitudine poterant, ab lateribus pugnantes
5 suos circumvenire possent. Hoc facto duabus legio-
nibus, quas proxime conscripserat, in castris relictis,
ut, si quo opus esset, subsidio duci possent, reliquas
sex legiones pro castris in acie constituit. Hostes
item suas copias ex castris eductas instruxerant.

9. Palus erat non magna inter nostrum atque
hostium exercitum. Hanc si nostri transirent, hostes
exspectabant; nostri autem, si ab illis initium trans-
eundi fieret, ut impeditos aggrederentur, parati in
2 armis erant. Interim proelio equestri inter duas
acies contendebatur. Ubi neutri transeundi initium

faciunt, secundiore equitum proelio nostris, Caesar suos in castra reduxit. Hostes protinus ex eo loco³ ad flumen Axonam contenderunt, quod esse post⁴ nostra castra demonstratum est. Ibi vadis repertis partem suarum copiarum traducere conati sunt eo consilio, ut, si possent, castellum, cui praeerat Quintus Titurius legatus, expugnarent pontemque interscinderent; si minus potuissent, agros Remorum⁵ popularentur, qui magno nobis usui ad bellum gerendum erant, commeatuque nostros prohiberent.

10. Caesar certior factus ab Titurio omnem equitatum et levis armaturae Numidas, funditores sagittariosque pontem traducit atque ad eos contendit. Acriter in eo loco pugnatum est. Hostes impositos³ nostri in flumine aggressi magnum eorum numerum occiderunt; per eorum corpora reliquos audacissime³ transire conantes multitudine telorum reppulerunt; primos, qui transierant, equitatu circumventos interfecerunt. Hostes ubi et de expugnando oppido et de⁴ flumine transeundo spem se fefellisse intellexerunt neque nostros in locum iniquiorem progredi pugnandi causa viderunt, atque ipsos res frumentaria deficere coepit, consilio convocato constituerunt optimum esse domum suam quemque reverti et, quorum in fines primum Romani exercitum introduxissent, ad eos defendendos undique convenirent, ut potius in suis quam in alienis finibus decertarent et domesticis copiis rei frumentariae uterentur. Ad eam senten-⁵tiam cum reliquis causis haec quoque ratio eos deduxit, quod Divitiacum atque Aeduos finibus Bellovacorum appropinquare cognoverant. His persua-

deri, ut diutius morarentur neque suis auxilium ferrent, non poterat.

11. Ea re constituta secunda vigilia magno cum strepitu ac tumultu castris egressi nullo certo ordine neque imperio, cum sibi quisque primum itineris locum peteret et domum pervenire properaret, fecerunt, ut consimilis fugae profectio videretur. Hac re statim Caesar per speculatores cognita insidias veritus, quod, qua de causa discederent, nondum perspexerat, exercitum equitatumque castris continuit.
3 Prima luce confirmata re ab exploratoribus omnem equitatum, qui novissimum agmen moraretur, praemisit. His Quintum Pedium et Lucium Aurunculeium Cottam legatos praefecit. Titum Labienum legatum
4 cum legionibus tribus subsequi iussit. Hi novissimos adorti et multa milia passuum prosequuti magnam multitudinem eorum fugientium conciderunt, cum ab extremo agmine, ad quos ventum erat, consisterent fortiterque impetum nostrorum militum sustinerent,
5 priores, quod abesse a periculo viderentur neque ulla necessitate neque imperio continerentur, exaudito clamore perturbatis ordinibus omnes in fuga
6 sibi praesidium ponerent. Ita sine ullo periculo tantam eorum multitudinem nostri interfecerunt, quantum fuit diei spatium, sub occasumque solis destiterunt seque in castra, ut erat imperatum, receperunt.

12. Postridie eius diei Caesar, priusquam se hostes ex terrore ac fuga reciperent, in fines Suesionum, qui proximi Remis erant, exercitum duxit et magno itinere confecto ad oppidum Noviodunum

contendit. Id ex itinere oppugnare conatus, quod vacuum ab defensoribus esse audiebat, propter latitudinem fossae murique altitudinem paucis defendentibus expugnare non potuit. Castris munitis vineas agere, quaeque ad oppugnandum usui erant, comparare coepit. Interim omnis ex fuga Suessionum multitudo in oppidum proxima nocte convenit. Celeriter vineis ad oppidum actis, aggere iacto turribusque constitutis magnitudine operum, quae neque viderant ante Galli neque audierant, et celeritate Romanorum permoti legatos ad Caesarem de deditione mittunt et petentibus Remis, ut conservarentur, impetrant.

13. Caesar obsidibus acceptis primis civitatis atque ipsius Galbae regis duobus filiis armisque omnibus ex oppido traditis in deditionem Suessiones accepit exercitumque in Bellovacos ducit. Qui cum se suaeque omnia in oppidum Bratuspantium contulissent, atque ab eo oppido Caesar cum exercitu circiter milia passuum quinque abesset, omnes maiores natu ex oppido egressi manus ad Caesarem tendere et voce significare coeperunt, sese in eius fidem ac potestatem venire neque contra populum Romanum armis contendere. Item, cum ad oppidum accessisset castraque ibi poneret, pueri mulieresque ex muro passis manibus suo more pacem ab Romanis petierunt.

14. Pro his Divitiacus (nam post discessum Belgarum dimissis Aeduorum copiis ad eum revererat) facit verba: Bellovacos omni tempore in fide atque amicitia civitatis Aeduae fuisse; impulsos ab suis

principibus, qui dicerent Aeduos a Caesare in servitutem redactos omnes indignitates contumeliasque perferre, et ab Aeduis defecisse et populo Romano bellum intulisse. Qui eius consilii principes fuissent, quod intellegerent, quantam calamitatem civitati intulissent, in Britanniam profugisse. Petere non solum Bellovacos, sed etiam pro his Aeduos, ut sua clementia ac mansuetudine in eos utatur. Quod si fecerit, Aeduum auctoritatem apud omnes Belgas amplificaturum; quorum auxiliis atque opibus, si qua bella inciderint, sustentare consuerint.

15. Caesar honoris Divitiaci atque Aeduum causa sese eos in fidem recepturum et conservaturum dixit; quod erat civitas magna inter Belgas auctoritate atque hominum multitudine praestabat, sexcentos obsides poposcit. His traditis omnibusque armis ex oppido collatis ab eo loco in fines Ambianorum pervenit, qui se suaque omnia sine mora dederunt. Eorum fines Nervii attingebant; quorum de natura moribusque Caesar cum quaereret, sic reperiebat: nullum aditum esse ad eos mercatoribus; nihil pati vini reliquarumque rerum ad luxuriam pertinentium inferri, quod iis rebus relanguescere animos [eorum] et remitti virtutem existimarent; esse homines feroces magnaeque virtutis; increpitare atque incusare reliquos Belgas, qui se populo Romano dedidissent patriamque virtutem proiecissent; confirmare sese neque legatos missuros neque ullam condicionem pacis accepturos.

16. Cum per eorum fines triduum iter fecisset, inveniebat ex captivis Sabim flumen ab castris suis

non amplius milia passuum X abesse: trans id flumen: omnes Nervios consedissee adventumque ibi Romanorum expectare una cum Atrebatibus et Veromanduis, finitimis suis (nam his utrisque persuaserant, uti eandem belli fortunam experirentur); expectari etiam ab his Aduatucorum copias atque esse in itinere; mulieres quique per aetatem ad pugnam inutiles viderentur in eum locum coniecisse, quo propter paludes exercitui aditus non esset.

17. His rebus cognitis exploratores centurionesque praemittit, qui locum idoneum castris deligant. Cum ex dediticiis Belgis reliquisque Gallis complures Caesarem secuti una iter facerent, quidam ex his, ut postea ex captivis cognitum est, eorum dierum consuetudine itineris nostri exercitus perspecta, nocte ad Nervios pervenerunt atque his demonstrarunt, inter singulas legiones impedimentorum magnum numerum intercedere, neque esse quicquam negotii, cum prima legio in castra venisset, reliquaeque legiones magnum spatium abessent, hanc sub sarcinis adoriri; qua pulsa impedimentisque direptis futurum, ut reliquae contra consistere non auderent. Adiuwabatur etiam eorum consilium, qui rem deferebant, quod Nervii antiquitus, cum equitatu nihil possent (neque enim ad hoc tempus ei rei student, sed, quicquid possunt, pedestribus valent copiis), quo facilius finitimorum equitatum, si praedandi causa ad eos venissent, impedirent, teneris arboribus incisis atque inflexis crebrisque in latitudinem ramis enatis et rubis sentibusque interiectis effecerant, ut instar muri haesaepe munimenta prae-

berent, quo non modo non intrari, sed ne perspicere quidem posset. His rebus cum iter agminis nostri impediretur, non omittendum sibi consilium Nervii existimaverunt.

18. Loci natura erat haec, quem locum nostri castris delegerant. Collis ab summo aequaliter declivis ad flumen Sabim, quod supra nominavimus, vergebat. Ab eo flumine pari acclivitate collis nascebatur adversus huic et contrarius, passus circiter ducentos infimus apertus, ab superiore parte silvestris, ut non facile introrsus perspicere posset. Intra eas silvas hostes in occulto sese continebant; in aperto loco secundum flumen paucae stationes equitum videbantur. Fluminis erat altitudo pedum circiter trium.

19. Caesar equitatu praemisso subsequebatur omnibus copiis; sed ratio ordoque agminis aliter se habebat, ac Belgae ad Nervios detulerant. Nam quod ad hostes appropinquabat, consuetudine sua Caesar sex legiones expeditas ducebat; post eas totius exercitus impedimenta collocarat; inde duae legiones, quae proxime conscriptae erant, totum agmen claudebant praesidioque impedimentis erant. Equites nostricum funditoribus sagittariisque flumen transgressi cum hostium equitatu proelium commiserunt. Cum se illi identidem in silvas ad suos reciperent ac rursus ex silva in nostros impetum facerent, neque nostri longius, quam quem ad finem porrecta loca aperta pertinebant, cedentes insequi auderent, interim legiones sex, quae primae venerant, castra munire coeperunt.

Ubi prima impedimenta nostri exercitus ab iis, qui in silvis abditi latebant, visa sunt, quod tempus inter eos committendi proelii convenerat, ut intra silvas aciem ordinesque constituerant atque ipsi sese confirmaverant, subito omnibus copiis provolaverunt impetumque in nostros equites fecerunt.⁷ His facile pulsis ac proturbatis incredibili celeritate ad flumen decucurrerunt, ut paene uno tempore et ad silvas et in flumine et iam in manibus nostris viderentur. Eadem autem celeritate adverso colle ad nostra castra atque eos, qui in opere occupati erant, contenderunt.

20. Caesari omnia uno tempore erant agenda: vexillum proponendum [quod erat insigne, cum ad arma concurrere oporteret], signum tuba dandum, ab opere revocandi milites, qui paulo longius aggeris petendi causa processerant arcessendi, acies instruenda, milites cohortandi, signum dandum. Quarum rerum magnam partem temporis brevitatem et successus hostium impendebat. His difficultatibus duae res erant subsidio, scientia atque usus militum, quod superioribus proeliis exercitati, quid fieri oporteret, non minus commode ipsi sibi praescribere, quam ab aliis doceri poterant, et quod ab opere singulisque legionibus singulos legatos Caesar discedere nisi munitis castris vetuerat. Hi propter propinquitatem et celeritatem hostium nihil iam Caesaris imperium expectabant, sed per se, quae videbantur, administrabant.

21. Caesar necessariis rebus imperatis ad cohortandos milites, quam in partem fors obtulit,

² decucurrit et ad legionem decimam devenit. Milites non longiore oratione cohortatus, quam uti suae pristinae virtutis memoriam retinerent neu perturbarentur animo hostiumque impetum fortiter sustinerent, quod non longius hostes aberant, quam quotelum adigi posset, proelii committendi signum dedit.
⁴ Atque in alteram partem item cohortandi causa
⁵ profectus pugnantibus occurrit. Temporis tanta fuit exiguitas hostiumque tam paratus ad dimicandum animus, ut non modo ad insignia accommodanda, sed etiam ad galeas induendas scutisque tegimenta
⁶ detrudenda tempus defuerit. Quam quisque ab opere in partem casu devenit quaeque prima signa conspexit, ad haec constitit, ne in quaerendis suis pugnandi tempus dimitteret.

22. Instructo exercitu, magis ut loci natura deiectusque collis et necessitas temporis, quam ut rei militaris ratio atque ordo postulabat, cum, diversis legionibus, aliae alia in parte hostibus resisterent, saepibusque densissimis, ut ante demonstravimus, interiectis prospectus impediretur, neque certa subsidia collocari neque, quid in quaque parte opus esset, provideri neque ab uno omnia imperia administrari poterant. Itaque in tanta rerum iniquitate fortunae quoque eventus varii sequebantur.

23. Legionis nonae et decimae milites, ut in sinistra parte acie constiterant, pilis emissis cursu ac lassitudine exanimatos vulneribusque confectos Atrebates (nam his ea pars obvenerat) celeriter ex loco superiore in flumen compulerunt et transire conantes insecuti magnam partem eorum im-

peditam interfecerunt. Ipsi transire flumen non dubitaverunt et in locum iniquum progressi rursus resistentes hostes redintegrato proelio in fugam coniecerunt. Item alia in parte diversae duae legiones, undecima et octava, profligatis Veromanduis, quibuscum erant congressi, ex loco superiore in ipsis fluminis ripis proeliabantur. At totis fere a fronte et ab sinistra parte nudatis castris, cum in dextro cornu legio duodecima et non magno ab ea intervallo septima constitisset, omnes Nervii confertissimo agmine duce Boduognato, qui summam imperii tenebat, ad eum locum contenderunt; quorum pars aperto latere legiones circumvenire, pars summum castrorum locum petere coepit.

24. Eodem tempore equites nostri levisque armaturae pedites, qui cum iis una fuerant, quos primo hostium impetu pulsos dixeram, cum se in castra reciperent, adversis hostibus occurrebant ac rursus aliam in partem fugam petebant, et calones, qui ab decumana porta ac summo iugo collis nostros victores flumen transisse conspexerant, praedandi causa egressi, cum respexissent et hostes in nostris castris versari vidissent, praecipites fugae sese mandabant. Simul eorum, qui cum impedimentis veniebant, clamor fremitusque oriebatur, alique aliam in partem perterriti ferebantur. Quibus omnibus rebus permoti equites Treveri, quorum inter Gallos virtutis opinio est singularis, qui auxilii causa a civitate ad Caesarem missi venerant, cum multitudine hostium castra compleri, nostras legiones premi et paene circumventas teneri, calones, equites, funditores,

Numidas diversos dissipatosque in omnes partes fugere vidissent, desperatis nostris rebus domum contenderunt; Romanos pulsos superatosque, castris impedimentisque eorum hostes potitos civitati renuntiaverunt.

25. Caesar ab decimae legionis cohortatione ad dextrum cornu profectus, ubi suos urgeri signisque in unum locum collatis duodecimae legionis confertos milites sibi ipsos ad pugnam esse impedimento vidit, quartae cohortis omnibus centurionibus occisis signiferoque interfecto, signo amisso, reliquarum cohortium omnibus fere centurionibus aut vulneratis aut occisis, in his primipilo P. Sextio Baculo, fortissimo viro, multis gravibusque vulneribus confecto ut iam se sustinere non posset, reliquos esse tardiores et nonnullos novissimos deserto proelio excedere ac tela vitare, hostes neque a fronte ex inferiore loco subeuntes intermittere et ab utroque latere instare, et rem esse in angusto vidit neque ullum esse subsidium, quod submitti posset: scuto [ab novissimo uni] militi detracto [quod ipse eo sine scuto venerat] in primam aciem processit centurionibusque nominatim appellatis reliquos cohortatus milites signa inferre et manipulos laxare iussit, quo facilius gladiis uti possent. Cuius adventu spe illata militibus ac redintegrato animo, cum pro se quisque in conspectu imperatoris etiam in extremis suis rebus operam navare cuperet, paulum hostium impetus tardatus est.

26. Caesar, cum septimam legionem, quae iuxta constiterat, item urgeri ab hoste vidisset, tribunos

militum monuit, ut paulatim sese legiones coniungerent et conversa signa in hostes inferrent. Quo³ facto cum alius alii subsidium ferret, neque timerent, ne aversi ab hoste circumvenirentur, audacius resistere ac fortius pugnare coeperunt. Interim milites legionum duarum, quae in novissimo agmine praesidio impedimentis fuerant, proelio nuntiato cursu incitato in summo colle ab hostibus conspiciabantur, et Titus Labienus castris hostium potitus⁴ et ex loco superiore, quae res in nostris castris gererentur, conspiciatus decimam legionem subsidio nostris misit. Qui, cum ex equitum et calorum⁵ fuga, quo in loco res esset quantoque in periculo et castra et legiones et imperator versaretur, cognovissent, nihil ad celeritatem sibi reliqui fecerunt.

27. Horum adventu tanta rerum commutatio est facta, ut nostri etiam qui vulneribus confecti procubuissent, scutis innixi proelium redintegrarent; tum calones perterritos hostes conspicati etiam inermes armatis occurrerunt; equites vero, ut turpitudinem fugae virtute delerent, omnibus in locis pugnant, quo se legionariis militibus praeferrent. At³ hostes etiam in extrema spe salutis tantam virtutem praestiterunt, ut, cum primi eorum cecidissent, proximi iacentibus insisterent atque ex eorum corporibus pugnarent; his deiectis ac coacervatis cada-⁴ veribus, qui superessent, ut ex tumulo tela in nostros conicerent et pila intercepta remitterent: ut non⁵ nequiquam tantae virtutis homines iudicari deberet ausos esse transire latissimum flumen, ascendere

altissimas ripas, subire iniquissimum locum; quae facilia ex difficillimis animi magnitudo redegerat.

28. Hoc proelio facto et prope ad internecionem gente ac nomine Nerviorum redacto maiores natu, quos una cum pueris mulieribusque in aestuaria ac paludes coniectos dixeramus, hac pugna nuntiata, cum victoribus nihil impeditum, victis nihil tutum² arbitrarentur, omnium, qui supererant, consensu legatos ad Caesarem miserunt seque ei dediderunt et in commemoranda civitatis calamitate ex sexcentis ad tres senatores, ex hominum milibus LX vix ad quingentos, qui arma ferre possent, sese redactos esse dixerunt. Quos Caesar, ut in miseros ac supplices usus misericordia videretur, diligentissime conservavit suisque finibus atque oppidis uti iussit, et finitimis imperavit, ut ab iniuria et maleficio se suosque prohiberent.

29. Aduatuci, de quibus supra scripsimus, cum omnibus copiis auxilio Nervii venirent, hac pugna² nuntiata ex itinere domum reverterunt; cunctis oppidis castellisque desertis sua omnia in unum oppidum egregie natura munitum contulerunt. Quod cum ex omnibus in circuitu partibus altissimas rupes deiectusque haberet, una ex parte leniter acclivis aditus in latitudinem non amplius ducentorum pedum relinquebatur; quem locum duplici altissimo muro munierant; tum magni ponderis saxa et praeacutas⁴ trabes in muro collocabant. Ipsi erant ex Cimbris Teutonisque prognati, qui, cum iter in provinciam nostram atque Italiam facerent, iis impedimentis, quae secum portare non poterant, citra

flumen Rhenum depositis custodiam ex suis ac praesidium sex milia hominum una reliquerunt. Hi post eorum obitum multos annos a finitimis exagitati, cum alias bellum inferrent, alias illatum defenderent, consensu eorum omnium pace facta hunc sibi domicilio locum delegerunt.

30. Ac primo adventu exercitus nostri crebras ex oppido excursiones faciebant parvulisque proeliis cum nostris contendebant; postea vallo pedum XII² in circuitu quindecim milium crebrisque castellis circummuniti oppido sese continebant. Ubi vineis actis³ aggere exstructo turrim procul constitui viderunt, primum irridere ex muro atque increpitare vocibus, quod tanta machinatio ab tanto spatio instrueretur: quibusnam manibus aut quibus viribus praesertim⁴ homines tantulae staturae (nam plerumque hominibus Gallis prae magnitudine corporum suorum brevitata nostra contemptui est) tanti oneris turrim in muro sese collocare confiderent?

31. Ubi vero moveri et appropinquare moenibus viderunt, nova atque inusitata specie commoti legatos ad Caesarem de pace miserunt, qui ad hunc modum locuti: non existimare Romanos sine ope² divina bellum gerere, qui tantae altitudinis machinationes tanta celeritate promovere possent; se suaque³ omnia eorum potestati permittere dixerunt. Unum⁴ petere ac deprecari: si forte pro sua clementia ac mansuetudine, quam ipsi ab aliis audirent, statuisset Aduatucos esse conservandos, ne se armis despoliaret. Sibi omnes fere finitimos esse inimicos ac⁵ suae virtuti invidere; a quibus se defendere traditis

6 armis non possent. Sibi praestare, si in eum casum
deducerentur, quamvis fortunam a populo Romano
pati, quam ab his per cruciatum interfici, inter quos
dominari consuessent.

32. Ad haec Caesar respondit: se magis con-
suetudine sua quam merito eorum civitatem conser-
vaturum, si prius, quam murum aries attigisset, se
2 dedidissent; sed deditionis nullam esse condicionem
nisi armis traditis. Se id, quod in Nervii fecisset,
facturum finitimisque imperaturum, ne quam dedi-
3 ticiis populi Romani iniuriam inferrent. Re nuntiata
4 ad suos, quae imperarentur, facere dixerunt. Ar-
morum magna multitudine de muro in fossam, quae
erat ante oppidum, iacta, sic ut prope summam
muri aggerisque altitudinem acervi armorum adac-
quarent, et tamen circiter parte tertia, ut postea
perspectum est, celata atque in oppido retenta, portis
patefactis, eo die pace sunt usi.

33. Sub vesperum Caesar portas claudi milites-
que ex oppido exire iussit, ne quam noctu oppidani
2 a militibus iniuriam acciperent. Illi ante inito, ut
intellectum est, consilio, quod deditione facta no-
stros praesidia deducturos aut denique indiligentius
servaturos crediderant, partim cum iis, quae reti-
nuerant et celaverant, armis, partim scutis ex cor-
tice factis aut viminibus intextis, quae subito, ut
temporis exiguitas postulabat, pellibus induxerant,
tertia vigilia, qua minime arduus ad nostras muni-
tiones ascensus videbatur, omnibus copiis repenti-
3 nam ex oppido eruptionem fecerunt. Celeriter, ut
ante Caesar imperarat, ignibus significatione facta ex

proximis castellis eo concursus est, pugnatumque⁴ ab hostibus ita acriter est, ut a viris fortibus in extrema spe salutis iniquo loco contra eos, qui ex vallo turribusque tela iacerent, pugnari debuit, cum in una virtute omnis spes salutis consisteret. Occisis⁵ ad hominum milibus quattuor reliqui in oppidum reiecti sunt. Postridie eius diei refractis portis, cum⁶ iam defenderet nemo, atque intromissis militibus nostris sectionem eius oppidi universam Caesar vendidit. Ab iis, qui emerant, capitum numerus ad eum⁷ relatus est milium quinquaginta trium.

34. Eodem tempore a Publio Crasso, quem cum legione una miserat ad Venetos, Venellos, Osismos, Curiosolitas, Esuvios, Aulercos, Redones, quae sunt maritimae civitates Oceanumque attingunt, certior factus est omnes eas civitates in deditionem potestatemque populi Romani esse redactas.

35. His rebus gestis omnis Gallia pacata tanta huius belli ad barbaros opinio perlata est, uti ab iis nationibus, quae trans Rhenum incolerent, mitterentur legati ad Caesarem, qui se obsides daturas, imperata facturas pollicerentur. Quas legationes² Caesar quod in Italiam Illyricumque properabat, inita proxima aestate ad se reverti iussit. Ipse in³ Carnutes, Andes, Turones, quaeque civitates propinquae his locis erant, ubi bellum gesserat, legionibus in hibernacula deductis in Italiam profectus est. Ob easque res ex litteris Caesaris dies quin-⁴decim supplicatio decreta est, quod ante id tempus accidit nulli.

C. IULII CAESARIS
DE BELLO GALLICO
LIBER TERTIUS.

ARGUMENTUM.

[A. U. C. 698.] Servius Galba, legatus Caesaris, gentes quasdam inter fines Allobrogum, lacum Lemannum et Alpes secundo aliquot proeliis vicit, rebellantes et castra oppugnantes gravi clade prostravit c. 1—6. Eodem tempore Armorici rebellant, quos Caesar primum terrestri bello aggressus est, deinde, cum parum profecisset, navibus domuit c. 7—16. Non minus feliciter legati Q. Titurius cum Venellis c. 17—19, P. Crassus cum Aquitanis pugnarunt c. 20—27. In Morinos Menapiosque progressus ob anni tempus Caesar exercitum in hiberna reducit c. 28, 29.

1. Cum in Italiam proficisceretur Caesar, Servium Galbam cum legione XII. et parte equitatus in Nantuates, Veragros Sedunosque misit, qui ab finibus Allobrogum et lacu Lemanno et flumine Rhodano ad summas Alpes pertinent. Causa mittendi fuit, quod iter per Alpes, quo magno cum periculo magnisque cum portoriis mercatores ire consueverant, pateferi volebat. Huic permisit, si opus esse arbi-

traretur, uti in his locis legionem hiemandi causa collocaret. Galba secundis aliquot proeliis factis, ⁴castellisque compluribus eorum expugnatis, missis ad eum undique legatis obsidibusque datis et pace facta, constituit cohortes duas in Nantuatibus collocare et ipse cum reliquis eius legionis cohortibus in vico Veragrorum, qui appellatur Octodurus, hiemare; qui vicus positus in valle, non magna ⁵adiecta planicie, altissimis montibus undique continetur. Cum hic in duas partes flumine divideretur, ⁶alteram partem eius vici Gallis [ad hiemandum] concessit, alteram vacuum ab iis relictam cohortibus attribuit. Eum locum vallo fossaque munivit.

2. Cum dies hibernorum complures transissent, frumentumque eo comportari iussisset, subito per exploratores certior factus est ex ea parte vici quam Gallis concesserat, omnes noctu discessisse, montesque, qui impenderent, a maxima multitudine Sedunorum ac Veragorum teneri. Id aliquot de ²causis acciderat, ut subito Galli belli renovandi legionisque opprimendae consilium caperent; primum ³quod legionem neque eam plenissimam detractis cohortibus duabus et compluribus singillatim, qui commeatus petendi causa missi erant, propter paucitatem despiciebant; tum etiam, quod propter iniqui- ⁴tatem loci, cum ipsi ex montibus in vallem decurrerent et tela conicerent, ne primum quidem posse impetum suum sustineri existimabant. Accedebat, ⁵quod suos ab se liberos abstractos obsidum nomine dolebant et Romanos non solum itinerum causa, sed etiam perpetuae possessionis culmina Alpium

occupare conari et ea loca finitimae provinciae adiungere sibi persuasum habebant.

3. His nuntiis acceptis Galba, cum neque opus hibernorum munitionesque plene essent perfectae, neque de frumento reliquoque commeatu satis esset provisum, quod deditione facta obsidibusque acceptis nihil de bello timendum existimaverat, consilio celeriter convocato sententias exquirere coepit.
² Quo in consilio, cum tantum repentini periculi praeter opinionem accidisset, ac iam omnia fere superiora loca multitudine armatorum completa conspicerentur, neque subsidio veniri neque commeatus
³ supportari interclusis itineribus possent, prope iam desperata salute nonnullae huiusmodi sententiae dicebantur, ut impedimentis relictis eruptione facta
iisdem itineribus, quibus eo pervenissent, ad salutem
⁴ contenderent. Maiori tamen parti placuit, hoc reservato ad extremum consilio interim rei eventum experiri et castra defendere.

4. Brevi spatio interiecto, vix ut iis rebus, quas constituissent, collocandis atque administrandis tempus daretur, hostes ex omnibus partibus signo dato decurrere, lapides gaesaque in vallum conicere.
² Nostri primo integris viribus fortiter repugnare neque ullum frustra telum ex loco superiore mittere, ut quaeque pars castrorum nudata defensoribus premi
³ videbatur, eo occurrere et auxilium ferre; sed hoc superari, quod diuturnitate pugnae hostes defessi proelio excedebant, alii integris viribus succedebant; quarum rerum a nostris propter paucitatem fieri nihil poterat, ac non modo defesso ex pugna exce-

dendi, sed ne saucio quidem eius loci, ubi constiterat, relinquendi ac sui recipiendi facultas dabatur.

5. Cum iam amplius horis sex continenter pugnaretur, ac non solum vires, sed etiam tela nostros deficerent, atque hostes acrius instarent languidioribusque nostris vallum scindere et fossas complere coepissent, resque esset iam ad extremum perducta casum, Publius Sextius Baculus, primi pili centurio,² quem Nervico proelio compluribus confectum vulneribus diximus, et item Gaius Volusenus, tribunus militum, vir et consilii magni et virtutis, ad Galbam accurrunt atque unam esse spem salutis docent, si eruptione facta extremum auxilium experirentur. Ita³ que convocatis centurionibus celeriter milites certiores facit, paulisper intermitterent proelium ac tantummodo tela missa exciperent seque ex labore reficerent, post dato signo ex castris erumperent atque omnem spem salutis in virtute ponerent.

6. Quod iussi sunt faciunt, ac subito omnibus portis eruptione facta neque cognoscendi, quid fieret, neque sui colligendi hostibus facultatem relinquunt. Ita commutata fortuna eos, qui in spem potiun-² dorum castrorum venerant, undique circumventos interficiunt et ex hominum milibus amplius xxx, quem numerum barbarorum ad castra venisse constabat, plus tertia parte interfecta reliquos perterritos in fugam coniciunt ac ne in locis quidem superioribus consistere patiuntur. Sic omnibus hostium³ copiis fuis armisque exutis se in castra munitionesque suas recipiunt. Quo proelio facto, quod saepius⁴ fortunam temptare Galba nolebat atque alio se in

hiberna consilio venisse meminerat, aliis occurrisset rebus viderat, maxime frumenti commeatusque inopia per motus postero die omnibus eius vici aedificiis incensis in provinciam reverti contendit, ac nullo hoste prohibente aut iter demorante incolumem legionem in Nantuates, inde in Allobroges perduxit ibique hiemavit.

7. His rebus gestis, cum omnibus de causis Caesar pacatam Galliam existimaret, superatis Belgis, expulsis Germanis, victis in Alpibus Sedunis, atque ita inita hieme in Illyricum profectus esset, quod eas quoque nationes adire et regiones cognoscere volebat, subitum bellum in Gallia coortum est. Eius belli haec fuit causa. Publius Crassus adolescens cum legione septima proximus mare Oceanum in Andibus hiemarat. Is, quod in his locis inopia frumenti erat, praefectos tribunosque militum complures in finitimas civitates frumenti causa dimisit; quo in numero est Titus Terrasidius missus in Esuvios, Marcus Trebius Gallus in Curiosolitas, Quintus Velanius cum Tito Silio in Venetos.

8. Huius est civitatis longe amplissima auctoritas omnis orae maritimae regionum earum, quod et naves habent Veneti plurimas, quibus in Britanniam navigare consuerunt, et scientia atque usu nauticarum rerum reliquos antecedunt et in magno impetu maris atque aperto, paucis portibus interiectis, quos tenent ipsi, omnes fere, qui eo mari uti consuerunt, habent vectigales. Ab his fit initium retinendi Silii atque Velanii, quod per eos suos se obsides, quos Crasso dedissent, recuperaturos existi-

mabant. Horum auctoritate finitimi adducti (ut sunt ³ Gallorum subita et repentina consilia) eadem de causa Trebium Terrasidiumque retinent, et celeriter missis legatis per suos principes inter se coniurant, nihil nisi communi consilio acturos eundemque omnis fortunae exitum esse laturos, reliquasque ⁴ civitates sollicitant, ut in ea libertate, quam a maioribus acceperint, permanere quam Romanorum servitute perferre mallent. Omni ora maritima celeriter ⁵ ad suam sententiam perducta communem legationem ad Publium Crassum mittunt: si velit suos recipere, obsides sibi remittat.

9. Quibus de rebus Caesar a Crasso certior factus, quod ipse aberat longius, naves interim longas aedificari in flumine Ligere, quod influit in Oceanum, remiges ex provincia institui, nautas gubernatoresque comparari iubet. His rebus celeriter ² administratis ipse, cum primum per anni tempus potuit, ad exercitum contendit. Veneti reliquaeque ³ item civitates cognito Caesaris adventu, simul quod, quantum in se facinus admisissent, intellegebant, legatos, quod nomen ad omnes nationes sanctum inviolatumque semper fuisset, retentos ab se et in vincula coniectos, pro magnitudine periculi bellum parare et maxime ea, quae ad usum navium pertinent, providere instituunt, hoc maiore spe, quod multum natura loci confidebant. Pedestria esse ⁴ itinera concisa aestuariis, navigationem impeditam propter inscientiam locorum paucitatemque portuum sciebant, neque nostros exercitus propter frumenti ⁵ inopiam diutius apud se morari posse confidebant;

ac iam ut omnia contra opinionem acciderent, tamen se quam plurimum navibus posse, Romanos neque ullam facultatem habere navium neque eorum locorum, ubi bellum gesturi essent, vada, portus, insulas novisse; ac longe aliam esse navigationem in concluso mari atque in vastissimo atque apertissimo Oceano perspiciebant. His initis consiliis oppida muniunt, frumenta ex agris in oppida comportant, naves in Venetiam, ubi Caesarem primum esse bellum gesturum constabat, quam plurimas possunt, cogunt. Socios sibi ad id bellum Osismos, Lexovios, Namnetes, Ambiliatos, Morinos, Diablintres, Menapios adsciscunt; auxilia ex Britannia, quae contra eas regiones posita est, arcessunt.

10. Erant hae difficultates belli gerendi, quas supra ostendimus, sed multa Caesarem tamen ad id bellum incitabant: iniuriae retentorum equitum Romanorum, rebellio facta post deditionem, defectio datis obsidibus, tot civitatum coniuratio, imprimis, ne hac parte neglecta reliquae nationes sibi idem sllcere arbitrarentur. Itaque cum intellegeret, omnes fere Gallos novis rebus studere et ad bellum mobiliter celeriterque excitari, omnes autem homines natura libertati studere et condicionem servitutis odisse, priusquam plures civitates conspirarent, partiendum sibi ac latius distribuendum exercitum putavit.

11. Itaque Titum Labienum legatum in Treveros, qui proximi flumini Rheno sunt, cum equitatu mittit. Huic mandat, Remos reliquosque Belgas adeat atque in officio contineat Germanosque, qui

auxilio a Belgis arcessiti dicebantur, si per vim navibus flumen transire conentur, prohibeat. Publium³ Crassum cum cohortibus legionariis XII et magno numero equitatus in Aquitaniam proficisci iubet, ne ex his nationibus auxilia in Galliam mittantur ac tantae nationes coniungantur. Quintum Titurium⁴ Sabinum legatum cum legionibus tribus in Venellos, Curiosolites Lexoviosque mittit, qui eam manum distinendam curet. Decimum Brutum adolescentem⁵ classi Gallicisque navibus, quas ex Pictonibus et Santonis reliquisque pacatis regionibus convenire iusserat, praeficit et, cum primum posset, in Venetos proficisci iubet. Ipse eo pedestribus copiis contendit.

12. Erant eiusmodi fere situs oppidorum, ut posita in extremis lingulis promontoriisque neque pedibus aditum haberent, cum ex alto se aestus incitavisset, quod [bis] accidit semper horarum XII spatio, neque navibus, quod rursus minuente aestu naves in vadis afflictae rentur. Ita utraque re oppi-²dorum oppugnatio impediabatur; ac si quando magnitudine operis forte superati, extruso mari aggere ac molibus atque his oppidi moenibus adaequatis, suis fortunis desperare coeperant, magno numero navium appulso, cuius rei summam facultatem habebant, sua deportabant omnia seque in proxima oppida recipiebant; ibi se rursus iisdem opportuni-⁴tatibus loci defendebant. Haec eo facilius magnam⁵ partem aestatis faciebant, quod nostrae naves tempestatibus detinebantur, summaque erat vasto atque aperto mari, magnis aestibus, raris ac prope nullis portibus, difficultas navigandi.

13. Namque ipsorum naves ad hunc modum factae armataeque erant: carinae aliquanto planiores quam nostrarum navium, quo facilius vada ac decessum aestus excipere possent; prorae admodum erectae atque item puppes ad magnitudinem fluctuum tempestatumque accommodatae; naves totae factae ex robore ad quamvis vim et contumeliam perferendam; transtra pedalibus in altitudinem trabibus confixa clavis ferreis digiti pollicis crassitudine; ancorae pro funibus ferreis catenis revinctae; pelles pro velis alutaeque tenuiter confectae, [haec] sive propter lini inopiam atque eius usus inscientiam, sive eo, quod est magis verisimile, quod tantas tempestates Oceani tantosque impetus ventorum sustineri ac tanta onera navium regi velis non satis commode posse arbitrabantur. Cum his navibus nostrae classi eiusmodi congressus erat, ut una celeritate et pulsu remorum praestaret, reliqua pro loci natura, pro vi tempestatum illis essent aptiora et accommodatiora. Neque enim his nostrae rostro nocere poterant (tanta in iis erat firmitudo), neque propter altitudinem facile telum adigebatur, et eadem de causa minus commode copulis continebantur. Accedebat, ut, cum saevire ventus coepisset et se vento dedissent, et tempestatem ferrent facilius et in vadis consisterent tutius et ab aestu relictae nihil saxa et cautes timerent; quarum rerum omnium nostris navibus casus erat extimescendus.

14. Compluribus expugnatis oppidis Caesar, ubi intellexit, frustra tantum laborem sumi, neque hostium fugam captis oppidis reprimi neque iis noceri posse,

statuit exspectandam classem. Quae ubi convenit² ac primum ab hostibus visa est, circiter CCXX naves eorum paratissimae atque omni genere armorum ornatissimae profectae ex portu nostris adversae constituerunt; neque satis Bruto, qui classi praeerat, vel³ tribunis militum centurionibusque, quibus singulae naves erant attributae, constabat, quid agerent aut quam rationem pugnae insisterent. Rostro enim no-⁴ ceri non posse cognoverant; turribus autem excitatis tamen has altitudo puppium ex barbaris navibus superabat, ut neque ex inferiore loco satis commode tela adigi possent et missa a Gallis gravius acciderent. Una erat magno usui res praeparata a no-⁵ stris, falces praeacutae insertae affixaeque longuriis, non absimili forma muralium falcium. His cum⁶ funes, qui antemnas ad malos destinabant, comprehensi adductique erant, navigio remis incitato prae-
rumpebantur. Quibus abscisis antemnae necessario⁷ concidebant, ut, cum omnis Gallicis navibus spes in velis armamentisque consisteret, his ereptis omnis usus navium uno tempore eriperetur. Reliquum erat⁸ certamen positum in virtute, qua nostri milites facile superabant, atque eo magis, quod in conspectu Caesaris atque omnis exercitus res gerebatur, ut nullum paulo fortius factum latere posset; omnes enim colles ac loca superiora, unde erat propinquus despectus in mare, ab exercitu tenebantur.

15. Disiectis, ut diximus, antemnis, cum singulas binae ac ternae naves circumsteterant, milites summa vi transcendere in hostium naves contendebant. Quod postquam barbari fieri animadverterunt,

expugnatis compluribus navibus, cum ei rei nullum
reperiretur auxilium, fuga salutem petere conten-
3 derunt. Ac iam conversis in eam partem navibus,
quo ventus ferebat, tanta subito malacia ac tran-
quillitas exstitit, ut se ex loco commovere non pos-
4 sent. Quae quidem res ad negotium conficiendum
5 maxime fuit opportuna: nam singulas nostri con-
sectati expugnaverunt, ut perpaucae ex omni nu-
mero noctis interventu ad terram pervenerint, cum
ab hora fere quarta usque ad solis occasum pugna-
retur.

16. Quo proelio bellum Venetorum totiusque
2 orae maritimae confectum est. Nam cum omnis
iuventus, omnes etiam gravioris aetatis, in quibus
aliquid consilii aut dignitatis fuit, eo convenerant,
tum navium quod ubique fuerat in unum locum coë-
3 gerant; quibus amissis reliqui neque quo se recipe-
rent, neque quemadmodum oppida defenderent, habe-
bant. Itaque se suaque omnia Caesari dediderunt.
4 In quos eo gravius Caesar vindicandum statuit, quo
diligentius in reliquum tempus a barbaris ius lega-
torum conservaretur. Itaque omni senatu necato
reliquos sub corona vendidit.

17. Dum haec in Venetis geruntur, Quintus
Titurius Sabinus cum iis copiis, quas a Caesare acce-
2 perat, in fines Venellorum pervenit. His praeerat
Viridovix ac summam imperii tenebat earum omnium
civitatum, quae defecerant, ex quibus exercitum ma-
3 gnasque copias coëgerat; atque his paucis diebus
Aulerci Eburovices Lexoviique senatu suo interfecto,
quod auctores belli esse volebant, portas clausurunt

seque cum Viridovice coniunxerunt; magnaue prae-
terea multitudo undique ex Gallia perditorum ho-
minum latronumque convenerat, quos spes praedandi
studiumque bellandi ab agricultura et cotidiano
labore revocabat. Sabinus idoneo omnibus rebus
loco castris sese tenebat, cum Viridovix contra
eum duum milium spatio consedisset cotidieque
productis copiis pugnandi potestatem faceret, ut iam
non solum hostibus in contemptionem Sabinus veniret,
sed etiam nostrorum militum vocibus nonnihil car-
peretur; tantamque opinionem timoris praebuit, ut
iam ad vallum castrorum hostes accedere auderent.
Id ea de causa faciebat, quod cum tanta multitudine
hostium praesertim eo absente, qui summam imperii
teneret, nisi aequo loco aut opportunitate aliqua data
legato dimicandum non existimabat.

18. Hac confirmata opinione timoris idoneum
quendam hominem et callidum delegit, Gallum, ex
iis, quos auxilii causa secum habebat. Huic magnis
praemiis pollicitationibusque persuadet, uti ad hostes
transeat, et, quid fieri velit, edocet. Qui ubi pro-
perfuga ad eos venit, timorem Romanorum proponit;
quibus angustiis ipse Caesar a Venetis prematur,
docet, neque longius abesse, quin proxima nocte
Sabinus clam ex castris exercitum educat et ad Cae-
sarem auxilii ferendi causa proficiscatur. Quod ubi
auditum est, conclamant omnes, occasionem negotii
bene gerendi amittendam non esse: ad castra iri
oportere. Multae res ad hoc consilium Gallos hor-
tabantur: superiorum dierum Sabini cunctatio, per-
fugae confirmatio, inopia cibariorum, cui rei parum

diligenter ab iis erat provisum, spes Venetici belli et quod fere libenter homines id, quod volunt, credunt. His rebus adducti non prius Viridovicem reliquosque duces ex concilio dimittunt, quam ab his sit concessum, arma uti capiant et ad castra constendant. Qua re concessa laeti ut explorata victoriasarmentis virgultisque collectis, quibus fossas Romanorum compleant, ad castra pergunt.

19. Locus erat castrorum editus et paulatim ab imo acclivis circiter passus mille. Huc magno cursu contenderunt, ut quam minimum spatii ad se colligendos armandosque Romanis daretur, exanimatique pervenerunt. Sabinus suos hortatus cupientibus signum dat. Impeditis hostibus propter ea, quae ferebant, onera subito duabus portis eruptionem fieri iubet. Factum est opportunitate loci, hostium inscientia ac defatigatione, virtute militum et superiorum pugnarum exercitatione, ut ne unum quidem nostrorum impetum ferrent ac statim terga verterent. Quos impeditos integris viribus milites nostri consecuti magnum numerum eorum occiderunt; reliquos equites consecrati paucos, qui ex fuga evaserant, reliquerunt. Sic uno tempore et de navali pugna Sabinus et de Sabini victoria Caesar certior factus est, civitatesque omnes se statim Titurio dediderunt. Nam ut ad bella suscipienda Gallorum alacer ac promptus est animus, sic mollis ac minime resistens ad calamitates perferendas mens eorum est.

20. Eodem fere tempore Publius Crassus, cum in Aquitaniam pervenisset, quae pars, ut ante dictum est, et regionum latitudine et multitudine

hominum est tertia Galliae existimanda, cum intellegeret in iis locis sibi bellum gerendum, ubi paucis ante annis Lucius Valerius Praeconinus legatus exercitu pulso interfectus esset, atque unde Lucius Mallius proconsul impedimentis amissis profugisset, non mediocrem sibi diligentiam adhibendam intellegebat. Itaque re frumentaria provisa, auxiliis² equitatuque comparato, multis praeterea viris fortibus Tolosa et Narbone, quae sunt civitates Galliae provinciae finitimae, [ex his regionibus] nominatim evocatis in Sontiatum fines exercitum introduxit. Cuius adventu cognito Sontiates magnis copiis coactis³ equitatuque, quo plurimum valebant, in itinere agmen nostrum adorti primum equestre proelium commiserunt, deinde equitatu suo pulso atque insequentibus⁴ nostris subito pedestres copias, quas in convalle in insidiis collocaverant, ostenderunt. Hi nostros disiectos adorti proelium renovarunt.

21. Pugnatum est diu atque acriter, cum Sontiates superioribus victoriis freti in sua virtute totius Aquitaniae salutem positam putarent, nostri autem, quid sine imperatore et sine reliquis legionibus adulescentulo duce efficere possent, perspicere cuperent: tandem confecti vulneribus hostes terga vertere. Quorum magno numero interfecto Crassus ex itinere² oppidum Sontiatum oppugnare coepit. Quibus fortiter resistentibus vineas turresque egit. Illi alias³ eruptione temptata, alias cuniculis ad aggerem vineasque actis, cuius rei sunt longe peritissimi Aquitani, propterea quod multis locis apud eos aerariae secturaeque sunt, ubi diligentia nostrorum nihil his

rebus profici posse intellexerunt, legatos ad Crassum mittunt seque in deditionem ut recipiat, petunt. Quare impetrata arma tradere iussi faciunt.

22. Atque in ea re omnium nostrorum intentis animis alia ex parte oppidi Adiatunnus, qui summam imperii tenebat, cum DC devotis, quos illi soldurios² appellant, quorum haec est condicio, ut omnibus in vita commodis una cum iis fruantur, quorum se amicitiae dediderint, si quid his per vim accidat, aut eundem casum una ferant aut sibi mortem consciscant; neque adhuc hominum memoria repertus est quisquam, qui eo interfecto, cuius se amicitiae⁴ devovisset, mori recusaret: cum his Adiatunnus eruptionem facere conatus, clamore ab ea parte munitionis sublato, cum ad arma milites concurrissent vehementerque ibi pugnatum esset, repulsus in oppidum tamen, uti eadem deditionis condicione uteretur, a Crasso impetravit.

23. Armis obsidibusque acceptis Crassus in fines² Vocatium et Tarusatium profectus est. Tum vero barbari commoti, quod oppidum et natura loci et manu munitum paucis diebus, quibus eo ventum erat, expugnatum cognoverant, legatos quoque versum dimittere, coniurare, obsides inter se dare, copias parare coeperunt. Mittuntur etiam ad eas civitates legati, quae sunt citerioris Hispaniae finitimae⁴ Aquitaniae: inde auxilia ducesque arcessuntur. Quorum adventu magna cum auctoritate et magna cum⁵ hominum multitudine bellum gerere conantur. Duces vero ii deliguntur, qui una cum Quinto Sertorio omnes annos fuerant summamque scientiam rei mili-

taris habere existimabantur. Hi consuetudine populi Romani loca capere, castra munire, commeatibus nostros intercludere instituunt. Quod ubi Crassus animadvertit, suas copias propter exiguitatem non facile diduci, hostem et vagari et vias obsidere et castris satis praesidii relinquere, ob eam causam minus commode frumentum commeatumque sibi supportari, in dies hostium numerum augeri, non cunctandum existimavit, quin pugna decertaret. Hac re ad consilium delata, ubi omnes idem sentire intellexit, posterum diem pugnae constituit.

24. Prima luce productis omnibus copiis duplici acie instituta, auxiliis in mediam aciem coniectis, quid hostes consilii caperent, expectabat. Illi, etsi propter multitudinem et veterem belli gloriam paucitatemque nostrorum se tuto dimicaturos existimabant, tamen tutius esse arbitrabantur obsessis viis commeatu intercluso sine ullo vulnere victoria potiri et, si propter inopiam rei frumentariae Romani sese recipere coepissent, impeditos in agmine et sub sarcinis infirmiore animo adoriri cogitabant. Hoc consilio probato ab ducibus, productis Romanorum copiis, sese castris tenebant. Hac re perspecta Crassus cum sua cunctatione [atque opinione timidiore] hostes nostros milites alacriores ad pugnandum effecissent, atque omnium voces audirentur, expectari diutius non oportere, quin ad castra iretur, cohortatus suos omnibus cupientibus ad hostium castra contendit.

25. Ibi cum alii fossas complerent, alii multis telis coniectis defensores vallo munitionibusque de-

pullerent, auxiliaresque, quibus ad pugnam non multum Crassus confidebat, lapidibus telisque subministrandis et ad aggerem caespitibus comportandis speciem atque opinionem pugnantium praeberent, cum item ab hostibus constanter ac non timide pugnaretur, telaque ex loco superiore missa non frustra acciderent, equites circumitis hostium castris Crasso renuntiaverunt, non eadem esse diligentia ab decumana porta castra munita facilemque aditum habere.

26. Crassus equitum praefectos cohortatus, ut magnis praemiis pollicitationibusque suos excitarent, quid fieri velit, ostendit. Illi, ut erat imperatum, eductis iis cohortibus, quae praesidio castris relictae intritae ab labore erant, et longiore itinere circumductis, ne ex hostium castris conspici possent, omnium oculis mentibusque ad pugnam intentis celeriter ad eas, quas diximus, munitiones pervenerunt atque his prorutis prius in hostium castris constituerunt, quam plane ab his videri aut, quid rei gereretur, cognosci posset. Tum vero clamore ab ea parte audito nostri redintegratis viribus, quod plerumque in spe victoriae accidere consuevit, acrius impugnare coeperunt. Hostes undique circumventi desperatis omnibus rebus se per munitiones deicere et fuga salutem petere intenderunt. Quos equitatus apertissimis campis consecutus ex milium L numero, quae ex Aquitania Cantabrisque convenisse constabat, vix quarta parte relicta, multa nocte se in castra recipit.

27. Hac audita pugna maxima pars Aquitaniae sese Crasso deditit obsidesque ultro misit; quo in

numero fuerunt Tarbelli, Bigerriones, Ptianii, Vocates, Tarusates, Elusates, Gates, Ausci, Garumni, Sibuzates, Cocosates; paucae ultimae nationes anni 2 tempore confisae, quod hiems suberat, hoc facere neglexerunt.

28. Eodem fere tempore Caesar, etsi prope exacta iam aestas erat, tamen, quod omni Gallia pacata Morini Menapiique supererant, qui in armis essent neque ad eum umquam legatos de pace mississent, arbitratus id bellum celeriter confici posse, eo exercitum adduxit; qui longe alia ratione ac reliqui Galli bellum gerere coeperunt. Nam quod 3 intellegebant maximas nationes, quae proelio contendissent, pulsas superatasque esse, continentesque silvas ac paludes habebant, eo se suaque omnia contulerunt. Ad quarum initium silvarum cum Caesar 3 pervenisset castraque munire instituisset, neque hostis interim visus esset, dispersis in opere nostris subito ex omnibus partibus silvae evolaverunt et in nostros impetum fecerunt. Nostri celeriter arma ceperunt 4 eosque in silvas reppulerunt et compluribus interceptis longius impeditioribus locis secuti paucos ex suis deperdiderunt.

29. Reliquis deinceps diebus Caesar silvas cedere instituit, et ne quis inermibus imprudentibusque militibus ab latere impetus fieri posset, omnem eam materiam, quae erat caesa, conversam ad hostem collocabat et pro vallo ad utrumque latus exstruebat. Incredibili celeritate magno spatio paucis 2 diebus confecto, cum iam pecus atque extrema impedimenta ab nostris tenerentur, ipsi densiores silvas

peterent, eiusmodi sunt tempestates consecutae, uti opus necessario intermitteretur et continuatione imbrium diutius sub pellibus milites contineri non possent. Itaque vastatis omnibus eorum agris, vicis aedificiisque incensis Caesar exercitum reduxit et in Aulercis Lexoviisque, reliquis item civitatibus, quae proxime bellum fecerant, in hibernis collocavit.

C. IULII CAESARIS
DE BELLO GALLICO

LIBER QUARTUS.

ARGUMENTUM.

[A. U. C. 699.] Usipetes et Tencteri, Germani, continuo bello lacessiti a Suebis, quorum mores c. 1—3 describuntur, Rhenum transeunt et Menapios, deinde Eburones Condrusosque aggressi a Caesare castris exiunt. Qui ex gravissima clade evaserant, trans Rhenum ad Sugambros se recipiunt c. 1—15. Ponte facto Caesar Rhenum transgreditur, Sugambros agris devastandis ulciscitur, Ubios a Suebis oppressos liberat, deinde in Galliam redit c. 16—19. Britanniae litoribus a Voluseno exploratis et classe coacta Caesar e Morinis in insulam traicit c. 20—23. Aegre exercitum in terram exposito barbaros semel iterumque vincit c. 24—35; obsidibus imperatis in Galliam redit c. 36. Morini, qui rebellionem fecerant, subiguntur, nec non Messapiorum agri vastantur c. 37, 38.

1. Ea, quae secuta est, hieme, qui fuit annus Gneo Pompeio, Marco Crasso consulibus, Usipetes Germani et item Tencteri magna cum multitudine hominum flumen Rhenum transierunt, non longe a mari, quo Rhenus influit. Causa transeundi fuit,² quod ab Suebis complures annos exagitati bello

3 premebantur et agricultura prohibebantur. Sueborum
gens est longe maxima et bellicosissima Germa-
4 norum omnium. Hi centum pagos habere dicuntur,
ex quibus quotannis singula milia armatorum bel-
5 landi causa ex finibus educunt. Reliqui, qui domi
manserunt, se atque illos alunt; hi rursus in vicem
6 anno post in armis sunt, illi domi remanent. Sic
neque agricultura nec ratio atque usus belli inter-
7 mittitur. Sed privati ac separati agri apud eos nihil
est, neque longius anno remanere uno in loco in-
8 colendi causa licet. Neque multum frumento, sed
maximam partem lacte atque pecore vivunt, mul-
9 tumque sunt in venationibus; quae res et cibi ge-
nere et cotidiana exercitatione et libertate vitae,
cum a pueris nullo officio aut disciplina assuefacti
nihil omnino contra voluntatem faciant, et viros alit
et immani corporum magnitudine homines efficit.
10 Atque in eam se consuetudinem adduxerunt, ut locis
frigidissimis neque vestitus praeter pelles haberent
quicquam, quarum propter exiguitatem magna est
corporis pars aperta, et lavarentur in fluminibus.

2. Mercatoribus est aditus magis eo, ut, quae
bello ceperint, quibus vendant habeant, quam quo
2 ullam rem ad se importari desiderent. Quin etiam
iumentis, quibus maxime Galli delectantur quaeque
impenso parant pretio, [Germani] importatis non
utuntur, sed quae sunt apud eos nata, parva atque
deformia, haec cotidiana exercitatione summi ut
3 sint laboris efficiunt. Equestribus proeliis saepe ex
equis desiliunt ac pedibus proeliantur, equosque
eodem remanere vestigio assuefecerunt, ad quos se

celeriter, cum usus est, recipiunt; neque eorum⁴ moribus turpius quicquam aut inertius habetur, quam ephippiis uti. Itaque ad quemvis numerum ephippiatorum equitum quamvis pauci adire audent. Vinum ad se omnino importari non sinunt, quod⁵ ea re ad laborem ferendum remollescere homines atque effeminari arbitrantur.

3. Publice maximam putant esse laudem, quam latissime a suis finibus vacare agros; hac re significari magnum numerum civitatum suam vim sustinere non posse. Itaque una ex parte a Suebis circiter milia passuum sescenta agri vacare dicuntur. Ad alteram partem succedunt Ubii, quorum⁶ fuit civitas ampla atque florens, ut est captus Germanorum, et paulo, quam sunt eiusdem generis, [et ceteri] humaniores, propterea quod Rhenum attingunt multumque ad eos mercatores ventitant, et ipsi propter propinquitatem Gallicis sunt moribus assuefacti. Hos cum Suebi multis saepe bellis experti propter amplitudinem gravitatemque civitatis finibus expellere non potuissent, tamen vectigales sibi fecerunt ac multo humiliores infirmioresque redegerunt.

4. In eadem causa fuerunt Usipetes et Tencteri, quos supra diximus, qui complures annos Sueborum vim sustinuerunt, ad extremum tamen agris expulsi et multis locis Germaniae triennium vagati ad Rhenum pervenerunt. Quas regiones Menapii⁷ incolebant et ad utramque ripam fluminis agros, aedificia vicosque habebant, sed tantae multitudinis⁸ aditu perterriti ex iis aedificiis, quae trans flumen

habuerant, demigraverunt et cis Rhenum dispositis
4 praesidiis Germanos transire prohibebant. Illi omnia
experti, cum neque vi contendere propter inopiam
navium neque clam transire propter custodias Me-
napiorum possent, reverti se in suas sedes regio-
5 nesque simulaverunt et tridui viam progressi rursus
reverterunt atque omni hoc itinere una nocte equi-
tatu confecto inscios inopinantesque Menapios op-
6 presserunt, qui de Germanorum discessu per ex-
ploratores certiores facti sine metu trans Rhenum
7 in suos vicos remigraverant. His interfectis navi-
busque eorum occupatis, priusquam ea pars Mena-
piorum, quae citra Rhenum erat, certior fieret, flumen
transierunt atque omnibus eorum aedificiis occupatis
reliquam partem hiemis se eorum copiis aluerunt.

5. His de rebus Caesar certior factus et infir-
mitatem Gallorum veritus, quod sunt in consiliis
capiendis mobiles et novis plerumque rebus student,
2 nihil his committendum existimavit. Est enim hoc
Gallicae consuetudinis, uti et viatores etiam invitos
consistere cogant, et quid quisque eorum de quaque
re audierit aut cognoverit, quaerant, et mercatores
in oppidis vulgus circumsistat quibusque ex regio-
nibus veniant quasque ibi res cognoverint, pronun-
3 tiare cogant. His rebus atque auditionibus permoti
de summis saepe rebus consilia ineunt, quorum eos
in vestigio poenitere necesse est, cum incertis ru-
moribus serviant, et plerique ad voluntatem eorum
ficta respondeant.

6. Qua consuetudine cognita Caesar, ne graviori
bello occurreret, maturius, quam consuerat, ad

exercitum proficiscitur. Eo cum venisset, ea, quae fore suspicatus erat, facta cognovit: missas legationes ab nonnullis civitatibus ad Germanos invitosque eos, uti ab Rheno discederent, omniaque, quae postulassent, ab se fore parata. Qua spe adducti Germani latius vagabantur et in fines Eburonum et Condrusorum, qui sunt Treverorum clientes, pervenerant. Principibus Galliae evocatis Caesar ea, quae cognoverat, dissimulanda sibi existimavit eorumque animis permulsis et confirmatis equitatuque imperato bellum cum Germanis gerere constituit.

7. Re frumentaria comparata equitibusque delectis iter in ea loca facere coepit, quibus in locis esse Germanos audiebat. A quibus cum paucorum dierum iter abesset, legati ab iis venerunt, quorum haec fuit oratio: Germanos neque priores populos Romano bellum inferre neque tamen recusare, si lacescantur, quin armis contendant, quod Germanorum consuetudo [haec] sit a maioribus tradita, quicumque bellum inferant, resistere neque deprecari. Haec tamen dicere: venisse invitos, eiectos domo; si suam gratiam Romani velint, posse iis utiles esse amicos; vel sibi agros attribuant, vel patiantur eos tenere, quos armis possederint: sese unis Suebis concedere, quibus ne dii quidem immortales pares esse possint; reliquum quidem in terris esse neminem, quem non superare possint.

8. Ad haec, quae visum est, Caesar respondit; sed exitus fuit orationis: sibi nullam cum iis amicitiam esse posse, si in Gallia remanerent; neque verum esse, qui suos fines tueri non potuerint,

alienos occupare; neque ullos in Gallia vacare agros, qui dari tantae praesertim multitudini sine iniuria³ possint; sed licere, si velint, in Ubiorum finibus considerare, quorum sint legati apud se et de Sueborum iniuriis querantur et a se auxilium petant: hoc se Ubiis imperaturum.

9. Legati haec se ad suos relatueros dixerunt et re deliberata post diem tertium ad Caesarem² reversuros: interea ne propius se castra moveret, petierunt. Ne id quidem Caesar ab se impetrari³ posse dixit. Cognoverat enim magnam partem equitatus ab iis aliquot diebus ante praedandi frumentandique causa ad Ambivaritos trans Mosam missam: hos exspectari equites atque eius rei causa moram interponi arbitrabatur.

10. Mosa profluit ex monte Vosego, qui est in finibus Lingonum, et parte quadam ex Rheno² recepta, quae appellatur Vacalus, insulam efficit Batavorum, neque longius ab Oceano milibus passuum LXXX in Rhenum influit. Rhenus autem oritur ex Lepontiis, qui Alpes incolunt, et longo spatio per fines Nantuatium, Helvetiorum, Sequanorum, Mediomatricum, Tribocorum, Treverorum citatus⁴ fertur et, ubi Oceano appropinquavit, in plures defluit partes multis ingentibusque insulis effectis, quarum pars magna a feris barbarisque nationibus⁵ incolitur (ex quibus sunt, qui piscibus atque ovis avium vivere existimantur), multisque capitibus in Oceanum influit.

11. Caesar cum ab hoste non amplius passuum XII milibus abesset, ut erat constitutum, ad eum le-

gati revertuntur; qui in itinere congressi magnopere, ne longius progredieretur, orabant. Cum id non² impetrassent, petebant, uti ad eos equites, qui agmen antecessissent, praemitteret eosque pugna prohiberet, sibi ut potestatem faceret in Ubios legatos mittendi; quorum si principes ac senatus sibi iurciurando fidem fecisset, ea condicione, quae a Caesare ferretur, se usuros ostendebant: ad has res conficiendas sibi tridui spatium daret. Haec omnia⁴ Caesar eodem illo pertinere arbitrabatur, ut tridui mora interposita equites eorum, qui abessent, reverterentur; tamen sese non longius milibus passuum quattuor aquationis causa processurum eo die dixit; huc postero die quam frequentissimi convenirent,⁵ ut de eorum postulatis cognosceret. Interim ad praefectos, qui cum omni equitatu antecesserant, mittit qui nuntiarent, ne hostes proelio lacesserent et, si ipsi lacesserentur, sustinerent, quoad ipse cum exercitu propius accessisset.

12. At hostes, ubi primum nostros equites conspexerunt, quorum erat V milium numerus, cum ipsi non amplius octingentos equites haberent, quod ii, qui frumentandi causa ierant trans Mosam, nondum redierant, nihil timentibus nostris, quod legati eorum paulo ante a Caesare discesserant atque is dies indutiis erat ab his petitus, impetu facto celeriter nostros perturbaverunt; rursus resistentibus² consuetudine sua ad pedes desiluerunt, suffossis equis compluribusque nostris deiectis reliquos in fugam coniecerunt atque ita perterritos egerunt, ut non prius fuga desisterent, quam in conspectum

³agminis nostri venissent. In eo proelio ex equitibus
⁴nostris interficiuntur quattuor et septuaginta, in his
vir fortissimus Piso Aquitanus, amplissimo genere
natus, cuius avus in civitate sua regnum obtinuerat
⁵amicus ab senatu nostro appellatus. Hic cum fratri
intercluso ab hostibus auxilium ferret, illum ex pe-
riculo eripuit, ipse equo vulnerato deiectus, quoad
⁶potuit, fortissime restitit; cum circumventus multis
vulneribus acceptis cecidisset, atque id frater, qui
iam proelio excesserat, procul animadvertisset, in-
citato equo se hostibus obtulit atque interfectus est.

13. Hoc facto proelio Caesar neque iam sibi le-
gatos audiendos neque condiciones accipiendas arbi-
trabatur ab iis, qui per dolum atque insidias petita
²pace ultro bellum intulissent; exspectare vero, dum
hostium copiae auferentur equitatusque reverteretur,
³summae dementiae esse iudicabat, et cognita Gallo-
rum infirmitate, quantum iam apud eos hostes uno
proelio auctoritatis essent consecuti, sentiebat; qui-
bus ad consilia capienda nihil spatii dandum existi-
⁴mabat. His constitutis rebus et consilio cum legatis
et quaestore communicato, ne quem diem pugnae
praetermitteret, opportunissima res accidit, quod
postridie eius diei mane eadem et perfidia et simula-
tione usi Germani frequentes omnibus principibus
maioribusque natu adhibitis ad eum in castra vene-
⁵runt, simul, ut dicebatur, sui purgandi causa, quod
contra, atque esset dictum et ipsi petissent, proelium
pridie commisissent, simul ut, si quid possent, de
⁶indutiis fallendo impetrarent. Quos sibi Caesar obla-
tos gavisus illos retineri iussit; ipse omnes copias

castris eduxit equitatumque, quod recenti proelio perterritum esse existimabat, agmen subsequi iussit.

14. Acie triplici instituta et celeriter octo milium itinere confecto prius ad hostium castra pervenit, quam, quid ageretur, Germani sentire possent. Qui² omnibus rebus subito perterriti, et celeritate adventus nostri et discessu suorum, neque consilii habendi neque arma capiendi spatio dato perturbantur, copiasne adversus hostem ducere, an castra defendere, an fuga salutem petere praestaret. Quorum timor³ cum fremitu et concursu significaretur, milites nostri pristini diei perfidia incitati in castra irruerunt. Quo loco qui celeriter arma capere potuerunt,⁴ paulisper nostris restiterunt atque inter carros impedimenta⁵que proelium commiserunt; at reliqua multitudo puerorum mulierumque (nam cum omnibus suis domo excesserant Rhenumque transierant) passim fugere coepit; ad quos consecrandos Caesar equitatum misit.

15. Germani post tergum clamore audito, cum suos interfici viderent, armis abiectis signisque militaribus relictis se ex castris eiecerunt, et cum² ad confluentem Mosae et Rheni pervenissent, reliqua fuga desperata, magno numero interfecto, reliqui se in flumen praecipitaverunt atque ibi timore, lassitudine, vi fluminis oppressi perierunt. Nostri ad³ unum omnes incolumes perpaucis vulneratis ex tanti belli timore, cum hostium numerus capitum ccccxxx milium fuisset, se in castra receperunt. Caesar iis,⁴ quos in castris retinuerat, discedendi potestatem fecit. Illi supplicia cruciatusque Gallorum veriti,⁵

quorum agros vexaverant, remanere se apud eum velle dixerunt. His Caesar libertatem concessit.

16. Germanico bello confecto multis de causis Caesar statuit sibi Rhenum esse transeundum; quarum illa fuit iustissima, quod, cum videret Germanos tam facile impelli, ut in Galliam venirent, suis quoque rebus eos timere voluit, cum intellegerent et posse et audere populi Romani exercitum Rhenum transire. Accessit etiam, quod illa pars equitatus Usipetum et Tencterorum, quam supra commemoravi praedandi frumentandique causa Mosam transisse neque proelio interfuisse, post fugam suorum se trans Rhenum in fines Sugambrorum receperat seque cum iis coniunxerat. Ad quos cum Caesar nuntios misisset, qui postularent, eos, qui sibi Galliaeque bellum intulissent, sibi dederent, responderunt: populi Romani imperium Rhenum finire; si se invito Germanos in Galliam transire non aequum existimaret, cur sui quicquam esse imperii aut potestatis trans Rhenum postularet? Ubii autem, qui uni ex Transrhenanis ad Caesarem legatos miserant, amicitiam fecerant, obsides dederant, magnopere orabant, ut sibi auxilium ferret, quod graviter ab Suebis premerentur; vel, si id facere occupationibus rei publicae prohiberetur, exercitum modo Rhenum transportaret: id sibi ad auxilium spemque reliqui temporis satis futurum. Tantum esse nomen atque opinionem eius exercitus Ariovisto pulso et hoc novissimo proelio facto etiam ad ultimas Germanorum nationes, uti opinione et amicitia populi Romani tuti esse possint.

Navium magnam copiam ad transportandum exercitum pollicebantur.

17. Caesar his de causis, quas commemoravi, Rhenum transire decreverat; sed navibus transire neque satis tutum esse arbitrabatur, neque suae neque populi Romani dignitatis esse statuebat. Itaque, etsi summa difficultas faciendi pontis proponebatur propter latitudinem, rapiditatem altitudinemque fluminis, tamen id sibi contendendum aut aliter non traducendum exercitum existimabat. Rationem pontis hanc instituit. Tigna bina sesquipedalia, paulum ab imo praeacuta, dimensa ad altitudinem fluminis intervallo pedum duorum inter se iungebat. Haec cum machinationibus immissa in flumen defixerat fistucisque adegerat, non sublicae modo directe ad perpendiculum, sed prone ac fastigate, ut secundum naturam fluminis procumberent; his item contraria duo ad eundem modum iuncta intervallo pedum quadragenum ab inferiore parte contra vim atque impetum fluminis conversa statuebat. Haec utraque insuper bipedalibus trabibus immissis, quantum eorum tignorum iunctura distabat, binis utrimque fibulis ab extrema parte distinebantur; quibus disclusis atque in contrariam partem revinctis tanta erat operis firmitudo atque ea rerum natura, ut, quo maior vis aquae se incitavisset, hoc artius illigata tenerentur. Haec directa materia iniecta constegebantur a longuriis cratibusque consternebantur; ac nihilo secius sublicae et ad inferiorem partem fluminis oblique agebantur, quae pro ariete subiectae et cum omni opere coniunctae vim fluminis

¹⁰ exciperent, et aliae item supra pontem mediocri spatio, ut, si arborum trunci sive naves deiciendi operis essent a barbaris missae, his defensoribus earum rerum vis minueretur, neu ponti nocerent.

18. Diebus decem, quibus materia coepta erat comportari, omni opere effecto exercitus traducitur.
² Caesar ad utramque partem pontis firmo praesidio
³ relicto in fines Sugambrorum contendit. Interim a compluribus civitatibus ad eum legati veniunt; quibus pacem atque amicitiam petentibus liberaliter
⁴ respondit obsidesque ad se adduci iubet. Sugambri ex eo tempore, quo pons institui coeptus est, fuga comparata hortantibus iis, quos ex Tencteris atque Usipetibus apud se habebant, finibus suis excesserant suaque omnia exportaverant seque in solitudinem ac silvas abdiderant.

19. Caesar paucos dies in eorum finibus moratus omnibus vicis aedificiisque incensis frumentisque succisis se in fines Ubiorum recepit atque iis auxilium suum pollicitus, si ab Suebis premerentur, haec ab iis cognovit: Suebos, posteaquam per exploratores pontem fieri comperissent, more suo concilio habito nuntios in omnes partes dimisisse, uti de oppidis demigrarent, liberos, uxores suaque omnia in silvis deponerent, atque omnes, qui arma ferre possent, unum in locum convenirent; hunc esse delectum medium fere regionum earum, quas Suebi obtinerent; hic Romanorum adventum exspectare atque ibi decertare constituisse.
⁴ Quod ubi Caesar comperit, omnibus rebus iis confectis, quarum rerum causa traducere exercitum

constituerat, ut Germanis metum iniceret, ut Sugambros ulcisceretur, ut Ubios obsidione liberaret, diebus omnino decem et octo trans Rhenum consumptis, satis et ad laudem et ad utilitatem profectum arbitratus, se in Galliam recepit pontemque rescidit.

20. Exigua parte aestatis reliqua Caesar, etsi in his locis, quod omnis Gallia ad septentriones vergit, maturae sunt hiemes, tamen in Britanniam proficisci contendit, quod omnibus fere Gallicis bellis hostibus nostris inde subministrata auxilia intellegebat et, si tempus anni ad bellum gerendum deficeret, tamen magno sibi usui fore arbitrabatur, si modo insulam adisset et genus hominum perspexisset, loca, portus, aditus cognovisset; quae omnia fere Gallis erant incognita. Neque enim temere praeter mercatores illo adit quisquam, neque iis ipsis quicquam praeter oram maritimam atque eas regiones, quae sunt contra Gallias, notum est. Itaque vocatis ad se undique mercatoribus neque quanta esset insulae magnitudo, neque quae aut quantae nationes incolerent, neque quem usum belli haberent aut quibus institutis uterentur, neque qui essent ad maiorum navium multitudinem idonei portus, reperire poterat.

21. Ad haec cognoscenda, priusquam periculum faceret, idoneum esse arbitratus Gaium Volusenum cum navi longa praemittit. Huic mandat, ut exploratis omnibus rebus ad se quam primum revertatur. Ipse cum omnibus copiis in Morinos proficiscitur, quod inde erat brevissimus in Britanniam traiectus.

4 Huc naves undique ex finitimis regionibus et quam
superiore aestate ad Veneticum bellum effecerat
5 classem iubet convenire. Interim consilio eius co-
gnito et per mercatores perlato ad Britannos a
compluribus insulae civitatibus ad eum legati ve-
niunt, qui polliceantur obsides dare atque imperio
6 populi Romani obtemperare. Quibus auditis libera-
liter pollicitus hortatusque, ut in ea sententia per-
manerent, eos domum remittit et cum iis una Com-
7 mium, quem ipse Atrebatibus superatis regem ibi
constituerat, cuius et virtutem et consilium probabat
et quem sibi fidelem esse arbitrabatur, cuiusque
auctoritas in his regionibus magni habebatur, mittit.
8 Huic imperat, quas possit, adeat civitates hortetur-
que, ut populi Romani fidem sequantur, seque ce-
9 leriter eo venturum nuntiet. Volusenus perspectis
regionibus omnibus, quantum ei facultatis dari po-
tuit, qui navi egredi ac se barbaris committere non
auderet, quinto die ad Caesarem revertitur quaeque
ibi perspexisset, renuntiat.

22. Dum in his locis Caesar navium paran-
darum causa moratur, ex magna parte Morinorum
ad eum legati venerunt, qui se de superioris tem-
poris consilio excusarent, quod homines barbari et
nostrae consuetudinis imperiti bellum populo Romano
fecissent, seque ea, quae imperasset, facturos polli-
2 cerentur. Hoc sibi Caesar satis opportune accidis-
se arbitratus, quod neque posttergum hostem relinquere
volebat neque belli gerendi propter anni tempus
facultatem habebat neque has tantularum rerum
occupationes Britanniae anteponendas iudicabat,

magnum iis numerum obsidum imperat. Quibus adductis eos in fidem recepit. Navibus circiter LXXX onerariis coactis constratisque, quot satis esse ad duas transportandas legiones existimabat, quod praeterea navium longarum habebat, quaestori, legatis praefectisque distribuit. Huc accedebant XVIII⁴ onerariae naves, quae ex eo loco a milibus passuum octo vento tenebantur, quo minus in eundem portum venire possent: has equitibus distribuit. Reliquum exercitum Quinto Titurio Sabino et Lucio Aurunculeio Cottae legatis in Menapios atque in eos pagos Morinorum, a quibus ad eum legati non venerant, ducendum dedit; Publium Sulpicium⁵ Rufum legatum cum eo praesidio, quod satis esse arbitrabatur, portum tenere iussit.

23. His constitutis rebus nactus idoneam ad navigandum tempestatem tertia fere vigilia solvit equitesque in ulteriorem portum progredi et naves conscendere et se sequi iussit. A quibus cum paulo² tardius esset administratum, ipse hora circiter diei quarta cum primis navibus Britanniam attigit atque ibi in omnibus collibus expositas hostium copias armatas conspexit. Cuius loci haec erat natura,³ atque ita montibus anguste mare continebatur, uti ex locis superioribus in litus telum adigi posset. Hunc ad egrediendum nequaquam idoneum locum⁴ arbitratus, dum reliquae naves eo convenirent, ad horam nonam in ancoris exspectavit. Interim legatis⁵ tribunisque militum convocatis et quae ex Voluseno cognosset, et quae fieri vellet, ostendit monuitque, ut rei militaris ratio, maxime ut maritimae res

postularent, ut quae celerem atque instabilem motum haberent, ad nutum et ad tempus omnes res ab iis administrarentur. His dimissis et ventum et aestum uno tempore nactus secundum dato signo et sublatis ancoris circiter milia passuum septem ab eo loco progressus aperto ac plano litore naves constituit.

24. At barbari, consilio Romanorum cognito, praemisso equitatu et essedariis, quo plerumque genere in proeliis uti consuerunt, reliquis copiis subsecuti nostros navibus egredi prohibebant. Erat ob has causas summa difficultas, quod naves propter magnitudinem nisi in alto constitui non poterant, militibus autem ignotis locis, impeditis manibus, magno et gravi onere armorum oppressis simul et de navibus desiliendum et in fluctibus consistendum et cum hostibus erat pugnandum, cum illi aut ex arido aut paulum in aquam progressi omnibus membris expeditis, notissimis locis audacter tela conicerent et equos insuefactos incitarent. Quibus rebus nostri perterriti atque huius omnino generis pugnae imperiti non eadem alacritate ac studio, quo in pedestribus uti proeliis consuerant, nitebantur.

25. Quod ubi Caesar animadvertit, naves longas, quarum et species erat barbaris inusitatior et motus ad usum expeditior, paulum removeri ab onerariis navibus et remis incitari et ad latus apertum hostium constitui atque inde fundis, sagittis, tormentis hostes propelli ac submoveri iussit; quae res magno usui nostris fuit. Nam et navium figura et remorum motu et inusitato genere tormentorum permoti

barbari constiterunt ac paulum modo pedem rettulerunt. Atque nostris militibus cunctantibus, maxime³ propter altitudinem maris, qui decimae legionis aquilam ferebat, contestatus deos, ut ea res legioni feliciter eveniret, 'desilite', inquit, 'milites, nisi vultis aquilam hostibus prodere: ego certe meum rei publicae atque imperatori officium praestitero.' Hoc⁴ cum voce magna dixisset, se ex navi proiecit atque in hostes aquilam ferre coepit. Tum nostri cohortati inter se, ne tantum dedecus admitteretur, universi ex navi desiluerunt. Hos item ex proximis⁵ navibus cum conspexissent, subsecuti hostibus appropinquarunt.

26. Pugnatum est ab utrisque acriter. Nostri tamen, quod neque ordines servare neque firmiter insistere neque signa subsequi poterant, atque alius alia ex navi, quibuscumque signis occurrerat, se aggregabat, magnopere perturbantur; hostes vero² notis omnibus vadis, ubi ex litore aliquos singulares ex navi egredientes conspexerant, incitatis equis impeditos adoriebantur, plures paucos circumsistebant, alii ab latere aperto in universos tela coniciebant. Quod cum animadvertisset Caesar, scaphas⁴ longarum navium, item speculatoria navigia militibus compleri iussit et, quos laborantes conspexerat, his subsidia submittebat. Nostri, simul in arido constiterunt, suis omnibus consecutis in hostes impetum fecerunt atque eos in fugam dederunt, neque longius prosequi potuerunt, quod equites cursum tenere atque insulam capere non potuerant. Hoc unum ad pristinam fortunam Caesari defuit.

27. Hostes proelio superati, simul atque se ex fuga receperunt, statim ad Caesarem legatos de pace miserunt; obsides daturus quaeque imperasset facturos esse polliciti sunt. Una cum his legatis Commius Atrebas venit, quem supra demonstraveram a Caesare in Britanniam praemisum. Hunc illi e navi egressum, cum ad eos oratoris modo Caesaris mandata deferret, comprehenderant atque in vincula coniecerant; tum proelio facto remiserunt et in petenda pace eius rei culpam in multitudinem coniecerunt et propter imprudentiam ut ignosceretur, petiverunt. Caesar questus, quod, cum ultro in continentem legatis missis pacem ab se petissent, bellum sine causa intulissent, ignoscere imprudentiae dixit obsidesque imperavit; quorum illi partem statim dederunt, partem ex longinquioribus locis arcescitam paucis diebus sese daturus dixerunt. Interea suos remigrare in agros iusserunt, principesque undique convenire et se civitatesque suas Caesari commendare coeperunt.

28. His rebus pace confirmata post diem quartum, quam est in Britanniam ventum, naves XVIII, de quibus supra demonstratum est, quae equites sustulerant, ex superiore portu leni vento solverunt. Quae cum appropinquarent Britanniae et ex castris viderentur, tanta tempestas subito coorta est, ut nulla earum cursum tenere posset, sed aliae eodem, unde erant profectae, referrentur, aliae ad inferiorem partem insulae, quae est propius solis occasum, magno sui cum periculo deicerentur; quae tamen ancoris iactis cum fluctibus complerentur, neces-

sario adversa nocte in altum provectae continentem petierunt.

29. Eadem nocte accidit, ut esset luna plena, qui dies maritimos aestus maximos in Oceano efficere consuevit, nostrisque id erat incognitum. Ita² uno tempore et longas naves, quibus Caesar exercitum transportandum curaverat quasque in aridum subduxerat, aestus compleverat, et onerarias, quae ad ancoras erant deligatae, tempestas afflictabat, neque ulla nostris facultas aut administrandi aut auxiliandi dabatur. Compluribus navibus fractis reli-³ quae cum essent funibus, ancoris reliquisque armamenti amissis ad navigandum inutiles, magna, id quod necesse erat accidere, totius exercitus perturbatio facta est. Neque enim naves erant aliae, qui-⁴ bus reportari possent, et omnia deerant, quae ad reficiendas naves erant usui, et, quod omnibus constabat hiemari in Gallia oportere, frumentum his in locis in hiemem provisum non erat.

30. Quibus rebus cognitis principes Britanniae, qui post proelium ad Caesarem convenerant, inter se collocuti, cum equites et naves et frumentum Romanis deesse intellegerent et paucitatem militum ex castrorum exiguitate cognoscerent, quae hoc erant etiam angustiora, quod sine impedimentis Caesar legiones transportaverat, optimum factu esse duxe-² runt, rebellione facta frumento commeatuque nostros prohibere et rem in hiemem producere, quod his superatis aut reditu interclusis neminem postea belli inferendi causa in Britanniam transiturum confide-
bant. Itaque rursus coniuratione facta paulatim ex³

castris discedere ac suos clam ex agris deducere coeperunt.

31. At Caesar, etsi nondum eorum consilia cognoverat, tamen et ex eventu navium suarum et ex eo, quod obsides dare intermiserant, fore id, quod
2 accidit, suspicabatur. Itaque ad omnes casus subsidia comparabat. Nam et frumentum ex agris cotidie in castra conferebat et quae gravissimae afflictae erant naves, earum materia atque aere ad reliquas reficiendas utebatur et quae ad eas res erant usui,
3 ex continenti comportari iubebat. Itaque, cum summo studio a militibus administraretur, XII navibus amissis, reliquis ut navigari commode posset, effecit.

32. Dum ea geruntur, legione ex consuetudine una frumentatum missa, quae appellabatur septima, neque ulla ad id tempus belli suspicione interposita, cum pars hominum in agris remaneret, pars etiam in castra ventitaret, ii, qui pro portis castrorum in statione erant, Caesari nuntiaverunt pulverem maiorem, quam consuetudo ferret, in ea parte videri,
4 quam in partem legio iter fecisset. Caesar id, quod erat, suspicatus, aliquid novi a barbaris initum consilii, cohortes, quae in stationibus erant, secum in eam partem proficisci, ex reliquis duas in stationem cohortes succedere, reliquas armari et confestim
5 sese subsequi iussit. Cum paulo longius a castris processisset, suos ab hostibus premi atque aegre sustinere et conferta legione ex omnibus partibus
6 tela conici animadvertit. Nam quod omni ex reliquis partibus demesso frumento pars una erat reliqua,

suspicati hostes, huc nostros esse venturos, noctu in silvis delituerant; tum dispersos depositis armis in metendo occupatos subito adorti, paucis interfectis, reliquos incertis ordinibus perturbaverant, simul equitatu atque essedis circumdederant.

33. Genus hoc est ex essedis pugnae. Primo per omnes partes perequitant et tela coniciunt atque ipso terrore equorum et strepitu rotarum ordines plerumque perturbant, et cum se inter equitum turmas insinuaverunt, ex essedis desiliunt et pedibus proeliantur. Aurigae interim paulatim ex proelio² excedunt atque ita currus collocant, ut, si illi a multitudine hostium premantur, expeditum ad suos receptum habeant. Ita mobilitatem equitum, stabilita-³ tem peditum in proeliis praestant, ac tantum usu cotidiano et exercitatione efficiunt, uti in declivi ac praecipiti loco incitatos equos sustinere et brevi moderari ac flectere et per temonem percurrere et in iugo insistere et se inde in currus citissime recipere consuerint.

34. Quibus rebus perturbatis nostris [novitate pugnae] tempore opportunissimo Caesar auxilium tulit: namque eius adventu hostes constiterunt, nostri se ex timore receperunt. Quo facto ad lacessendum² et ad committendum proelium alienum esse tempus arbitratus suo se loco continuit et brevi[tem]pore intermisso in castra legiones reduxit. Dum haec ge-³ runtur, nostris omnibus occupatis, qui erant in agris reliqui, discesserunt. Secutae sunt continuos com-⁴ plures dies tempestates, quae et nostros in castris continerent et hostem a pugna prohiberent. Interim

barbari nuntios in omnes partes dimiserunt paucitatemque nostrorum militum suis praedicaverunt et, quanta praedae faciendae atque in perpetuum sui liberandi facultas daretur, si Romanos castris expulissent, demonstraverunt. His rebus celeriter magna multitudo peditatus equitatusque coacta ad castra venerunt.

35. Caesar, etsi idem, quod superioribus diebus acciderat, fore videbat, ut, si essent hostes pulsi, celeritate periculum effugerent, tamen nactus equites circiter xxx, quos Commius Atrebas, de quo ante dictum est, secum transportaverat, legiones in acie¹ pro castris constituit. Commisso proelio diutius nostrorum militum impetum hostes ferre non potuerunt² ac terga verterunt. Quos tanto spatio secuti, quantum cursu et viribus efficere potuerunt, complures ex iis occiderunt, deinde omnibus longe lateque aedificiis incensis se in castra receperunt.

36. Eodem die legati ab hostibus missi ad Caesarem de pace venerunt. His Caesar numerum obsidum, quem ante imperaverat, duplicavit eosque in continentem adduci iussit, quod propinqua die aequinoctii infirmis navibus hiemi navigationem subicendam non existimabat. Ipse idoneam tempestatem³ nactus paulo post mediam noctem naves solvit; quae omnes incolumes ad continentem pervenerunt;⁴ sed ex iis onerariae duae eosdem, quos reliqui, portus capere non potuerunt et paulo infra delatae sunt.

37. Quibus ex navibus cum essent expositi milites circiter trecenti atque in castra contenderent, Morini, quos Caesar in Britanniam proficiscens pa-

catos reliquerat, spe praedae adducti primo non ita magno suorum numero circumsteterunt ac, si sese interfici nollent, arma ponere iusserunt. Cum illi² orbe facto sese defenderent, celeriter ad clamorem hominum circiter milia sex convenerunt. Qua re nuntiata Caesar omnem ex castris equitatum suis auxilio misit. Interim nostri milites impetum hostium³ sustinuerunt atque amplius horis quattuor fortissime pugnaverunt et paucis vulneribus acceptis complures ex his occiderunt. Postea vero quam equitatus noster⁴ in conspectum venit, hostes abiectis armis terga verterunt magnusque eorum numerus est occisus.

38. Caesar postero die Titum Labienum legatum cum iis legionibus, quas ex Britannia reducerat, in Morinos, qui rebellionem fecerant, misit. Qui cum² propter siccitates paludum, quo se reciperent, non haberent, quo superiore anno perfugio fuerant usi, omnes fere in potestatem Labieni pervenerunt. At³ Qu. Titurius et L. Cotta legati, qui in Menapiorum fines legiones duxerant, omnibus eorum agris vastatis, frumentis succisis, aedificiis incensis, quod Menapii se omnes in densissimas silvas abdiderant, se ad Caesarem receperunt. Caesar in Belgis omnium⁴ legionum hiberna constituit. Eo duae omnino civitates ex Britannia obsides miserunt, reliquae neglexerunt. His rebus gestis ex litteris Caesaris dierum⁵ viginti supplicatio a senatu decreta est.

C. IULII CAESARIS
DE BELLO GALLICO
LIBER QUINTUS.

ARGUMENTUM.

[A. U. C. 700.] Dum ex Caesaris iussu magna classis in Gallia instruitur, ipse in Illyricum profectus Pirustas obsidibus imperatis cohibet c. 1. In Galliam reversus, postquam Treverorum turbas composuit et interfecto Dumnorige Aeduos coercuit c. 2—7, iterum in Britanniam exercitum transmittit c. 8—11. Quae sit Britanniae incolarumque natura atque indoles, exponitur c. 12—14. Devictis qui citra ultraque Tamesim accolunt c. 15—22, in Galliam revertitur. Plerisque Gallis a Caesare deficientibus legati Sabinus et Cotta cum legione ab Eburonibus circumventi caeduntur c. 23—37. Victor Ambiorix Aduatucos et Nervios sibi adiungit et Q. Ciceronis castra graviter oppugnat c. 38—48. Caesaris adventu hostes ab obsidione deterrentur, deinde proelio facto profligantur c. 49—51. Senones nihilominus et Treveri res novas moliuntur, sed interfecto Indutiomaro res paulum pacantur c. 52—58.

1. L. Domitio, Ap. Claudio consulibus discedens ab hibernis Caesar in Italiam, ut quotannis facere consuevit, legatis imperat, quos legionibus

praefecerat, uti, quam plurimas possent, hieme naves aedificandas veteresque reficiendas curarent. Earum modum formamque demonstrat. Ad celeritatem onerandi subductionesque paulo facit humiliores, quam quibus in nostro mari uti consuevimus, atque id eo magis, quod propter crebras commutationes aestuum minus magnos ibi fluctus fieri cognoverat; ad onera ac multitudinem iumentorum transportandam paulo latiores, quam quibus in reliquis utimur maribus. Has omnes actuarias imperat fieri, quam ad rem multum humilitas adiuvat. Ea, quae sunt usui ad armandas naves, ex Hispania apportari iubet. Ipse conventibus Galliae citerioris peractis in Illyricum proficiscitur, quod a Pirustis finitimam partem provinciae incursionibus vastari audiebat. Eo cum venisset, civitatibus milites imperat certumque in locum convenire iubet. Qua re nuntiata Pirustae legatos ad eum mittunt, qui doceant nihil earum rerum publico factum consilio, seseque paratos esse demonstrant omnibus rationibus de iniuriis satisfacere. Percepta oratione eorum Caesar obsides imperat eosque ad certam diem adduci iubet; nisi ita fecerint, sese bello civitatem persecuturum demonstrat. Iis ad diem adductis, ut imperaverat, arbitros inter civitates dat, qui litem aestiment poenamque constituent.

2. His confectis rebus conventibusque peractis in citeriorem Galliam revertitur atque inde ad exercitum proficiscitur. Eo cum venisset, circuitis omnibus hibernis singulari militum studio in summa omnium rerum inopia circiter sescentas eius generis,

cuius supra demonstravimus, naves et longas XXVIII invenit instructas neque multum abesse ab eo, quin³ paucis diebus deduci possint. Collaudatis militibus atque iis, qui negotio praefuerant, quid fieri velit ostendit atque omnes ad portum Itium convenire iubet, quo ex portu commodissimum in Britanniam traiectum esse cognoverat, circiter milium passuum XXX [transmissum] a continenti: huic rei quod satis⁴ esse visum est militum reliquit. Ipse cum legionibus expeditis IIII et equitibus DCCC in fines Treverorum proficiscitur, quod hi neque ad concilia veniebant neque imperio parebant Germanosque Transrhenanos sollicitare dicebantur.

3. Haec civitas longe plurimum totius Galliae equitatu valet magnasque habet copias peditum.² Rhenumque, ut supra demonstravimus, tangit. In ea civitate duo de principatu inter se contendebant,³ Indutiomarus et Cingetorix; e quibus alter, simul atque de Caesaris legionumque adventu cognitum est, ad eum venit, se suosque omnes in officio futuros neque ab amicitia populi Romani defecturos confirmavit, quaeque in Treveris gererentur ostendit.⁴ At Indutiomarus equitatum peditatumque cogere iisque, qui per aetatem in armis esse non poterant, in silvam Arduennam abditis, quae ingenti magnitudine per medios fines Treverorum a flumine Rheno ad initium Remorum pertinet, bellum parare instituit.⁵ Sed posteaquam nonnulli principes ex ea civitate et familiaritate Cingetorigis adducti et adventu nostri exercitus perterriti ad Caesarem venerunt et de suis privatim rebus ab eo petere coeperunt,

quoniâ[m] civitati consulere non possent, veritus, ne ab omnibus desereretur, Indutiomarus legatos ad Caesarem mittit: sese idcirco ab suis discedere⁶ atque ad eum venire noluisse, quo facilius civitatem in officio contineret, ne omnis nobilitatis discessu plebs propter imprudentiam laberetur; itaque esse⁷ civitatem in sua potestate, seseque, si Caesar permitteret, ad eum in castra venturum, suas civitatisque fortunas eius fidei permissurum.

4. Caesar, etsi intellegebat, qua de causa ea dicerentur, quaeque eum res ab instituto consilio deterreret, tamen, ne aestatem in Treveris consumere cogeretur omnibus ad Britannicum bellum rebus comparatis, Indutiomarum ad se cum CC obsidibus venire iussit. His adductis, in iis filio pro-² pinquisque eius omnibus, quos nominatim evocaverat, consolatus Indutiomarum hortatusque est, uti in officio maneret; nihilo tamen secius principibus³ Treverorum ad se convocatis hos singillatim Cingetorigi conciliavit, quod cum merito eius a se fieri intellegebat, tum magni interesse arbitrabatur eius auctoritatem inter suos quam plurimum valere, cuius tam egregiam in se voluntatem perspexisset. Id tulit⁴ factum graviter Indutiomarus, suam gratiam inter suos minui, et, qui iam ante inimico in nos animo fuisset, multo gravius hoc dolore exarsit.

5. His rebus constitutis Caesar ad portum Itium cum legionibus pervenit. Ibi cognoscit LX naves,² quae in Meldis factae erant, tempestate reiectas cursum tenere non potuisse atque eodem, unde erant profectae, revertisse; reliquas paratas ad

navigandum atque omnibus rebus instructas invenit.
3 Eodem equitatus totius Galliae convenit numero
miliū quattuor principesque ex omnibus civitati-
4 bus; ex quibus perpaucos, quorum in se fidem per-
spexerat, relinquere in Gallia, reliquos obsidum loco
secum ducere decreverat, quod, cum ipse abesset,
motum Galliae verebatur.

6. Erat una cum ceteris Dumnorix Aeduus, de
quo ante ab nobis dictum est. Hunc secum habere
in primis constituerat, quod eum cupidum rerum
novarum, cupidum imperii, magni animi, magnae
2 inter Gallos auctoritatis cognoverat. Accedebat huc,
quod in concilio Aeduorum Dumnorix dixerat, sibi
a Caesare regnum civitatis deferri; quod dictum
Aedui graviter ferebant neque recusandi aut depre-
candi causa legatos ad Caesarem mittere audebant.
Id factum ex suis hospitibus Caesar cognoverat.
3 Ille omnibus primo precibus petere contendit, ut in
Gallia relinqueretur, partim, quod insuetus navigandi
mare timeret, partim, quod religionibus impediri sese
4 diceret. Posteaquam id obstinate sibi negari vidit,
omni spe impetrandi adempta principes Galliae solli-
citare, sevocare singulos hortarique coepit, uti in
5 continenti remanerent; metu territare: non sine
causa fieri, ut Gallia omni nobilitate spoliaretur;
id esse consilium Caesaris, ut, quos in conspectu
Galliae interficere vereretur, hos omnes in Britan-
6 niam traductos necaret; fidem reliquis interponere,
iusiurandum poscere, ut, quod esse ex usu Galliae
intellexissent, communi consilio administrarent. Haec
a compluribus ad Caesarem deferrebantur.

7. Qua re cognita Caesar, quod tantum civitati Aeduae dignitatis tribuebat, coërcendum atque deterrendum, quibuscumque rebus posset, Dumnorigem statuebat; quod longius eius amentiam progredi videbat, prospiciendum, ne quid sibi ac rei publicae nocere posset. Itaque dies circiter xxv in eo loco commoratus, quod Corus ventus navigationem impediebat, qui magnam partem omnis temporis in his locis flare consuevit, dabat operam, ut in officio Dumnorigem contineret, nihilo tamen secius omnia eius consilia cognosceret; tandem idoneam nactus tempestatem milites equitesque conscendere in naves iubet. At omnium impeditis animis Dumnorix cum equitibus Aeduorum a castris insciente Caesare domum discedere coepit. Qua re nuntiata Caesar intermissa profectione atque omnibus rebus postpositis magnam partem equitatus ad eum insequendum mittit retrahique imperat; si vim faciat nequepareat, interfici iubet, nihil hunc se absente pro sano facturum arbitratus, qui praesentis imperium neglexisset. Ille iam revocatus resistere ac se manu defendere suorumque fidem implorare coepit saepe clamitans liberum se liberaeque esse civitatis. Illi, ut erat imperatum, circumstant hominem atque interficiunt; at equites Aedui ad Caesarem omnes revertuntur.

8. His rebus gestis Labieno in continente cum tribus legionibus et equitum milibus duobus relicto, ut portus tueretur et rem frumentariam provideret, quaeque in Gallia gererentur, cognosceret consiliumque pro tempore et pro re caperet, ipse cum quinque

legionibus et pari numero equitum, quem in continenti reliquerat, ad solis occasum naves solvit et leni Africo provectus media circiter nocte vento intermisso cursum non tenuit et longius delatus aestu orta luce sub sinistra Britanniam relictam³ conspexit. Tum rursus aestus commutationem secutus remis contendit, ut eam partem insulae caperet, qua optimum esse egressum superiore aestate⁴ cognoverat. Qua in re admodum fuit militum virtus laudanda, qui vectoriis gravibusque navigiis non intermisso remigandi labore longarum navium cursum⁵ adaequarunt. Accessum est ad Britanniam omnibus navibus meridiano fere tempore, neque in eo⁶ loco hostis est visus; sed, ut postea Caesar ex captivis cognovit, cum magnae manus eo convenissent, multitudine navium perterritae, quae cum annotinis privatisque, quas sui quisque commodi fecerat, amplius octingentae uno erant visae tempore, a litore discesserant ac se in superiora loca abdiderant.

9. Caesar exposito exercitu et loco castris idoneo capto, ubi ex captivis cognovit, quo in loco hostium copiae consedisent, cohortibus decem ad mare relictis et equitibus trecentis, qui praesidio navibus essent, de tertia vigilia ad hostes contendit, eo minus veritus navibus, quod in litore molli atque aperto deligatas ad ancoram relinquebat, et praesidio² navibus Quintum Atrium praefecit. Ipse noctu progressus milia passuum circiter XII hostium copias³ conspicatus est. Illi equitatu atque essedis ad flumen progressi ex loco superiore nostros prohibere

et proelium committere coeperunt. Repulsi ab equitatu se in silvas abdiderunt locum nanci egregie et natura et opere munitum, quem domestici belli, ut videbatur, causa iam ante praeparaverant; nam crebris arboribus succisis omnes introitus erant praecclusi. Ipsi ex silvis rari propugnabant nostros, que intra munitiones ingredi prohibebant. At milites legionis septimae testudine facta et aggere ad munitiones adiecto locum ceperunt eosque ex silvis expulerunt paucis vulneribus acceptis. Sed eos fugientes longius Caesar prosequi vetuit, et quod loci naturam ignorabat, et quod magna parte diei consumpta munitioni castrorum tempus relinqui volebat.

10. Postridie eius diei mane tripertito milites equitesque in expeditionem misit, ut eos, qui fugerant, persequerentur. His aliquantum itineris progressis, cum iam extremi essent in prospectu, equites a Quinto Atrio ad Caesarem venerunt, qui nuntiarent, superiore nocte maxima coorta tempestate prope omnes naves afflictas atque in litore eiectas esse, quod neque ancorae funesque subsisterent, neque nautae gubernatoresque vim tempestatis pati possent; itaque ex eo concursu navium magnum esse incommodum acceptum.

11. His rebus cognitis Caesar legiones equitatumque revocari atque in itinere resistere iubet, ipse ad naves revertitur; eadem fere, quae ex nuntiis litterisque cognoverat, coram perspicit, sicut amissis circiter XL navibus reliquae tamen refici posse magno negotio viderentur. Itaque ex legionibus fabros deligit et ex continenti alios arcessi

⁴iubet; Labieno scribit, ut, quam plurimas possit, iis legionibus, quae sunt apud eum, naves instituat. ⁵Ipse, etsi res erat multae operae ac laboris, tamen commodissimum esse statuit, omnes naves subduci ⁶et cum castris una munitione coniungi. In his rebus circiter dies x consumit ne nocturnis quidem temporibus ad laborem militum intermissis. Subductis navibus castrisque egregie munitis easdem copias, quas ante, praesidio navibus reliquit, ipse eodem, ⁸unde redierat, proficiscitur. Eo cum venisset, maiores iam undique in eum locum copiae Britannorum convenerant summa imperii bellicae administrandi communi consilio permissa Cassivellauno; cuius fines a maritimis civitatibus flumen dividit, quod appellatur Tamesis, a mari circiter milia passuum LXXX. ⁹Huic superiore tempore cum reliquis civitatibus continentia bella intercesserant; sed nostro adventu permoti Britanni hunc toti bello imperioque praefecerant.

12. Britanniae pars interior ab iis incolitur, quos natos in insula ipsa memoria proditum dicunt, ²maritima pars ab iis, qui praedae [ac belli inferendi] causa ex Belgio transierant (qui omnes fere iis nominibus civitatum appellantur, quibus orti ex civitatibus eo pervenerunt) et bello illato ibi ³manserunt atque agros colere coeperunt. Hominum est infinita multitudo creberrimae aedificia fere ⁴Gallicis consimilia, pecorum magnus numerus. Utuntur aut aere [aut nummo aureo] aut taleis ferreis ⁵ad certum pondus examinatis pro nummo. Nascitur ibi plumbum album in mediterraneis regionibus, in

maritimis ferrum, sed eius exigua est copia; aere utuntur importato. Materia cuiusque generis ut in Gallia est praeter fagum atque abietem. Leporem⁶ et gallinam et anserem gustare fas non putant; haec tamen alunt animi voluptatisque causa. Loca sunt temperatiora quam in Gallia, remissioribus frigoribus.

13. Insula natura triquetra, cuius unum latus est contra Galliam. Huius lateris alter angulus, qui est ad Cantium, quo fere omnes ex Gallia naves appellantur, ad orientem solem, inferior ad meridiem spectat. Hoc pertinet circiter milia passuum quingenta. Alterum vergit ad Hispaniam atque occidentem solem; qua ex parte est Hibernia, dimidio minor, ut existimatur, quam Britannia, sed pari spatio transmissus atque ex Gallia est in Britanniam. In hoc medio cursu est insula, quae appellatur Mona;³ complures praeterea minores subiectae insulae existimantur; de quibus insulis nonnulli scripserunt dies continuos triginta sub bruma esse noctem. Nos nihil⁴ de eo percontationibus reperiēbamus, nisi certis ex aqua mensuris breviores esse quam in continenti noctes videbamus. Huius est longitudo lateris, ut fert illorum opinio, septingentorum milium. Tertium⁶ est contra septentriones; cui parti nulla est obiecta terra, sed eius angulus lateris maxime ad Germaniam spectat. Hoc milia passuum octingenta in longitudinem esse existimatur. Ita omnis insula est in⁷ circuitu vices centum milium passuum.

14. Ex his omnibus longe sunt humanissimi, qui Cantium incolunt, quae regio est maritima omnis, neque multum a Gallica differunt consuetudine. In-²

teriores plerique frumenta non serunt, sed lacte et carne vivunt pellibusque sunt vestiti. Omnes vero se Britanni vitro inficiunt, quod caeruleum efficit colorem, atque hoc horridiores sunt in pugna aspectu; capilloque sunt promisso atque omni parte corporis rasa praeter caput et labrum superius. Uxores habent deni duodenique inter se communes et maxime fratres cum fratribus parentesque cum liberis; sed qui sunt ex his nati, eorum habentur liberi, quo primum virgo quaeque deducta est.

15. Equites hostium essedarii acriter proelio cum equitatu nostro in itinere confixerunt, tamen ut nostri omnibus partibus superiores fuerint atque eos in silvas collesque compulerint; sed compluribus interfectis cupidius insecuti nonnullos ex suis amiserunt. At illi intermisso spatio imprudentibus nostris atque occupatis in munitione castrorum subito se ex silvis eiecerunt impetuque in eos facto, qui erant in statione pro castris collocati, acriter pugnaverunt, duabusque missis subsidio cohortibus a Caesare atque his primis legionum duarum, cum haec per exiguo intermisso loci spatio inter se constitissent, novo genere pugnae perterritis nostris per medios audacissime perreperunt seque inde incolumes receperunt. Eo die Quintus Laberius Durus, tribunus militum, interficitur. Illi pluribus submissis cohortibus repelluntur.

16. Toto hoc in genere pugnae, cum sub oculis omnium ac pro castris dimicaretur, intellectum est nostros propter gravitatem armorum, quod neque insequi cedentes possent neque ab signis discedere

auderent, minus aptos esse ad huius generis hostem : equites autem magno cum periculo proelio dimicare,² propterea quod illi etiam consulto plerumque cederent et, cum paulum ab legionibus nostros removissent, ex essedis desilirent et pedibus dispari proelio contenderent. Equestris autem proelii ratio et³ cedentibus illis et insequentibus par atque idem periculum inferebat. Accedebat huc, ut numquam⁴ conferti, sed rari magnisque intervallis proeliarentur stationesque dispositas haberent, atque alios alii deinceps exciperent, integrique et recentes defatigatis succederent.

17. Postero die procul a castris hostes in collibus constiterunt rarique se ostendere et lenius quam pridie nostros equites proelio lacessere coeperunt. Sed meridie, cum Caesar pabulandi causa tres² legiones atque omnem equitatum cum Gaio Trebonio legato misisset, repente ex omnibus partibus ad pabulatores advolaverunt, sic uti ab signis legionibusque non absisterent. Nostri acriter in eos impetus facto repulerunt neque finem sequendi fecerunt, quoad subsidio confisi equites, cum post se legiones viderent, praecipites hostes egerunt, magnoque⁴ eorum numero interfecto neque sui colligendi neque consistendi aut ex essedis desiliendi facultatem dederunt. Ex hac fuga protinus, quae undique con-⁵ venerant, auxilia discesserunt, neque post id tempus umquam summis nobiscum copiis hostes contenderunt.

18. Caesar cognito consilio eorum ad flumen Tamesim in fines Cassivellauni exercitum duxit;

quod flumen uno omnino loco pedibus, atque hoc
2 aegre, transiri potest. Eo cum venisset, animum
advertisit ad alteram fluminis ripam magnas esse
3 copias hostium instructas. Ripa autem erat acutis
4 sudibus praefixis munita, eiusdemque generis sub
aqua defixae sudes flumine tegebantur. His rebus
cognitis a captivis perfugisque Caesar praemisso
5 equitatu confestim legiones subsequi iussit. Sed ea
celeritate atque eo impetu milites ierunt, cum capite
solo ex aqua exstarent, ut hostes impetum legionum
atque equitum sustinere non possent ripasque di-
mitterent ac se fugae mandarent.

19. Cassivellaunus, ut supra demonstravimus,
omni deposita spe contentionis, dimissis amplioribus
copiis, milibus circiter quattuor essedariorum relictis,
itineri nostra servabat paulumque ex via excedebat
locisque impeditis ac silvestribus sese occultabat at-
que iis regionibus, quibus nos iter facturos cogno-
verat, pecora atque homines ex agris in silvas com-
pellebat et, cum equitatus noster liberius praedandi
vastandique causa se in agros eiecerat, omnibus viis
notis semitisque, essedarios ex silvis emittebat et
magno cum periculo nostrorum equitum cum iis
confligebat atque hoc metu latius vagari prohibebat.
3 Relinquebatur, ut neque longius ab agmine legionum
discedi Caesar pateretur, et tantum in agris vastandis
incendiisque faciendis hostibus noceretur, quantum
labore atque itinere legionarii milites efficere po-
terant.

20. Interim Trinobantes, prope firmissima earum
regionum civitas, ex qua Mandubracius adulescens

Caesaris fidem secutus ad eum in continentem Galliam venerat, cuius pater in ea civitate regnum obtinuerat interfectusque erat a Cassivellauno, ipse fuga mortem vitaverat, legatos ad Caesarem mittunt, pollicenturque sese ei dedituros atque imperata facturos; petunt, ut Mandubracium ab iniuria Cassivellauni defendat atque in civitatem mittat, qui praesit imperiumque obtineat. His Caesar imperat obsides quadraginta frumentumque exercitui, Mandubraciumque ad eos mittit. Illi imperata celeriter fecerunt, obsides ad numerum frumentumque miserunt.

21. Trinobantibus defensis atque ab omni militum iniuria prohibitis Cenimagni, Segontiaci, Ancalites, Bibroci, Cassi legationibus missis sese Caesari dedunt. Ab his cognoscit non longe ex eo loco oppidum Cassivellauni abesse silvis paludibusque munitum, quo satis magnus hominum pecorisque numerus convenerit. Oppidum autem Britanni vocant, cum silvas impeditas vallo atque fossa munerunt, quo incursionis hostium vitandae causa convenire consuerunt. Eo proficiscitur cum legionibus; locum repperit egregie natura atque opere munitum; tamen hunc duabus ex partibus oppugnare contendit. Hostes paulisper morati militum nostrorum impetum non tulerunt seseque alia ex parte oppidi eiecerunt. Magnus ibi numerus pecoris repertus, multique in fuga sunt comprehensi atque interfecti.

22. Dum haec in his locis geruntur, Cassivellanus ad Cantium, quod esse ad mare supra demonstravimus, quibus regionibus quattuor reges praeerant,

Cingetorix, Carvilius, Taximagulus, Segovax, nuntios mittit atque his imperat, uti coactis omnibus copiis castra navalia de improvviso adorianur atque
2 oppugnent. Ii cum ad castra venissent, nostri eruptione facta multis eorum interfectis, capto etiam nobili duce Lugotorige suos incolumes reduxerunt.
3 Cassivellaunus hoc proelio nuntiato, tot detrimentis acceptis, vastatis finibus, maxime etiam permotus defectione civitatum, legatos per Atrebatem Com-
4 mium de deditione ad Caesarem mittit. Caesar, cum constituisset hiemare in continenti propter repentinis Galliae motus, neque multum aestatis superesset, atque id facile extrahi posse intellegeret, obsides imperat et, quid in annos singulos vectigalis
5 populo Romano Britannia penderet, constituit; interdicit atque imperat Cassivellauno, ne Mandubracio neu Trinobantibus noceat.

23. Obsidibus acceptis exercitum reducit ad
2 mare, naves invenit refectas. His deductis, quod et captivorum magnum numerum habebat et nonnullae tempestate deperierant naves, duobus commeatibus
3 exercitum reportare instituit. Ac sic accidit, uti ex tanto navium numero tot navigationibus neque hoc neque superiore anno ulla omnino navis, quae mi-
4 lites portaret, desideraretur; at ex iis, quae inanes ex continenti ad eum remitterentur et prioris commeatus expositis militibus et quas postea Labienus faciendas curaverat numero LX, perpaucae locum
5 caperent, reliquae fere omnes reicerentur. Quas cum aliquamdiu Caesar frustra exspectasset, ne anni tempore a navigatione excluderetur, quod aequi-

noctium suberat, necessario angustius milites collocavit ac summa tranquillitate consecuta, secunda inita cum solvisset vigilia, prima luce terram attigit omnesque incolumes naves perduxit.

24. Subductis navibus concilioque Gallorum Samarobrivae peracto, quod eo anno frumentum in Gallia propter siccitates angustius provenerat, coactus est aliter ac superioribus annis exercitum in hibernis collocare legionesque in plures civitates distribuere. Ex quibus unam in Morinos ducendam Gaio Fabio legato dedit, alteram in Nervios Quinto Ciceroni, tertiam in Esuvios Lucio Roscio; quartam in Remis cum Tito Labieno in confinio Treverorum hiemare iussit; tres in Belgis collocavit: his Marcum Crassum quaestorem et Lucium Munatium Plancum et Gaium Trebonium legatos praefecit. Unam legionem, quam proxime trans Padum conscripserat, et cohortes v in Eburones, quorum pars maxima est inter Mosam ac Rhenum, qui sub imperio Ambiorigis et Catuvolci erant, misit. His militibus Quintum Titurium Sabinum et Lucium Aurunculeium Cottam legatos praeesse iussit. Ad hunc modum distributis legionibus facillime inopiae frumentariae sese mederi posse existimavit. Atque harum tamen omnium legionum hiberna praeter eam, quam Lucio Roscio in pacatissimam et quietissimam partem ducendam dederat, milibus passuum centum continebantur. Ipse interea, quoad legiones collocatas munitaque hiberna cognovisset, in Gallia morari constituit.

25. Erat in Carnutibus summo loco natus Tasgetius, cuius maiores in sua civitate regnum obti-

nuerant. Huic Caesar pro eius virtute atque in se benevolentia, quod in omnibus bellis singulari eius opera fuerat usus, maiorum locum restituerat. Tertium iam hunc annum regnantem inimici, etiam multis palam ex civitate auctoribus, [eum] interfecerunt. Defertur ea res ad Caesarem. Ille veritus, quod ad plures pertinebat, ne civitas eorum impulsu deficeret, Lucium Plancum cum legione ex Belgio celeriter in Carnutes proficisci iubet ibique hiemare, quorumque opera cognoverat Tasgetium interfectum, hos comprehensos ad se mittere. Interim ab omnibus legatis quibusque legiones tradiderat, certior factus est in hiberna perventum locumque hibernis esse munitum.

26. Diebus circiter xv, quibus in hiberna ventum est, initium repentini tumultus ac defectionis ortum est ab Ambiorige et Catuvolco; qui, cum ad fines regni sui Sabino Cottaeque praesto fuissent frumentumque in hiberna comportavissent, Indutiomari Treveri nuntiis impulsos concitaverunt subitoque oppressis lignatoribus magna manu ad castra oppugnatum venerunt. Cum celeriter nostri arma cepissent vallumque ascendissent atque una ex parte Hispanis equitibus emissis equestri proelio superiores fuissent, desperata re hostes suos ab oppugnatione reduxerunt. Tum suo more conclamaverunt, uti aliquis ex nostris ad colloquium prodiret: habere sese, quae de re communicare vellent, quibus rebus controversias minui posse sperarent.

27. Mittitur ad eos colloquendi causa Gaius Arpineius, eques Romanus, familiaris Quinti Titurii,

et Quintus Iunius ex Hispania quidam, qui iam ante missu Caesaris ad Ambiorigem ventitare consuerat; apud quos Ambiorix ad hunc modum locutus est: sese pro Caesaris in se beneficiis plurimum ei² confiteri debere, quod eius opera stipendio liberatus esset, quod Aduatucis, finitimis suis, pendere consuesset, quodque ei et filius et fratris¹ filius a Caesare remissi essent, quos Aduatuci obsidum numero missos apud se in servitute et catenis tenuissent; neque id, quod fecerit de oppugnatione castrorum,³ aut iudicio aut voluntate sua fecisse, sed coactu civitatis; suaque esse eiusmodi imperia, ut non minus haberet iuris in se multitudo, quam ipse in multitudinem. Civitati porro hanc fuisse belli causam,⁴ quod repentinae Gallorum coniurationi resistere non potuerit. Id se facile ex humilitate sua probare posse, quod non adeo sit imperitus rerum, ut suis copiis populum Romanum superari posse confidat. Sed esse Galliae commune consilium: omnibus⁵ hibernis Caesaris oppugnandis hunc esse dictum diem, ne qua legio alterae legioni subsidio venire posset. Non facile Gallos Gallis negare potuisse,⁶ praesertim cum de recuperanda communi libertate consilium initum videretur. Quibus quoniam pro⁷ pietate satisfecerit, habere nunc se rationem officii pro beneficiis Caesaris: monere, orare Titurium pro hospitio, ut suae ac militum saluti consulat. Magnam⁸ manum Germanorum conductam Rhenum transisse; hanc affore biduo. Ipsorum esse consilii, velintne⁹ prius, quam finitimi sentiant, eductos ex hibernis milites aut ad Ciceronem aut ad Labienum dedu-

cere, quorum alter milia passuum circiter quinquaginta, alter paulo amplius ab iis absit. Illud se polliceri et iureiurando confirmare, tutum iter per fines daturum. Quod cum faciat, et civitati sese consulere, quod hibernis levetur, et Caesari pro eius meritis gratiam referre. Hac oratione habita discedit Ambiorix.

28. Arpineius et Iunius, quae audierunt, ad legatos deferunt. Illi repentina re perturbati, etsi ab hoste ea dicebantur, tamen non negligenda existimabant maximeque hac re permovebantur, quod civitatem ignobilem atque humilem Eburonum sua sponte populo Romano bellum facere ausam vix erat credendum. Itaque ad consilium rem deferunt, magnaue inter eos exsistit controversia. Lucius Aurunculeius compluresque tribuni militum et primorum ordinum centuriones nihil temere agendum neque ex hibernis iniussu Caesaris discedendum existimabant; quantasvis copias etiam Germanorum sustineri posse munitis hibernis docebant, rem esse testimonio, quod primum hostium impetum multis ultro vulneribus illatis fortissime sustinuerint; re frumentaria non premi; interea et ex proximis hibernis et a Caesare conventura subsidia; postremo quid esse levius aut turpius, quam auctore hoste de summis rebus capere consilium?

29. Contra ea Titurius sero facturos clamitabat, cum maiores manus hostium adiunctis Germanis convenissent, aut cum aliquid calamitatis in proximis hibernis esset acceptum. Brevem consulendi esse occasionem. Caesarem arbitrari profectum in

Italiam; neque aliter Carnutes interficiundi Tasgetii consilium fuisse capturos, neque Eburones, si ille adesset, tanta contemptione nostri ad castra venturos esse. Non hostem auctorem, sed rem spectare: subesse Rhenum; magno esse Germanis dolori Ariovisti mortem et superiores nostras victorias; ardere Galliam tot contumeliis acceptis sub populi Romani imperium redactam, superiore gloria rei militaris extincta. Postremo quis hoc sibi persuaderet, sine certa re Ambiorigem ad eiusmodi consilium descendisse? Suam sententiam in utramque partem esse tutam: si nihil esset durius, nullo cum periculo ad proximam legionem perventuros; si Gallia omnis cum Germanis consentiret, unam esse in celeritate positam salutem. Cottae quidem atque eorum, qui dissentirent, consilium quem haberet exitum? in quo si non praesens periculum, at certe longinqua obsidione fames esset timenda.

30. Hac in utramque partem disputatione habita, cum a Cotta primisque ordinibus acriter resisteretur: 'vincite', inquit, 'si ita vultis', Sabinus, et id clariore voce, ut magna pars militum exaudiret; 'neque is sum', inquit, 'qui gravissime ex vobis mortis periculo terrear: hi sapient; si gravius quid acciderit, abs te rationem reposcent; qui, si per te liceat, perendino die cum proximis hibernis coniuncti communem cum reliquis belli casum sustineant, non reiecti et relegati longe ab ceteris aut ferro aut fame intereant.'

31. Consurgitur ex consilio; comprehendunt utrumque et orant, ne sua dissensione et pertinacia

²rem in summum periculum deducant: facilem esse
³rem, seu maneant, seu proficiscantur, si modo unum
omnes sentiant ac probent; contra in dissensione
⁴nullam se salutem perspicere. Res disputatione ad
mediam noctem perducitur. Omnia excogitantur,
quare nec sine periculo maneatur, et languore mi-
litum ex vigiliis periculum augeatur. Tandem dat
Cotta permotus manus: superat sententia Sabini.
⁵Pronuntiatur prima luce ituros. Consumitur vigiliis
reliqua pars noctis, cum sua quisque miles circum-
spiceret, quid secum portare posset, quid ex instru-
⁶mento hibernorum relinquere cogeretur. Prima luce
sic ex castris proficiscuntur, ut quibus esset per-
suasum non ab hoste, sed ab homine amicissimo
[Ambiorige] consilium datum, longissimo agmine
maximisque impedimentis.

32. At hostes, posteaquam ex nocturno fremitu
vigiliisque de profectione eorum senserunt, collo-
catis insidiis bipertito in silvis opportuno atque
occulto loco a milibus passuum circiter duobus
²Romanorum adventum expectabant, et cum se
maior pars agminis in magnam convallem demi-
sisset, ex utraque parte eius vallis subito se osten-
derunt novissimosque premere et primos prohibere
ascensu atque iniquissimo nostris loco proelium
committere coeperunt.

33. Tum demum Titurius, qui nihil ante pro-
vidisset, trepidare et concursare cohortesque dispo-
nere, haec tamen ipsa timide atque ut eum omnia
deficere viderentur; quod plerumque iis accidere
consuevit, qui in ipso negotio consilium capere

coguntur. At Cotta, qui cogitasset haec posse in² itinere accidere atque ob eam causam profectionis auctor non fuisset, nulla in re communi saluti deerat et in appellandis cohortandisque militibus imperatoris et in pugna militis officia praestabat. Cum propter longitudinem agminis minus facile³ omnia per se obire et, quid quoque loco faciendum esset, providere possent, iusserunt pronuntiare, ut impedimenta relinquerent atque in orbem consisterent. Quod consilium etsi in eiusmodi casu re-⁴prehendendum non est, tamen incommode accidit; nam et nostris militibus spem minuit et hostes ad⁵ pugnam alacriores effecit, quod non sine summo timore et desperatione id factum videbatur. Prae-⁶terea accidit, quod fieri necesse erat, ut vulgo milites ab signis discederent, quae quisque eorum carissima haberet, ab impedimentis petere atque arripere properaret, clamore et fletu omnia complerentur.

34. At barbaris consilium non defuit. Nam duces eorum tota acie pronuntiare iusserunt, ne quis ab loco discederet: illorum esse praedam atque illis reservari, quaecumque Romani reliquissent; proinde omnia in victoria posita existimarent. Erant² et virtute et saepenumero pugnando parces nostris; hi tametsi ab duce et a fortuna deserebantur, tamen omnem spem salutis in virtute ponebant, et quotiens quaeque cohors procurrerat, ab ea parte magnus numerus hostium cadebat. Qua re animad-³versa Ambiorix pronuntiare iubet, ut procul tela coniciant neu propius accedant et, quam in partem

Romani impetum fecerint, cedant (levitate armorum et cotidiana exercitatione nihil iis noceri posse), rursus se ad signa recipientes insequantur.

35. Quo praecepto ab iis diligentissime observato, cum quaequam cohors ex orbe excesserat atque impetum fecerat, hostes velocissime refugiebant. Interim eam partem nudari necesse erat et ab latere aperto tela recipi. Rursus, cum in eum locum, unde erant egressi, reverti coeperant, et ab iis, qui cesserant, et ab iis, qui proximi steterant, circumveniebantur; sin autem locum tenere vellent, nec virtuti locus relinquebatur, neque ab tanta multitudine coniecta tela conferti vitare poterant. Tamen tot incommodis conflictati, multis vulneribus acceptis resistebant et magna parte diei consumpta, cum a prima luce ad horam octavam pugnaretur, nihil, quod ipsis esset indignum, committebant. Tum Tito Balventio, qui superiore anno primum pilum duxerat, viro forti et magnae auctoritatis, utrumque femur tragula traicitur; Quintus Lucanius, eiusdem ordinis, fortissime pugnans, dum circumvento filio subvenit, interficitur; Lucius Cotta legatus omnes cohortes ordinesque adhortans in adversum os funda vulneratur.

36. His rebus permotus Quintus Titurius, cum procul Amborigem suos cohortantem conspexisset, interpretem suum Gneum Pompeium ad eum mittit rogatum, ut sibi militibusque parcat. Ille appellatus respondit: si velit secum colloqui, licere; sperare a multitudine impetrari posse, quod ad militum salutem pertineat; ipsi vero nihil nocitum iri, inque

eam rem se suam fidem interponere. Ille cum ³ Cotta saucio communicat, si videatur, pugna ut excedant et cum Ambiorige una colloquantur; sperare ab eo de sua ac militum salute impetrari posse. Cotta se ad armatum hostem iturum negat atque in ⁴ eo perseverat.

37. Sabinus quos in praesentia tribunos militum circum se habebat et primorum ordinum centuriones se sequi iubet et, cum propius Ambiorigem accessisset, iussus arma abicere imperatum facit suisque, ut idem faciant, imperat. Interim, dum de condi- ² tionibus inter se agunt longiorque consulto ab Ambiorige instituitur sermo, paulatim circumventus interficitur. Tum vero suo more victoriam concla- ³ mant atque ululatum tollunt impetuque in nostros facto ordines perturbant. Ibi Lucius Cotta pugnans ⁴ interficitur cum maxima parte militum. Reliqui se in castra recipiunt, unde erant egressi. Ex quibus ⁵ Lucius Petrosidius aquilifer, cum magna multitudine hostium premeretur, aquilam intra vallum proiecit, ipse pro castris fortissime pugnans occiditur. Illi aegre ad noctem oppugnationem sustinent; noctu ⁶ ad unum omnes desperata salute se ipsi interficiunt. Pauci ex proelio elapsi incertis itineribus per silvas ⁷ ad Titum Labienum legatum in hiberna perveniunt atque eum de rebus gestis certiore faciant.

38. Hac victoria sublatus Ambiorix statim cum equitatu in Aduatucos, qui erant eius regno finitimi, proficiscitur; neque noctem neque diem intermittit peditatumque sese subsequi iubet. Re demon- ² strata Aduatucisque concitatis postero die in Nervios

pervenit hortaturque, ne sui in perpetuum liberandi atque ulciscendi Romanos pro iis, quas acceperint, ³ iniuriis occasionem dimittant: interfectos esse legatos duos magnamque partem exercitus interisse demonstrat; nihil esse negotii subito oppressam legionem, ⁴ quae cum Cicerone hiemet, interfici; se ad eam rem profitetur adiutorem. Facile hac oratione Nervii persuadet.

39. Itaque confestim dimissis nuntiis ad Ceutrones, Grudios, Levacos, Pleumoxios, Geidumnos, qui omnes sub eorum imperio sunt, quam maximas manus possunt cogunt et de improvviso ad Ciceronis hiberna advolant, nondum ad eum fama de Titurii ² morte perlata. Huic quoque accidit, quod fuit necesse, ut nonnulli milites, qui lignationis munitionisque causa in silvas discessissent, repentino equitum ³ adventu interciperentur. His circumventis magna manu Eburones, Nervii, Aduatuci atque horum omnium socii et clientes legionem oppugnare incipiunt. Nostri celeriter ad arma concurrunt, vallum ⁴ ascendunt. Aegre is dies sustentatur, quod omnem spem hostes in celeritate ponebant atque hanc adepti victoriam in perpetuum se fore victores confidebant.

40. Mittuntur ad Caesarem confestim a Cicerone litterae, magnis propositis praemiis qui pertulissent; obsessis omnibus viis missi intercipiuntur. ² Noctu ex materia, quam munitionis causa comportaverant, turres admodum CXX excitantur incredibili celeritate; quae deesse operi videbantur, perficiuntur. ³ Hostes postero die multo maioribus coactis copiis ⁴ castra oppugnant, fossam complent. Eadem ratione,

qua pridie, ab nostris resistitur. Hoc idem reliquis deinceps fit diebus. Nulla pars nocturni temporis ad laborem intermittitur; non aegris, non vulneratis facultas quietis datur. Quaecumque ad proximi diei oppugnationem opussunt, noctu comparantur; multae praeustae sudes, magnus muralium pilorum numerus instituitur; turres contabulantur, pinnac loricaeque ex cratibus attexuntur. Ipse Cicero, cum tenuissima valetudine esset, ne nocturnum quidem sibi tempus ad quietem relinquebat, ut ultro militum concursu ac vocibus sibi parcere cogeretur.

41. Tunc duces principesque Nerviorum, qui aliquem sermonis aditum causamque amicitiae cum Cicerone habebant, colloqui sese velle dicunt. Facta potestate eadem, quae Ambiorix cum Titurio egerat, commemorant: omnem esse in armis Galliam; Germanos Rhenum transisse; Caesaris reliquorumque hiberna oppugnari. Addunt etiam de Sabini morte; Amborigem ostentant fidei faciundae causa. Errare eos dicunt, si quicquam ab his praesidii sperent, qui suis rebus diffidant; sese tamen hoc esse in Ciceronem populumque Romanum animo, ut nihil nisi hiberna recusent atque hanc inveterascere consuetudinem nolint; licere illis incolumibus per se ex hibernis discedere et, quascumque in partes velint, sine metu proficisci. Cicero ad haec uno modo respondit: non esse consuetudinem populi Romani accipere ab hoste armato condicionem; si ab armis discedere velint, se adiutore utantur legatosque ad Caesarem mittant; sperare pro eius iustitia, quae petierint, impetraturos.

42. Ab hac spe repulsi Nervii vallo pedum ix
2 et fossa pedum xv hiberna cingunt. Haec et superiorum annorum consuetudine ab nobis cognoverant et quosdam de exercitu nacti captivos, ab his doce-
3 bantur; sed nulla ferramentorum copia, quae esset ad hunc usum idonea, gladiis caespites circumcidere, manibus sagulisque terram exhaurire nitebantur.
4 Qua quidem ex re hominum multitudo cognosci potuit; nam minus horis tribus milium passuum xv in
5 circuitu munitionem perfecerunt reliquisque diebus turres ad altitudinem valli, falces testudinesque, quas iidem captivi docuerant, parare ac facere coeperunt.

43. Septimo oppugnationis die maximo coorto vento ferventes fusili ex argilla glandes fundis et fervefacta iacula in casas, quae more Gallico stramentis erant tectae, iacere coeperunt. Hae celeriter ignem comprehenderunt et venti magnitudine in
3 omnem locum castrorum distulerunt. Hostes maximo clamore sicuti parta iam atque explorata victoria turres testudinesque agere et scalis vallum ascendere
4 coeperunt. At tanta militum virtus atque ea praesentia animi fuit, ut, cum undique flamma torrerentur maximaque telorum multitudo premerentur suaque omnia impedimenta atque omnes fortunas conflagrare intellegerent, non modo demigrandi causa de vallo decederet nemo, sed paene ne respiceret quidem quisquam, ac tum omnes acerrime fortissimeque pugnarent. Hic dies nostris longe gravissimus
5 fuit; sed tamen hunc habuit eventum, ut eo die maximus numerus hostium vulneraretur atque interfici-

ceretur, ut se sub ipso vallo constipaverant recessumque primis ultimi non dabant. Paulum quidem⁶ intermissa flamma et quodam loco turri adacta et contingente vallum tertiae cohortis centuriones ex eo, quo stabant, loco recesserunt suosque omnes removerunt, nutu vocibusque hostes, si introire vel-
lent, vocare coeperunt; quorum progredi ausus est⁷ nemo. Tum ex omni parte lapidibus coniectis detur-
bati, turrisque succensa est.

44. Erant in ea legione fortissimi viri, centuriones, qui primis ordinibus appropinquarent, Titus Pulio et Lucius Vorenius. Hi perpetuas inter se² controversias habebant, quinam anteferretur, omnibusque annis de locis summis simultatibus contende-
bant. Ex his Pulio, cum acerrime ad munitiones³ pugnaretur, 'quid dubitas', inquit, 'Vorene? aut quem locum tuae probandae virtutis exspectas? Hic dies de nostris controversiis iudicabit.' Haec cum dixisset,⁴ procedit extra munitiones, quaeque pars hostium confertissima est visa, irrumpit. Ne Vorenius quidem⁵ sese vallo continet, sed omnium veritus existimationem subsequitur. Mediocri spatio relicto Pulio⁶ pilum in hostes immittit atque unum ex multitudine procurrentem traicit; quo percusso et exanimato hunc scutis protegent, in hostem tela universi con-
ciunt neque dant regrediendi facultatem. Trans-⁷figitur scutum Pulioni et verutum in balteo defigitur. Avertit hic casus vaginam, et gladium educere co-⁸nanti dextram moratur manum, impeditumque hostes
circumsistunt. Succurrit inimicus illi Vorenius et labo-⁹ranti subvenit. Ad hunc se confestim a Pulione¹⁰

omnis multitudo convertit; illum veruto arbitrantur
11 occisum. Gladio comminus rem gerit Vorenius atque
12 uno interfecto reliquos paulum propellit; dum cupi-
dius instat, in locum deiectus inferiorem concidit.
13 Huic rursus circumvento fert subsidium Pulio, atque
ambo incolumes compluribus interfectis summa cum
14 laude sese intra munitiones recipiunt. Sic fortuna
in contentione et certamine utrumque versavit, ut
alter alteri inimicus auxilio salutique esset, neque
diudicari posset, uter utri virtute antefendus vi-
deretur.

45. Quanto erat in dies gravior atque asperior
oppugnatio, et maxime quod magna parte militum
confecta vulneribus res ad paucitatem defensorum
pervenerat, tanto crebriores litterae nuntiique ad
Caesarem mittebantur; quorum pars deprehensa in
conspectu nostrorum militum cum cruciatu neca-
2 batur. Erat unus intus Nervius nomine Vertico, loco
natus honesto, qui a prima obsidione ad Ciceronem
3 perfugerat suamque ei fidem praestiterat. Hic servo
spe libertatis magnisque persuadet praemiis, ut lit-
4 teras ad Caesarem deferat. Has ille in iaculo illi-
gatas effert et Gallus inter Gallos sine ulla suspi-
5 cione versatus ad Caesarem pervenit. Ab eo de
periculis Ciceronis legionisque cognoscitur.

46. Caesar acceptis litteris hora circiter XI. diei
statim nuntium in Bellovacos ad M. Crassum quae-
storem mittit, cuius hiberna aberant ab eo milia
2 passuum XXV; iubet media nocte legionem profi-
3 cisci celeriterque ad se venire. Exit cum nuntio
Crassus. Alterum ad Gaium Fabium legatum mittit,

ut in Atrebatium fines legionem adducat, qua sibi iter faciendum sciebat. Scribit Labieno, si rei publicae commodo facere posset, cum legione ad fines Nerviorum veniat. Reliquam partem exercitus, quod paulo aberat longius, non putat exspectandam; equites circiter quadringentos ex proximis hibernis colligit.

47. Hora circiter tertia ab antecursoribus de Crassi adventu certior factus eo die milia passuum xx procedit. Crassum Samarobriuae praeficit legio-² nemque attribuit, quod ibi impedimenta exercitus, obsides civitatum, litteras publicas frumentumque omne, quod eo tolerandae hiemis causa devexerat, relinquebat. Fabius, ut imperatum erat, non ita³ multum moratus in itinere cum legione occurrit. Labienus interitu Sabini et caede cohortium cognita, cum omnes ad eum Treverorum copiae venissent, veritus, ne, si ex hibernis fugae similem profectionem fecisset, hostium impetum sustinere non posset, praesertim quos recenti victoria efferri sciret, litteras⁵ Caesari remittit, quanto cum periculo legionem ex hibernis educturus esset; rem gestam in Eburonibus perscribit; docet omnes equitatus peditatusque copias Treverorum tria milia passuum longe ab suis castris consedisse.

48. Caesar consilio eius probato, etsi opinione trium legionum deiectus ad duas redierat, tamen unum communis salutis auxilium in celeritate ponebat. Venit magnis itineribus in Nerviorum fines.² Ibi ex captivis cognoscit, quae apud Ciceronem gerantur, quantoque in periculo res sit. Tum cuidam

ex equitibus Gallis magnis praemiis persuadet, uti
4 ad Ciceronem epistolam deferat. Hanc Graecis con-
scriptam litteris mittit, ne intercepta epistola nostra
5 ab hostibus consilia cognoscantur. Si adire non
possit, monet, ut tragulam cum epistola ad amen-
6 tum deligata intra munitionem castrorum abiciat. In
litteris scribit se cum legionibus profectum celeriter
7 affore; hortatur, ut pristinam virtutem retineat. Gal-
lus periculum veritus, ut erat praeceptum, tragulam
8 mittit. Haec casu ad turrinam adhaesit neque ab nostris
biduo animadversa tertio die a quodam milite con-
9 spicitur; dempta ad Ciceronem defertur. Ille perlec-
tam in conventu militum recitat maximaque omnes
10 laetitia afficit. Tum fumi incendiorum procul vide-
bantur; quae res omnem dubitationem adventus le-
gionum expulit.

49. Galli re cognita per exploratores obsidionem
relinquunt, ad Caesarem omnibus copiis contendunt.
2 Haec erant armata circiter milia LX. Cicero data
facultate Gallum ab eodem Verticone, quem supra
demonstravimus, repetit, qui litteras ad Caesarem
deferat; hunc admonet, iter caute diligenterque faciat;
3 perscribit in litteris hostes ab se discessisse omnem-
4 que ad eum multitudinem convertisse. Quibus litte-
ris circiter media nocte Caesar allatis suos facit cer-
5 tiores eosque ad dimicandum animo confirmat. Po-
stero die luce prima movet castra et circiter milia
passuum quattuor progressus trans vallem et rivum
6 multitudinem hostium conspicatur. Erat magni peri-
culi res tantulis copiis iniquo loco dimicare; tum,
quoniam obsidione liberatum Ciceronem sciebat,

aequo animo remittendum de celeritate existimabat: consedit et, quam aequissimo loco potest, castra⁷ communit atque haec, etsi erant exigua per se, vix hominum milium septem praesertim nullis cum impedimentis, tamen angustis viarum, quam maxime potest, contrahit eo consilio, ut in summam contemptionem hostibus veniat. Interim speculatoribus in omnes partes dimissis explorat, quo commodissime itinere vallem transire possit.

50. Eo die parvulis equestribus proeliis ad aquam factis utrique sese suo loco continent: Galli, quod² ampliores copias, quae nondum convenerant, expectabant; Caesar, si forte timoris simulatione hostes³ in suum locum elicere posset, ut citra vallem pro castris proelio contenderet; si id efficere non posset, ut exploratis itineribus minore cum periculo vallem rivumque transiret. Prima luce hostium¹ equitatus⁴ ad castra accedit proeliumque cum nostris equitibus committit. Caesar consulto equites cedere seque in⁵ castra recipere iubet; simul ex omnibus partibus castra altiore vallo muniri portasque obstrui atque in his administrandis rebus quam maxime concurrari et cum simulatione agi timoris iubet.

51. Quibus omnibus rebus hostes invitati copias traducunt aciemque iniquo loco constituunt, nostris² vero etiam de vallo deductis propius accedunt et tela intra munitionem ex omnibus partibus coniciunt praeconibusque circummissis pronuntiari iubent, seu³ quis Gallus seu Romanus velit ante horam tertiam ad se transire, sine periculo licere; post id tempus non fore potestatem; ac sic nostros contempserun⁴

ut obstructis in speciem portis singulis ordinibus caespitum, quod ea non posse introrumpere videbantur, alii vallum manu scindere, alii fossas complere inciperent. Tum Caesar omnibus portis eruptione facta equitatuque emissio celeriter hostes in fugam dat, sic uti omnino pugnandi causa resisteret nemo, magnumque ex eis numerum occidit atque omnes armis exuit.

52. Longius prosequi veritus, quod silvae paludesque intercedebant neque etiam parvulo detrimento illorum locum relinqui videbat, omnibus suis incolumibus copiis eodem die ad Ciceronem pervenit. Institutas turres, testudines munitionesque hostium admiratur; legione producta cognoscit non decimum quemque esse reliquum militem sine vulnere: ex his omnibus iudicat rebus, quanto cum periculo et quanta cum virtute res sint administratae. Ciceronem pro eius merito legionemque collaudat; centuriones singillatim tribunosque militum appellat, quorum egregiam fuisse virtutem testimonio Ciceronis cognoverat. De casu Sabini et Cottae certius ex captivis cognoscit. Postero die contione habita rem gestam proponit, milites consolatur et confirmat: quod detrimentum culpa et temeritate legati sit acceptum, hoc aequiore animo ferendum docet, quod beneficio deorum immortalium et virtute eorum expiato incommodo neque hostibus diutina laetatio neque ipsis longior dolor relinquatur.

53. Interim ad Labienum per Remos incredibili celeritate de victoria Caesaris fama perfertur, ut cum ab hibernis Ciceronis milia passuum abesset

circiter LX, eoque post horam nonam diei Caesar pervenisset, ante mediam noctem ad portas castrorum clamor oreretur, quo clamore significatio victoriae gratulatioque ab Remis Labieno fieret. Hac² fama ad Treveros perlata Indutiomarus, qui postero die castra Labieni oppugnare decreverat, noctu profugit copiasque omnes in Treveros reducit. Caesar³ Fabium cum sua legione remittit in hiberna, ipse cum tribus legionibus circum Samarobrivam trinis hibernis hiemare constituit et, quod tanti motus Galliae exstiterant, totam hiemem ipse ad exercitum manere decrevit. Nam illo incommodo de Sabini⁴ morte perlato omnes fere Galliae civitates de bello consultabant, nuntios legationesque in omnes partes dimittebant et, quid reliqui consilii caperent atque unde initium belli fieret, explorabant nocturnaue in locis desertis concilia habebant. Neque ullum⁵ fere totius hiemis tempus sine sollicitudine Caesaris intercessit, quin aliquem de consiliis ac motu Gallorum nuntium acciperet. In his ab Lucio Roscio,⁶ quem legioni tertiae decimae praefecerat, certior factus est magnas Gallorum copias earum civitatum, quae Armoricae appellantur, oppugnandi sui causa convenisse neque longius milia passuum octo ab hibernis suis afuisse, sed nuntio allato de victoria⁷ Caesaris discessisse, adeo ut fugae similis discessus videretur.

54. At Caesar principibus cuiusque civitatis ad se evocatis alias territando, cum se scire, quae fierent, denuntiaret, alias cohortando magnam partem Galliae in officio tenuit. Tamen Senones, quae est²

civitas imprimis firma et magnae inter Gallos auctoritatis, Cavarinum, quem Caesar apud eos regem constituerat, cuius frater Moritasgus adventu in Galliam Caesaris cuiusque maiores regnum obtinuerant, interficere publico consilio conati, cum ille praesensisset ac profugisset, usque ad fines insecuti regno
³ domoque expulerunt et missis ad Caesarem satisfaciendi causa legatis, cum is omnem ad se senatum venire iussisset, dicto audientes non fuerunt.
⁴ Tantum apud homines barbaros valuit esse aliquos repertos principes inferendi belli, tantamque omnibus voluntatum commutationem attulit, ut praeter Aeduos et Remos, quos praecipuo semper honore Caesar habuit, alteros pro vetere ac perpetua erga populum Romanum fide, alteros pro recentibus Gallici belli officiis, nulla fere civitas fuerit non
⁵ spectata nobis. Idque adeo haud scio mirandumne sit, cum compluribus aliis de causis, tum maxime, quod [ei], qui virtute belli omnibus gentibus praeferabantur, tantum se eius opinionis deperdidisse, ut a populo Romano imperia perferrent, gravissime dolebant.

55. Treveri vero atque Indutiomarus totius hiemis nullum tempus intermiserunt, quin trans Rhenum legatos mitterent, civitates sollicitarent, pecunias pollicerentur, magna parte exercitus nostri interfecta multo minorem superesse dicerent partem.
² Neque tamen ulli civitati Germanorum persuaderi potuit, ut Rhenum transiret, cum se bis expertos dicerent, Ariovisti bello et Tencterorum transitu:
³ non esse amplius fortunam temptaturos. Hac spe

lapsus Indutiomarus nihilo minus copias cogere, exercere, a finitimis equos parare, exules damnatosque tota Gallia magnis praemiis ad se allicere coepit. Ac tantam sibi iam his rebus in Gallia⁴ auctoritatem comparaverat, ut undique ad eum legationes concurrerent, gratiam atque amicitiam publice privatimque peterent.

56. Ubi intellexit ultro ad se veniri, altera ex parte Senones Carnutesque conscientia facinoris instigari, altera Nervios Aduatucosque bellum Romanis parare, neque sibi voluntariorum copias de fore, si ex finibus suis progredi coepisset, armatum concilium indicit. Hoc more Gallorum est initium² belli: quo lege communi omnes puberes armati convenire consuerunt, qui ex iis novissimus convenit, in conspectu multitudinis omnibus cruciatibus affectus necatur. In eo concilio Cingetorigem, alterius³ principem factionis, generum suum, quem supra demonstravimus Caesaris secutum fidem ab eo non discessisse, hostem iudicat bonaque eius publicat. His rebus confectis in concilio pronuntiat arcessitum⁴ se a Senonibus et Carnutibus aliisque compluribus Galliae civitatibus; huc iturum per fines Remorum⁵ eorumque agros populaturum ac, priusquam id faciat, castra Labieni oppugnaturum. Quae fieri velit, praecipit.

57. Labienus, cum et loci natura et manu munitissimis castris sese teneret, de suo ac legionis periculo nihil timebat; ne quam occasionem rei bene gerendae dimitteret, cogitabat. Itaque a Cinge-² torige atque eius propinquis oratione Indutiomari

cognita, quam in concilio habuerat, nuntios mittit ad finitimas civitates equitesque undique evocat; his certum diem conveniendi dicit. Interim prope cotidie cum omni equitatu Indutiomarus sub castris eius vagabatur, alias ut situm castrorum cognosceret, alias colloquendi aut territandi causa; equites plerumque omnes tela intra vallum coniciebant. Labienus suos intra munitionem continebat timorisque opinionem, quibuscumque poterat rebus, augebat.

58. Cum maiore in dies contemptione Indutiomarus ad castra accederet, nocte una intromissis equitibus omnium finitimarum civitatum, quos arcescendos curaverat, tanta diligentia omnes suos custodiis intra castra continuit, ut nulla ratione ea res enuntiari aut ad Treveros perferri posset. Interim ex consuetudine cotidiana Indutiomarus ad castra accedit atque ibi magnam partem diei consumit; equites tela coniciunt et magna cum contumelia verborum nostros ad pugnam evocant. Nullo ab nostris dato responso, ubi visum est, sub vesperum dispersi ac dissipati discedunt. Subito Labienus duabus portis omnem equitatum emittit; praecipit atque interdicat, proterritis hostibus atque in fugam coniectis (quod fore, sicut accidit, videbat) unum omnes peterent Indutiomarum, neu quis quem prius vulneret, quam illum interfectum viderit, quod mora reliquorum spatium nactum illum effugere nolebat; magna proponit iis, qui occiderint, praemia; submittit cohortes equitibus subsidio. Comprobat hominis consilium fortuna, et cum unum omnes pete-

rent, in ipso fluminis vado deprehensus Indutio-
marus interficitur, caputque eius refertur in castra;
redeuntes equites, quos possunt, consecantur atque
occidunt. Hac re cognita omnes Eburonum et Ner-
viorum, quae convenerant, copiae discedunt, pauloque
habuit post id factum Caesar quietiorem Galliam.

C. IULII CAESARIS
DE BELLO GALLICO
LIBER SEXTUS.

ARGUMENTUM.

[A. U. C. 701.] Maiorem Galliae motum exspectans Caesar copias auget c. 1. Nervios ex improvise aggressus subigit; Senonibus atque Carnutibus bellum deprecantibus obsides imperat; Menapios agris vastatis in deditionem accipit c. 2—6. Treveri a Labieno debellati sunt c. 7—8. Qui cum Germanorum auxiliis adiuti essent, Caesar iterum Rhenum transgreditur c. 9. Suebi penitus ad extremos fines se recipiunt c. 10. Hac data occasione Gallorum et Germanorum moribus describendis Caesar utrorumque comparisonem instituit c. 11—24. Deinde Hercyniam silvam et ferarum, quae ibi proveniant, aliquot genera describit c. 25—28. Suebis frustra temptatis cum in Galliam regressus esset, exercitum in Eburones ducit c. 29—33, omnesque Gallos ad illos diripiendos evocat c. 34. Interim Sugambri Ciceronis castra adoriuntur; irrumpere conati repelluntur quidem, at partem Romanorum frumentandi causa ex castris egressorum interimunt; deinde desperata castrorum expugnatione domum revertuntur c. 35—42. Caesar Eburonum agris vastatis concilioque peracto in Italiam ad conventus agendos proficiscitur c. 43, 44.

1. Multis de causis Caesar maiorem Galliae motum exspectans per Marcum Silanum, Gaium

Antistium Reginum, Titum Sextium legatos delectum habere instituit; simul ab Gneo Pompeio procon-²sule petit, quoniam ipse ad urbem cum imperio rei publicae causa remaneret, quos ex Cisalpina Gallia consulis sacramento rogavisset, ad signa convenire et ad se proficisci iuberet, magni inter-³esse etiam in reliquum tempus ad opinionem Galliae existimans tantas videri Italiae facultates, ut, si quid esset in bello detrimenti acceptum, non modo id brevi tempore resarciri, sed etiam maioribus augeri copiis posset. Quod cum Pompeius et rei-⁴publicae et amicitiae tribuisset, celeriter confecto per suos delectu tribus ante exactam hiemem et constitutis et adductis legionibus duplicatoque earum cohortium numero, quas cum Q. Titurio amiserat, et celeritate et copiis docuit, quid populi Romani disciplina atque opes possent.

2. Interfecto Indutiomaro, ut docuimus, ad eius propinquos a Treveris imperium defertur. Illi finitimos Germanos sollicitare et pecuniam polliceri non desistunt. Cum a proximis impetrare non possent,²ulteriores temptant. Inventis nonnullis civitatibus iureiurando inter se confirmant obsidibusque de pecunia cavent; Ambiorigem sibi societate et foedere adiungunt. Quibus rebus cognitis Caesar, cum undique bellum parari videret, Nervios, Aduatucos [ac] Menapios adiunctis Cisrhenanis omnibus Germanis esse in armis, Senones ad imperatum non venire et cum Carnutibus finitimisque civitatibus consilia communicare, a Treveris Germanos crebris legationibus sollicitari, maturius sibi de bello cogitandum putavit.

3. Itaque nondum hieme confecta proximis quatuor coactis legionibus de improvviso in fines Nerviorum contendit et, priusquam illi aut convenire aut profugere possent, magno pecoris atque hominum numero capto atque ea praeda militibus concessa vastatisque agris in deditionem venire atque obsides sibi dare coëgit. Eo celeriter confecto negotio rursus in hiberna legiones reduxit. Concilio Galliae primo vere, ut instituerat, indicto, cum reliqui praeter Senones, Carnutes Treverosque venissent, initium belli ac defectionis hoc esse arbitratus, ut omnia postponere videretur, concilium Lutetiam Parisiorum transfert. Confines erant hi Senonibus civitatemque patrum memoria coniunxerant, sed ab hoc consilio afuisse existimabantur. Hac re pro suggestu pronuntiata eodem die cum legionibus in Senones proficiscitur magnisque itineribus eo pervenit.

4. Cognito eius adventu Acco, qui princeps eius consilii fuerat, iubet in oppida multitudinem convenire. Conantibus, priusquam id effici posset, adesse Romanos nuntiatur. Necessario sententia desistunt legatosque deprecandi causa ad Caesarem mittunt; adeunt per Aeduos, quorum antiquitus erat in fide civitas. Libenter Caesar petentibus Aeduis dat veniam excusationemque accipit, quod aestivum tempus instantis belli, non quaestionis esse arbitratur. Obsidibus imperatis centum hos Aeduis custodiendos tradit. Eodem Carnutes legatos obsidesque mittunt usi deprecatoribus Remis, quorum erant in clientela: eadem ferunt responsa. Peragit concilium Caesar equitesque imperat civitatibus.

5. Hac parte Galliae pacata totus et mente et animo in bellum Treverorum et Ambiorigis insistit. Cavarinum cum equitatu Senonum secum² proficisci iubet, ne quis aut ex huius iracundia aut ex eo, quod meruerat, odio civitatis motus exsistat. His rebus constitutis, quod pro explorato habebat³ Amborigem proelio non esse concertaturum, reliqua eius consilia animo circumspiciebat. Erant Menapii⁴ propinqui Eburonum finibus, perpetuis paludibus silvisque muniti, qui uni ex Gallia de pace ad Caesarem legatos numquam miserant. Cum his esse hospitium Ambiorigi sciebat; item per Treveros venisse Germanis in amicitiam cognoverat. Haec prius illi detrahenda auxilia existimabat,⁵ quam ipsum bello lacesseret, ne desperata salute aut se in Menapios abderet aut cum Transrhenanis congregi cogeretur. Hoc inito consilio totius exercitus impedimenta ad Labienum in Treveros mittit duasque legiones ad eum proficisci iubet; ipse cum legionibus expeditis quinque in Menapios proficiscitur. Illi nulla coacta manu loci praesidio⁷ freti in silvas paludesque confugiunt suaeque eodem conferunt.

6. Caesar partitis copiis cum Gaio Fabio legato et Marco Crasso quaestore celeriterque effectis pontibus adit tripertito, aedificia vicosque incendit, magno pecoris atque hominum numero potitur. Qui² bus rebus coacti Menapii legatos ad eum pacis petendae causa mittunt. Ille obsidibus acceptis hostium se habiturum numero confirmat, si aut Amborigem aut eius legatos finibus suis recepissent.

⁴ His confirmatis rebus Commium Atrebatem cum equitatu custodis loco in Menapiis relinquit; ipse in Treveros proficiscitur.

7. Dum haec a Caesare geruntur, Treveri magnis coactis peditatus equitatusque copiis Labienum cum una legione, quae in eorum finibus hiemaverat, adoriri ² parabant, iamque ab eo non longius bidui via aberant, cum duas venisse legiones missu Caesaris cognoscunt. Positis castris a milibus passuum xv auxilia ⁴ Germanorum exspectare constituunt. Labienus hostium cognito consilio, sperans temeritate eorum fore aliquam dimicandi facultatem, praesidio quinque cohortium impedimentis relicto cum viginti quinque cohortibus magnoque equitatu contra hostem proficiscitur et mille passuum intermisso spatio castra ⁵ communit. Erat inter Labienum atque hostem difficili transitu flumen ripisque praeruptis. Hoc neque ipse transire habebat in animo neque hostes transituros existimabat. Augebatur auxiliorum cotidie spes. Loquitur in concilio palam, quoniam Germani appropinquare dicantur, sese suas exercitusque fortunas in dubium non devocaturum et postero die ⁷ prima luce castra moturum. Celeriter haec ad hostes deferuntur, ut ex magno Gallorum equitum numero ⁸ nonnullos Gallicis rebus favere natura cogeat. Labienus noctu tribunis militum primisque ordinibus convocatis, quid sui sit consilii, proponit et, quo facilius hostibus timoris det suspicionem, maiore strepitu et tumultu, quam populi Romani fert consuetudo, castra moveri iubet. His rebus fugae similem ⁹ profectionem effecit. Haec quoque per exploratores

ante lucem in tanta propinquitate castrorum ad hostes deferuntur.

8. Vix agmen novissimum extra munitiones processerat, cum Galli cohortati inter se, ne speratam praedam ex manibus dimitterent; longum esse perterritis Romanis Germanorum auxilium exspectare, neque suam pati dignitatem, ut tantis copiis tam exiguum manum praesertim fugientem atque impeditam adoriri non audeant, flumen transire et iniquo loco committere proelium non dubitant. Quae fore suspicatus Labienus, ut omnes citra flumen eliceret, eadem usus simulatione itineris placide progrediebatur. Tum praemissis paulum impedimentis atque in tumulo quodam collocatis, 'habetis', inquit, 'milites, quam petistis, facultatem: hostem impedito atque iniquo loco tenetis; praestate eandem nobis ducibus virtutem, quam saepenumero imperatori praestitistis, atque illum adesse et haec coram cernere existimate.' Simul signa ad hostem converti aciemque dirigi iubet et paucis turmis praesidio ad impedimenta dimissis reliquos equites ad latera disponit. Celeriter nostri clamore sublato pila in hostes immittunt. Illi, ubi praeter spem quos fugere credebant infestis signis ad se ire viderunt, impetum modo ferre non potuerunt ac primo concursu in fugam coniecti proximas silvas petierunt. Quos Labienus equitatu consectatus magno numero intercepto, compluribus captis paucis post diebus civitatem recepit. Nam Germani, qui auxilio veniebant, percepta Treverorum fuga sese domum receperunt. Cum his propinqui Indutiomari, qui defectionis

auctores fuerant, comitati eos ex civitate excesserunt. Cingetorigi, quem ab initio permansisse in officio demonstravimus, principatus atque imperium est traditum.

9. Caesar, postquam ex Menapiis in Treveros venit, duabus de causis Rhenum transire constituit; quarum una erat, quod auxilia contra se Treveris miserant, altera, ne ad eos Ambiorix receptum haberet. His constitutis rebus paulum supra eum locum, quo ante exercitum traduxerat, facere pontem instituit. Nota atque instituta ratione magno militum studio paucis diebus opus efficitur. Firmo in Treveris ad pontem praesidio relicto, ne quis ab his subito motus oreretur, reliquas copias equitatumque traducit. Ubii, qui ante obsides dederant atque in deditionem venerant, purgandi sui causa ad eum legatos mittunt, qui doceant neque auxilia ex sua civitate in Treveros missa, neque ab se fidem laesam; petunt atque orant, ut sibi parcat, ne communi odio Germanorum innocentes pro nocentibus poenas pendant; si amplius obsidum vellet, dare pollicentur. Cognita Caesar causa repperit ab Suebis auxilia missa esse; Ubiorum satisfactionem accipit, aditus viasque in Suebos perquirat.

10. Interim paucis post diebus fit ab Ubiis certior Suebos omnes in unum locum copias cogere atque iis nationibus, quae sub eorum sint imperio, denuntiare, ut auxilia peditatus equitatusque mittant. His cognitis rebus rem frumentariam providet, castris idoneum locum deligit; Ubiis imperat, ut pecora deducant suaeque omnia ex agris in oppida conferant,

sperans barbaros atque imperitos homines inopia cibariorum adductos ad iniquam pugnandi conditionem posse deduci; mandat, ut crebros exploratores in Suebos mittant quaeque apud eos gerantur cognoscant. Illi imperata faciunt et paucis diebus intermissis referunt: Suebos omnes, posteaquam certiores nuntii de exercitu Romanorum venerint, cum omnibus suis sociorumque copiis, quas coëgissent, penitus ad extremos fines se recepisse; silvam esse ibi infinita magnitudine, quae appellatur Bacenis; hanc longe introrsus pertinere et pro nativo muro obiectam Cheruscos ab Suebis Suebosque ab Cheruscis iniuriis incursionibusque prohibere; ad eius initium silvae Suebos adventum Romanorum expectare constituisse.

11. Quoniam ad hunc locum perventum est, non alienum esse videtur de Galliae Germaniaeque moribus et, quo differant hae nationes inter sese, proponere. In Gallia non solum in omnibus civitatibus atque in omnibus pagis [partibusque], sed paene etiam in singulis domibus factiones sunt, earumque factionum principes sunt qui summam auctoritatem eorum iudicio habere existimantur, quorum ad arbitrium iudiciumque summa omnium rerum consiliorumque redeat. Itaque eius rei causa antiquitus institutum videtur, ne quis ex plebe contra potentiorum auxilii egeret: suos enim quisque opprimi et circumveniri non patitur, neque, aliter si faciat, ullam inter suos habet auctoritatem. Haec eadem ratio est in summa totius Galliae; namque omnes civitates in partes divisae sunt duas.

12. Cum Caesar in Galliam venit, alterius factionis principes erant Aedui, alterius Sequani. Hi cum per se minus valerent, quod summa auctoritas antiquitus erat in Aeduis magnaeque eorum erant clientelae, Germanos atque Ariovistum sibi adiunxerant eosque ad se magnis iacturis pollicitationibusque perduxerant. Proeliis vero compluribus factis secundis atque omni nobilitate Aeduorum interfecta tantum potentia antecesserant, ut magnam partem clientium ab Aeduis ad se traducerent obsidesque ab iis principum filios acciperent et publice iurare cogerent nihil se contra Sequanos consilii inituros, et partem finitimi agri per vim occupatam possiderent Galliaeque totius principatum obtinerent. Qua necessitate adductus Divitiacus auxilii petendi causa Romam ad senatum profectus imperfecta re redierat. Adventu Caesaris facta commutatione rerum, obsidibus Aeduis redditis, veteribus clientelis restitutis, novis per Caesarem comparatis, quod hi, qui se ad eorum amicitiam aggregaverant, meliore condicione atque aequiore imperio se uti videbant, reliquis rebus eorum gratia dignitateque amplificata, Sequani principatum dimiserant. In eorum locum Remi successerant, quos quod adaequare apud Caesarem gratia intellegebatur, ii, qui propter veteres inimicitias nullo modo cum Aeduis coniungi poterant, se Remis in clientelam dicabant. Hos illi diligenter tuebantur; ita et novam et repente collectam auctoritatem tenebant. Eo tum statu res erat, ut longe principes haberentur Aedui, secundum locum dignitatis Remi obtinerent.

13. In omni Gallia eorum hominum, qui aliquo sunt numero atque honore, genera sunt duo. Nam plebes paene servorum habetur loco, quae nihil audet per se, nullo adhibetur consilio. Plerique,^s cum aut aere alieno aut magnitudine tributorum aut iniuria potentiorum premuntur, sese in servitatem dicant nobilibus. In hos eadem omnia sunt iura,^s quae dominis in servos. Sed de his duobus generibus alterum est druidum, alterum equitum. Illi rebus divinis intersunt, sacrificia publica ac privata procurant, religiones interpretantur; ad eos magnus adolescentium numerus disciplinae causa concurrit, magnoque hi sunt apud eos honore. Nam fere de⁵ omnibus controversiis publicis privatisque constituunt, et, si quod est admissum facinus, si caedes facta, si de hereditate, de finibus controversia est, iidem decernunt, praemia poenasque constituunt; si qui aut privatus aut populus eorum decreto non⁶ stetit, sacrificiis interdicunt. Haec poena apud eos est gravissima. Quibus ita est interdictum, hi numero impiorum ac sceleratorum habentur, his omnes decedunt, aditum sermonemque defugiunt, ne quid ex contagione incommodi accipiant, neque his petentibus ius redditur neque honos ullus communicatur. His autem omnibus druidibus praeest unus,⁸ qui summam inter eos habet auctoritatem. Hoc⁹ mortuo aut, si qui ex reliquis excellit dignitate, succedit, aut, si sunt plures pares, suffragio druidum, nonnumquam etiam armis de principatu contendunt. Hi certo anni tempore in finibus Carnutum, quae¹⁰ regio totius Galliae media habetur, considunt in

loco consecrato. Huc omnes undique, qui controversias habent, conveniunt eorumque decretis iudiciis¹¹que parent. Disciplina in Britannia reperta atque¹² inde in Galliam translata esse existimatur, et nunc, qui diligentius eam rem cognoscere volunt, plerumque illo discendi causa proficiscuntur.

14. Druides a bello abesse consuerunt neque tributa una cum reliquis pendunt, [militiae vacationem] omniumque rerum habent immunitatem.² Tantis excitati praemiis et sua sponte multi in disciplinam conveniunt et a parentibus propinquisque³ mittuntur. Magnum ibi numerum versuum ediscere dicuntur. Itaque annos nonnulli videnos in disciplina permanent. Neque fas esse existimant ea litteris mandare, cum in reliquis fere rebus, publicis privatisque⁴ rationibus Graecis litteris utantur. Id mihi duabus de causis instituisse videntur, quod neque in vulgum disciplinam efferri velint neque eos, qui discunt, litteris confisos minus memoriae studere; quod fere plerisque accidit, ut praesidio litterarum diligentiam in perdiscendo ac memoriam remittant.⁵ Imprimis hoc volunt persuadere, non interire animas, sed ab aliis post mortem transire ad alios, atque hoc maxime ad virtutem excitari putant metu mortis⁶ neglecto. Multa praeterea de sideribus atque eorum motu, de mundi ac terrarum magnitudine, de rerum natura, de deorum immortalium vi ac potestate disputant et iuventuti tradunt.

• 15. Alterum genus est equitum. Hi, cum est usus atque aliquod bellum incidit (quod fere ante Caesaris adventum quotannis accidere solebat, uti

aut ipsi iniurias inferrent aut illatas propulsarent), omnes in bello versantur, atque eorum ut quisque² est genere copiisque amplissimus, ita plurimos circum se ambactos clientesque habet. Hanc unam gratiam potentiamque noverunt.

16. Natio est omnis Gallorum admodum dedita religionibus, atque ob eam causam, qui sunt affecti² gravioribus morbis quique in proeliis periculisque versantur, aut pro victimis homines immolant aut se immolatu³ros vovent, administrisque ad ea sacri-³ficia druidibus utuntur, quod, pro vita hominis nisi hominis vita reddatur, non posse deorum immortalium numen placari arbitrantur, publiceque eiusdem generis habent instituta sacrificia. Alii immani magni-⁴tudine simulacra habent, quorum contexta viminibus membra vivis hominibus complent; quibus succensis circumventi flamma exanimantur homines. Sup-⁵plicia eorum, qui in furto aut in latrocinio aut aliqua noxia sint comprehensi, gratiora dis immortalibus esse arbitrantur; sed, cum eius generis copia defecit, etiam ad innocentium supplicia descendunt.

17. Deum maxime Mercurium colunt: huius sunt plurima simulacra; hunc omnium inventorem artium ferunt, hunc viarum atque itinerum ducem, hunc ad quaestus pecuniae mercaturasque habere vim maximam arbitrantur. Post hunc Apollinem et² Martem et Iovem et Minervam. De his eandem fere, quam reliquae gentes, habent opinionem: Apollinem morbos depellere, Minervam operum atque artificiorum initia tradere, Iovem imperium caelestium tenere, Martem bella regere. Huic, cum proelio dimicare³

constituerunt, ea, quae bello ceperint, plerumque devovent: qui superaverint, animalia capta immolant reliquasque res in unum locum conferunt. Multis in civitatibus harum rerum exstructos tumulos locis consecratis conspiciari licet; neque saepe accidit, ut neglecta quispiam religione aut capta apud se occultare aut posita tollere auderet, gravissimumque ei rei supplicium cum cruciatu constitutum est.

18. Galli se omnes ab Dite patre prognatos praedicant idque ab druidibus proditum dicunt. Ob eam causam spatia omnis temporis non numero dierum, sed noctium finiunt; dies natales et mensium et annorum initia sic observant, ut noctem dies subsequatur. In reliquis vitae institutis hoc fere ab reliquis differunt, quod suos liberos, nisi cum adoleverunt, ut munus militiae sustinere possint, palam ad se adire non patiuntur filiumque puerili aetate in publico in conspectu patris assistere turpe ducunt.

19. Viri, quantas pecunias ab uxoribus dotis nomine acceperunt, tantas ex suis bonis aestimatione facta cum dotibus communicant. Huius omnis pecuniae coniunctim ratio habetur fructusque servantur; uter eorum vita superarit, ad eum pars utriusque cum fructibus superiorum temporum pervenit. Viri in uxores, sicuti in liberos, vitae necisque habent potestatem; et cum pater familiae illustriore loco natus decessit, eius propinqui conveniunt et, de morte si res in suspicionem venit, de uxoribus in servilem modum quaestionem habent et, si compertum est, igni atque omnibus tormentis ex-

cruciatas interficiunt. Funera sunt pro cultu Gallo-⁴rum magnifica et sumptuosa; omniaque, quae vivis cordi fuisse arbitrantur, in ignem inferunt, etiam animalia, ac paulo supra hanc memoriam servi et clientes, quos ab iis dilectos esse constabat, iustis funeribus confectis una cremabantur.

20. Quae civitates commodius suam rem publicam administrare existimantur, habent legibus sanctum, si quis quid de re publica a finitimis rumore aut fama acceperit, uti ad magistratum deferat neve cum quo alio communicet, quod saepe² homines temerarios atque imperitos falsis rumoribus terreri et ad facinus impelli et de summis rebus consilium capere cognitum est. Magistratus³ quae visa sunt occultant, quaeque esse ex usu iudicaverunt, multitudini produnt. De re publica nisi per concilium loqui non conceditur.

21. Germani multum ab hac consuetudine differunt. Nam neque druides habent, qui rebus divinis praesint, neque sacrificiis student. Deorum numero² eos solos ducunt, quos cernunt et quorum aperte opibus iuvantur, Solem et Vulcanum et Lunam, reliquos ne fama quidem acceperunt. Vita omnis in³ venationibus atque in studiis rei militaris consistit; a parvulis labori ac duritiae student. Qui diutis-⁴sime impuberes permanserunt, maximam inter suos ferunt laudem: hoc ali staturam, ali vires nervosque confirmari putant. Intra annum vero vicesimum⁵ feminae notitiam habuisse in turpissimis habent rebus; cuius rei nulla est occultatio, quod et promiscue in fluminibus perluuntur et pellibus aut

parvis rhenonum tegimentis utuntur magna corporis parte nuda.

22. Agriculturae non student, maiorque pars eorum victus in lacte, caseo, carne consistit. Neque quisquam agri modum certum aut fines habet proprios; sed magistratus ac principes in annos singulos gentibus cognationibusque hominum, cum una coierunt, quantum et quo loco visum est agri attribuunt atque anno post alio transire cogunt. Eius rei multas afferunt causas: ne assidua consuetudine capti studium belli gerendi agricultura commutent; ne latos fines parare studeant, potentioresque humiliores possessionibus expellant; ne accuratius ad frigora atque aestus vitandos aedificent; ne qua oriatur pecuniae cupiditas, qua ex re factiones dissensionesque nascuntur; ut animi aequitate plebem contineant, cum suas quisque opes cum potentissimis aequari videat.

23. Civitatibus maxima laus est quam latissime circum se vastatis finibus solitudines habere. Hoc proprium virtutis existimant, expulsos agris finitimos cedere, neque quemquam prope audere consistere; simul hoc se fore tutiores arbitrantur repentinae incursionis timore sublato. Cum bellum civitas aut illatum defendit aut infert, magistratus, qui ei bello praesint, ut vitae necisque habeant potestatem, delinguntur. In pace nullus est communis magistratus, sed principes regionum atque pagorum inter suos dicunt controversiasque minuunt. Latrocinia nullam habent infamiam, quae extra fines cuiusque civitatis fiunt, atque ea iuventutis exercendae ac

desidia¹ minuendae causa fieri praedicant. Atque⁷ ubi quis ex principibus in concilio dixit se ducem fore, qui sequi velint, profiteantur, consurgunt ii, qui et causam et hominem probant suumque auxilium pollicentur atque ab multitudine collaudantur; qui⁸ ex his secuti non sunt, in desertorum ac proditorum numero ducuntur, omniumque his rerum postea fides derogatur. Hospitem violare fas non⁹ putant; qui quacumque de causa ad eos venerunt, ab iniuria prohibent, sanctos habent, hisque omnium domus patent victusque communicatur.

24. Ac fuit antea tempus, cum Germanos Galli virtute superarent, ultro bella inferrent, propter hominum multitudinem agrique inopiam trans Rhenum colonias mitterent. Itaque ea, quae fertilissima Germania² sunt, loca circum Hercyniam silvam, quam Eratostheni et quibusdam Graecis fama notam esse video, quam illi Orcyniam appellant, Volcae Tectosages occupaverunt atque ibi consederunt; quae³ gens ad hoc tempus his sedibus sese continet summamque habet iustitiae et bellicae laudis opinionem. Nunc quoque in eadem [inopia] egestate patientia⁴ que Germani permanent, eodem victu et cultu corporis utuntur; Gallis autem provinciarum propin-⁵quitas et transmarinarum rerum notitia multa ad copiam atque usus largitur; paulatim assuefacti⁶ superari multisque victi proeliis ne se quidem ipsi cum illis virtute comparant.

25. Huius Hercyniae silvae, quae supra demonstrata est, latitudo novem dierum iter expedito patet; non enim aliter finiri potest, neque mensuras

2 itinerum noverunt. Oritur ab Helvetiorum et Ne-
metum et Rauracorum finibus rectaque fluminis
Danubii regione pertinet ad fines Dacorum et Anar-
3 tium; hinc se flectit sinistrorsus diversis ab flumine
regionibus multarumque gentium fines propter magni-
4 tudinem attingit; neque quisquam est huius Ger-
maniae, qui se aut adisse ad initium eius silvae
dicat, cum dierum iter LX processerit, aut, quo ex
5 loco oriatur, acceperit; multaque in ea genera fe-
rarum nasci constat, quae reliquis in locis visa non
sint; ex quibus quae maxime differant ab ceteris
et memoriae prodenda videantur, haec sunt.

26. Est bos cervi figura, cuius a media fronte
inter aures unum cornu exsistit excelsius magisque
2 directum his, quae nobis nota sunt, cornibus; ab
eius summo sicut palmae ramique late diffunduntur.
3 Eadem est feminae marisque natura, eadem forma
magnitudoque cornuum.

27. Sunt item, quae appellantur alces. Harum
est consimilis capris figura et varietas pellium, sed
magnitudine paulo antecedunt mutilaeque sunt cor-
2 nibus et crura sine nodis articulisque habent, neque
quietis causa procumbunt neque, si quo afflictas
casu conciderunt, erigere sese aut sublevare pos-
3 sunt. His sunt arbores pro cubilibus: ad eas se
applicant atque ita paulum modo reclinatae quietem
4 capiunt. Quarum ex vestigiis cum est animadversum
a venatoribus, quo se recipere consuerint, omnes
eo loco aut ab radicibus subruunt aut accidunt ar-
bores, tantum ut summa species earum stantium
5 relinquatur. Huc cum se consuetudine reclinaverunt,

infirmas arbores pondere affligunt atque una ipsae concidunt.

28. Tertium est genus eorum, qui uri appellantur. Hi sunt magnitudine paulo infra elephantos,² specie et colore et figura tauri. Magna vis eorum est et magna velocitas, neque homini neque ferae, quam conspexerunt, parant. Hos studiose foveis³ captos interficiunt. Hoc se labore durant adulescentes atque hoc genere venationis exercent, et qui plurimos ex his interfecerunt, relatis in publicum cornibus, quae sint testimonio, magnam ferunt laudem. Sed assuescere ad homines et mansuefieri⁴ ne parvuli quidem excepti possunt. Amplitudo cor-⁵nuum et figura et species multum a nostrorum bouum cornibus differt. Haec studiose conquisita ab labris⁶ argento circumcludunt atque in amplissimis epulis pro poculis utuntur.

29. Caesar, postquam per Ubios exploratores comperit Suebos sese in silvas recepisse, inopiam frumenti veritus, quod, ut supra demonstravimus, minime omnes Germani agriculturae student, constituit non progredi longius; sed, ne omnino metum² reditus sui barbaris tolleretur atque ut eorum auxilia tardaret, reducto exercitu partem ultimam pontis, quae ripas Ubiorum contingebat, in longitudinem pedum ducentorum rescindit atque in extremo ponte³ turrim tabulatorum quattuor constituit praesidiumque cohortium duodecim pontis tuendi causa ponit magnisque eum locum munitionibus firmat. Ei loco praesidioque Gaium Volcatium Tullum adolescentem praefecit. Ipse, cum maturescere frumenta inciperent,⁴

ad bellum Ambiorigis profectus per Arduennam silvam, quae est totius Galliae maxima atque ab ripis Rheni finibusque Treverorum ad Nervios pertinet milibusque amplius quingentis in longitudinem patet, Lucium Minucium Basilum cum omni equitatu praemittit, si quid celeritate itineris atque opportunitate temporis proficere posset; monet, ut ignes in castris fieri prohibeat, ne qua eius adventus procul significatio fiat; sese confestim subsequi dicit.

30. Basilus, ut imperatum est, facit. Celeriter contraque omnium opinionem confecto itinere multos in agris inopinantes deprehendit; eorum indicio ad ipsum Ambiorigem contendit, quo in loco cum paucis equitibus esse dicebatur. Multum cum in omnibus rebus tum in re militari potest fortuna. Nam sicut magno accidit casu, ut in ipsum incautum etiam atque imparatum incideret, priusque eius adventus ab omnibus videretur, quam fama ac nuntius afferretur, sic magnae fuit fortunae omni militari instrumento, quod circum se habebat, erepto, redisequisque comprehensis ipsum effugere mortem. Sed hoc quoque factum est, quod aedificio circumdato silva, ut sunt fere domicilia Gallorum, qui vitandi aestus causa plerumque silvarum atque fluminum petunt propinquitates, comites familiaresque eius angusto in loco paulisper equitum nostrorum vim sustinuerunt. His pugnantibus illum in equum quidam ex suis intulit; fugientem silvae texerunt. Sic et ad subeundum periculum et ad vitandum multum fortuna valuit.

31. Ambiorix copias suas iudicione non conduxerit, quod proelio dimicandum non existimarit, an tempore exclusus et repentino equitum adventu prohibitus, cum reliquum exercitum subsequi crederet, dubium est. Sed certe dimissis per agros nuntiis sibi quemque consulere iussit. Quorum pars in Arduennam silvam, pars in continentes paludes profugit; qui proximi Oceano fuerunt, hi insulis sese occultaverunt, quas aestus efficere consuerunt; multi ex suis finibus egressi se suaque omnia alienissimis crediderunt. Catuvolcus, rex dimidiaepartis Eburonum, qui una cum Ambiorige consilium inierat, aetate iam confectus, cum laborem aut belli aut fugae ferre non posset, omnibus precibus detestatus Amborigem, qui eius consilii auctor fuisset, taxo, cuius magna in Gallia Germaniaeque copia est, se exanimavit.

32. Segni Condrusique, ex gente et numero Germanorum, qui sunt inter Eburones Treverosque, legatos ad Caesarem miserunt oratum, ne se in hostium numero duceret neve omnium Germanorum, qui essent citra Rhenum, unam esse causam iudicaret: nihil se de bello cogitavisse, nulla Amborigi auxilia misisse. Caesar explorata re quaestione captivorum, si qui ad eos Eburones ex fuga convenissent, ad se ut reducerentur, imperavit; si ita fecissent, fines eorum se violaturum negavit. Tum copiis in tris partes distributis impedimenta omnium legionum Aduatucam contulit. Id castelli nomen est. Hoc fere est in mediis Eburonum finibus, ubi Titurius atque Aurunculeius hiemandi causa considerant.

5 Hunc cum reliquis rebus locum probarat, tum quod
superioris anni munitiones integrae manebant, ut
militum laborem sublevaret. Praesidio impedimentis
legionem quartamdecimam reliquit, unam ex his
tribus, quas proxime conscriptas ex Italia traduxe-
6 rat. Ei legioni castrisque Quintum Tullium Cicero-
nem praeficit ducentosque equites attribuit.

33. Partito exercitu Titum Labienum cum legio-
nibus tribus ad Oceanum versus in eas partes, quae
2 Menapios attingunt, proficisci iubet; Gaium Trebo-
nium cum pari legionum numero ad eam regionem,
quae ad Aduatucos adiacet, depopulandam mittit;
3 ipse cum reliquis tribus ad flumen Scaldem, quod
influit in Mosam, extremasque Arduennae partes
ire constituit, quo cum paucis equitibus profectum
4 Ambiorigem audiebat. Discedens post diem septimum
sese reversurum confirmat; quam ad diem ei legioni,
quae in praesidio relinquebatur, deberi frumentum
5 sciebat. Labienum Treboniumque hortatur, si rei
publicae commodo facere possint, ad eum diem
revertantur, ut rursus communicato consilio explora-
tisque hostium rationibus aliud initium belli capere
possent.

34. Erat, ut supra demonstravimus, manus
certa nulla, non oppidum, non praesidium, quod
se armis defenderet, sed in omnes partes dispersa
2 multitudo. Ubi cuique aut valles abdita aut locus
silvestris aut palus impedita spem praesidii aut
3 salutis aliquam offerebat, consederat. Haec loca
vicinitatibus erant nota, magnamque res diligentiam
requirebat non in summa exercitus tuenda (nullum

enim poterat universis a perterritis ac dispersis periculum accidere), sed in singulis militibus conservandis; quae tamen ex parte res ad salutem exercitus pertinebat. Nam et praedae cupiditas⁴ multos longius evocabat, et silvae incertis occultisque itineribus confertos adire prohibebant. Si⁵ negotium confici stirpemque hominum sceleratorum interfici vellet, dimittendae plures manus diducendique erant milites; si continere ad signa manipulos vellet, ut instituta ratio et consuetudo exercitus Romani postulabat, locus ipse erat praesidio barbaris, neque ex occulto insidiandi et dispersos circumveniendi singulis deerat audacia. Ut in eius⁷ modi difficultatibus, quantum diligentia provideri poterat, providebatur, ut potius in nocendo aliquid praetermitteretur, etsi omnium animi ad ulciscendum ardebant, quam cum aliquo militum detrimento noceretur. Dimittit ad finitimas civitates⁸ nuntios Caesar: omnes evocat spe praedae ad diripiendos Eburones, ut potius in silvis Gallorum vita quam legionarius miles periclitetur, simul ut magna multitudine circumfusa pro tali facinore stirps ac nomen civitatis tollatur. Magnus undique numerus⁹ celeriter convenit.

35. Haec in omnibus Eburonum partibus gerantur, diesque appetebat septimus, quem ad diem Caesar ad impedimenta legionemque reverti constituerat. Hic, quantum in bello fortuna possit et quantos afferat casus, cognosci potuit. Dissipatis ac perterritis hostibus, ut demonstravimus, manus erat nulla, quae parvam modo causam timoris

4 afferret. Trans Rhenum ad Germanos pervenit fama,
diripi Eburones atque ultro omnes ad praedam
5 evocari. Cogunt equitum duo milia Sugambri, qui
sunt proximi Rheno, a quibus receptos ex fuga
6 Tencteros atque Usipetes supra docuimus. Trans-
eunt Rhenum navibus ratibusque triginta milibus
passuum infra eum locum, ubi pons erat perfectus
praesidiumque a Caesare relictum; primos Ebu-
ronum fines adeunt; multos ex fuga dispersos ex-
cipiunt, magno pecoris numero, cuius sunt cupi-
dissimi barbari, potiuntur. Invitati praeda longius
7 procedunt. Non hos palus in bello latrociniisque
natos, non silvae morantur. Quibus in locis sit
Caesar, ex captivis quaerunt; profectum longius
reperiunt omnemque exercitum discessisse cogno-
8 scunt. Atque unus ex captivis, 'quid vos', inquit,
'hanc miseram ac tenuem sectamini praedam, qui-
bus licet iam esse fortunatissimis? Tribus horis
Aduatucam venire potestis: huc omnes suas for-
9 tunas exercitus Romanorum contulit; praesidii tan-
tum est, ut ne murus quidem cingi possit, neque
10 quisquam egredi extra munitiones audeat'. Oblata
spe Germani, quam nacti erant praedam, in occulto
relinquunt; ipsi Aduatucam contendunt usi eodem
duce, cuius haec indicio cognoverant.

36. Cicero, qui omnes superiores dies prae-
ceptis Caesaris cum summa diligentia milites in
castris continuisset ac ne calonem quidem quem-
quam extra munitionem egredi passus esset, septimo
die diffidens de numero dierum Caesarem fidem
servaturum, quod longius progressum audiebat,

neque ulla de reditu eius fama afferebatur, simul² eorum permotus vocibus, qui illius patientiam paene obsessionem appellabant, siquidem ex castris egredi non liceret, nullum eiusmodi casum exspectans, quo novem oppositis legionibus maximoque equitatu dispersis ac paene deletis hostibus in milibus passuum tribus offendi posset, quinque cohortes frumentatum in proximas segetes mittit, quas inter et castra unus omnino collis intererat. Complures³ erant ex legionibus aegri relictī; ex quibus qui hoc spatio dierum convaluerant, circiter CCC, sub vexillo una mittuntur; magna praeterea multitudo calorum, magna vis iumentorum, quae in castris subsederant, facta potestate sequitur.

37. Hoc ipso tempore et casu Germani equites interveniunt protinusque eodem illo, quo venerant, cursu ab decumana porta in castra irrumpere conantur, nec prius sunt visi obiectis ab ea parte⁴ silvis, quam castris appropinquarent, usque eo ut, qui sub vallo tenderent mercatores, recipiendi sui facultatem non haberent. Inopinantes nostri re nova⁵ perturbantur, ac vix primum impetum cohors in stationes sustinet. Circumfunduntur ex reliquis hostes⁶ partibus, si quem aditum reperire possent. Aegre⁷ portas nostri tuentur, reliquos aditus locus ipse per se munitioque defendit. Totis trepidatur castris,⁸ atque alius ex alio causam tumultus quaerit; neque quo signa ferantur neque quam in partem quisque conveniat, provident. Alius iam castra capta pronuntiat,⁹ alius deleto exercitu atque imperatore victores barbaros venisse contendit; plerique novas sibi ex loco¹⁰

religiones fingunt Cottaque et Titurii calamitatem, qui in eodem occiderint castello, ante oculos ponunt. 9 Tali timore omnibus perterritis confirmatur opinio barbaris, ut ex captivo audierant, nullum esse intus 10 praesidium. Perrumpere nituntur seque ipsi adhortantur, ne tantam fortunam ex manibus dimittant.

38. Erat aeger cum praesidio relictus Publius Sextius Baculus, qui primum pilum ad Caesarem duxerat, cuius mentionem superioribus proeliis fecimus, ac diem iam quintum cibo caruerat. Hic diffusus suae atque omnium saluti inermis ex tabernaculo prodit, videt imminere hostes atque in summo esse rem discrimine, capit arma a proximis atque 3 in porta consistit. Consequuntur hunc centuriones eius cohortis, quae in statione erat; paulisper una 4 proelium sustinent. Relinquit animus Sextium gravibus acceptis vulneribus; aegre per manus tractus 5 servatur. Hoc spatio interposito reliqui sese confirmant tantum, ut in munitionibus consistere audeant speciemque defensorum praebeant.

39. Interim confecta frumentatione milites nostri clamorem exaudiunt; praecurrunt equites; quanto res 2 sit in periculo cognoscunt. Hic vero nulla munitio est, quae perterritos recipiat: modo conscripti atque usus militaris imperiti ad tribunum militum centurionesque ora convertunt; quid ab his praecipiat, exspectant. 3 Nemo est tam fortis, quin rei novitate perturbetur. 4 Barbari signa procul conspicati oppugnatione desistunt; redisse primo legiones credunt, quas longius discessisse ex captivis cognoverant; postea despecta paucitate ex omnibus partibus impetum faciunt.

40. Calones in proximum tumultum procurrunt. Hinc celeriter deiecti se in signa manipulosque coniciunt; eo magis timidos perterrent milites. Alii,² cuneo facto ut celeriter perrumpant, censeant, quoniam tam propinqua sint castra, et si pars aliqua circumventa ceciderit, at reliquos servari posse confidunt; alii, ut in iugo consistent atque eundem³ omnes ferant casum. Hoc veteres non probant milites, quos sub vexillo una profectos docuimus. Itaque inter se cohortati duce Gaio Trebonio, equite Romano, qui eis erat praepositus, per medios hostes perrumpunt incolumesque ad unum omnes in castra perveniunt. Hos subsecuti calones equitesque⁵ eodem impetu militum virtute servantur. At ii, qui⁶ in iugo constiterant, nullo etiam nunc usu rei militaris percepto neque in eo, quod probaverant, consilio permanere, ut se loco superiore defenderent, neque eam, quam prodesse aliis vim celeritatemque viderant, imitari potuerunt, sed se in castra recipere conati iniquum in locum demiserunt. Centuriones,⁷ quorum nonnulli ex inferioribus ordinibus reliquarum legionum virtutis causa in superiores erant ordines huius legionis traducti, ne ante partam rei militaris laudem amitterent, fortissime pugnantes conciderunt. Militum pars horum virtute submotis⁸ hostibus praeter spem incolumis in castra pervenit, pars a barbaris circumventa periit.

41. Germani desperata expugnatione castrorum, quod nostros iam constitisse in munitionibus videbant, cum ea praeda, quam in silvis deposuerant, trans Rhenum sese receperunt. Ac tantus fuit etiam⁹

post discessum hostium terror, ut ea nocte, cum Gaius Volusenus missus cum equitatu ad castra venisset, fidem non faceret adesse cum incolumi
3Caesarem exercitu. Sic omnino animos timor prae-
occupaverat, ut paene alienata mente deletis om-
nibus copiis equitatum se ex fuga recepissem dicerent,
neque incolumi exercitu Germanos castra oppugna-
4turos fuisse contenderent. Quem timorem Caesaris
adventus sustulit.

42. Reversus ille eventus belli non ignorans unum, quod cohortes ex statione et praesidio essent emissae, questus (ne minimo quidem casu locum relinqui debuisset) multum fortunam in repentino
2hostium adventu potuisse iudicavit, multo etiam
amplius, quod paene ab ipso vallo portisque castro-
rum barbaros avertisset. Quarum omnium rerum
3maxime admirandum videbatur, quod Germani, qui
eo consilio Rhenum transierant, ut Ambiorigis fines
depopularentur, ad castra Romanorum delati opta-
tissimum Ambiorigi beneficium obtulerunt.

43. Caesar rursus ad vexandos hostes profectus magno coacto numero ex finitimis civitatibus in
2omnes partes dimittit. Omnes vici atque omnia
aedificia, quae quisque conspexerat, incendebantur;
3praeda ex omnibus locis agebatur; frumenta non
solum tanta multitudine iumentorum atque hominum
consumebantur, sed etiam anni tempore atque im-
bribus procubuerant, ut, si qui etiam in praesentia
se occultassent, tamen his deducto exercitu rerum
4omnium inopia pereundum videretur. Ac saepe in
eum locum ventum est tanto in omnes partes diviso

equitatu, ut modo visum ab se Ambiorigem in fuga circumspicerent captivi nec plane etiam abisse ex conspectu contenderent, ut spe consequendi illata⁵ atque infinito labore suscepto, qui se summam ab Caesare gratiam inituros putarent, paene naturam studio vincerent, semperque paulum ad summam felicitatem defuisse videretur, atque ille latebris aut⁶ salibus se eriperet et noctu occultatus alias regiones partesque peteret non maiore equitum praesidio quam quattuor, quibus solis vitam suam committere audebat.

44. Tali modo vastatis regionibus exercitum Caesar duarum cohortium damno Durocortorum Remorum reducit, concilioque in eum locum Galliae indicto de coniuratione Senonum et Carnutum quaestionem habere instituit et de Accone, qui princeps² eius consilii fuerat, graviore sententia pronuntiata more maiorum supplicium sumpsit. Nonnulli iudicium veriti profugerunt. Quibus cum aqua atque igni interdixisset, duas legiones ad fines Treverorum, duas in Lingonibus, sex reliquas in Senonum finibus Agedinci in hibernis collocavit frumentoque exercitui proviso, ut instituerat, in Italiam ad conventus agendos profectus est.

C. IULII CAESARIS DE BELLO GALLICO

LIBER SEPTIMUS.

ARGUMENTUM.

[A. U. C. 702.] Cum Caesar motu urbano in Italia retineri ferretur, multae Gallorum gentes de recuperanda libertate conspirant c. 1. Primi Carnutes, deinde Arverni auctore Vercingetorige bellum suscipiunt; his Bituriges se adiungunt c. 2—5. Caesar ex Italia reversus de improvviso Arvernos invadit et opprimit c. 6—8; legionibus quam celerrime in unum locum coactis Boiis auxilio proficiscitur, quorum oppidum Gorgobinam hostes duce Vercingetorige oppugnabant c. 9—11. In itinere Vellaunodunum, Genabum, Noviodunum oppida capit c. 12—13; deinde Avaricum, cui soli ceteris Biturigum oppidis incensis Galli pepercerant, cum aliquamdiu fortiter defensum esset, expugnat c. 14—27. Dum Galli a Vercingetorige incitati bello continuando operam dant, Caesar Aeduum turbis a bello avocatur c. 29—33; quibus compositis Labienum cum exercitus parte in Senones Parisiosque delegat; ipse ad Gergoviam proficiscitur c. 34—36. Hanc oppugnans, cum iterum in Aeduis turbæ excitatae essent c. 32—39, Caesar auxiliorum ab Aeduis missorum defectioni occursurus cum exercitus parte his obviam proficiscitur c. 40. Interim castra aegre a Gallorum impetu defenduntur c. 41. Cum reversus esset in castra Caesar, Aedui deficiunt c. 42, 43. Romani Gergoviam impetu ca-

pere conati magna cum clade repulsi sunt c. 44—51. Itaque Caesar oratione ad milites habita obsidionem solvit c. 52, 53, et castra in Aeduos movet c. 54—56; ibi Labienum, qui res prospere in Parisiis gesserat, sibi adiungit c. 57—62. Aeduum exemplum imitati omnes fere Galli deficiunt; Vercingetorigem summum ducem constituunt; at vincuntur a Caesare c. 62—67. Vercingetorix Alesiam se confert omnemque Galliam ad bellum evocat c. 68—71. Hanc urbem Caesar circumvallat; alias munitiones contra exteriorem hostem exstruit c. 72—74. Galli socios obsidione liberare conati, magno detrimento repelluntur c. 75—88. Alesia et Vercingetorix deduntur c. 89; Aeduis, Arvernibus item in deditionem acceptis Caesar legiones in hiberna distribuit c. 90.

1. Quieta Gallia Caesar, ut constituerat, in Italiam ad conventus agendos proficiscitur. Ibi cognoscit de Clodii caede, *de* senatusque consulto certior factus, ut omnes iuniores Italiae coniurarent, delectum tota provincia habere instituit. Eae res in Galliam Transalpinam celeriter perferuntur. Addunt ipsi et affingunt rumoribus Galli, quod res poscere videbatur, retineri urbano motu Caesarem neque in tantis dissensionibus ad exercitum venire posse. Hac impulsione occasione, qui iam ante se populi Romani imperio subiectos dolerent, liberius atque audacius de bello consilia inire incipiunt. Indictis inter se principes Galliae conciliis silvestribus ac remotis locis queruntur de Acconis morte; posse hunc casum ad ipsos recidere demonstrant; miserrantur communem Galliae fortunam; omnibus pollicitationibus ac praemiis deposcunt, qui belli initium faciant et sui capitis periculo Galliam in libertatem vindicent. Imprimis rationem esse habendam dicunt,

priusquam eorum clandestina consilia efferantur, ut Caesar ab exercitu intercludatur. Id esse facile, quod neque legiones audeant absente imperatore ex hibernis egredi, neque imperator sine praesidio ad legiones pervenire possit. Postremo in acie praestare interfici, quam non veterem belli gloriam libertatemque, quam a maioribus acceperint, recuperare.

2. His rebus agitatis profitentur Carnutes se nullum periculum communis salutis causa recusare, principesque ex omnibus bellum facturos pollicentur et, quoniam in praesentia obsidibus cavere inter se non possint, ne res efferatur, ut iureiurando ac fide sanciantur, petunt, collatis militaribus signis, quo more eorum gravissima caerimonia continetur, ne facto initio belli ab reliquis deserantur. Tum collaudatis Carnutibus dato iureiurando ab omnibus, qui aderant, tempore eius rei constituto ab concilio disceditur.

3. Ubi ea dies venit, Carnutes Gutruato et Connetodumno ducibus, desperatis hominibus, Genabum signo dato concurrunt civesque Romanos, qui negotiandi causa ibi constiterant, in his Gaium Fufium Citam, honestum equitem Romanum, qui rei frumentariae iussu Caesaris praeerat, interficiunt bonaque eorum diripiunt. Celeriter ad omnes Galliae civitates fama perfertur. Nam ubicumque maior atque illustrior incidit res, clamore per agros regionesque significant; hunc alii deinceps excipiunt et proximis tradunt, ut tum accidit. Nam quae Genabi oriente sole gesta essent, ante primam confectam vigiliam

in finibus Arvernorum audita sunt, quod spatium est milium passuum circiter centum LX.

4. Simili ratione ibi Vercingetorix, Celtilli filius, Arvernus, summae potentiae adulescens, cuius pater principatum Galliae totius obtinuerat et ob eam causam, quod regnum appetebat, ab civitate erat interfectus, convocatis suis clientibus facile incendit. Cognito eius consilio ad arma concurritur. Prohi-² betur a Gobannitione, patruo suo, reliquisque principibus, qui hanc temptandam fortunam non existimabant; expellitur ex oppido Gergovia; non destitit³ tamen atque in agris habet delectum egentium ac perditorum. Hac coacta manu, quoscumque adit⁴ ex civitate, ad suam sententiam perducit; hortatur, ut communis libertatis causa arma capiant, magnisque coactis copiis adversarios suos, a quibus paulo ante erat eiectus, expellit ex civitate. Rex ab suis⁵ appellatur. Dimittit quoquo versus legationes; obtestatur, ut in fide maneant. Celeriter sibi Senones,⁶ Parisios, Pictones, Cadurcos, Turonos, Aulercos, Lemovices, Andos reliquosque omnes, qui Oceanum attingunt, adiungit: omnium consensu ad eum defertur imperium. Qua oblata potestate omnibus his⁷ civitatibus obsides imperat, certum numerum militum ad se celeriter adduci iubet; armorum quantum⁸ quaeque civitas domi quodque ante tempus efficiat, constituit; imprimis equitatui studet. Summae dili-⁹ gentiae summam imperii severitatem addit; magnitudine supplicii dubitantes cogit. Nam maiore com-¹⁰ misso delicto igni atque omnibus tormentis necat, levio-
re de causa auribus desectis aut singulis effossis

oculis domum remittit, ut sint reliquis documento et magnitudine poenae perterreant alios.

5. His suppliciis celeriter coacto exercitu Lucterium Cadurcum, summae hominem audaciae, cum parte copiarum in Rutenos mittit; ipse in Bituriges proficiscitur. Eius adventu Bituriges ad Aeduos, quorum erant in fide, legatos mittunt subsidium rogatum, quo facilius hostium copias sustinere possint. Aedui de consilio legatorum, quos Caesar ad exercitum reliquerat, copias equitatus peditatusque subsidio Biturigibus mittunt. Qui cum ad flumen Ligerim venissent, quod Bituriges ab Aeduis dividit, paucos dies ibi morati neque flumen transire ausi domum revertuntur legatisque nostris renuntiant, se Biturigum perfidiam veritos revertisse, quibus id consilii fuisse cognoverint, ut, si flumen transissent, una ex parte ipsi, altera Arverni se circumsisterent. Id eane de causa, quam legatis pronuntiarunt, an perfidia adducti fecerint, quod nihil nobis constat, non videtur pro certo esse proponendum. Bituriges eorum discessu statim cum Arvernīs iunguntur.

6. His rebus in Italiam Caesari nuntiatis cum iam ille urbanas res virtute Gnei Pompei commodiorem in statum pervenisse intellexeret, in Transalpinam Galliam profectus est. Eo cum venisset, magna difficultate afficiebatur, qua ratione ad exercitum pervenire posset. Nam si legiones in provinciam arcesseret, se absente in itinere proelio dimicaturas intellegebat; si ipse ad exercitum contenderet, ne iis quidem eo tempore, qui quieti viderentur, suam salutem recte committi videbat.

7. Interim Lucretius Cadurcus in Rutenos missus eam civitatem Arvernīs conciliat. Progressus in Nitiobriges et Gabalos ab utrisque obsides accipit et magna coacta manu in provinciam Narbonem versus eruptionem facere contendit. Qua re nuntiata Caesar omnibus consiliis antevertendum existimavit, ut Narbonem proficisceretur. Eo cum venisset, timentes confirmat, praesidia in Rutenis provincialibus, Volcis Arecomicis, Tolosatibus circumque Narbonem, quae loca hostibus erant finitima, constituit, partem copiarum ex provincia supplementumque, quod ex Italia adduxerat, in Helvios, qui fines Arvernorum contingunt, convenire iubet.

8. His rebus comparatis represso iam Lucretio et remoto, quod intrare intra praesidia periculosum putabat, in Helvios proficiscitur. Etsi mons Cevenna, qui Arvernos ab Helviis discludit, durissimo tempore anni altissima nive iter impendebat, tamen discussa nive sex in altitudinem pedum atque ita viis patefactis summo militum sudore ad fines Arvernorum pervenit. Quibus oppressis inopinantibus, quod se Cevenna ut muro munitos existimabant, ac ne singulari quidem umquam homini eo tempore anni semitae patuerant, equitibus imperat, ut quam latissime possint vagentur et quam maximum hostibus terrorem inferant. Celeriter haec fama ac nuntiis ad Vercingetorigem perferuntur; quem perterriti omnes Arverni circumstant atque obsecrant, ut suis fortunis consulat, neu se ab hostibus diripi patiatur, praesertim cum videat omne ad se bellum translatum. Quorum ille precibus per-motus castra ex Biturigibus movet in Arvernos versus.

9. At Caesar biduum in his locis moratus, quod haec de Vercingetorige usu ventura opinione praeceperat, per causam supplementi equitatusque cogendi ab exercitu discedit, Brutum adolescentem his copiis praeficit; hunc monet, ut in omnes partes equites quam latissime pervagentur: daturum se operam, ne longius triduo ab castris absit. His constitutis rebus, suis inopinantibus, quam maximis potest itineribus Viennam pervenit. Ibi nactus recentem equitatum, quem multis ante diebus eo praemiserat, neque diurno neque nocturno itinere intermisso per fines Aeduorum in Lingones contendit, ubi duae legiones hiemabant, ut, si quid etiam de sua salute ab Aeduis iniretur consilii, celeritate praecurreret. Eo cum pervenisset, ad reliquas legiones mittit priusque omnes in unum locum cogit, quam de eius adventu Arvernus nuntiari posset. Hac re cognita Vercingetorix rursus in Bituriges exercitum reducit atque inde profectus Gorgobinam, Boiorum oppidum, quos ibi Helvetico proelio victos Caesar collocaverat Aeduisque attribuerat, oppugnare instituit.

10. Magnam haec res Caesari difficultatem ad consilium capiendum afferebat, si reliquam partem hiemis uno loco legiones contineret, ne stipendiariis Aeduorum expugnatis cuncta Gallia deficeret, quod nullum amicis in eo praesidium videretur positum esse; si maturius ex hibernis educeret, ne ab re frumentaria duris subvectionibus laboraret. Praestare visum est tamen omnes difficultates perpeti, quam tanta contumelia accepta omnium suorum

voluntates alienare. Itaque cohortatus Aeduos de supportando commeatu praemittit ad Boios, qui de suo adventu doceant hortenturque, ut in fide mancant atque hostium impetum magno animo sustineant. Duabus Agedinci legionibus atque impedimentis totius exercitus relictis ad Boios proficiscitur.

11. Altero die cum ad oppidum Senonum Vellaunodunum venisset, ne quem post se hostem relinqueret, quo expeditiore re frumentaria uteretur, oppugnare instituit idque biduo circumvallavit; tertio die missis ex oppido legatis de deditioe arma conferri, iumenta produci, sescentos obsides dari iubet. Ea qui conficeret, C. Trebonium legatum relinquit. Ipse [ut quam primum iter faceret] Genabum Carnutum proficiscitur; qui tum primum allato nuntio de oppugnatione Vellaunoduni, cum longius eam rem ductum iri existimarent, praesidium Genabi tuendi causa, quod eo mitterent, comparabant. Huc biduo pervenit. Castris ante oppidum positis, diei tempore exclusus in posterum oppugnationem differt quaeque ad eam rem usui sint militibus imperat et, quod oppidum Genabum pons fluminis Ligeris continebat, veritus, ne noctu ex oppido profugerent, duas legiones in armis excubare iubet. Genabenses paulo ante mediam noctem silentio ex oppido egressi flumen transire coeperunt. Qua re per exploratores nuntiata Caesar legiones, quas expeditas esse iusserat, portis incensis intromittit atque oppido potitur per paucis ex hostium numero desideratis, quin cuncti caperentur, quod pontis atque itinerum angustiae multitudinis fugam intercluserant. Oppidum

diripit atque incendit, praedam militibus donat, exercitum Ligerem traducit atque in Biturigum fines pervenit.

12. Vercingetorix, ubi de Caesaris adventu cognovit, oppugnatione destitit atque obviam Caesari proficiscitur. Ille oppidum Biturigum positum in via Noviodunum oppugnare instituerat. Quo ex oppido cum legati ad eum venissent oratum, ut sibi ignosceret suaeque vitae consulere, ut celeritate reliquas res conficeret, qua pleraque erat consecutus, arma conferri, equos produci, obsides dari iubet. Parte iam obsidum tradita, cum reliqua administrarentur, centurionibus et paucis militibus intromissis, qui arma iumentaue conquirerent, equitatus hostium procul visus est, qui agmen Vercingetorigis antecesserat. Quem simulatque oppidani conspexerunt atque in spem auxilii venerunt, clamore sublato arma capere, portas claudere, murum complere coeperunt. Centuriones in oppido, cum ex significatione Gallorum novi aliquid ab iis iniri consilii intellexissent, gladiis destinctis portas occupaverunt suosque omnes incolumes receperunt.

13. Caesar ex castris equitatum educi iubet, proelium equestre committit; laborantibus iam suis Germanos equites circiter cccc submittit, quos ab initio habere secum instituerat. Eorum impetum Galli sustinere non potuerunt atque in fugam coniecti multis amissis se ad agmen receperunt. Quibus profligatis rursus oppidani perterriti comprehensos eos, quorum opera plebem concitatam existimabant, ad Caesarem perduxerunt seseque ei dediderunt.

Quibus rebus confectis Caesar ad oppidum Ava-³
ricum, quod erat maximum munitissimumque in
finibus Biturigum atque agri fertilissima regione,
profectus est, quod eo oppido recepto civitatem
Biturigum se in potestatem redacturum confidebat.

14. Vercingetorix tot continuis incommodis Vel-
launoduni, Genabi, Novioduni acceptis suos ad con-
cilium convocat. Docet longe alia ratione esse bellum ²
gerendum, atque antea gestum sit. Omnibus modis
huic rei studendum, ut pabulatione et commeatu
Romani prohibeantur. Id esse facile, quod equitatus
ipsi abundant et quod anni tempore sublevantur.
Pabulum secari non posse; necessario dispersos
hostes ex aedificiis petere; hos omnes cotidie ab
equitibus deleri posse. Praeterea salutis causa rei fa-⁵
miliaris commoda negligenda; vicos atque aedificia
incendi oportere hoc spatio obvia quoquo versus,
quo pabulandi causa adire posse videantur. Harum ⁶
ipsis rerum copiam suppetere, quod, quorum in
finibus bellum geratur, eorum opibus sublevantur;
Romanos aut inopiam non laturos aut magno peri-⁷
culo longius ab castris processuros; neque interesses
ipsosne interficiant, impedimentisne exuant, quibus
amissis bellum geri non possit. Praeterea oppida ⁹
incendi oportere, quae non munitione et loci natura
ab omni sint periculo tuta, neu suis sint ad detrac-
tandam militiam receptacula neu Romanis propo-
sita ad copiam commeatus praedamque tollendam.
Haec si gravia aut acerba videantur, multo illa ¹⁰
gravius aestimare, liberos, coniuges in servitutem abs-
trahi, ipsos interfici; quae sit necesse accidere victis.

15. Omnium consensu hac sententia probata uno die amplius xx urbes Biturigum incenduntur. Hoc idem fit in reliquis civitatibus; in omnibus partibus incendia conspiciuntur. Quae etsi magno cum dolore omnes ferebant, tamen hoc sibi solacii proponebant, quod se prope explorata victoria celeriter amissa reciperaturos confidebant. Deliberatur de Avarico in communi concilio, incendi placeret an defendi. Procumbunt omnibus Gallis ad pedes Bituriges, ne pulcherrimam prope totius Galliae urbem, quae praesidio et ornamento sit civitati, suis manibus succendere cogerentur: facile se loci natura defensuros dicunt, quod prope ex omnibus partibus flumine et palude circumdata unum habeat et perangustum aditum. Datur petentibus venia dissuadente primo Vercingetorige, post concedente et precibus ipsorum et misericordia vulgi. Defensores oppido idonei deliguntur.

16. Vercingetorix minoribus Caesarem itineribus subsequitur et locum castris deligit paludibus silvisque munitum ab Avarico longe milia passuum XVI. Ibi per certos exploratores in singula diei tempora, quae ad Avaricum agerentur, cognoscebat et, quid fieri vellet, imperabat. Omnes nostras pabulationes frumentationesque observabat dispersosque, cum longius necessario procederent, adoriebatur magnoque incommodo afficiebat, etsi, quantum ratione provideri poterat, ab nostris occurrebatur, ut incertis temporibus diversisque itineribus iretur.

17. Castris ad eam partem oppidi positis Caesar, quae intermissa a flumine et a paludibus aditum,

ut supra diximus, angustum habebat, aggerem apparare, vineas agere, turres duas constituere coepit; nam circumvallare loci natura prohibebat. De re² frumentaria Boios atque Aeduos adhortari non destitit; quorum alteri, quod nullo studio agebant, non multum adiuvabant, alteri non magnis facultatibus, quod civitas erat exigua et infirma, celeriter, quod habuerunt, consumpserunt. Summa difficultate³ rei frumentariae affecto exercitu tenuitate Boiorum, indiligentia Aeduorum, incendiis aedificiorum, usque eo ut complures dies frumento milites caruerint et pecore ex longinquiore vicis adacto extremam famem sustentarent, nulla tamen vox est ab iis audita populi Romani maiestate et superioribus victoriis indigna. Quin etiam Caesar cum in opere⁴ singulas legiones appellaret et, si acerbius inopiam ferrent, se dimissurum oppugnationem diceret, universi ab eo, ne id faceret, petebant: sic se com-⁵ plures annos illo imperante meruisse, ut nullam ignominiam acciperent, nusquam infecta re discederent; hoc se ignominiae laturos loco, si inceptam⁶ oppugnationem reliquissent; praestare omnes per-⁷ ferre acerbitates, quam non civibus Romanis, qui Genabi perfidia Gallorum interissent, parentarent. Haec eadem centurionibus tribunisque militum man-⁸ dabant, ut per eos ad Caesarem deferrentur.

18. Cum iam muro turres appropinquassent, ex captivis Caesar cognovit Vercingetorigem consumpto pabulo castra movisse propius Avaricum atque ipsum cum equitatu expeditisque, qui inter equites proeliari consuessent, insidiarum causa eo profectum,

quo nostros postero die pabulatum venturos arbitrar²etur. Quibus rebus cognitis media nocte silentio profectus ad hostium castra mane pervenit. Illi celeriter per exploratores adventu Caesaris cognito carros impedimenta³que sua in artiores silvas abdid⁴erunt, copias omnes in loco edito atque aperto instruxerunt. Quare nuntiata Caesar celeriter sarcinas conferri, arma expediri iussit.

19. Collis erat leniter ab infimo acclivis. Hunc ex omnibus fere partibus palus difficilis atque impedita cingebat non latior pedibus quinquaginta. Hoc se colle interruptis pontibus Galli fiducia loci continebant generatimque distributi in civitates omnia vada eius paludis ac saltus obtinebant sic animo parati, ut, si eam paludem Romani perrumpere conarentur, haesitantes premerent ex loco superiore, ut, qui propinquitatem loci videret, paratos prope aequo Marte ad dimicandum existimaret, qui iniquitatem condicionis perspiceret, inani simulatione sese ostentare cognosceret. Indignantes milites Caesar, quod conspectum suum hostes perferre possent tantulo spatio interiecto, et signum proelii exposcentes edocet, quanto detrimento et quot virorum fortium morte necesse sit constare victoriam; quos cum sic animo paratos videat, ut nullum pro sua laude periculum recusent, summae se iniquitatis condemnari debere, nisi eorum vitam sua salute habeat carior⁶em. Sic milites consolatus eodem die reducit in castra reliqua⁵que, quae ad oppugnationem pertinebant oppidi, administrare instituit.

20. Vercingetorix, cum ad suos redisset, proditi-
onis insimulatus, quod castra propius Romanos
movisset, quod cum omni equitatu discessisset,
quod sine imperio tantas copias reliquisset, quod
eius discessu Romani tanta opportunitate et celeri-
tate venissent — non haec omnia fortuito aut sine³
consilio accidere potuisse; regnum illum Galliae
malle Caesaris concessu quam ipsorum habere bene-
ficio — : tali modo accusatus ad haec respondit: quod³
castra movisset, factum inopia pabuli etiam ipsis
hortantibus; quod propius Romanos accessisset,
persuasum loci opportunitate, qui se ipse sine mu-
nitione defenderet; equitum vero operam neque in⁴
loco palustri desiderari debuisse et illic fuisse utilem,
quo sint profecti. Summam imperii se consulto nulli⁵
discedentem tradidisse, ne is multitudinis studio ad
dimicandum impelleretur; cui rei propter animi mol-
litiem studere omnes videret, quod diutius laborem
ferre non possent. Romani si casu intervenerint,⁶
fortuna, si alicuius indicio vocati, huic habendam
gratiam, quod et paucitatem eorum ex loco supe-
riore cognoscere et virtutem despiciere potuerint,
qui dimicare non ausi turpiter se in castra rece-
perint. Imperium se ab Caesare per proditionem⁷
nullum desiderare, quod habere victoria posset, quae
iam esset sibi atque omnibus Gallis explorata; quin
etiam ipsis remittere, si sibi magis honorem tri-
buere, quam ab se salutem accipere videantur.
'Haec ut intellegatis', inquit, 'a me sincere pronun-⁸
tiari, audite Romanos milites'. Producit servos, quos⁹
in pabulatione paucis ante diebus exceperat et fame

¹⁰ vinctisque excruciauerat. Hi iam ante edocti, quae interrogati pronuntiarent, milites se esse legionarios dicunt; fame et inopia adductos clam ex castris exisse, si quid frumenti aut pecoris in agris reperire
¹¹ possent; simili omnem exercitum inopia premi, nec iam vires sufficere cuiusquam nec ferre operis laborem posse; itaque statuisset imperatorem, si nihil in oppugnatione oppidi profecissent, triduo exercitum deducere. 'Haec', inquit, 'a me', Vercingetorix, 'beneficia habetis, quem proditionis insimulatis; cuius opera sine vestro sanguine tantum exercitum victorem fame consumptum videtis; quem turpiter se ex fuga recipientem ne qua civitas suis finibus recipiat, a me provisum est'.

21. Conclamat omnis multitudo et suo more armis concrepat, quod facere in eo consuerunt, cuius orationem approbant: summum esse Vercingetorigem ducem, nec de eius fide dubitandum, nec maiore ratione bellum administrari posse. Statuunt, ut x milia hominum delecta ex omnibus copiis in oppidum mittantur, nec solis Biturigibus communem salutem committendam censent, quod paene eo, si id oppidum retinuissent, summam victoriae constare intellegebant.

22. Singulari militum nostrorum virtuti consilia cuiusque modi Gallorum occurrebant, ut est summae genus sollertiae atque ad omnia imitanda et efficienda, quae ab quoque traduntur, aptissimum. Nam et laqueis falces avertebant, quas cum destinaverant, tormentis introrsus reducebant, et aggerem cuniculis subtrahebant, eo scientius, quod apud eos magnae

sunt ferrariae atque omne genus cuniculorum notum atque usitatum est. Totum autem murum ex omni parte turribus contabulaverant atque has coriis intexerant. Tum crebris diurnis nocturnisque eruptionibus aut aggeri ignem inferebant aut milites occupatos in opere adoriebantur et nostrarum turrium altitudinem, quantum has cotidianus agger expresserat, commissis suarum turrium malis adaequabant, et apertos cuniculos praeusta et praeacuta materia et pice fervefacta et maximi ponderis saxi morabantur moenibusque appropinquare prohibebant.

23. Muri autem omnes Gallici hac fere forma sunt. Trabes directae perpetuae in longitudinem paribus intervallis, distantes inter se binos pedes, in solo collocantur. Hae revinciuntur introrsus et multo aggere vestiuntur; ea autem, quae diximus, intervalla grandibus in fronte saxi effarciuntur. His collocatis et coagmentatis alius insuper ordo additur, ut idem illud intervallum servetur, neque inter se contingant trabes, sed paribus intermissae spatiis singulae singulis saxi interiectis arte contineantur. Sic deinceps omne opus contextitur, dum iusta muri altitudo expleatur. Hoc cum in speciem varietatemque opus deforme non est alternis trabibus ac saxi, quae rectis lineis suos ordines servant, tum ad utilitatem et defensionem urbium summam habet opportunitatem, quod et ab incendio lapis et ab ariete materia defendit, quae perpetuis trabibus pedes quadragenos plerumque introrsus revincta neque perrumpi neque distrahi potest.

24. His tot rebus impedita oppugnationem milites, cum toto tempore frigore et assiduis imbribus tardarentur, tamen continenti labore omnia haec superaverunt et diebus XXV aggerem [latum] pedes CCCXXX *longum*, altum pedes LXXX extruxerunt.
2 Cum is murum hostium paene contingeret, et Caesar ad opus consuetudine excubaret militesque hortaretur, ne quod omnino tempus ab opere intermitteretur, paulo ante tertiam vigiliam est animadversum fumare aggerem, quem cuniculo hostes succenderant, eodemque tempore toto muro clamore sublato duabus portis ab utroque latere turrium eruptio
4 fiebat. Alii faces atque aridam materiem de muro in aggerem eminus iaciebant, picem reliquasque res, quibus ignis excitari potest, fundebant, ut, quo primum curreretur aut cui rei ferretur auxilium,
5 vix ratio iniri posset. Tamen, quod instituto Caesaris semper duae legiones pro castris excubabant pluresque partitis temporibus erant in opere, celeriter factum est, ut alii eruptionibus resisterent, alii turres reducerent aggeremque interscinderent, omnis vero ex castris multitudo ad restinguendum concurreret.

25. Cum in omnibus locis consumpta iam reliqua parte noctis pugnaretur, semperque hostibus spes victoriae redintegraretur, eo magis, quod deustos pluteos turrium videbant nec facile adire apertos ad auxiliandum animadvertabant, semperque ipsi recentes defessis succederent omnemque Galliae salutem in illo vestigio temporis positam arbitrantur, accidit inspectantibus nobis, quod dignum

memoria visum praetereundum non existimavimus. Quidam ante portam oppidi Gallus per manus sevi² ac picis traditas glebas in ignem e regione turris proiciebat; scorpione ab latere dextro traiectus exanimatusque concidit. Hunc ex proximis unus³ iacentem transgressus eodem illo munere fungebatur; eadem ratione ictu scorpionis exanimato alteri successit tertius et tertio quartus, nec prius ille est a⁴ propugnatoribus vacuus relictus locus, quam restincto aggere atque omni ex parte submotis hostibus finis est pugnandi factus.

26. Omnia experti Galli, quod res nulla successerat, postero die consilium ceperunt ex oppido profugere hortante et iubente Vercingetorige. Id si² lentio noctis conati non magna iactura suorum sese effecturos sperabant, propterea quod neque longe ab oppido castra Vercingetorigis aberant, et palus, quae perpetua intercedebat, Romanos ad insequendum tardabat. Iamque hoc facere noctu apparabant,³ cum matresfamiliae repente in publicum procurre-runt flentesque proiectae ad pedes suorum omnibus precibus petierunt, ne se et communes liberos hostibus ad supplicium dederent, quos ad capiendam fugam naturae et virium infirmitas impediret. Ubi⁴ eos in sententia perstare viderunt, quod plerumque in summo periculo timor misericordiam non recipit, conclamare et significare de fuga Romanis coeperunt. Quo timore perterriti Galli, ne ab equitatu Roma-⁵ norum viae praeoccuparentur, consilio destiterunt.

27. Postero die Caesar promota turri directisque operibus, quae facere instituerat, magno coorto

imbre non inutilem hanc ad capiendum consilium tempestatem arbitratus est, quod paulo incautius custodias in muro dispositas videbat, suosque languidius in opere versari iussit et, quid fieri vellet, ostendit. Legionibusque intra vineas in occulto expeditis cohortatus, ut aliquando pro tantis laboribus fructum victoriae perciperent, iis, qui primi murum ascendissent, praemia proposuit militibusque signum dedit. Illi subito ex omnibus partibus evolaverunt murumque celeriter compleverunt.

28. Hostes re nova perterriti muro turribusque deiecti in foro ac locis patentioribus cuneatim constiterunt, hoc animo, ut, si qua ex parte obviam [contra] veniretur, acie instructa depugnarent. Ubi neminem in aequum locum sese demittere, sed toto undique muro circumfundi viderunt, veriti, ne omnino spes fugae tolleretur, abiectis armis ultimas oppidi partes continenti impetu petiverunt, parsque ibi, cum angusto exitu portarum se ipsi premerent, a militibus, pars iam egressa portis ab equitibus est interfecta. Nec fuit quisquam, qui praedae studeret. Sic et Genabi caede et labore operis incitati non aetate confectis, non mulieribus, non infantibus pepercerunt. Denique ex omni numero, qui fuit circiter milium XL, vix DXXX, qui primo clamore audito se ex oppido eiecerant, incolumes ad Vercingetorigem pervenerunt. Quos ille multa iam nocte silentio ex fuga excepit veritus, ne qua in castris ex eorum concursu et misericordia vulgi seditio-oreretur, procul in via dispositis familiaribus suis principibusque civitatum ut disparandos deducen-

dosque ad suos curarent, quae cuique civitati pars castrorum ab initio obvenerat.

29. Postero die concilio convocato consolatus cohortatusque est, ne se admodum animo demitterent, ne perturbarentur incommodo. Non virtutes neque in acie vicisse Romanos, sed artificio quodam et scientia oppugnationis, cuius rei fuerint ipsi imperiti. Errare, si qui in bello omnes secundos rerum³ proventus exspectent. Sibi numquam placuisse Avaricum defendi, cuius rei testes ipsos haberet; sed factum imprudentia Biturigum et nimia obsequentia reliquorum, uti hoc incommodum acciperetur. Id⁵ tamen se celeriter maioribus commodis sanaturum. Nam quae ab reliquis Gallis civitates dissentirent,⁶ has sua diligentia adiuncturum atque unum consilium totius Galliae effecturum, cuius consensui ne orbis quidem terrarum possit obsistere; idque se prope iam effectum habere. Interea aequum esse ab⁷ iis communis salutis causa impetrari, ut castra munire instituerent, quo facilius repentinos hostium impetus sustinerent.

30. Fuit haec oratio non ingrata Gallis, et maxime, quod ipse animo non defecerat tanto accepto incommodo neque se in occultum abdiderat et conspectum multitudinis fugerat; plusque animo² providere et praesentire existimabatur, quod re integra primo incendendum Avaricum, post deserendum censuerat. Itaque ut reliquorum imperatorum³ res adversae auctoritatem minuunt, sic huius ex⁴ contrario dignitas incommodo accepto in dies augebatur. Simul in spem veniebant eius affirmatione⁴

de reliquis adiungendis civitatibus; primumque eo tempore Galli castra munire instituerunt et sic sunt animo confirmati homines insueti laboris, ut omnia, quae imperarentur, sibi patienda existimarent.

31. Nec minus, quam est pollicitus, Vercingetorix animo laborabat, ut reliquas civitates adiungeret, ²atque eas donis pollicitationibusque alliciebat. Huic rei idoneos homines deligebat, quorum quisque aut oratione subdola aut amicitia facillime capere posset. ³Qui Avarico expugnato refugerant, armandos vestientesque curat; simul, ut diminutae copiae redintegrarentur, imperat certum numerum militum civitatibus, quem et quam ante diem in castra adduci velit, sagittariosque omnes, quorum erat permagnus numerus in Gallia, conquiri et ad se mitti iubet. His rebus celeriter id, quod Avarici deperierat, ⁵expletur. Interim Teutomatus, Olloviconis filius, rex Nitiobrogum, cuius pater ab senatu nostro amicus erat appellatus, cum magno equitum suorum numero et quos ex Aquitania conduxerat ad eum pervenit.

32. Caesar Avarici complures dies commoratus summamque ibi copiam frumenti et reliqui com-
meatus nactus exercitum ex labore atque inopia ²refecit. Iam prope hieme confecta cum ipso anni tempore ad gerendum bellum vocaretur et ad hostem proficisci constituisset, sive eum ex paludibus silvisque elicere sive obsidione premere posset, legati ad eum principes Aeduorum veniunt oratum, ut ³maximenecessario tempore civitatisubveniat: summo esse in periculo rem, quod, cum singuli magistratus antiquitus creari atque regiam potestatem annum

obtinerere consuessent, duo magistratum gerant et se uterque eorum legibus creatum esse dicat. Horum⁴ esse alterum Convictolitavem, florentem et illustrem adulescentem, alterum Cotum, antiquissima familia natum atque ipsum hominem summae potentiae et magnae cognationis, cuius frater Valetiacus proximo anno eundem magistratum gesserit. Civitatem esse⁵ omnem in armis; divisum senatum, divisum populum, suas cuiusque eorum clientelas. Quod si diutius alatur controversia, fore, uti pars cum parte civitatis confligat. Id ne accidat, positum in eius diligentia atque auctoritate.

33. Caesar, etsi a bello atque hoste discedere detrimentosum esse existimabat, tamen non ignorans, quanta ex dissensionibus incommoda oriri consuessent, ne tanta et tam coniuncta populo Romano civitas, quam ipse semper aluisset omnibusque rebus ornasset, ad vim atque arma descenderet, atque ea pars, quae minus confideret, auxilia a Vercingetorige arcesseret, huic rei praeventendum existimavit et, quod legibus Aeduorum iis, qui summum magi-²stratum obtinerent, excedere ex finibus non liceret, ne quid de iure aut de legibus eorum deminuisse videretur, ipse in Aeduos proficisci statuit senatumque omnem et quos inter controversia esset ad se Decetiam evocavit. Cum prope omnis civitas³ eo convenisset, docereturque paucis clam convocatis alio loco, alio tempore atque oportuerit fratrem a fratre renuntiatum, cum leges duo ex una familia vivo utroque non solum magistratus creari vetarent, sed etiam in senatu esse prohiberent, Cotum impe-⁴

rium deponere coëgit, Convictolitavem, qui persacerdotes more civitatis intermissis magistratibus esset creatus, potestatem obtinere iussit.

34. Hoc decreto interposito cohortatus Aeduos, ut controversiarum ac dissensionis obliviscerentur atque omnibus omissis rebus huic bello servirent eaque, quae meruissent, praemia ab se devicta Gallia expectarent equitatumque omnem et peditum milia decem sibi celeriter mitterent, quae in praesidiis rei frumentariae causa disponeret, exercitum in duas² partes divisit: quattuor legiones in Senones Parisiosque Labieno ducendas dedit, sex ipse in Arvernos ad oppidum Gergoviam secundum flumen Elaver duxit; equitatus partem illi attribuit, partem sibi³ reliquit. Qua re cognita Vercingetorix omnibus interruptis eius fluminis pontibus ab altera fluminis parte iter facere coepit.

35. Cum uterque utrimque exisset exercitus, in conspectu fereque e regione castris castra ponebant. Dispositis exploratoribus, necubi effecto ponte Romani copias traducerent, erat in magnis Caesari difficultatibus res, ne maiorem aestatis partem flumine impediretur, quod non fere ante autumnum² Elaver vado transiri solet. Itaque, ne id accideret, silvestri loco castris positus e regione unius eorum pontium, quos Vercingetorix rescindendos curaverat, postero die cum duabus legionibus in occulto restitit;³ reliquas copias cum omnibus impedimentis, ut consueverat, misit *immixtis* captivis quartis quibusque cohortibus, uti numerus legionum constare videretur.⁴ His quam longissime possent egredi iussis, cum

iam ex diei tempore coniecturam ceperat in castra perventum, iisdem sublicis, quarum pars inferior integra remanebat, pontem reficere coepit. Celeriter effecto opere legionibusque traductis et loco castris idoneo delecto reliquas copias revocavit. Vercingetorix re cognita, ne contra suam voluntatem dimicare cogeretur, magnis itineribus antecessit.

36. Caesar ex eo loco quintis castris Gergoviam pervenit equestrique eo die proelio levi facto perspecto urbis situ, quae posita in altissimo monte omnes aditus difficiles habebat, de expugnatione desperavit, de obsessione non prius agendum constituit, quam rem frumentariam expedisset. At Vercingetorix castris prope oppidum [in monte] positis mediocribus circum se intervallis separatim singulorum civitatum copias collocaverat atque omnibus eius iugi collibus occupatis, qua despici poterat, horribilem speciem praebebat principesque earum civitatum, quos sibi ad consilium capiendum delegerat, prima luce cotidie ad se convenire iubebat, seu quid communicandum, seu quid administrandum videretur, neque ullum fere diem intermittebat, quin equestri proelio, interiectis sagittariis, quid in quoque esset animi ac virtutis suorum periclitaretur. Erat e regione oppidi collis sub ipsis radicibus montis, egregie munitus atque ex omni parte circumciscus; quem si tenerent nostri, et aquae magna parte et pabulatione libera prohibitori hostes videbantur. Sed is locus praesidio ab his non minus firmo tenebatur. Tamen silentio noctis Caesar ex castris egressus, priusquam subsidio ex oppido venire posset, delecto

praesidio potitus loco duas ibi legiones collocavit fossamque duplicem duodenum pedum a maioribus castris ad minora perduxit, ut tuto ab repentino hostium incursu etiam singuli commeare possent.

37. Dum haec ad Gergoviam geruntur, Convictolitavis Aeduus, cui magistratum adiudicatum a Caesare demonstravimus, sollicitatus ab Arvernibus pecunia cum quibusdam adulescentibus colloquitur; quorum erat princeps Litaviccus atque eius fratres, 2 amplissima familia nati adulescentes. Cum his praemium communicat hortaturque, ut se liberos et imperio natos meminerint. Unam esse Aeduum civitatem, quae certissimam Galliae victoriam detineat; eius auctoritate reliquas contineri; qua traducta 4 locum consistendi Romanis in Gallia non fore. Esse nonnullo se Caesaris beneficio affectum, sic tamen, ut iustissimam apud eum causam obtinuerit; sed 5 plus communi libertati tribuere. Cur enim potius Aedui de suo iure et de legibus ad Caesarem disceptatorem, quam Romani ad Aeduos veniant? Celeriter adulescentibus et oratione magistratus et praemio deductis, cum se vel principes eius consilii fore profiterentur, ratio perficiendi quaerebatur, quod civitatem temere ad suscipiendum bellum adduci 7 posse non confidebant. Placuit, ut Litaviccus decem illis milibus, quae Caesari ad bellum mitterentur, praeficeretur atque ea ducenda curaret, fratresque eius ad Caesarem praecurrerent. Reliqua qua ratione agi placeat, constituunt.

38. Litaviccus accepto exercitu, cum milia passuum circiter xxx ab Gergovia abesset, convocatis

subito militibus lacrimans, 'quo proficiscimur', inquit,²
 'milites? Omnis noster equitatus, omnis nobilitas in-
 teriit; principes civitatis, Eporedorix et Viridoma-
 rus, insimulati proditiōis ab Romanis indicta causa
 interfecti sunt. Haec ab ipsis cognoscite, qui ex³
 ipsa caede fugerunt; nam ego fratribus atque omni-
 bus meis propinquis interfectis dolore prohibeor,
 quae gesta sunt pronuntiare.' Producentur ii, quos⁴
 ille edocuerat quae dici vellet, atque eadem, quae Li-
 taviccus pronuntiaverat, multitudini exponunt: equi-⁵
 tes et multos Aeduorum interfectos, quod collocuti
 cum Arvernīs dicerentur; ipsos se inter multitudinem
 militum occultasse atque ex media caede fugisse.
 Conclamant Aedui et Litavicum obsecrant, ut sibi⁶
 consulat. 'Quasi vero', inquit ille, 'consilii sit res,⁷
 ac non necesse sit nobis Gergoviam contendere et
 cum Arvernīs nosmet coniungere. An dubitamus,⁸
 quin nefario facinore admissō Romani iam ad nos
 interficiendos concurrant? Proinde, si quid in nobis
 animi est, persequamur eorum mortem, qui indi-
 gnissime interierunt, atque hos latrones interficiamus.'
 Ostendit cives Romanos, qui eius praesidii fiducia⁹
 una erant; magnum numerum frumenti commeatus-
 que diripit, ipsos crudeliter excruciatos interficit.
 Nuntios tota civitate Aeduorum dimittit, eodem men-¹⁰
 dacio de caede equitum et principum permovet;
 hortatur, ut simili ratione, atque ipse fecerit, suas
 iniurias persequantur.

39. Eporedorix Aeduus, summo loco natus adu-
 lescens et summae domi potentiae, et una Viridoma-
 rus, pari aetate et gratia, sed genere dispari, q̄

Caesar ab Divitiaco sibi traditum ex humili loco ad summam dignitatem perduxerat, in equitum numero ² convenerant nominatim ab eo evocati. His erat inter se de principatu contentio, et in illa magistratum controversia alter pro Convictolitavi, alter pro Coto ³ summis opibus pugnaverant. Ex his Eporedorix cognito Litavici consilio media fere nocte rem ad Caesarem defert; orat, ne patiatur civitatem pravis adulescentium consiliis ab amicitia populi Romani deficere; quod futurum provideat, si se tot hominum milia cum hostibus coniunxerint, quorum salutem neque propinqui negligere, neque civitas levi momento aestimare posset.

40. Magna affectus sollicitudine hoc nuntio Caesar, quod semper Aeduorum civitati praecipue indulserat, nulla interposita dubitatione legiones expeditas ² quattuor equitatumque omnem ex castris educit, nec fuit spatium tali tempore ad contrahenda castra, quod ³ res posita in celeritate videbatur; Gaium Fabium legatum cum legionibus duabus castris praesidio relinquit. Fratres Litavici cum comprehendi iussisset, paulo ante repperit ad hostes fugisse. Adhortatus milites, ne necessario tempore itineris labore permoveantur, cupidissimis omnibus progressus milia passuum xxv agmen Aeduorum conspicatus immisso equitatu iter eorum moratur atque impedit interdicitque omnibus, ne quemquam interficiant. Eporedorigem et Viridomarum, quos illi interfectos existimabant, inter equites versari suosque appellare iubet. ⁶ His cognitis et Litavici fraude perspecta Aedui manus tendere [deditionem significare] et proiectis

armis mortem deprecari incipiunt. Litaviceus cum⁷ suis clientibus, quibus more Gallorum nefas est etiam in extrema fortuna deserere patronos, Gergoviam profugit.

41. Caesar nuntiis ad civitatem Aeduorum missis, qui suo beneficio conservatos docerent, quos iure belli interficere potuisset, tribusque horis [noctis] exercitui ad quietem datis castra ad Gergoviam movit. Medio fere itinere equites a Fabio missi, quanto res² in periculo fuerit, exponunt. Summis copiis castra oppugnata demonstrant, cum crebro integri defessis succederent nostrosque assiduo labore defatigarent, quibus propter magnitudinem castrorum perpetuo esset iisdem in vallo permanendum. Multitudine sagit-³ tarum atque omnis generis telorum multos vulneratos; ad haec sustinenda magno usui fuisse tormenta. Fa-⁴ bium discessu eorum duabus relictis portis obstruere ceteras pluteosque vallo addere et se in posterum diem similemque casum apparare. His rebus cognitis⁵ Caesar summo studio militum ante ortum solis in castra pervenit.

42. Dum haec ad Gergoviam geruntur, Aedui primis nuntiis ab Litavico acceptis nullum sibi ad cognoscendum spatium relinquunt. Impellit alios² avaritia, alios iracundia et temeritas, quae maxime illi hominum generi est innata, ut levem auditionem habeant pro re comperta. Bona civium Romanorum³ diripiunt, caedes faciunt, in servitutem abstrahunt. Adiuvat rem proclinatam Convictolitavis plebemque⁴ ad furorem impellit, ut facinore admissio ad sanitatem reverti pudeat. Marcum Aristium, tribunum⁵

militum, iter ad legionem facientem fide data ex oppido Cabillono educunt; idem facere cogunt eos, ⁶ qui negotiandi causa ibi constiterant. Hos continuo in itinere adorti omnibus impedimentis exuunt; repugnantes diem noctemque obsident; multis utrimque interfectis maiorem multitudinem armatorum concitant.

43. Interim nuntio allato, omnes eorum milites in potestate Caesaris teneri, concurrunt ad Aristium, ² nihil publico factum consilio demonstrant; quaestionem de bonis direptis decernunt, Litavici fratrumque bona publicant, legatos ad Caesarem sui ³ purgandi gratia mittunt. Haec faciunt recuperandorum suorum causa; sed contaminati facinore et capti compendio ex direptis bonis, quod ea res ad multos pertinebat, timore poenae exterriti consilia clam de bello inire incipiunt civitatesque reliquas ⁴ legationibus sollicitant. Quae tametsi Caesar intellegebat, tamen quam mitissime potest legatos appellat: nihil se propter inscientiam levitatemque vulgi gravius de civitate iudicare neque de sua in Aeduos ⁵ benevolentia deminuere. Ipse maiorem Galliae motum exspectans, ne ab omnibus civitatibus circumsteteretur, consilia inibat, quemadmodum ab Gergovia discederet ac rursus omnem exercitum contraheret, ne profectio nata ab timore defectionis similis fugae videretur.

44. Haec cogitanti accidere visa est facultas bene rei gerendae. Nam cum in minora castra operis perspiciendi causa venisset, animadvertit collem, qui ab hostibus tenebatur, nudatum hominibus, qui supe-

rrioribus diebus vix prae multitudine cerni poterat. Admiratus quaerit ex perfugis causam, quorum magnus ad eum cotidie numerus confluebat. Constabat inter omnes, quod iam ipse Caesar per exploratores cognoverat, dorsum esse eius iugi silvestre et angustum, sed hinc prope aequum, qua esset aditus ad alteram partem oppidi; vehementer huic illos loco timere nec iam aliter sentire uno colle ab Romanis occupato, si alterum amisissent, quin paene circumvallati atque omni exitu et pabulatione interclusi viderentur: ad hunc muniendum omnes a Vercingetorige evocatos.

45. Hac re cognita Caesar mittit complures equitum turmas; eis de media nocte imperat ut paulo tumultuosius omnibus locis vagarentur. Prima luce magnum numerum impedimentorum ex castris mulorumque produci deque his stramenta detrahi mulionesque cum cassidibus equitum specie ac simulatione collibus circumvehi iubet. His paucos addit equites, qui latius ostentationis causa vagarentur. Longo circuitu easdem omnes iubet petere regiones. Haec procul ex oppido videbantur, ut erat a Gerovia despectus in castra, neque tanto spatio, certi quid esset, explorari poterat. Legionem unam eodem iugo mittit et paulum progressam inferiore constituit loco silvisque occultat. Augetur Gallis suspicio, atque omnes illo ad munitionem copiae traducuntur. Vacua castra hostium Caesar conspicatus tectis insignibus suorum occultatisque signis militaribus raros milites, ne ex oppido animadverterentur, ex maioribus castris in minora traducit legatisque, quos sin-

gulis legionibus praefecerat, quid fieri velit, ostendit; imprimis monet, ut contineant milites, ne studio pugnandi aut spe praedae longius progrediantur; 9 quid iniquitas loci habeat incommodi, proponit; hoc una celeritate posse mutari; occasionis esse rem, non 10 proelii. His rebus expositis signum dat et ab dextra parte alio ascensu eodem tempore Aeduos mittit.

46. Oppidi murus a planicie atque initio ascensus recta regione, si nullus amfractus intercederet, 2 MCC passus aberat: quidquid huc circuitus ad molliendum clivum accesserat, id spatium itineris augebat. A medio fere colle in longitudinem, ut natura montis ferebat, ex grandibus saxis sex pedum murum, qui nostrorum impetum tardaret, praeduxerant Galli atque inferiore omni spatio vacuo relicto superiorem partem collis usque ad murum oppidi densissimis 4 castris compleverant. Milites dato signo celeriter ad munitionem perveniunt eamque transgressi trinis 5 castris potiuntur; ac tanta fuit in castris capiendis celeritas, ut Teutomatus, rex Nitio brogum, subito in tabernaculo oppressus, ut meridie conquieverat, superiore corporis parte nudata, vulnerato equo vix se ex manibus praedantium militum eriperet.

47. Consecutus id, quod animo proposuerat, Caesar receptui cani iussit legionique decimae, quae cum erat, contionatum signa constituit. Ac reliquarum legionum milites non exaudito sono tubae, quod satis magna valles intercedebat, tamen ab tribunis militum legatisque, ut erat a Caesare praeceptum, 3 retinebantur. Sed elati spe celeris victoriae et hostium fuga et superiorum temporum secundis proeliis

nihil adeo arduum sibi esse existimaverunt, quod non virtute consequi possent, neque finem prius sequendi fecerunt, quam muro oppidi portisque appropinquarunt. Tum vero ex omnibus urbis partibus⁴ orto clamore qui longius aberant, repentino tumultu perterriti, cum hostem intra portas esse existimarent, sese ex oppido eiecerunt. Matresfamiliae de muro vestem argentumque iactabant et pectore nudo prominentes passis manibus obtestabantur Romanos, ut sibi parcerent neu, sicut Avarici fecissent, ne a mulieribus quidem atque infantibus abstinerent; nonnullae de muris per manus demissae sese militibus tradebant. Lucius Fabius, centurio legionis VIII,⁷ quem inter suos eo die dixisse constabat excitari se Avaricensibus praemiis neque commissurum, ut prius quisquam murum ascenderet, tres suos nactus manipulares atque ab iis sublevatus murum ascendit; hos ipse rursus singulos exceptans in murum extulit.

48. Interim ii, qui ad alteram partem oppidi, ut supra demonstravimus, munitionis causa conveniant, primo exaudito clamore, inde etiam crebris nuntiis incitati, oppidum a Romanis teneri, praemissis equitibus magno concursu eo contenderunt. Eorum ut quisque primus venerat, sub muro consistebat suorumque pugnantium numerum augebat. Quorum cum magna multitudo convenisset, matresfamiliae, quae paulo ante Romanis de muro manus tendebant, suos obtestari et more Gallico passum capillum ostentare liberosque in conspectum proferre coeperunt. Erat Romanis nec loco nec numero⁴ aequa contentio; simul et cursu et spatio pugnae

defatigati non facile recentes atque integros sustinebant.

49. Caesar, cum iniquo loco pugnari hostiumque augeri copias videret, praemetuens suis ad Titum Sextium legatum, quem minoribus castris praesidio reliquerat, misit, ut cohortes ex castris celeriter educeret et sub infimo colle ab dextro latere hostium constitueret, ut, si nostros loco depulsos vidisset, quo minus libere hostes insequerentur, terreret. Ipse paulum ex eo loco cum legione progressus, ubi constiterat, eventum pugnae expectabat.

50. Cum acerrime comminus pugnaretur, hostes loco et numero, nostri virtute confiderent, subito sunt Aedui visi ab latere nostris aperto, quos Caesar ab dextra parte alio ascensu manus distinendae causa miserat. Hi similitudine armorum vehementer nostros perterruerunt, ac tametsi dextris umeris exsertis animadvertabantur, quod insigne pacatum esse consuerat, tamen id ipsum sui fallendi causa milites ab hostibus factum existimabant. Eodem tempore Lucius Fabius centurio quique una murum ascenderant circumventi atque interfecti muro praecipitabantur. Marcus Petronius, eiusdem legionis centurio, cum portas excidere conatus esset, a multitudine oppressus ac sibi desperans multis iam vulneribus acceptis manipularibus suis, qui illum secuti erant, 'quoniam', inquit, 'me una vobiscum servare non possum, vestrae quidem certe vitae prospiciam, quos cupiditate gloriae adductus in periculum deduxi. Vos data facultate vobis con-

sulite.' Simul in medios hostes irrupit duobusque⁵ interfectis reliquos a porta paulum submovit. Conantibus auxiliari suis, 'frustra,' inquit, 'meae vitae subvenire conamini, quem iam sanguis viresque deficiunt. Proinde abite, dum est facultas, vosque ad legionem recipite.' Ita pugnans post paulum concidit ac suis saluti fuit.

51. Nostri, cum undique premerentur, XLVI centurionibus amissis deiecti sunt loco. Sed intolerantius Gallos insequentes legio decima tardavit, quae pro subsidio paulo aequiore loco constiterat. Hanc² rursus XIII. legionis cohortes exceperunt, quae ex castris minoribus eductae cum Tito Sextio legato ceperant locum superiorem. Legiones, ubi primum³ planiciem attigerunt, infestis contra hostes signis constiterunt. Vercingetorix ab radicibus collis suos⁴ intra munitiones reduxit. Eo die milites sunt paulo minus septingenti desiderati.

52. Postero die Caesar contiōne advocata temeritatem cupiditatemque militum reprehendit, quod sibi ipsi iudicavissent, quo procedendum aut quid agendum videretur, neque signo recipiendi dato constitissent neque ab tribunis militum legatisque retineri potuissent. Exposuit, quid iniquitas loci posset, quid ipse ad Avaricum sensisset, cum sine duce et sine equitatu deprehensis hostibus exploratam victoriam dimisisset, ne parvum modo detrimentum in contentione propter iniquitatem loci accideret. Quanto opere eorum animi magnitudinem⁵ admiraretur, quos non castrorum munitiones, non altitudo montis, non murus oppidi tardare potuisset,

tanto opere licentiam arrogantiamque reprehendere, quod plus se quam imperatorem de victoria atque exitu rerum sentire existimarent; nec minus se ab milite modestiam et continentiam quam virtutem atque animi magnitudinem desiderare.

53. Hac habita contione et ad extremam orationem confirmatis militibus, ne ob hanc causam animo permoverentur neu, quod iniquitas loci attulisset, id virtuti hostium tribuerent, eadem de protectione cogitans, quae ante senserat, legiones ex castris eduxit aciemque idoneo loco constituit. Cum Vercingetorix nihilo magis in aequum locum descenderet, levi facto equestri proelio atque secundo in castra exercitum reduxit. Cum hoc idem postero die fecisset, satis ad Gallicam ostentationem minuendam militumque animos confirmandos factum existimans in Aeduos movit castra. Ne tum quidem insecutis hostibus tertio die ad flumen Elaver pontes refecit eoque exercitum traducit.

54. Ibi a Viridomaro atque Eporedorige Aeduis appellatus discit cum omni equitatu Litavicum ad sollicitandos Aeduos profectum; opus esse ipsos antecedere ad confirmandam civitatem. Etsi multis iam rebus perfidiam Aeduorum perspectam habebat atque horum discessu admaturari defectionem civitatis existimabat, tamen eos retinendos non constituit, ne aut inferre iniuriam videretur aut dare timoris aliquam suspicionem. Discedentibus his breviter sua in Aeduos merita exposuit, quos et quam humiles accepiisset, compulsos in oppida, multatos agris, omnibus ereptis copiis, imposito stipendio,

obsidibus summa cum contumelia extortis, et quam in fortunam quamque in amplitudinem deduxisset, ut non solum in pristinum statum redissent, sed omnium temporum dignitatem et gratiam antecessisse viderentur. His datis mandatis eos ab se dimisit.

55. Noviodunum erat oppidum Aeduorum ad ripas Ligeris opportuno loco positum. Huc Caesar² omnes obsides Galliae, frumentum, pecuniam publicam, suorum atque exercitus impedimentorum magnam partem contulerat; huc magnum numerum³ equorum huius belli causa in Italia atque Hispania coëmtum miserat. Eo cum Eporedorix Viridoma-⁴ rusque venissent et de statu civitatis cognovissent, Litavicum Bibracti ab Aeduis receptum, quod est oppidum apud eos maximae auctoritatis, Convictolitavim magistratum magnamque partem senatus ad eum convenisse, legatos ad Vercingetorigem de pace et amicitia concilianda publice missos, non praetermittendum tantum commodum existimaverunt. Itaque interfectis Novioduni custodibus quique eo⁵ negotiandi causa convenerant, pecuniam atque equos inter se partiti sunt; obsides civitatum Bibracte ad⁶ magistratum deducendos curaverunt; oppidum, quod⁷ a se teneri non posse iudicabant, ne cui esset usui Romanis, incenderunt; frumenti quod subito potue-⁸ runt navibus avexerunt, reliquum flumine atque incendio corruperunt. Ipsi ex finitimis regionibus⁹ copias cogere, praesidia custodiasque ad ripas Ligeris disponere equitatumque omnibus locis iniciendi timoris causa ostentare coeperunt, si ab re frumentaria Romanos excludere aut adductos inopia in

¹⁰ provinciam expellere possent. Quam ad spem multum eos adiuwabatur, quod Liger ex nivibus creverat, ut omnino vado non posse transiri videretur.

56. Quibus rebus cognitis Caesar maturandum sibi censuit, si esset in perficiendis pontibus periclitandum, ut prius, quam essent maiores eo coactae ²copiae, dimicaret. Nam ut commutato consilio iter in provinciam converteret, ut ne metu quidem necessario faciundum existimabat, cum infamia atque indignitas rei et oppositus mons Cevenna viarumque difficultas impendebat, tum maxime, quod abiuncto Labieno atque iis legionibus, quas una miserat, ³vehementer timebat. Itaque admodum magnis diurnis nocturnisque itineribus confectis contra omnium ⁴opinionem ad Ligerem venit vadoque per equites invento pro rei necessitate opportuno, ut brachia modo atque umeri ad sustinenda arma liberi ab aqua esse possent, disposito equitatu, qui vim fluminis refringeret, atque hostibus primo ⁵aspectu perturbatis incolumem exercitum traduxit frumentumque in agris et pecoris copiam nactus repleto his rebus exercitu iter in Senones facere instituit.

57. Dum haec apud Caesarem geruntur, Labienus eo supplemento, quod nuper ex Italia venerat, relicto Agedinci, ut esset impedimentis praesidio, cum quattuor legionibus Lutetiam proficiscitur. Id est oppidum Parisiorum, quod positum est in insula ²fluminis Sequanae. Cuius adventu ab hostibus cognito magnae ex finitimis civitatibus copiae ³convennerunt. Summa imperii traditur Camulogeno Aulercio, qui prope confectus aetate tamen propter singularem

scientiam rei militaris ad eum est honorem evocatus. Is cum animadvertisset perpetuam esse paludem, quae influeret in Sequanam atque illum omnem locum magnopere impediret, hic consedit nostrosque transitu prohibere instituit.

58. Labienus primo vineas agere, cratibus atque aggere paludem explere atque iter munire conabatur. Postquam id difficilius confieri animadvertit, silentio² e castris tertia vigilia egressus eodem, quo venerat, itinere Metiosedum pervenit. Id est oppidum Senonum in insula Sequanae positum, ut paulo ante de Lutetia diximus. Deprensas navibus circiter quinquaginta celeriterque coniunctis atque eo militibus iniectis et rei novitate perterritis oppidanis, quorum magna pars erat ad bellum evocata, sine contentione oppido potitur. Refecto ponte, quem superioribus diebus hostes resciderant, exercitum traducit et secundo flumine ad Lutetiam iter facere coepit. Hostes re cognita ab iis, qui Metiosedo fugerant,⁶ Lutetiam incendi pontesque eius oppidi rescindi iubent; ipsi praesaepi palude ad ripas Sequanae e regione Lutetiae contra Labieni castra considunt.

59. Iam Caesar a Gergovia discessisse audiebatur, iam de Aeduorum defectione et secundo Galliae motu rumores afferebantur, Gallique in colloquiis interclusum itinere et Ligeri Caesarem inopia frumenti coactum in provinciam contendisse confirmabant. Bellovaci autem defectione Aeduorum² cognita, qui ante erant per se infideles, manus cogere atque aperte bellum parare coeperunt. Tum³ Labienus tanta rerum commutatione longe aliud

sibi capiendum consilium, atque antea senserat, intellegebat neque iam, ut aliquid acquireret proelioque hostes lacesseret, sed ut incolumem exercitum
⁴ Agedincum reduceret, cogitabat. Namque altera ex parte Bellovaci, quae civitas in Gallia maximam habet opinionem virtutis, instabant, alteram Camulogenus parato atque instructo exercitu tenebat; tum legiones a praesidio atque impedimentis interclusas
⁵ maximum flumen distinebat. Tantis subito difficultatibus obiectis ab animi virtute auxilium petendum videbat.

60. Sub vesperum consilio convocato cohortatus, ut ea, quae imperasset, diligenter industrieque administrarent, naves, quas Metiosedo deduxerat, singulas equitibus Romanis attribuit et prima confecta vigilia quattuor milia passuum secundo flumine silentio progredi ibique se exspectare iubet.
² Quinque cohortes, quas minime firmas ad dimicandum esse existimabat, castris praesidio relinquit;
³ quinque eiusdem legionis reliquas de media nocte cum omnibus impedimentis adverso flumine magno
⁴ tumultu proficisci imperat. Conquirat etiam lintres; has magno sonitu remorum incitatas in eandem partem mittit. Ipse post paulo silentio egressus cum tribus legionibus eum locum petit, quo naves appellari iusserat.

61. Eo cum esset ventum, exploratores hostium, ut omni fluminis parte erant dispositi, inopinantes, quod magna subito erat coorta tempestas, ab nostris
² opprimuntur; exercitus equitatusque equitibus Romanis administrantibus, quos ei negotio praefecerat,

celeriter transmittitur. Uno fere tempore sub lucem³ hostibus nuntiatur, in castris Romanorum praeter consuetudinem tumultuari, et magnum ire agmen adverso flumine sonitumque remorum in eadem parte exaudiri et paulo infra milites navibus transportari. Quibus rebus auditis, quod existimabant tribus locis⁴ transire legiones atque omnes perturbatos defectione Aeduorum fugam parare, suas quoque copias in tres partes distribuerunt. Nam praesidio e regione castrorum relicto et parva manu Metiosedum versus missa, quae tantum progrediatur, quantum naves processissent, reliquas copias contra Labienum duxerunt.

62. Prima luce et nostri omnes erant transportati, et hostium acies cernebatur. Labienus milites² cohortatus, ut suae pristinae virtutis et secundissimorum proeliorum retinerent memoriam atque ipsum Caesarem, cuius ductu saepenumero hostes superassent, praesentem adesse existimarent, dat signum proelii. Primo concursu ab dextro cornu, ubi septima³ legio constiterat, hostes pelluntur atque in fugam coniciuntur; ab sinistro, quem locum duodecima⁴ legio tenebat, cum primi ordines hostium transfixi telis concidissent, tamen acerrime reliqui resistebant, nec dabat suspicionem fugae quisquam. Ipse dux⁵ hostium Camulogenus suis aderat atque eos cohortabatur. Incerto nunc etiam exitu victoriae, cum⁶ septimae legionis tribunis esset nuntiatum, quae in sinistro cornu gererentur, post tergum hostium legionem ostenderunt signaque intulerunt. Ne eo qui-⁷dem tempore quisquam loco cessit, sed circumventi

8 omnes interfectique sunt. Eandem fortunam tulit
Camulogenus. At ii, qui praesidio contra castra La-
bieni erant relictī, cum proelium commissum audis-
sent, subsidio suis ierunt collemque ceperunt, neque
9 nostrorum militum victorum impetum sustinere po-
tuerunt. Sic cum suis fugientibus permixti, quos
non silvae montesque texerunt, ab equitatu sunt
10 interfecti. Hoc negotio confecto Labienus revertitur
Agedincum, ubi impedimenta totius exercitus relictā
erant; inde cum omnibus copiis ad Caesarem pervenit.

63. Defectione Aeduorum cognita bellum auge-
2 tur. Legationes in omnes partes circummittuntur:
quantum gratia, auctoritate, pecunia valent, ad solli-
3 citandas civitates nituntur; nacti obsides, quos Cae-
sar apud eos deposuerat, horum supplicio dubitantes
4 territant. Petunt a Vercingetorige Aedui, ut ad se
5 veniat rationesque belli gerendi communicet. Re
impetrata contendunt, ut ipsis summa imperii trada-
tur, et re in controversiam deducta totius Galliae
6 concilium Bibracte indicitur. Eodem conveniunt un-
dique frequentes. Multitudinis suffragiis res permit-
titur: ad unum omnes Vercingetorigem probant im-
7 peratorem. Ab hoc concilio Remi, Lingones, Treveri
afuerunt: illi, quod amicitiam Romanorum seque-
bantur; Treveri, quod aberant longius et ab Germanis
premebantur, quae fuit causa, quare toto abessent
8 bello et neutris auxilia mitterent. Magno dolore
Aedui ferunt se deiectionis principatu, queruntur for-
tunae commutationem et Caesaris indulgentiam in
se requirunt, neque tamen suscepto bello suum con-
9 silium ab reliquis separare audent. Inviti summae

spei adulescentes Eporedorix et Viridomarus Vercingetorigi parent.

64. Ipse imperat reliquis civitatibus obsides dedendique constituit diem; ad hunc omnes equites, quindecim milia numero, celeriter convenire iubet. Peditatu, quem antea habuerat, se fore contentum² dicit, neque fortunam temptaturum aut in acie dimicaturum, sed, quoniam abundet equitatu, perfacile esse factu frumentationibus pabulationibusque Romanos prohibere; aequo modo animo sua ipsi frumenta corrumpant aedificiaque incendant, qua rei⁴ familiaris iactura perpetuum imperium libertatemque se consequi videant. His constitutis rebus Aeduis⁵ Segusiavisque, qui sunt finitimi provinciae, decem milia peditum imperat; huc addit equites octingentos. His praeficit fratrem Eporedorigis bellumque inferri Allobrogibus iubet. Altera ex parte Gabalos proximosque pagos Arvernorum in Helvios, item Rutenos Cadurcosque ad fines Volcarum Arecomicorum depopulandos mittit. Nihilo minus clandestinis nuntiis⁷ legationibusque Allobrogas sollicitat, quorum mentes nondum ab superiore bello resedisse sperabat. Horum⁸ principibus pecunias, civitati autem imperium totius provinciae pollicetur.

65. Ad hos omnes casus provisa erant praesidia cohortium duarum et viginti, quae ex ipsa provincia ab Lucio Caesare legato ad omnes partes opponebantur. Helvii sua sponte cum finitimis proelio congressi pelluntur et Gaio Valerio Donnotauro, Cauri filio, principe civitatis, compluribusque aliis interfectis intra oppida ac muros compelluntur. Allo-

broges crebris ad Rhodanum dispositis praesidiis magna cum cura et diligentia suos fines tuentur.

4 Caesar, quod hostes equitatu superiores esse intellegebat et interclusis omnibus itineribus nulla re ex provincia atque Italia sublevari poterat, trans Rhenum in Germaniam mittit ad eas civitates, quas superioribus annis pacaverat, equitesque ab his arcessit et levis armaturae pedites, qui inter eos proeliari consuerant. Eorum adventu, quod minus idoneis equis utebantur, a tribunis militum reliquisque [sed et] equitibus Romanis atque evocatis equos sumit Germanisque distribuit.

66. Interea, dum haec geruntur, hostium copiae ex Arvernīs equitesque, qui toti Galliae erant imperati, conveniunt. Magno horum coacto numero, cum Caesar in Sequanos per extremos Lingonum fines iter faceret, quo facilius subsidium provinciae ferri posset, circiter milia passuum decem ab Romanis strinis castris Vercingetorix consedit convocatisque ad concilium praefectis equitum venisse tempus victoriae demonstrat. Fugere in provinciam Romanos Galliaeque excedere. Id sibi ad praesentem obtinendam libertatem satis esse; ad reliqui temporis pacem atque otium parum profici; maioribus enim coactis copiis reversuros neque finem bellandi facturos. Proinde agmine impeditos adorirentur. Si pedites suis auxilium ferant atque in eo morentur, iter facere non posse; si, id quod magis futurum confidat, relictis impedimentis suae salutis consulant, et rerum necessariarum et dignitate spoliatum iri de equitibus hostium, quin nemo eorum

modo extra agmen audeat, et ipsos quidem non debere dubitare, et quo maiore faciant animo, copias se omnes pro castris habiturum et terrori hostibus futurum. Conclamant equites: sanctissimo iureiurando confirmari oportere, ne tecto recipiatur, ne ad liberos, ne ad parentes, ad uxorem aditum habeat, qui non bis per agmen hostium perequitasset.

67. Probata re atque omnibus iureiurando adactis postero die in tres partes distributo equitatu duae se acies ab duobus lateribus ostendunt, una a primo agmine iter impedire coepit. Qua re nuntiata Caesar suum quoque equitatum tripertito divisum contra hostem ire iubet. Pugnatur una omnibus in partibus. Consistit agmen; impedimenta inter legiones recipiuntur. Si qua in parte nostri laborare aut gravius premi videbantur, eo signa inferri Caesar aciemque constitui iubebat; quae res et hostes ad insequendum tardabat et nostros spe auxilii confirmabat. Tandem Germani ab dextro latere summum iugum nacti hostes loco depellunt; fugientes usque ad flumen, ubi Vercingetorix cum pedestribus copiis consederat, persequuntur compluresque interficiunt. Qua re animadversa reliqui, ne circumirentur, veritatem se fugae mandant. Omnibus locis fit caedes. Tres nobilissimi Aedui capti ad Caesarem perducuntur: Cotus, praefectus equitum, qui controversiam cum Convictolitavi proximis comitiis habuerat, et Cavarillus, qui post defectionem Litavici pedestribus copiis praefectus erat. Vercingetorix, quo duce ante adactis bellis con-

68. Fugato omni equitatu Vercingetorix copias, ut pro castris collocaverat, reduxit protinusque Alesiam, quod est oppidum Mandubiorum, iter facere coepit celeriterque impedimenta ex castris educi et² se subsequi iussit. Caesar impedimentis in proximum collem deductis, duabus legionibus praesidio relictis, secutus quantum diei tempus est passum, circiter tribus milibus hostium ex novissimo agmine interfectis altero die ad Alesiam castra fecit. Perspecto urbis situ perterritisque hostibus, quod equitatu, qua maxime parte exercitus confidebant, erant pulsī, adhortatus ad laborem milites circumvallare instituit.

69. Ipsum erat oppidum Alesia in colle summo admodum edito loco, ut nisi obsidione expugnari² non posse videretur; cuius collis radices duo duabus³ ex partibus flumina subleebant. Ante id oppidum planicies circiter milia passuum tria in longitudinem⁴ patebat; reliquis ex omnibus partibus colles mediocri interiecto spatio pari altitudinis fastigio oppidum⁵ cingebant. Sub muro, quae pars collis ad orientem solem spectabat, hunc omnem locum copiae Gallorum compleverant fossamque et maceriam sex in⁶ altitudinem pedum praeduxerant. Eius munitionis, quae ab Romanis instituebatur, circuitus XI milia⁷ passuum tenebat. Castra opportunis locis erant posita ibique castella viginti tria facta; quibus in castellis interdiu stationes ponebantur, ne qua subito eruptio fieret; haec eadem noctu excubitoribus ac firmis praesidiis tenebantur.

70. Opere instituto fit equestre proelium in ea planicie, quam intermissam collibus tria milia pas-

suum in longitudinem patere supra demonstravimus. Summa vi ab utrisque contenditur. Laborantibus² nostris Caesar Germanos submittit legionesque pro castris constituit, ne qua subito irruptio ab hostium peditatu fiat. Praesidio legionum addito nostris ani-³mus augetur; hostes in fugam coniecti se ipsi multitudine impediunt atque angustioribus portis relictis coacervantur. Germani acrius usque ad munitiones⁴ sequuntur. Fit magna caedes; nonnulli relictis equis⁵ fossam transire et maceriam transcendere conantur. Paulum legiones Caesar, quas pro vallo constituerat, promoveri iubet. Non minus, qui intra munitiones⁶ erant, perturbantur Galli; venire ad se confestim existimantes ad arma conclamant; nonnulli perterriti in oppidum irrumpunt. Vercingetorix iubet portas⁷ claudi, ne castra nudentur. Multis interfectis, compluribus equis captis Germani sese recipiunt.

71. Vercingetorix, priusquam munitiones ab Romanis perficiantur, consilium capit omnem ab se equitatum noctu dimittere. Discedentibus mandat, ut² suam quisque eorum civitatem adeat omnesque, qui per aetatem arma ferre possint, ad bellum cogant. Sua in illos merita proponit obtestaturque, ut suae salutis rationem habeant, neu se optime de communi libertate meritum hostibus in cruciatum dedant. Quod si indiligentiores fuerint, milia hominum delecta octoginta una secum interitura demonstrat. Ratione inita exigue dierum se habere xxx frumen-⁴tum, sed paulo etiam longius tolerari posse pariendo. His datis mandatis, qua opus erat inter-⁵missum, secunda vigilia silentio equitatum dimittit.

6 Frumentum omne ad se referri iubet; capitis poenam
7 iis, qui non paruerint, constituit; pecus, cuius magna
erat copia ab Mandubiis compulsa, viritim distribuit;
8 frumentum parce et paulatim metiri instituit. Copias
omnes, quas pro oppido collocaverat, in oppidum
9 recepit. His rationibus auxilia Galliae exspectare et
bellum parat administrare.

72. Quibus rebus cognitis ex perfugis et captivis
Caesar haec genera munitionis instituit. Fossam
pedum viginti directis lateribus duxit, ut eius fossae
solum tantundem pateret, quantum summae fossae
2 labra distarent. Reliquas omnes munitiones ab ea
fossa pedes quadringentos reduxit, id hoc consilio,
quoniam tantum esset necessario spatium complexus,
nec facile totum corpus corona militum cingeretur,
ne de improvviso aut noctu ad munitiones hostium
multitudo advolaret, aut interdiu tela in nostros
3 operi destinatos conicere possent. Hoc intermisso
spatio duas fossas quindecim pedes latas, eadem
altitudine perduxit; quarum anteriorem campestribus
ac demissis locis aqua ex flumine derivata complevit.
4 Post eas aggerem ac vallum XXII pedum extruxit.
Huic loricam pinnaeque adiecit grandibus cervis
eminentibus ad commissuras pluteorum atque agge-
ris, qui ascensum hostium tardarent, et turres toto
operi circumdedit, quae pedes LXXX inter se distarent.

73. Erat eodem tempore et materiari et frumen-
tari et tantas munitiones fieri necesse deminutis
nostris copiis, quae longius ab castris progrediebantur;
ac nonnumquam opera nostra Galli temptare
atque eruptionem ex oppido pluribus portis summa

vi facere conabantur. Quare ad haec rursus opera² addendum Caesar putavit, quo minore numero militum munitiones defendi possent. Itaque truncis arborum admodum firmis ramis abscisis atque horum delibratis ac praeacutis cacuminibus perpetuae fossae quinos pedes altae ducebantur. Huc illi stipites³ demissi et ab infimo revincti, ne revelli possent, ab ramis eminebant. Quini erant ordines coniuncti inter se atque implicati; quo qui intraverant, se ipsi acutissimis vallis induebant. Hos cippos appellabant. Ante quos obliquis ordinibus in quincuncem dispositis scrobes tres in altitudinem pedes fodiebantur paulatim angustiore ad infimum fastigio. Huc teretes⁶ stipites feminis crassitudine ab summo praeacuti et praeusti demittebantur, ita ut non amplius digitis quattuor ex terra emerent; simul confirmandi et stabiliendi causa singuli ab infimo solo pedes terra exculcabantur, reliqua pars scrobis ad occultandas insidias viminibus ac virgultis integebatur. Huius⁸ generis octoni ordines ducti ternos inter se pedes distabant. Id ex similitudine floris lilium appellabant. Ante haec taleae pedem longae ferreis hamis⁹ infixis totae in terram infodiebantur mediocribusque intermissis spatiis omnibus locis disserebantur; quos stimulos nominabant.

74. His rebus perfectis regiones secutus quam potuit aequissimas pro loci natura quattuordecim milia passuum complexus pares eiusdem generis munitiones, diversas ab his, contra exteriorem hostem perfecit, ut ne magna quidem multitudine, si ita accidat, discessu munitionum praesidia circumfundi

² possent; ne autem cum periculo ex castris egredi cogatur, dierum triginta pabulum frumentumque habere omnes convectum iubet.

75. Dum haec apud Alesiam geruntur, Galli concilio principum indicto non omnes eos, qui arma ferre possent, ut censuit Vercingetorix, convocandos statuunt, sed certum numerum cuique ex civitate imperandum, ne tanta multitudine confusa nec moderari nec discernere suos nec frumentandi rationem ² habere possent. Imperant Aeduis atque eorum clientibus, Segusiavis, Ambiuaretis, Aulercis, Brannovicibus, Brannoviis, milia xxxv; parem numerum Arvernīs adiunctis Eleutetis, Cadurcis, Gabalis, Vellaviis, qui sub imperio Arvernorum esse consuerunt; ³ Sequanis, Senonibus, Biturigibus, Santonis, Rutenis, Carnutibus duodena milia; Bellovacis x; totidem Lemovicibus; octona Pictonibus et Turonis et Parisiis et Helvetiis; sena Andibus, Ambianis, Mediomatricis, Petrocoriis, Nervii, Morinis, Nitiobrogibus; v milia Aulercis Cenomanis; totidem Atrebatibus; quaterna Vellocassis et Aulercis Eburovici-
⁴ bus; terna Rauracis et Boiis; xxx universis civitatibus, quae Oceanum attingunt quaeque eorum consuetudine Armoricae appellantur, quo sunt in numero Curiosolites, Redones, Ambibarii, Caletes, ⁵ Osismi, Lexovii, Venelli. Ex his Bellovaci suum numerum non compleverunt, quod se suo nomine atque arbitrio cum Romanis bellum gesturos dicebant neque cuiusquam imperio obtemperaturos; rogati tamen ab Commio pro eius hospitio duo milia una miserunt.

76. Huius opera Commii, ut antea demonstravimus, fideli atque utili superioribus annis erat usus in Britannia Caesar; quibus ille pro meritis civitatem eius immunem esse iusserat, iura legesque reddiderat atque ipsi Morinos attribuerat. Tamen² tanta universae Galliae consensio fuit libertatis vindicandae et pristinae belli laudis recuperandae, ut neque beneficiis neque amicitiae memoria moverentur, omnesque et animo et opibus in id bellum incumberent. Coactis equitum VIII milibus et peditum³ circiter CCL, haec in Aeduorum finibus recensebantur, numerusque inibatur, praefecti constituebantur. Commio Atrebatii, Viridomaro et Eporedorigi Aeduis, Vercassivellauno Arverno, consobрино Vercingetorigis, summa imperii traditur. His delecti ex civitatibus⁴ attribuuntur, quorum consilio bellum administraretur. Omnes alacres et fiduciae pleni ad Alesiam⁵ proficiscuntur, neque erat omnium quisquam, qui aspectum modo tantae multitudinis sustineri posse arbitraretur, praesertim ancipiti proelio, cum ex oppido eruptione pugnaretur, foris tantae copiae equitatus peditatusque cernerentur.

77. At ii, qui Alesiae obsidebantur, praeterita die, qua auxilia suorum exspectaverant, consumpto omni frumento inscii, quid in Aeduis gereretur, concilio coacto de exitu suarum fortunarum consultabant. Ac variis dictis sententiis, quarum pars de² ditionem, pars, dum vires suppeterent, eruptionem censebat, non praetereunda oratio Critognati videtur propter eius singularem et nefariam crudelitatem. Hic summo in Arvernibus ortus loco et magnae ha³

bitus auctoritatis, 'nihil', inquit, 'de eorum sententia dicturus sum, qui turpissimam servitutem deditionis nomine appellant, neque hos habendos civium loco
4 neque ad consilium adhibendos censeo. Cum his mihi res sit, qui eruptionem probant; quorum in consilio omnium vestrum consensu pristinae residere
5 virtutis memoria videtur. Animi est ista mollitia, non virtus, paulisper inopiam ferre non posse. Qui se ultro morti offerant, facilius reperiuntur, quam
6 qui dolorem patienter ferant. Atque ego hanc sententiam probarem (tantum apud me dignitas potest), si nullam praeterquam vitae nostrae iacturam fieri
7 viderem; sed in consilio capiendo omnem Galliam respiciamus, quam ad nostrum auxilium concitavi-
8 mus. Quid hominum milibus LXXX uno loco interceptis propinquis consanguineisque nostris animi fore existimatis, si paene in ipsis cadaveribus proelio
9 decertare cogentur? Nolite hos vestro auxilio exspoliare, qui vestrae salutis causa suum periculum neglexerunt, nec stultitia ac temeritate vestra aut animi imbecillitate omnem Galliam prosternere et
10 perpetuae servituti subicere. An, quod ad diem non venerunt, de eorum fide constantiaque dubitatis? Quid ergo? Romanos in illis ulterioribus munitio-
11 nibus animine causa cotidie exerceri putatis? Si illorum nuntiis confirmari non potestis omni aditu praesaep-
to, his utimini testibus appropinquare eorum adventum; cuius rei timore exterriti diem noctem-
12 que in opere versantur. Quid ergo mei consilii est? Facere, quod nostri maiores nequaquam pari bello Cimbrorum Teutonumque fecerunt; qui in oppida

compulsi ac simili inopia subacti eorum corporibus, qui aetate ad bellum inutiles videbantur, vitam toleraverunt neque se hostibus tradiderunt. Cuius rei ¹³ si exemplum non haberemus, tamen libertatis causa institui et posteris prodi pulcherrimum iudicarem. Nam quid illi simile bello fuit? Depopulata Gallia ¹⁴ Cimbri magnaue illata calamitate finibus quidem nostris aliquando excesserunt atque alias terras petierunt; iura, leges, agros, libertatem nobis reliquerunt. Romani vero quid petunt aliud aut quid ¹⁵ volunt, nisi invidia adducti, quos fama nobiles potentesque bello cognoverunt, horum in agris civitatibusque considerare atque his aeternam iniungere servitutem? Neque enim ulla alia condicione bella gesserunt. Quod si ea, quae in longinquis nationibus ¹⁶ geruntur, ignoratis, respicite finitimam Galliam, quae in provinciam redacta iure et legibus commutatis securibus subiecta perpetua premitur servitude.'

78. Sententiis dictis constituunt, ut ii, qui valetudine aut aetate inutiles sunt bello, oppido excedant, atque omnia prius experiantur, quam ad Critognati sententiam descendant; illo tamen potius ² utendum consilio, si res cogat atque auxilia morrentur, quam aut deditionis aut pacis subeundam condicionem. Mandubii, qui eos oppido receperant, ³ cum liberis atque uxoribus exire coguntur. Hi, cum ⁴ ad munitiones Romanorum accessissent, flentes omnibus precibus orabant, ut se in servitutem receptos cibo iuvarent. At Caesar dispositis in vallo custo- ⁵ dibus recipi prohibebat.

79. Interea Commius reliquique duces, quibus summa imperii permissa erat, cum omnibus copiis ad Alesiam perveniunt et colle exteriori occupato non longius mille passibus ab nostris munitionibus² considunt. Postero die equitatu ex castris educto omnem eam planiciem, quam in longitudinem tria milia passuum patere demonstravimus, complent pedestresque copias paulum ab eo loco abditas in³ locis superioribus constituunt. Erat ex oppido Alesia despectus in campum. Concurrunt his auxiliis visis; fit gratulatio inter eos, atque omnium animi ad⁴ laetitiam excitantur. Itaque productis copiis ante oppidum considunt et proximam fossam cratibus integunt atque aggere explent seque ad eruptionem atque omnes casus comparant.

80. Caesar omni exercitu ad utramque partem munitionum disposito, ut, si usus veniat, suum quisque locum teneat et noverit, equitatum ex castris² educi et proelium committi iubet. Erat ex omnibus castris, quae summum undique iugum tenebant, despectus, atque omnes milites intenti pugnae pro-³ ventum exspectabant. Galli inter equites raros sagittarios expeditosque levis armaturae interiecerant, qui suis cedentibus auxilio succurrerent et nostrorum equitum impetus sustinerent. Ab his complures de⁴ improvise vulnerati proelio excedebant. Cum suos pugna superiores esse Galli confiderent et nostros multitudine premi viderent, ex omnibus partibus et ii, qui munitionibus continebantur, et hi, qui ad auxilium convenerant, clamore et ululatu suorum⁵ animos confirmabant. Quod in conspectu omnium

res gerebatur neque recte ac turpiter factum celari poterat, utrosque et laudis cupiditas et timor ignominiae ad virtutem excitabat. Cum a meridie prope ad solis occasum dubia victoria pugnaretur, Germani una in parte confertis turmis in hostes impetum fecerunt eosque propulerunt; quibus in fugam coniectis sagittarii circumventi interfectique sunt. Item ex reliquis partibus nostri cedentes usque ad castra insecuti sui colligendi facultatem non dederunt. Atque ii, qui ab Alesia processerant, maesti prope victoria desperata se in oppidum receperunt.

81. Uno die intermisso Galli atque hoc spatio magno cratium, scalarum, harpagonum numero effecto media nocte silentio ex castris egressi ad campestris munitiones accedunt. Subito clamore sublato, qua significatione qui in oppido obsidebantur de suo adventu cognoscere possent, crates proicere, fundis, sagittis, lapidibus nostros de vallo proturbare reliquaque, quae ad oppugnationem pertinent, parant administrare. Eodem tempore clamore exaudito dat tuba signum suis Vercingetorix atque ex oppido educit. Nostri ut superioribus diebus, ut cuique erat locus attributus, ad munitiones accedunt; fundis librilibus sudibusque, quas in opere disposuerant, ac glandibus Gallos proterrent. Prospectu tenebris adempto multa utrimque vulnera accipiuntur. Complura tormentis tela coniciuntur. Atque Marcus Antonius et Gaius Trebonius legati, quibus hae partes ad defendendum obvenerant, qua ex parte nostros premi intellexerant, his auxilio ex ulterioribus castellis deductos submittebant.

82. Dum longius ab munitione aberant Galli, plus multitudine telorum proficiebant; posteaquam propius successerunt, aut se stimulis inopinantes induebant aut in scrobes delati transfodiebantur aut ex vallo ac turribus traieci pilis muralibus interiebant. Multis undique vulneribus acceptis nulla munitione perrupta, cum lux appeteret, veriti, ne ab latere aperto ex superioribus castris eruptione circumvenirentur, se ad suos receperunt. At interiores, dum ea, quae a Vercingetorige ad eruptionem praeparata erant, proferunt, priores fossas explent, diutius in his rebus administrandis morati prius suos discessisse cognoverunt, quam munitionibus appropinquarent. Ita re infecta in oppidum reverterunt.

83. Bis magno cum detrimento repulsi Galli, quid agant, consulunt; locorum peritos adhibent; ex his superiorum castrorum situs munitionesque cognoscunt. Erat a septentrionibus collis, quem propter magnitudinem circuitus opere circumplecti non potuerant nostri; necessario paene iniquo loco et leniter declivi castra fecerant. Haec Gaius Antistius Reginus et Gaius Caninius Rebilus legati cum duabus legionibus obtinebant. Cognitis per exploratores regionibus duces hostium LX milia ex omni numero deligunt earum civitatum, quae maximam virtutis opinionem habebant; quid quoque pacto agi placeat, occulte inter se constituunt; adeundi tempus definiunt, cum meridies esse videatur. His copiis Vercassivellaunum Arvernum, unum ex quattuor ducibus, propinquum Vercinge-

torigis, praeficiunt. Ille ex castris prima vigilia⁷ egressus prope confecto sub lucem itinere post montem se occultavit militesque ex nocturno labore sese reficere iussit. Cum iam meridies appropinquare⁸ videretur, ad ea castra, quae supra demonstravimus, contendit; eodemque tempore equitatus ad campestris munitiones accedere et reliquae copiae pro castris sese ostendere coeperunt.

84. Vercingetorix ex arce Alesiae suos conspicatus ex oppido egreditur; crates, longurios, musculos, falces reliquaque, quae eruptionis causa paraverat, profert. Pugnatur uno tempore omnibus² locis, atque omnia temptantur; quae minime visa pars firma est, huc concurritur. Romanorum manus³ tantis munitionibus distinetur nec facile pluribus locis occurrit. Multum ad terrendos nostros valet⁴ clamor, qui post tergum pugnantibus exstitit, quod suum periculum in aliena vident salute constare; omnia enim plerumque, quae absunt, vehementius hominum mentes perturbant.

85. Caesar idoneum locum nactus, quid quaque ex parte geratur, cognoscit; laborantibus submittit. Utrisque ad animum occurrit unum esse illud tem-²pus, quo maxime contendere conveniat: Galli, nisi³ perfregerint munitiones, de omni salute desperant; Romani, si rem obtinuerint, finem laborum omnium expectant. Maxime ad superiores munitiones labo-⁴ratur, quo Vercassivellaunum missum demonstravimus. Iniquum loci ad declivitatem fastigium magnum habet momentum. Alii tela coniciunt, alii⁵ testudine facta subeunt; defatigatis in vicem integri

succedunt. Agger ab universis in munitionem coniectus et ascensum dat Gallis et ea, quae in terra occultaverant Romani, contegit; nec iam arma nostris nec vires suppetunt.

86. His rebus cognitis Caesar Labienum cum cohortibus sex subsidio laborantibus mittit; imperat, si sustinere non posset, deductis cohortibus eruptione pugnaret; id nisi necessario ne faciat. Ipse adit reliquos, cohortatur, ne labori succumbant; omnium superiorum dimicationum fructum in eo die atque hora docet consistere. Interiores desperatis campestribus locis propter magnitudinem munitionum loca praerupta ex ascensu temptant; huc ea, quae paraverant, conferunt. Multitudine telorum ex turribus propugnantes deturbant, aggere et crateribus fossas explent, falcibus vallum ac loricam rescindunt.

87. Mittit primo Brutum adulescentem cum cohortibus Caesar, post cum aliis Gaium Fabium legatum; postremo ipse, cum vehementius pugnaretur, integros subsidio adducit. Restituto proelio ac repulsis hostibus eo, quo Labienum miserat, contendit; cohortes quattuor ex proximo castello deducit, equitum partem sequi, partem circumire exteriores munitiones et ab tergo hostes adoriri iubet. Labienus, postquam neque aggeres neque fossae vim hostium sustinere poterant, coactis una XL cohortibus, quas ex proximis praesidiis deductas fors obtulit, Caesarem per nuntios facit certiore, quid faciendum existimet. Accelerat Caesar, ut proelio intersit.

88. Eius adventu ex colore vestitus cognito, quo insigni in proeliis uti consuevit, turmisque equitum et cohortibus visis, quas se sequi iusserat, ut de locis superioribus haec declivia et devexa cernebantur, hostes proelium committunt. Utrumque² clamore sublato excipit rursus ex vallo atque omnibus munitionibus clamor. Nostri omissis pilis³ gladiis rem gerunt. Repente post tergum equitatus cernitur; cohortes aliae appropinquant. Hostesterga vertunt; fugientibus equites occurrunt. Fit magna caedes. Sedulius, dux et princeps Lemovicum, occiditur; Vercassivellaunus Arvernus vivus in fuga comprehenditur; signa militaria septuaginta quattuor ad Caesarem referuntur; pauci ex tanto numero se incolumes in castra recipiunt. Conspicati ex oppido⁵ caedem et fugam suorum desperata salute copias a munitionibus reducunt. Fit protinus hac re audita ex castris Gallorum fuga. Quod nisi crebris subsidiiis ac totius diei labore milites essent defessi, omnes hostium copiae deleri potuissent. De media⁷ nocte missus equitatus novissimum agmen consequitur: magnus numerus capitur atque interficitur; reliqui ex fuga in civitates discedunt.

89. Postero die Vercingetorix concilio convocato id bellum se suscepisse non suarum necessitatum, sed communis libertatis causa demonstrat, et quoniam sit fortunae cedendum, ad utramque² rem se illis offerre, seu morte sua Romanis satisfacere seu vivum tradere velint. Mittuntur de his rebus ad Caesarem legati. Iubet arma tradi, principes produci. Ipse in munitione pro castris con-

sedit; eo duces producuntur; Vercingetorix deditur,
 5 arma proiciuntur. Reservatis Aeduis atque Arvernīs,
 si per eos civitates recuperare posset, ex reliquis
 captivis toto exercitui capita singula praedae no-
 mine distribuit.

90. His rebus confectis in Aeduos proficiscitur;
 2 civitatem recipit. Eo legati ab Arvernīs missi quae
 3 imperaret se facturos pollicentur. Imperat magnum
 4 numerum obsidum. Legiones in hiberna mittit. Cap-
 tivorum circiter viginti milia Aeduis Arvernisque
 5 reddit. Titum Labienum duabus cum legionibus et
 equitatu in Sequanos proficisci iubet; huic Marcum
 6 Sempronium Rutilum attribuit. Gaium Fabium lega-
 tum et Lucium Minucium Basilum cum legionibus
 duabus in Remis collocat, ne quam ab finitimis
 7 Bellovacis calamitatem accipiant. Gaium Antistium
 Reginum in Ambivaretos, Titum Sextium in Bitu-
 riges, Gaium Caninium Rebilum in Rutenos cum
 8 singulis legionibus mittit. Quintum Tullium Cice-
 ronem et Publium Sulpicium Cabilloni et Matiscone
 in Aeduis ad Ararim rei frumentariae causa collo-
 9 cat. Ipse Bibracte hiemare constituit. His *ex* litteris
 cognitis Romae dierum viginti supplicatio editur.

A. HIRTII
DE BELLO GALLICO
LIBER OCTAVUS.

ARGUMENTUM.

[A. U. C. 703.] Hirtius res octavo proconsulatus anno a Caesare in Gallia gestas narraturus praefatur epistula Balbo rescripta. Gallis denuo coniurantibus c. 1, Caesar singulas civitates ex inopinato adortus Bituriges in deditionem accipit c. 2. ^f, Carnutes opprimit c. 4. 5, tertios Bellovacos debellat c. 6—22. Narrantur insidiae superiore anno iussu Labieni Commio Atrebatii paratae c. 23. Exercitu plures in partes diviso Caesar denuo Eburonum fines populatur c. 24; Labienum in Treveros mittit c. 25. Dumnacus, Andium dux, Limonem obsidens primum a C. Caninio legato superatur, mox a C. Fabio in fugam conicitur c. 26—29. Caninius Drappetem Senonem et Lucterium Cadurcum provinciam invadere conatos persequitur c. 30. Carnutes itemque Armoricae civitates a Fabio in fidem recipiuntur c. 31. Uxellodunum, quo Drappes et Lucterius confugerant, obsidetur a Caninio c. 32. 33, qui frumentandi causa ex oppido egressos repellit c. 34. 35, Drappetis castra expugnat ipsumque capit c. 36. Dum operibus Uxellodunum includitur, Caesar in Carnutes profectus de Gutruato, belli concitatore, supplicium sumit c. 37. 38. Caesaris ad Uxellodunum adventus; oppidani ab aqua prohibiti Romanorum opera incendunt; tamen fons oppidi cuniculis intercipitur c. 39—43. Oppidani ad

deditionem coacti gravibus suppliciis a Caesare afficiuntur c. 44. Treveris interim a Labieno devictis c. 45, Caesar in Aquitanos profectus eos in fidem accipit; hinc exercitum per legatos in hiberna deducit c. 46. Commius Atrebas M. Antonio quaestori se dedidit c. 47. 48.

[A. U. C. 704.] Praefatur Hirtius, cur res a Caesare nono proconsulatus anno in Gallia gestas eodem commentario absolvendas censuerit. — Ne sub finem imperii nova bella moverentur, Caesar qua potest clementia in devictas civitates utitur c. 40. Profectus in Italiam summis honoribus ab municipiis et coloniis excipitur c. 50. 51; inde quam celerrime in ulteriorem Galliam reversus exercitum ex omnibus hibernis evocatum lustrat; Labienum Galliae togatae praeficit. Initia belli civilis c. 52. 53. Legiones Caesari per causam belli Parthici detractae Pompeio traduntur c. 54. 55.

Coactus assiduis tuis vocibus, Balbe, cum cotidiana mea recusatio non difficultatis excusationem, sed inertiae videretur deprecationem habere, rem
 2 difficillimam suscepi. Caesaris nostri commentarios rerum gestarum Galliae, non cohaerentibus superiori-
 bus atque insequentibus eius scriptis, contexui novissimumque imperfectum ab rebus gestis Alexandriae confeci usque ad exitum non quidem civilis
 3 dissensionis, cuius finem nullum videmus, sed vitae Caesaris. Quos utinam qui legent scire possint quam
 invitatus susceperim scribendos, quo facilius caream stultitiae atque arrogantiae crimine, qui me mediis
 4 interposuerim Caesaris scriptis. Constat enim inter omnes nihil tam operose ab aliis esse perfectum,
 quod non horum elegantia commentariorum superetur.
 5 Qui sunt editi, ne scientia tantarum rerum scriptoribus desit, adeoque probantur omnium iudicio, ut praerepta, non praebita facultas scriptoribus

videatur. Cuius tamen rei maior nostra quam reli-⁶
quorum est admiratio: ceteri enim, quam bene atque
emendate, nos etiam, quam facile atque celeriter
eos perfecit, scimus. Erat autem in Caesare cum⁷
facultas atque elegantia summa scribendi, tum veris-
sima scientia suorum consiliorum explicandorum.
Mihi ne illud quidem accidit, ut Alexandrino atque⁸
Africano bello interesssem; quae bella quamquam
ex parte nobis Caesaris sermone sunt nota, tamen
aliter audimus ea, quae rerum novitate aut admira-
tione nos capiunt, aliter, quae pro testimonio sumus
dicturi. Sed ego nimirum, dum omnes excusationis⁹
causas colligo, ne cum Caesare conferar, hoc ipso
crimen arrogantiae subeo, quod me iudicio cuius-
quam existimem posse cum Caesare comparari. Vale.

1. Omni Gallia devicta Caesar cum a superiore
aestate nullum bellandi tempus intermisisset mili-
tesque hibernorum quiete reficere a tantis laboribus
vellet, complures eodem tempore civitates renovare
belli consilia nuntiabantur coniurationesque facere.
Cuius rei verisimilis causa afferebatur, quod Gallis²
omnibus cognitum esset neque ulla multitudine in
unum locum coacta resisti posse Romanis, nec, si
diversa bella complures eodem tempore intulissent
civitates, satis auxilii aut spatii aut copiarum habi-
tutum exercitum populi Romani ad omnia perse-
quenda; non esse autem alicui civitati sortem incom-³
modi recusandam, si tali mora reliquae possent se
vindicare in libertatem.

2. Quae ne opinio Gallorum confirmaretur,
Caesar Marcum Antonium quaestorem suis praefecit

hibernis; ipse equitum praesidio pridie Kal. Ianuarias ab oppido Bibracte proficiscitur ad legionem XIII., quam non longe a finibus Aeduorum collocaverat in finibus Biturigum, eique adiungit legionem XI.,² quae proxima fuerat. Binis cohortibus ad impedimenta tuenda relictis reliquum exercitum in copiosissimos agros Biturigum inducit, qui, cum latos fines et complura oppida haberent, unius legionis hibernis non potuerint contineri, quin bellum pararent coniurationesque facerent.

3. Repentino adventu Caesaris accidit, quod imparatis disiectisque accidere fuit necesse, ut sine timore ullo rura colentes prius ab equitatu opprimerentur,² quam confugere in oppida possent. Namque etiam illud vulgare incursionis hostium signum, quod incendiis aedificiorum intellegi consuevit, Caesaris erat interdicto sublatum, ne aut copia pabuli frumentique, si longius progredi vellet, deficeretur,³ aut hostes incendiis terrerentur. Multis hominum milibus captis perterriti Bituriges, qui primum adventum potuerant effugere Romanorum, in finitimas civitates aut privatis hospitiiis confisi aut societate⁴ consiliorum confugerant. Frustra: nam Caesar magnis itineribus omnibus locis occurrit nec dat ulli civitati spatium de aliena potius quam de domestica salute cogitandi; qua celeritate et fideles amicos retinebat et dubitantes terrore ad condiciones pacis⁵ adducebat. Tali condicione proposita Bituriges, cum sibi viderent clementia Caesaris reditum patere in eius amicitiam finitimasque civitates sine ulla poena

dedisse obsides atque in fidem receptas esse, idem fecerunt.

4. Caesar militibus pro tanto labore ac patientia, qui brumalibus diebus itineribus difficillimis, frigoribus intolerandis studiosissime permanserant in labore, ducentos sestertios, centurionibus tot milia nummum praedae nomine condonanda pollicetur legionibusque in hiberna remissis ipse se recipit die XXXX Bibracte. Ibi cum ius diceret, Bituriges ad eum, legatos mittunt auxilium petitum contra Carnutes, quos intulisse bellum sibi querebantur. Qua re cognita, cum dies non amplius decem et octo in hibernis esset moratus, legiones XIII. et VI. ex hibernis ab Arare educit, quas ibi collocatas explicandae rei frumentariae causa superiore commentario demonstratum est; ita cum duabus legionibus ad persequendos Carnutes proficiscitur.

5. Cum fama exercitus ad hostes esset perlata, calamitate ceterorum ducti Carnutes desertis vicis oppidisque, quae tolerandae hiemis causa constitutis repente exiguis ad necessitatem aedificiis incolebant (nuper enim devicti complura oppida dimiserant), dispersi profugiunt. Caesar erumpentes eos maxime tempore acerrimas tempestates cum subiro milites nollet, in oppido Carnutum Genabo castra ponit atque in tecta partim Gallorum, partim quae coniectis celeriter stramentis tentoriorum integendorum gratia *collectis* erant inaedificata, milites compegit. Equites tamen et auxiliosos pedites in omnes partes mittit, quascumque petisse dicebantur hostes; nec frustra; nam plerumque magna praeda potiti nostri

4revertuntur. Oppressi Carnutes hiemis difficultate, terrore periculi, cum tectis expulsi nullo loco diutius consistere auderent nec silvarum praesidio tempestatibus durissimis tegi possent, dispersi magna parte amissa suorum dissipantur in finitimas civitates.

6. Caesar tempore anni difficillimo, cum satis haberet convenientes manus dissipare, ne quod initium belli nasceretur, quantumque in ratione esset exploratum haberet sub tempus aestivorum nullum summum bellum posse conflari, Gaium Trebonium cum duabus legionibus, quas secum habebat, in hibernis Genabi collocavit; ipse, cum crebris legationibus Remorum certior fieret Bellovacos, qui belli gloria Gallos omnes Belgasque praestabant, finitimasque his civitates duce Correo Bellovaco et Commio Atrebate exercitus comparare atque in unum locum cogere, ut omni multitudine in fines Suessionum, qui Remis erant attributi, facerent impressionem, pertinere autem non tantum ad dignitatem, sed etiam ad salutem suam iudicaret nullam calamitatem socios optime de republica meritos accipere, legionem ex hibernis evocat rursus undecimam, litteras autem ad Gaium Fabium mittit, ut in fines Suessionum legiones duas, quas habebat, adduceret, alteramque ex duabus ab Labieno accessit. Ita, quantum hibernorum opportunitas belli-
4que ratio postulabat, perpetuo suo labore in vicem legionibus expeditionum onus iniungebat.

7. His copiis coactis ad Bellovacos proficiscitur castrisque in eorum finibus positis equitum turmas dimittit in omnes partes ad aliquos exci-

piendos, ex quibus hostium consilia cognosceret. Equites officio functi renuntiant paucos in aedificiis esse inventos, atque hos, non qui agrorum colendorum causa remansissent (namque esse undique diligenter demigratum), sed qui speculandi causa essent remissi. A quibus cum quaereret Caesar, quos loco multitudo esset Bellovacorum quodve esset consilium eorum, inveniebat: Bellovacos omnes, qui arma ferre possent, in unum locum convenisse, itemque Ambianos, Aulercos, Caletos, Veliocasses, Atrebatas; locum castris excelsum in silva circumdata palude delegisse, impedimenta omnia in ultiores silvas contulisse. Complures esse principes belli auctores, sed multitudinem maxime Correo obtemperare, quod ei summo esse odio nomen populi Romani intellexissent. Paucis ante diebus ex his castris Atrebatem Commium discessisse ad auxilia Germanorum adducenda; quorum et vicinitas propinqua et multitudo esset infinita. Constituisset autem Bellovacos omnium principum consensu, summa plebis cupiditate, si, ut diceretur, Caesar cum tribus legionibus veniret, offerre se ad dimicandum, ne miseriore ac duriore postea condicione cum toto exercitu decertare cogerentur; si maiores copias adduceret, in eo loco permanere, quem delegissent, pabulatione autem, quae propter anni tempus cum exigua tum disiecta esset, et frumentatione et reliquo commeatu ex insidiis prohibere Romanos.

8. Quae Caesar consentientibus pluribus cum cognosset atque ea, quae proponerentur, consilia plena prudentiae longeque a temeritate barbarorum

remota esse iudicaret, omnibus rebus inserviendum statuit, quo celerius hostis contempta sua paucitate
2 prodiret in aciem. Singularis enim virtutis veterimas legiones VII., VIII., VIII. habebat, summae spei delectaeque iuventutis XI., quae octavo iam stipendio tamen in collatione reliquarum nondum eandem vetustatis ac virtutis ceperat opinionem.
3 Itaque consilio advocato rebus iis, quae ad se essent delatae, omnibus expositis animos multitudinis confirmat. Si forte hostes trium legionum numero posset elicere ad dimicandum, agminis ordinem ita constituit, ut legio septima, octava, nona ante omnia irent impedimenta, deinde omnium impedimentorum agmen, quod tamen erat mediocre, ut in expeditionibus esse consuevit, cogeret undecima, ne maioris multitudinis species accidere hostibus posset, quam ipsi depoposcissent. Hac ratione
4 paene quadrato agmine instructo in conspectum hostium celerius opinione eorum exercitum adducit.

9. Cum repente instructas velut in acie certo gradu legiones accedere Galli viderunt, quorum erant ad Caesarem plena fiducia consilia perlata, sive certaminis periculo sive subito adventu sive
expectatione nostri consilii copias instruunt pro
2 castris nec loco superiore decedunt. Caesar, etsi dimicare optaverat, tamen admiratus tantam multitudinem hostium valle intermissa magis in altitudinem depressa quam late patente castra castris
3 hostium confert. Haec imperat vallo pedum duodecim muniri, loriculam pro hac ratione eius altitudinis inaedificari; fossam duplicem pedum denum

quinum lateribus deprimi directis; turres excitari crebras in altitudinem trium tabulatorum, pontibus traiectis constratisque coniungi, quorum frontes viminea lorica munirentur; ut ab hostibus duplici fossa, duplici propugnatorum ordine defenderentur, quorum alter ex pontibus, quo tutior altitudine esset, hoc audacius longiusque permetteret tela, alter, qui propior hostem in ipso vallo collocatus esset, ponte ab incidentibus telis tegeretur. Portis fores altioresque turres imposuit.

10. Huius munitionis duplex erat consilium. Namque et operum magnitudinem et timorem suum sperabat fiduciam barbaris allaturum, et cum pabulum frumentatumque longius esset proficiscendum, parvis copiis castra munitione ipsa videbat posse defendi. Interim crebro paucis utrimque procurentibus inter bina castra palude interiecta contendebatur; quam tamen paludem nonnumquam aut nostra auxilia Gallorum Germanorumque transibant acriusque hostes insequabantur, aut vicissim hostes eandem transgressi nostros longius submovebant. Accidebat autem cotidianis pabulationibus (id quod accidere erat necesse, cum raris disiectisque ex aedificiis pabulum conquireretur), ut impeditis locis dispersi pabulatores circumvenirentur; quæ res, etsi mediocre detrimentum iumentorum ac servorum nostris afferebat, tamen stultas cogitationes incitabat barbarorum, atque eo magis, quod Commius, quem perfectum ad auxilia Germanorum arcessenda docui, cum equitibus venerat; qui tametsi numero non

amplius erant quingenti, tamen Germanorum adventu barbari nitebantur.

11. Caesar, cum animadverteret hostem complures dies castris palude et loci natura munitis se tenere neque oppugnari castra eorum sine dimicatione perniciose nec locum munitionibus claudinisi a maiore exercitu posse, litteras ad Trebonium mittit, ut quam celerrime posset legionem XIII., quae cum T. Sextio legato in Biturigibus hiemabat, arcesseret atque ita cum tribus legionibus magnis itineribus ad se veniret; ipse equites in vicem Remorum ac Lingonum reliquarumque civitatum, quorum magnum numerum evocaverat, praesidio pabulationibus mittit, qui subitas incursiones hostium sustinerent.

12. Quod cum cotidie fieret, ac iam consuetudine diligentia minueretur, quod plerumque accidit diuturnitate, Bellovaci delecta manu peditum cognitis stationibus cotidianis equitum nostrorum silvestribus locis insidias disponunt eodemque equites postero die mittunt, qui primum elicerent nostros, deinde circumventos aggrederentur. Cuius mali sors incidit Remis, quibus ille dies fungendi muneris obvenerat. Namque hi, cum repente hostium equites animadvertissent ac numero superiores paucitatem contempsissent, cupidius insecuti peditibus undique sunt circumdati. Quo facto perturbati celerius, quam consuetudo fert equestris proelii, se receperunt amisso Vertisco, principe civitatis, praefecto equitum; qui cum vix equo propter aetatem posset uti, tamen consuetudine Gallorum neque aetatis

excusatione in suscipienda praefectura usus erat neque dimicari sine se voluerat. Inflantur atque incitantur hostium animi secundo proelio, principe et praefecto Remorum interfecto, nostrique detrimento admonentur diligentius exploratis locis stationes disponere ac moderatius cedentem insequi hostem.

13. Non intermitti interim cotidiana proelia in conspectu utrorumque castrorum, quae ad vada transitusque fiebant paludis. Qua contentione Germani, quos propterea Caesar transduxerat Rhenum, ut equitibus interpositi proeliarentur, cum constanter universi paludem transissent paucisque resistentibus interfectis pertinacius reliquam multitudinem essent insecuti, perterriti non solum ii, qui aut comminus opprimebantur aut eminus vulnerabantur, sed etiam, qui longius subsidiari consueverant, turpiter refugerunt, nec prius finem fugae fecerunt saepe amissis superioribus locis, cum se aut in castra suorum reciperent, aut nonnulli pudore coacti longius profugerent. Quorum periculo sic omnes copiae sunt perturbatae, ut vix iudicari posset, utrum secundis minimisque rebus insolentiores, an adverso mediocri casu timidiores essent.

14. Compluribus diebus iisdem in castris consumptis, cum propius accessisse legiones et Gaium Trebonium legatum cognosset, duces Bellovacorum veriti similem obsessionem Alesiae noctu dimittunt eos, quos aut aetate aut viribus inferiores aut inermes habebant, unaque reliqua impedimenta. Quorum perturbatum et confusum dum explicant agmen

(magna enim multitudo carrorum etiam expeditos sequi Gallos consuevit), oppressi luce copias armorum pro suis instruunt castris, ne prius Romani persequi se inciperent, quam longius agmen impedimentorum suorum processisset. At Caesar neque resistentes aggrediundos tanto collis ascensu iudicabat, neque non usque eo legiones admovendas, ut discedere ex eo loco sine periculo barbari militibus instantibus non possent. Ita, cum palude impedita a castris castra dividi videret, quae transeundi difficultas celeritatem insequendi tardare posset, atque id iugum, quod trans paludem paene ad hostium castra pertineret, mediocri vallē a castris eorum intercisum animum adverteret, pontibus palude constrata legiones traducit celeriterque in summam planiciem iugi pervenit, quae declivi fastigio duobus ab lateribus muniebatur. Ibi legionibus instructis ad ultimum iugum pervenit aciemque eo loco constituit, unde tormento missa tela in hostium cuneos conici possent.

15. Barbari confisi loci natura, cum dimicare non recusarent, si forte Romani subire collem conarentur, paulatim copias distributas dimittere non possent, ne dispersi perturbarentur, in acie permanserunt. Quorum pertinacia cognita Caesar xx cohortibus instructis castrisque eo loco metatis muniri iubet castra. Absolutis operibus pro vallo legiones instructas collocat, equites frenatis equis in statione disponit. Bellovaci, cum Romanos ad insequendum paratos viderent neque pernoctare aut diutius permanere sine periculo eodem loco possent, tale con-

silium sui recipiendi ceperunt. Fasces, ut consueve-⁵
rant [namque in acie sedere Gallos consuesse su-
perioribus commentariis Caesaris declaratum est],
per manus stramentorum ac virgultorum, quorum
summa erat in castris copia, inter se traditos ante
aciem collocarunt extremoque tempore diei signo
pronuntiato uno tempore incenderunt. Ita continens⁶
flamma copias omnes repente a conspectu texit
Romanorum. Quod ubi accidit, barbari vehemen-
tissimo cursu refugerunt.

16. Caesar, etsi discessum hostium animad-
vertere non poterat incendiis oppositis, tamen id
consilium cum fugae causa initum suspicaretur, le-
giones promovet, turmas mittit ad insequendum;
ipse veritus insidias, ne forte in eodem loco sub-
sistere hostis atque elicere nostros in locum cona-
retur iniquum, tardius procedit. Equites cum intrare²
summum iugum et flammam densissimam timerent
ac, si qui cupidius intraverant, vix suorum ipsi
prioris partes animadverterent equorum, insidias
veriti liberam facultatem sui recipiendi Bellovacis
dederunt. Ita fuga timoris simul calliditatisque plena³
sine ullo detrimento milia non amplius decem pro-
gressi hostes loco munitissimo castra posuerunt.
Inde cum saepe in insidiis equites peditesque dis-⁴
ponerent, magna detrimenta Romanis in pabula-
tionibus inferebant.

17. Quod cum crebrius accideret, ex captivo
quodam comperit Caesar Correum, Bellovacorum
ducem, fortissimorum milia sex peditum delegisse
equitesque ex omni numero mille, quos in insidiis

eo loco collocaret, quem in locum propter copiam frumenti ac pabuli Romanos missuros suspicaretur.

² Quo cognito consilio legiones plures, quam solebat, educit equitatumque, qua consuetudine pabulatoribus mittere praesidio consuerat, praemittit; huic inter-
³ ponit auxilia levis armaturae; ipse cum legionibus quam potest maxime appropinquat.

18. Hostes in insidiis dispositi, cum sibi delegissent campum ad rem gerendam non amplius patientem in omnes partes passibus mille, silvis undique aut impeditissimo flumine munitum, velut indagine
² hunc insidiis circumdederunt. Explorato hostium consilio nostri ad proeliandum animo atque armis parati, cum subsequenter legionibus nullam diminutionem recusarent, turmatim in eum locum deven-
³ erunt. Quorum adventu cum sibi Correus oblatam occasionem rei gerendae existimaret, primum cum paucis se ostendit atque in proximas turmas impetum fecit. Nostri constanter incursum sustinent insidiatorum neque plures in unum locum conveniunt; quod plerumque equestribus proeliis cum propter aliquem timorem accidit, tum multitudine ipsorum detrimentum accipitur.

19. Cum dispositis turmis in vicem rari proeliarentur neque ab lateribus circumveniri suos paterentur, erumpunt ceteri Correo proeliante ex silvis.
² Fit magna contentione diversum proelium. Quod cum diutius pari Marte iniretur, paulatim ex silvis instructa multitudo procedit peditum, quae nostros coëgit cedere equites. Quibus celeriter subveniunt levis armaturae pedites, quos ante legiones missos

docui, turmisque nostrorum interpositi constanter proeliantur. Pugnatur aliquamdiu pari contentione; s deinde, ut ratio postulabat proelii, qui sustinuerant primos impetus insidiarum, hoc ipso fiunt superiores, quod nullum ab insidiantibus imprudentes acceperant detrimentum. Accedunt propius interim legiones, 4 crebrique eodem tempore et nostris et hostibus nuntii afferuntur, imperatorem instructis copiis adesse. Qua 5 re cognita praesidio cohortium confisi nostri acerrime proeliantur, ne, si tardius rem gessissent, victoriae gloriam communicasse cum legionibus viderentur; hostes concidunt animis atque itineribus diversis fugam quaerunt. Nequiquam: nam quibus difficultatibus locorum Romanos claudere voluerant, iis ipsi tenebantur. Victi tamen perculsi que, maiore 7 parte amissa consternati profugiunt partim silvis petitis, partim flumine (qui tamen in fuga a nostris acriter insequentibus conficiuntur), cum interim nulla 8 calamitate victus Correus excedere proelio silvasque petere aut invitantibus nostris ad deditionem potuit adduci, quin fortissime proeliando compluresque vulnerando cogeret elatos iracundia victores in se tela conicere.

20. Tali modo re gesta recentibus proelii vestigiis ingressus Caesar, cum victos tanta calamitate existimaret hostes nuntio accepto locum castrorum relicturos, quae non longius ab ea caede abesse plus minus VIII milibus dicebantur, tametsi flumine impeditum transitum videbat, tamen exercitu ducto progreditur. At Bellovaci reliquaeque civitates 2 repente ex fuga paucis atque his vulneratis receptis,

qui silvarum beneficio casum evitaverant, [omnibus adversis] cognita calamitate, interfecto Correo, amisso equitatu et fortissimis peditibus, cum adventare Romanos existimarent, concilio repente cantu tubarum convocato conclamant, legati obsidesque ad Caesarem mittantur.

21. Hoc omnibus probato consilio Commius Atrebas ad eos confugit Germanos, a quibus ad id bellum auxilia mutuatus erat. Ceteri e vestigio mittunt ad Caesarem legatos petuntque, ut ea poena sit contentus hostium, quam si sine dimicatione inferre integris posset, pro sua clementia atque humanitate numquam profecto esset illaturus. Afflictas opes equestri proelio Bellovacorum esse; delectorum peditum multa milia interisse, vix refugisse nuntios caedis. Tamen magnum, ut in tanta calamitate, Bellovacos eo proelio commodum esse consecutos, quod Correo, auctor belli, concitator multitudinis, esset interfectus. Numquam enim senatum tantum in civitate illo vivo quantum imperitam plebem potuisse.

22. Haec orantibus legatis commemorat Caesar: eodem tempore superiore anno Bellovacos ceterasque Galliae civitates suscepisse bellum; pertinacissime hos ex omnibus in sententia permansisse neque ad sanitatem reliquorum deditione esse perductos. Scire atque intellegere se causam peccati facillime mortuis delegari. Neminem vero tantum pollere, ut in vitis principibus, resistente senatu, omnibus bonis repugnantibus infirma manu plebis bellum

concitare et gerere posset. Sed tamen se contentum fore ea poena, quam sibi ipsi contraxissent.

23. Nocte insequenti legati responsa ad suos referunt, obsides conficiunt. Concurrent reliquarum civitatum legati, quae Bellovacorum speculabantur eventum; obsides dant, imperata faciunt excepto Commio, quem timor prohibebat cuiusquam fidei suam committere salutem. Nam superiore anno Titus Labienus Caesare in Gallia citeriore ius dicente, cum Commium comperisset sollicitare civitates et coniurationem contra Caesarem facere, infidelitatem eius sine ulla perfidia iudicavit comprimi posse. Quem quia non arbitrabatur vocatum in castra venturum, ne temptando cautiorem faceret, Gaium Volusenum Quadratum misit, qui eum per simulationem colloquii curaret interficiendum. Ad eam rem delectos idoneos ei tradit centuriones. Cum in colloquium ventum esset, et ut convenerat, manum Commii Volusenus arripuisset, centurio vel insueta re permotus vel celeriter a familiaribus prohibitus Commii conficere hominem non potuit; graviter tamen primo ictu gladio caput percussit. Cum utrimque gladii dstricti essent, non tam pugnandi quam diffugiendi fuit utrorumque consilium: nostrorum, quod mortifero vulnere Commium credebant affectum; Gallorum, quod insidiis cognitis plura, quam videbant, extimescebant. Quo facto statuisset Commius dicebatur numquam in conspectum cuiusquam Romani venire.

24. Bellicosissimis gentibus devictis Caesar, cum videret nullam iam esse civitatem, quae [bellum

pararet, quo sibi resisteret, sed nonnullus ex oppidis demigrare, ex agris diffugere ad praesens imperium evitandum, plures in partes exercitum² dimittere constituit. M. Antonium quaestorem cum legione duodecima sibi coniungit. C. Fabium legatum cum cohortibus XXV mittit in diversissimam partem Galliae, quod ibi quasdam civitates in armis esse audiebat neque C. Caninium Rebilum legatum, qui in illis regionibus erat, satis firmas duas legiones³ habere existimabat. Titum Labienum ad se evocat; legionem autem XV., quae cum eo fuerat in hibernis, in togatam Galliam mittit ad colonias civium Romanorum tuendas, ne quod simile incommodum accideret decursione barbarorum, ac superiore aestate Tergestinis acciderat, qui repentino latrocinio atque⁴ impetu illorum erant oppressi. Ipse ad vastandos depopulandosque fines Ambiorigis proficiscitur; quem perterritum ac fugientem cum redigi posse in suam potestatem desperasset, proximum suae dignitatis esse ducebat, adeo fines eius vastare civibus, aedificiis, pecore, ut odio suorum Ambiorix, si quos fortuna reliquos fecisset, nullum reditum propter tantas calamitates haberet in civitatem.

25. Cum in omnes partes finium Ambiorigis aut legiones aut auxilia dimississet atque omnia caedibus, incendiis, rapinis vastasset, magno numero hominum interfecto aut capto Labienum cum² duabus legionibus in Treveros mittit; quorum civitas propter Germaniae vicinitatem cotidianis exercitata bellis cultu et feritate non multum a Germanis diffe-

rebat neque imperata umquam nisi exercitu coacta faciebat.

26. Interim Gaius Caninius legatus, cum magnam multitudinem convenisse hostium in fines Pictonum litteris nuntiisque Duratii cognosceret, qui perpetuo in amicitia manserat Romanorum, cum pars quaedam civitatis eius defecisset, ad oppidum Limonem contendit. Quo cum adventaret atque ex² captiviscertius cognosceret, multis hominum milibus a Dumnaco, duce Andium, Duratium clausum Limone oppugnari, neque infirmas legiones hostibus committere auderet, castra posuit loco munito. Dumnacus, cum appropinquare Caninium cognosset,³ copiis omnibus ad legiones conversis castra Romanorum oppugnare instituit. Cum complures dies in⁴ oppugnatione consumpsisset et magno suorum detrimento nullam partem munitionum convellere potuisset, rursus ad obsidendum Limonem redit.

27. Eodem tempore C. Fabius legatus complures civitates in fidem recipit, obsidibus firmat litterisque Gai Caninii Rebili fit certior, quae in Pictonibus gerantur. Quibus rebus cognitis profisciscitur ad auxilium Duratio ferendum. At Dumnacus adventu Fabii cognito desperata salute, si tempore eodem coactus esset et Romanum externum sustinere hostem et respicere ac timere oppidanos, repente ex eo loco cum copiis recedit nec se satistutum fore arbitratur, nisi flumine Ligeri, quod erat ponte propter magnitudinem transeundum, copias traduxisset. Fabius, etsi nondum in conspectum, venerat hostibus neque se Caninio coniunxerat.

tamen doctus ab iis, qui locorum noverant naturam, potissimum credidit hostes perterritos eum
4 locum, quem petebant, petituros. Itaque cum copiis ad eundem pontem contendit equitatumque tantum procedere ante agmen imperat legionum, quantum cum processisset, sine defatigatione equorum in
5 eadem se reciperet castra. Consequuntur equites nostri, ut erat praeceptum, invaduntque Dumnaci agmen et fugientes perterritosque sub sarcinis in itinere aggressi magna praeda multis interfectis potiuntur. Ita re bene gesta se recipiunt in castra.

28. Insequenti nocte Fabius equites praemittit sic paratos, ut configerent atque omne agmen morarentur, dum consequeretur ipse. Cuius praeceptis ut res gereretur, Quintus Atius Varus, praefectus equitum, singularis et animi et prudentiae vir, suos hortatur agmenque hostium consecutus turmas partim idoneis locis disponit, parte equitum proelium com-
3 mittit. Confligit audacius equitatus hostium succedentibus sibi peditibus; qui toto agmine subsistentes
4 equitibus suis contra nostros ferunt auxilium. Fit proelium acri certamine. Namque nostri contemptis pridie superatis hostibus, cum subsequi legiones meminissent, et pudore cedendi et cupiditate per se conficiendi proelii fortissime contra pedites proe-
5 liantur, hostesque nihil amplius copiarum accessurum credentes, ut pridie cognoverant, delendi equitatus nostri nacti occasionem videbantur.

29. Cum aliquamdiu summa contentione dimicaretur, Dumnacus instruit aciem, quae suis esset equitibus in vicem praesidio, cum repente confertae

legiones in conspectum hostium veniunt. Quibus² visis percussae barbarorum turmae ac perterritae acies hostium, perturbato impedimentorum agmine, magno clamore discursuque passim fugae se mandant. At nostri equites, qui paulo ante cum resist³entibus fortissime conflixerant, laetitia victoriae elati magno undique clamore sublato cedentibus circumfusi, quantum equorum vires ad persequendum dextraeque ad caedendum valent, tantum eo proelio interficiunt. Itaque amplius milibus duodecim aut⁴ armatorum aut eorum, qui eo timore arma proiecerant, interfectis omnis multitudo capitur impedimentorum.

30. Qua ex fuga cum constaret Drappetem Senonem, qui, ut primum defecerat Gallia, collectis undique perditis hominibus, servis ad libertatem vocatis, exulibus omnium civitatum ascitis, repentinis latrociniis impedimenta et commeatus Romanorum interceperat, non amplius hominum milibus ex fuga quinque collectis provinciam petere unaque consilium cum eo Lucterium Cadurcum cepisse, quem superiore commentario prima defectione Galliae facere in provinciam voluisse impetum cognitum est, Caninius legatus cum legionibus duabus ad eos² persequendos contendit, ne detrimento aut timore provinciae magna infamia perditorum hominum latrociniis caperetur.

31. Gaius Fabius cum reliquo exercitu in Carnutes ceterasque proficiscitur civitates, quarum eo proelio, quod cum Dumnaco fecerat, copias esse accisas sciebat. Non enim dubitabat, quin recent⁵

calamitate submissiores essent futurae, dato vero spatio ac tempore eodem instigante Dumnaco possent concitari. Qua in re summa felicitas celeritasque in recipiendis civitatibus Fabium consequitur. Nam Carnutes, qui saepe vexati numquam pacis fecerant mentionem, datis obsidibus veniunt in deditionem, ceteraeque civitates positae in ultimis Galliae finibus, Oceano coniunctae, quae Armoricae appellantur, auctoritate adductae Carnutum adventu Fabii legionumque imperata sine mora faciunt. Dumnacus suis finibus expulsus errans latitansque solus extremas Galliae regiones petere est coactus.

32. At Drappes unaque Lucterius, cum legiones Caniniumque adesse cognoscerent nec se sine certa pernicie persequente exercitu putarent provinciae fines intrare posse nec iam libere vagandi latrociniorumque faciendorum facultatem haberent, in finibus consistunt Cadurcorum. Ibi cum Lucterius apud suos cives quondam integris rebus multum potuisset, semperque auctor novorum consiliorum magnam apud barbaros auctoritatem haberet, oppidum Uxellodunum, quod in clientela fuerat eius, egregie natura loci munitum, occupat suis et Drappetis copiis oppidanosque sibi coniungit.

33. Quo cum confestim Gaius Caninius venisset animadverteretque omnes oppidi partes praeruptissimis saxis esse munitas, quo defendente nullo tamen armatis ascendere esset difficile, magna autem impedimenta oppidanorum videret, quae si clandestina fuga subtrahere conarentur, effugere non modo equitatum, sed ne legiones quidem possent, tripertito

cohortibus divisis trina excelsissimo loco castra fecit; a quibus paulatim, quantum copiae patiebantur,² vallum in oppidi circuitum ducere instituit.

34. Quod cum animadverterent oppidani miserri-
maque Alesiae memoria solliciti similem casum ob-
sessionis vererentur, maximeque ex omnibus Lucte-
rius, qui fortunae illius periculum fecerat, moneret
frumenti rationem esse habendam, constituunt om-
nium consensu parte ibi relictâ copiarum ipsi cum
expeditis ad importandum frumentum proficisci. Eo²
consilio probato proxima nocte duobus milibus ar-
matorum relictis reliquos ex oppido Drappes et
Lucterius educunt. Hi paucos dies morati ex finibus³
Cadurcorum, qui partim re frumentaria sublevare
eos cupiebant, partim prohibere, quo minus sume-
rent, non poterant, magnum numerum frumenti com-
parant, nonnumquam autem expeditionibus nocturnis
castella nostrorum adoriuntur. Quam ob causam⁴
Gaius Caninius toto oppido munitiones circumdare
moratur, ne aut opus effectum tueri non possit aut
plurimis in locis infirma disponat praesidia.

35. Magna copia frumenti comparata considunt
Drappes et Lucterius non longius ab oppido decem
milibus, unde paulatim frumentum in oppidum sup-
portarent. Ipsi inter se provincias partiuntur: Drap-²
pes castris praesidio cum parte copiarum restitit;
Lucterius agmen iumentorum ad oppidum ducit.
Dispositis ibi praesidiis hora noctis circiter decima³
silvestribus angustisque itineribus frumentum im-
portare in oppidum instituit. Quorum strepitum⁴
vigiles castrorum cum sensissent, exploratoresque

missi, quae gererentur, renuntiassent, Caninius celeriter cum cohortibus armatis ex proximis castellis
5 in frumentarios sub ipsam lucem impetum fecit. Hi repentino malo perterriti diffugiunt ad sua praesidia; quae nostri ut viderunt, acrius contra armatos incitati neminem ex eo numero vivum capi patiuntur. Profugit inde cum paucis Lucterius nec se recipit in castra.

36. Re bene gesta Caninius ex captivis comperit partem copiarum cum Drappete esse in castris a milibus non amplius XII. Qua re ex compluribus cognita, cum intellegeret fugato duce altero [perterritos] reliquos facile opprimi posse, magnae felicitatis esse arbitrabatur neminem ex caede refugisse in castra, qui de accepta calamitate nuntium
2 Drappeti perferret. Sed in experiundo cum periculum nullum videret, equitatum omnem Germanosque pedites, summae velocitatis homines, ad castra hostium praemittit; ipse legionem unam in trina castra distribuit, alteram secum expeditam ducit. Cum propius hostes accessisset, ab exploratoribus, quos praemiserat, cognoscit castra eorum, ut barbarorum fere consuetudo est, relictis locis superioribus ad ripas esse fluminis demissa; at Germanos equitesque imprudentibus omnibus de improvise advolasse proeliumque commisisse. Qua re cognita legionem armatam instructamque adducit. Ita repente omnibus ex partibus signo dato loca superiora capiuntur. Quod ubi accidit, Germani equitesque signis legionis visis
4 vehementissime proeliantur. Confestim cohortes undique impetum faciunt omnibusque aut interfectis

aut captis magna praeda potiuntur. Capitur ipse eo proelio Drappes.

37. Caninius felicissime re gesta sine ullo paene militis vulnere ad obsidendos oppidanos revertitur, externoque hoste deleto, cuius timore antea dividere³ praesidia et munitione oppidanos circumdare prohibitus erat, opera undique imperat administrari. Venit³ eodem cum suis copiis postero die Gaius Fabius partemque oppidi sumit ad obsidendum.

38. Caesar interim M. Antonium quaestorem cum cohortibus xv in Bellovacis relinquit, ne qua rursus novorum consiliorum capiendorum Belgis facultas daretur. Ipse reliquas civitates adit, obsides plures² imperat, timentes omnium animos consolatione sanat. Cum in Carnutes venisset, quorum in civitate superiore commentario Caesar exposuit initium belli esse ortum, quod praecipue eos propter conscientiam facti timere animadvertibat, quo celerius civitatem timore liberaret, principem sceleris illius et concitatore belli, Gutruatum, ad supplicium depoposcit. Qui etsi ne civibus quidem suis se committebat,⁴ tamen celeriter omnium cura quaesitus in castra perducitur. Cogitur in eius supplicium Caesar contra⁵ suam naturam concursu maximo militum, qui ei omnia pericula et detrimenta belli [a Gutruato] accepta referebant, adeo ut verberibus exanimatum corpus securi feriretur.

39. Ibi crebris litteris Caninii fit certior, quae de Drappete et Lucterio gesta essent, quoque in consilio permanerent oppidani. Quorum etsi pauci² tatem contemnebat, tamen pertinaciam magna poena

esse afficiendam iudicabat, ne universa Gallia non sibi vires defuisse ad resistendum Romanis sed constantiam putaret, neve hoc exemplo ceterae civitates locorum opportunitate fretae se vindicarent in libertatem, cum omnibus Gallis notum esse sciret reliquam esse unam aestatem suae provinciae, quam si sustinere potuissent, nullum ultra periculum vererentur. Itaque Q. Calenum legatum cum legionibus reliquit, qui iustis itineribus subsequeretur; ipse cum omni equitatu quam potest celerrime ad Caninium contendit.

40. Cum contra expectationem omnium Caesar Uxellodunum venisset oppidumque operibus clausum animadverteret neque ab oppugnatione recedi videret ulla condicione posse, magna autem copia frumenti abundare oppidanos ex perfugis cognosset, aqua prohibere hostem temptare coepit. Flumen infimam vallem dividebat, quae totum paene montem cingebat, in quo positum erat praeruptum undique oppidum Uxellodunum. Hoc avertere loci natura prohibebat; in infimis enim sic radicibus montis ferebatur, ut nullam in partem depressis fossis derivari posset. Erat autem oppidanis difficilis et praeruptus eo descensus, ut prohibentibus nostris sine vulneribus ac periculo vitae neque adire flumen neque arduo se recipere possent ascensu. Qua difficultate eorum cognita Caesar sagittariis funditoribusque dispositis, tormentis etiam quibusdam locis contra facillimos descensus collocatis aqua fluminis prohibebat oppidanos.

41. Quorum omnis postea multitudo aquatorum unum in locum conveniebat sub ipsius oppidi murum, ubi magnus fons aquae prorumpebat ab ea parte, quae fere pedum trecentorum intervallo fluminis circuitu vacabat. Hoc fonte prohiberi posse oppidanos² cum optarent reliqui, Caesar unus videret, e regione eius vineas agere adversus montem et aggerem instruere coepit magno cum labore et continua dimicatione. Oppidani enim loco superiore decurrunt et³ eminus sine periculo proeliantur multosque pertinaciter succedentes vulnerant; non deterrentur tamen milites nostri vineas proferre et labore atque operibus locorum vincere difficultates. Eodem tempore⁴ cuniculos tectos ab vineis agunt ad caput fontis; quod genus operis sine ullo periculo, sine suspitione hostium facere licebat. Exstruitur agger in altitudinem pedum sexaginta, collocatur in eo turris decem tabulatorum, non quidem quae moenibus aequaret (id enim nullis operibus effici poterat), sed quae superare fontis fastigium posset. Ex ea cum⁵ tela tormentis iacerentur ad fontis aditum, nec sine periculo possent aquari oppidani, non tantum pecora atque iumenta, sed etiam magna hostium multitudo siti consumebatur.

42. Quo malo perterriti oppidani cupas sevo, pice, scandulis complent; eas ardentes in opera provolvunt eodemque tempore acerrime proeliantur, ut ab incendio restinguendo dimicationis periculo deterreant Romanos. Magna repente in ipsis operibus² flamma exstitit. Quaecumque enim per locum praecipitem missa erant, ea vineis et aggere suppressa

³comprehendebant id ipsum, quod morabatur. Milites contra nostri, quamquam periculoso genere proelii locoque iniquo premebantur, tamen omnia fortissimo ⁴sustinebant animo. Res enim gerebatur et excelso loco et in conspectu exercitus nostri, magnusque utrimque clamor oriebatur. Ita quisque, prout erat maxime insignis, quo notior testatiorque virtus esset eius, telis hostium flammaeque se offerebat.

43. Caesar cum complures suos vulnerari videret, ex omnibus oppidi partibus cohortes montem ascendere et simulatione moenium occupandorum ²clamorem undique iubet tollere. Quo facto perterriti oppidani, cum, quid ageretur in locis reliquis, essent suspensi, revocant ab impugnandis operibus ³armatos murisque disponunt. Ita nostri fine proelii facto celeriter opera flamma comprehensa partim ⁴restinguunt, partim interscindunt. Cum pertinaciter resisterent oppidani, magna etiam parte amissa siti suorum in sententia permanerent, ad postremum cuniculis venae fontis intercisae sunt atque aversae. ⁵Quo facto repente perennis exaruit fons tantamque attulit oppidanis salutis desperationem, ut id non hominum consilio, sed deorum voluntate factum putarent. Itaque se necessitate coacti tradiderunt.

44. Caesar, cum suam lenitatem cognitam omnibus sciret neque vereretur, ne quid crudelitate naturae videretur asperius fecisse, neque exitum consiliorum suorum animadverteret, si tali ratione diversis in locis plures consilia inissent, exemplo supplicii deterrendos reliquos existimavit. Itaque omnibus, qui arma tulerant, manus praecidit vitamque

concessit, quo testatior esset poena improborum.² Drappes, quem captum esse a Caninio docui, sive indignitate et dolore vinculorum sive timore gravioris supplicii paucis diebus cibo se abstinuit atque ita interiit. Eodem tempore Lucterius, quem profugisse ex proelio scripsi, cum in potestatem venisset Epasnacti Arverni (crebro enim mutandis locis multorum fidei se committebat, quod nusquam diutius sine periculo commoraturus videbatur, cum sibi conscius esset, quam inimicum deberet Caesarem habere), hunc Epasnactus Arvernus, amicissimus populi Romani, sine dubitatione ulla vinctum ad Caesarem deduxit.

45. Labienus interim in Treveris equestre proelium facit secundum compluribusque Treveris interfectis et Germanis, qui nullis adversus Romanos auxilia denegabant, principes eorum vivos redigit in suam potestatem atque in his Surum Aeduum,² qui et virtutis et generis summam nobilitatem habebat solusque ex Aeduis ad id tempus permanserat in armis.

46. Ea re cognita Caesar, cum in omnibus partibus Galliae bene res geri videret iudicaretque superioribus aestivis Galliam devictam subactamque esse, Aquitaniam numquam adisset, per Publium Crassum quadam ex parte devicisset, cum duabus legionibus in eam partem Galliae est profectus, ut ibi extremum tempus consumeret aestivorum. Quam² rem sicuti cetera celeriter feliciterque confecit. Namque omnes Aquitaniae civitates legatos ad Caesarem miserunt obsidesque ei dederunt. Quibus rebus gestis :

Hunc Antonius ad persequendum equitatum hostium mittit. Volusenus ad eam virtutem, quae singularis² erat in eo, magnum odium Commii adiungebat, quo libentius id faceret, quod imperabatur. Itaque dispositis insidiis saepius equites eius aggressus secunda proelia faciebat. Novissime, cum vehementius³ contenderetur, ac Volusenus ipsius intercipiendi Commii cupiditate pertinacius eum cum paucis insecutus esset, ille autem fuga vehementi Volusenum produxisset longius, inimicus homini suorum invocat fidem atque auxilium, ne sua vulnera per fidem imposita paterentur impunita, conversoque equo se a ceteris incautius permittit in praefectum. Faciunt hoc idem omnes eius equites paucosque⁴ nostros convertunt atque insequuntur. Commius incensum calcaribus equum coniungit equo Quadrati lanceaque infesta magnis viribus medium femur traicit Voluseni. Praefecto vulnerato non dubitant⁶ nostri resistere et conversis equis hostem pellere. Quod ubi accidit, complures hostium magno⁷ nostrorum impetu perculsi vulnerantur ac partim in fuga proteruntur, partim intercipiuntur. Quod ibi malum dux equi velocitate evitavit; ac sic proelio secundo graviter ab eo vulneratus praefectus, ut vitae periculum aditurus videretur, refertur in castra. Commius autem sive expiato suo dolore sive magna⁸ parte amissa suorum legatos ad Antonium mittit seque et ibi futurum, ubi praescripserit, et ea facturum, quae imperarit, obsidibus firmat; unum⁹ illud orat, ut timori suo concedatur, ne in conspectum veniat cuiusquam Romani. Cuius postu-

lationem Antonius cum iudicaret ab iusto nasci timore, veniam petenti dedit, obsides accepit.

10 Scio Caesarem singulorum annorum singulos
commentarios confecisse; quod ego non existimavi
mihi esse faciendum, propterea quod insequens
annus, L. Paulo, C. Marcello consulibus, nullas
11 habet magnopere Galliae res gestas. Ne quis tamen
ignoraret, quibus in locis Caesar exercitusque eo
tempore fuissent, pauca esse scribenda coniungen-
daque huic commentario statui.

49. Caesar in Belgio cum hiemaret, unum illud
propositum habebat, continere in amicitia civitates,
2 nulli spem aut causam dare armorum. Nihil enim
minus volebat, quam sub decessu suo necessitatem
sibi aliquam imponi belli gerendi, ne, cum exercitum
deducturus esset, bellum aliquod relinqueretur, quod
omnis Gallia libenter sine praesenti periculo susci-
3 peret. Itaque honorifice civitates appellando, prin-
cipes maximis praemiis afficiendo, nulla onera in-
iungendo defessam tot adversis proeliis Galliam
condicione parendi meliore facile in pace continuit.

50. Ipse hibernis peractis contra consuetudinem
in Italiam quam maximis itineribus est profectus,
ut municipia et colonias appellaret, quibus M. An-
tonii, quaestoris sui, commendaverat sacerdotii
4 petitionem. Contendebat enim gratia cum libenter
pro homine sibi coniunctissimo, quem paulo ante
praemiserat ad petitionem, tum acriter contra fac-
tionem et potentiam paucorum, ' iii

repulsa Caesaris decedentis gratiam convellere cupiebant. Hunc etsi augurem prius factum, quam Italiam attingeret, in itinere audierat, tamen non minus iustam sibi causam municipia et colonias adeundi existimavit, ut iis gratias ageret, quod frequentiam atque officium suum Antonio praestitissent, simulque se et honorem suum sequentis anni commendaret, propterea quod insolenter adversarii sui gloriarentur L. Lentulum et C. Marcellum consules creatos, qui omnem honorem et dignitatem Caesaris spoliarent, ereptum Ser. Galbae consulatum, cum is multo plus gratia suffragiisque valuisset, quod sibi coniunctus et familiaritate et consuetudine legationis esset.

51. Exceptus est Caesaris adventus ab omnibus municipiis et coloniis incredibili honore atque amore. Tum primum enim veniebat ab illo universae Galliae bello. Nihil relinquebatur, quod ad ornatum portarum, itinerum, locorum omnium, qua Caesar iturus erat, excogitari poterat. Cum liberis omnis multitudo obviam procedebat, hostiae omnibus locis immolabantur, tricliniis stratis fora templaque occupabantur, ut vel spectatissimi triumphi laetitia praecipi posset. Tanta erat magnificentia apud opulentiores, cupiditas apud humiliores.

52. Cum omnes regiones Galliae togatae Caesar percucurrisset, summa celeritate ad exercitum Nemetocennam rediit legionibusque ex omnibus hibernis ad fines Treverorum evocatis eo profectus est ibique exercitum lustravit. T. Labienum Galliae togatae praefecit, quo maiore commendatione conciliaretur


ad consulatus petitionem. Ipse tantum itinerum faciebat, quantum satis esse ad mutationem locorum
3 propter salubritatem existimabat. Ibi quamquam crebro audiebat Labienum ab inimicis suis sollicitari certiorque fiebat id agi paucorum consiliis, ut interposita senatus auctoritate aliqua parte exercitus spoliaretur, tamen neque de Labieno credidit quicquam neque, contra senatus auctoritatem
4 ut aliquid faceret, potuit adduci. Iudicabat enim liberis sententiis patrum conscriptorum causam suam facile obtineri. Nam C. Curio, tribunus plebis, cum Caesaris causam dignitatemque defendendam suscepisset, saepe erat senatui pollicitus, si quem timor armorum Caesaris laederet, ut quoniam Pompei dominatio atque arma non minimum terrorem foro inferrent, discederet uterque ab armis exercitusque dimitteret: fore eo facto liberam et sui iuris civitatem. Neque hoc tantum pollicitus est, sed etiam senatus consultum per discessionem facere coepit; quod ne fieret, consules amicique Pompei*** iusserunt atque ita rem morando discesserunt. . . .

53. Magnum hoc testimonium senatus erat universi conveniensque superiori facto. Nam Marcellus proximo anno, cum impugnaret Caesaris dignitatem, contra legem Pompei et Crassi rettulerat ante tempus ad senatum de Caesaris provinciis, sententiisque dictis discessionem faciente Marcello, qui sibi omnem dignitatem ex Caesaris invidia quaerebat,
2 senatus frequens in alia omnia transiit. Quibus non frangebantur animi inimicorum Caesaris, sed admonebantur, quo maiores pararer ates,

quibus cogi posset senatus id probare, quod ipsi constituissent.

54. Fit deinde senatus consultum, ut ad bellum Parthicum legio una a Cn. Pompeio, altera a C. Caesare mitteretur; neque obscure duae legiones uni detrahuntur. Nam Cn. Pompeius legionem primam,² quam ad Caesarem miserat, confectam ex delectu provinciae Caesaris, eam tamquam ex suo numero dedit. Caesar tamen, cum de voluntate minime dubium esset adversariorum suorum, Pompeio legionem • remisit et suo nomine quintamdecimam, quam in Gallia citeriore habuerat, ex senatus consulto iubet tradi. In eius locum tertiamdecimam legionem in Italiam mittit, quae praesidia tueretur, ex quibus praesidiis quintadecima deducebatur. Ipse exercitui⁴ distribuit hiberna: C. Trebonium cum legionibus quattuor in Belgio collocat, C. Fabium cum totidem in Aeduos deducit. Sic enim existimabat tutissimam fore Galliam, si Belgae, quorum maxima virtus, Aedui, quorum auctoritas summa esset, exercitibus continerentur. Ipse in Italiam profectus est.

55. Quo cum venisset, cognoscit per C. Marcellum consulem legiones duas ab se remissas, quae ex senatus consulto deberent ad Parthicum bellum duci, Cn. Pompeio traditas atque in Italia retentas esse. Hoc facto quamquam nulli erat dubium, quid² nam contra Caesarem pararetur, tamen Caesar omnia patienda esse statuit, quoad sibi spes aliqua relinqueretur iure potius disceptandi quam belligerandi. Contendit. . . .



C. IULII CAESARIS
COMMENTARII

CUM SUPPLEMENTIS

A. HIRTII ET ALIORUM.



ITERUM RECOGNOVIT

ET ADNOTATIONEM CRITICAM PRAEMISIT

EMANUEL HOFFMANN.



VOL. II.

COMMENTARII DE BELLO CIVILI.

ACCEDUNT

**COMMENTARII DE BELLO ALEXANDRINO, AFRICANO,
HISPANIENSI.**

VINDOBONAE.

SUMPTIBUS ET TYPIS CAROLI GEROLD FILII.

MDCCCXC.

Quamquam codices, quibus commentarii de bello civili, Alexandrino, Africano, Hispaniensi servati sunt, ex uno eodemque fonte originem duxerunt, tamen inter eos duas familias, Parisinam et Havniensem, distinguendas esse, primus contendit J. N. G. Forchhammer in libello 'quaestiones criticae de vera commentarios de bello civili cett. emendandi ratione' (Havniae 1852) inscripto. priori familiae accensuit cod. Paris. Thua-neum n. 5764 (a Nipperd.), Leid. 1 (b), Scalig. (c), Vindob. (f); alteri vero Havn. 1 (h; hunc apograp-hum esse cod. Vat. Ursiniani 3324 primus vidit Dübner), Cuiac. (d) et plerosque deteriores. eidem familiae accensendum esse cod. Florent. Riccard. (l) monuit H. Meusel (ephem. gymn. Berol. 1885, p. 178).

Cod. Vindob. 1 (f) Forchhammer non nisi ex iis cognitum habebat, quae C. E. Ch. Schneider ex commentario de bello Hisp. (Progg. acad. Vratisl. 1827 et 1837) adnotaverat. itaque haud mirum est, si nullum fere fructum ex eo percipi posse putavit. ego vero, qui primus et in octavo belli Gallici libro, et in recognoscenda hac altera parte commenta-riorum librum Vindob. consului (integram lectionis varietatem cum Dübnero deinde communicavi), in-

II

tellexi, eum quam proxime accedere ad cod. Paris. a, ita ut non dubitarem ei tum quoque aliquid auctoritatis tribuere, ubi discrepans ab illo aut una cum aliis libris, aut etiam solus praeberet, quod ex loci ratione postulari videretur. similiter etiam Vielhaber (Ephem. gymn. austr. 1869, t. 20, p. 544) et H. Meusel (l. l. p. 177) iudicarunt, qui missis codicibus b c, utpote ex a derivatis scripturam familiae Parisinae libris a f praeberi, et ex consensu horum codicum vel unius eorum cum familia Havniensi lectionem archetypi (β) prodiutarunt.

Utra familia alteri sit praeferenda, pro certo vix dici potest. loci certe, ubi lectio familiae Havniensis potior videri possit, neque tam multi neque tam graves sunt, ut mihi persuadere potuerim, hanc Parisinae esse praeferendam. Meuselio (l. l. p. 182) plane assentior, ubi familiae inter se discrepant, non nisi accuratiore loci inquisitione lectionem esse eruendam.

E. H.

ADNOTATIO CRITICA.

Initium COMMENTARIORUM DE BELLO CIVILI, quale libris nobis traditum est, integrum esse, neque antea neque nunc persuadere mihi potui. concedatur, quo qui verborum integritatem defendunt niti solent, Caesarem, si res octavo et nono proconsulatus anno in Gallia gestas commentariis exponere per fata ei licuisset, sub finem novissimi libri ea omnia narraturum fuisse, quae interim Romae acta essent antequam L. Cornelius Lentulus et C. Claudius Marcellus consulatu inito primum senatum haberent in eoque negarent se relaturos esse de litteris illis Caesaris, quae iam in ipso initio primi de bello civili libri commemorantur. at id ipsum, quod Caesar duos illos commentarios non absolvit librosque de bello civili, quippe qui causam suam probarent et firmarent, haud dubie in lucem editurus erat, antequam rerum Gallicarum ad finem perduxisset, argumento esse debet, Caesari tantum certe de rerum urbanarum statu praemonendum fuisse, quantum necesse erat, ut litterarum quas ad senatum dedisset et causa et argumentum patefieret. neque ullius momenti esse potest, quod viri docti pro impedimento haberi voluerunt, quominus Caesar rerum ante ipsum initium anni a. u. c. 705 actarum quicquam commemoraret, quod singulos annos singulis commentariis absolvere consuesset; haec enim rerum gestarum dispositio aptissima erat, cum singulorum annorum tamquam ratio reddenda esset et cum ipsae res anni fine interciderentur — veris enim initio armorum capiendorum, hie-mis adventu componendorum signum dari solebat —; at non

nisi insulsus scriptor eiusmodi rerum dispositionem anxie in opere quoque retinuisset, quod neque amplius rationarium, ut ita dicam, rerum auctoritate publica in provincia quadam singulis annis gestarum esse poterat, nec materiem tractabat certa quadam aequabilitate cuiusque anni cursu recurrentem. eiusmodi operis argumentum non nisi in eos actus describendum erat, qui in ipso rerum decursu deprehenderentur. neque Caesarem in libris de bello civili aliter scribendi provinciam administrasse, non modo inde elucet, quod duobus prioribus libris res uno eodemque anno gestas exposuit, verum etiam quod tertium commentarium non ab ipso anni 706 initio exorditur, sed ab rebus, quas sub finem proximi anni in urbe perpetravit, antequam mense decembri Brundisium profectus est. in eodem commentario c. 3 sqq. refertur de Pompeio, quomodo annuo illo spatio, quod vacuum a bello habuerit, ad comparandas copias sit usus, idque profecto in superioribus commentariis exponendum fuisset, si Caesar singulos libros strictis annalium finibus absolvere voluisset. neque auctores commentariorum de bello Alexandrino et Africo ad annorum spatia narrationem de Caesaris rebus disposuisse, non est quod moneam. nituntur igitur satis infirmo argumento, qui ex Caesaris consuetudine abruptum operis de bello civili exordium ut genuinum defendere posse sibi visi sunt. at quominus cum iis faciamus, impedit etiam ipsa verborum condicio, qua comparata sunt in libris manu exaratis. initium enim in codicibus ita fere scriptum est: *Litteris a Fabio C. Caesaris consulibus redditis e. q. s.* iam ut insolentio rem verborum collocationem mittamus, ex Appiano b. civ. II, 32 et Cassio Dione XLI init. satis constat, non Fabium quendam sed C. Curionem, tribunum plebis, fuisse qui Caesaris litteras Romam pertulit consulibusque reddidit. igitur Fabii nomen hoc loco ferri nequire, editores inde a Scaligero omnes viderunt; sed quomodo inter Caesaris verba intrusum sit, nondum aperuerunt. ab interpolatore quodam nomen illud temere fictum esse, plane non verisimile est; interpolator enim aut Curionis nomen intulisset, aut Antonii, a quo Caesaris epistolas in contione recitatas esse, Plutarchus narrat vit. Iul. Caes. c. 30. restat

igitur, ut Fabii nomen ex corruptela quadam verborum Caesaris enatum esse existimemus. si enim ipsum libri exordium interisse facimus, in quo de Curione ab Caesare Romam cum litteris remisso monitum erat, narratio iam in hunc modum continuari potuit: *Litteris ab eo consulibus redditis*. perditis proxime antecedentibus verbis iam fieri nequivit, quin vocolae *ab eo* maximarum barbarum ansam darent. adscripsit enim, qui per *ab eo* non nisi Caesarem significari posse videbat, Caesaris nomen in margine vel super versum, nec defuerunt, qui hoc interpretamentum inter ipsa contextus verba recipebant. at cum iam legeretur *Litteris ab eo Caesare consulibus redditis* pronomen demonstrativum non amplius tolerari potuit, et cum homini cuidam subtilioris ingenii litterae *ab eo* reliquiae depravati alicuius nominis viderentur, ex *abeo* effinxit *a Fabio*. inde orta est lectio, quam codex Leidensis primus servavit: *Litterae a Fabio Caesare e. q. s.* at cum non haberet ablativus ille *Caesare* unde dependeret, additamento quodam fulciendus erat, idque sibi effecisse haud dubie visus est, qui primus *cum*, quod in aliquot libris ante *Caesare* exstat, reposuit. sed verba qualia iam sonabant *Litteris a Fabio cum Caesare consulibus redditis* placere non potuisse, haud mirum est; itaque *Caesare* in *Caesaris*, praepositionem autem *cum* in *C*, siglum Gai praenominis immutarunt. haec recentior verborum adornatio (*C. Caesaris*) cum ea, quae antea placebat (*cum Caesare*), mirum in modum coaluit et in codice Vindob. pr., in quo legitur: *Litteris a Fabio C. Caesare e. q. s.* et in codice Paris. secundo, qui habet: *Litteris a Fabio cum Caesaris e. q. s.* iam supererat, ut verba tot discrimina passa etiam in eum modum collocarentur, qui novissimae eorum adornationi aptus esset; quapropter scriptum est in libris infimae notae *Litteris C. Caesaris a Fabio consulibus redditis*. totam igitur hanc depravationum seriem apertissima via ex primaria illa scriptura *Litteris ab eo consulibus redditis* repetere licet; quam si pro vera accipimus, etiam fieri nequit quin enuntiationem praemissam fuisse faciamus nomen illud et quidem Caesaris continentem, quod pronomine *is* iam monstratur. itaque etiam hac via idem con-

cludere necesse est, primum de bello civili commentarium ἀνέφαλον esse. quae exciderunt, num ea omnia fuerint, quae Vossius ex Plutarchi, Appiani, Dionis narrationibus contexuit, pro certo dici nequit, id tamen iure contendere licet, cum et extrema pars octavi de bello Gallico commentarii interierit et exordium primi de bello civili libri, uno eodemque casu utrumque librum esse mutilatum. nec non verisimile est ea, quae utrimque exciderunt, eadem scheda fuisse conscripta, qua perdita damnum illud utrique libro eodem tempore illatum est. itaque lacunae signo praemisso initium

c. 1 ita edidi: ... *Litteris ab eo [Caesare] consulibus redditis e. q. s.*

c. 1, 2: *referunt consules de re publica [in civitate].* verba *in civitate* omnes fere editores Scaligerum secuti incluserunt; unus Fr. Hofmann *infinite* posuit. — §. 3. *ad Caesaris gratiam*] in prior editione *Caesaris* auctore Mommseno omiseram.

c. 2, 3: *ereptis* corr. Nipperdey; libri *correptis* habent.

c. 3, 3: *completur urbs et [ius] comitium tribunis, centurionibus, evocatis*] ut in prior editione sic etiam nunc satis habui in loco corruptissimo ineptum illud *ius* secludere; sed cum constet in urbe praesidia tum tantum fuisse, cum tumultus esset decretus et *iustitium* edictum, suspicor ex hoc vocabulo enatum esse illud *ius comitium*, cum primitus scriptum esset *completur urbs ut per iustitium tribunis, centurionibus, evocatis*.

c. 5, 2: *de sua salute septimo die cogitare coguntur, quod illi turbulentissimi superioribus temporibus tribuni plebis ultimo denique mense suarum actionum respicere ac timere consueverant*] libri octo denique menses habent; in cod. f correctoris manu *octavo denique mense* scriptum est, quam lectionem inde ab Aldo vulgatam etiam Nipperdey retinuit. sed certum nisi extremum tempus, ex quo coacti essent tribuni pl. de sua salute cogitare, statui nequire, recentiores editores intellexerunt excepto Dintero, qui nescio quid correcturus *post octo denique menses variarum actionum* edidit. lectio vero a Mommseno proposita, a Kranero recepta *toto*

denique emenso spatio suarum actionum, itemque Dübneri coniectura *duodecimo denique mense*, ut mittam mirum illud Helli inventum *peracta denique messe nefariarum actionum*, haec iam eo displicent, quod quomodo orta sit librorum lectio dispici nequeat. sensui vero consulitur et corruptelae origo aperitur, cum *ultimo* hic scriptum fuisse facimus. facile enim propter exiguam litterarum l t i ex codicum more differentiam perspicitur, quomodo *ultio* corrumpi potuerit in *umo* vel *um*. inde falsum illud octo indeque etiam menses pro mense enatum est. — §. 3: *decurritur ad illud extremum atque ultimum senatus consultum, quo nisi paene in ipso urbis incendio atque in desperatione salutis contra perniciosae legis latorum audaciam numquam ante descensum est*] falsi mihi esse videntur viri docti, qui corruptelae sedem in verbo *latorum* inesse rati, de *latronum, sceleratorum, malorum, paucorum, patrum, senatorum, togatorum*, nescio quorum aliorum audacia cogitarunt. *latorum* certe sanissimum est, dummodo sollemne illud addatur obiectum *legis*; et cum notissimum sit et infra etiam c. 7, 5 apertis verbis significatur, tum maxime ad illud extremum atque ultimum senatus consultum esse descensum, cum rogationibus inprimis tribuniciis res publica turbaretur (c. 7, 5: *in perniciosis legibus, in vi tribunicia*), vix dubitari potest, quin quae nostro loco commemoratur *latorum audacia*, de *perniciosae legis latorum audacia* intellegenda sit. id modo in incerto relinquendum est, utrum *legi* quale modo posui attributum additum fuerit an eius *latoribus* (e. g. *contra turbulentorum legis latorum audaciam*).

c. 6, 2 sq.: *alieno esse animo in Caesarem milites neque iis posse persuaderi, uti eum defendant aut sequantur. statim de reliquis rebus ad senatum refertur.*] vulgo aut sequantur saltem. de reliquis cett. statim cod. l praebet, in f ut statim saltem scriptum est. vocem saltem ex male soluto compendio natam esse, cod. Vossianus testari videtur, in quo *senatus consultum* legitur. — §. 5: *provinciae [privatis] decernuntur duae consulares, reliquae praetoriae*] *privatis* ut spurium inclusi. — §. 6 et 7 verba [quod superio-

ribus annis acciderat] et [*quod ante id tempus accidit numquam*] inepta glossemata esse docuit Nipperdey. — §. 6: *ex-eant*, licet in uno tantum cod. Urs. (h) exstet, pro *ex-eunt* scribendum esse, monui in libro 'Studien' p. 50, 57.

c. 7, 2: *novum in republica introductum exemplum queritur, ut tribunicia intercessio armis notaretur atque opprimeretur, quae superioribus annis ex armis esset restituta.*] verba codicum *quae superioribus annis armis esset restituta* recte se habere Nipperdey iure negavit; armis enim restitutam Caesar tribuniciam potestatem dicere non poterat, nisi rem contra omnem aequalium memoriam fingere vellet, neque ex suo consilio fuisset tale quid fingere, quod ita, ut recte monuit Nipperdey, causam tribuniciam, quam se defendere simulat, tamquam scelere contaminatam notasset. at ut verba *quae superioribus annis armis esset restituta* cum Nipperdeio ad uncus damnemus, quippe quae a magistro quodam posita sint, qui antithesibus, quas ipse adamasset, inter Caesaris verba inferciendis commentarios inquinaverit, hic certe causa sufficiens non esse videtur. facillima vero adest emendatio, cum praepositionem *ex* ante *armis* excidisse facimus. iure enim tribunicia intercessio, quae dum Sulla rem publicam tenebat, armis certe circumscripta erat, iam *ex armis restituta* dici poterat. (vocis *ex* vestigium videtur illud et, quod ante *armis* in Bong. secundo, altero Leidensi et codice Ciacconii exstat.) miror itaque cur Kraner, Dübner, Dober.-Dinter Nipperdeio obsecuti verba illa ut spuria secluserint. E. Herzog (ann. phil. t. 117, p. 624) meam emendationem non quidem probavit, sed ut suam proposuit. — §. 4: *Pompeium, qui amissa restituisset videatur, dona etiam, quae ante habuerint, ademisse*] iam in priore editione removi uncus, quibus Nipperdey verba *dona etiam quae ante habuerint* inclusit. monui enim non esse, cur pluralem numerum *dona* inique feramus, etiamsi de una modo *intercessione* intellegi possit. *dona* enim Caesar propter aequabilitatem cum antecedente vocabulo *amissa* dixit. rhetorice id dictum esse equidem non negaverim, sed cum in oratione factum sit et quidem eum in finem, ut adversariis quam maxima moveretur

invidia, non est cur suspicione prematur. Dübner, F. Hofmann, Dob.-Dinter Victorio et Hellero obsecuti *bona* receperunt: *Pompeium, qui amissa restituisse videatur bona, etiam quae ante habuerint ademisse*, sed cum sit aliquid quod displiceat in verborum collocatione, parum aptum videtur vocabulum *bona* in re ad ius publicum pertinente. *dona* vero dici poterant, quae tamquam precario modo tribunis sub dictatore Sulla exercere licuit. — §. 5: [*nulla lex ... facta.*] haec interpreti deberi docuit Nipperdey. — §. 7: [*reliquae nondum venerant*] haec ferri non posse, cum statim c. 8, 1 sequatur: *reliquas legiones ex hibernis evocat et subsequi iubet*, recte monuit Vielhaber ephemer. gymn. austr. t. 19, p. 840. iniuria vero suspecta habuit etiam antecedentia verba: *hanc enim* — sc. legionem XIII. — *initio tumultus evocaverat*. necessaria haec sunt, ut explicetur, qui factum sit ut adesset illa legio, et s. vocem *tumultus* respicis, quae propria huic rei est, vix credas, eam magistro cuidam deberi.

c. 10, 1: *cum L. Caesare*] retinui vulgatam scripturam, quacum cod. f facit, qui cū *Caesare* habet. *a Caesare*, quod maior pars codicum praebet et Nipperdey recepit, plane superfluum est.

c. 11, 3: *si pacto consulatu Caesar profectus esset*] sic iam scripsi abiecta quam olim temptaveram coniectura *peracto postulatu*. Nipperdey eumque secuti Kraner (Weidm.), Dübner, Dinter ediderunt *si peracto consulatu Caesaris non profectus esset*. at non abest a potioribus libris; a b f enim habent *si peracto c̄s caesaris c̄s p̄fectus esset*. in recentissimis demum codicibus Vindob. 3. 4. 5. 6. 7. ea exstant, quae Oudendorp edidit: *si peracto Caesaris consulatu Pompeius profectus non esset*. haec vero et Nipperdei lectio rem fere ridiculam enuntiat, sc. Caesarem aequo animo laturum fuisse, etsi per totum sui consulatus annum Pompeius apud urbem cum exercitu maneret, dummodo satis daretur, eum peracto Caesaris consulatu in provinciam abiturum esse. monui etiam in priore editione, cum eiusmodi sententia consociari non posse verba *ut nulla tamen mendacii religione obstrictus videretur*. qui interpretantur 'ohne sich einer Lüge schuldig

zu machen', vertunt tamquam omisso vocabulo *religione* scriptum esset: *ut nullo tamen mendacio obstrictus videretur*. cum hac quidem enuntiationis specie consentiunt loci ab Kranero laudati: b. civ. 2, 32: *vos nefario scelere obstringere*, et Cic. p. Sulla 2, 6: *quem obstrictum esse patriae parricidio suspicere*, alieni autem sunt sententiae *mendacii religione obstringi*. neque haec verba Kraner eo aperuit, quod interpretatur 'durch kein Schuldbewusstsein einer Lüge gebunden.' nam quo iure interpretari liceat *religio* per 'Schuldbewusstsein', equidem non video; itemque me fugit, quid sit, 'gebunden durch ein Schuldbewusstsein'; multo minus autem intellegere possum, quomodo Kraner sententiam 'durch kein Schuldbewusstsein einer Lüge gebunden' eandem esse dicere potuerit atque: 'der diese Schuld treffenden Strafe verfallen = einer Lüge schuldig'! ut *religione obstringi* significat deorum timore ita teneri, ut certa quaedam agendi ratio inde sequatur¹⁾, ita haud dubie *mendacii religione obstringi* significare necesse est, verecundia quadam teneri, quominus aliquam fidem datam violemus. *mendacii religione* quisque tum obstringitur, cum fidem dat. inde apparet, verba: *ut si peracto consulatu Caesaris non profectus esset, nulla tamen mendacii religione obstrictus videretur*, etiamsi difficultates illae, de quibus antea dixi, non essent, tamen ferri nequire; nam ut standi in promissis necessitas ex religione mendacii enata adsit, nulla alia condicione nisi sola fide data opus est.

c. 13, 1: *proinde habeat rationem in posterum civitatis et periculi sui*] libri *posteritatis* habent idque munitum esse putant editores locis Ciceronianis, ubi *posteritas* sensu nostri 'Folgezeit' adhibitum sit. sed Varus non tam posterius temporis quam civitatis rei Caesaris faventis commo-

¹⁾ F. Hofmann eiectis locis a Kranero adscriptis Ciceronis verba laudat Phil. 2, 33, 83: *obstrinxisti religione populum Romanum*, sed non sensisse videtur haec verba etsi quadrent in nostrum locum, contra sententiam eorum facere, qui Nipperdei lectionem probant. augur enim Antonius obnuntiatione populum *obstrinxit religione*, quominus Dolabella rite creatus consul videretur.

nendus erat. retinui itaque quod olim conieceram *in posterum civitatis*. (cf. *in posterum* b. c. 1, 1, 3. 2, 21, 2. 3, 86, 5.)

c. 14, 4: *ad forum productos Lentulus spe libertatis confirmat*] *productos*, quod fhl et Oudendorpii libri habent, iam in priore editione posui pro *deductos*, quod Nipperdey ex codd. a c receperat. *spe* supplevit Nipperdey.

c. 16, 1: *Recepto Firmo Asculoque expulso Lentulo*] cum antea narratum sit, Lentulum Caesaris adventu cognito Asculo profugisse, patet mendosa esse codicum verba *recepto Firmo expulsoque Lentulo*. parum verisimile videtur, quod Aldus coniecerat et Nipperdey quoque probaverat, *Firmo* a magistro quodam pro *Asculo* positum esse; nec placere potest lectio *recepto oppido*, quam Vielhabero obsecutus F. Hofmann recepit; nimis multa enim interiecta sunt inter hunc locum et superiorem, ubi Asculum commemoratur c. 15, 3, quam ut nudum illud *oppidum* statim de *Asculo* dictum esse intellegatur. ipse olim ut emendarem illud *expulso*, quod parum recte de Lentulo ante Caesaris adventum profugo dictum videtur, scripseram *recepto Firmo ex itinere pulsoque Lentulo*. sed cum sequentia verba *ipse unum diem ibi rei frumentariae causa moratus* non nisi de Asculo oppido intellegi possint, itaque necesse sit, ut hoc ipsum nomen antecedit, ad illam Oudendorpii redii scripturam *recepto Firmo Asculoque expulso Lentulo*. — §. 4: *transductis* ut antea secundum codd. a f scripsi. Nipperdey, Kraner, F. Hofmann *traductis* ediderunt.

c. 19, 1: *consilio*, quod et res desiderat et omnium fere codicum consensus confirmat, iam in priore editione restitui pro *concilio*, quod Nipperdey et post eum Oehler, Kraner, Dinter ediderunt. in recentioribus editionibus iam *consilio* legitur.

c. 22, 3: *cum eum de salute sua orat atque obsecrat, ut sibi parcat, veterem quoque amicitiam commemorat*] *cum eum* f, *cum eo* reliqui libri. ante Davisium agit pro *orat* edebatur; is primus monstratis quibusdam comicorum locis illud *orare cum aliquo* ut recte dictum defendit, eique editores inde plerique obsecuti sunt. Nipperdey, cui comicorum

genus dicendi utpote sermoni vulgari et familiari accommodatum parum facere videbatur cum urbano illo Caesaris sermone, Plautinis et Terentianis locis fidem non esse habendam, sed cum Th. Bentleio *agit* ante *orat* inserendum esse censuit. hanc iam lectionem *cum eo de salute sua agit, orat atque obsecrat* omnes deinceps editores receperunt. sed monui in priore editione frigidam videri illam verborum cumulationem, quam quo consilio admissa sit non dispici; aptiorem autem emendandi rationem monstrari codice f, in quo *cum eum* pro *cum eo* exaratum sit. hac enim lectione recepta dummodo *veterem quoque* pro *veteremque* scribatur, aptissime sententia decurrit: *cum eum de salute sua orat atque obsecrat ut sibi parcat, veterem quoque amicitiam commemorat Caesarisque in se beneficia exponit.*

c. 23, 2: *erant quinquaginta; ordinis senatorii L. Domitius, P. Lentulus Spinther, L. Caecilius Rufus, Sex. Quintilius Varus quaestor, L. Rubrius.*] pro vitiosa librorum scriptura *erant quinquaginta ordines* Vossius et Oudendorpius exhibuerunt *erant senatorii ordinis*, Davisius *erant quinque senatorii ordinis*, et haec emendandi ratio Nipperdeio quoque ita probabilis visa est, si *senatorii* post *ordinis* collocaretur ibique s excidisse existimaretur. assenserunt ei sequentes editores. vocem *senatorii* et quidem hoc loco excidisse mihi quoque videtur, at numerum *quinquaginta* in omnibus libris scriptum et olim et nunc tangere nolui, cum omni offensione careat, dummodo de iis intellegatur, qui in antecedente sententia enumerantur *senatores senatorumque liberi, tribuni militum equitesque Romani.* — §. 4: *ab IIIIviris* secundum lapides scribendum esse pro *ab IIviris*, monuit Th. Mommsen.

c. 25. de transponendis §§. 7 et 9 egi in Mus. Rh. 1888 t. XLIII p. 156 sq. 'die Hafensperre von Brundisium.'

c. 30, 2: *cum legionibus duabus*] codd. *tribus* vel *III* habent; cum vero 2, 23, 1 et 37, 4 Curionem *quattuor* legiones a Caesare accepisse narretur, Davisius etiam hoc loco *quattuor* legionum numerum exarari iussit. at neque cum libris mss. neque cum Davisio faciendum esse, in priore

iam docui editione. supra c. 25, 2 narratum est, Caesarem Domitianas cohortes Corfinii captas protinus in Siciliam misisse¹⁾; eas triginta tres numero fuisse (*cohortes amplius XXX* c. 17, 2) ex c. 15 patet, ubi XIII a Vibullio, XX a Domitio coactas esse legitur. hae tamen ut dediticiae aliquantum infrequentiores fuisse et in legionum formam constitutae non nisi iustum duarum legionum numerum explesse videntur. id inde probari videtur, quod de duabus legionibus a Curione ex Sicilia in Africam transmissis infra 2, 28, 1 praedicatur, easdem fuisse, 'quas superioribus temporibus Corfinio receperat Caesar.' itaque duae alterae legiones, quas Siciliae praesidio reliquit, de sex illis haud dubie fuerunt, quas Caesar ad Brundisium habuisse 1, 25, 1 narratur. quarum legionum si unam cum Valerio in Sardiniam, duas cum Curione in Siciliam misit, reliquae erant tres et quidem eae, quas Massiliam deinde adductas a Caesare c. 36 videmus. cum igitur c. 30 non nisi legiones Curioni de Brundisino exercitu commissas verisimile sit commemorari, scripsi: *in Siciliam Curionem pro praetore cum legionibus duabus*. quo modo autem corrumpi potuerit numerus, inde aperitur, quod dativus vel ablativus numeri *duo* in libris haud raro in hunc modum exaratur est: *IIb*; vel *IIb'*; ex affixa illa litterula *b* ortus deinde est numerus *III*. hanc emendationem recentiores deinceps receperunt editores.

c. 34, 1: *missum in Hispaniam a Pompeio Vibullium Rufum*] in Hispaniam supplevit Aldus.

c. 35, 4: *principes vero esse earum partium [Cn. Pompeium et C. Caesarem] patronos civitatis; quorum alter agros Volcarum Arecomicorum et Helviorum publice iis concesserit, alter bello victos Sallyas attribuerit*] ineptam librorum lectionem victas Gallias Glandorpius correxit victos Sallyas

¹⁾ Domitianas cohortes ab Asinio Pollione in Siciliam esse deductas inde suspicari licet, quod Plutarchus Cat. 53 et Appianus b. civ. II, 40 Pollionem ante Curionem in Siciliam missum esse eiusque adventu Catonem profugisse narrant. huic rei consentaneum est, quod Pollio cum iisdem militibus etiam in Africam transvectus est et Curione occiso imperium suscepit. v. App. l. l. c. 45. 46.

scribendo. sed alia restitit difficultas, quod cum Sallyes, ut Nipperdey docuit, non a Caesare sed a Pompeio victi et Massiliensibus attributi esse possint, distributio per *alter — alter* facta mirum in modum inverso ordine esset accipienda. adest vero etiam aliud, quod in hac legatorum oratione valde displicet, quod hi sat ridicule ipsum Caesarem docent, *principes partium*, in quas divisus sit populus Romanus, *esse Cn. Pompeium et C. Caesarem*. id modo ex eorum re erat monere *principes earum partium esse patronos civitatis*. itaque *Cn. Pompei et C. Caesaris* nomina ab interprete adscripta esse censeo, quibus deletis non amplius est, cur in sententiis per *alter — alter* adiunctis haereamus.

c. 38, 1: *quorum unus Hispaniam citeriorem* tribus legionibus, *alter ulteriorem a saltu Castulonensi*] suppleme[n]ta Nipperdeio debentur.

c. 39, 1: removi iam uncōs, quibus olim Nipperdeio auctore verba [*citerioris provinciae*], [*ulterioris Hispaniae*], [*utriusque provinciae*] incluseram. — §. 2: *Caesar legiones in Hispaniam praemisera[t] VI. ad illa auxilia peditum V milia, equitum III milia, quae omnibus superioribus bellis habuerat, et parem ex Gallia numerum, quem ipse paraverat nominatim ex omnibus civitatibus nobilissimo quoque evocato, et hinc optimi generis hominum ex Aquitanis montanisque, qui Galliam provinciam attingunt addiderat. Audierat*] sic locum iam in priore editione constitui. *VI. ad illa* scripsi pro *ad VI milia*, quod codd. habent (nulla f). — *peditum V milia*] numerum V supplevit Nipperdey ex Cic. ad Att. 9, 13, 4. — *quae* deest in codicibus; excidit fortasse, quod verbis *VI ad illa* in *ad VI milia* perversis, *habuerat* primarium sententiae verbum habitum est. — *quem ipse paraverat* vulgata lectio est eaque unice probanda. miror Nipperdeio, Kranero, Dintero, F. Hofmanno codicum verba placuisse *quam (quamquam a f) ipse pacaverat*; cum plane inepte hic moneatur, Galliam a Caesare ipso pacatam esse, et sequentia verba *nominatim ex omnibus civitatibus nobilissimo quoque evocato* documento sint, non de pacata Gallia sed de parando militum numero sermonem esse. —

et *hinc* scripsi, libri *hinc* habent, Nipperd. *huc* proposuit, quod sequentes editores receperunt. *hinc* una cum ablativis *ex Aquitanis montanisque*, quos praecipit, superiori *ex Gallia* respondet. de genetivo autem *optimi generis hominum* monui, eum, nisi pendere facimus ex antecedente *numerus*, sua ipsius vi partitiva adhibitum videri, ut infra factum est 3, 4, 6: huc Dardanos, Bessos... Macedonas, Thessalos ac *reli-
quarum gentium et civitatum* adiecerat. — verbum *ad-
diderat*, vel quod alii maluerunt *adiecerat*, ob litterarum similitudinem cum sequente *audierat* excidisse videtur.

c. 40, 8: *huc cum cotidiana consuetudine congressae
pabulatoribus praesidio prope priores legiones Fabianae
duae flumen transissent e. q. s.*]] retinui hanc prioris editionis lectionem. Nipperd. pro *congressae*, quod codd. habent, auctore Jurinio *egressae* scripsit idque etiam Dübner, Dinter, F. Hofmann receperunt. at quaeritur, quomodo particula *huc* cum *egressae* coniuncta sit accipienda. quominus cum Kranero *huc...egressae* interpreteris 'in diese Gegend, wo man Futter holte', id impedit, quod locus, unde pabulum peteretur, altera fluminis ripa situs erat, ita ut huc tum demum legiones *egressae* dici possent, si iam pontem transissent. sin *huc* cum *transissent* coniungitur, participium *egressae* misere vacare, vix quemquam fugit. restat itaque ut *huc* ad *egressae* referas et de loco in citeriore ripa sito intellegas, ad quem legiones progredi debebant, antequam flumen transirent. patet autem narrationem satis inepte tardari commemorando legiones ad eum locum esse *egressas*, nisi eo ipso etiam iter paulisper inhibitum esset. nec profecto verisimile est, legiones agmine continuo ex castris per pontem in alteram fluminis ripam contendisse, cum et magna iumentorum vi impedirentur, nec non ab hostibus vicinis cavere deberent; immo rei convenit, legiones ad caput pontis constitisse ibique iam eo ordine esse constitutas, quo pontem traducerentur. praesidium quoque relinqui necesse erat, ne cum in altera ripa pabularentur, hostes pontem interciderent, et in hunc finem haud dubie remanere debebant duae illae legiones, quas Fabius deinde ulteriore ponte L. Planco auxilio misit. itaque sive

congressae sive *egressae* scribitur, eo significari necesse est, legiones in campum ad pontem progressas ibi constitisse, atque ita non amplius est, cur contra codicum auctoritatem reponatur verbum, quo non nisi eadem sententia et quidem ratione minus aperta efficitur. at ne mireris, quod *congrédiendi* verbum de iis dictum est, qui ex eodem loco, castris scilicet, profecti sunt — idque Nipperdeius monuisse videtur verbis: 'neminem ita legiones congrédi dixisse' —, distinguendum est inter *congrédiendi* et *conveniendi* notionem. cum enim ii, qui ex diversis partibus eundem locum petiverunt, convenisse dicendi sint, congressos eos dicere licet, qui iam eundem locum obtinent, nulla ratione habita, unde sint profecti. (cf. nostrum 'zusammentreten.') retinui igitur *congressae*. nec magis placuit Nipperdei coniectura *propiore ponte*, cum in libris legatur *proprio*. ut pons, quo legiones duae transierunt, *propior* dici posset, etiam esse deberet, unde relativa quam dicimus vis illius comparativi percipiatur. alterum pontem castris propiorem, alterum longius remotum fuisse, omnino non verisimile est, neque adiectivo *ulterior*, quo alter deinde pons notatur, tale quid probatur; immo ex illo adiectivo et ex ipsa rei ratione patere videtur, alterum pontem supra, alterum infra castra, si regionem ex fluminis cursu servas, situm fuisse, ita ut aequae ab castris uterque distaret. scripsi itaque, unde librorum scriptura *proprio* et maxime id quod in a m. 1 exaratum est *proprio re legiones* facillime enasci potuit: *prope priores legiones*. — §. 4: *legiones IIII*] 'IIII' Oudendorpii libri itemque Vindob. f exhibent. Nipperdey eumque secuti Kraner, Dinter, F. Hofmann secundum codd. ab 'III' posuerunt.

c. 41, 1: *noctu*] sic fh1 et plerique Oudendorpii codd.; Nipperdey, Kraner, Dinter secundum abc *nocte* scripserunt.

c. 44, 4: *ipsi autem suos ordines servare neque ab signis discedere neque sine gravi causa eum locum, quem ceperant, dimitti consueverant oportere.*] *consueverant* Nipperdey; libri *consueverant*. in hanc Nipperdei correcturam tamquam ineptissimam invectus est Heller (Philol. t. XVIII 518 sq.), traditam scripturam eo defendens, quod *ipsi*

censere antecesserit militum perturbationi primaria sententia enarratae. sed non quaeritur, utrum plusquamperfectum grammaticae rationi respondeat, immo de re ipsa agitur, num penes Caesaris milites esse potuerit *censere*, utrum ordines servare, an ab signis discedere locumque dimittere vellent. F. Hoffmann, Hellero opitulans, addit: 'sie hatten bis dahin gemeint, dass es nöthig sei Reih' und Glied zu wahren; sonst hätten sie dem Vorgehen der Feinde bei Zeiten entgegen treten und verhindern können, dass dasselbe so bedrohlich werde.' opinatur itaque v. d., Caesarianos, nisi censuissent, sibi ordines esse servandos, simili pugnandi genere usuros fuisse atque Afranianos. at qui, quaeso, genere pugnandi uti potuissent, quo perturbati esse dicuntur, quod eius omnino essent insueti. ineptissimum itaque est illud *censuerant*, nec quominus *consuerant* scribamus, Helleri verba detertere possunt: '*consuevit* regiert nun und nimmer den accus. c. infinit.' frustra enim quaeras hoc loco accusativum cum infinitivo, cum a *consuerant* modo infinitivus *oportere*, ab hoc vero reliqui illi infinitivi *servare*, *discedere*, *dimitti* dependeant.

c. 45, 4: *praeruptus locus erat utraque ex parte ac directus tantum in latitudinem patebat, ut cett.*] transposui particulam *ac*, quam codd. post *directus* exhibent. neque enim intellegitur, cur *praeruptus* locus etiam *directus* dicatur, nec si re vera latera *directa* fuissent, credi potest, equitatum, qui deiectis atque inferioribus locis constiterat, tamen per *directa latera* in iugum esse connisum (c. 46, 3).

c. 46, 3: *summa in iugum virtute committitur*] *summa* corr. Forchhammer; codd. *summum*.

c. 48, 5: *tempus erat autem difficillimum, quo neque frumenta ex hibernis erant novaque multum a maturitate aberant*] codicum scripturae *quo neque frumenta in hibernis erant neque multum a maturitate aberant* licet patroni non desint, tamen eam ferri posse et antea negavi neque nunc aliter censeo. ut mittam, quod olim monui, temporis difficultatem vix in eo cerni posse, quod frumenta non multum a maturitate aberant, itaque prope matura erant, ipsum anni

tempus, quo in tantis angustiis res Caesaris versabatur, vix id erat, in quo frumenta prope matura esse potuissent. tempestas enim, de qua initio c. 48 narratur, cum extremo mense Iunio accidisse dicatur (v. tabulam chronologicam editioni Kranero-Hofmannianae praefixam), meminisse necesse est, mensem Iunium dici anni nondum correcti, sc. eius, qui sexaginta septem diebus iustam dierum computationem praecurrerit. inde sequitur, nostro loco de condicione segetum cogitandum esse, qualis altera parte mensis Aprilis anni naturalis esse solet. hoc vero tempore nova frumenta multum certe a maturitate aberant. — pro *in hibernis*, quod libri habent, F. Hofmann eumque secutus Dübner *in acervis* scripserunt ad Columellae locum (II, 21) respicientes ubi praecipitur, ut messis fiat, antequam ex toto grana indurescant, cum rubicundum colorem traxerint, — ut potius in area et *in acervo*, quam in agro grandescant frumenta. agitur itaque hoc loco de *acervis*, in quos post ipsam messem frumenti manipuli congeri vel digeri debeant, ut molliora grana, antequam terantur, durescere possint, non vero de *acervis*, quibus frumenta per hiemem in alterum annum asserventur. alii *in horneis*, *in cavis hornis*, *in hornis cavernis* (sic Heller Philol. XVIII, p. 520), alii *in Hiberis*, alii *in tabernis* proposuerunt. quae cum parum arrideant, ut in priore editione *ex hibernis* scribere malui, ut frumenta significantur, quae Caesariani ex Gallicis hibernis in Hispaniam secum advexerant.

c. 52, 4: *quo minor erat frumenti copia, pecus imperabat*] retinui codicum lectionem *quo*; Nipperdey et recentiores editores Stephanum secuti *quod* scripserunt. sed utrumque certe, ut et frumentum et pecus mitterent, civitatibus imperabatur; *quo minor vero frumenti copia iis esset, pecus imperabatur*.

c. 53, 2: *multa rumore fingeantur*] Nipperdey *rumore adfingeantur*, Kran., Düb., Dint., Stephano auctore *rumor adfugebat* scripserunt. consentiunt vero libri in simplici verbo *fingeant* (unus *b fugebat* habet); optimi *a b f rumore*, reliqui *rumor* exhibent. itaque malui ut in priore editione *rumore fingeantur* exarare.

c. 54, 2: *carinae ac primum statumen alvei materia fiebant*]] sic pro librorum lectione *prima statumina levi materia fiebant* scribendum esse docui in ann. phil. 1874, p. 463.

c. 57, 4: *pastoresque Domitii* iam in priorē editione (1857) scripseram pro *pastoresque indomiti*, sed cum casu haec emendatio in praefatione non commemorata sit, iam Dübnero accepta ferri solet.

c. 58, 1: *impetusque eorum decipiebant*]] *decipiebant* iam ex Nipperdei coniectura scripsi pro librorum *excipiebant*, quod antea in *exciebant* correxeram. Kraner, Dübner, Dinter *non excipiebant* ediderunt, quae lectio si vera esset, adversativa particula sequi deberet.

c. 61, 2: *itaque constituunt ipsi locis excedere*]] sic codd., nec esse putabam, cur vel vulgatum *iis*, vel Nipperdeio auctore *his* ante *locis* insererem. — §. 4: *miliaque passuum a castris aberat XXX*]] *XXX* posui auctore Goelero; libri *XX*, — ib. *que (castraque)*, quod *f* et Oudendorpii libri habent, retinui.

c. 62, 2: *exstarent* iam cum Oehlro et Dintero secundum cod. *b* scripsi; antea cum Nipperdeio vulgatam scripturam, quam reliqui codd. exhibent, *exstare et* retinueram.

c. 64, 1: *sustineri extremum agmen atque interrumpi*]] *sustineri* ut antea cum Kranero scripsi. libri *sustinere* habent, quod Nipperdey, Dübner, Dint., F. Hofm. retinuerunt, vix tamen apto modo explicarunt. pro *interrumpi* Nipperdey invitis libris invita etiam sermonis ratione *inrumpi* edidit. nec probari potest, quod idem vir doctus §. 3 *non* ante *necessario* inseruit.

c. 65, 4: *hos montes intrasse cupiebant*]] Nipperdey librorum verba *intra se recipiebant* ex parte certe recte emendavit scribendo *intrare cupiebant*, sed lectio a me iam in priorē editione proposita *intrasse cupiebant* propius certe ad librorum vestigia accedit. aptissimus etiam videtur infinitivus perfecti in re, qua demum impetrata Pompeianis salutem sperare licebat.

c. 66, 1: [ad]aquandi causa] cum verbum *adaquari* plane insolitum sit neque ulla ratione defendi possit, *ad* inclusi. vocula *ad* ex glossa quadam superscripta restituisse videtur.

c. 67, 3: *consuerit*] sic *f* et Dübneri codd. excepto *a*, qui *consueuerit* habet, quod Nipperdey recepit. — §. 6: *evin-*
cit ex codicum consensu scribendum esse duxi; *vincit* Nipperdey et recentiores.

c. 72, 5: *praesidiis montibus dispositis*] sic codd. praeter duos deteriores, qui, quod vulgo edi solet, *in montibus* habent. cum Nipperdeio praepositionem non recipiendam esse duxi. (supra quoque c. 21, 3: *ipse iis operibus... milites disponit*, pars editorum invitis libris *in* posuerunt. cf. b. G. 8, 12, 1.)

c. 75, 2: *deprehendit*] cum *a* et codd. Ursin. et Riccard.) (famil. Havn.) *deprendit* habeant, iam aegre fero, quod pro hac forma plenior *deprehendit* reposui, quam *f* et ceteri libri praebent.

c. 80, 4: *qua re animum adversu Cuesar refectis legionibus subsequitur*] pro inepto *relictis* iam in prior editione scripsi *refectis*. idem deinde Dübner edidit 'cum criticis', ut adnotat, 'pluribus.' (?) Dinter, qui in edit. Teub. 1870 p. XXVI *refectis* ut parum probabile repudiaverat, iam in ed. a. 1888 recepit, sed Deitero nunc vindicat, qui fere triginta annis post (Philol. t. 44, a. 1886, p. 368) in eandem emendationem incidit. Nipperdey *expeditis* legionibus scribendum esse coniecerat; Kraner parum anxius de librorum fide *relictis impedimentis* edidit, quod F. Hofmann retinuit.

c. 81, 6: *his eos suppliciis male haberi*] sic iam cum recentioribus editoribus scripsi, cum haec et propius ad librorum verba *supplices male haberi* accedant et respondeant Afranii verbis c. 84, 4. antea cum Nipperdeio ex Davisii coniectura *his eos supplices malis habere* edideram. — §. 7: [ad *id*] secluserat F. Hofmann.

c. 82, 1: *illi impediendae reliquae munitionis causa*] corr. Forchhammer; codd. *rei quae munitionis fiebat causa* vel *causa fiebat* exhibent.

c. 85, 6: *neque † tot tantasque classes paratas*]] corruptelae signum posuit Nipperdey, qui p. 145 recte monuit, non tam de classibus fuisse monendum, cum Varro decem modo naves Gadibus, complures Hispali instituisset, quam de auxiliis in ipsa Hispania paratis. — §. 9: *nihil valere, cum*]] libri *quod* habent; *quom* corr. Nipperdey; F. Hofmann Madvigio auctore *quin* scripsit.

c. 87, 1: *iis, qui amiserint*]] perfecti coniunctivum ex cod. f recepi; reliqui libri *amiserant* habent.

LIB. II, c. 1, 2: [*ad partem*] cum inepte dicatur *alteram partem fuisse ad partem*, haec verba inclusi. Dederich *ad portam* scribendum proposuit, idque Dinter recepit.

c. 3, 2: *navem ex navalibus eorum deducit*]] locum a Nipperdeio cruce notatum facile corrigi posse recipiendo *navem* ex cod. c, in priore iam monui editione. secuti sunt Kraner, F. Hofmann, Dober.-Dinter.

c. 4, 4: *ut novis atque improvisis rebus*]] verba codicum *ut invisis latitatis atque incognitis rebus* foede corrupta esse cum pateat, omisso illo *latitatis* vel *invisis* atque *incognitis rebus* (Nipperd. Kran.), vel *improvisis atque incognitis rebus* (Dint., F. Hofm.), vel *inusitatis atque incognitis rebus* (Dübner.) edi solet. at cum Nasidii adventus, qui Massilienses iam summa spe et voluntate compleverat, *improvisus* quidem esset, non vero inter *res invisas, incognitas, inusitatas* referri posset, malui verba ponere, quae loco illi communi conveniant. codicum verba ex variis interpretationibus loco adscriptis nata esse videntur.

c. 5, 3: *ut omnis iuventus, quae publicis custodiis in oppido remanserat, omnesque superioris aetatis cum liberis atque uxoribus aut e muro ad caelum manus tenderent*]] verba *quae publicis custodiis* cum casu quodam excidissent et in margine essent adpicta, inepto iam loco in codd. leguntur: *cum liberis atque uxoribus publicis custodiis quae (que a) aut muro*. superiores editores *cum liberis atque uxoribus publicisque custodiis* scripserant, quae lectio etiam nunc Dintero placet. Nipperdey parum probabilem ad-

hibuit correcturam scribendo *ut omnis iuventus, quae custodiis in oppido remanserat omnesque superioris aetatis cum liberis atque uxoribus aut supplicis ex muro ad coelum manus tenderent*. Dübner verba *publicis custodiis* ut ab interprete adscripta inclusit, F. Hofmann deleuit, vix iure, cum necessario significandum fuerit, quem in finem illa *iuventus* in oppido remansisset. — ib.: *e muro*] in prior editione secundum cod. f *de* scripseram; in reliquis libris praepositio deest. F. Hofmann et Dübner *in muro* ediderunt.

c. 6, 2: *diductisque nostris paulatim navibus et artificio gubernatorum et mobilitati navium locus dabatur, et si quando nostri facultatem nacti ferreis manibus iniectis navem religaverant, undique suis laborantibus succurrebant*] et ante *mobilitati* inserendum esse in superiore editione contra Nipperdeium monui, qui cum recte negaret, *mobilitati navium artificio gubernatorum locum dari* potuisse, cum id nonnisi diductis Caesarianis navibus factum esset, minus recte sensit, cum prius *et* eiceret eo consilio, ut iam artificio gubernatorum Caesarianae naves diductae dicerentur. sed neque locus placet, quem iam ablativus ille *artificio gubernatorum* obtinet, neque amplius esse videtur, cur artificio gubernatorum tamquam singulare hac in re commemoretur, si nihil aliud inde effectum sit, nisi ut naves diducerentur. res vero ipsa suadet diductis navibus *et artificio gubernatorum et mobilitati navium* locum esse datum. hanc emendationem omnes deinceps receperunt editores.

c. 7, 1: *Sedecim Nasidianae naves nullo usui fuerunt*] libri *sed* praebent, quod cum adversativa vis plane aliena sit huic loco, ex numero XVI navium supra c. 3 indicato ortum esse existimo.

c. 9, 2: *hanc super contignationem*] *super* Nipperdey; codd. *insuper*, quod antea retinueram. — §. 6: *ubi, quantum storiarum demissio patiebatur, tantum elevarant*] codd. *elevabant*; corr. F. Hofmann.

c. 10, 1: *musculum pedes LX longum*] in prior editione numerum XX scripseram, quem Goeler commendaverat in libro 'die Kämpfe bei Dyrrhachium und Pharsalus' p. 184;

iam vero librorum scripturam LX retenturus eram, sed typothetae errore LV exaratum est. — §. 4: *qui super [musculo] struantur*] musculo inclusit Nipperdey.

c. 11, 3: *hostes ex muro ac turribus submoventur* [: *non datur libera muri defendendi facultas*] verba a Nipperdeio seclusa recentiores editores genuina iudicarunt Krænerum secuti, qui olim quidem cum Nipperdeio verba illa *damnaverat*, deinde vero patrocinium eorum suscepit; sed non probavit, his verbis aliud quid effici, nisi ut antecedens enuntiatum *hostes ... submoventur* superfluo modo explicetur.

c. 14, 3: *sed de muro sagittis tormentisque fugientes persequi prohibentur*] *sed muro* codd.; vulgo Ciacconio auctore *e muro* edebatur. monui vero in superiore editione, verisimilius esse praepositionem *de* propter antecedens vocabulum *sed* a librario omissam esse. *de* Dübner deinde et Dinter in repetita editione Doberenzii itemque in novissima editione Teubneriana receperunt.

c. 16, 1: *qua aut vi militibus*] poenitet iam, quod vulgatum illud *vi* retinuerim, cum potius pro *eis*, quod libri habent, ex Forchhammeri emendatione *telis* scribendum sit. — §. 2: *circumiri* ut antea secundum codd. scripsi; vulgo *circummuniri*. — ib. *paene inaedificata [in] muris*] in ferri nequire iure monuit Gemoll ann. phil. t. 119, p. 267.

c. 19, 1: *ipse DC cum equitibus*] praepositionem, quae in codd. omissa est et vulgo ante numerum inseri solet, post *DC* posui, cum numeri signum *C* in causa fuisse videatur, cur vocula illa, inprimis si per compendium (*Ċ*) scripta erat, omitteretur.

c. 23, 1: *Anquilaria*] hanc nominis formam primus in superiore editione exhibui, cum antea *Aquilaria* ederetur. *Anquilaria* a f, *Anquillaria* c, *Anquillaria* reliqui libri et schol. Lucan. IIII, 586 praebent, unus cod. b *Aquillaria* exhibet. *Anquilaria* ut scribatur etiam suadet, quod paulo post de loci natura commemoratur, 'eum duobus eminentibus promuntoriis contineri'; inde enim fit ut nomini eandem radicem subesse putemus, ad quam redeunt nomina illorum oppidorum, quae ad mare sita litoris *anfractu* sinum et navibus

stationem praebebant, qualia sunt Ἀγκών, Ἀγκάρα, Ἀγκύριον Italiae oppida (v. Steph. Byz. s. vv.) et alia. Anquilariam a Graecis et quidem Siculis et conditam et dictam esse, inde concludere licet, quod *Clupea* vel *Aspis*, Siculorum colonia, Caesare teste non multum ab illo loco aberat. *Anquilaria* omnes deinceps scripserunt editores.

c. 29, 3: *civile bellum; genus hominum, cui liceret libere facere et sequi, quod vellet; legiones eae, quae paulo ante apud adversarios fuerant (nam etiam Caesaris beneficium mutaverat munerum consuetudo, quae offerrentur); municipia etiam diversis partibus coniuncta (namque ex Marsis Pelignisque veniebant ii qui superiore nocte profugerant): haec in contuberniis commilites querebantur; nonnulli graviora proferebant*] locum lacunosum alii aliter explere et corrigere studuerunt, sed cum quae protulerunt, neque certiora neque aptiora viderentur iis, quae in priore editione temptaveram, non esse putabam, cur ab his recederem. plane vero reiicienda est lectio unius codicis Carrariensis *adversis*, quam cum Nipperdeio Kraner et F. Hofmann receperunt. cum enim proprium sit bellorum civilium, ut cives diversas partes sequantur, necesse est idem de municipiis moneri, ea *diversis* partibus coniuncta esse.

c. 30, 1: *consilio convocato*] *vocato a b*, quod Nipperd., Kraner, F. Hofm. posuerunt; at cum *vocare consilium* in Caesarianis commentariis nusquam recurat, ut antea ex *f* et reliquis codd. *convocato* scribere malui, quod etiam Dübner et Dinter receperunt. — *ib.: quod in huiusmodi militum consiliis otium maxime contrarium esse arbitrarentur*] in Clarke supplevit, omisit Dinter. Krafferti coniectura *quod huiusmodi consiliis militum otium cett.* (ann. phil. t. 91, p. 500) sensus plane invertitur. non consiliis ducum contrarium erat militum otium, immo ne in illis militum consiliis (ad defectionem spectantibus) otium contrarium i. e. periculosum evaderet, duces conandum omnibus modis castraque Vari opugnanda censebant.

c. 31, 5: *quanto haec dissimulari et occultari, quam per nos confirmari praestet.*] meliores quidem libri *dissimu-*

lare habent, idque in priore editione cum Nipperdeio servandum esse duxeram; sed cum idonea causa non adsit, cur tam insolito modo infinitivus activus cum passivis componatur, iam cum recentioribus editoribus *dissimulari* scripsi. — §. 8: *quare neque tanti sum animi, ut sine spe castra oppugnanda censeam, neque tanti timoris, uti spe deficiam*] *uti spe* scripsi; vulgo quod codd. praebent *ut ipse*.

c. 32, 12: *naves oneratas adduxerim*] sic iam in priore editione secundum optimos libros scripsi. Nipperdey et superiores editores *onerarias* receperant; Kraner, Dinter, F. Hofmann *abduxerim* ediderunt. sed non tam *abductas* quam *adductas* esse has naves, utpote ad castra Cornelianae vela dirigere iussas, ex c. 25, 6 sq. patet. — §. 13: *hac vos fortuna atque his ducibus repudiatis Corfiniensem ignominiam, Italiae fugam, an Hispaniarum deditionem Africi belli praeiudicia sequimini?*] mendosa quidem sunt librorum verba, cum omnes *in Italiae fuga* habeant, itemque *in ante Africi* addant (mitto discrepantias in verbis *Africi belli* obvias); sed cum omnes ante *Hispaniarum* particulam *an* praebent, ex cuius repetitione his positum illud *in* enatum esse videtur, vix dubitari potest, quin bimembris hic adsit interrogatio, qualis ipso orationis consilio flagitatur. propositis enim utrumque partium condicione et rebus utrumque gestis, unde etiam praeiudicium fieri possit de belli Africi eventu, Curio iam milites interrogat, utras res praeiudicia Africi belli sequi malint, Corfiniensem ignominiam, Italiae fugam an Hispaniarum deditionem, Caesaris sc. victoriis perpetrata. scripsi itaque ut in superiore editione *sequimini*. Nipperdey et recentiores particulam *an* omiserunt et *sequimini* imperativi formam esse voluerunt.

c. 33, 1: *crebro etiam dicentem interpellabant*] *dicentem*, quod abest a codd. *ab* et Petav. (exstat vero in f et plerisque Oudendorpii libris) omiserunt Nipperdey, Kraner, Dübner, F. Hofmann, parum recte; necessarium enim esse illud participium inde intellegitur, quod verbis *etiam dicentem interpellabant* deinde opponuntur *discedentem vero ... cohortantur*; neque etiam habet quo referatur, cum *di-*

centem omittitur. in h1 verba *qua oratione usque ad viderentur* desunt.

c. 34, 5: *quae pridie sibi confirmassent*] *sibi* a Nipperdeio omissum, quod deest in a (secundum Dübnerum etiam in b), iam in priore editione restitui. exstat enim in f et si quid ex Dübneri silentio colligi potest in h1. *sibi* sequentes quoque editores retinuerunt.

c. 35, 1: *et monere aliquid velle*] hunc vulgatum verborum ordinem iam olim restitui, cum Nipperdey ex uno cod. a *et monere velle aliquid* posuisset, quod unus F. Hofmann recepit. — §. 5: *sed cum loci natura tum munitio castrorum adiri tunc prohibebat, quod ad proelium egressi Curionis milites iis rebus indigebant, quae ad oppugnationem castrorum erant usui*] *prohibebant* codex modo Dresd. et quinque deteriores Oudendorpii libri habent, iidem *aditum* praebent, cum reliqui iique optimi *adiri tunc quod* habeant. qui lectionem vulgatam *aditum prohibebant, tum* eo commendari putant, quod librarius ab [adi] *tum* ad alterum *tum* aberraverit, explicant quidem, cur *prohibebant* omissum sit; sed sic vel lectio nasci debuit *aditum quod*, vel ex correctura *aditum tum quod*; quomodo vero rarior ille infinitivus *adiri* effingi potuerit, non aperitur. equidem censuerim verba eo depravata esse, quod ab interprete quodam, qui sententiae per *quod* coeptae tertiam causam inesse putabat, qua milites ab aditu prohibiti essent (idque etiam nunc nostrae aetatis interpretes statuunt), huic sententiae alterum *tum* praefixum est. cum iam legeretur *adiri tunc prohibebat tum quod*, facilius etiam fieri poterat, ut ab *tunc* ad *tum* aberraretur. explodendum vero est illud *tum* ante *quod*; non enim tertia causa adiungitur, sed ratio aperitur, cur omnino milites loci natura et munitione castrorum prohibiti sint, quominus adirent, *quod ad proelium egressi iis rebus indigebant, quae ad oppugnationem castrorum erant usui*; si enim his rebus instructi fuissent, castra expugnassent; nam sic quoque *non multum afuit quin Attiani castris expellerentur* (§. 4). cur vero Dinter mihi suaserit, ut *adoriri* pro *adiri* scriberem, ignoro; an aegre tulit passivam verbi formam, legitimam certe

ubi subiectum deest? — §. 6: *ac multo pluribus vulneratis*]] cum meliores libri *ac vulneratis* habeant, Nipperdey lacunam notavit; antea ex cod. aliquo Ursini *M* vel *mille* edebatur, idque retinuerunt Dübner, Dinter, F. Hofmann. at cum interfectorum numerus non certo constaret, etiam minus verisimile videtur, certum vulneratorum numerum proditum fuisse. itaque in priore editione multis scripseram, quod Kraner recepit; iam vero ad Appiani locum respiciens b. c. II, 44: καὶ κατεργάθησαν ἔτι πλείονες, multo pluribus supplere malui.

c. 37, 2: retinui ut antea vulgatam lectionem, quam omnes libri exceptis a b praebent: *nuntiis ac litteris* et paulo post *quibus omnibus rebus*; Nipperdey ex uno cod. a (idem exstare in b Dübner adnotat) *nuntiis et litteris* et *quibus rebus omnibus* edidit eumque secuti sunt Kraner, Dinter, F. Hofmann.

c. 40, 3: *copias ex locis superioribus in campum deducit*]] *deducit* et cod. f et reliqui habent libri praeter a b ex quibus Nipperdey *ducit* edidit. Dübner *deducit* retinuit; Kraner, Dinter, F. Hofmann cum Nipperdeio fecerunt.

c. 44, 3: *ipse* — [*paucis diebus*] *quae fieri vellet, Uticae constituit atque imperavit diebusque post paucis se in regnum cum omnibus copiis recepit.*]] verba *paucis diebus* ut spuria segreganda esse duxi; vulgo *diebus* modo deleri solet; sed quominus *paucis* lubam quae vellet instituisse existimes, id certe obstat, quod aliquot certe dies in res ordinandas consumpsit.

B. C. III, c. 2, 2: *Sed tantum navium repperit, ut anguste vix VII illarum legionum, DC equites transportare possent*]] quae codices habent — *ut anguste XV milia legionariorum militum* — sana non esse, sequentibus verbis atque hae ipsae copiae hoc infrequentiores imponuntur evincitur, cum non nisi *legiones* vel *cohortes* infrequentes esse potuerint, non vero *XV milia legionariorum*; et cum infra c. 6, 8 moneatur, 'impositas esse, ut supra demonstratum sit, *legiones VII*', Ciacconius et Ursinus non dubitarunt, etiam nostro loco scribere *ut anguste VII legiones e. q. s.* sed cum

haec lectio nimis recederet ab librorum verbis, omnes deinceps editores illa *XV milia legionariorum militum* (*XX milia* Scaliger) retinuerunt. unus Nipperdey *LX cohortes legionariorum militum* scribendum esse censuit, quia VI modo legiones, non VII, ut perperam c. 6 scriptum sit, cum Caesare in Graeciam transvectae sint, licet septem legiones etiam apud Appianum b. c. II, 54 commemorentur. ex duodecim enim illis legionibus Brundisium adductis secundo commeatu *quattuor* a M. Antonio in Graeciam transmissas, *duas* vero aestate eius anni cum Q. Cornificio in Illyricum profectas esse; inde iam colligi, Caesarem non nisi *sex* legiones transduxisse. at haec legionum computatio eo irrita fit, quod Nipperdey neglexit, inter quattuor legiones cum Antonio transvectas *tres* modo *veteranas*, *unam* vero *tironum* fuisse (cf. c. 29, 2). hanc vero nuper demum conscriptam neque ex numero *duodecim illarum legionum* fuisse, inde elucet, quod hae legiones hoc infrequentiores fuisse dicuntur, 'quod multi Gallicis tot bellis defecerant longumque iter ex Hispania magnum numerum deminuerat et gravis autumnus in Apulia circumque Brundisium ex saluberrimis Galliae et Hispaniae regionibus omnem exercitum valetudine temptaverat.' falsum etiam esse Nipperdeium, cum computandis copiis, quas Caesar in Graecia habuisset, demonstrare studeret, eum quattuor ab Antonio adductis legionibus non XI, sed X modo habuisse legiones, iam Henr. Schneider docuit ('loci Caesaris de bello civili commentariorum nonnulli explicati et emendati', Vratisl. 1859, p. 65 sqq.) cf. F. Hofmann infra ad c. 89, 2. nil igitur obstat, quominus fidem habeamus verbis illis c. 6, 2: *impositae, ut supra demonstratum est, legiones VII*; id modo quaeritur, quomodo quae *supra*, i. e. nostro loco, similiter certe relata erant, in verba illa *XV milia legionariorum militum* abire potuerint. ut *legionarii* milites in locum *legionum* invaderent, tum certe necesse erat, cum vitiosus ille '*XV milia*' numerus irrepsisset. suspicari etiam licet, iuxta *anguste* additam fuisse particulam numerum restringentem *vix*. iam si facimus, genuinam fuisse lectionem *ut anguste vixviii^{llar}legionv̄dceqvites* e. q. s., apparet, illud *vix*, quod male scriptum numeri signum

esse videbatur ¹⁾, reliqua menda secum traxisse. parata enim videbatur emendatio scribendo

ut anguste [VI]XV.CIDILIA.LEGION^{ari}V^{mult.}.DCEQVITES

(*legionarium a b f*). haec cum describerentur, superscriptum illud *milit.* ab aliis librariis post *legionarium*, ab aliis vero loco vocis *equites*, cuius correctura esse videbatur, insertum est indeque factum, ut in archetypo nostrorum codicum utroque loco illud vocabulum reponeretur. omnes enim meliores notae codices praebent *legionarium militum .D milites.* una cum EQVIT. etiam antecedens numeri signum c sublatum esse videtur, nisi iam antea propter similitudinem cum sequente e exciderat.

c. 4, 4: *DCCC ex servis suisque pastorumque suorum numero coëgerat*] numero, quod iam in priore editione inserueram, recepit etiam Dübner; Nipperdey eumque secuti Kraner, Dinter, F. Hofmann *ex servis pastoribusque suis suorumque* scripserunt; Madvig proposuit *ex servis suis pastoribusque amicorumque suorum*.

c. 6, 2: *postridie terram attigit. inter Cerauniorum saxa et alia loca periculosa quietam nactus stationem*] pro vulgata scriptura *terram attigit Cerauniorum. inter saxa e. q. s.* Nipperdey secundum codd. edidit *terram attigit Germiniorum e. q. s.* at si Nipperdeio *Cerauniorum* ut populi nomen displicuit, magis etiam displicent *Germinii*, quos nemo novit. in utraque vero lectione id etiam aegre ferri necesse est, quod ad *saxa* non additum sit, quo illis *aliis locis periculosis* opponantur. itaque cum ex Appiano (b. c. II, 54) et Cassio Dione (XLI, 44) constet, Caesarem ad montes Ceraunios appulisse, potiore duxi lectionem, quam in priore iam exhibueram editione *inter Cerauniorum saxa*. male exaratis mediis in voce *Cerauniorum* litteris cum inde *Germiniorum* (a f) vel *Germaniorum* (h l) exstisset, librarius cui

¹⁾ Sic in cod. Paris. a b. c. 8, 79, 7 exstat 'VI.X.IIIII horarum spatio' pro 'vix' cett.

hoc nomen ad *terram* pertinere videbatur, genuinum verborum ordinem immutavit. — §. 8: *Palaeste* pro *Pharsalia* scribendum esse docuit Nipperdey.

c. 7, 1: *Erat Orici Lucretius Vespillo et Minucius Rufus*] *erat*, quod ante Nipperdeium legebatur quodque et f et reliqui codd. praeter a b habent, etiam nunc retinui. *erant* b, *era.t* a.

c. 8, 4: *a Sasonis ad Curici portum*] corr. Mommsen; libri *a Salonis ad Orici portum* praebent.

c. 9, 5: *quare missis ad Caesarem legatis auxilium ab eo petebant*] *quare* ex Mich. Bruti emendatione etiam nunc scribere malui quam cum Nipperdeio facere, qui codicum verba *qui remissis in cui rci missis* corrigenda esse censuit. quominus *cui rei* ad *auxilium* referas, verborum collocatio ob stare videtur. — §. 6: *ipsi manu facta cum iis, quos nuper maxime liberaverant*] codd. *maximi* exhibent, quod Aldus in *manumissos*, Oudendorp in *maxime* mutandum esse censuerunt. Nipperdeio Aldi coniectura ita probata est, ut *manumissos* non quidem genuinam scripturam, sed glossa super versum scriptum (*manumis.*) fuisse indeque *maxime* in textum irrepsisse censeret. deleuit itaque *maxime*, idemque Kraner, Dinter, F. Hofmann fecerunt. Oehler *nuperrime* scripsit, unus Dübner *nuper maxime* exaravit. me quidem quominus hanc superioris editionis lectionem, quam praeter cod. Lovan. Vindob. f ex correctura praebet, retinerem, non deterruerunt Dinteri verba, '*maxime* ad *nuper* additum non modo non aptum sed absurdum videri.' cur enim illud *maxime* totiens diversissimis verbis ad vim eorum urgendam appositum cum *nuper* maxime adverbio consociari nequeat, Dintero probandum relinquo. nostro certe loco sua vi adhibitum videtur, quod cum admiratione quadam narratur, oppidi Salonarum cives una cum iis, qui modo servi fuerant, quos *nuper maxime* — 'kürzlich erst' — liberaverant, in proxima Octaviana castra irrumpere ausos iisque expugnatis altera inde et tertia et quarta adortos esse. — §. 7: [*hic fuit oppugnationis exitus*] auctor

ut spuria inclusi.

c. 10, 5: *ad Curictam* pro *ad Corcyram* scribendum esse docuit Mommsen. — §. 6: cum]] supplevit Nipperdey. — §. 9: *interea e republica* esse et *ipsis placere oportere*] propius haec verba ad librorum scripturam *interea et reipublicae et ipsis placere oportere* accedere puto quam quae ex Madvigii coniectura F. Hofmann scripsit: *id interesse reipublicae et ipsis placere oportere*. vocabulum *interea* ipso rerum habitu postulatur. — §. 10: *haec quo facilius Pompeio probari possent, omnes suas terrestres ubique copias dimissurum . . .*] *ubique* iam ex Woelffelii coniectura posui pro *urbiumque*, quod in priore editione frustra a me defensum esse concedo. Nipperdey et Kraner *urbiumque* ut spurium notarunt. Dinter (ed. Dober.) supplevit *urbiumque* praesidia statim se *dimissurum*. Dübner et F. Hofmann Hugium secuti totam sententiam ut spuriam uncis incluserunt. at verba non ea sunt, quae ab interpolatore quodam conficta videantur; immo suspicor excidisse verba, quibus significabatur, qua conditione Caesar copias suas statim dimissurus esset, sc. 'si quidem Pompeius idem se esse facturum iureiurando confirmasset.'

c. 11, 1: [*Corcyrae*] ut ante Nipperdeio obsecutus inclusi; retinuerunt Dübner, F. Hofmann. Madvig pro *Vibullius his expositis Corcyrae* proposuit *Vibullius expositus Corcyrae*, quod Dinter in novissima edit. Teubn. recepit. — ib. *atque [omnibus copiis] mutatis ad celeritatem iumentis*] *omnibus copiis* del. Nipperdey, superiores editores Aldo auctore post *Caesarem adesse* inseruerunt. Dübner Lipsii recepit coniecturam *omnibus oppidis*. — ib.: *ut adesse Caesarem nuntiaret*] sic f et plerique Oudendorpii libri; *et adesse Caesarem nuntiaret* ahl. Nipperdey et ad. C. *nuntiavit*, Dübner Aldum secutus et ad. C. *nuntiat*.

c. 12, 1: *aquam comportare in arcem*] codd. ab *arce* habent, quod unus Nipperdey recepit. in f *arcē* exaratum est, unde patet, quomodo ineptus ille auferendi casus in libris, quos dixi, ortus sit.

c. 15, 6: *velle se de maximis rebus cum Caesare loqui, si facultas detur*] sic ex cod. f scripsi. *si ei* ab; deteriores *si sibi eius* habent; vulgo *si sibi*; Nipperdey *si eis*.

c. 16, 1: *ad Buthrotum, oppositum Corcyrae*] *oppositum* ut antea cum Nipperdeio edidi; codd. *oppidum* habent, quod a magistro profectum esse videtur. *oppidum oppositum* scripserunt F. Hofmann et Dinter. — §. 4: *eis summam esse ac fuisse semper voluntatem*] *Pompei* nomen, quod codd. ante *summam* habent, hic ferri nequire, recte monuit Elberling, eoque auctore recentiores editores *vel suam summam esse*, vel inverso ordine *summam suam esse* scripserunt. sed Libo non suo modo sed etiam Bibuli nomine cum Caesare agit. Bibulo enim, licet privatas haberet cum Caesare inimicitias et hanc ob rem ad colloquium non prodisset, 'ne res maximae spei maximaeque utilitatis eius iracundia impedirentur', eandem tamen fuisse voluntatem 'ut componeretur atque ab armis discederetur', et eo probatur, quod una cum Libone colloquium illud postulaverat (c. 15, 6), et eo, quod infra (c. 16, 5) Libo et suo et Bibuli nomine promittit, se 'postulatis Caesaris cognitis missuros ad Pompeium atque illum reliqua per se acturum hortantibus ipsis.' itaque scribere malui *eis summam esse*, idque ut facerem, eo etiam commovebar, quod si finalis littera [ei]s cum prima sequentis vocabuli s[ummam] coaluerat, facile apparet, cur vocolae quae restiterat ei iam *Pompei* nomen adscriptum sit.

c. 18, 3: *e re visum est*] ex Elberlingii coniectura pro *rursum*, quod codd. exhibent.

c. 19, 2: *liceretne civibus ad cives de pace [duo] legatos mittere*] *duo* del. Aldus; F. Hofmann verba etiam *de pace* ut spuria inclusit. Dinter pro *duo* ex Vossii coniectura *tuto* scripsit. — §. 3: *se altera die ad colloquium venturum atque una visurum utrumque, quemadmodum tuto legati venire et quae vellent exponere possent*] haec propius ad librorum scripturam *atque una vis utrumque admodum* accedere putavi quam quae et Nipperdey et recentiores editores Elberlingio auctore exhibuerunt *atque eundem visurum, quemadmodum* —. displicet etiam in hac scriptura, quod *eundem* antecedente *se* plane superfluum est, neque unius Varronis esse poterat visere *quemadmodum tuto legati venire cett. possent*, sed *una* ei cum oratore Caesariano, sc.

Vatinio, de hac re consulendum erat. (antea sub codicum verbis *una vis* latere putaveram *navis* vocabulum, et cum inter castra Pompei atque Caesaris flumen Apsus interesset, a vero non absonum videbatur, vel utriusque exercitus oratores ex navibus colloquium instituturos fuisse [cf. c. 15, 6], vel alterum certe navi usurum; itaque scripseram *atque navi esse vecturum, quo admodum tuto legati venire cett. possent.*)

c. 21, 5: *ipse cum Casilinum venisset, unoque tempore signa eius militaria atque arma Capuae essent comprehensa familiae Neapoli missa, quae prodicionem oppidi appareret*] corrupta codicum verba et *familia Neapoli visaque* (*vis atque tres deter.*) *prodicione oppidi apparere* vario modo temptata sunt. superiores scripserant: *et familia Neapoli visa, atque proditio oppidi adpareret*, — Nipperdey, quocum ipse olim feceram: *et familia Neapoli, vis atque proditio appareret*, — Kraner: *et familia Neapoli, visa prodicionem oppidi apparare*, — F. Hofmann et Dübner: *et familia Neapoli missa, quae prodicionem appareret*, Dinter: *et familia Neapoli visa, quae prodicionem appareret*. in Hofmanni lectione displicet, ut alia omittam, quod parum verisimile videtur, familiam Neapoli Capuam esse missam, cum notum sit, Capuae potissimum ludos gladiatorios fuisse, idque certe in causa fuerit, cur Caelius Capuam iter faceret, minus etiam probari potest, quod Dinter scripsit *Neapoli visa*, tamquam id in causa esse potuisset, cur Capuani Caelium oppido excluderent. in omnibus vero quas enumeravi lectionibus displicet, quod cum non significatum sit, cuius et unde fuerint illa *arma Capuae comprehensa*, ea Caelii fuisse putandum esset. sed res ipsa suadet, ea ad armandam familiam missa fuisse; quapropter lectionem supra positam temptavi.

c. 24, 1: *erat eo tempore Antonius Brundisii; is virtute*] is iam auctore Forchhammero scripsi; antea cum Nipperdeio qui suppleveram.

c. 25, 3: *duriusque cotidie tempus ad transportandum lenioribus ventis expectabant*] restitui iam etsi haesitans

haec codicum verba a F. Hofmanno et Dübnero defensa; antea *qui dubii* scripseram, ut de Caesarianis dictum esset. — §. 4: *sive ad Apsi ostium sive ad litora Apolloniaticum*]] vulgo Hotomanno auctore *si vel ad Apolloniaticum* edebatur eamque scripturam in priore editione retinueram; sed verisimilius est, quod F. Hofmann coniecit, alterum *sive* cum nomine alterius regionis, quae Apolloniaticum litoribus opponeretur, excidisse. plane vero dissentio ab eo, quod hanc alteram regionem Labeaticum litora fuisse putavit atque edidit *sive ad litora Apolloniaticum sive ad Labeaticum cursum dirigere atque eo naves eicere possent*. Labeaticum litora hic commemorata non fuisse, iam proxima verba docent: *haec a custodiis classium loca maxime vacabant, cum se longius a portibus committere non auderent*. haec de Apolloniaticum litoribus dici poterant, quae quidem 'custodiis classium Pompeianarum maxime vacabant', ex quo 'praesidiis dispositis omnia litora — ab Apso flumine usque ad Buthrotum — a Caesare tenebantur' (c. 16, 2. 34, 1); Labeaticum vero litora classis certe Rhodia, quae Dyrrhachii in statione erat, custodiebat, nec quominus ad haec litora accederet, quidquam impediabat, cum nulla ibi Caesaris praesidia essent, immo Lissum in Labeaticum confinio Otacilius teneret. sane necessitate coactae naves Antonianae, cum classi Rhodia a continenti intercluderentur, septentrionem versus profugerunt, et ventis secundis usae portum Nymphaeum ad Labeaticum litora nactae sunt, sed parum providi ducis fuisset, si Caesar eo naves dirigere iussisset. etsi enim contigisset, ut vitatis hostium classibus et praesidiis legiones tuto in illis litoribus exponerentur, metuendum tamen erat, ne a Pompeio, cuius castra propiora erant et cui brevius et expeditius iter patebat, prius opprimerentur, quam Caesar iis subsidio venire posset. idque revera accidisset, nisi Caesar, etsi flumen ei transeundum et longius iter maiore circuitu faciendum erat, mira celeritate maximis itineribus adproperasset et cum Antonio se coniunxisset, antequam Pompeius eius castra aggrederetur. itaque naves Antonianae, cum Apolloniam praeterveherentur (c. 26, 1), quamquam eo tuto appellari poterant, non Labeaticum litora, sed ipsum ostium

Apsi fluminis petiturae fuisse videntur: huc certe cursus dirigendus erat, ut quam primum legiones in Caesaris castra pervenirent. cum vero classi Rhodia cursus interciperetur, nec per austrum, qui flabat, ad litora Apolloniatium vela retro dare liceret. naves ipsi austro commissae sunt. itaque puto mandatum fuisse a Caesare Antonio et Caleno, ut *sive ad Apsi ostium sive ad litora Apolloniatium cursum dirigerent*.

c. 26, 3: *sed labore et perseverantia etiam vim tempestatis superari posse sperabat*] cum meliores libri *et vim* atque *superari* praebeant, et cum ante VIM syllaba IAM facile excidere potuerit, malui *etiam* scribere quam recipere quod vulgo editur *se vim ... superare*. Dübner et Dinter et incluserunt. antea cum Nipperdeio codicum lectionem retinueram. — §. 5: *quo simul atque introitum est*] sic ut antea secundum f scripsi; Nipperdey et recentiores ex ac et aliquot deterioribus *intro est itum* receperunt. vulgata vetustiorum editionum lectio *intus est itum* in uno Dresd. exstat.

c. 27, 2: *domum dimisit*] sic f; vulgo *remisit*.

c. 29, 2: *ex oppido fugit*] ex supplevit Nipperdey.

c. 30, 1: *nam praetervectas Apolloniam Dyrrhachiumque naves viderant [ipsi iter secundum eas terra direxerant]*] verba inclusa spuria esse, cum §. 3 demum narretur, Pompeium atque Caesarem exercitus ex castris eduxisse, recte monuit Kraffert.

c. 35, 1: *praesidiis adversariorum Calydone et Nau-pacto eiectis*] codd. *relictis* praebent; Ciacconius *deiectis*, Oudendorpius *reiectionis* scripserunt; Nipperdey, quocum antea feceram, a *praesidiis* — *relictis* edidit, idque F. Hofmann et Dübner receperunt; Dintero Ciacconii *deiectis* placuit. sed neque ultro Pompeiana praesidia illa Aetoliae oppida *reliquerunt*, nec *deiecta* sunt, cum nulla oppugnatio esset facta, immo Calvisii adventu sine pugna ab ipsis Aetolia *eiecta* esse videntur. simili modo Cotta a Caralitanis *eiectus* est (b. c. 1, 30, 3), et tres cohortes a Carmonensibus *eiectae* sunt (b. c. 2, 19, 5).

c. 36, 1: *nam plerumque in nova re veritatem fama antecedit*] ex hac scriptura librarii errore enatum esse puto quod libri habent *in novitate fama antecedit*. Nipperdey, quem antea secutus eram, *in novitate fama rem excedit*, Kraner et Dübner *in novitate fama rem antecedit*, F. Hofmann *in novitate rem fama antecedit*, Dinter *in novitate rei fama antecedit* scripserunt. — §. 2: *abfuisset*] sic f; *affuisset* ab; vulgo *afuisset*. — §. 3: *ut simul adesse et venire nuntiaretur*] hanc librorum lectionem iure tutatus est Kraner contra Nipperdeium, qui M. Hauptium secutus *abisse* posuit.

c. 37, 3: *at tamen* ut antea secundum codd. scripsi; Nipperdey et recentiores *ac tamen* ediderunt.

c. 38, 4: *nostri, cognitis insidiis, ne frustra reliquos exspectarent, duas nacti turmas (in his fuit M. Opimius, praefectus equitum) omnes aut interfecerunt aut captos ad Domitium deduxerunt.*] in codicum verbis *duas nacti turmas exceperunt (in his fuit M. Opimius pr. eq.), reliquos omnes earum turmarum aut interfecerunt aut cett.* plane otiosum est *exceperunt* participio *nacti* appositum, nec dispici potest, quarum turmarum fuerint illi *reliqui omnes*, qui aut interfecti aut capti esse dicuntur. itaque haec verba iam in prior editione delevi ibique adnotavi, *exceperunt* eam ob causam insertum videri, quod sequentia verba *in his fuit cett.* et *reliquos omnes cett.* tamquam integrae et absolutae sententiae existimarentur; sic quidem ab Oudendorpio distincta sunt. Freudenberga (ann. phil. t. 85, p. 245) post *exceperunt* excidisse putat *quarum perpauci fuga se ad suos receperunt*, eaque F. Hofmann et Dinter receperunt. — restat ut moneam in codicibus legi *cognitis hostium insidiis*; sed *hostium* ineptum esse, cum Domitius struxisset insidias, iam vetustiores viderunt editores. itaque *hostium* vulgo omittitur. Vossio *hosti* scribendum videbatur; verisimilius tamen est *hostibus* scriptum fuisse idque cum ablativo illi *cognitis insidiis* insertum esset, ab librario male docto in *hostium* esse mutatum.

c. 39, 2: *super quam* correxit Kraffert (ann. phil. t. 91, p. 501); *super quas* codd.

c. 40, 4: *eodemque tempore ex altera parte molem temptavit naturalem obiectam*] *temptavit* scripsi ut antea pro *tradito tenuit*, restitui vero *naturalem*, pro quo antea *natura* posueram. Nipperdey *mole tenui naturaliter obiecta* scribendum esse putavit, quod Kraner recepit. F. Hofmann et Dübner librorum scripturam retinuerunt. — ib.: *in interiorem portum*] corr. Forchhammer; codd. *partem* exhibent.

c. 41, 1: [*in Macedoniam*] delendum esse, docuit Forchhammer.

c. 44, 4: *atque ut nostri perpetua munitione providebant* [*perducta ex castellis in proxima castella*], *ne quo loco erumperent Pompeiani ac nostros post tergum adorirentur* [*timebant*], *ita illi e. q. s.*] codd. *videbant* habent, pro quo alii aliud verbum proposuerunt (*habebant, iungebant, exhibebant, addebant*, quin etiam *nitebantur* et similia); ipse olim, ut verbum *timebant* a Faerno deletum tuerer, scripseram: *atque ut nostri perpētuas munitiones reddebant perductas ex castellis in proxima castella*, quod *ne quo loco erumperent Pompeiani ac nostros post tergum adorirentur timebant*, sic illi *e. q. s.*; sed cum iure monuerit Koch (Mus. Rh. XI, p. 639), verba *perducta ex castellis in proxima castella* ex c. 43, 2 huc intrusa esse, ad partes eius transgressus lectionem ab eo propositam recepi. — §. 6: *cumque erant loca Caesari capienda*] *cumque* scripsi, agitur enim de re repetita; vulgo ut libri habent *quae cum*.

c. 45, 6: *si sine maximo detrimento legiones Caesaris sese recepissent inde, quo temere essent progressae.*] antea cum Ciacconio et Nipperdeio singularem numerum, ut dictum cum facto conveniret, posueram; sed cum in eiusmodi dictis, ut Dübner adnotat, 'sescenties nec sine vi ad pluralem numerum transeamus', iam codicum exhibui lectionem.

c. 46, 3: *his rebus comparatis*] spurium esse codicum *completis* Nipperdey vidit. iam in priore editione *comparatis* posui, quod per compendium scriptum (cōptis) facile in *completis* perverti poterat. me secuti sunt Kraner, Dübner, Dinter; F. Hofmanno Marklandi *confectis* placuit. — §. 4:

veritus, ne non reducti sed reiecti viderentur] *deiecti* codd.; at verbo *reducti* non nisi vulgatum *reieci* recte opponitur. — §. 5: *subito constipati*] cum Faerno scripsi. quod libri habent et vulgo editur *conspirati* non modo ut soloecum explodendum est, verum etiam cum re ipsa aperte pugnat. de *subita conspiratione* enim, qualis F. Hofmanno videtur, tum demum cogitari posset, cum ultro atque uno animo milites aliquod consilium cepissent; sed signo dato iussi erant impetum in hostes facere. quod cum non nisi phalange vel cuneo facto fieri posset, certe *subito constipati* pilis missis ut iussi erant in hostes irruerunt. — ib.: *crates deiectae*] *derectae* plerique codd., *directe* f. F. Hofmann eumque secuti Dübner et Dinter *disiectae* scripserunt. at crates illae non tam disiciendae quam deiiciendae erant inrumpentibus.

c. 48, 1: *Est autem genus radicis inventum ab iis, qui fuerant ... val ... eribus*] *autem* abf, vulgo *etiam*. — in sequentibus verbis, quibus certa medela nondum inventa est, satis habui corruptelae sedem indicare.

c. 49, 4: *terramque aggesserat*] hanc vulgatam scripturam, cui adstipulantur fh1, ut antea retinui. *adiecerat*, quod ab habent, Nipperdey, Kraner, F. Hofmann receperunt. — §. 6: *tum commeatus omni genere praeter frumentum abundabat; quibus cotidie melius subesse tempus maioremque spem maturitate frumentorum proponi videbant.*] ut sensui consulerem *subesse* scripsi, cum certa emendatio traditi verbi *subterrere* (abh1) (*subterere* f) hucusque desideretur.

c. 50, 2: lacunam post *facerent* Aldus notavit.

c. 51, 5: *Sulla [a Caesare castris relictus]*] cum initio capitis dictum sit, Sullam a Caesare castris praefectum esse, verba inclusa non corrigenda sed segreganda esse duxi, utpote ab interprete quodam Sullae nomini ex superioribus adscripta.

c. 53, 4: *renumeraverunt*] sic. codd.; F. Hofmann, Dübner, Dinter *renuntiaverunt* scribere maluerunt. — §. 5: *quem Caesar, ut erat de se meritus et de republica, donavit numum milibus CC atque e. q. s.*] *donavit numum* ut olim pro *donatum* scripsi; finitam verbi formam postulat sequens atque — *pronuntiavit*, nec minus necessarius est iuxta nume-

ros *milibus CC* genetivus *numum*. superiores editores, qui *donatum* retinuerunt, *atque* deleverunt. Nipperdey, Kraner (Tauchn.), F. Hofmann, Dübner post *CC* lacunam notarunt. — §. 6: *cohortemque postea duplici stipendio frumentoque, virtute spectatiores militaribus quemque donis amplissime donavit*] haec iam in prior editione scripsi pro corruptis librorum verbis *vespiciariis militaribusque donis*. Nipperdey satis habuit corruptelae signum ponere. lectione a F. Hofmanno proposita, Dübnero et Dintero probata, *veste* (ej. Vossius), *congiariis militaribusque donis*, nimia certe dona in totam cohortem collata esse videntur, cum verisimilius sit, ut Oudendorpius iam monuit, 'speciatim aliquos ex cohorte singularibus donis militaribus' esse honoratos.

c. 54, 2: *obstructis omnibus rebus castrorum portis et ad impediendum obiectis*] *rebus* supplevit Nipperdey; Kraner (Tauchn.) mirum Ciacconii inventum *et fossis ad imp. obiectis* repetiit. Dübner Freudenbergio auctore *obiectis ericiis* edidit, tamquam obstructae portae magis etiam *ericiis* obstruerentur. nec quidquam profecit F. Hofmann, cum traditam scripturam defendens *obstructas portas* hostibus impedimento *obiectas* esse sic dictum esse putat ut 3, 39, 2: *navem onerariam submersam obiecit*. navis enim re vera *obiecta* est in ipsis faucibus, ne portus intrari posset: itane etiam obstructae portae *obiectae* sunt?

cc. 55 et 56. horum capitum sedem commutandam esse vidit Nipperdey; commutatis numeris vitium indicavi.

c. 59, 1: *Erant apud Caesarem in equitum numero Allobroges duo fratres*] in quod f praebet, necessarium esse iam olim monui. *numero* enim omissa praepositione, ut Nipperdey, F. Hofmann, Dübner scripserunt, significaret, Allobroges illos non tam equo meruisse, quam *equitum loco* — pro equitibus — apud Caesarem fuisse. quod discrimen dictionum *numero* et *in numero* cum notissimum sit, miror F. Hofmannum Caesarianis locis contrarium suadere voluisse. cum infra c. 110, 4 narratur, fugitivis omnibus certum fuisse Alexandriae receptum certamque vitae condicionem, *ut dato nomine militum essent numero*, causa indignationis non est,

quod *in militum numero essent*, sed quod *militum numero* iis esse liceret, sc. quod servi fugitivi cum militibus, civibus Romanis, exaequantur. quod vero ad locum b. c. 2, 44, 1 Hofmann adnotavit: *missis ad Varum legatorum numero centurionibus*: 'legatorum numero = loco', idem certe valet de tertio loco, ad quem provocavit b. G. 5, 27, 2: *quos Aduatuci obsidum numero missos apud se in servitute et catenis tenuissent*; Ambiorigis enim filius et fratris filius non *in obsidum numero*, sed *obsides, obsidum numero* missi erant. — monui etiam in priore editione, quod praepositio *in* absit a codicibus a b c, id factum esse videri, quod cum finali syllaba vocis antecedentis (*Caesarēin*) coaluerit. codd. h l *ex eq. numero* habent.

c. 62, 2: *ad eam partem munitiorum ducit, quae pertinebant ad mare longissimeque a maximis castris Caesaris aberant*] sic optimi libri; F. Hofmann et Dinter *pertinebat* — *aberat* scripserunt.

c. 63, 4: *quod milia passuum in circuitu [munitionis] XVII erat complexus*] *munitiones*, quod codd. habent, deleri iussit Clarkius. genetivum tamen primitus adscriptum fuisse eumque in accusativi pluralis formam abiisse puto. — §. 6: *accessere subito prima luce Pompeiani [exercitus adventus exstitit]*] uncus circumdedit Nipperdey.

c. 65, 4: *cum animadvertisset Pompeium extra munitiones egressum, secundum mare ut libere pabulari posset nec minus aditum navibus haberet, commutata ratione belli, quoniam propositum non tenuerat, castra iuxta Pompeium munire iussit.*] in priore editione haec adnotavi: 'verba castra secundum mare in libris mss. post egressum collocata sunt; cod. Vind. eo discrepat, quod omissa voce castra habet egressum secundum mare. haec recepi, inserui autem castra loco ab Nipperdeio monstrato; hinc enim casu excidisse et cum margini iam adscriptum esset, a magistro deinde in loco repositum esse puto, quo propter munitiones, quae ibi commemorantur, pertinere videbatur.' postea demum cognovi idem Forchhammerum suasisse. Kraner, Dübner, F. Hofmann eadem quidem verba edidit, sed post *secundum mare* incidunt, ut

haec ad egressum pertineant, quod vix aptum esse existimo. Dinter Nipperdei retinuit scripturam *castra secundum mare iuxta Pompeium munire iussit*.

c. 67, 1: *Eo signa legionis illata speculatores Caesari renuntiarunt.*] sic nunc cum Dübnero ex Ciacconii emendatione scripsi. antea codicum lectionem *signo legionis illato* retinueram, quam servarunt etiam Kraner, F. Hofmann, Dinter. Nipperdey, ne obiectum deesset, *rem nuntiarunt* posuit. — §. 5: *eo loco*, quod in f et aliquot recentioribus libris exstat, ut antea scripsi, cum referendum sit ad antecedens *hic*. editores inde ab Ursino *e loco* posuerunt.

c. 69, 4: *omniaque erant tumultus, timoris, fugae plena, adeo ut, cum Caesar signa fugientium manu prenderet et consistere iuberet, alii admissis equis eundem cursum confugerent, alii ex metu etiam signa dimitterent*] codd. *dimissis equis*; *admissis* cum Faerno, Ciacconio, Hotomanno scripsi, quae lectio sola apta videtur ex farragine coniecturarum, quae ad hunc locum emendandum excogitatae sunt (v. quae Dinter p. LXV enarravit: *dimissis signis, non dimissis signis, demissis signis, dimissis armis, nihilo sequius, equis similes, emensi equis, summotis equitibus, demissis oculis, demptis ei signis*. accedit quod ipse Dinter coniecit *dimissis locis aequis*, et quod H. Weber proposuit, Ann. phil. t. 103, p. 338, *dimissi sequentis*.) — *eundem cursum confugerent*] sic codd.; comprobant loci a F. Hofmanno allati. Dinter qui haec barbare dicta esse censuit, ipse non dubitavit in retractata Doberenzii editione *eundem dorsum* ponere (*ad eundem dorsum confugerent*), quem summovendum esse ex loco b. G. 7, 44, 3 satis monstrasse mihi videor. Nipperdey *coniungerent* scripserat, quod nemini probatum est; Dübner *vulgatum conficerent* retinuit.

c. 71, 1: *desideravit milites DCCCCLX et * notos equites Romanos [Fleginatem] Tuticanum Gallum, senatoris filium, C. Fleginatem Placentia cett.*] retinui verba codicum, notavi autem lacunam, qua equitum numerus excidisse videtur, itemque prius *Fleginatem* uncis inclusi. antea cum Nipper-

c. 16, 1: *ad Buthrotum, oppositum Corcyrae*] *oppositum* ut antea cum Nipperdeio edidi; codd. *oppidum* habent, quod a magistro profectum esse videtur. *oppidum oppositum* scripserunt F. Hofmann et Dinter. — §. 4: *eis summam esse ac fuisse semper voluntatem*] *Pompei* nomen, quod codd. ante *summam* habent, hic ferri nequire, recte monuit Elberling, eoque auctore recentiores editores *vel suam summam esse*, vel inverso ordine *summam suam esse* scripserunt. sed Libo non suo modo sed etiam Bibuli nomine cum Caesare agit. Bibulo enim, licet privatas haberet cum Caesare inimicitias et hanc ob rem ad colloquium non prodisset, 'ne res maximae spei maximaeque utilitatis eius iracundia impedirentur', eandem tamen fuisse voluntatem 'ut componeretur atque ab armis discederetur', et eo probatur, quod una cum Libone colloquium illud postulaverat (c. 15, 6), et eo, quod infra (c. 16, 5) Libo et suo et Bibuli nomine promittit, se 'postulatis Caesaris cognitis missuros ad Pompeium atque illum reliqua per se acturum hortantibus ipsis.' itaque scribere malui *eis summam esse*, idque ut facerem, eo etiam commovebar, quod si finalis littera [*ei*]s cum prima sequentis vocabuli *s[ummam]* coaluerat, facile apparet, cur vocolae quae restiterat *ei* iam *Pompei* nomen adscriptum sit.

c. 18, 3: *e re visum est*] ex Elberlingii coniectura pro *rursum*, quod codd. exhibent.

c. 19, 2: *liceretne civibus ad cives de pace [duo] legatos mittere*] *duo* del. Aldus; F. Hofmann verba etiam *de pace* ut spuria inclusit. Dinter pro *duo* ex Vossii coniectura *tuto* scripsit. — §. 3: *se altera die ad colloquium venturum atque una visurum utrumque, quemadmodum tuto legati venire et quae vellent exponere possent*] haec propius ad librorum scripturam *atque una vis utrumque admodum accedere* putavi quam quae et Nipperdey et recentiores editores Elberlingio auctore exhibuerunt *atque eundem visurum, quemadmodum* —. displicet etiam in hac scriptura, quod *eundem* antecedente *se* plane superfluum est, neque unius Varronis esse poterat visere *quemadmodum tuto legati venire cett. possent*, sed ut oratore Caesariano, sc.

Vatinio, de hac re consulendum erat. (antea sub codicum verbis *una vis* latere putaveram *navis* vocabulum, et cum inter castra Pompei atque Caesaris flumen Apsus interesset, a vero non absonum videbatur, vel utriusque exercitus oratores ex navibus colloquium instituturos fuisse [cf. c. 15, 6], vel alterum certe navi usurum; itaque scripseram *atque navi esse vecturum, quo admodum tuto legati venire cett. possent.*)

c. 21, 5: *ipse cum Casilinum venisset, unoque tempore signa eius militaria atque arma Capuae essent comprehensa familiae Neapoli missa, quae prodicionem oppidi appareret*] corrupta codicum verba *et familia Neapoli visa-que* (*vis atque tres deter.*) *prodicione oppidi apparere* vario modo temptata sunt. superiores scripserant: *et familia Neapoli visa, atque proditio oppidi adpareret*, — Nipperdey, quocum ipse olim feceram: *et familia Neapoli, vis atque proditio appareret*, — Kraner: *et familia Neapoli, visa prodicionem oppidi apparare*, — F. Hofmann et Dübner: *et familia Neapoli missa, quae prodicionem appareret*, Dinter: *et familia Neapoli visa, quae prodicionem appareret*. in Hofmanni lectione displicet, ut alia omittam, quod parum verisimile videtur, familiam Neapoli Capuam esse missam, cum notum sit, Capuae potissimum ludos gladiatorios fuisse, idque certe in causa fuerit, cur Caelius Capuam iter faceret. minus etiam probari potest, quod Dinter scripsit *Neapoli visa*, tamquam id in causa esse potuisset, cur Capuani Caelium oppido excluderent. in omnibus vero quas enumeravi lectionibus displicet, quod cum non significatum sit, cuius et unde fuerint illa *arma Capuae comprehensa*, ea Caelii fuisse putandum esset. sed res ipsa suadet, ea ad armandam familiam missa fuisse; quapropter lectionem supra positam temptavi.

c. 24, 1: *erat eo tempore Antonius Brundisii; is virtute*] is iam auctore Forchhammero scripsi; antea cum Nipperdeio qui suppleveram.

c. 25, 3: *duriusque cotidie tempus ad transportandum lenioribus ventis* 'abant] restitui iam etsi haesitans

c. 16, 1: *ad Buthrotum, oppositum Corcyrae*]] *oppositum* ut antea cum Nipperdeio edidi; codd. *oppidum* habent, quod a magistro profectum esse videtur. *oppidum oppositum* scripserunt F. Hofmann et Dinter. — §. 4: *eis summam esse ac fuisse semper voluntatem*]] *Pompei* nomen, quod codd. ante *summam* habent, hic ferri nequire, recte monuit Elberling, eoque auctore recentiores editores vel *suam summam esse*, vel inverso ordine *summam suam esse* scripserunt. sed Libo non suo modo sed etiam Bibuli nomine cum Caesare agit. Bibulo enim, licet privatas haberet cum Caesare inimicitias et hanc ob rem ad colloquium non prodisset, 'ne res maximae spei maximaeque utilitatis eius iracundia impedirentur', eandem tamen fuisse voluntatem 'ut componeretur atque ab armis discederetur', et eo probatur, quod una cum Libone colloquium illud postulaverat (c. 15, 6), et eo, quod infra (c. 16, 5) Libo et suo et Bibuli nomine promittit, se 'postulatis Caesaris cognitis missuros ad Pompeium atque illum reliqua per se acturum hortantibus ipsis.' itaque scribere malui *eis summam esse*, idque ut facerem, eo etiam commovebar, quod si finalis littera [ei]s cum prima sequentis vocabuli s[ummam] coaluerat, facile apparet, cur vocolae quae restiterat ei iam *Pompei* nomen adscriptum sit.

c. 18, 3: *e re visum est*]] ex Elberlingii coniectura pro *cursum*, quod codd. exhibent.

c. 19, 2: *liceretne ciribus ad cires de pace [duo] legatos mittere*]] *duo* del. Aldus; F. Hofmann verba etiam *de pace* ut spuria inclusit. Dinter pro *duo* ex Vossii coniectura *tuto* scripsit. — §. 3: *se altera die ad colloquium venturum atque una visurum utrumque, quemadmodum tuto legati venire et quae vellent exponere possent*]] haec propius ad librorum scripturam atque *una vis utrumque admodum* accedere putavi quam quae et Nipperdey et recentiores editores Elberlingio auctore exhibuerunt atque *eundem visurum, quemadmodum* —. displicet etiam in hac scriptura, quod *eundem* antecedente *se* plane superfluum est, neque unius Varronis esse poterat visore *quemadmodum tuto legati venire celi. possent*, sed uno si cum oratore Caesariano, sc.

Vatinio, de hac re consulendum erat. (antea sub codicum verbis *una vis* latere putaveram *navis* vocabulum, et cum inter castra Pompei atque Caesaris flumen Apsus interesset, a vero non absonum videbatur, vel utriusque exercitus oratores ex navibus colloquium instituturos fuisse [cf. c. 15, 6], vel alterum certe navi usurum; itaque scripseram *atque navi esse vecturum, quo admodum tuto legati venire cett. possent.*)

c. 21, 5: *ipse cum Casilinum venisset, unoque tempore signa eius militaria atque arma Capuae essent comprehensa familiae Neapoli missa, quae proditionem oppidi appareret*] corrupta codicum verba et *familia Neapoli visaque (vis atque tres deter.) proditione oppidi apparere* vario modo temptata sunt. superiores scripserant: et *familia Neapoli visa, atque proditio oppidi adpareret*, — Nipperdey, quocum ipse olim feceram: et *familia Neapoli, vis atque proditio appareret*, — Kraner: et *familia Neapoli, visa proditionem oppidi apparare*, — F. Hofmann et Dübner: et *familia Neapoli missa, quae proditionem appareret*, Dinter: et *familia Neapoli visa, quae proditionem appareret*. in Hofmanni lectione displicet, ut alia omittam, quod parum verisimile videtur, familiam Neapoli Capuam esse missam, cum notum sit, Capuae potissimum ludos gladiatorios fuisse, idque certe in causa fuerit, cur Caelius Capuam iter faceret. minus etiam probari potest, quod Dinter scripsit *Neapoli visa*, tamquam id in causa esse potuisset, cur Capuani Caelium oppido excluderent. in omnibus vero quas enumeravi lectionibus displicet, quod cum non significatum sit, cuius et unde fuerint illa *arma Capuae comprehensa*, ea Caelii fuisse putandum esset. sed res ipsa suadet, ea ad armandam familiam missa fuisse; quapropter lectionem supra positam temptavi.

c. 24, 1: *erat eo tempore Antonius Brundisii; is virtute*] is iam auctore Forchhammero scripsi; antea cum Nipperdey qui suppleveram.

c. 25, 3: *duriusque cotidie tempus ad transportandum ribus ventis expectabant*] restitui iam etsi haesitans

forma in Caesarianis iisque adiunctis commentariis exstare, recte monuit C. Fleischer ann. phil. t. 117, p. 281.

c. 93, 1: *animum advertissent*] sic a, *animum animadvertissent* f; reliqui *animadvertissent* et sic Nipperdey.

c. 94, 5: *aliis quoque diffisus*] *quoque* corr. Nipperdey; libri *aliisque*.

c. 95, 3: *nam qui acie refugerant*] sic ut antea secundum codd. scripsi, sprete praepositione *ex*, quam Nipperdey et Dinter Stephano auctore ante *acie* inseruerunt. necessaria erat haec praepositio supra c. 29, 1: iuxta verbum simplex *fugere* (*ex oppido fugit*).

c. 101, 4: *Cassiusque ad Sulpicianam inde classem profectus est Vibonem, applicatisque nostris ad terram navibus [propter eundem timorem] pari atque antea ratione [egerat] secundum nactus ventum onerarias naves [circiter XL] praeparatas ad incendium immisit*] verba *propter eundem timorem* iam in priore editione ut spuria inclusi; assensit Kraner. quae enim antea de Pomponiana classe narrata sunt, eam imparatam et defensoribus vacuum a Cassio incensam esse, non ita comparata sunt, ut iam sequi possit *propter eundem timorem*, tamquam exemplo classis Pomponianae Sulpicianae naves ad terram applicatae essent. ceterum cum hostium classis adventaret, necessario hae naves ad terram applicari debebant, quod sine milite erant. praesidio enim iis esse debebant legionarii illi ex numero aegrorum Vibone relictī (§. 5), iique etsi sero, cum iam quinque naves essent combustae, integras conscenderunt et in Cassianam classem impetum fecerunt. — verbum *egerunt*, quod libri post *pari atque antea ratione* habent, iure Nipperdey ut spurium inclusit. cum vero in aliquot libris post hoc verbum *Cassius* scriptum sit, verisimilius videtur interpretem ad verba *pari atque antea ratione* adnotasse sc. *egerat* (*Cassius*), itaque hanc verbi formam in uncis posui. (*eger̃* habet f). — plane incredibile esse onerarias naves *circiter XL* ad incendium praeparatas a Cassio immissas esse, iure contendit Nipperdey. parum vero placet, quod hunc numerum post *navibus* inseruit. potius cum Forchhammero faciendum est, qui *circiter XL*

margini adscriptum fuisse putat, ut aequus fere navium numerus alterius classis significaretur, deinde vero falso loco in textum esse receptum.

c. 104, 1: *in procuratione*] hanc vulgatam lectionem tuentur f et reliqui codd. exceptis abc, qui *curatione* habent. hoc Nipperdey, Kraner-Hofmann, Dinter receperunt.

c. 105, 5: *palma per eos dies intacta inter coagmenta lapidum ex pavimento exstitisse ostendebatur*] *in tecto*, quod in codicibus exstat ferri nequire, recte monuit Nipperdey; minus vero probari potest, quod haec verba adscripta esse putavit a magistro, qui Hirtii locum respiceret b. Al. 1, 3: *tectaque sunt rudere aut pavimentis*. ineptissimum enim nobis fingere iubemur magistrum, qui in re minime dubia Hirtii tamen verbis deceptus *pavimentum* templi Tral- liani *in tecto* quaereret, et quod Alexandriae *plana* aedificiorum tecta rudere aut pavimentis essent constrata, etiam fastigatum tectum, quale haud dubie templi illius esse debebat, similiter constratum fuisse putaret. itaque, licet recentiores editores cum Nipperdeio verba *in tecto* ut additicia incluserint, retinere malui emendationem in prior editione propositam *intacta*. in hac enim re, quod *intacta inter coagmenta lapidum palma ex pavimento* exstiterit, vis prodigii cernenda est.

c. 112, 2: *angusto itinere ut ponte cum oppido coniungitur*] et codd., *ut* scribendum esse recte monuit H. Schiller Philol. t. 42, p. 773. — §. 3: *quo ubi quaecumque naves imprudentia aut tempestate paulum suo cursu decesserunt*] cum corrupta sint, quae codices exhibent (*quae qui* vel *quaeque ubique naves* afhl, *quae quicumque* b), nec placeat scriptura ab Nipperdeio proposita, ab sequentibus editoribus recepta *quaeque ibi cumque naves*, scripsi ut in superiore editione *quo ubi quaecumque*. — §. 8: *praemunit. in eo tractu oppidi pars erat regiae exigua*] sic iam scripsi, cum *praemunitineo* propius certe ad librorum scripturam *praemuniti nec* (sic a, *praemuniri nec* b, *muniti nec* f, *praemunit nec* reliqui) accedat, quam quod Nipperdey edidit *praemuniit. haec*, vel quod ante eum Faerno auctore vulga-

batur *praemunit. in hoc.* quam ipse antea proposueram lectionem *praemuniit. nec tractus oppidi pars erat regia exigua* Dübner recepit. — in sequentibus verbis *et theatrum coniunctum domui* [quod] *arcis tenebat locum* vocem *quod* ut antea inclusi; relativo enim servato tamquam res curiosae enumerari videntur; assensit Dübner. — §. 11: *nutricius pueri et procurator regni, [in parte Caesaris]* Kraner haec omnia ut insiticia inclusit; ipse novissima tantum verba utpote per se mira uncis circumdedi.

BELL. ALEX. c. 1, 2: *appetuntur*] sic iam in prior editione scripsi pro inepto *aptantur*, quod libri habent. Nipperdey eumque secuti Oehler, Kraner, Dübner, Dinter *temptantur* ediderunt. — §. 5: *ut, cum in duas partes esset urbis divisa acies, uno consilio atque imperio administraretur*] *urbis*, quod in prior editione ex cod. f., quocum faciunt Lovan. Palat. et b m. 2, receperam, retinui, quamquam Vielhaber ephemer. gymn. austr. XX, p. 550 vulgatam lectionem *urbs* tutari studuit. licet enim urbs in duas partes divisa fuerit, id tamen non obstitisset, quominus acies Caesariana 'uno consilio atque imperio administraretur', nisi ipsa in has partes divisa fuisset. idque etiam sequentibus verbis probatur, quibus Caesarem id spectasse narratur, *ut laborantibus succurri atque ex altera oppidi parte auxilium ferri posset. urbis* me secuti Kraner et Dübner receperunt; Dinter vulgatum *urbs* posuit.

c. 5, 1: *specusque habet a Nilo pertinentes*] *a Nilo* scripsi cum Nipperdeio secundum *abf*; vulgo *ad Nilum*.

c. 7, 1; *alii multo gravius extimescerent [casum]*] *casum* M. Hauptio auctore Nipperdey inclusit; Vielhaber l. l. p. 554 *casurum* subesse suspicatus est. — §. 2: verba [*ut mihi defendendi essent e. q. s.*] ab rhetore aliquo ascripta esse, cum Grutero, Kranero, Dübnero consentio.

c. 8, 1: *omnia enim litora naturaliter aquae dulcis venas habere.*] *enim* a Nipperdeio deletum, quod deest in *ab* (exstat in *fhl* et reliquis libris) iam in superiore editione restitui. aegre enim careas hac particula in explicativa sen-

tentia. idem senserunt Kraner, Dübner. — §. 4; *magno negotio impetus hostium adversos ex munitionibus sustineri*] etiam de hoc loco monui vix recte fecisse Nipperdeium, cum propter unum cod. **a** praepositionem *ex* omitteret. cum sequatur *quibus relictis nec loco nec numero pares esse posse*, etiam patet, sententiae vim versari in significando loco, unde propugnatur, non in defensionis ut cum grammaticis loquar instrumento. nec probari potest, quod invitis omnibus libris Nipperdey eumque secuti Kraner, Dübner, Dinter *sustinere* pro *sustineri* scripserunt. — §. 8: *ita fuga navibusque nostros prohibitu-ros.*] particulam *tamen*, quam Nipperdey codicibus **ab** obsecutus post *ita* inseruit, plane absonam esse ab sententiae indole olim iam monui. Kraner *tamen* recepit, Dübner Dinter omiserunt.

c. 9, 3: *paulo supra Alexandriam*] *supra* deest in **abc**, exstat in **fhl**; Nipperdey *ultra* scribere maluit idque Dinter recepit.

c. 10, 1: *nudare abf*, reliqui *nudari* habent, quod Dinter edidit.

c. 12, 1: *quibus...*] lacunam, quam Davisius ante *quibus* significaverat, cum Nipperdeio post *quibus* notavi; vix enim sententia *quibus et superioribus locis sublevabantur* integra haberi potest. Dinter tamen edidit *ut vix ex aedificiis defendi posse se confiderent, quibus et superioribus locis sublevabantur*.

c. 13, 5: *Caesar Rhodias naves VIII habebat (nam decem missis una in cursu litore Aegyptio defecerat)*] *removi* iam in priore editione uncas, quibus Nipperdey vocem *litore* incluserat, cum verba *in cursu et litore Aegyptio* inter se contraria esse putaret. at quamquam cursus in litore Aegyptio finitus, tamen non in quovis litoris loco confectus erat, immo verisimile est, naves Rhodo advectas antequam Alexandriam pervenirent, secundum Aegypti litus cursum fecisse. displicet etiam in Nipperdei verbis, quod deest loci significatio, ubi navis defecerit. defecisse in cursu Aegyptio etiam de navi praedicari poterat, quae cum ex Rhodi portu vix sol-

visset, in ipsa insulae vicinia naufragium fecit. Dübner *litore* retinuit, Kraner, Dinter incluserunt.

c. 14, 1: *classi libri*, vulgo *classe*. (cf. Vielhaber ephem. gymn. austr. XX, p. 556.)

c. 15, 3: *qui ubi cessare Caesarem animum advertit*]] codd. *qui ubi Caesaris animum advertit*. Kraner pro *Caesaris* scribendum esse *cessari* coniecit; quod verbum cum optime quadret ad loci sensum, malui tamen statuere *cessare* ante *Caesarem* excidisse.

c. 15, 8: *neque vero Alexandriae fuit quisquam aut nostrorum aut oppidanorum, qui aut in opere aut in pugna occupatum animum haberent, quin altissima tecta peteret*]] relativam sententiam *qui ... haberent* Dübner inclusit, Fleischer ann. phil. CXIX, p. 854 ita corrigenda esse censuit, ut *nisi* ante *qui* insereretur. sed id ipsum, in quo uterque offendit, quod non modo oppidani verum etiam Caesariani milites operibus relictis altissima tecta petiisse dicuntur, ut navalem pugnam spectarent, prorsus recte narratum esse iudico, cum plane conveniat anxiae illi expectationi, qua tum omnes, qui in oppido remanserant, tenebantur. nec singulare quidquam nec memoratu dignum fuisset, si otiosi modo pugnam navalem e tectis spectassent.

c. 16, 1: *nostris enim [pulsis] neque terra neque mari effugium dabatur victis*]] Dübner Forchhammero auctore *victis* inclusit; sed *victis*, ut Nipperdey adnotavit, et positione et propter inferius *victoribus* tutum est; itaque ut antea *pulsis* secludere malui. — §. 2: *quorum si qui aut animo aut virtute cessisset, reliquis etiam esset cedendum*]] *cedendum* proposuit Fleischer l. l. p. 855; libri *cavendum* exhibent, pro quo *cadendum* edi solet. — §. 5: *neque electi ad virtutem*]] *electi* ut antea cum Ciacconio et Davisio scripsi. cf. infra c. 30, 1: *electissima multitudo Alexandrinorum*. libri *flecti* habent, unde Beroaldus *flexi* effecit, quod etiam Nipperdey retinuit. contra hanc scripturam in priore editione monueram, *flexos* ad virtutem non nisi eos dici potuisse, qui antea se aversos a virtute et ignavos praestitissent; huc accedere, quod

cum *flexi ad virtutem e tanta multitudine* scribitur, hic ablativus non habeat, quocum construatur. sequentes editores *electi* posuerunt.

c. 17, 2: *perfectis enim magna ex parte munitionibus in oppido ex illa urbem uno tempore temptari posse confidebat.*] codd. *et illa in urbem* habent; vulgatam lectionem *et illam et urbem* Nipperdey iure repudiavit; quod vero ipse scripsit, *etiam illa urbem* ex grammatica ratione probari nequit. itaque *ex illa* (sc. *insula*) posui. — §. 4: *ac primo*] sic libri praeter **ab**, qui *primum* habent, quod Nipperdey recepit. sed *primum* propter sequens *impetum* librarii errori vel magistri industriae deberi videtur. idem sensit Vielhaber l. l. p. 556, n. 24. — §. 6: *his pulsus custodia portus relicta* reliqui *naves ad litora et vicum applicarunt seque ex navibus ad tuenda aedificia eiecerunt*] *reliqui* inserui, ut verba *applicarunt* — *eiecerunt* subiectum habeant iique intellegantur, quos 'scaphis navibusque longis angustias loci tuitos esse' modo narratum est. contra scripturam, quam in prior editione cum Nipperdeio ex Iurinii coniectura receperam: *custodiae portus relictis*, iure monuit Vielhaber, non intellegi, qui illi *relictis* fuerint.

c. 19, 2: *citeriorem illum* (sc. pontem) *propio-remque oppido Alexandrini tuebantur.*] codd. **abef** *certiorem* habent, quod in prior editione cum Nipperdeio etsi haesitans recepi. parum enim aptum esse, cum *pons certior* dicitur, non est quod moneam. superiores editores plerumque *fortiorem* scripsere, quod **hl** et deteriores libri habent. Vielhaber *artiorem* proposuit idque Dinter recepit. quominus *ulteriorem* scribamus, ut O. Schambach suasit (ann. phil. CXXV, p. 222 n. 10), librorum certe vestigiis deterremur. facillima certe est emendatio illa ab R. Stephano proposita, quam nunc amplexus sum et quam Madvig quoque commendavit, *citeriorem*. qui mirantur, *citeriorem* illum pontem dici, qui potius *ulterior* dicendus fuerit, non respexisse videntur, non modo Alexandrinis verum etiam Caesarianis, quorum maior pars munitio-

nes in ipso oppido exstructas obtinebat, pontem oppido propiore *citeriorem* dicendum fuisse.

c. 21. 5: *egestis ex mari lapidibus libero sunt usi postea ad mittenda navigia.*] *libero* (sc. mari) scribendum esse duxi pro *libere*, quod codd. praebent. sic iam adest obiectum verbi *sunt usi*, neque opus est Fleischeri coniectura (ann. phil. CXIX, p. 857), qui *ponte* ante *postea* excidisse vel librariorum errore in hoc adverbium abiisse suspicatur.

c. 22 potius interpolationibus quam lacunis corruptum esse facile sentitur, cum resectis spuriis illis amplificationibus simplex narrationis et sententiae forma proponitur: *Hoc detrimento milites nostri tantum afuerunt ut perturbarentur, ut — in proeliis cotidianis, quandocumque fors obtulerat, procurrentibus et erumpentibus Alexandrinis — magis deterrendi et continendi a periculosissimis essent dimicationibus quam incitandi ad pugnandum.* quae duobus illis quos notavi locis inserta sunt, uncis circumdediti.

c. 23, 2: *paratam enim omnem multitudinem esse confectam taedio puellae fiduciario regno, dominatione crudelissima Ganymedis facere id, quod rex imperasset.*] hanc vulgatam lectionem ut in priore editione servandam esse duxi. Nipperdey eumque secutus Dinter *omnem* eiecerunt, quod deest in *ab*; at exstat in reliquis libris, neque idonea causa est, cur spurium existimetur. deinde Nipperdey vocem *regno* delevit, quod ab iisdem libris et cod. c absit. at id ipsum, quod in his libris quamquam omisso vocabulo *regno* tamen *fiduciario* non *fiduciaria* (*dominatione*) exaratum est, documento esse debet, *regno* non nisi casu excidisse. quod si omittitur, recepta correctura *fiduciaria* inepte sibi opponuntur *fiduciaria* puellae, crudelissima Ganymedis dominatio; displicet etiam, quod *dominatio fiduciaria* dicitur, cum *fiduciarium* non nisi regnum esse possit iure acceptum et alteri ad tempus commissum. dum rex apud Caesarem retinetur, *fiduciarium* regnum gerit Arsinoe, dominatur Ganymedes. quae contra haec monuit Kraner, qui Nipperdeium secutus *regno* omisit, 'Arsinoes regnum non *fiduciarium* sed *usurpatum* fuisse, Ganymedis autem *fiduciarium* imperium in *dominationem* ver-

tisse', haec ut futilia iam Vielhaber redarguit (Progr. gymn. Theres. Vindob. 1864, p. 22). itaque non est, cur Madvigii coniecturam refellam, qui omisso *Ganymedis* nomine scribendum proposuit: *confectam taedio puellae, fiduciarum dominatione crudelissima*.

c. 24, 4: *contra flens orare Caesarem coepit*] transposui *contra*, quod in libris mss. ante *Caesarem* certe eam ob causam positum est, quod librariis praepositio esse videbatur.

c. 25, 3: [*unam*] *classem*] *unam* inclusi; *suam*, quod antea ex Nipperdei coniectura scripseram, superfluum est, nec si vera esset scriptura, in *unam* corrumpi potuisset. Fleischer l. l. p. 858 *universam* proposuit; sed huic lectioni obstat, quod in sequentibus classis illa addito pronomine demonstrativo (*proficiscuntur in ea classe*) ab alia classe discerni videtur.

c. 26, 1: *magnis copiis — Pelusium adductis, id oppidum e. q. s.*] sic iam scripsi pro iis quae codd. exhibent *cum magnis copiis — Pelusium adducit idque oppidum cett.*

c. 27, 1: [*inter se*] del. Dübner. — §. 5: [*constantiaque virtutum et Alexandrinorum imprudentia*] haec ex margine in textum irrepsisse primus monuit Davisius.

c. 28, 3: *variis munitionum generibus*] falsa librorum lectio *variis generum munitionibus*, ut iam in priore editione monui, eo enata esse videtur, quod librarius cum vocem *munitionum* exararet, oculis ad finalem syllabam sequentis vocabuli [*gener*] *ibus* aberraverat et hunc errorem correcturus supra versum omissas litteras posuerat. ita factum est, ut qui haec exscriberet (^{gener ū}*munitionibus*), inde *generum munitionibus* effingeret.

c. 30, 3: *non quo id*] cum Dübnero secundum cod. f et Urs. scripsi; eodem redire videtur *non quod id* in Oudendorpii codicibus. Nipperdey, quocum antea feceram, ex *ab non quod* edidit.

c. 33, 4: *si permanerent in fide reges, praesidiis eos nostris esse tutos; hos, si essent ingrati, posse isdem praesidiis coerceri.*] *hos*, ut in prior editione monui, retinendum est, cum ita demum varia librorum menda explicari possint: *esset ut hos* **ab** (m. pr.) **fh** **l**; *esse ut hos* Pet. Lov.; *esse tutos et hos* **c** et deteriores aliquot. similis vocabulorum *tutos* et *hos* terminatio in causa erat, cur in optimis libris *tutos* detruncaretur. Kraner, Dübner, Dinter *hos* cum Nipperdeio omiserunt. — §. 5: [*itinere terrestri*] uncos posuit Nipperdey.

c. 34, 4: [**Cn.**] del. Nipperdey.

c. 35, 5: *cuius itineris has esse certas opportunitates vidit*] *vidit* auctore Forchhammero cum Kranero et Dübnero supplevi; Dinter ex Vielhaberi coniectura cernebat pro *certas* scripsit.

c. 36, 5: *ut, sive amicus sive inimicus Domitius eas angustias transiret, nihil de insidiis suspicaretur, cum in agris et pecora et homines animadverteret versari tamquam amicorum adventu; sin ut in hostium fines veniret cett.*] *adventu, sin ut in* olim iam pro librorum scriptura *adventus ut in* exaravi; *sin vero ut in* ante Nipperdeium vulgabat. hic vero plura mutavit, cum verbis *sive inimicus* suo loco demotis scripsit: *sive inimicus ut in hostium fines cett.*; sed cum verba *sive amicus sive inimicus* hoc modo disiunguntur, sententia evadit, Pharnacem hac tantum condicione, si Domitius *amicus* angustias transiret, eum de insidiis quicquam suspicari noluisse, cum etiam plus Pharnacis interesse deberet, Domitio nullam insidiarum suspicionem moveri, cum *inimicus* adventaret; nam ita demum alterum illud effici potuit, ut praeda diripienda milites dissiparentur dispersique caederentur. nihilominus tamen Kraner et Dinter Nipperdeium secuti sunt, Dübner vero verba a me posita edidit.

c. 39, 1: *si condiciones, quas reiecerat, rursus appeteret, aut si negatis discederet*] librorum verba *sine causis* a Nipperdeio corruptelae signo notata frustra defendit Dübner. Kraner *si recusatis* scripsit, sed verisimilius est SINECAVSIS ortum esse ex SINEGATIS.

c. 40, 2: *at Pontica ex altera parte legio, cum paulum aversa hostibus cessisset, fossam autem transire et circumire aciem secundam conata esset*] libri habent *fossam autem circumire acies secundo conata esset*. Oudendorpius Scaligero auctore *acies* deleverat; Nipperdey eumque secuti Kraner, Dübner, Dinter *circumire ac transcendere conata esset* scripserunt. ipse olim pro *acies secundo* posueram *accessu secundo*. quae iam edidi verba cum re ipsa certe conveniunt. nam Pontica legio, cum transire fossam et circumire aciem secundam conata esset, ut hostem aperto latere sc. dextro eius cornu aggrederetur, in ipso transitu fossae confixa et oppressa est. non negaverim tamen pro *circumire aciem secundam*, cum libri habeant *acies secundo*, scribi posse ab *acie secunda*.

c. 43, 1: *ductu ausuque suo*] sic ut antea cum Nipperdeio secundum codd. deteriores scripsi; Vielhaber (l. l. p. 566) Lipsii coniecturam *ductu auspicioque suo*, quam Dübner retinuit, iam eo commendari scripsit, quod codd. **abf** *ausioque* habeant. at tum modo *auspicio* recte se haberet, cum *auspicio eius*, Caesaris scilicet, scriberetur.

c. 45, 2: *cum propius Tauridem accessisset distentis suis navibus, quod et tempestas erat turbulenta et nulla suspicio hostis*] *distentis* ut antea scripsi pro librorum *distersis*; mecum fecit Dübner. Kraner, Dinter cum Nipperdeio *dispersis* ediderunt. at *disperguntur* naves tempestate, ducis iussu *distinentur*. — §. 3: *et vexillo sublato, [quo pugnandi dabat signum]* quae primae naves subsequebantur *idem ut facerent, significabat.*] verba quo pugnandi dabat signum uncis notavi; plane similiter enim comparata sunt atque ea, quae magister ad locum b. G. 2, 20, 1 adscripsit: *Caesari omnia uno tempore erant agenda: vexillum proponendum [quod erat insigne cum ad arma concurrere oporteret]* cett. suspicari licet, in glossa nostro loco adscripta passivam formam *dabatur (dabaŕ)* positam fuisse.

c. 46, 1: *Vatinius, cum animum adverteret neque navium se magnitudine neque numero parem esse, fortuitae tamen dimicationi rem committere maluit.*] retinui hanc

in priore editione a me propositam lectionem; Kraner, Dübner, Dinter scripserunt *fortuitae dimicationi rem committere noluit*. lectionem codicum *abc fortunae rem committere noluit*, quam Nipperdey probaverat, genuinam non esse, facile intellegitur cum respicimus, quae *fhl* et reliqui libri habent: *fortuitae dimicationi* (*dimicationis l*) *fortunae rem committere maluit*. apparet enim *fortunae* interpretamentum fuisse insolentiori dictioni *fortuitae dimicationi rem committere* adscriptum indeque factum esse, ut librarium alii hanc vocem iuxta *fortuitae dimicationi* in textum reciperent, alii loco huius dictionis reponerent. — *maluit* etiam ut antea scribendum duxi secundum eosdem codices pro *noluit*, quod *abc* habent, nec me deterruit quod Kranero visus sum verborum vi non perspecta *maluit* posuisse. satis enim defendi mihi videor Davisii verbis, quae iam in priore editione laudavi: 'si fortunae rem committere *noluit*, qui quaeso factum, ut impetum primus in Octavii quadriremem faceret Vatinius? si in ea fuisset sententia, fugere potius ac terga dare, vel quodam modo pugnam vitare debuit.' inserui etiam particulam *tamen*, quae per compendium scripta (*tm*) facile post [*fortui*]*tae* excidere potuit.

c. 49, 1: *Cordubam se recepit contractumque antea aes alienum gravissimis oneribus provinciae constituit exsolvere*]] *antea* scripsi pro *in ea*, quod ferri non posse editores consentiunt. Iurinius *ingens* proposuerat idque Vielhaber commendavit l. l. p. 567.

c. 52, 2: *aversum* iam ex Oudendorpii emendatione scripsi; antea cum Nipperdeio secundum codd. *versum* posueram.

c. 53, 5: *quinta legio nuper ibi erat confecta*.]] retinui ut antea hanc vulgatam verborum collocationem, quam omnes libri exceptis *ab* praebent, quorum lectionem *nuper erat ibi* Nipperdey, Kraner, Dinter receperunt.

c. 57, 1: *deducebatur*]] sic ut antea secundum codd. *af* scripsi; vulgo *ducebatur*. cf. Vielhaber ephemer. gymn. austr. t. XX, p. 569. — §. 2: *mane pervenit Leptim*]] *Leptim* supplevit Iurinius. cf. Vielhaber. l. l. p. 569. — §. 3: *M. Thorium*]]

M. cum Dübnero secundum codd. deteriores scripsi; meliores *intorium* habent; vulgo *T. Torium*. — §. 4: *Marcellum quaestorem*] libri *Marcellumque* exhibent; corr. Forchhammer. — §. 6: *ad flumen Singiliense*] sic fluminis nomen scribendum esse utpote ab oppido Singili ductum Nipperdey docuit p. 199; codd. *siciliense* (*siciliensē* f) habent.

c. 58, 3: *communis erit coniectura*] emend. Madvig, libri *erat* exhibent. — §. 4: *se contra Cassium consentire cum omnibus*] recepi iam *consentire*, quod et in f et in omnibus Dübneri codicibus exstat; vulgo *sentire*. constructionem *consentire cum aliquo contra aliquem* tutatus est Vielhaber l. l. p. 570 allatis Valerii Max. verbis 9, 11 ext. 3: *cum adversus patrem suum cum amicis consenserit*. — ibid.: *contra Caesarem ne facere cogerentur, orare.*] cum Dübnero hanc vulgatam restitui scripturam, quam f et reliqui libri habent exceptis a b, qui *ne facerent orare* prava certe emendatione exhibent.

c. 60, 2: *Marcellus, cum configere miserrimum putaret, quod et victoris et victi detrimentum ad eundem Caesarem esset redundaturum, neque suae potestatis esset, legiones Baetim traducit*] lacunam notavi, cum frustra quaeramus, quid illud fuerit, quod Marcelli potestatis non esset. intercidissee videntur verba, quibus significabatur, non fuisse potestatis Marcelli *retinere milites, quominus cum Cassianis pugnam conferrent*. vix aptum censeo, quod Vielhaber l. l. proposuit, ut secundum b scriberetur *potestatis esse*. — §. 3: *cum Cassium contra pro suis castris aciem instruxisse loco superiore videret*] *videret* Aldus supplevit, correctoris manu in cod. Dresd. 1 exstare adnotavit Dübner. antea scripseram, quod ante Aldum legebatur, *cum Cassius . . . aciem instruxisset*.

c. 61, 4: *necessitate est edoctus*] *edoctus* ut antea scripsi secundum codd. a c f, quibus etiam h l adstipulari videntur, qui *eductus* habent, et b, in quo *doctus* exstat. Nipperdey pro vulgato *adductus* posuit *deductus*, quod sequentes editores receperunt. at dispici nequit, cur apertissima verba *necessitate deductus* vel *adductus* ad insolentiora illa

necessitate edoctus detorta sint, et sensus ipse his verbis favere videtur. ipsa enim necessitate praeceptum est Marcello, quid vitandum ei esset quidque agendum, sc. *ut neque confligeret, neque vagari Cassium latius pateretur, sed castris idoneis locis collocatis . . . Uliam Cassiumque munitionibus clauderet.*

c. 66, 6: *fratri autem Ariobarzanis Ariarathi, — ne aut regni hereditas Ariarathen sollicitaret, aut heres regni terreret Ariobarzanen, adtribuit qui sub eius imperio ac ditione essent.*]] cum codd. *Ariobarzani adtribuit* habeant, Nipperdey post *terreret* lacunam statuit, qua exciderint verba *Ariobarzanen, partem Armeniae minoris concessit eumque*; at omnia sana videntur, dummodo, quod Iurinius iam proposuerat, pro dativo *Ariobarzani* accusativus ponatur, et in sequentibus, quod ego proposui, *qui sub eius imperio ac ditione essent* pro tradito *esset* scribatur. me secutus est Dübner.

c. 67, 1: *quod — exercitibus imperiisque coactus in Cn. Pompei castris fuisset*]] supplevi *coactus*, cum sic demum tradita verba stare possint. Markland *excitusque imperiis* coniecerat, unde Kraner et Dübner *excitus imperiis* receperunt. Madvig *excitus verbis imperiisque* scribendum esse censuit. Dinter *coercitus exercitibus imperiisque* edidit.

c. 68, 1: *cumque defensionem eius nullam posse excusationem [eius] imprudentiae recipere coarguisset*]] alterum *eius* Clarkio auctore inclusi.

c. 70, 4: *quin id ipsum*]] *quin* ut antea ex Nipperdei coniectura scripsi pro tradito *quam*. Vielhaber l. l. p. 573 *quamquam* scribendum proposuit idque Dinter recepit.

c. 71, 1: *At Pharnaces liberaliter omnia pollicitus, cum festinantem ac percurrentem Caesarem speraret libentius etiam crediturum suis promissis*]] *percurrentem* iam scripsi auctore Kranero pro tradito *praecurrentem*. antea *praecurrentem* ex contractis vocabulis in provinciam recurrentem ortum esse suspicatus eram.

c. 72, 1: *Zela est oppidum in Ponto, positu ipso ut in plano loco satis munitum*]] ut antea ex Aldi emenda-

tione *positu ipso* scripsi pro *tradito positum ipsum*. Nipperdey ut haec verba retineret, *munito* pro *munitum* posuit. at cum facile intellegatur, cur insolentior ille ablativus *positu*, imprimis cum *est oppidum* antecedit, in *positum* mutatum sit, minus facile dispicitur, cur in verbis apertissimis in *plano loco satis munito* librarii peccaverint scribendo *munitum*. — §. 2: — *colles; quorum editissimus unus, qui propter victoriam Mithridatis et infelicitatem Triari detrimentumque exercitus nostri superioribus temporibus [locis atque itineribus paene coniunctus oppido] magnam in illis partibus habet nobilitatem, nec multo longius milibus passuum III abest a Zela.*] verba *superioribus locis atque itineribus paene coniunctus* Madvig in fine sententiae post *Zela*, Vielhaber (progr. gymn. Theres. Vindob. 1864 p. 23) *Morum* secutus post *nobilitatem* transponenda esse duxerant, sed neutro loco illis *superioribus locis* aptus sensus effici potest. equidem locum eo corruptum esse puto, quod post *superioribus* excidit *temporibus*. inde factum est, ut ad *superioribus* adscriberetur *locis*, et ut his *superioribus locis* iam adiungerentur verba illa undeunde demota *atque itineribus cett.* suspicari possis primitus fuisse scriptum *nec multo longius milibus passuum III abest a Zela, itineribus paene coniunctus oppido.*

c. 73, 3: *huc omnem comportatum aggerem ex castris servitia aggerere iussit*] codd. *agerentur* habent; vulgatum *agerent* Nipperdey retinuit; Madvig *gererent* proposuit. cum autem ut Vielhaber monuit (ephem. gymn. austr. XX p. 574), coniunctivus ab *iubendi* verbo dependens ab scribendi genere auctoris b. Al. abhorreat, infinitivum posui *aggerere*. Dinter *agere* edidit.

c. 75, 1: *ab opere revocat*] *revocat* cum Iurinio scripsi pro *tradito vocat*.

c. 77, 1: *Tali victoria totiens victor Caesar incredibili est laetitia affectus, quod maximum bellum tanta celeritate confecerat, quodque subiti periculi recordatione laetior victoria facilis ex difficillimis rebus acciderat.*] exstirpanda *vocula quod*, quae in libris male repetita est ante *victoria*, aptum sensum effici, in priore iam docui editione. me secuti

sunt Kraner, Dübner, Dinter. contra Nipperdei scripturam quoque subiti periculi recordatio est laetior, quod victoria facilis ex difficillimis rebus acciderat, monueram, non modo nimis eam recedere a librorum memoria, verum etiam eo displicere, quod loco communi, qualis inesset verbis quoque subiti periculi recordatio est laetior, sequentia non nisi tum responderent, cum essent generaliter dicta: cum victoria facilis ex difficillimis rebus accidit.

c. 78, 2: *parvulum secum*] sic f et reliqui libri praeter a b, qui *secum parvulum* exhibent, quod Nipperdey recepit. — ibid. *retinuerat* secundum optimos codd. iam in priore posui editione, idemque sequentes deinde receperunt editores. Nipperdey vulgatum *tenuerat* servavit, quod non nisi in cod. Dresd. 2 exstare testatur Dübner. — ibid. *quoad sub imperio Pharnacis fuerat*] *quoad* pro tradito *quod* proposuit Oehler; Nipperdey, Kraner corruptelae signo notarunt; Dinter qui edidit.

BELL. AFR. c. 2, 2: *commoratus*] lacunam notavit Nipperdey. — §. 5: *post diem quartum cum longis paucis navibus in conspectum Africae venit: namque onerariae reliquae praeter paucas vento dispersae atque errabundae diversa loca petierunt.*] haec libri praebent, eaque recte se habere olim iam contra Nipperdeium monui, qui reliquaeque eam ob causam scribendum esse putavit, ne longas naves omnes cum Caesare fuisse existimares. at cum scribitur *namque onerariae reliquaeque praeter paucas, reliquae* haud dubie dicuntur *longae naves*; harum autem *paucas* tantum cum Caesare fuisse modo narratum est: cur igitur denuo id lectores monerentur? et si monendi erant, cur non addito pronomine *illas* ad *paucas* (*reliquaeque praeter paucas illas*) significatum est, denuo easdem dici naves quae modo commemoratae sint? displicet etiam, quod verba *namque onerariae reliquaeque praeter paucas e. q. s.* ita dicta sunt, quasi onerariae naves omnes deerravissent; sed cum c. 3, 2 Caesari CL equites fuisse doceamur, equites autem onerariis navibus vectos esse c. 2, 1 narratum sit, necessario statuendum est,

Caesarem etiam aliquot onerarias naves secum habuisse. hae iam significantur, cum codicum verba tenemus: *namque onerariae reliquae praeter paucas* — quibus vecti sunt illi CL equites — *vento dispersae cett.* mecum fecerunt Dübner, Dinter; Kraner *onerariae* secluit.

c. 3, 1: *Postquam Adrumetum accessit, ubi praesidium erat adversariorum, cui praeerat C. Considius, et a Clupeis secundum oram maritimam cum equitatu [Adrumetum] Cn. Piso cum Maurorum circiter tribus milibus apparuit, ibi paulisper Caesar commoratus e. q. s.]* cum antea vulgaretur *Adrumeti*, Nipperdey *Adrumetum* ex codd. restituit; sed quod rectissime se habere censuit, *a Clupeis Adrumetum Pisonem apparuisse*: 'hoc est ita, ut Adrumetum peteret', id latine dictum esse iam in superiore editione negavi. verisimilius esse dixi, nisi praepositionem *ad* ante *Adrumetum* excidisse statueres, oppidi nomen ex magistri interpretatione in verba irrepsisse. itaque *Adrumetum* uncis incluseram, quos etiam nunc retinui. ad meam sententiam accessit Dübner; Kraner verbum *apparuit* ut spurium notavit; Dinter Nipperdey scripturam retinuit.

c. 4, 3: *quo simulatque captivus [cum] pervenisset]* *cum*, licet in melioribus libris exstet (deest in Petav., inter versus scriptum in I), seclusi; valet enim de hoc loco idem, quod in libello 'Construct. d. lat. Zeitpartikeln' ² p. 49, n. 67 de duobus aliis huius commentarii locis c. 40, 5. 50, 4 monui, ubi particulae *postquam* cum coniunctivo plusquamperfecti coniunctae insuper vocula *cum* addita est. idem certe etiam c. 91, 4 accidisset, nisi sequens sententia ipsa particula *cum* coepta tale supplementum vetuisset: *postquam Iuba... diu multumque primo minis pro imperio egisset cum Zamensibus, dein, cum, se parum proficere intellexisset e. q. s.* etiam Ciceronianos locos, ubi *posteaquam* cum coniunctivo imperfecti vel plusquamperfecti constructum est, vel inserenda particula *cum*, vel *posteaquam* in *postea cum* commutando vitiatos esse, ibidem docui p. 47 sqq. itaque dubitari nequit, quin nostro quoque loco illud *cum* a magistro post *simulatque* insertum sit, nec Nipperdeio adstipulandum est, qui (Pro-

legg. p. 17) ipsum scriptorem prioris particulae oblitum alteram super addidisse censuit.

c. 6, 3: *equites minus * XXX*] numerum corruptum esse monuit Nipperdey; ut genuinum acceperunt Dübner, Dinter.

c. 7, 6: *latent enim in insidiis cum equis inter convalles, ut subito exsistant, non ut in campo comminus depugnent.*] locum facile sanari posse, dummodo pro tradito *et subito exsistunt* scribatur *ut s. exsistant*, iam antea contra Nipperdeium monui, qui lacunam post *depugnent* statuendam esse censuit. obsecuti sunt ei Kraner et Dinter, Dübner sic modo, ut correcturam a me propositam satis verisimilem praedicaret.

c. 8, 2: *interim cum X navibus longis ad reliquas naves onerarias conquirendas, quae deerrassent, et simul mare tuendum ab hostibus iubet proficisci.*] Nipperdey ex Clarkii sententia lacunosa esse haec verba censuit; excidisse enim nomen eius hominis, qui ad haec exsequenda missus esset; nam quominus Rabirium ad id missum esse existimes, qui antecedentibus commemoratur (*exoneratisque partim navibus longis Rabirium Postumum in Siciliam ad secundum commeatum arcessendum mittit*), id ob stare, quod commeatus arcessi et naves conquiri mareque custodiri uno tempore non potuissent, neque illam rem — commeatum sc. arcessere — eam moram tulisse, quam hae attulissent. mihi vero ut in superiore editione sic etiam nunc plane aliter statuendum esse videtur. ut omittam, *interim* tum potissimum sua vi adhibitum videri, cum eidem Rabirio altera quoque Caesaris mandata perficienda fuisse facimus, haec altera mandata minime tantae morae fuerunt, quantae Nipperdey ea haberi voluit. narratur enim c. 7, reliquas naves errore ablatas 'Uticam versus petere' esse visas; unde patet, Uticam maxime adeundam fuisse ei, qui naves illas conquirere iussus esset. at Caesaris classis ad Leptin stabat, transmittentibus autem Lepti Lilybaeum Utica in ipso fere cursu sita erat; itaque ei, qui Lilybaeum peteret, nulla fere mora movebatur, cum praetervehens stationes litoris Uticae adiacentis perquirere iuberetur. cum idem iussus esset simul mare ab hostibus id non omnino

de exercenda maris custodia esse intellegendum, inde satis aperitur, quod *decem* longarum navium numerus ridicule minor esset eiusmodi negotio; contra earum numerus sufficebat, ut praesidio essent et navibus ex errore receptis, quo tutae ab hostibus ad Caesarem deducerentur, et vacuis illis navibus, quae ad arcessendum secundum commeatum in Siciliam subsequebantur. fieri itaque potuit, ut eidem homini tria illa negotia mandarentur et ut eodem tempore ab eo conficerentur, sc. ut in Siciliam ad arcessendum commeatum transmitteret, naves quae deerrassent conquireret, mare i. e. navium praesidio commissarum cursum ab hostibus tueretur. denique Rabirio ista esse mandata inde concludere licet, quod si alius missus esset, cui praeter naves conquirendas nullum aliud mandatum esset negotium, non factum esset, ut mox Caesar ipse classem conscenderet naves, de quibus sollicitus erat, investigaturus (c. 10. 11). id enim cur factum sit, mirum plane non est, si Rabirium, cum naves errore abductas ad Uticam non invenisset, cursum in Siciliam continuasse facimus; contra, si alium ad conquirendas naves missum esse statuimus, veri dissimillimum est, Caesarem antequam is reversus esset, ipsum naves conquisitum classem conscendisse, aut si re infecta ille redierat, hanc rem ab auctore commentarii silentio esse praetermissam. itaque verba, qualia libris praebentur, sanissima iudico, neque ut aliter statuam quidquam Nipperdei verba movent, cum ineptum esse dicit 'navium numerum ad posteriorem rem datum declarari in priore re nullo posito, quasi ad commeatum arcessendum aut nullas naves habuisset aut alium numerum.' alium navium numerum ad commeatum arcessendum Rabirium habuisse, non tam ineptum quam rei consentaneum videtur; nisi enim decem illas naves longas, quae 'ad mare tuendum ab hostibus' datae erant, vacuas militibus fuisse facimus, nescio cui usui fuissent militibus completae novo commeatui devehendo, nisi una missus esset vacuarum navium numerus. — §. 4: *haec ita imperabat unicuique, ita praecipiebat uti fieri possent, ne nec locum excusatio ullum haberet nec moram tergiversatio.*] sic iam in pr. edit. scripsi pro iis, quae libri exhibent *uti fieri pos-*

set nec ne locum excusatio nullum haberet. Kraner, Dübner possent, nec ... ullum ediderunt. Nipperdei scriptura uti fieri non posse neque locum excusatio ullum haberet cett. Dintero placuit.

c. 9, 2: *huc cum idcirco existimo recepisse se*] *huc* corr. Davisius, *hoc* codd. habent. — *se* post recepisse inserendum esse monuit Gemoll ann. phil. t. CXVIII p. 269.

c. 18, 5: *hostibus nullo negotio campo pulsus, post colle deiectis*] cum inepte dictum esse censerem *hostes post collem* esse deiectos, in priore iam editione secundum cod. f *colle* scribendum esse duxi collatis locis c. 40, 5: *Scipione eiusque copiis campo collibusque exturbatis*, c. 69, 3: *levis armatura hostium nullo negotio loco pulsa et deiecta est de colle* —; deinde ex Dübneri editione vidi *colle* etiam in cod. a scriptum esse. hoc etiam Dübner recepit; Kraner, Dinter post *collem* ediderunt.

c. 19, 3: *quippe qui [in] illo rumore [sibi] confideret primum, quod audierat e. q. s.*] sic iam in priore editione corrupta librorum verba *quippe quis in illorum sibi confideret* emendanda esse censui. Oudendorpius *qui sine illorum fide sibi confideret*, Nipperdey *qui in illa re sibi confideret*, Forchhammer *qui sine illorum ope sibi confideret*, Vielhaber *qui successurum sibi conf.* scribendum esse duxerunt. Dübner Forchhammeri, Dinter Nipperdei coniecturam receperunt, Kraner librorum verba ita expressit, ut lacunam post *illorum* notaret. — §. 4: *quos — ex hybridis, libertinis servisque conscripserat, armaverat, qui uti frenato condidicerant*] cum codd. *uti frenato condidicerat* (l m. 1 *condidicerant*) habeant, ut in priore editione qui supplendum et pluralem verbi numerum ponendum esse censui, me secutus est Dübner. Nipperdey *uti frenatos constituerat* coniecerat; Kraner vulgatam fere expressit lectionem *uti frenato condocuerat*, omisso quod ante *uti* suppleri solebat *equoque*. — §. 5: *praeterea regia auxilia elephantis CXX equitatuque innumerabili*] codd. *elephantis* habent, unus b *elephanti*, c et Petav. *elephantos*. Nipperdey *elephantis CXX equitatusque innumerabilis* scripsit. at displicet non modo

quod *elephantis* accusativum pluralis numeri habere iubemur, cum forma *elephas* (*elephans*) non nisi hoc nominativi casu obviam fiat (semel *elephanta* Martialis posuit, d. spect. 19, 4). displicet etiam pluralis numerus vocis *equitatus* addito *innumerabilis* adiectivo. itaque ut in priore editione *elephantis* ablativum casum esse ratus *equitatuque innumerabili* scribendum esse censi. Kraner eumque secutus Dinter *elephantis* (?) CXX *equitesque innumerabiles posuerunt*, Dübner verba inde a *praeterea* usque ad *amplius XII milibus* ut spuria secluit. — §. 6: *hac spe atque ea audacia inflammatus*] male edoctus erat Nipperdey de meliorum codicum scriptura, cum putaret *ea* deesse in iis. omissa est haec vacula in b et tribus deterioribus libris, exstat vero in a f et reliquis. — ibid. *quater tanto*, ut antea scripsi; sic f et reliqui libri, exceptis a b, qui *quartum tanto* habent, quod Nipperdey, Kraner, Dinter amplexi sunt. — §. 7: *pridie Non. Ian.*] retinui hanc vulgatam scripturam, pro qua Nipperdey secundum a II. d. *Non. Ian.* posuit. — ibid.: *quam Africam Caesar attigit*] Caesaris nomen cum Dintero supplevi.

c. 22, 2: *ab nefariis sceleratisque civibus*] pro corrupto *uarduis*, quod a f h l habent (in b et deterioribus quibusdam *narduis*, in aliis recentioribus *arduis* exstat) Davisius *perditis* posuit, quod Nipperdey et sequentes editores servarunt. ut in pr. edit. propter maiorem litterarum similitudinem *nefariis* scribere malui.

c. 24, 3: *quoquo versus*] sic omnes codd.; cf. ad b. G. III, 23, 2.

c. 25, 1: *Dum haec ita fierent*] '*dum* codd. vitiose' huic loco adscribi et *dum* in *cum* mutari solet, idque ipse olim feceram, antequam accuratius in usum particularum temporalium inquisivissem. interim vero in libro 'die Construction der lat. Zeitpartikeln' (ed. 2) p. 169 sqq. docui, coniunctionem *dum*, nisi cum indicativo praesentis historici construat, cum coniunctivo imperfecti coniungendam esse, ut actionem enuntiet, quae fiebat nec dum perfecta erat, cum aliud quid

accidit (= 'während'). ut hic sic etiam infra c. 61, 1. 88, 4 et b. Hisp. 23, 2 particulam *dum* ex codicum consensu restitui. — ibid. §. 2: *P. Sittius interim et rex Bocchus — copias suas admove, Cirtamque, oppidum opulentissimum eius regni, rex adortus paucis diebus pugnando capit*] invitis libris ante Nipperdeium *adorti — capiunt* itemque in sequentibus pluralis numerus pro singulari edebatur. recte quidem vir doctus codicum scripturam restituit, sed vix apte singularem numerum eo defendit, quod scriptor solum se Sittium commemorasse putasset. neque id Nipperdeio concesserim, haec omnia de Sittio narrata esse, cum Cirtam oppidum a Boccho expugnatum esse Appianus tradat (b. c. II, 96), et ex Dionis Cassii verbis (XLIII, 3) pateat, Sittium parti tantum copiarum a rege Boccho praefectum fuisse. itaque *adortus — capit* ad hunc potius referendum esse ratus *rex* post *regni* excidisse puto. (antea pro *Cirtamque* scripseram *isque Cirtam*.)

c. 26, 3: *quorum lacrimis querelisque Caesar commotus cum antea constituisset e stativis castris aestate inita cunctis copiis auxiliisque accitis bellum cum suis adversariis facere, iam nunc gerere instituit*] lacunam, quam Nipperdey post *accitis* notavit, post *adversariis* potius statuendam et verbis, qualia sensu et sententiae constructione desiderari videntur, explendam esse duxi. quod in priore editione conieceram, scriptum fuisse *cum antea constituisset cett. bellum cum suis adversariis gerere, iam nunc gerere instituit*, receptum est a Dübnero. — ib.: *litteris[que] celeriter in Siciliam ad Alienum et Rabirium Postumum [conscriptis et] per catascopum missis e. q. s.*] cod. a et qui ex eo derivati sunt b c *litterisque celeriter in Siciliam missis* et deinde *per catascopum mittit* exhibent; in reliquis omnibus *missis* post *in Siciliam* deest, legitur vero loco illius *mittit*. haec lectio *per catascopum missis* certe genuina est; correxit eam et transposuit participium *missis* magister, qui verbum primum desideraret. cum non intellexeretur sententiae structura, etiam factum est ut *que* voci *litteris* adiungeretur. Nipperdey, Kraner, Dinter, qui *mittit* scripserunt, *que* retinuerunt; Dübner me secutus *litteris ... per catascopum missis* edidit. —

conscriptis, quod in priore editione retinueram, cum plane otiosum sit, iam ut spurium seclusi.

c. 31, 1: *iubet milites, qui extra munitiones processerant [quique] pabulandi aut lignandi causa aut etiam muniendi gratia vallum petierant quaeque ad eam rem opus erant*] sic ut antea cum Nipperdeio scripsi. Kraner et Dinter Forchhammerum secuti *quique* ante *vallum* inseruerunt: *qui extra munitiones processerant pab. aut lign. aut etiam muniendi gratia, quique vallum petierant quaeque cett.* at muniendi gratia non nisi iis extra munitiones procedendum erat, qui vallum peterent quaeque ad eam rem opus erant. inde patet, non disiungi posse *qui extra munitiones processerant muniendi gratia* ab iis, qui *vallum petierant*.

c. 34, 2: *qui ibi cum grandi familiae suae praesidio praeerat commeatus*] sic f et reliqui libri exceptis *ab*, quorum lectionem *qui ibi cum grandi familia praeerat praesidio commeatus* Nipperdey, Kraner, Dinter receperunt.

c. 35, 1: *quique cum eo essent [comites]*] *comites* delevit Kreyssig, retinuerunt Dübner, Dinter. — §. 2: *in Caesaris castra*] vulgatam servavi verborum collocationem, quam f quoque exhibet. Nipperdey et Dübner *in castra Caesaris* ediderunt.

c. 36, 1: *atque [sub manum] Scipioni in castra submittere non intermittit.*] *sub manum* interpretamentum esse ratus ad *submittere* adscriptum seclusi. O. Schambach ann. phil. t. CXIX, p. 869 *subministrare* scribendum et sequens *submittere* delendum esse censuit.

c. 38, 1: *Post Caesar ad iugum, de quo docui, ascendit atque in unumquemque collem inspecturus turres castellaque iter facere coepit idque adeo minus semihora efficit.*] sic iam in pr. edit. locum emendare studui. libri meliores parum inter se discrepant: *post abcf*, ceteri *postquam*; *atque eo minus abcf*, reliqui *atque ea minus*; *effecit* soli b et Dresd. 2. in vulgata lectione (*Postquam Caesar ad iugum, de quo docui, adscendit; atque in unumquemque collem turres castellaque facere coepit; atque ea minus semihora effecit*) Nipperdeio displicuit, quod *turres* in unumquemque

collem fecisse Caesar dicatur, cum declaratum sit in fine superioris capituli, collocatas fuisse turres in collibus perveteres, quocum consentiant verba quae infra sequantur *postquam non ita longe ab ultimo colle turrique fuit e. q. s.* quapropter scribendum esse putavit: *post Caesar ad iugum, de quo docui, ascendit atque in unumquemque collem turremque castella facere coepit atque ea minus semihora efficit.* at sive *turres* castellaque in singulos colles, sive castella in unumquemque collem turremque Caesar fecit, in quem finem, quaeso, fecit? nimirum, ut et colles et veteres illas turres castellis oppositis obsideret! at praesidiis carebant et colles et turres, cum nonnisi in ultimo colle turrique hostium praesidium et stationem fuisse apertis deinde verbis doceatur. et si Caesar castella fecit, cur, quaeso, non praesidia immisit? cur denique nusquam amplius commemorantur? narratur infra, Caesarem ad ultimum collem progressum perspecta loci natura opus legionibus attribuisse brachiumque medio iugo ab eo loco, ad quem pervenisset, usque ad eum, unde egressus esset, dirigi ac muniri iussisse; cur non scriptum est 'usque ad id castellum, quod in primum collem turremque extruxerat?' et quae tandem est illa mirabilis castellorum extruendorum celeritas, qua usus Caesar in unumquemque collem turremque castella minus semihora fecit! credat Iudaeus Apella! ut mittamus nugas, cum narretur, Caesarem semihora postquam in iugum ascendisset, non ita longe ab ultimo colle turrique fuisse, quam Numidarum manus tenebat, tam breve temporis spatium non nisi ad id sufficere poterat, ut per iugum iter faceret singulosque colles veteresque illas impositas turres perlustraret, ut locorum naturam perspiceret. nec magis probari potest Dübneri lectio *postquam Caesar ad iugum de quo docui pervenit, ascendit [atque] in unumquemque collem, turres speculasque [facere] cepit atque ea minus semihora efficit.* tot enim mutationibus nil aliud efficitur, nisi ut res sat mira narretur, Caesarem contra turres speculasque omni praesidio destitutas expeditionem felici eventu suscepisse. — melius certe loco consulitur lectione a me proposita. malis fortasse verba a me suppleta se exciperent (*turres castella-*

que inspecturus iter facere coepit), cum verisimilius sit una eademque iactura utrumque vocabulum excidisse, sed id quoque a vero non absonum videtur, factum esse litterarum similitudine terminationis [*inspec*]tur*us* cum sequente *turres*, ut participium illud praetermitteretur, unde fieri necesse erat, ut etiam *iter* eiceretur, ne accusativi *turres castellaque* verbo carerent, cum quo construerentur. Kraner locum corruptelae signo notavit, Dinter Nipperdei lectionem repetiit.

c. 40, 1: *villa permagna turribus IIII instructa*] *instructa* ut olim secundum cod. f scripsi; vulgo *exstructa*. §. 5: *postquam* — [*cum*] cf. supra ad c. 4, 3. — ibid.: *in fide pariter tuenda*] sic iam in pr. edit. scripsi pro *parti-ti-enda*, quod codd. exhibent. me secutus est Dübner. Nipperdey *servanda* scripsit, quod Kraner et Dinter receperunt.

c. 41, 2: *iamque minus mille passus*] *passus* f, reliqui codd. *pass.* habent; vulgo *passuum* editur. — ibid.: *elephantisque turritis interpositis* [*armatisque*] uncas posui auctore Schambachio ann. phil. t. CXIX, p. 870. — §. 3: *constitit*] lacunam post *constitit* notavit Nipperdey.

c. 42, 3: *praesertim cum milites a mane diei ieiuni sub armis stetissent defatigati*] iam olim removi uncas, quibus Nipperdey *defatigati* ut magistri additamentum incluserat.

c. 44, 3: *ante suggestum eius*] retinui *eius* a Nipperdeio deletum, quod licet absit a codd. a b c, exstat tamen in f h l et reliquis libris.

c. 45, 2: *et forsitan isto uterer beneficio*] Nipperdey, Kraner, Dinter vulgatum *forsan* retinuerunt, quod Dübner in nullo suorum codicum exstare testatur. — *uterer isto* Nipperdey secundum a b. — §. 3: *pro cuius dignitate victoriaque amplius tricies armis depugnavi*] cum aperte mendosa sint, quae libri habent XXXVI annis, posui quidem quod Nipperdey coniecit, nec tamen crediderim sic veram restitutam esse lectionem. Dinter *amplius XXX. tot annis* (i. e. *tricies*) edidit. verisimilius tamen videtur centurionem illum non quotiens armis, sed quot annos iam pro Caesariani exercitus dignitate victoriaque pugnasset commemorasse; hoc vero temporis spatium si ab anno u. c. 696

computatur, *amplius XIII annis* se pro Caesare pugnasse veteranus gloriari poterat.

c. 46, 1: *innuit centurionibus*]] *innuit* ut ante ex f recepi pro vulgato *annuit*. vix enim rarius illud verbum magistro tribuas.

c. 48, 6: *nam postero die universas suas regisque copias elephantis LX productis in aciem quam speciosissime potuit instruxit*]] *elephantis LX productis*, quod cod. f pr. m. exhibet, praeferendum putavi vulgatae lectioni *cum elephantis LX productas*; tanto enim elephantorum numero in aciem producto copiae quam speciosissime instructae sunt.

c. 51, 5: *puteique ibi nonnulli fieri [complures] poterant*]] *nonnulli* omittunt b Petav. Dorv.; *complures* deest in f, cum quo facere malui.

c. 52, 4: *prospectui offecisset*]] sic f et Petav., reliqui *prospectū*; *prospectu* auctore Scaligero vulgari solet.

c. 54, 1: *quod — navem commeatus familia sua atque iumentis occupavisset*]] pro vulgato *commeatu*, quod Nipperdey retinuerat, iam in superiore editione *commeatus* posui, quod Dübner recepit. Kraner et Dinter ex Forchhameri coniectura *ex commeatu* ediderunt. — §. 3: *sed quoniam illis abusi*]] retinui hanc ex superiore editione scripturam; codd. enim *abc quoniam usi*, f *quoniam illis usi* habent. Nipperdey et sequentes editores vulgatum *quoniam ipsi exhibuerunt*. — §. 6: *et singulos non amplius singulis additis servis in navem imponendos separatim curavit.*]] corr. Vielhaber, progr. gymn. Theres. 1864, p. 28. libri ut edi solet *singulis n. a. singulos additos servos in navem imponendos s. c.*

c. 56, 1: *quo telum ex oppido adigi non posset*]] *abici* codd., vulgo *adjici*. malui *adigi* scribere, de quo cf. ad b. G. II, 21, 3.

c. 57, 2: *cum [nihilominus] eius sermonem nuntius ad Scipionem referret: se restare, ut reliqua, quae vellet, perageret*]] *nihilominus*, quod plane inepto loco positum est, seclusi; adscriptum fortasse erat in margine verbis Aquini *se*

restare. — *ad Scipionem pro ad se* corr. Davisius. — *se restare* posui pro *tradito sed.*

c. 58, 2: *existimans ultro adversarios, cum tam magnis copiis auxiliisque regis essent praediti promptiusque prosluissent ante, secum concursuros propiusque se accessuros.*] sic iam in pr. edit. secundum codd. *ac* scripsi, quibus cum etiam *hl* faciunt. Nipperdey, Dübner, Dinter *ante se* posuerunt, Kraner Forchhammeri coniecturam recepit *ante eas secum.*

c. 60, 1: *Caesaris autem acies hoc modo fuit collocata, ut ab sinistro eius cornu ordiar [et ad dextrum perveniam]*] uncas posui Dübnerum secutus.

c. 61, 2: *dum — coepisset*] *dum* codd., vulgo *cum.* cf. supra ad c. 25, 1. — §. 5: *quo secundo equestri proelio facto Scipio laetus in castra nocte copias reduxit.*] Nipperdey ex uno cod. *a* mutato verborum ordine edidit *Scipio in castra laetus e. q. s.* — *ibid.: quod proprium gaudium bellantibus fortuna tribuere non decrevit.*] primus his librorum verbis Ios. Scaliger litem intendit et relativum *quod* ante *proprium gaudium* deleri iussit, ne posito hoc relativo sententia, quae ad omnes, quicumque umquam bellum gerent, pertineret, ad solum Scipionem referretur. eadem causa commoti Kraner et Dübner *sed* pro *quod* scripsisse videntur. contra Nipperdey *bellantibus* eiciendum esse censuit, additum a magistro, ut declararet, cui proprium gaudium tributum non esset. at qui id monere voluisset, in re tam aperta haud dubie Scipionis nomen posuisset. omnino autem errare mihi videntur, qui dativum *bellantibus* ad verbum *tribuere* pertinere putant, cum nisi construitur cum adiectivo *proprium*, certe ad *gaudium* referendus sit. dictum autem est *quod proprium gaudium bellantibus* eadem fere potestate atque *quod proprium gaudium bellantium* ('welche eigentliche Freude für Kriegführende'), sc. secundo proelio facto copias in castra reducere. qui dativi usus licet a Ciceroniano sermone fere absit, apud poetas tamen et apud recentiores pedestris sermonis scriptores, imprimis apud Livium et Tacitum saepissime invenitur (cf. Reisig, schol. §. 372). — §. 7: *Caesar interim*

cotidie legiones in campum deducere atque opus facere vallumque et fossam per medium campum ducere adversariorumque excursionibus iter officere non intermittit.]] plerique editores inde ab Vascosano *iter* deleverunt; vix recte, opinor. accusativus enim cum *officiendi* verbo constructus non modo locis Lucretianis defenditur (V, 776: *quove modo possent offecto lumine obire*, cf. II, 156. IV, 763), verum etiam necessarius videtur, quo instus efficiatur sensus. cum enim vario modo Caesar, etiam cum vallum et fossam per medium campum duxisset, adversariorum excursionibus *officere* potuisset, addito demum illo *iter* efficitur, Caesarem illis munitionibus prohibitorum fuisse, quominus excursions fierent.

c. 62, 5: *quibus rebus Varus ex perfuga cognitis*]] quamquam Nipperdey nulla librorum varietate significata *ex perfugis* ediderat, tamen in pr. edit. secundum cod. *f ex perfuga* scripseram, pluralem numerum *perfugis* propter sequens *cognitis* a librariis positum esse existimans. Dübneri deinde editione edoctus sum etiam reliquos libros habere *ex perfuga* (*a perfuga b*), unum modo Dresd. 2. praebere *ex perfugis*.

c. 63, 4: *recuperata quinquaginta* [cum suis omnibus *epibatis*] *atque etiam hostium custodibus*]] inclusa verba spuria esse recte monuit Gemoll ann. phil. CXIX p. 270.

c. 64, 1: *ob periurii perfidiam*]] sic ut antea cum Nipperdeio secundum. *b* et aliquot deteriores libros scripsi; vulgo *ob periurium perfidiamque*. *a opperiurtum*, *f operiurtū* habent.

c. 66, 1: [V]III]] quinarium numerum delendum esse monuit Nipperdey p. 219.

c. 69, 4: *iter inceptum*]] sic codd. praeter *b* et Dresd. 2, qui *ceptum* habent. *coeptum* Nipperdey, Dinter. — §. 5: *equosque* scripsi pro *eosque*; vix enim intellegas, quid singulare fuerit, si Numidae levis armaturae satis esse existimassent *eos*, sc. Iulianos, iaculis convulnerare. cum vero c. 71, 3 narretur, mirifice hostium levem armaturam Caesaris exercitum anxium atque sollicitum habuisse, 'quia et equos deterrebat proelium inire *propter equorum interitum*,

quod eos iaculis interficiebat, dubitari nequit, quin hoc ipsum nostro loco significatum sit.

c. 70, 7: *Scipio interim legiones productas cum elephantis, quos ante castra in acie terroris gratia in conspectu Caesaris collocaverat*] sic codd.; *quas* Nipperdey, Kraner, Dübner.

c. 74, 2: *se res complures, quae utiles bello sint, [ad-]ministraturos.*] Kraner *subministraturos* coniecit; verisimilius tamen videtur *administraturos* scriptum esse pro rariore verbo simplici *ministraturos*.

c. 75, 3: *posteroque die castra movet atque iter ad oppidum Sarsuram — ire contendit.*] Nipperdey, Kraner, Dinter *iter* deleverunt, quod abest a codd. *ab* et tribus deterioribus. sed dictio *iter ire* minime ea est, quam magistro cuidam tribuas, immo cum et paulo post §. 7 recurrat (*iter inceptum ire coeperunt*) et supra etiam c. 6, 4 exstet (*iter constitutum ire contendit*), scriptori adamata fuisse videtur. retinui igitur ut antea *iter*.

c. 78, 4: *quod ubi coeptum est fieri et equis concitatis Iuliani impetum fecissent*] vide de hoc loco librum 'die Construction der lat. Zeitpartikeln', ² p. 51. — §. 5: *succurrerent* corr. Nipperdey, codd. *occurrerent*. — §. 8: *quo facto [sui] sublatis*] *sui* seclusi auctore Schambachio (ann. phil. CXIX, p. 870), qui recte monuit, ex usu Caesaris et reliquorum huius corporis auctorum *nostri*, non *sui* poni debuisse; *sui* dittographiam videri sequentis *sub[lati]*.

c. 80, 2: *namque pridie in eo loco castello munito ibique III.... praesidio relicto*] cum verba certo modo expleri nequeant, lacunam iam indicasse satis habui. Nipperdey *legionum* inseruerat; ipse in pr. edit., cum cod. f *tōio* habeat, *tertia* parte *praesidio relicta* scripseram.

c. 81, 1: *Quo postquam Caesar pervenit et animadvertit aciem pro vallo Scipionis cum elephantis dextro sinistroque cornu collocatis*] quae libri habent *contra elephantos d. s. c. collocatis* Nipperdey p. 221 non modo corrupta sed spuria esse censuit utpote a magistro inferiori loco 'ad ipsa cornua quinque cohortibus contra bestias collocatis'

adscripta et deinde in alienum locum translata; sed haec inferiora verba vix scribi poterant, nisi iam antea elephantorum a Scipione in aciem productorum mentio facta esset. itaque suspicor *contra*, quod libri exhibent (in *b* inter versus exstat), ex compendio c̃ enatum esse, cui mendo certe sequentia illa verba *contra bestias* ansam praebere poterant.

c. 82, 1: *in circumeundo exercitum*] sic *bf*; *exercitu*, quod *a* habet, Nipperdey, Dübner, Dinter ediderunt.

c. 83, 4: *item Mauri equites, qui in eodem cornu cum elephantis erant, praesidio deserti principes fugiunt.*] *cum*, quod ante Nipperdeium inseri solebat, necessarium esse monuit Kraner.

c. 84, 2 sq.: *elephans — militem proboscide circumdat atque in sublime extollit. armatus, qui in eiusmodi periculo constanter agendum sibi videret e. q. s.*] *armatus* omnes codd. habent praeter *b*, neque in ullo libro exstat *cum*, quod in vulgata lectione, quam Nipperdey et Dübner retinuerunt (... *extollit armatum. qui in eiusmodi periculo cum constanter agendum sibi videret*), inserebatur.

c. 85, 5: *neminem ibi esse praesidio*] removi iam uncus, quibus olim Nipperdeium secutus vocem *praesidio* incluseram.

c. 86, 2: *elephantosque LX ornatos armatosque [cum turribus ornamentisque capit] captos*] verba inclusa *a* magistro ascripta esse, qui *ornatos armatosque* explicare vellet, recte monuit Kraner. simile interpretamentum supra c. 41, 2 exstat.

c. 88, 4: *qui dum anima nondum exspirata concidisset et — medicus familiaresque continere atque vulnus obligare coepissent*] *dum* codd.; vulgo *cum*. cf. supra ad c. 25, 2.

c. 90, 5: *itaque bis milies sestertio his imposito*] *bis*, quod et *f* et reliqui codd. exceptis *abc* habent, ut antea retinui; verisimilius enim est voculam illam casu excidisse, quam ex librariorum libidine insertam esse. ut vero crederem '*bis ex his alio loco posito factum esse*', Kraner mihi non persuasit.

c. 91, 3: *tum denu[m] se ipse insuper interficeret*] sic libri praeter **ab**, ex quibus Nipperdey *ipse se insuper edidit*. — §. 5: *ab Zama discedit atque ad villam suam se cum M. Petreio paucisque equitibus confert.*] Nipperdey vulgatam scripturam *se confert* retinuit; at *se* hoc loco non nisi in Dresd. 1 et recentioribus aliquot libris exstare, testatur Dübner. in **a** et Petav. *se* deest, **b** *iter confecit* pro *se confert* habet. quae cum documento sint, *se* non ante *confert* ab auctore fuisse positum, ut antea *se* eo loco inserui, ubi in cod. **f** collocatum est. post *suam* voculam *se* facile omitti potuisse, non est quod moneam.

c. 92, 1: *se tamen paratos esse, sibi quoad vita sup- peteret, oppidum seque ei reservare.*] cum vulgo post *sibi* interpungi soleat, ante hoc vocabulum comma posui, cum sic modo datus habeat, quo referatur.

c. 94, 2: *dein cum ipse sibi conaretur gladio traicere pectus*] *dein cum* **bf** (in **b** tamen *cum* post *sibi* iteratur); vulgo *deinde ipse sibi cum conaretur*.

BELL. HISP. c. 1, 1. Cum lacunae, quibus initium huius commentarii deformatum est, vix certo modo expleri possint, verba codicum expressi indicatis modo locis, qui hiare videntur. — §. 4: *cum aliquis ex ea civitate optime [de Cn. Pompeio] meritis civis esset*] inclusa verba iure proscripsit Nipperdey. — §. 5: *ita pacis commodo modo hostis furato maiores augebantur copiae.*] libri fere consentiunt in verbis *ita pacis commoda hoste hortato maiores augebantur copiae*; pro *pacis*, quod **b f h l** praebent (**a** *paucis* habet, expuncta tamen litterula *u*) Nipperdey et Kraner vulgatum *paucis* posuerunt, reliqua item ut Dübner, qui tamen *pacis* tenuit, corruptelae signo appposito intacta reliquerunt. inepta est vulgata Oudendorpii lectio *ita paucis commodis hoste hortato e. q. s.* Dinter licentius quam aptius coniecit *ita haud paucis compendio captis cotidie maiores augebantur copiae*. propius certe ad librorum vestigia lectio a me proposita accedit.

c. 2, 1: *multis ante iter confectis cum celeri festinatione ad bellum conficiendum in Hispaniam [cum] venisset legatique Cordubenses — Caesari obviam venissent*] *multis ante iter confectis* cum Fleischer (ann. phil. t. 119, p. 861) scripsi pro *multis iterante diebus coniectis*, quae codd. habent. haec Nipperdey retinuit corruptelae signo addito. vulgo *multis itineribus ante confectis*. Schneider *multis item ante confectis* posuit. — *cum celeri festinatione ad bellum conficiendum — venisset*] sic iam veteres editores correxerunt codicum verba *cum ceteris festinationem bellum conficiendum*. — *[cum] venisset*] *cum* inclusi utpote insertum ab interprete, qui prius illud *cum* praepositionem esse censeret. — *legatique — obviam venissent*] hanc codicum scripturam restituit Nipperdey, antea *veniunt* vulgabatur.

c. 3, 1: *[Erat] idem temporis Sex. Pompeius frater [qui] cum praesidio Cordubam tenebat*] *Erat* et *qui* inclusi. fortasse illud *erat* novissimo antecedentis capitis verbo *habuit* superscriptum fuerat, ut plusquamperfectum significaretur, indeque factum est, ut *erat* ad sequentia traheretur. (... *appropinquavit neque, ut ipse voluit, equitatum sibi praesidio erat habuit. idem cett.*) — §. 3: *Caesar ad eam civitatem omni tempore optime de populo Romano meritam [esse] celeriter sex cohortes s. v. iubet proficisci*] post *Caesar* praepositionem *ad* excidisse puto atque ita factum, ut *esse* suppleretur, tamquam verba vel Caesaris vel Cordubensium essent. qui Cordubensibus verba tribuerunt, Schneider (progr. univ. Vratisl. 1827 et 1837) et Dübner, ante *eam civitatem cett.* interpunxerunt et *Caesar* antecedenti *mitteret* adiunxerunt; Nipperdey vero *eam civitatem — meritam esse* ut per parenthesin dicta curvis uncis includens Caesari attribuit. Kraner post *meritam esse* lacunam notavit, Dinter memoria tenens supplevit, vetustiores editores inde ab Aldo nepote sciens inseruerant.

c. 6, 1: *copiis flumine traductis noctu iubet ignes fieri magnos ita firmissimum eius praesidium Atequam proficiscitur.*] lacunosum esse locum iam in priore editione notavi. — §. 2: *id cum Pompeius ex perfugis rescisset*

† *qua die facultatem et angustias ... carra complura mulosque onustos retraxit et ad Cordubam se recepit.*] corruptelae signum ante *qua die* posuit Nipperdey, vulgo *ea die*. post *angustias* lacunam ut antea statui. — *mulosque onustos* coniecit Nipperdey. libri *multos lanistos, multos lanistas, multosque lanistos, multosque lanistros* (sic f) praebent. hoc *lanistros* respiciens in superiore editione *mulosque canistris onustos* scripseram. Kraner et Dübner corrupta librorum verba intacta reliquerunt, Dinter vero sat audacter locum constituit, cum pro *qua die facultatem* posuit *propter difficultatem*, et *carra complura* in *locorum complures* mutavit. — §. 3: *qui cum [de] Pompeio nuntius esset allatus]* *de* inclusit Nipperdey; vulg. *cuius rei Pompeio*; Schneider *cui de Pompeio*.

c. 7, 1: *Caesar interim munitionibus ceterisque, quae ad oppugnandum opus fuerunt perfectis, aggerem vineasque agere instituit.*] librorum verba *in munitionibus ceterisque quae ad oppidum opus fuerunt, aggerem vineasque agere instituit*, quae Oudendorpio et sequentibus editoribus plane recte se habere visa sunt, dummodo *oppugnandum* post *ad oppidum* insereretur, Nipperdey iure cruce notavit, cum apta constructione careant; in lectione vero, quam ipse temptavit, *Caesar munitionibus ceteris perfectis vel directis* — probari nequit, quod sententiam relativam *quae* — *fuerunt* sine idonea causa praetermisit. Kraner et Dübner voculam *in* deleverunt, post *fuerunt* vero ille lacunam significavit, hic ex Nipperdei coniectura *perfectis* posuit. hoc ipse quoque recepi, pro *in* autem *interim* exaravi, et cum Kranero *ad oppugnandum* pro *ad oppidum* scripsi. Dinter fere vulgatam lectionem retinuit nisi quod *ad oppugnandum* pro *ad oppidum oppugnandum* edidit. — §. 5: *reliquae* (sc. legiones) *ex fugitivis [auxiliares] consistebant* *nam de levi armatura et equitatu longe et virtute et numero nostri erant superiores.*] *auxiliares* cum Kranero et Dübnero inclusi, post *consistebant* autem lacunam significavi. verba enim integra non esse inde iam apparet, quod credi non potest, tantam fuisse fugitivorum multitudinem, ut in novem legionum formam constitui potuissent. accedit quod cum sententia, qualem libri praebent,

plane non conciliari potest sequens enuntiatum per particulam *nam* adiunctum.

c. 8, 1: *Accedebat huc ut longius bellum duceret Pompeius*] hanc codicum scripturam iam in superiore editione contra Nipperdeium defendi, qui *accidebat hoc* edidit, quod nihil antea relatum esset, quo haec accessisse dici possent. at antecedente capite expositae sunt copiae, quas Pompeius habuit; iure igitur dici poterat, *huc* i. e. ad eam quae in copiis inerat belli gerendi facultatem *accessisse*, ut longius bellum duceret Pompeius, quod loca essent edita et ad castrorum munitiones non parum idonea. — ib.: *nam fere totius ulterioris Hispaniae regio propter terrae fecunditatem et non minus copiosam aquationem inopem difficilemque habet oppugnationem.*] verba et non minus copiosam aquationem, quae libri post oppugnationem exhibent, transponenda esse docuit Nipperdey p. 231.

c. 9, 1: [Quod] Pompeius, quod eodem iugo tegebatur loci natura, et remotum erat castellum a castris Caesaris, animadvertibat loci difficultate et, quia flumine Salso intercludebatur, non esse commissurum Caesarem, ut in tanta loci difficultate ad subsidium mittendum se committeret] ut in priore editione Quod seclusi, castellum, quod ante a castris excidit supplevi et difficultate pro difficultatem scripsi. ablativum me secutus etiam Dübner posuit.

c. 11, 2: *ignemque multum miserunt* [sc. omne genus telorum quibus ignis per iactus solitus est mitti]. verba a me inclusa ab interprete addita esse, ut explicaret, quomodo ignis missus esset, iam in priore monui editione. sc. scripsi pro tradito sic ut, et telorum supplevi, cum omne genus quibus vix a grammatico dictum censerem. abest quibus ab abc, omisum fortasse, ut rei grammaticae consuleretur.

c. 12, 2: [transfugerant] Nipperdeio auctore omnes deinceps editores incluserunt. — §. 6: alterum tamen cum Kranero uncis circumdedi.

c. 13, 1: *brachium ducere coepit*] *ducere* inse-
rendum esse docuit Koch Mus. Rh. XVIII, p. 478. — §. 4:

lacunam post *deiecta* Oudendorpius, alteram §. 5 post *conservati* Nipperdey notavit

c. 14, 1: *Eius diei praeterito tempore*] recepi hanc lectionem a Nipperdeio p. 32 propositam. codd. *eius praeteriti temporis* habent; haec Dübner retinuit, hellenisinum ab auctore hic captatum esse suspicans. vulgo *eo praeterito tempore*. — §. 4: *qui cum aliquo loco a nostris recepti essent, † ut consuessent, ex simili virtute clamore facto aversati sunt proelium facere.*] crucem quidem cum Nipperdeio posui, non quod coniunctivum *consuessent* tolerari non posse putarem, sed quod in verbis *ex simili virtute e. q. s.* haerem. si vero cum Nipperdeio facimus, haec per irrisionem dicta esse, tum totam sententiam genuinam habere licet. coniunctivus enim *ut consuessent* plane similiter comparatus est atque omnes illi coniunctivi potentiales, quos auctor huius commentarii in enuntiatis relativis res minime dubias continentibus adhibuit, credo, sermonem suum ut facetiorem redderet. (cf. locos a Nipperdeio p. 25 enumeratos.)

c. 15, 1: *Fere apud exercitus haec est equestris proelii consuetudo: cum eques ad dimicandum dimisso equo cum peditibus congregitur, nequaquam par habetur. id quod contra in hoc accidit proelio.*] antea Nipperdeio obsecutus verba *dimisso equo* secluseram, idemque sequentes editores fecerunt, parum recte. res ipsa enim suadet, ut equitem pediti non nisi tum imparem habeamus, cum dimisso equo pedibus pugnare coactus est. in hoc vero proelio contrarium accidit. equites enim Caesariani, qui ex equis descenderant, cum leviter armatis peditibus ad pugnam lectis tanto successu pugnarunt, ut caedem proxime a vallo facerent, et cum adversariorum plus quam centum cecidissent, multi vulnerati essent, Caesarianorum tres modo ceciderunt, pauci vulnerati sunt. quapropter verba *id quod in hoc accidit proelio* correxi inserta voce *contra*.

c. 16, 2: *cum bene magnam partem temporis consumpsissent*] *temporis* corr. Nipperdey, codd. *muri* habent. — §. 3: *nam quod existimabat eos posse conatum efficere, nocte*

tota ultra stabat flumen Salsum in acie.]] pro tradito *ibat* scripsi *stabat*, quod Koch proposuit Mus. Rhen. XVII, p. 479.

c. 17, 2: [*victoriam*] inclusit Nipperdey. — §. 3: *gladiatorum ictus telorumque missus exceptantes*]] sic ex coniectura Kochii l. l. scripsi pro *expectantes*, quod codd. praebent.

c. 18, 1: Kranerum secutus lacunam post *Ti. Tullius* notavi, et *Cato Lusitanus* scripsi pro *C. Antonius*. hoc nomen litteris *CATOL*.... male distinctis effectum esse, ex cod. f perspicui potest, in quo simili errore *Caesar Antonius* scriptum est. — §. 5: *cum in oppidum revertisset, qui mittere glandem solebat*..... *insequenti tempore duo Lusitani fratres transfugae nuntiarunt, cum Pompeius contionem habuisset* — *unum respondisse cett.*]] lacunam post *solebat* Nipperdey indicavit. — *cum* scripsi pro tradito *quae*; vulgo *quam* editur. — §. 7: *id si fecisset, ei se promisit omnia concessurum.*]] *se* a Nipperdeio omissum iam in superiore editione restitui. abest quidem ab *a*, sed legitur in *fh*l; in *b* cum antecedente *ei* coaluit in *eis*. — §. 8: *ita [funi] crure deligato*]] *fune crure de ligno* codd.; recepi Goduini coniecturam *deligato*, inclusi vero *fune*, cum qui facem ad turrim incendendam secum ferret, *funis* vinculo vix impeditus esset, quominus in oppidum confugeret.

c. 19, 1: *turris nostra, quae lignea fuisset*]] transposui voces *lignea* et *nostra*, cum etsi mirum in modum, ut paulo ante monui, auctor coniunctivo potentiali abutatur, hic tamen enuntiandi modus in re certissima — *turris quae nostra fuisset* — ne apud hunc quidem scriptorem ferendus videatur. — §. 4: *tali virtute et constantia [futurum] me in te praestabo.*]] *futurum* inclusit Glandorp. Fleischer ann. phil. t. 119, p. 866 *fautorem* proposuit, quod vix orationi eius conveniret, qui supplicium deprecatur.

c. 20, 1: *Quod Pompeius, ex perfugis cum deditionem oppidi factam esse scisset, castra movit Ucubim versus et circum ea castella disposuit et munitionibus se continere coepit*, etiam *Caesar movit et propius castra castris contulit.*]] vulgo post *coepit* sententia finitur; tum vero, ut antea

iam monui, illud *Quod* misere abundat, neque defendi potest locis, quales Oudendorp ad b. c. III, 17, 6 adscripsit. ubi enim pronomen *quod* vel *hoc* abundare videtur, adiunctum est ipsi verbo primario ex quo pendet sententia per infinitivum enuntiata, quae illo pronomine praecipitur; nusquam autem pronomen seiunctum est a verbo ea ipsa sententia, quam praemonere debet. displicet quoque in vulgata lectione, quod abrupte addita est sequens sententia *Caesar movit cett.*, quae tamen interno vinculo cum antecedentibus continetur. quapropter illud *Quod* causalem particulam esse ratus inserto *etiam* post *coepit* sententias coniunxi.

c. 23, 2: *hic dum in opere nostri distenti essent*] *dum* codd., vulgo *cum*. cf. 'Zeitpartikeln' ² p. 172. — *ib.*: *nec desistentibus nostris*] *desistentibus* (sc. ab opere) scripsi pro tradito *detinentibus*. Koch Mus. Rhen. XVII, p. 480 *defugientibus* proposuerat, quod Dinter recepit. — §. 5: *cum eius compar proelium facere coepisset*] sic iam cum Kranero et Dübnero scripsi; in priore editione Nipperdeium secutus *inpar* post *compar* inserueram. pro *eius abf eis*, *hl is* habent, idque ante Nipperdeium vulgabatur. — §. 6: *in huius concidentis, centurionis ac viri fortis, insignia cum complures adversariorum, concursum facerent*] sic Nipperdey corrupta librorum verba *hius concidentis temporis aquari fortis cett.* emendare studuit; esse tamen quod in verbis *in centurionis* — *insignia concursum facere* displiceat, iure monuit Kraner. Dübner codicum verba cruce adpicta edidit.

c. 24, 1: *haec res necessario devocabat eum ad dimicandum ut descenderet.*] sic ut antea secundum *f* scripsi. vulgo *devocabat ut ad dimicandum descenderet.* abest vero *ut ab ahl*, et verisimilius est, hanc voculam inter verba *dimicand]ū d[escenderet* excidisse. — §. 5: *quibus mons, non virtus saluti fuit. quo subsidio, nisi advesperasset, a paucioribus nostris [omni auxilio] privati essent.*] seclusi verba *omni auxilio*, in reliquis vero codicum consensui obsecutus sum. (unus a *quod subsidio* habet.) antea cum Nipperdeio, quocum etiam Kraner et Dübner fecerunt, scripseram *quibus mons non virtus saluti fuit subsidio. quod nisi adve-*

sperasset cett. vulgata lectio erat *quo subsidio tunc, nisi adv. a. p. n. omni auxilio privati essent.* — *quo subsidio subnisi, nisi* cett. coniecit Dinter.

c. 25, 1: *nam praeter equites nulli loco aequo se committere auebant.*] *nulli* exaravi; libri mss. et impressi *nullo.* — in reliqua capitis parte tot mendis et lacunis inquinata retinui quae in priore editione secundum Nipperdeium scripseram.

c. 26, 5: lacunam post *propulsos* notavit Nipperdey.

c. 28, 2: *Ursaonensium civitati qui sui fuissent fautores*] *qui sui* supplevit idem vir doctus. — §. 3: *ita hac opinione fretus totos . . . facere posse existimabat*] lacunam post *totos* iam statui, cum Nipperdei coniectura *tuto se*, quam antea receperam, locus vix sanatus videatur. — §. 4: *intervallo planiciei dividi . . . id quod eo incidit tempore.*] *intervallo* pro *interim nullā* correxit Nipperdey; ipse *planiciei* posui pro vulgato *planicie.* post *dividi* lacunam notavi, cum sequentia plane non cohaereant cum antecedente sententia.

c. 29, 1: *ut praesidia Pompei duabus defenderentur rebus, oppido et excelsi loci natura.*] sic Nipperdey locum correxit, cum codd. *auxilia Pompei*, deinde *oppidi excelsi et loci natura* habeant. — §. 2: *cuius* sc. planiciei) *decursum antecedeat rivus, qui ad [eorum] accessum summam efficiebat loci iniquitatem.*] *eorum* inclusi. — §. 3: *itaque Caesar*] libri *id quod*; corr. Nipperdey. — §. 4: *huc accedebat, ut locus illa planicie aequitatem daret et ornaretur diei solisque serenitate*] sic locum aperte lacunosam expleri posse duxi. *aequitatem* Nipperdey posuit pro librorum *equitatum* (*aequitatū* f, *equitatem* b); hoc vero Kraner restituit scribendo *ut locus illa planicie equitatum evocaret et diei solisque serenitate e. q. s.* probata quidem est haec lectio Dübnero et Dintero, sed nec verisimile est *ornaret* vel errore vel de industria scriptum esse pro *evocaret*, et ipsa dictio *locum planicie equitatum evocasse* habet quod displiceat. accedit quod nihil deinde de equitum opera commemoratur.

c. 31, 10: novissima huius capitis verba excidisse simulque truncatum esse initium c. 32 iure statuit Nipperdey.

c. 32, 2: *ex hostium armis scuta et pila pro vallo, pro caespite cadavera collocabantur, insuper abscisa in gladiatorum mucrone capita hominum ordinata ad oppidum conversa*, ut et ad hostium timorem virtutisque insignia viderent et vallo circumcluderentur adversarii.]] *abscisa* pro occisi scribendum esse, vidit Oudendorp. occisi Nipperdey inclusit. idem corrupta librorum verba — *in gladio ut mucro et ahl, et gladios ut mucrone et f* — correxit scribendo in gladiatorum mucrone. — vocem *universa*, quam libri post conversa habent, ut ex dittographia ortam cum Dübnero delevi. — inserui deinde vuculas *ut et ad*, cum sic modo apta constructio effici possit. — post *timorem* Nipperdey, Kraner, Dübner lacunae signum posuerunt, Dinter vero edidit: *insuper praefixa ad gladiatorum mucrones capita hominum ordinata ad oppidum conversa [universa] hostium timorem augebant, virtutisque insignia proposita viderent cett.* — ib.: *itaque scripsi; ita codd.*

c. 33, 1: *Caesar ex proelio Munda munitione circumdata Cordubam venit.*]] *Munda* ut antea auctore Clarkio supplevi, licet Kraner me vituperaverit, tamquam non vidissem eodem modo c. 34 dici *ex proelio quos circummunitos superius demonstravimus*; ipse vero non animadvertisse videtur, in his verbis adesse, quod aegre in superiore loco desideratur, significationem dico *eorum*, qui munitione circumdati sint.

c. 34, 1: *discordare coeperunt usque eo, ut clamor in castra perveniret, [fere inter Caesarianos et inter Pompeianos].*]] uncos posui, cum verba ex interpretatione magistri orta esse videantur, qui discordiam in oppido inter Caesarianos et Pompeianos exstitisse adnotaverat. — §. 2: *qui in Caesaris adventu discedere coeperunt.*]] *discedere* corr. Dübner; codd. *descendere*. antea cum Nipperdeio *discordare* scripseram. — §. 3: *legio XIII. oppidum defendere coepit. etenim cum iam depugnarent, turres ex parte et murum occuparunt.*]] pro tradito *non* (ñ f) ante *cum iam* vulgo *nam*, quod unus b habet, edi solet. equidem *etenim* posui, syllabam et propter similem antecedentis vocabuli terminationem *coep]* it

excidisse ratus. hac particula auctor etiam supra c. 28, 3 usus est. at loco iterum iterumque perputato vereor ut, sive *nam* sive *etenim* scribatur, vere sit sanatus. cum enim narratum sit orta legionum discordia decimam tertiam oppidum defendisse, exspectamus certe, ut etiam reliquarum legionum illi adversantium mentio fiat. quapropter suspicor *non* ex significatione *nonae* legionis restitisse, cum vel *nonani* scriptum esset vel *nona* sequente alius legionis numero, quae una cum *nona* turres ex parte et murum occupaverat.

c. 36, 2: *quod Caesar cum animadverteret, si oppidum capere contenderet, fore ut homines perditioni incenderent et moenia deleverent*] fore Dinter supplevit; at fortasse praeferre debebam lectionem codicis *f timuit ne*, quae si probatur, dummodo verba *quod Caesar cum animadverteret* ad antecedentia referantur, plane apta efficitur constructio. — §. 3: lacunam post *detinentur* notavit Nipperdey.

c. 37, 2: *Didius, qui ad Gades classi praefuisset, simulatque nuntius allatus est, confestim sequi coepit, partim peditum et equitatus ad persequendum celeriter terrestre faciebant iter navigationem insequentes. quarto die navigationis e. q. s.*] retinui hanc prioris editionis lectionem. libri haec fere habent: *Didius, qui Gadis (cadis af) classi praefuisset, ad quem simul nuntius allatus est, partim pedibus (pedites, peditatus vel peditibus deteriores) et equitatus ad persequendum celeriter iter faciebant item quarto die navigatione (navigationē bf) confestim consequentes (confestī sequentes f)*. inde Nipperdey ediderat: *D. q. cl. pr., simuladque Gadis n. a. e., c. s. c.; partim pedibus [et equitatus] a. p. c. iter faciebant item confestim consequentes. Quarto die navigationis cett.* Kraner, Dübner, Dinter qui *Gadibus* scripserunt, in reliquis Nipperdeium secuti sunt.

c. 38, 3: *ita lectica ad turrem cum esset ablatas, [in ea ferebatur], Lusitanus, more militari ex eius praesidio speculator missus, cum fuisset conspectus, celeriter equitatu cohortibusque Caesaris circumcluditur.*] *ablatas* codd., Nipperdey et sequentes editores *adlatas* posuerunt. — *in ea*

ferebatur seclusi; Nipperdey *in ea tenebatur* scripsit. sequentia verba, qualia in codicibus leguntur et edi solent: *Lusitanus more militari, cum a Caesaris praesidio fuisset conspectus, celeriter equitatu cett. circumcluditur*, plane inepta esse ratus, temptavi quae supra posui supplementa. *praesidium* commemoratum non Caesaris sed Pompei fuisse ex eoque missum esse Lusitanum illum, sequentia verba etsi lacunosa docent. — §. 4: *erat accessus loci difficillimus. nam idcirco [propter] quod ille e suo praesidio fuisset conspectus, celeriter a deo munitum locum natura ceperat sibi Pompeius, ut quamvis magna multitudo adducta pauci homines ex superiore loco defendere possent.*] sic locum, quem Nipperdey, Kraner, Dübner ut desperatum intactum reliquerunt, emendari posse putavi. ut et *pauci* iam Dinter suppleverat, dissentio vero ab eo, quod non solum *propter* verum etiam sequentia verba *suo praesidio fuisset conspectus celeriter ad* ut spuria inclusit. — ib.: *subeuntes [in adventu] nostros depellunt [qui] telis.*] sic scribendum esse duxi; Dinter *subeuntes in adventu nostri depelluntur [qui] telis* edidit; Nipperdey, Kraner, Dübner librorum verba exarare satis habuerunt.

c. 40, 1 et 3: lacunas notavit Nipperdey. — §. 4: *erant parati, qui naves incenderent, incensisque qui subsidium ferrent repellerent: hi sic dispositi erant, ut a nullo conspici possent. In conspectu omnium cett.*] *incensisque qui subsidium repeterent* codd.; *repellerent* scripsit Glandorpius, sed ut integer sensus evadat, certe necessarium est ut verba *qui subsidium* expleantur addito *ferrent*. — lacunosa verba *ut a nullo explenda* esse verbis *conspici possent*, monuit Nipperdey p. 248. ante *conspectu* inserenda esse censuit [*reliqui in*; equidem *in* modo recepi.

c. 41, 1: *Fabius Maximus, quem ad Mundae praesidium oppugnandum reliquerat, operibus assiduis diurnis nocturnisque circumclusit ... interclusi cett.*] *ad Mundae* scripsi pro tradito *ad Mundam*. — lacunosa verba *operibus assiduis* *lurnisque* quomodo explenda sint, vix dubium esse potest, cum pro *lurnisque* (sic bc; *lurnis a*, *iurnis l*) cod. Petav. *diurnis*, f et *diurnis* habeant.

— *circumclausit ... interclusi]* *circum se interclusi* codd.; post *circumclausit* lacunam notavi, cum nisi ex antecedentibus *praesidium* suppleri posse censeas, obiectum desideretur. — ib.: *interclusi inter se decernere armis coeperunt et facta caede bene magna eruptionem faciunt.]] armis coeperunt et* ego supplavi. *eruptionem* ex vulgata lectione retinui. — §. 2: *praetermittunt et]]* lacunam notavit Kraner. — ib.: *quod oppidum magna munitione continebatur, sic ut ipse locus non solum opere sed etiam natura datus ad oppugnandum hostem appareret.]] natura datus* scripsi pro *natura aditus*. ex f recepi *appareret*; reliqui libri *appeteret* habent. Oudendorp ex Scaligeri coniectura scripserat *sic ut locus n. s. o. s. e. natura editus ad o. h. abverteret*. Dinter *aditus* retinuit, et *inpediret* pro *appeteret* scripsit. Nipperdey, Kraner, Dübner librorum verba ediderunt. — §. 4: lacunae signum post *aggerem* et corruptelae ante *agi* cum Nipperdeio posui. — ib.: *ac Pompeius ut se ad oppidi oppugnationem tutiorem efficeret]] ut se* inserui et *oppidi* pro *oppidum*, quod libri habent, scripsi. vulgo *ut oppidi oppugnationem tutiorem efficeret*. Kraner, quem secutus est Dinter, edidit: *nam Pompeius ut oppidum ab oppugnatione tutius efficeret*. Nipperdey et Dübner librorum verba cruce notata expresserunt.

C. IULII CAESARIS
DE BELLO CIVILI

LIBER PRIMUS.

ARGUMENTUM.

[A. U. C. 706.] Cum Caesari a senatu denegatum esset, ut absens consulatum peteret, legionesque duae per causam belli Parthici ei essent detractae et Pompeio traditae, res iam eo deducta erat, ut bellum civile immineret. Caesar ultimum pacis sustentandae periculum fecit missis ad senatum de compositione litteris. De quibus quominus ad senatum referretur obstant consules c. 1. Caesar exercitum dimittere iubetur c. 2. Urbe militibus completa cum libere decernendi potestas singulis eriperetur, neglecta etiam tribunorum intercessione fit SCtum videant consules, praetores, tribuni plebis quique pro consulibus sint ad urbem, ne quid respublica detrimenti capiat c. 3—5. Provinciae Pompeianis committuntur, tota Italia delectus habentur c. 6. Caesar Ravennae apud milites con- tionatus cum voluntatem eorum cognovisset c. 7, Ariminum profisciscitur, ubi et tribunos, qui Roma ad eum profugerant, obvios habuit et qui a Pompeio mandata ad eum perferebant L. Caesarem et L. Roscium c. 8. Quos cum Pompeio renuntiare iussisset, paratum se esse ad controversias per colloquia componendas, iniquissimae pacis condiciones Caesari a Pompeio proponuntur c. 9. 10; quibus repudiatis Caesar Arretium, Pisaurum, Fanum, Anconam, Iguvium occupat; toto Piceno delectum habet c. 11. 12; Auximo potitur c. 13. Summa omnium perturbatione, cum Caesar iam ad urbem

Caesar. II. 1

adesse nuntiaretur, Pompeius ex urbe ad legiones proficiscitur, Lentulus consul Capuam profugit ibique Caesaris gladiatores armat c. 14. Asculo recepto Caesar ex delectibus Pompeianis cohortes auget c. 15. Domitium Corfinii obsessum tenet c. 16. 17; interim Sulmonenses Caesari portas aperiunt c. 18. Domitius, qui frustra auxilium a Pompeio petiverat, cum fugam moliretur, a militibus custoditur c. 19. 20; de tradendo oppido agitur c. 21. 22, quo facto Caesar duces captivos dimittit, milites sacramento adigit, in Apuliam proficiscitur c. 23. His rebus cognitis Pompeius Brundisium confugit ibique a Caesare obsessus c. 24. 25, colloquium cum eo recusat c. 26, Dyrrhachium elabitur c. 27. Brundisini Caesarem intra moenia recipiunt c. 28. Omisso Pompeium insequendi consilio Caesar Hispanias sibi conciliare statuit; Sardiniam per Valerium legatum, Siciliam per Curionem recipit c. 29. 30. Tuberoni, Africam provinciam sortito, Varus resistit c. 31. Caesar Romae aliquot dies commoratus, cum frustra in senatu de pace componenda deque legatis ad Pompeium mittendis egisset, in Galliam ulteriorem contendit c. 32. 33. Domitii suasu Massilienses Caesari portas claudunt c. 34; frustra eos a bello dehortatus c. 35, Caesar C. Trebonium et D. Brutum Massiliam terra marique oppugnare iubet c. 36; ipse occupatis per Fabium Pyrenaeis saltibus c. 37 in Hispaniam contendit, quam obtinebant Pompei legati Afranius et Petreius c. 38. Copiae quae Pompeianis, quae Caesari fuerint indicantur c. 39. Ad Sicorim flumen prope oppidum Ilerdam pluribus proeliis certatur c. 40—47. Caesariani aquarum inundatione commeatibus interclusi magna rerum necessariorum inopia conflictantur c. 48—52, quare Pompeianorum partes firmanur, de victoria sibi gratulantur c. 53. Sed navibus comparatis Caesar copias flumen transmittit, et colle occupato adituque commeatibus patefacto rem feliciter gerere coepit c. 54. 55. Interea Massilienses proelio navali superantur c. 56—58, qua re ad Ilerdam nuntiata fortunae fit commutatio c. 59. Deficiunt ab Afranio aliquot Hispaniae populi Caesaremque frumento et iumentis adiuvant c. 60. Iam Caesar Sicoris parte aversa

Afranum et Petreium terret eosque, cum bellum in Celtiberiam translaturi locis excederent, summa militum contentione subsecutus itinere intercludit c. 61—70. Militibus proelium postulantibus Caesar obsequi noluit sperans, sine proelio rem se esse confecturum c. 71. 72. Petreio et Afranio operis instituendi causa ex castris progressis milites cum Caesarianis de deditione agunt c. 73. 74. Regressus in castra Petreius colloquia interrumpit, Caesarianos, quos apprehendit, interficit, milites iureiurando ad fortiter resistendum obstringit c. 75. 76. Caesar contra Pompeianos salvos dimittit c. 77. Inopia coacti Pompeiani castra Ilerdam versus movent; in itinere a Caesare lacesuntur, denique ad deditionem coguntur c. 78—85. Ducibus ut libere ex Hispania excedant conceditur, exercitus pars statim, pars ad flumen Varum dimittitur c. 86. 87.

1. * * * Litteris ab eo [Caesare] consulibus reditis aegre ab his impetratum est summa tribunorum plebis contentione, ut in senatu recitarentur; ut vero ex litteris ad senatum referretur, impetrari non potuit. Referunt consules de re publica [in civitate]. L. Lentulus consul senatui rei publicae se non defuturum pollicetur, si audacter ac fortiter sententias dicere velint; sin Caesarem respiciant atque eius gratiam sequantur, ut superioribus fecerint temporibus, se sibi consilium capturum neque senatus auctoritati obtemperaturum: habere se quoque ad Caesaris gratiam atque amicitiam receptum. In eandem sententiam loquitur Scipio: Pompeio esse in animo reipublicae non deesse, si senatus sequatur; si cunctetur atque agat lenius, nequiquam eius auxilium, si postea velit, senatum imploraturum.

2. Haec Scipionis oratio, quod senatus in urbe habebatur Pompeiusque aderat, ex ipsius ore Pom-

2pei mitti videbatur. Dixerat aliquis leniorem sententiam, ut primo M. Marcellus, ingressus in eam orationem, non oportere ante de ea re ad senatum referri, quam delectus tota Italia habiti et exercitus conscripti essent, quo praesidio tuto et libere senatus, quae vellet, decernere auderet; ut M. Calidius, qui censebat, ut Pompeius in suas provincias proficisceretur, ne qua esset armorum causa: timere Caesarem ereptis ab eo duabus legionibus; ne ad eius periculum reservare et retinere eas ad urbem 4Pompeius videretur; ut M. Rufus, qui sententiam 5Calidii paucis fere mutatis rebus sequebatur. Hi omnes convicio L. Lentuli consulis correpti exagitabantur. Lentulus sententiam Calidii pronuntiaturum se omnino negavit. Marcellus perterritus conviciis 6a sua sententia discessit. Sic vocibus consulis, terrore praesentis exercitus, minis amicorum Pompei plerique compulsi inviti et coacti Scipionis sententiam sequuntur: uti ante certam diem Caesar exercitum dimittat; si non faciat, eum adversus rempublicam facturum videri. Intercedit M. Antonius, 7Q. Cassius, tribuni plebis. Refertur confestim de intercessione tribunorum. Dicuntur sententiae graves; ut quisque acerbissime crudelissimeque dixit, ita quam maxime ab inimicis Caesaris collaudatur.

3. Misso ad vesperum senatu omnes, qui sunt eius ordinis, a Pompeio evocantur. Laudat Pompeius atque in posterum confirmat, segniores castigat atque incitat. Multi undique ex veteribus Pompei exercitibus spe praemiorum atque ordinum evocantur, multi ex duabus legionibus, quae sunt tra-

ditae a Caesare, arcessuntur. Completur urbs et [ius] ³ comitium tribunis, centurionibus, evocatis. Omnes ⁴ amici consulum, necessarii Pompei atque eorum, qui veteres inimicitias cum Caesare gerebant, in senatum coguntur; quorum vocibus et concursu terrentur in- ⁵ firmiores, dubii confirmantur, plerisque vero libere decernendi potestas eripitur. Pollicetur L. Piso cen- ⁶ sor sese iturum ad Caesarem, item L. Roscius praetor, qui de his rebus eum doceant: sex dies ad eam rem conficiendam spatii postulant. Dicuntur etiam ⁷ ab nonnullis sententiae, ut legati ad Caesarem mittantur, qui voluntatem senatus ei proponant.

4. Omnibus his resistitur, omnibusque oratio consulis, Scipionis, Catonis opponitur. Catonem ve- ² teres inimicitiae Caesaris incitant et dolor repulsae. Lentulus aeris alieni magnitudine et spe exercitus ac provinciarum et regum appellandorum largitionibus movetur, seque alterum fore Sullam inter suos gloriatur, ad quem summa imperii redeat. Scipionem ³ eadem spes provinciae atque exercituum impellit, quos se pro necessitudine partituros cum Pompeio arbitratur, simul iudiciorum metus, adulatio atque ostentatio sui et potentium, qui in republica iudiciisque tum plurimum pollebant. Ipse Pompeius ab ⁴ inimicis Caesaris incitatus et quod neminem dignitate secum exaequari volebat, totum se ab eius amicitia averterat et cum communibus inimicis in gratiam redierat, quorum ipse maximam partem illo affinitatis tempore iniunxerat Caesari; simul infamia ⁵ duarum legionum permotus, quas ab itinere Asiae

Syriaeque ad suam potentiam dominatumque converterat, rem ad arma deduci studebat.

5. His de causis aguntur omnia raptim atque turbate. Nec docendi Caesaris propinquis eius spatium datur, nec tribunis plebis sui periculi deprecandi neque etiam extremi iuris intercessione retinendi, quod L. Sulla reliquerat, facultas tribuitur, sed de sua salute septimo die cogitare coguntur, quod illi turbulentissimi superioribus temporibus tribuni plebis ultimo denique mense suarum actionum respicere ac timere consuerant. Decurritur ad illud extremum atque ultimum senatusconsultum, quo nisi paene in ipso urbis incendio atque in desperatione omnium salutis *contra perniciosae legis* latorum audaciam numquam ante descensum est: dent operam consules, praetores, tribuni plebis quique *pro* consulibus *sint* ad urbem, ne quid respublica detrimenti capiat. Haec senatusconsulto perscribuntur a. d. vii. Id. Ian. Itaque v primis diebus, quibus haberi senatus potuit, qua ex die consulatum iniit Lentulus, biduo excepto comitali et de imperio Caesaris et de amplissimis viris, tribunis plebis, gravissime acerbissimeque decernitur. Profugiunt statim ex urbe tribuni plebis seseque ad Caesarem conferunt. Is eo tempore erat Ravennae expectabatque suis lenissimis postulatis responsa, si qua hominum aequitate res ad otium deduci posset.

6. Proximis diebus habetur extra urbem *senatus*. Pompeius eadem illa, quae per Scipionem ostenderat, agit; senatus virtutem constantiamque colaudat; copias suas exponit; legiones *habere* .

paratas x; praeterea cognitum compertumque sibi,² alieno esse animo in Caesarem milites neque iis posse persuaderi, uti eum defendant aut sequantur. Statim de reliquis rebus ad senatum refertur: tota³ Italia delectus habeatur; Faustus Sulla propere in Mauritaniam mittatur; pecunia uti ex aerario Pompeio detur. Refertur etiam de rege Iuba, ut socius⁴ sit atque amicus; Marcellus vero passurum in praesentia negat. De Fausto impedit Philippus, tribunus plebis. De reliquis rebus senatusconsulta perscribuntur.⁵ Provinciae [privatis] decernuntur duae consulares, reliquae praetoriae. Scipioni obvenit Syria, L. Domitio Gallia; Philippus et Cotta privato consilio praetereuntur, neque eorum sortes deiciuntur. In reliquas provincias praetores mittuntur. Neque⁶ exspectant, [quod superioribus annis acciderat,] ut de eorum imperio ad populum feratur paludatique votis nuncupatis exeant. Consules [quod ante id⁷ tempus accidit numquam,] ex urbe proficiscuntur, lictoresque habent in urbe et Capitolio privati contra omnia vetustatis exempla. Tota Italia delectus habentur,⁸ arma imperantur; pecuniae a municipiis exiguntur, e fanis tolluntur: omnia divina humanaque iura permiscuntur.

7. Quibus rebus cognitis Caesar apud milites contionatur. Omnium temporum iniurias inimicorum in se commemorat; a quibus deductum ac depravatum Pompeium queritur invidia atque obtrectatione laudis suae, cuius ipse honori et dignitati semper faverit adiutorque fuerit. Novum in republica introductum exemplum queritur, ut tribunicia intercessio

armis notaretur atque opprimeretur, quae superioribus annis *ex* armis esset restituta. Sullam nudata omnibus rebus tribunicia potestate tamen intercessionem liberam reliquisse; Pompeium, qui amissa restituisse videatur, dona etiam, quae ante habuerint, ademisse. Quotienscumque sit decretum, darent operam magistratus, ne quid respublica detrimenti caperet (qua voce et quo senatusconsulto populus Romanus ad arma sit vocatus), factum in perniciosius legibus, in vi tribunicia, in secessione populi templis locisque editioribus occupatis; atque haec superioris aetatis exempla expiata Saturnini atque Gracchorum casibus docet; quarum rerum illo tempore nihil factum, ne cogitatum quidem [: nulla lex promulgata, non cum populo agi coeptum, nulla secessio facta]. Hortatur, cuius imperatoris ductu VIII annis rempublicam felicissime gesserint plurimaeque proelia secunda fecerint, omnem Galliam Germaniamque pacaverint, ut eius existimationem dignitatemque ab inimicis defendant. Conclamant legionis XIII., quae aderat, milites — hanc enim initio tumultus evocaverat — [reliquae nondum convenerant]: sese paratos esse imperatoris sui tribunorumque plebis iniurias defendere.

8. Cognita militum voluntate Ariminum cum ea legione proficiscitur ibique tribunos plebis, qui ad eum profugerant, convenit; reliquas legiones ex hibernis evocat et subsequi iubet. Eo L. Caesar adulescens venit, cuius pater Caesaris erat legatus. Is reliquo sermone confecto, cuius rei causa venerat, habere se a Pompeio ad eum privati officii mandata

demonstrat: velle Pompeium se Caesari purgatum,³ ne ea, quae reipublicae causa egerit, in suam contumeliam vertat. Semper se reipublicae commoda privatis necessitudinibus habuisse potiora. Caesarem quoque pro sua dignitate debere et studium et iracundiam suam reipublicae dimittere neque adeo graviter irasci inimicis, ut, cum illis nocere se speret, reipublicae noceat. Pauca eiusdem generis addit cum⁴ excusatione Pompei coniuncta. Eadem fere atque eisdem verbis praetor Roscius agit cum Caesare sibi-
que Pompeium commemorasse demonstrat.

9. Quae res etsi nihil ad levandas iniurias pertinere videbantur, tamen idoneos nactus homines, per quos ea, quae vellet, ad eum perferrentur, petit ab utroque, quoniam Pompei mandata ad se detulerint, ne graventur sua quoque ad eum postulata deferre, si parvo labore magnas controversias tollere atque omnem Italiam metu liberare possint. Sibi² semper primam reipublicae fuisse dignitatem vitaeque potiore. Doluisse se, quod populi Romani beneficium sibi per contumeliam ab inimicis extorqueretur, ereptoque semenstri imperio in urbem retraheretur, cuius absentis rationem haberi proximis comitiis populus iussisset. Tamen hanc iacturam ho-³ noris sui reipublicae causa aequo animo tulisse: cum litteras ad senatum miserit, ut omnes ab exercitibus discederent, ne id quidem impetravisse. Tota Italia⁴ delectus haberi, retineri legiones II, quae ab se simulatione Parthici belli sint abductae, civitatem esse in armis. Quonam haec omnia nisi ad suam perniciem pertinere? Sed tamen ad omnia se descendere pa-⁵

ratum atque omnia pati reipublicae causa. Profiscatur Pompeius in suas provincias, ipsi exercitus dimittant, discedant in Italia omnes ab armis, metus e civitate tollatur, libera comitia atque omnis res publica senatui populoque Romano permittatur. Haec quo facilius certisque condicionibus fiant et iureiurando sanciantur, aut ipse propius accedat aut se patiaturs accedere: fore, uti per colloquia omnes controversiae componantur.

10. Acceptis mandatis Roscius cum L. Caesare Capuam pervenit ibique consules Pompeiumque invenit; postulata Caesaris renuntiat. Illi deliberata *re* respondent scriptaque ad eum mandata per eos remittunt; quorum haec erat summa: Caesar in Galliam reverteretur, Arimino excederet, exercitus dimitteret; quae si fecisset, Pompeium in Hispanias iturum. Interea, quoad fides esset data Caesarem facturum, quae polliceretur, non intermissuros consules Pompeiumque delectus.

11. Erat iniqua condicio postulare, ut Caesar Arimino excederet atque in provinciam reverteretur, ipsum et provincias et legiones alienas tenere; exercitum Caesaris velle dimitti, delectus habere; polliceri se in provinciam iturum neque, ante quem diem iturus sit, definire, ut, si pacto consulatu Caesar profectus esset, nulla tamen mendacii religione obstructus videretur; tempus vero colloquio non dare neque accessurum polliceri magnam pacis desperationem afferebat. Itaque ab Arimino M. Antonium cum cohortibus v Arretium mittit; ipse Arimini cum duabus [legionibus] subsistit ibique delectum

habere instituit; Pisaurum, Fanum, Anconam singulis cohortibus occupat.

12. Interea certior factus Iguvium Thermum praetorem cohortibus v tenere, oppidum munire, omniumque esse Iguvinorum optimam erga se voluntatem, Curionem cum tribus cohortibus, quas Pisauri et Arimini habebat, mittit. Cuius adventu cognito diffusus municipii voluntati Thermus cohortes ex urbe reducit et profugit. Milites in itinere ab eo discedunt ac domum revertuntur. Curio summa omnium voluntate Iguvium recipit. Quibus rebus cognitis confisus municipiorum voluntatibus Caesar cohortes legionis XIII. ex praesidiis deducit Auximumque proficiscitur; quod oppidum Attius cohortibus introductis tenebat delectumque toto Piceno circummissis senatoribus habebat. //

13. Adventu Caesaris cognito decuriones Auximi ad Attium Varum frequentes conveniunt; docent sui iudicii rem non esse; neque se neque reliquos municipales pati posse C. Caesarem imperatorem, bene de republica meritum, tantis rebus gestis oppido moenibusque prohiberi; proinde habeat rationem in posterum civitatis et periculi sui. Quorum oratione permotus Varus praesidium, quod introduxerat, ex oppido educit ac profugit. Hunc ex primo ordine pauci Caesaris consecuti milites consistere coëgerunt. Commisso proelio deseritur a suis Varus; nonnulla pars militum domum discedit; reliqui ad Caesarem perveniunt, atque una cum iis deprensus L. Pupius, primi pili centurio, adducitur, qui hunc eundem ordinem in exercitu Cn. Pompei antea

5 duxerat. At Caesar milites Attianos collaudat, Pupium dimittit, Auximatibus agit gratias seque eorum facti memorem fore pollicetur.

14. Quibus rebus Romam nuntiatis tantus repente terror invasit, ut, cum Lentulus consul ad aperiendum aerarium venisset ad pecuniam Pompeio ex senatusconsulto proferendam, protinus aperto sanctiore aerario ex urbe profugeret. Caesar enim adventare iam iamque et adesse eius equites falso
2 nuntiabantur. Hunc Marcellus collega et plerique
3 magistratus consecuti sunt. Cn. Pompeius pridie eius diei ex urbe profectus iter ad legiones habebat, quas a Caesare acceptas in Apulia hibernorum causa
4 disposuerat. Delectus circa urbem intermittuntur; nihil citra Capuam tutum esse omnibus videtur. Capuae primum se confirmant et colligunt delectumque colonorum, qui lege Iulia Capuam deducti erant, habere instituunt; gladiatoresque, quos ibi Caesar in ludo habebat, ad forum productos Lentulus *spe* libertatis confirmat atque his equos attri-
5 buit et se sequi iussit; quos postea monitus ab suis, quod ea res omnium iudicio reprehendebatur, circum familias conventus Campaniae custodiae causa distribuit.

15. Auximo Caesar progressus omnem agrum Picenum percurrit. Cunctae earum regionum praefecturae libentissimis animis eum recipiunt exerci-
2 tumque eius omnibus rebus iuvant. Etiam Cingulo, quod oppidum Labienus constituerat suaque pecunia exaedificaverat, ad eum legati veniunt quaeque im-
peraverit se cupidissime facturos pollicentur. **Milites**

imperat: mittunt. Interea legio XII. Caesarem con-³
sequitur. Cum his duabus Asculum Picenum profici-
scitur. Id oppidum Lentulus Spinther x cohortibus
tenebat; qui Caesaris adventu cognito profugit ex
oppido cohortesque secum abducere conatus magna
parte militum deseritur. Relictus in itinere cum⁴
paucis incidit in Vibullium Rufum missum a Pom-
peio in agrum Picenum confirmandorum hominum
causa. A quo factus Vibullius certior, quae res in
Piceno gererentur, milites ab eo accipit, ipsum di-
mittit. Item ex finitimis regionibus quas potest con-⁵
trahit cohortes ex delectibus Pompeianis; in his
Camerino fugientem Lucilium Hirrum cum sex co-
hortibus, quas ibi in praesidio habuerat, excipit;
quibus coactis XIII efficit. Cum his ad Domitium⁶
Ahenobarbum Corfinium magnis itineribus pervenit
Caesaremque adesse cum legionibus duabus nuntiat.
Domitius per se circiter XX cohortes Alba, ex Marsis⁷
et Pelignis, finitimis ab regionibus coëgerat.

16. Recepto Firmo *Asculoque* expulso Lentulo
Caesar conquiri milites, qui ab eo discesserant, de-
lectumque instituti iubet; ipse unum diem ibi rei
frumentariae causa moratus Corfinium contendit. Eo²
cum venisset, cohortes v praemissae a Domitio ex
oppido pontem fluminis interrompebant, qui erat ab
oppido milia passuum circiter III. Ibi cum antecur-³
soribus Caesaris proelio commisso celeriter Domi-
tiani a ponte repulsi se in oppidum receperunt.
Caesar legionibus transductis ad oppidum constitit⁴
iuxtaque murum castra posuit.

17. Re cognita Domitius ad Pompeium in Apuliam peritos regionum magno proposito praemio cum litteris mittit, qui petant atque orent, ut sibi subveniat: Caesarem duobus exercitibus et locorum angustiis facile intercludi posse frumentoque prohiberi. Quod nisi fecerit, se cohortesque amplius xxx magnumque numerum senatorum atque equitum Romanorum in periculum esse venturum. Interim suos cohortatus tormenta in muris disponit certasque cuique partes ad custodiam urbis attribuit; militibus in contione agros ex suis possessionibus pollicetur, quaterna in singulos iugera et pro rata parte centurionibus evocatisque.

18. Interim Caesari nuntiatur Sulmonenses, quod oppidum a Corfinio vii milium intervallo abest, cupere ea facere, quae vellet, sed a Q. Lucretio senatore et Attio Peligno prohiberi, qui id oppidum vii cohortium praesidio tenebant. Mittit eo M. Antonium cum legionis xiii. cohortibus v. Sulmonenses, simul atque signa nostra viderunt, portas aperuerunt universique, et oppidani et milites, obviam gratulantes Antonio exierunt. Lucretius et Attius de muro se deiecerunt. Attius ad Antonium deductus petit, ut ad Caesarem mitteretur. Antonius cum cohortibus et Attio eodem die, quo profectus erat, revertitur. Caesar eas cohortes cum exercitu suo coniunxit Attiumque incolumem dimisit. Caesar primis diebus castra magnis operibus munire et ex finitimis municipiis frumentum comportare reliquasque copias expectare instituit. Eo triduo legio viii. ad eum venit cohortesque ex novis Galliae delectibus xxii equi-

tesque ab rege Norico circiter ccc. Quorum adventu altera castra ad alteram oppidi partem ponit; his castris Curionem praefecit. Reliquis diebus oppidum vallo castellisque circumvenire instituit. Cuius operis maxima parte effecta eodem fere tempore missi a Pompeio revertuntur.

19. Litteris perlectis Domitius dissimulans in consilio proquintat Pompeium celeriter subsidio venturum hortaturque eos, ne animo deficiant quaeque usui ad defendendum oppidum sint parent. Ipse arcano cum paucis familiaribus suis colloquitur consiliumque fugae capere constituit. Cum vultus Domitii cum oratione non consentiret atque omnia trepidantius timidiusque ageret, quam superioribus diebus consuesset, multumque cum suis consiliandi causa secreto praeter consuetudinem colloqueretur, concilia conventusque hominum fugeret, res diutius tegi dissimularique non potuit. Pompeius enim rescripserat: sese rem in summum periculum deducturum non esse, neque suo consilio aut voluntate Domitium se in oppidum Corfinium contulisse; proinde, si qua fuisset facultas, ad se cum omnibus copiis veniret. Id ne fieri posset, obsidione atque oppidi circummunitione fiebat.

20. Divulgato Domitii consilio milites, qui erant Corfinii, prima vesperi secessionem faciunt atque ita inter se per tribunos militum centurionesque atque honestissimos sui generis colloquuntur: obsideri se a Caesare, opera munitionesque prope esse perfectas; ducem suum Domitium, cuius spe atque fiducia permanserint, proiectis omnibus fugae con-

silium capere: debere se suae salutis rationem habere. Ab his primo Marsi dissentire incipiunt eamque oppidi partem, quae munitissima videretur, occupant, tantaque inter eos dissensio existit, ut manum conserere atque armis dimicare conentur; post paulo tamen internuntiis ultro citroque missis quae ignorabant, de L. Domitii fuga, cognoscunt. Itaque omnes uno consilio Domitium productum in publicum circumsistunt et custodiunt legatosque ex suo numero ad Caesarem mittunt: sese paratos esse portas aperire quaeque imperaverit facere et L. Domitium vivum eius potestati tradere.

21. Quibus rebus cognitis Caesar, etsi magni interesse arbitrabatur quam primum oppido potiri cohortesque ad se in castra traducere, ne qua aut largitionibus aut animi confirmatione aut falsis nuntiis commutatio fieret voluntatis, quod saepe in bello parvis momentis magni casus intercederent, tamen veritus, ne militum introitu et nocturni temporis licentia oppidum diriperetur, eos, qui venerant, colaudat atque in oppidum dimittit, portas murosque asservari iubet. Ipse iis operibus, quae facere instituerat, milites disponit non certis spatiis intermissis, ut erat superiorum dierum consuetudo, sed perpetuis vigiliis stationibusque, ut contingant inter se atque omnem munitionem expleant; tribunos militum et praefectos circummittit atque hortatur, non solum ab eruptionibus caveant, sed etiam singulorum hominum occultos exitus asservent. Neque vero tam remisso ac languido animo quisquam omnium fuit, qui ea nocte conquieverit. Tanta erat summae

rerum exspectatio, ut alius in aliam partem mente atque animo traheretur, quid ipsis Corfiniensibus, quid Domitio, quid Lentulo, quid reliquis accideret, qui quosque eventus exciperent.

22. Quarta vigilia circiter Lentulus Spinther de muro cum vigiliis custodibusque nostris colloquitur: velle, si sibi fiat potestas, Caesarem convenire. Facta potestate ex oppido mittitur, neque² ab eo prius Domitiani milites discedunt, quam in conspectum Caesaris deducatur. Cum eum de salute³ sua orat atque obsecrat, ut sibi parcat, veterem quoque amicitiam commemorat Caesarisque in se beneficia exponit; quae erant maxima: quod per⁴ eum in collegium pontificum venerat, quod provinciam Hispaniam ex praetura habuerat, quod in petitione consulatus erat sublevatus. Cuius orationem⁵ Caesar interpellat: se non maleficii causa ex provincia egressum, sed uti se a contumeliis inimicorum defenderet, ut tribunos plebis in ea re ex civitate expulsos in suam dignitatem restitueret, ut se et populum Romanum factione paucorum oppressum in libertatem vindicaret. Cuius oratione confirmatus⁶ Lentulus, ut in oppidum reverti liceat, petit: quod de sua salute impetraverit, fore etiam reliquis ad suam spem solatio; adeo esse perterritos nonnullos, ut suae vitae durius consulere cogantur. Facta potestate discedit.

23. Caesar, ubi luxit, omnes senatores senatorumque liberos, tribunos militum equitesque Romanos ad se produci iubet. Erant quinquaginta;² ordinis *senatorii* L. Domitius, P. Lentulus Spinther,

L. Caecilius Rufus, Sex. Quintilius Varus quaestor, L. Rubrius; praeterea filius Domitii alique complures adulescentes et magnus numerus equitum Romanorum et decurionum, quos ex municipiis Domitius evocaverat. Hos omnes productos a contumeliis militum conviciisque prohibet; pauca apud eos loquitur, quod sibi a parte eorum gratia relata non sit pro suis in eos maximis beneficiis; dimittit omnes incolumnes. HS LX, quod advexerat Domitius atque in publico deposuerat, allatum ad se ab IIII viris Corfiniensibus Domitio reddit, ne continentior in vita hominum quam in pecunia fuisse videatur, etsi eam pecuniam publicam esse constabat datamque a Pompeio in stipendium. Milites Domitianos sacramentum apud se dicere iubet atque eo die castra movet iustumque iter conficit VII omnino dies ad Corfinium commoratus, et per fines Marrucinatorum, Frentanorum, Larinatum in Apuliam pervenit.

24. Pompeius his rebus cognitis, quae erant ad Corfinium gestae, Luceria proficiscitur Canusium atque inde Brundisium. Copias undique omnes ex novis delectibus ad se cogi iubet; servos, pastores armat atque iis equos attribuit: ex his circiter CCC equites conficit. L. Manlius praetor Alba cum cohortibus sex profugit, Rutilius Lupus praetor Tarra-cina cum tribus; quae procul equitatum Caesaris conspicatae, cui praeerat Vibius Curius, relicto praetore signa ad Curium transferunt atque ad eum transeunt. Item reliquis itineribus nonnullae cohortes in agmen Caesaris, aliae in equites incidunt. Reducitur ad eum deprensus ex itinere

N. Magius Cremona, praefectus fabrum Cn. Pompei. Quem Caesar ad eum remittit cum mandatis: quoniam ad id tempus facultas colloquendi non fuerit, atque ipse Brundisium sit venturus, interesse rei publicae et communis salutis se cum Pompeio colloqui; neque vero idem profici longo itineris spatio, cum per alios condiciones ferantur, ac si coram de omnibus condicionibus disceptetur.

25. His datis mandatis Brundisium cum legionibus VI pervenit, veteranis III et reliquis, quas ex novo delectu confecerat atque in itinere compleverat; Domitianas enim cohortes protinus a Corfinio in Siciliam miserat. Reperit consules Dyrrhachium profectos cum magna parte exercitus, Pompeium remanere Brundisii cum cohortibus viginti; neque certum inveniri poterat, obtinendine Brundisii causa ibi remansisset, quo facilius omne Hadriaticum mare extremis Italiae partibus regionibusque Graeciae in potestate haberet atque ex utraque parte bellum administrare posset, an inopia navium ibi restitisset, veritusque, ne ille Italiam dimittendam non existimaret, exitus administrationesque Brundisini portus impedire instituit. Quorum operum haec erat ratio. Qua fauces erant angustissimae portus, moles atque aggerem ab utraque parte litoris iaciebat, quod his locis erat vadosum mare. Longius progressus, cum agger altiore aqua contineri non posset, rates duplices quoque versus pedum xxx e regione molis collocabat. Has terra atque aggere integrebat, ne aditus atque incursus ad defendendum impediretur. His perfectis collocatisque alias deinceps

(7) 9 pari magnitudine rates iungebat. Has quaternis ancoris ex IIII angulis destinabat, ne fluctibus moverentur; a fronte atque ab utroque latere cratibus
10 ac pluteis protegebat; in quarta quaque earum turres binorum tabulatorum excitabat, quo commodius ab impetu navium incendiisque defenderet.

26. Contra haec Pompeius naves magnas onerarias, quas in portu Brundisino deprehenderat, adornabat. Ibi turres cum ternis tabulatis erigebat easque multis tormentis et omni genere telorum completas ad opera Caesaris appellebat, ut rates perrumperet atque opera disturbaret. Sic cotidie utrimque eminus fundis, sagittis reliquisque telis
12 pugnabatur. Atque haec Caesar ita administrabat, ut condiciones pacis dimittendas non existimaret; ac tametsi magnopere admirabatur Magium, quem ad Pompeium cum mandatis miserat, ad se non remitti, atque ea res saepe temptata etsi impetus eius consiliaque tardabat, tamen omnibus rebus in eo perseverandum putabat. Itaque Cani-
3 nium Rebilum legatum, familiarem necessariumque Scribonii Libonis, mittit ad eum colloquii causa; mandat, ut Libonem de concilianda pace hortetur; imprimis, ut ipse cum Pompeio colloqueretur, postulat: magnopere sese confidere demonstrat, si eius
4 rei sit potestas facta, fore, ut aequis condicionibus ab armis discedatur; cuius rei magnam partem laudis atque existimationis ad Libonem perventuram, si illo
5 auctore atque agente ab armis sit discessum. Libo a colloquio Canini digressus ad Pompeium proficiscitur. Paulo post renuntiat, quod consules **absint**,

sine illis non posse agi de compositione. Ita saepius⁶ rem frustra temptatam Caesar aliquando dimittendam sibi iudicat et de bello agendum.

27. Prope dimidia parte operis a Caesare effecta diebusque in ea re consumptis VIII naves a consulibus Dyrrhachio remissae, quae priorem partem exercitus eo deportaverant, Brundisium revertuntur. Pompeius sive operibus Caesaris permotus sive etiam² quod ab initio Italia excedere constituerat, adventu navium profectionem parare incipit et, quo facilius³ impetum Caesaris tardaret, ne sub ipsa profectione milites oppidum irrumperent, portas obstruit, vias plateasque inaedificat, fossas transversas viis prae-ducit atque ibi sudes stipitesque praeacutos defigit. Haec levibus cratibus terraque inaequat; aditus⁴ autem atque itinera duo, quae extra murum ad portum ferebant, maximis defixis trabibus atque eis praeacutis praesaepit. His paratis rebus milites silentio⁵ naves conscendere iubet, expeditos autem ex evocatis, sagittariis funditoribusque raros in muro turribusque disponit. Hos certo signo revocare constituit, cum⁶ omnes milites naves conscendissent, atque iis expedito loco actuaria navigia relinquit.

28. Brundisini Pompeianorum militum iniuriis atque ipsius Pompei contumeliis permoti Caesaris rebus favebant. Itaque cognita Pompei profectione² concursantibus illis atque in ea re occupatis vulgo ex tectis significabant. Per quos re cognita Caesar scalas parari militesque armari iubet, ne quam rei gerendae facultatem dimittat. Pompeius sub noctem³ naves solvit. Qui erant in muro custodiae causa

collocati, eo signo, quod convenerat, revocantur notisque itineribus ad naves decurrunt. Milites positisscalis muros ascendunt, sed moniti a Brundisinis, ut vallum caecum fossasque caveant, subsistunt et longo itinere ab his circumducti ad portum perveniunt duasque naves cum militibus, quae ad moles Caesaris adhaeserant, scaphis lintribusque reprehendunt, reprehensas excipiunt.

29. Caesar, etsi ad spem conficiendi negotii maxime probabat coactis navibus mare transire et Pompeium sequi, priusquam ille sese transmarinis auxiliis confirmaret, tamen eius rei moram temporisque longinquitatem timebat, quod omnibus coactis navibus Pompeius praesentem facultatem insequendi sui ademerat. Relinquebatur, ut ex longinquioribus regionibus Galliae Picenique et a freto naves essent exspectandae. Id propter anni tempus longum atque impeditum videbatur. Interea veterem exercitum, duas Hispanias confirmari, quarum erat altera maximis beneficiis Pompei devincta, auxilia, equitatum parari, Galliam Italiamque temptari se absente nolebat.

30. Itaque in praesentia Pompei sequendi rationem omittit, in Hispaniam proficisci constituit: duumviris municipiorum omnium imperat, ut naves conquirant Brundisiumque deducendas curent. Mittit in Sardiniam cum legione una Valerium legatum, in Siciliam Curionem pro praetore cum legionibus duabus; eundem, cum Siciliam recepisset, protinus in Africam transducere exercitum iubet. Sardiniam obtinebat M. Cotta, Siciliam M. Cato; Africam sort

Tubero obtinere debebat. Caralitani, simul ad se, Valerium mitti audierunt, nondum profecto ex Italia sua sponte Cottam ex oppido eiciunt. Ille perterritus, quod omnem provinciam consentire intellegebat, ex Sardinia in Africam profugit. Cato in Sicilia⁴ naves longas veteres reficiebat, novas civitatibus imperabat. Haec magno studio agebat. In Lucanis Bruttiisque per legatos suos civium Romanorum delectus habebat, equitum peditumque certum numerum a civitatibus Siciliae exigebat. Quibus rebus paene⁵ perfectis adventu Curionis cognito queritur in contione sese proiectum ac proditum a Cn. Pompeio, qui omnibus rebus imparatissimis non necessarium bellum suscepisset et ab se reliquisque in senatu interrogatus omnia sibi esse ad bellum apta ac parata confirmavisset. Haec in contione questus ex provincia fugit.

31. Nacti vacuas ab imperiis Sardiniam Valerius, Curio Siciliam cum exercitibus eo perveniunt. Tubero, cum in Africam venisset, invenit in provincia cum imperio Attium Varum; qui ad Auximum, ut supra demonstravimus, amissis cohortibus protinus ex fuga in Africam pervenerat atque eam sua sponte vacuam occupaverat delectuque habito duas legiones effecerat, hominum et locorum notitia et usu eius provinciae nactus aditus ad ea conanda, quod paucis ante annis ex praetura eam provinciam obtinuerat. Hic venientem Uticam navibus Tuberone⁶ portu, atque oppido prohibet neque affectum valetudine filium exponere in terram patitur, sed sublati⁷ ancoris excedere eo loco cogit.

32. His rebus confectis Caesar, ut reliquum tempus a labore intermitteretur, milites in proxima municipia deducit; ipse ad urbem proficiscitur. Co-
2 acto senatu iniurias inimicorum commemorat. Docet se nullum extraordinarium honorem appetisse, sed exspectato legitimo tempore consulatus eo fuisse
3 contentum, quod omnibus civibus pateret. Latum ab x tribunis plebis contradicentibus inimicis, Catone vero acerrime repugnante et pristina consuetudine dicendi mora dies extrahente, ut sui ratio absentis haberetur, ipso consule Pompeio; qui si improbasset, cur ferri passus esset? si probasset, cur se uti po-
4 puli beneficio prohibuisset? Patientiam proponit suam, cum de exercitibus dimittendis ultro postulavisset; in quo iacturam dignitatis atque honoris ipse fac-
5 turus esset. Acerbitatem inimicorum docet, qui, quod ab altero postularent, in se recusarent atque omnia permisceri mallent, quam imperium exer-
6 citusque dimittere. Iniuriam in eripiendis legionibus praedicat, crudelitatem et insolentiam in circum-
scribendis tribunis plebis; condiciones a se latas,
7 expetita colloquia ac denegata commemorat. Pro quibus rebus hortatur ac postulat, ut rempublicam suscipiant atque una secum administrent. Sin ti-
more defugiant, illis se oneri non futurum et per
8 se rempublicam administraturum. Legatos ad Pompeium de compositione mitti oportere, neque se reformidare, quod in senatu Pompeius paulo ante dixisset, ad quos legati mitterentur, his auctoritatem attribui timoremque eorum, qui mitterent, significari. Tenuis atque infirmi haec animi videri. Se

vero, ut operibus anteire studuerit, sic iustitia et aequitate velle superare.

33. Probat rem senatus de mittendis legatis; sed, qui mitterentur, non reperiebantur, maximeque timoris causa pro se quisque id munus legationis recusabat. Pompeius enim discedens ab urbe in senatu dixerat eodem se habiturum loco, qui Romae remansissent et qui in castris Caesaris fuissent. Sic triduum disputationibus excusationibusque extrahitur. Subicitur etiam L. Metellus, tribunus plebis, ab inimicis Caesaris, qui hanc rem distrahat reli, quasque res, quascumque agere instituerit, impediatur. Cuius cognito consilio Caesar frustra diebus aliquot consumptis, ne reliquum tempus amittat, infectis iis, quae agere destinaverat, ab urbe proficiscitur atque in ulteriorem Galliam pervenit.

34. Quo cum venisset, cognoscit missum in *Hispaniam* a Pompeio Vibullium Rufum, quem paucis ante diebus Corfinio captum ipse dimiserat; profectum item Domitium ad occupandam Massiliam navibus actuariis septem, quas Igilii et in Cosano a privatis coactas servis, libertis, colonis suis compleverat; praemissos etiam legatos Massilienses domum, nobiles adolescentes, quos ab urbe discedens Pompeius erat adhortatus, ne nova Caesaris officia veterum suorum beneficiorum in eos memoriam expellerent. Quibus mandatis acceptis Massilienses portas Caesari clausuram; Albicos, barbaros homines, qui in eorum fide antiquitus erant montesque supra Massiliam incolebant, ad se vocaverant; frumex imis regionibus atque ex

omnibus castellis in urbem convexerant; armorum officinas in urbe instituerant; muros, portas, classem reficiebant.

35. Evocat ad se Caesar Massilia xv primos; cum his agit, ne initium inferendi belli a Massiliensibus oriatur: debere eos Italiae totius auctoritatem sequi potius, quam unius hominis voluntati
2 obtemperare. Reliqua, quae ad eorum sanandas
3 mentes pertinere arbitrabatur, commemorat. Cuius orationem legati domum referunt atque ex auctoritate haec Caesari renuntiant: intellegere se divisum esse populum Romanum in duas partes; neque sui iudicii neque suarum esse virium discernere, utra
4 pars iustiore habeat causam. Principes vero esse earum partium [Cn. Pompeium et C. Caesarem] patronos civitatis; quorum alter agros Volcarum Arcemicorum et Helviorum publice iis concesserit, alter bello victos Sallyas attribuerit vectigaliaque
5 auxerit. Quare paribus eorum beneficiis parem se quoque voluntatem tribuere debere et neutrum eorum contra alterum iuvare aut urbe aut portibus recipere.

36. Haec dum inter eos aguntur, Domitius navibus Massiliam pervenit atque ab iis receptus urbi praeficitur; summa ei belli administrandi permit-
2 titur. Eius imperio classem quoquo versus dimittunt; onerarias naves, quas ubique possunt, deprehendunt atque in portum deducunt, parum clavis aut materia atque armamentis instructis ad reliquas armandas
3 reficiendasque utuntur; frumenti quod inventum est in publicum conferunt; reliquas merces comme

que ad obsidionem urbis, si accidat, reservant. Quibus iniuriis permotus Caesar legiones tres Massiliam adducit; turres vineasque ad oppugnationem urbis agere, naves longas Arelate numero XII facere instituit. Quibus effectis armatisque diebus XXX,⁵ a qua die materia caesa est, adductisque Massiliam his D. Brutum praeficit, C. Trebonium legatum ad oppugnationem Massiliae relinquit.

37. Dum haec parat atque administrat, C. Fabium legatum cum legionibus III, quas Narbone circumque ea loca hiemandi causa disposuerat, in Hispaniam praemittit celeriterque saltus Pyrenaeos occupari iubet, qui eo tempore ab L. Afranio legato praesidiis tenebantur. Reliquas legiones, quae² longius hiemabant, subsequi iubet. Fabius, ut erat³ imperatum, adhibita celeritate praesidium ex saltu deiecit magnisque itineribus ad exercitum Afranii contendit.

38. Adventu L. Vibullii Rufi, quem a Pompeio missum in Hispaniam demonstratum est, Afranius et Petreius et Varro, legati Pompei, quorum unus Hispaniam citeriorem *tribus legionibus*, *alter ulteriorem* a saltu Castulonensi ad Anam duabus legionibus, tertius ab Ana Vettonum agrum Lusitaniamque pari numero legionum obtinebat, officia inter se partiuntur, uti Petreius ex Lusitania per Vettones² cum omnibus copiis ad Afranium proficiscatur, Varro cum iis, quas habebat, legionibus omnem ulteriorem Hispaniam tueatur. His rebus constitutis equites³ auxiliaque toti Lusitaniae a Petreio, Celtiberiae, Cantabris barbarisque omnibus, qui ad Oceanum

4 pertinent, ab Afranio imperantur. Quibus coactis celeriter Petreius per Vettones ad Afranium pervenit, constituuntque communi consilio bellum ad Ilerdam propter ipsius loci opportunitatem gerere.

39. Erant, ut supra demonstratum est, legiones Afranii tres, Petreii duae, praeterea scutatae citerioris provinciae et cetratae ulterioris Hispaniae cohortes circiter LXXX equitumque utriusque provinciae circiter v milia. Caesar legiones in Hispaniam praemiserat VI. Ad illa auxilia peditum v milia, equitum III milia, quae omnibus superioribus bellis habuerat, et parem ex Gallia numerum, quem ipse paraverat nominatim ex omnibus civitatibus nobilissimo quoque evocato, *et* hinc optimi generis hominum ex Aquitanis montanisque, qui Galliam provinciam attingunt, *addiderat*. Audierat Pompeium per Mauritaniam cum legionibus iter in Hispaniam facere confestimque esse venturum. Simul a tribunis militum centurionibusque mutuas pecunias sumpsit; 4 has exercitui distribuit. Quo facto duas res consecutus est, quod pignore animos centurionum devinxit et largitione militum voluntates redemit.

40. Fabius finitimarum civitatum animos litteris nuntiisque temptabat. In Sicore flumine pontes effecerat duos distantes inter se milia passuum IIII. His pontibus pabulatum mittebat, quod ea, quae citra flumen fuerant, superioribus diebus consump- 2 serat. Hoc idem fere atque eadem de causa Pompeiani exercitus duces faciebant, crebroque inter se equestribus proeliis contendebant. Huc cum cotidiana consuetudine congressae pabulatoribus prae- 3

sidio prope priores legiones Fabianae duae flumen transissent, impedimenta^{que} et omnis equitatus sequeretur, subito vi ventorum et aquae magnitudine pons est interruptus et reliqua multitudo equitum interclusa. Quo cognito a Petreio et Afranio ex⁴ aggere atque cratibus, quae flumine ferebantur, celeriter suo ponte Afranius, quem oppido castrisque coniunctum habebat, legiones IIII equitatumque omnem traiecit duabusque Fabianis occurrit legionibus. Cuius adventu nuntiato L. Plancus, qui legionibus⁵ praeerat, necessaria re coactus locum capit superiorem diversamque aciem in duas partes constituit, ne ab equitatu circumveniri posset. Ita congressus⁶ impari numero magnos impetus legionum equitatusque sustinet. Commisso ab equitibus proelio signa⁷ legionum duarum procul ab utrisque conspiciuntur, quas C. Fabius ulteriore ponte subsidio nostris miserat suspicatus fore id, quod accidit, ut duces adversariorum occasione et beneficio fortunae ad nostros opprimendos uterentur. Quarum adventu proelium dirimitur, ac suas uterque legiones reducit in castra.

41. Eo biduo Caesar cum equitibus DCCCC, quos sibi praesidio reliquerat, in castra pervenit. Pons, qui fuerat tempestate interruptus, paene erat reffectus; hunc noctu perfici iussit. Ipse cognita locorum⁸ natura ponti castrisque praesidio sex cohortes reliquit atque omnia impedimenta et postero die omnibus copiis triplici instructa acie ad Ilerdam profiscitur et sub castris Afranii constitit et ibi paulisper sub armis moratus facit aequo loco pugnandi

3 potestatem. Potestate facta Afranius copias educit
et in medio colle sub castris constituit. Caesar, ubi
cognovit per Afranium stare, quo minus proelio
dimicaretur, ab infimis radicibus montis intermissis
4 circiter passibus cccc castra facere constituit et, ne
in opere faciundo milites repentino hostium incursu
exterrentur atque opere prohiberentur, vallo mu-
niri vetuit, quod eminere et procul videri necesse
erat, sed a fronte contra hostem pedum xv fossam
5 fieri iussit. Prima et secunda acies in armis, ut ab
initio constituta erat, permanebat; post hos opus in
occulto a iii. acie fiebat. Sic omne prius est per-
fectum, quam intellexeretur ab Afranio castra muniri.
6 Sub vesperum Caesar intra hanc fossam legiones re-
ducit atque ibi sub armis proxima nocte conquiescit.

42. Postero die omnem exercitum intra fossam
continet et, quod longius erat agger petendus, in
praesentia similem rationem operis instituit singula-
que latera castrorum singulis attribuit legionibus
munienda fossasque ad eandem magnitudinem per-
fici iubet; reliquas legiones in armis expeditas contra
2 hostem constituit. Afranius Petreiusque terrendi
causa atque operis impediendi copias suas ad in-
fimas montis radices producunt et proelio lacessunt,
neque ideo Caesar opus intermittit confisus prae-
3 sidio legionum trium et munitione fossae. Illi non
diu commorati nec longius ab infimo colle progressi
4 copias in castra reducunt. Tercio die Caesar vallo
castra communit; reliquas cohortes, quas in superio-
ribus castris reliquerat, impedimenta quae ad se tra-
duci iubet.

43. Erat inter oppidum Ilerdam et proximum collem, ubi castra Petreius atque Afranius habebant, planicies circiter passuum CCC, atque in hoc fere medio spatio tumulus erat paulo editior; quem si occupasset Caesar et communisset, ab oppido et ponte et commeatu omni, quem in oppidum contulerant, se interclusurum adversarios confidebat. Hoc sperans legiones III ex castris educit acieque in locis idoneis instructa unius legionis antesignanos procurrere atque cum tumulum occupare iubet. Qua re cognita celeriter quae in statione pro castris erant Afranii cohortes breviori itinere ad eundem occupandum locum mittuntur. Contenditur proelio, et quod prius in tumulum Afraniani venerant, nostri repelluntur atque aliis submissis subsidiis terga vertere seque ad signa legionum recipere coguntur.

44. Genus erat pugnae militum illorum, ut magno impetu primo procurrere, audacter locum caperent, ordines suos non magnopere servarent, rari dispersique pugnarent; si premerentur, pedem referre et loco excedere non turpe existimarent cum Lusitanis reliquisque barbaris genere quodam pugnae assuefacti; quod fere fit, quibus quisque in locis miles inveteraverit, ut multum earum regionum consuetudine moveatur. Haec tum ratio nostros perturbavit insuetos huius generis pugnae: circumiri enim sese ab aperto latere procurrentibus singulis arbitrabantur; ipsi autem suos ordines servare neque ab signis discedere neque sine gravi causa eum locum, quem ceperant, dimitti consueverant oportere. Itaque
signanis legio, quae in eo

cornu constiterat, locum non tenuit atque in proximum collem sese recepit.

45. Caesar paene omni acie perterrita, quod praeter opinionem consuetudinemque acciderat, cohortatus suos legionem nonam subsidio ducit; hostem insolenter atque acriter nostros insequentem suppressit rursusque terga vertere seque ad oppidum Ilerdam recipere et sub muro consistere cogit. Sed nonnae legionis milites elati studio, dum sarcire acceptum detrimentum volunt, temere insecuti longius fugientes in locum iniquum progrediuntur et sub montem, in quo erat oppidum positum Ilerda, succedunt. Hinc se recipere cum vellent, rursus illi ex loco superiore nostros premebant. Praeruptus locus erat utraque ex parte ac directus tantum in latitudinem patebat, ut tres instructae cohortes eum locum explerent, ut neque subsidia ab lateribus submitti neque equites laborantibus usui esse possent. Ab oppido autem declivis locus tenui fastigio vergebat in longitudinem passuum circiter cccc. Hac nostris erat receptus, quod eo incitati studio inconsultius processerant; hoc pugnabatur loco, et propter angustias iniquo et quod sub ipsis radicibus montis constiterant, ut nullum frustra telum in eos mitteretur. Tamen virtute et patientia nitebantur atque omnia vulnera sustinebant. Augebatur illis copia, atque ex castris cohortes per oppidum crebro submittebantur, ut integri defessis succederent. Hoc idem Caesar facere cogeбatur, ut submissis in eundem locum cohortibus defessos reciperet.

46. Hoc cum esset modo pugnatum continenter horis quinque nostrique gravius a multitudine premerentur, consumptis omnibus telis gladiis dstrictis impetum adversus montem in cohortes faciunt, paucisque deiectis reliquos sese convertere cogunt. Sub₂ motis sub murum cohortibus ac nonnulla parte propter terrorem in oppidum compulsis facilis est nostris receptus datus. Equitatus autem noster ab utroque₃ latere, etsi deiectis atque inferioribus locis constiterat, tamen summa in iugum virtute connititur atque inter duas acies perequitans commodiorem ac tutiorem nostris receptum dat. Ita vario certamine₄ pugnatum est. Nostri in primo congressu circiter LXX ceciderunt, in his Q. Fulginius ex primo hastato legionis XIII., qui propter eximiam virtutem ex inferioribus ordinibus in eum locum pervenerat; vulnerantur amplius DC. Ex Afranianis interficiuntur₅ T. Caecilius, primi pili centurio, et praeter eum centuriones IIII, milites amplius CC.

47. Sed haec eius diei praefertur opinio, ut se utrique superiores discessisse existimarent: Afraniani,₂ quod, cum esse omnium iudicio inferiores viderentur, comminus tam diu stetissent et nostrorum impetum sustinuissent et initio locum tumultumque tenuissent, quae causa pugnandi fuerat, et nostros primo congressu terga vertere coëgissent; nostri autem,₃ quod iniquo loco atque impari congressi numero quinque horis proelium sustinuissent, quod montem gladiis dstrictis ascendissent, quod ex loco superiore terga vertere adversarios coëgissent atque in oppidum compulissent. Illi eum tumultum, pro quo₄

pugnatum est, magnis operibus munierunt praesidiumque ibi posuerunt.

48. Accidit etiam repentinum incommodum bi-
duo, quo haec gesta sunt. Tanta enim tempestas
cooritur, ut numquam illis locis maiores aquas fuisse
constaret. Tum autem ex omnibus montibus nives
proluit ac summas ripas fluminis superavit pontes-
que ambo, quos C. Fabius fecerat, uno die inter-
rupit. Quae res magnas difficultates exercitui Caesaris
attulit. Castra enim, ut supra demonstratum est, cum
essent inter flumina duo, Sicorim et Cingam, spatio
miliū xxx, neutrum horum transiri poterat, ne-
cessarioque omnes his angustiis continebantur. Ne-
que civitates, quae ad Caesaris amicitiam accesser-
rant, frumentum supportare, neque ii, qui pabulatum
longius progressi erant, interclusi fluminibus reverti
neque maximi commeatus, qui ex Italia Galliaque
veniebant, in castra pervenire poterant. Tempus erat
autem difficillimum, quo neque frumenta ex hibernis
erant novaque multum a maturitate aberant; ac ci-
vitates exinanitae, quod Afranius paene omne fru-
mentum ante Caesaris adventum Ilerdam convexe-
rat, reliqui si quid fuerat, Caesar superioribus diebus
consumpserat; pecora, quod secundum poterat esse
inopiae subsidium, propter bellum finitimae civitates
longius removerant. Qui erant pabulandi aut fru-
mentandi causa progressi, hos levis armaturae Lusi-
tani peritique earum regionum cetrati citerioris Hi-
spaniae consectabantur; quibus erat proclive tranare
flumen, quod consuetudo eorum omnium est, ut sine
utribus ad exercitum non eant.

49. At exercitus Afranii omnium rerum abundabat copia. Multum erat frumentum provisum et convectum superioribus temporibus, multum ex omni provincia comportabatur; magna copia pabuli suppetebat. Harum omnium rerum facultates sine ullo² periculo pons Ilerdae praebebat et loca trans flumen integra, quo omnino Caesar adire non poterat.

50. Hae permanserunt aquae dies complures. Conatus est Caesar reficere pontes; sed nec magnitudo fluminis permittebat, neque ad ripam dispositae cohortes adversariorum perfici patiebantur. Quod illis² prohibere erat facile cum ipsius fluminis natura atque aquae magnitudine, tum quod ex totis ripis in unum atque angustum locum tela iaciebantur; atque erat difficile eodem tempore rapidissimo flumine opera perficere et tela vitare.

51. Nuntiatur Afranio magnos commeatus, qui iter habebant ad Caesarem, ad flumen constitisse. Venerant eo sagittarii ex Rutenis, equites ex Gallia cum multis carris magnisque impedimentis, ut fert Gallica consuetudo. Erant praeterea cuiusque generis hominum milia circiter VI cum servis liberisque; sed nullus ordo, nullum imperium certum, cum suo quisque consilio uteretur atque omnes sine timore iter facerent usi superiorum temporum atque itinerum licentia. Erant complures honesti adulescentes, senatorum filii et ordinis equestris; erant legationes civitatum; erant legati Caesaris. Hos omnes flumina continebant. Ad hos opprimendos⁴ cum omni equitatu tribusque legionibus Afranius de nocte proficiscitur imprudentesque ante missis

equitibus aggreditur. Celeriter sese tamen Galli equites expediunt proeliumque committunt. Ii, dum pari certamine res geri potuit, magnum hostium numerum pauci sustinuerunt; sed ubi signa legionum appropinquare coeperunt, paucis amissis sese in proximis montes conferunt. Hoc pugnae tempus magnum attulit nostris ad salutem momentum; nacti enim spatium se in loca superiora receperunt. Desiderati sunt eo die sagittarii circiter CC, equites pauci, calorum atque impedimentorum non magnus numerus.

52. His tamen omnibus annona crevit; quae fere res non solum inopia praesentis, sed etiam futuri temporis timore ingravescere consuevit. Iamque ad denarios L in singulos modios annona pervenerat, et militum vires inopia frumenti deminuerat, atque incommoda in dies augebantur; et tam paucis diebus magna erat facta rerum commutatio ac se fortuna inclinaverat, ut nostri magna inopia necessariorum rerum conflictarentur, illi omnibus abundarent rebus superioresque haberentur. Caesar iis civitatibus, quae ad eius amicitiam accesserant, quo minor erat frumenti copia, pecus imperabat; calones ad longinquiores civitates dimittebat; ipse praesentem inopiam quibus poterat subsidiis tutabatur.

53. Haec Afranius Petreiusque et eorum amici pleniora etiam atque uberiora Romam ad suos perscribebant; multa rumore fingeantur, ut paene bellum confectum videretur. Quibus litteris nuntiisque Romam perlatis magni domum concursus ad Afranium magnaefque gratulationes fiebant; multi

Italia ad Cn. Pompeium proficiscebantur, alii, ut principes talem nuntium attulisse, alii ne eventum belli exspectasse aut ex omnibus novissimi venisse viderentur.

54. Cum in his angustiis res esset, atque omnes viae ab Afranianis militibus equitibusque obsiderentur, nec pontes perfici possent, imperat militibus Caesar, ut naves faciant, cuius generis eum superioribus annis usus Britanniae docuerat. Carinae ac² primum statumen alvei materia fiebant; reliquum corpus navium viminibus contextum coriis integebatur. Has perfectas carris iunctis devehit noctu³ milia passuum a castris XXII militesque his navibus flumen transportat continentemque ripae collem improvise occupat. Hunc celeriter, priusquam ab ad⁴ versariis sentiat, communit. Huc legionem postea traicit atque ex utraque parte pontem instituit, bi⁵ duo perficit. Ita commeatus et qui frumenti causa⁵ processerant tuto ad se recipit et rem frumentariam expedire incipit.

55. Eodem die equitum magnam partem flumen traiecit. Qui inopinantes pabulatores et sine ullo dissipatos timore aggressi magnum numerum iumentorum atque hominum intercipiunt cohortibusque ce² tratis subsidio missis scienter in duas partes sese distribuunt, alii ut praedae praesidio sint, alii ut venientibus resistent atque eos propellant, unamque³ cohortem, quae temere ante ceteras extra aciem procurrerat, seclusam ab reliquis circumveniunt atque interficiunt incolumesque cum magna praeda eodem ponte in⁴ ~~re~~ revertuntur.

56. Dum hac ad Ilerdam geruntur, Massilienses
usi L. Domitii consilio naves longas expediunt
2 numero XVII, quarum erant XI tectae. Multa huc
minora navigia addunt, ut ipsa multitudine nostra
classis terreatur. Magnum numerum sagittariorum,
magnum Albicorum, de quibus supra demonstratum
est, imponunt atque hos praemiis pollicitationibusque
3 incitant. Certas sibi deposcit naves Domitius atque
has colonis pastoribusque, quos secum adduxerat,
4 complet. Sic omnibus rebus instructa classe magna
fiducia ad nostras naves procedunt, quibus praeerat
D. Brutus. Hae ad insulam, quae est contra Massi-
liam, stationes obtinebant.

57. Erat multo inferior numero navium Brutus;
sed electos ex omnibus legionibus fortissimos viros,
ansignanos, centuriones, Caesar ei classi attribuerat,
2 qui sibi id muneris depoposcerant. Hi manus ferreas
atque harpagones paraverant magnoque numero pi-
lorum, tracularum reliquorumque telorum se instru-
xerant. Ita cognito hostium adventu suas naves ex
3 portu educunt, cum Massiliensibus configunt. Pu-
gnatum est utrimque fortissime atque acerrime; neque
multum Albici nostris virtute cedebant, homines
4 asperi et montani, exercitati in armis; atque hi modo
digressi a Massiliensibus recentem eorum pollicita-
tionem animis continebant, pastoresque Domitii spe
libertatis excitati sub oculis domini suam probare
operam studebant.

58. Ipsi Massilienses et celeritate navium et
scientia gubernatorum confisi nostros eludebant im-
petusque eorum decipiebant et, quoad licebat la-

tiore uti spatio, producta longius acie circumvenire nostros aut pluribus navibus adoriri singulas aut remos transcurrentes detergere, si possent, contende-² bant; cum propius erat necessario ventum, abscientia gubernatorum atque artificiis ad virtutem montanorum confugiebant. Nostri cum minus exercitatis remigibus minusque peritis gubernatoribus utebantur, qui repente ex onerariis navibus erant producti neque dum etiam vocabulis armamentorum cognitis, tum etiam tarditate et gravitate navium impediabantur; factae enim subito ex humida materia non eundem usum celeritatis habebant. Itaque,⁴ dum locus comminus pugnandi daretur, aequo animo singulas binis navibus obiciebant atque iniecta manu ferrea et retenta utraque nave diversi pugnabant atque in hostium naves transcendebant et magno numero Albicorum et pastorum interfecto partem navium deprimunt, nonnullas cum hominibus capiunt, reliquas in portum compellunt. Eo die naves Massiliensium cum iis, quae sunt captae, intereunt VIII.

59. Hoc primum Caesari ad Ilerdam nuntiatur; simul perfecto ponte celeriter fortuna mutatur. Illi² perterriti virtute equitum minus libere, minus audacter vagabantur, alias non longo a castris progressi spatium, ut celerem receptum haberent, angustius pabulabantur, alias longiore circuitu custodias stationesque equitum vitabant, aut aliquo accepto detrimento aut procul equitatu viso ex medio itinere proiectis sarcinis fugiebant. Postremo et plures intermittere dies et praeter consuetudinem omnium noctu constituerant pabulari.

60. Interim Oscenses et Calagurritani, qui erant cum Oscensibus contributi, mittunt ad eum legatos seseque imperata facturos pollicentur. Hos Tarracoenenses et Iacetani et Ausetani et paucis post diebus Illurgavonenses, qui flumen Hiberum attingunt, insequuntur. Petit ab his omnibus, ut se frumento iuvent. Pollicentur atque omnibus undique conquistis iumentis in castra deportant. Transit etiam cohors Illurgavonensis ad eum cognito civitatis consilio et signa ex statione transfert. Magna celestiter commutatio rerum. Perfecto ponte, magnis quinque civitatibus ad amicitiam adiunctis, expedita re frumentaria, extinctis rumoribus de auxiliis legionum, quae cum Pompeio per Mauritaniam venire dicebantur, multae longinquiores civitates ab Afranio desciscunt et Caesaris amicitiam sequuntur.

61. Quibus rebus perterritis animis adversariorum Caesar, ne semper magno circuitu per pontem equitatus esset mittendus, nactus idoneum locum fossas pedum xxx in latitudinem complures facere instituit, quibus partem aliquam Sicoris averteret vadumque in eo flumine efficeret. His paene effectis magnum in timorem Afranius Petreiusque perveniunt, ne omnino frumento pabuloque intercluderentur, quod multum Caesar equitatu valebat. Itaque constituunt ipsi locis excedere et in Celtiberiam bellum transferre. Huic consilio suffragabatur etiam illa res, quod ex duobus contrariis generibus, quae superiore bello cum Sertorio steterant civitates, victae nomen atque imperium absentis Pompei timebant, quae in amicitia manserant, magnis affectae bene-

ficiis eum diligebant; Caesaris autem erat in barbaris nomen obscurius. Hic magnos equitatus magnaque auxilia exspectabant et suis locis bellum in hiemem ducere cogitabant. Hoc inito consilio toto flumine Hiberno naves conquirere et Octogesam adduci iubent. Id erat oppidum positum ad Hiberum miliaque passuum a castris aberat xxx. Ad eum locum fluminis navibus iunctis pontem imperant fieri legionesque duas flumen Sicorim traducunt, castraque muniunt vallo pedum xii.

62. Qua re per exploratores cognita summo labore militum Caesar continuato diem noctemque opere in flumine avertendo huc iam reduxerat rem, ut equites, etsi difficulter atque aegre fiebat, possent tamen atque auderent flumen transire, pedites vero tantummodo umeris ac summo pectore exstarent et cum altitudine aquae tum etiam rapiditate fluminis ad transeundum impedirentur. Sed tamen eodem fere tempore pons in Hiberno prope effectus nuntiabatur, et in Sicori vadum reperiebatur.

63. Iam vero eo magis illi maturandum iter existimabant. Itaque duabus auxiliaribus cohortibus Ilerdae praesidio relictis omnibus copiis Sicorim transeunt et cum duabus legionibus, quas superioribus diebus traduxerant, castra coniungunt. Relinquitur Caesar nihil, nisi uti equitatu agmen adversariorum male haberet et carperet. Pons enim ipsius magnum circuitum habebat, ut multo breviori itinere illi ad Hiberum pervenire possent. Equites ab eo missi flumen transeunt et, cum de tertia vigilia Petreius atque Afranius castra mo-

vissent, repente sese ad novissimum agnen ostendunt et magna multitudine circumfusa morari atque iter impedire incipiunt.

64. Prima luce ex superioribus locis, quae Caesaris castris erant coniuncta, cernebatur equitatus nostri proelio novissimos illorum premi vehementer ac nonnunquam sustineri extremum agmen
2 atque interrumpi, alias inferri signa et universarum cohortium impetu nostros propelli, dein rursus conversos insequi. Totis vero castris milites circulari et dolere hostem ex manibus dimitti, bellum necessario longius duci; centuriones tribunosque militum adire atque obsecrare, ut per eos Caesar certior fieret, ne labori suo neu periculo parceret: paratos esse sese, posse et audere ea transire flumen, qua
4 traductus esset equitatus. Quorum studio et vocibus excitatus Caesar, etsi timebat tantae magnitudini fluminis exercitum obicere, conandum tamen atque
5 experiendum iudicat. Itaque infirmiores milites ex omnibus centuriis deligi iubet, quorum aut animus
6 aut vires videbantur sustinere non posse. Hos cum legione una praesidio castris relinquit; reliquas legiones expeditas educit magnoque numero iumentorum in flumine supra atque infra constituto traducit exercitum. Pauci ex his militibus abrepti vi fluminis ab equitatu excipiuntur ac sublevantur; interit tamen nemo. Traducto incolumi exercitu conspicias instruit triplicemque aciem ducere incipit. Ac tantum fuit in militibus studii, ut milium sex ad iter addito circuitu magnaque ad vadum fluminis

mora interposita eos, qui de tertia vigilia exissent, ante horam diei VIII. consequerentur.

65. Quos ubi Afranius procul visos cum Petreio conspexit, nova re perterritus locis superioribus constitit aciemque instruit. Caesar in campis exercitum reficit, ne defessum proelio obiciat; rursus conantes progredi insequitur et moratur. Illi necessario maturius, quam constituerant, castra ponunt. Suberant enim montes, atque a milibus passuum v itinera difficilia atque angusta excipiebant. Hos montes intrasse cupiebant, ut equitatum effugerent Caesaris praesidiisque in angustiis collocatis exercitum itinere prohiberent, ipsi sine periculo ac timore Hiberum copias traderent. Quod fuit illis conandum atque omni ratione efficiendum; sed totius diei pugna atque itineris labore defessi rem in posterum diem distulerunt. Caesar quoque in proximo colle castra ponit.

66. Media circiter nocte iis, qui [ad]aquandi causa longius a castris processerant, ab equitibus correptis fit ab his certior Caesar duces adversariorum silentio copias castris educere. Quo cognito signum dari iubet et vasa militari more conclamari. Illi exaudito clamore veriti, ne noctu impediti sub onere configere cogerentur aut ne ab equitatu Caesaris in angustiis tenerentur, iter supprimunt copiasque in castris continent. Postero die Petreius cum paucis equitibus occulte ad exploranda loca proficiscitur. Hoc idem fit ex castris Caesaris. Mittitur L. Decidius Saxa cum paucis, qui loci naturam perspiciat. Uterque idem suis renuntiat: v milia passuum pro-

xima intercedere itineris campestris, inde excipere loca aspera et montuosa; qui prior has angustias occupaverit, ab hoc hostem prohiberi nihil esse negotii.

67. Disputatur in consilio a Petreio atque Afranio et tempus profectionis quaeritur. Plerique censebant, ut noctu iter facerent: posse prius ad angustias veniri, quam sentiretur. Alii, quod pridie noctu conclamatum esset in Caesaris castris, argumenti sumebant loco non posse clam exiri. Circumfundi noctu equitatum Caesaris atque omnia loca atque itinera obsidere; nocturnaue proelia esse vitanda, quod perterritus miles in civili dissensione timori magis quam religioni consulere consuerit. At lucem multum per se pudorem omnium oculis, multum etiam tribunorum militum et centurionum praesentiam afferre; quibus rebus coërceri milites et in officio contineri soleant. Quare omni ratione esse interdum perrumpendum: etsi aliquo accepto detrimento, tamen summa exercitus salva locum, quem petant, capi posse. Haec evincit in consilio sententia, et prima luce postridie constituunt proficisci.

68. Caesar exploratis regionibus albente caelo omnes copias castris educit magnoque circuitu nullo certo itinere exercitum ducit. Nam quae itinera ad Hiberum atque Octogesam pertinebant, castris hostium oppositis tenebantur. Ipsi erant transcendendae valles maximae ac difficillimae; saxa multis locis praerupta iter impediabant, ut arma per manus necessario traderentur, militesque inermes sublevarique alii ab aliis magnam partem itineris confi-

cerent. Sed hunc laborem recusabat nemo, quod eum omnium laborum finem fore existimabant, si hostem Hiberno intercludere et frumento prohibere potuissent.

69. Ac primo Afraniani milites visendi causa laeti ex castris procurrebant contumeliosisque vocibus prosequerentur: necessarii victus inopia coactos fugere atque ad Ilerdam reverti. Erat enim iter a proposito diversum, contrariamque in partem iri videbatur. Duces vero eorum consilium suum laudibus ferebant, quod se castris tenuissent; multumque eorum opinionem adiuuvabat, quod sine iumentis impedimentisque ad iter profectos videbant, ut non posse inopiam diutius sustinere confiderent. Sed, ubi paulatim retorqueri agmen ad dextram conspexerunt iamque primos superare regionem castrorum animum adverterunt, nemo erat adeo tardus aut fugiens laboris, quin statim castris exeundum atque occurrendum putaret. Conclamatur ad arma, atque omnes copiae paucis praesidio relictis cohortibus exeunt rectoque ad Hiberum itinere contendunt.

70. Erat in celeritate omne positum certamen, utri prius angustias montesque occuparent; sed exercitum Caesaris viarum difficultates tardabant, Afranii copias equitatus Caesaris insequens morabatur. Res tamen ab Afranianis huc erat necessario deducta, ut, si priores montes, quos petebant, attigissent, ipsi periculum vitarent, impedimenta totius exercitus cohortesque in castris relictas servare non possent; quibus interclusis exercitu Caesaris auxilium ferri nulla ratione poterat. Confecit prior iter Caesar

atque ex magnis rupibus nactus planiciem in hac contra hostem aciem instruit. Afranius, cum ab equitatu novissimum agmen premeretur, ante se hostem videret, collem quendam nactus ibi constitit. Ex eo loco IIII cetratorum cohortes in montem, qui erat in conspectu omnium excelsissimus, mittit. Hunc magno cursu concitatos iubet occupare, eo consilio, uti ipse eodem omnibus copiis contenderet et mutato itinere iugis Octogesam perveniret. Hunc cum obliquo itinere cetrati peterent, conspicatus equitatus Caesaris in cohortes impetum fecit; nec minimam partem temporis equitum vim cetrati sustinere potuerunt omnesque ab eis circumventi in conspectu utriusque exercitus interficiuntur.

71. Erat occasio bene gerendae rei. Neque vero id Caesarem fugiebat, tanto sub oculis accepto detrimento perterritum exercitum sustinere non posse, praesertim circumdatum undique equitatu, cum in loco aequo atque aperto configeretur; idque ex omnibus partibus ab eo flagitabatur. Concurrerant legati, centuriones tribunique militum: ne dubitaret proelium committere; omnium esse militum paratissimos animos. Afranianos contra multis rebus sui timoris signa misisse: quod suis non subvenissent, quod de colle non decederent, quod vix equitum incursus sustinerent collatisque in unum locum signis conferti neque ordines neque signa servarent. Quod si iniquitatem loci timeret, datum iri tamen aliquo loco pugnandi facultatem, quod certe inde decedendum esset Afranio nec sine aqua permanere posset.

72. Caesar in eam spem venerat, se sine pugna et sine vulnere suorum rem conficere posse, quod re frumentaria adversarios interclusisset. Cur etiam secundo proelio aliquos ex suis amitteret? cur vulnerari pateretur optime de se meritos milites? cur denique fortunam periclitaretur? praesertim cum non minus esset imperatoris consilio superare quam gladio. Movebatur etiam misericordia civium, quos interficiendos videbat; quibus salvis atque incolumibus rem obtinere malebat. Hoc consilium Caesaris plerisque non probabatur: milites vero palam inter se loquebantur, quoniam talis occasio victoriae dimitteretur, etiam cum vellet Caesar, sese non esse pugnatu-
r. Ille in sua sententia perseverat et paulum ex eo loco degreditur, ut timorem adversariis minuat. Petreius atque Afranius oblata facultate in castra sese referunt. Caesar praesidiis montibus dispositis omni ad Hiberum intercluso itinere quam proxime potest hostium castris castra communit.

73. Postero die duces adversariorum perturbati, quod omnem rei frumentariae fluminisque Hiberi spem dimiserant, de reliquis rebus consultabant. Erat unum iter, Ilerdam si reverti vellent; alterum, si Tarraconem peterent. Haec consiliantibus eis nuntiantur aquatores ab equitatu premi nostro. Qua res cognita crebras stationes disponunt equitum et cohortium alariarum legionariasque intericiunt cohortes vallumque ex castris ad aquam ducere incipiunt, ut intra munitionem et sine timore et sine stationibus aquari possent. Id opus inter se Petreius atque

Afranius partiuntur ipsique perficiundi operis causa longius progrediuntur.

74. Quorum discessu liberam nacti milites colloquiorum facultatem vulgo procedunt, et quem quisque in castris notum aut municipem habebat conquirunt atque evocat. Primum agunt gratias omnibus, quod sibi perterritis pridie pepercissent: eorum se beneficio vivere. Deinde imperatoris fidem quaerunt, rectene se illi sint commissuri, et quod non ab initio fecerint armaque cum hominibus necessariis et consanguineis contulerint, queruntur. His provocati sermonibus fidem ab imperatore de Petreii atque Afranii vita petunt, ne quod in se scelus concepissemus neque suos prodidisse videantur. Quibus confirmatis rebus se statim signa translaturus confirmant legatosque de pace primorum ordinum centuriones ad Caesarem mittunt. Interim alii suos in castra invitandi causa adducunt, alii ab suis abducuntur, adeo ut una castra iam facta ex binis viderentur; compluresque tribuni militum et centuriones ad Caesarem veniunt seque ei commendant. Idem hoc fit a principibus Hispaniae, quos evocaverant et secum in castris habebant obsidum loco. Hi suos notos hospitesque quaerebant, per quem quisque eorum aditum commendationis haberet ad Caesarem. Afranii etiam filius adulescens de sua ac parentis sui salute cum Caesare per Sulpicium legatum agebat. Erant plena laetitia et gratulatione omnia, eorum, qui tanta pericula vitasse, et eorum, qui sine vulnere tantas res confecisse videbantur, magnumque fructum suae

pristinae lenitatis omnium iudicio Caesar ferebat, consiliumque eius a cunctis probabatur.

75. Quibus rebus nuntiatis Afranio ab instituto opere discedit seque in castra recipit, sic paratus, ut videbatur, ut, quicumque accidisset casus, hunc quieto et aequo animo ferret. Petreius vero non deserit sese. Armatur familiam; cum hac et praetoria cohorte cetratorum barbarisque equitibus paucis, beneficiariis suis, quos suae custodiae causa habere consuevit, improvise ad vallum advolat, colloquia militum interrumpit, nostros repellit a castris, quos deprendit interficit. Reliqui coeunt inter se et repente periculo exterriti sinistras sagis involvunt gladiosque destringunt atque ita se a cetratis equitibusque defendunt castrorum propinquitate confisi seque in castra recipiunt et ab iis cohortibus, quae erant in statione ad portas, defenduntur.

76. Quibus rebus confectis flens Petreius manipulos circumit militesque appellat, ne se ne Pompeium, imperatorem suum, adversariis ad supplicium tradant, obsecrat. Fit celeriter concursus in praetorium. Postulat, ut iurent omnes se exercitum ducesque non deserturos neque prodituros neque sibi separatim a reliquis consilium capturos. Princeps in haec verba iurat ipse; idem iusiurandum adigit Afranium; subsequuntur tribuni militum centurionesque; centuriatim producti milites idem iurant. Edicunt, penes quem quisque sit Caesaris miles, ut producat: productos palam in praetorio interficiunt. Sed plerosque ii, qui receperant, celant nocturne per vallum emittunt. Sic terrore oblato a

ducibus crudelitas in supplicio, nova religio iurisiurandi spem praesentis deditiois sustulit mentesque militum convertit et rem ad pristinam belli rationem redegit.

77. Caesar, qui milites adversariorum in castra per tempus colloqui venerant, summa diligentia² conquiri et remitti iubet. Sed ex numero tribunorum militum centurionumque nonnulli sua voluntate apud eum remanserunt. Quos ille postea magno in honore habuit; centuriones in priores ordines, equites Romanos in tribunicium restituit honorem.

78. Premebantur Afraniani pabulatione, aquabantur aegre. Frumenti copiam legionarii nonnullam habebant, quod dierum **xxii** ab Ilerda frumentum iussi erant efferre, cetrati auxiliaresque nullam, quorum erant et facultates ad parandum exiguae² et corpora insueta ad onera portanda. Itaque magnus eorum cotidie numerus ad Caesarem per³fugiebat. In his erat angustia res. Sed ex propositis consiliis duobus explicitius videbatur Ilerdam reverti, quod ibi paulum frumenti reliquerant. Ibi se reliquum consilium explicaturos confidebant.⁴ Tarraco aberat longius; quo spatio plures rem posse casus recipere intellegebant. Hoc probato⁵ consilio ex castris proficiscuntur. Caesar equitatu praemisso, qui novissimum agmen carperet atque impediret, ipse cum legionibus subsequitur. Nullum intercedebat tempus, quin extremi cum equitibus proeliarentur.

79. Genus erat hoc pugnae. Expeditae cohortes *novissimum* agmen claudebant pluresque in locis

campestribus subsistebant. Si mons erat ascenden-²
dus, facile ipsa loci natura periculum repellebat,
quod ex locis superioribus, qui antecesserant, suos
ascendentes protegebant; cum vallis aut locus de-³
clivis suberat, neque ii, qui antecesserant, moran-
tibus opem ferre poterant, equites vero ex loco
superiore in aversos tela coniciebant, tum magno
erat in periculo res. Relinquebatur, ut, cum eius-⁴
modi locis esset appropinquatum, legionum signa
consistere iuberent magnoque impetu equitatum re-
pellerent, eo submoto repente incitati cursu sese
in valles universi demitterent atque ita transgressi
rursus in locis superioribus consisterent. Nam tantum⁵
ab equitum suorum auxiliis aberant, quorum nume-
rum habebant magnum, ut eos superioribus per-
territos proeliis in medium reciperent agmen ultroque
eos tuerentur; quorum nulli ex itinere excedere lice-
bat, quin ab equitatu Caesaris exciperetur.

80. Tali dum pugnatur modo, lente atque pau-
latim proceditur, crebroque, ut sint auxilio suis,
subsistunt; ut tum accidit. Milia enim progressi IIII²
vehementiusque peragitati ab equitatu montem ex-
celsum capiunt ibique una fronte contra hostem
castra muniunt neque iumentis onera deponunt. Ubi³
Caesaris castra posita tabernaculaque constituta et
dimissos equites pabulandi causa animum adver-
terunt, sese subito proripiunt hora circiter sexta
eiusdem diei et spem nacti morae discéssu nostrorum
equitum iter facere incipiunt. Qua re animum ad-⁴
versa Caesar refectis legionibus subsequitur, prae-
sidio impedimentis paucas cohortes relinquit; hora x.

subsequi pabulatores equitesque revocari iubet. Celeriter equitatus ad cotidianum itineris officium revertitur. Pugnatur acriter ad novissimum agmen, adeo ut paene terga convertant, compluresque milites, etiam nonnulli centuriones, interficiuntur. Instabat agmen Caesaris atque universum imminebat.

81. Tum vero neque ad explorandum idoneum locum castris neque ad progrediendum data facultate consistunt necessario et procul ab aqua et natura iniquo loco castra ponunt. Sed isdem de causis Caesar, quae supra sunt demonstratae, proelio non lacessit et eo die tabernacula statui passus non est, quo paratiores essent ad insequendum omnes, sive noctu sive interdiu erumperent. Illi animadverso vitio castrorum tota nocte munitiones proferunt castraque castris convertunt. Hoc idem postero die a prima luce faciunt totumque in ea re diem consumunt. Sed quantum opere processerant et castra protulerant, tanto aberant ab aqua longius, et praesenti malo aliis malis remedia dabantur. Prima nocte aquandi causa nemo egreditur ex castris; proximo die praesidio in castris relicto universas ad aquam copias educunt, pabulatum emittitur nemo. His eos suppliciiis male haberi Caesar et necessariam subire deditionem quam proelio decertare malebat. Conatur tamen eos vallo fossaque circummunire, ut quam maxime repentinas eorum eruptiones demoretur; quo necessario descensuros existimabat. Illi et inopia pabuli adducti et, quo essent [ad id] expeditiores, omnia sarcinaria iumenta interfici iubent.

82. In his operibus consiliisque biduum consumitur; tertio die magna iam pars operis Caesaris processerat. Illi impediendae reliquae munitionis causa hora circiter VIII. signo dato legiones educunt aciemque sub castris instruunt. Caesar ab opere legiones revocat, equitatum omnem convenire iubet, aciem instruit; contra opinionem enim militum famamque omnium videri proelium defugisse magnum detrimentum afferebat. Sed eisdem de causis, quae sunt cognitae, quo minus dimicare vellet, movebatur, atque hoc etiam magis, quod spatii brevitatem etiam in fugam coniectis adversariis non multum ad summam victoriae iuvare poterat. Non enim amplius pedum milibus duobus ab castris castra distabant; hinc duas partes acies occupabant duae; tertia vacabat ad incursum atque impetum militum relicta. Si proelium committeretur, propinquitatem castrorum celerem superatis ex fuga receptum dabat. Hac de causa constituerat signa inferentibus resistere, prior proelio non lacessere.

83. Acies erat Afraniana duplex legionum v; tertium in subsidiis locum alariae cohortes obtinebant; Caesaris triplex; sed primam aciem quaternae cohortes ex v legionibus tenebant, has subsidiariae ternae et rursus aliae totidem suae cuiusque legionis subsequebantur; sagittarii funditoresque media continebantur acie, equitatus latera cingebat. Tali instructa acie tenere uterque propositum videbatur: Caesar, ne nisi coactus proelium committeret; ille, ut opera Caesaris impediret. Producitur tum res, aciesque ad solis occasum continentur; inde utrique

4 in castra discedunt. Postero die munitiones institutas
Caesar parat perficere; illi vadum fluminis Sicoris
5 temptare, si transire possent. Qua re animadversa
Caesar Germanos levis armaturae equitumque partem
flumen traicit crebrasque in ripis custodias disponit.

84. Tandem omnibus rebus obsessi, quantum
iam diem sine pabulo retentis iumentis, aquae, ligno-
rum, frumenti inopia colloquium petunt et id, si fieri
2 possit, semoto a militibus loco. Ubi id a Caesare
negatum et, palam si colloqui vellent, concessum est,
3 datur obsidis loco Caesari filius Afranii. Venitur in
eum locum, quem Caesar delegit. Audiente utroque
exercitu loquitur Afranius: non esse aut ipsis aut
militibus succensendum, quod fidem erga impera-
torem suum Cn. Pompeium conservare voluerint.
4 Sed satis iam fecisse officio satisque supplicii tulisse.
Perpessos omnium rerum inopiam; nunc vero paene
ut feras circummunitos prohiberi aqua, prohiberi in-
gressu, neque corpore dolorem neque animo ignomi-
5 niam ferre posse. Itaque se victos confiteri; orare
atque obsecrare, si qui locus misericordiae relinqua-
tur, ne ad ultimum supplicium progredi necesse
habeant. Haec quam potest demississime et subiec-
tissime exponit.

85. Ad ea Caesar respondit: nulli omnium has
partes vel querimoniae vel miserationis minus con-
2 venisse. Reliquos enim omnes officium suum prae-
stitisse: se, qui etiam bona condicione, et loco et
tempore aequo, configere noluerit, ut quam integer-
rima essent ad pacem omnia; exercitum suum, qui

iniuria etiam accepta suisque interfectis, quos in sua potestate habuerit, conservavit et texerit; illius denique exercitus milites, qui per se de concilianda pace egerint; qua in re omnium suorum vitae consulendum putarint. Sic omnium ordinum partes in misericordia constitisse: ipsos duces a pace abhorruisse; eos neque colloqui neque indutiarum iura servasse et homines imperitos et per colloquium deceptos crudelissime interfecisse. Accidisse igitur his, quod plerumque hominum nimia pertinacia atque arrogantia accidere soleat, uti eo recurrant et id cupidissime petant, quod paulo ante contempserint. Neque nunc se illorum humilitate neque aliqua temporis opportunitate postulare, quibus rebus opes augeantur suae; sed eos exercitus, quos contra se multos iam annos aluerint, velle dimitti. Neque enim sex legiones alia de causa missas in Hispaniam septimamque ibi conscriptam neque † tot tantasque classes paratas neque submissos duces rei militaris peritos. Nihil horum ad pacandas Hispanias, nihil ad usum provinciae provisum, quae propter diuturnitatem pacis nullum auxilium desiderarit. Omnia haec iam pridem contra se parari; in se novi generis imperia constitui, ut idem ad portas urbanis praesideat rebus et duas bellicosissimas provincias absens tot annis obtineat; in se iura magistratuum commutari, ne ex praetura et consulatu, ut semper, sed per paucos probati et electi in provincias mittantur; in se etiam aetatis excusationem nihil valere, cum superioribus bellis probati ad obtinendos exercitus evocentur; in se uno non servari, quod sit

omnibus datum semper imperatoribus, ut rebus feliciter gestis aut cum honore aliquo aut certe sine ignominia domum revertantur exercitumque dimittant.

- ¹¹ Quae tamen omnia et se tulisse patienter et esse laturum; neque nunc id agere, ut ab illis abductum exercitum teneat ipse, quod tamen sibi difficile non sit, sed ne illi habeant, quo contra se uti possint.
- ¹² Proinde, ut esset dictum, provinciis excederent exercitumque dimitterent; si id sit factum, se nociturum nemini. Hanc unam atque extremam esse pacis conditionem.

86. Id vero militibus fuit pergratum et iucundum, ut ex ipsa significatione cognosci potuit, ut, qui aliquid iusti incommodi exspectavissent, ultro ² praemium missionis ferrent. Nam cum de loco et tempore eius rei controversia inferretur, et voce et manibus universi ex vallo, ubi constiterant, significare coeperunt, ut statim dimitterentur, neque omni interposita fide firmum esse posse, si in aliud tempus ³ differretur. Paucis cum esset in utramque partem verbis disputatum, res huc deducitur, ut ei, qui habeant domicilium aut possessionem in Hispania, ⁴ statim, reliqui ad Varum flumen dimittantur; ne quid eis noceatur, neu quis invitus sacramentum dicere cogatur, a Caesare cavetur.

87. Caesar ex eo tempore, dum ad flumen Varum veniatur, se frumentum daturum pollicetur. Addit etiam, ut, quod quisque eorum in bello amiserit, quae sint penes milites suos, iis, qui amiserint, restituatur; militibus aequa facta aestimatione pecuniam pro his rebus dissolvit. Quascumque postea

controverſias inter ſe milites habuerunt, ſua ſponte
ad Caesarem in ius adierunt. Petreius atque Afranius³
cum ſtipendium ab legionibus paene ſeditione facta
flagitarentur, cuius illi diem nondum veniſſe dice-
rent, Caesar ut cognosceret, poſtulatū eſt, eoq̃ue
utriq̃ue, quod ſtatuit, contenti fuerunt. Parte circiter⁴
tertia exercitus eo biduo dimiſſa duas legiones ſuas
antecedere, reliquas ſubſequi iuſſit, ut non longo
inter ſe ſpatio caſtra facerent, eiq̃ue negotio Q. Fufium
Calenum legatū praeficit. Hoc ei⁹ praepreſcripto ex⁵
Hispania ad Varum flumen eſt iter factum, atq̃ue
ibi reliqua pars exercitus dimiſſa eſt.

C. IULII CAESARIS
DE BELLO CIVILI
LIBER SECUNDUS.

ARGUMENTUM.

[A. U. C. 705.] Trebonius Massilienses oppugnare pergit c. 1. 2, quibus animum addit L. Nasidius cum classe in subsidium missus c. 3. 4. Navali proelio superati c. 5—7 et turres et machinas a Trebonio in muros exstructas frustra diruere conati c. 8—11, Massilienses indutias petunt c. 12. 13, impetratas eruptione facta violant, Trebonii opera disiciunt c. 14. At operibus summo militum studio reffectis c. 15 incolae territi ad easdem deditionis condiciones recurrunt c. 16. Interea M. Varro ulteriori Hispaniae a Pompeio praefectus, cognitis quae in Italia gestae essent rebus, in amicitiam Caesaris inclinat, deinde ubi eum ad Massiliam detineri comperit, delectum tota provincia habet, defensionem parat c. 17. 18; at cum longe plurimae civitates a Pompeio deficerent, Caesari legiones tradit c. 49. 20. Contionibus primum Cordubae, deinde Tarracone habitis Caesar totam fere provinciam suis partibus adiungit; inde Massiliam profectus Romae se dictatorem esse dictum comperit c. 21. Itaque Massiliensibus in deditionem acceptis Romam redit c. 22. Sicilia recepta Curio in Africam exercitum traiecerat; ibi primum feliciter ad Uticam contra Varum pugnavit c. 23—37, postea proelio ad Bagradam temere commisso a Varo

et Saburra, Iuba regis praefecto, superatus et interfectus est c. 38—42. Exercitus reliquiae partim in Siciliam se receperunt, partim Varo se dediderunt, qui, quominus magna pars a Iuba necaretur, impedire nequivit c. 43. 44.

1. Dum haec in Hispania geruntur, C. Trebonius legatus, qui ad oppugnationem Massiliae relictus erat, duabus ex partibus aggerem, vineas turresque ad oppidum agere instituit. Una erat proxima portui² navalibusque, altera [ad partem], qua est aditus ex Gallia atque Hispania, ad id mare, quod adiacet ad ostium Rhodani. Massilia enim fere ex tribus oppidi³ partibus mari alluitur; reliqua quarta est, quae aditum habeat ab terra. Huius quoque spatii pars ea, quae ad arcem pertinet, loci natura et valle altissima munita longam et difficilem habet oppugnationem. Ad ea perficienda opera C. Trebonius magnam iu-⁴ mentorum atque hominum multitudinem ex omni provincia vocat; vimina materiamque comportari iubet. Quibus comparatis rebus aggerem in altitudinem pedum LXXX exstruit.

2. Sed tanti erant antiquitus in oppido omnium rerum ad bellum apparatus tantaque multitudo tormentorum, ut eorum vim nullae contextae viminibus vineae sustinere possent. Asseres enim pedum XII⁵ cuspidibus praefixi atque hi maximis ballistis missi per III ordines cratium in terra defigebantur. Itaque³ pedalibus lignis coniunctis inter se porticus integebantur, atque hac agger inter manus proferebatur. Antecedebat testudo pedum LX aequandi loci causa⁴ facta item ex fortissimis lignis, convoluta omnibus rebus, quibus ignis iactus et lapides defendi possent.

5 Sed magnitudo operum, altitudo muri atque turrium,
multitudo tormentorum omnem administrationem tar-
6 dabat. Crebrae etiam per Albicos eruptiones fiebant
ex oppido ignesque aggeri et turribus inferebantur;
quae facile nostri milites repellebant magnisque ultro
illatis detrimentis eos, qui eruptionem fecerant, in
oppidum reiciebant.

3. Interim L. Nasidius, a Cn. Pompeio cum
classe navium XVI, in quibus paucae erant aeratae,
L. Domitio Massiliensibusque subsidio missus, freto
Siciliae imprudente atque inopinante Curione per-
2 vehitur appulsisque Messanam navibus atque inde
propter repentinum terrorem principum ac senatus
3 fuga facta *navem* ex navalibus eorum deducit. Hac
adiuncta ad reliquas naves cursum Massiliam versus
perficit praemissaque clam navicula Domitium Mas-
siliensesque de suo adventu certiores facit eosque
magnopere hortatur, ut rursus cum Bruti classe ad-
ditis suis auxiliis configant.

4. Massilienses post superius incommodum ve-
teres ad eundem numerum ex navalibus productas
naves refecerant summaque industria armaverant
(remigum, gubernatorum magna copia suppetebat)
2 piscatoriasque adiecerant atque contexerant, ut essent
ab ictu telorum remiges tuti; has sagittariis tormen-
3 tisque compleverunt. Tali modo instructa classe
omnium seniorum, matrum familiae, virginum pre-
cibus et fletu excitati, extremo tempore civitati sub-
venirent, non minore animo ac fiducia, quam ante
4 dimicaverant, naves conscendunt. Communi enim
fit vitio naturae, uti novis atque improvisis rebus

magis confidamus vehementiusque exterreamur; ut tum accidit. Adventus enim L. Nasidii summa spe et voluntate civitatem compleverat. Nacti idoneum⁵ ventum ex portu exeunt et Tauroënta, quod est castellum Massiliensium, ad Nasidium perveniunt ibique naves expediunt rursusque se ad configendum animo confirmant et consilia communicant. Dextra pars attribuitur Massiliensibus, sinistra Nasidio.

5. Eodem Brutus contendit aucto navium numero. Nam ad eas, quae factae erant Arelate per Caesarem, captivae Massiliensium accesserant sex. Has superioribus diebus refecerat atque omnibus rebus instruxerat. Itaque suos cohortatus, quos integros superavissent ut victos contemnerent, plenus spei bonae atque animi adversus eos proficiscitur. Facile erat ex castris C. Trebonii atque omnibus³ superioribus locis prospicere in urbem, ut omnis iuventus, quae publicis custodiis in oppido remanserat, omnesque superioris aetatis cum liberis atque uxoribus aut e muro ad caelum manus tenderent, aut templa deorum immortalium adirent et ante simulacra proiecti victoriam ab diis exposcerent. Neque erat quisquam omnium, quin in eius diei casu⁴ suarum omnium fortunarum eventum consistere existimaret. Nam et honesti ex iuventute et cuiusque⁵ aetatis amplissimi nominatim evocati atque obsecrati naves conscenderant, ut, si quid adversi accidisset, ne ad conandum quidem sibi quicquam reliqui fore viderent; si superavissent, vel domesticis opibus vel externis auxiliis de salute urbis confiderent.

6. Commisso proelio Massiliensibus res nulla ad virtutem defuit; sed memores eorum praeceptorum, quae paulo ante ab suis acceperant, hoc animo decertabant, ut nullum aliud tempus ad conandum habituri viderentur, et quibus in pugna vitae periculum accideret, non ita multo se reliquorum civium fatum antecedere existimarent, quibus urbe
2 capta eadem esset belli fortuna patienda. Diductisque nostris paulatim navibus et artificio gubernatorum et mobilitati navium locus dabatur, et si quando nostri facultatem nacti ferreis manibus iniectis navem religaverant, undique suis laborantibus
3 succurrebant. Neque vero coniuncti Albicis comminus pugnando deficiebant neque multum cedebant virtute nostris. Simul ex minoribus navibus magna vis eminus missa telorum multa nostris de improvviso imprudentibus atque impeditis vulnera infere-
4 bant. Conspicataeque naves triremes duae navem D. Bruti, quae ex insigni facile agnosci poterat, duabus ex partibus sese in eam incitaverant. Sed
5 tantum re provisa Brutus celeritate navis enisus est, ut parvo momento antecederet. Illae adeo graviter inter se incitatae conflixerunt, ut vehementissime utraque ex concursu laborarent, altera vero praefracto rostro tota collabefieret. Qua re animadversa, quae proximae ei loco ex Bruti classe naves erant, in eas impeditas impetum faciunt celeriterque ambas deprimunt.

7. Sedecim Nasidianaë naves nullo usui fuerunt celeriterque pugna excesserunt; non enim has aut conspectus patriae aut propinquorum praecepta ad

extremum vitae periculum adire cogeabant. Itaque² ex eo numero navium nulla desiderata est: ex Massiliensium classe v sunt depressae, iv captae, una cum Nasidianis profugit; quae omnes citeriorem Hispaniam petiverunt. At ex reliquis una praemissa³ Massiliam huius nuntii perferendi gratia cum iam appropinquaret urbi, omnis sese multitudo effudit, et re cognita tantus luctus excepit, ut urbs ab hostibus capta eodem vestigio videretur. Massilienses tamen⁴ nihilo secius ad defensionem urbis reliqua apparare coeperunt.

8. Est animadversum ab legionibus, qui dextram partem operis administrabant, ex crebris hostium eruptionibus magno sibi esse praesidio posse, si ibi pro castello ac receptaculo turrim ex latere sub muro fecissent. Quam primo ad repentinos incursus humilem parvamque fecerunt. Huc se referebant; hinc, si qua maior oppresserat vis, propugnabant; hinc ad repellendum et prosequendum hostem procurrebant. Patebat haec quoque versus pedes xxx, sed parietum crassitudo pedes v. Postea⁵ vero, ut est rerum omnium magister usus, hominum adhibita sollertia inventum est magno esse usui posse, si haec esset in altitudinem turris elata. Id hac ratione perfectum est.

9. Ubi turris altitudo perducta est ad contabulationem, eam in parietes instruxerunt, ita ut capitignorum extrema parietum structura tegerentur, ne quid emereret, ubi ignis hostium adhaeresceret. Hanc super contignationem, quantum tectum pluteis ac vinearum passum est, latericulo adstruxerunt

supraque eum locum duo tigna transversa iniecerunt non longe ab extremis parietibus, quibus suspenderent eam contignationem, quae turri tegimento esset futura, supraque ea tigna directo transversas trabes iniecerunt easque axibus religaverunt (has paulo longiores atque eminentiores, quam extremi parietes erant, effecerant, ut esset, ubi tegimenta praependere possent ad defendendos ictus ac repellendos, cum inter eam contignationem parietes extruerentur) eamque contabulationem summam lateribus lutoque constraverunt, ne quid ignis hostium nocere posset, centonesque insuper iniecerunt, ne aut tela tormentis immissa tabulationem perfringerent, aut saxa ex catapultis latericium discuterent.

4 Storias autem ex funibus ancorariis tres in longitudinem parietum turris latas IIII pedes fecerunt easque ex tribus partibus, quae ad hostes vergebant, eminentibus trabibus circum turrim praependentes religaverunt; quod unum genus tegimenti aliis locis erant experti nullo telo neque tormento

5 traici posse. Ubi vero ea pars turris, quae erat perfecta, tecta atque munita est ab omni ictu hostium, pluteos ad alia opera abduxerunt; turris tectum per se ipsum pressionibus ex contignatione

6 prima suspendere ac tollere coeperunt. Ubi, quantum storiarum demissio patiebatur, tantum elevarant, intra haec tegimenta abditi atque muniti parietes lateribus exstruebant rursusque alia pressione ad

7 aedificandum sibi locum expediebant. Ubi tempus alterius contabulationis videbatur, tigna item ut primo tecta extremis lateribus instruebant exque

ea contignatione rursus summam contabulationem storiasque elevabant. Ita tuto ac sine ullo vulnere ac periculo sex tabulata extruxerunt fenestrasque, quibus in locis visum est, ad tormenta mittenda in struendo reliquerunt.

10. Ubi ex ea turri, quae circum essent opera, tueri se posse confisi sunt, musculum pedes LX longum ex materia bipedali, quem a turri latericia ad hostium turrim murumque perducerent, facere instituerunt; cuius musculi haec erat forma. Duae primum trabes in solo aequae longae distantes inter se pedes III collocantur, inque eis columellae pedum in altitudinem V defiguntur. Has inter se capreolis molli fastigio coniungunt, ubi tigna, quae musculi tegendi causa ponant, collocentur. Eo super tigna bipedalia iniciunt eaque laminis clavisque religant. Ad extremum musculi tectum trabesque extremas quadratas regulas III patentes digitos defigunt, quae lateres, qui super [musculo] struantur, contineant. Ita fastigato atque ordinatim structo *tecto*, ut trabes erant in capreolis collocatae, lateribus lutoque musculus, ut ab igni, qui ex muro iaceretur, tutus esset, contegitur. Super lateres coria inducuntur, ne canalibus aqua immissa lateres diluere posset. Coria autem, ne rursus igni ac lapidibus corrumpantur, centonibus conteguntur. Hoc opus omne tectum vineis ad ipsam turrim perficiunt subitoque inopinantibus hostibus machinatione navali, phalangis subiectis, ad turrim hostium admovent, ut aedificio iungatur.

11. Quo malo perterriti subito oppidani saxa quam maxima possunt vectibus promovent praecipitataque muro in musculum devolvunt. Ictum firmitas materiae sustinet, et quicquid incidit fastigio
2 musculi elabitur. Id ubi vident, mutant consilium: cupas taeda ac pice refertas incendunt easque de muro in musculum devolvunt. Involutae labuntur, delapsae ab lateribus longuriis furcisque ab opere
3 removentur. Interim sub musculo milites vectibus infima saxa turris hostium, quibus fundamenta continebantur, convellunt. Musculus ex turri latericia a nostris telis tormentisque defenditur; hostes ex muro ac turribus submoventur [: non datur libera
4 muri defendendi facultas]. Compluribus iam lapidibus ex ea, quae suberat, turri subductis repentina ruina pars eius turris concidit, pars reliqua consequens procumbebat: cum hostes urbis direptione perterriti inermes cum infulis se porta foras universi proripiunt, ad legatos atque exercitum supplices manus tendunt.

12. Qua nova re oblata omnis administratio belli consistit, militesque aversi a proelio ad studium audiendi et cognoscendi feruntur. Ubi hostes ad legatos exercitumque pervenerunt, universi se ad pedes prociunt; orant, ut adventus Caesaris
5 spectetur: captam suam urbem videre: opera perfecta, turrim subrutam; itaque ab defensione desistere. Nullam exoriri moram posse, quo minus, cum venisset, si imperata non facerent ad nutum,
6 e vestigio diriperentur. Docent, si omnino turris concidisset, non posse milites contineri, quin spe

praedae in urbem irrumperent urbemque delerent. Haec atque eiusdem generis complura ut ab hominibus doctis magna cum misericordia fletuque pronuntiantur.

13. Quibus rebus commoti legati milites ex opere deducunt, oppugnatione desistunt; operibus custodias relinquunt. Indutiarum quodam genere misericordia² facto adventus Caesaris exspectatur. Nullum ex muro, nullum a nostris mittitur telum; ut re confecta omnes curam et diligentiam remittunt. Caesar³ enim per litteras Trebonio magnopere mandaverat, ne per vim oppidum expugnari pateretur, ne gravius permoti milites et defectionis odio et contemp⁴tione sui et diutino labore omnes puberes interficerent; quod se facturos minabantur, aegreque tunc sunt⁵ retenti, quin oppidum irrumperent, graviterque eam rem tulerunt, quod stetisse per Trebonium, quo minus oppido potirentur, videbatur.

14. At hostes sine fide tempus atque occasionem fraudis ac doli quaerunt interiectisque aliquot diebus nostris languentibus atque animo remissis subito meridiano tempore, cum alius discessisset, alius ex diutino labore in ipsis operibus quieti se dedisset, arma vero omnia reposita contactaque essent, portis se foras erumpunt, secundo magnoque vento ignem operibus inferunt. Hunc sic distulit ventus, uti uno² tempore agger, plutei, testudo, turris, tormenta flammam conciperent et prius haec omnia consumerentur, quam, quemadmodum accidisset, animadverti posset. Nostri repentina fortuna permoti arma, quae³ possunt, arripiunt; alii ex castris sese incitant. Fit

in hostes impetus; sed de muro sagittis tormentisque fugientem persequi prohibentur. Illi sub murum se recipiunt ibique musculum turrinique latericiam libere incendunt. Ita multorum mensium labor hostium perfidia et vi tempestatis puncto temporis interiiit. Temptaverunt hoc idem Massilienses postero die. Eandem nacti tempestatem maiore cum fiducia ad alteram turrin aggeremque eruptione pugnaverunt multumque ignem intulerunt. Sed ut superioris temporis contentionem nostri omnem remiserant, ita proximi diei casu admoniti omnia ad defensionem paraverant. Itaque multis interfectis reliquos infectare in oppidum repulerunt.

15. Trebonius ea, quae sunt amissa, multo maiore militum studio administrare et reficere instituit. Nam ubi tantos suos labores et apparatus male cecidisse viderunt indutiisque per scelus violatis suam virtutem irrisui fore perdoluerunt, quod, unde agger omnino comportari posset, nihil erat reliquum, omnibus arboribus longe lateque in finibus Massiliensium excisis et convectis, aggerem novi generis atque inauditum ex latericiis duobus muris senum pedum crassitudine atque eorum murorum contignatione facere instituerunt aequa fere altitudine, atque ille congesticius ex materia fuerat agger. Ubi aut spatium inter muros aut imbecillitas materiae postulare videretur, pilae interponuntur, traversaria tigna iniiciuntur, quae firmamento esse possint, et quicquid est contignatum cratibus consternitur, crates luto integuntur. Sub tecto miles dextra ac sinistra muro tectus, adversus plutei obiectu, operi quaecumque

sunt usui sine periculo supportat. Celeriter res administratur; diuturni laboris detrimentum sollertia et virtute militum brevi reconciliatur. Portae, quibus locis videtur, eruptionis causa in muro relinquuntur.

16. Quod ubi hostes viderunt, ea, quae diu longoque spatio refici non posse sperassent, paucorum dierum opera et labore ita relecta, ut nullus perfidiae neque eruptioni locus esset nec quicquam omnino relinqueretur, qua aut telis militibus aut igni operibus noceri posset, eodemque exemplo sentiunt, totam urbem, qua sit aditus ab terra, muro turribusque circumiri posse, sic ut ipsis consistendi in suis munitionibus locus non esset, cum paene inaedificata [in] muris ab exercitu nostro moenia videntur ac telum manu coniceretur, suorumque tormentorum usum, quibus ipsi magna speravissent, spatio propinquitatis interire parique condicione ex muro ac turribus bellandi data se virtute nostris adaequare non posse intellegunt, ad easdem deditionis condiciones recurrunt.

17. M. Varro in ulteriore Hispania initio cognitis iis rebus, quae sunt in Italia gestae, diffidens Pompeianis rebus amicissime de Caesare loquebatur: praeoccupatum sese legatione ab Cn. Pompeio teneri obstrictum fide; necessitudinem quidem sibi nihilo minorem cum Caesare intercedere, neque se ignorare, quod esset officium legati, qui fiduciarium operam obtineret, quae vires suae, quae voluntas erga Caesarem totius provinciae. Haec omnibus ferebat sermonibus neque se in ullam partem movebat. Postea vero, cum Caesarem ad Massiliam detineri cognovit,

copias Petreii cum exercitu Afranii esse coniunctas, magna auxilia convenisse, magna esse in spe atque exspectari et consentire omnem citeriorem provinciam, quâeque postea acciderant, de angustiis ad Ilerdam rei frumentariae, accepit, atque haec ad eum latius atque inflatius Afranius perscribebat, se quoque ad motus fortunae movere coepit.

18. Delectum habuit tota provincia, legionibus completis duabus cohortes circiter xxx alarias addidit. Frumenti magnum numerum coëgit, quod Massiliensibus, item quod Afranio Petreioque mitteret. Naves longas x Gaditanis ut facerent imperavit, 2 complures praeterea Hispali faciendas curavit. Pecuniam omnem omniaque ornamenta ex fano Herculis in oppidum Gades contulit; eo sex cohortes praesidii causa ex provincia misit Gaiumque Gallonium, equitem Romanum, familiarem Domitii, qui eo procurandae hereditatis causa venerat missus a Domitio, oppido Gadibus praefecit; arma omnia privata ac 3 publica in domum Gallonii contulit. Ipse habuit graves in Caesarem contiones. Saepe ex tribunali praedicavit adversa Caesarem proelia fecisse, magnum numerum ab eo militum ad Afranium perfugisse: haec se certis nuntiis, certis auctoribus 4 comperisse. Quibus rebus perterritos cives Romanos eius provinciae sibi ad rempublicam administrandam HS CLXXX et argenti pondo xx milia, tritici modios CXX milia polliceri coëgit. Quas Caesari esse 5 amicas civitates arbitrabatur, his graviora onera iniungebat praesidiaque eo deducebat et iudicia in privatos reddebat; qui verba atque orationem ad-

versus rempublicam habuissent, eorum bona in publicum addicebat. Provinciam omnem in sua et Pompei verba iusiurandum adigebat. Cognitis iis⁶ rebus, quae sunt gestae in citeriore Hispania, bellum parabat. Ratio autem haec erat belli, ut se cum II legionibus Gades conferret, naves frumentumque omne ibi cotineret; provinciam enim omnem Caesaris rebus favere cognoverat. In insula frumento navibusque comparatis bellum duci non difficile existimabat. Caesar, etsi multis necessariisque rebus in⁷ Italiam revocabatur, tamen constituerat nullam partem belli in Hispaniis relinquere, quod magna esse Pompei beneficia et magnas clientelas in citeriore provincia sciebat.

19. Itaque duabus legionibus missis in ulteriorem Hispaniam cum Q. Cassio, tribuno plebis, ipse cum equitibus magnis itineribus progreditur edictumque praemittit, ad quam diem magistratus principesque omnium civitatum sibi esse praesto Cordubae vellet. Quo edicto tota provincia pervulgato nulla² fuit civitas, quin ad id tempus partem senatus Cordubam mitteret, non civis Romanus paulo notior, quin ad diem conveniret. Simul ipse Cordubae con-³ventus per se portas Varroni clausit, custodias vigilasque in turribus muroque disposuit, cohortes duas,⁴ quae colonicae appellabantur, cum eo casu venissent, tuendi oppidi causa apud se retinuit. Iisdem diebus⁵ Carmonenses, quae est longe firmissima totius provinciae civitas, deductis tribus in arcem oppidi cohortibus a Varrone praesidio, per se cohortes eiecit portasque praeclusit.

20. Hoc vero magis properare Varro, ut cum legionibus quam primum Gades contenderet, ne itinere aut traiectu intercluderetur: tanta ac tam secunda in Caesarem voluntas provinciae reperi-
batur. Progresso ei paulo longius litterae Gadibus redduntur: simulatque sit cognitum de edicto Caesaris, consensisse Gaditanos principes cum tribunis cohortium, quae essent ibi in praesidio, ut Gallonium ex oppido expellerent, urbem insulamque Caesari
servarent. Hoc inito consilio denuntiavisse Gallonio, ut sua sponte, dum sine periculo liceret, excederet Gadibus; si id non fecisset, sibi consilium capturos. Hoc timore adductum Gallonium Gadibus excessisse.
His cognitis rebus altera ex duabus legionibus, quae vernacula appellabatur, ex castris Varronis adstante et inspectante ipso signa sustulit seseque Hispalim recepit atque in foro et porticibus sine maleficio
consedit. Quod factum adeo eius conventus cives Romani comprobaverunt, ut domum ad se quisque
hospitio cupidissime reciperet. Quibus rebus perterritus Varro, cum itinere converso sese Italicam venturum praemisisset, certior ab suis factus est
praeclusas esse portas. Tum vero omni interclusus itinere ad Caesarem mittit, paratum se esse legionem, cui iusserit, tradere. Ille ad eum Sextum Caesarem
mittit atque huic tradi iubet. Tradita legione Varro Cordubam ad Caesarem venit; relatis ad eum publicis cum fide rationibus quod penes eum est pecuniae tradit et, quid ubique habeat frumenti et navium, ostendit.

21. Caesar contione habita Cordubae omnibus generatim gratias agit: civibus Romanis, quod oppidum in sua potestate studuissent habere; Hispanis, quod praesidia expulissent; Gaditanis, quod conatus adversariorum infregissent seseque in libertatem vindicassent; tribunis militum centurionibusque, qui eo praesidii causa venerant, quod eorum consilia sua virtute confirmassent. Pecunias, quas erant in publicum Varroni cives Romani polliciti, remittit; bona restituit iis, quos liberius locutos hanc poenam tulisse cognoverat. Tributis quibusdam publicis privatisque praemiis reliquos in posterum bona spe complet biduumque Cordubae commoratus Gades profiscitur; pecunias monumentaque, quae ex fano Herculis collata erant in privatam domum, referri in templum iubet. Provinciae Q. Cassium praeficit; huic III legiones attribuit. Ipse iis navibus, quas M. Varro quasque Gaditani iussu Varronis fecerant, Tarraconem paucis diebus pervenit. Ibi totius fere citerioris provinciae legationes Caesaris adventum expectabant. Eadem ratione privatim ac publice quibusdam civitatibus habitis honoribus Tarracone discedit pedibusque Narbonem atque inde Massiliam pervenit. Ibi legem de dictatore latam seseque dictatorem dictum a M. Lepido praetore cognoscit.

22. Massilienses omnibus defessi malis, rei frumentariae ad summam inopiam adducti, bis navali proelio superati, crebris eruptionibus fusi, gravi etiam pestilentia conflictati ex diutina conclusione et mutatione victus (panico enim vetere atque hordeo corrupto omnes alebantur, quod ad huiusmodi casus

antiquitus paratum in publicum contulerant) deiecta
turri, labefacta magna parte muri, auxiliis provin-
ciarum et exercituum desperatis, quos in Caesaris
potestatem venisse cognoverant, sese dedere sine
2 fraude constituunt. Sed paucis ante diebus L. Do-
mitius cognita Massiliensium voluntate navibus III
comparatis, ex quibus duas familiaribus suis attri-
buerat, unam ipse conscenderat, nactus turbidam
3 tempestatem profectus est. Hunc conspicatae naves,
quae missu Bruti consuetudine cotidiana ad portum
4 excubabant, sublatis ancoris sequi coeperunt. Ex
his unum ipsius navigium contendit et fugere per-
severavit auxilioque tempestatis ex conspectu abiit,
duo perterrita concursu nostrarum navium sese in
5 portum receperunt. Massilienses arma tormenta-
que ex oppido, ut est imperatum, proferunt, naves ex
portu navalibusque educunt, pecuniam ex publico
6 tradunt. Quibus rebus confectis Caesar magis eos
pro nomine et vetustate, quam pro meritis in se
civitatis conservans duas ibi legiones praesidio relin-
quit, ceteras in Italiam mittit; ipse ad urbem profi-
ciscitur.

23. Iisdem temporibus C. Curio in Africam pro-
fectus ex Sicilia et iam ab initio copias P. Attii Vari
despiciens duas legiones ex IIII, quas a Caesare ac-
ceperat, D equites transportabat biduoque et noctibus
tribus navigatione consumptis appellit ad eum locum,
2 qui appellatur Anquilaria. Hic locus abest a Clupeis
passuum XXII milia habetque non incommodam aestate
stationem et duobus eminentibus promuntoriis con-
3 tinetur. Huius adventum L. Caesar filius cum X

longis navibus ad Clupeam praestolans, quas naves³ Uticae ex praedonum bello subductas P. Attius reficiendas huius belli causa curaverat, veritus navium multitudinem ex alto refugerat appulsaque ad proximum litus trireme constrata et in litore relictas pedibus Adrumetum perfugerat. Id oppidum C. Considius⁴ Longus unius legionis praesidio tuebatur. Reliquae Caesaris naves eius fuga se Adrumetum receperunt. Hunc secutus Marcius Rufus quaestor navibus XII,⁵ quas praesidio onerariis navibus Curio ex Sicilia eduxerat, postquam in litore relictam navem conspexit, hanc remulco abstraxit; ipse ad Curionem cum classe redit.

24. Curio Marcium Uticam navibus praemittit; ipse eodem cum exercitu proficiscitur biduique iter progressus ad flumen Bagradam pervenit. Ibi C. Cani-²nium Rebilum legatum cum legionibus reliquit; ipse cum equitatu antecedit ad castra exploranda Corneliana, quod is locus peridoneus castris habebatur. Id autem est iugum directum eminens in mare,³ utraque ex parte praeruptum atque asperum, sed tamen paulo leniore fastigio ab ea parte, quae ad Uticam vergit. Abest directo itinere ab Utica paulo⁴ amplius passus mille. Sed hoc itinere est fons, quo mare succedit longius, lateque is locus restagnat; quem si qui vitare voluerit, sex milium circuitu in oppidum pervenit.

25. Hoc explorato loco Curio castra Vari conspicit muro oppidoque coniuncta ad portam, quae appellatur bellica, admodum munita natura loci, una ex parte ipso oppido Utica, altera a theatro, quod

est ante oppidum, substructionibus eius operis maximis, aditu ad castra difficili et angusto. Simul animadvertit multa undique portari atque agi plenissimis viis, quae repentini tumultus timore ex agris in urbem conferantur. Huc equitatum mittit, ut diriperet atque haberet loco praedae; eodemque tempore his rebus subsidio DC equites Numidae ex oppido peditesque cccc mittuntur a Varo, quos auxilii causa rex Iuba paucis diebus ante Uticam miserat. Huic et paternum hospitium cum Pompeio et simultas cum Curione intercedebat, quod tribunus plebis legem promulgaverat, qua lege regnum Iubae publicaverat. Concurrunt equites inter se; neque vero primum impetum nostrorum Numidae ferre potuerunt, sed interfectis circiter cxx reliqui se in castra ad oppidum receperunt. Interim adventu longarum navium Curio pronuntiare onerariis navibus iubet, quae stabant ad Uticam numero circiter cc, se in hostium habiturum loco, qui non e vestigio ad castra Cornelianae vela direxisset. Qua pronuntiatione facta temporis puncto sublatis ancoris omnes Uticam relinquunt et quo imperatum est transeunt. Quae res omnium rerum copia complevit exercitum.

26. His rebus gestis Curio se in castra ad Bagradam recipit atque universi exercitus conclamatione imperator appellatur posteroque die exercitum Uticam ducit et prope oppidum castra ponit. Non dum opere castrorum perfecto equites ex statione nuntiant magna auxilia equitum peditumque ab rege missa Uticam venire; eodemque tempore vis magna pulveris cernebatur, et vestigio t

agmen erat in conspectu. Novitate rei Curio per-³ motus praemittit equites, qui primum impetum sustineant ac morentur; ipse celeriter ab opere deductis legionibus aciem instruit. Equitesque committunt⁴ proelium et, priusquam plane legiones explicari et consistere possent, tota auxilia regis impedita ac perturbata, quod nullo ordine et sine timore iter fecerant, in fugam coniciunt equitatuque omni fere incolumi, quod se per litora celeriter in oppidum recepit, magnum peditum numerum interficiunt.

27. Proxima nocte centuriones Marsi duo ex castris Curionis cum manipularibus suis XXII ad Attium Varum perfugiunt. Hi, sive vere quam ha-² buerant opinionem ad eum perferunt, sive etiam auribus Vari serviunt (nam, quae volumus, et credimus libenter et, quae sentimus ipsi, reliquos sentire speramus), confirmant quidem certe totius exercitus animos alienos esse a Curione maximeque³ opus esse in conspectum exercitum venire et colloquendi dare facultatem. Qua opinione adductus⁴ Varus postero die mane legiones ex castris educit. Facit idem Curio, atque una valle non magna interiecta suas uterque copias instruit.

28. Erat in exercitu Vari Sextus Quintilius Varus, quem fuisse Corfinii supra demonstratum est. Hic dimissus a Caesare in Africam venerat, legionesque eas traduxerat Curio, quas superioribus temporibus Corfinio receperat Caesar, adeo ut paucis mutatis centurionibus iidem ordines manipuli-² que constarent. Hanc nactus appellationis causam Quintilius³ circumire aciem Curionis atque obsecrare mi-

lites coepit, ne primam sacramenti, quod apud Domitium atque apud se quaestorem dixissent, memoriam deponerent, neu contra eos arma ferrent, qui eadem essent usi fortuna eademque in obsidione perpassi, neu pro his pugnarent, a quibus *cum* contumelia perfugae appellarentur. Huc pauca ad spem largitionis addidit, quae ab sua liberalitate, si se atque Attium secuti essent, exspectare deberent. ⁴Hac habita oratione nullam in partem ab exercitu Curionis fit significatio, atque ita suas uterque copias reducit.

29. At in castris Curionis magnus omnium incessit timor. Is variis hominum sermonibus celeriter augetur. Unusquisque enim opiniones fingeat et ad id, quod ab alio audierat, sui aliquid timoris addebat. ²Hoc ubi uno auctore ad plures permanerat, atque alius alii tradiderat, plures auctores eius rei ³videbantur. Civile bellum; genus hominum, cui liceret libere facere et sequi, quod vellet; legiones eae, quae paulo ante apud adversarios fuerant (nam etiam Caesaris beneficium mutaverat *munerum* consuetudo, quae offerrentur); municipia etiam diversis partibus coniuncta (namque ex Marsis Pelignisque veniebant ii qui superiore nocte *profugerant*): haec in contuberniis commilites *querebantur*; nonnulli graviora *proferebant*; sermones militum dubii *darius* accipiebantur, nonnulli etiam ab iis, qui diligentiores videri volebant, fingeantur.

30. Quibus de causis consilio convocato ~~de~~ summa rerum deliberare incipit. *Erant* ~~santa~~ quae conandum omnibus modis e

oppugnanda censerent, quod *in* huiusmodi militum consiliis otium maxime contrarium esse arbitrarentur; postremo praestare dicebant per virtutem in pugna² belli fortunam experiri, quam desertos et circumventos ab suis gravissimum supplicium perpeti. Erant, qui censerent de tertia vigilia in castra Cornelia recedendum, ut maiore spatio temporis interiecto militum mentes sanarentur, simul, si quid gravius accidisset, magna multitudine navium et tutius et facilius in Siciliam receptus daretur.

31. Curio utrumque improbens consilium, quantum alteri sententiae deesset animi, tantum alteri superesse dicebat: hos turpissimae fugae rationem habere, illos etiam iniquo loco dimicandum putare. 'Qua enim', inquit, 'fiducia et opere et natura loci² munitissima castra expugnari posse confidimus? Aut vero quid proficimus, si accepto magno detrimento ab oppugnatione castrorum discedimus? Quasi non et felicitas rerum gestarum exercitus benevolentiam imperatoribus et res adversae odia colligant! Castro-⁴rum autem mutatio quid habet nisi turpem fugam et desperationem omnium et alienationem exercitus? Nam neque prudentes suspicari oportet sibi parum credi, neque improbos scire sese timeri, quod his licentiam timor augeat noster, illis studia deminuat.' 'Quod si iam', inquit, 'haec explorata habeamus,⁵ quae de exercitus alienatione dicuntur, quae quidem ego aut omnino falsa aut certe minora opinione esse confido, quanto haec dissimulari et occultari, quam per nos confirmari praestet? An non, uti corporis⁶ vulnera, ita exercitus incommoda sunt tegenda,

ne spem adversariis augeamus? At etiam, ut media nocte proficiscamur, addunt, quo maiorem, credo, licentiam habeant, qui peccare conentur. Namque huiusmodi res aut pudore aut metu tenentur; quibus rebus nox maxime adversaria est. Quare neque tanti sum animi, ut sine spe castra oppugnanda censeam, neque tanti timoris, uti spe deficiam, atque omnia prius experienda arbitror magnaue ex parte iam me una vobiscum de re iudicium facturum confido.'

32. Dimisso consilio contionem advocat militum. Commemorat, quo sit eorum usus studio ad Corfinium Caesar, ut magnam partem Italiae beneficio atque auctoritate eorum suam fecerit. 'Vos enim vestrumque factum omnia', inquit, 'deinceps municipia sunt secuta, neque sine causa et Caesar amicissime de vobis et illi gravissime iudicaverunt. Pompeius enim nullo proelio pulsus vestri facti praeiudicio demotus Italia excessit; Caesar me, quem sibi carissimum habuit, provinciam Siciliam atque Africam, sine quibus urbem atque Italiam tueri non potest, vestrae fidei commisit. Adsunt, qui vos hortentur, ut a nobis desciscatis. Quid enim est illis optatius, quam uno tempore et nos circumvenire et vos nefario scelere obstringere? aut quid irati gravius de vobis sentire possunt, quam ut eos prodatis, qui se vobis omnia debere iudicant, in eorum potestatem veniat, qui se per vos perisse existimant? An vero in Hispania res gestas Caesaris non audistis? duos pro exercitus, duos superatos duces, duas receptas provincias? haec acta diebus XL, quibus

spectum adversariorum venerit Caesar? An, qui⁶
incolumes resistere non potuerunt, perditum resistent?
vos autem incerta victoria Caesarem secuti diiudi-
cata iam belli fortuna victum sequamini, cum vestri
officii praemia percipere debeatis? Desertos enim⁷
se ac proditos a vobis dicunt et prioris sacramenti
mentionem faciunt. Vosne vero L. Domitium, an vos⁸
Domitius deseruit? Nonne extremam pati fortunam
paratos proiecit ille? nonne sibi clam vobis salutem
fuga petivit? nonne proditi per illum Caesaris bene-
ficio estis conservati? Sacramento quidem vos tenere⁹
qui potuit, cum proiectis fascibus et deposito im-
perio privatus et captus ipse in alienam venisset
potestatem? Relinquitur nova religio, ut eo neglecto
sacramento, quo tenemini, respiciatis illud, quod
deditione ducis et capitis deminutione sublatum est.
At, credo, si Caesarem probatis, in me offenditis.¹⁰
Qui de meis in vos meritis praedicaturus non sum,
quae sunt adhuc et mea voluntate et vestra expec-
tatione leviora; sed tamen sui laboris milites semper
eventu belli praemia petiverunt, qui qualis sit fu-
turus, ne vos quidem dubitatis: diligentiam quidem¹¹
nostram aut, quem ad finem adhuc res processit,
fortunam cur praeteream? An poenitet vos, quod¹²
salvum atque incolumem exercitum nulla omnino
nave desiderata traduxerim? quod classem hostium
primo impetu adveniens profligaverim? quod bis
per biduum equestri proelio superaverim? quod ex
portu sinu ----- im CC naves oneratas ad-
duxe-
ut neque pedestri
iuvare possint? Hac¹³

vos fortuna atque his ducibus repudiatis Corfinien-
sem ignominiam, Italiae fugam, an Hispaniarum de-
14 ditionem Africi belli praeiudicia sequemini? Equi-
dem me Caesaris militem dici volui, vos me impe-
ratoris nomine appellavistis. Cuius si vos poenitet,
vestrum vobis beneficium remitto, mihi meum nomen
restituite, ne ad contumeliam honorem dedisse vi-
deamini.'

33. Qua oratione permoti milites crebro etiam
dicentem interpellabant, ut magno cum dolore in-
2 fidelitatis suspicionem sustinere viderentur, disce-
dentem vero ex contione universi cohortantur, magno
sit animo, necubi dubitet proelium committere et
3 suam fidem virtutemque experiri. Quo facto com-
mutata omnium et voluntate et opinione consensu
summo constituit Curio, cum primum sit data po-
4 testas, proelio rem committere posteroque die pro-
ductos eodem loco, quo superioribus diebus con-
5 stiterat, in acie collocat. Ne Varus quidem Attius
dubitat copias producere, sive sollicitandi milites sive
aequo loco dimicandi detur occasio, ne facultatem
praetermittat.

34. Erat vallis inter duas acies, ut supra de-
monstratum est, non ita magna, at difficili et arduo
ascensu. Hanc uterque, si adversariorum copiae trans-
ire conarentur, exspectabat, quo aequiore loco
2 lium committeret. Simul ab sinistro cornu
equitatus omnis et una levis armaturae
complures, cum se in vallem demit-
3 bantur. Ad eos Curio equitatum
cinorum cohortes mittit; quorum

equites hostium non tulerunt, sed admissis equis ad suos refugerunt; relictis ab his, qui una procurrerant levis armaturae, circumveniebantur atque interficiebantur ab nostris. Huc tota Vari conversa acies suos fugere et concidi videbat. Tunc Rebilus, legatus Caesaris, quem Curio secum ex Sicilia duxerat, quod magnum habere usum in re militari sciebat, 'perterritum', inquit, 'hostem vides, Curio: quid dubitas uti temporis opportunitate?' Ille unum elocutus,⁵ ut memoria tenerent milites ea, quae pridie sibi confirmassent, sequi sese iubet et praecurrit ante omnes. Adeo erat impedita vallis, ut in ascensu nisi sublevati a suis primi non facile eniterentur. Sed⁶ praeoccupatus animus Attianorum militum timore et fuga et caede suorum nihil de resistendo cogitabat, omnesque se iam ab equitatu circumveniri arbitrabantur. Itaque priusquam telum abici posset, aut nostri propius accederent, omnis Vari acies terga vertit seque in castra recepit.

35. Qua in fuga Fabius Pelignus quidam ex infimis ordinibus de exercitu Curionis primum agmen fugientium consecutus magna voce Varum nomine appellans requirebat, uti unus esse ex eius militibus et monere aliquid velle ac dicere videretur. Ubi ille, saepius appellatus aspexit ac restitit et, quis esset aut quid vellet, quaesivit, umerum apertum gladio appetit, periculumque afuit, quin Varum interficeret;

lato ad eius conatum scuto

militibus circumventus
multitudine ac turba
atque iter impeditur,

pluresque in eo loco sine vulnere quam in proelio
aut fuga intereunt, neque multum afuit, quin etiam
castris expellerentur, ac nonnulli protinus eodem
cursu in oppidum contenderunt. Sed cum loci natura
tum munitio castrorum adiri tunc prohibebat, quod
ad proelium egressi Curionis milites iis rebus indige-
bant, quae ad oppugnationem castrorum erant usui.
Itaque Curio exercitum in castra reducit suis omni-
bus praeter Fabium incolumibus, ex numero adver-
sarium circiter DC interfectis ac *multo pluribus*
vulneratis; qui omnes discessu Curionis multique
praeterea per simulationem vulnerum ex castris in
oppidum propter timorem sese recipiunt. Qua re
animadversa Varus et terrore exercitus cognito buci-
natore in castris et paucis ad speciem tabernaculis
relictis de tertia vigilia silentio exercitum in oppidum
reducit.

36. Postero die Curio obsidere Uticam et vallo
circummunire instituit. Erat in oppido multitudo
insolens belli diuturnitate otii, Uticenses pro quibus-
dam Caesaris in se beneficiis illi amicissimi, con-
ventus is, qui ex variis generibus constaret, terror
ex superioribus proeliis magnus. Itaque de deditione
omnes palam loquebantur et cum P. Attio agebant,
ne sua pertinacia omnium fortunas perturbari vellet.
Haec cum agerentur, nuntii praemissi ab rege Iuba
venerunt, qui illum adesse cum magnis copiis dice-
rent et de custodia ac defensione urbis hoc
Quae res eorum perterritos animos con-

37. Nuntiabantur haec eadem Cu-
quamdiu fides fieri non poterat.

suarum rerum fiduciam. Iamque Caesaris in Hispania² res secundae in Africam nuntiis ac litteris perferebantur. Quibus omnibus rebus sublatus nihil contra se regem nisurum existimabat. Sed ubi certis auctoribus comperit minus v et xx milibus longe ab Utica eius copias abesse, relictis munitionibus sese in castra Cornelia recepit. Huc frumentum comportare, castra munire, materiam conferre coepit statimque in Siciliam misit, uti duae legiones reliquosque equitatus ad se mitteretur. Castra erant ad bellum⁴ ducendum aptissima natura loci et munitione et maris propinquitate et aquae et salis copia, cuius magna vis iam ex proximis erat salinis eo congesta. Non materia multitudine arborum, non frumentum,⁶ cuius erant plenissimi agri, deficere poterat. Itaque omnium suorum consensu Curio reliquas copias expectare et bellum ducere parabat.

38. His constitutis rebus probatisque consiliis ex perfugis quibusdam oppidanis audit Iubam revocatum finitimo bello et controversiis Leptitanorum restitisse in regno, Saburram, eius praefectum, cum mediocribus copiis missum Uticae appropinquare. His auctoribus temere credens consilium commutat² et proelio rem committere constituit. Multum ad hanc rem probandam adiuvat adulescentia, magnitudo animi, superioris temporis proventus, fiducia rei bene gerendae. His rebus impulsus equitatum³ ~~omnem prima nocte~~ ad castra hostium mittit ad
 bus praeerat Saburra, de quo
 ex omnibus copiis insequen-
 in intervallo a Saburra

⁴consederat. Equites missi nocte iter conficiunt, imprudentes atque inopinantes hostes aggrediuntur. Numidae enim quadam barbara consuetudine nullis
⁵ordinibus passim consederant. Hos oppressos somno et dispersos adorti magnum eorum numerum interficiunt; multi perterriti profugiunt. Quo facto ad Curionem equites revertuntur captivosque ad eum reducunt.

39. Curio cum omnibus copiis quarta vigilia
²exierat cohortibus v castris praesidio relictis. Progressus milia passuum vi equites convenit, rem gestam cognovit; e captivis quaerit, quis castris ad
³Bagradam praesit: respondent Saburram. Reliqua studio itineris conficiendi quaerere praetermittit proximaeque respiciens signa, 'videtisne', inquit, 'milites, captivorum orationem cum perfugis convenire? abesse regem, exiguas esse copias missas, quae paucis equitibus pares esse non potuerint? Proinde ad praedam, ad gloriam properate, ut iam de praemiis vestris et de referenda gratia cogitare incipiamus.'
⁴Erant per se magna, quae gesserant equites, praesertim cum eorum exiguus numerus cum tanta multitudine Numidarum conferretur. Haec tamen ab ipsis inflatius commemorabantur, ut de suis homines
⁵laudibus libenter praedicant. Multa praeterea spolia praeferebantur, capti homines equique producebantur, ut, quicquid intercederet temporis, hoc omne victoriam morari videretur. Ita spei Curionis
⁶studia non deerant. Equites sequi iubet iterque accelerat, ut quam maxime ex fuga peritos adoriri posset. At illi itinere totius noctis

fecti subsequi non poterant, atque alii alio loco resistebant. Ne haec quidem Curionem ad spem morabantur.

40. Iuba certior factus a Saburra de nocturno proelio II milia Hispanorum et Gallorum equitum, quos suae custodiae causa circum se habere consue- rat, et peditum eam partem, cui maxime confidebat, Saburrae submisit; ipse cum reliquis copiis elephan- tisque LX lentius subsequitur. Suspiscatus praemissis² equitibus ipsum affore Curionem Saburra copias equitum peditumque instruit atque his imperat, ut simulatione timoris paulatim cedant ac pedem refe- rant: sese, cum opus esset, signum proelii daturum et, quod rem postulare cognovisset, imperaturum. Curio ad superiorem spem addita praesentis temporis³ opinione, hostes fugere arbitratus copias ex locis superioribus in campum deducit.

41. Quibus ex locis cum longius esset progres- sus, confecto iam labore exercitu XVI milium spatio constitit. Dat suis signum Saburra, aciem constituit² et circumire ordines atque hortari incipit; sed pedi- tatu dumtaxat procul ad speciem utitur, equites in aciem mittit. Non deest negotio Curio suosque hor-³ tatur, ut spem omnem in virtute reponant. Ne mi- litibus quidem ut defessis neque equitibus ut paucis et labore confectis studium ad pugnandum virtusque deerat; sed hi erant numero CC, reliqui in itinere substituerant. Hi, quamcumque in partem impetum⁴ ~~ferant~~ hostes loco cedere coge- bant, sed neque
prosequi nec vehementius equos
mitatus hostium ab utroque⁵

cornu circuire aciem nostram et aversos 'proterere
6 incipit. Cum cohortes ex acie procucurrissent, Numidae integri celeritate impetum nostrorum effugiebant rursusque ad ordines suos se recipientes circuibant et ab acie excludebant. Sic neque in loco manere ordinesque servare neque procurrere et casum
7 subire tutum videbatur. Hostium copiae submissis ab rege auxiliis crebro augebantur; nostros vires lassitudine deficiebant, simul ii, qui vulnera acceperant, neque acie excedere neque in locum tutum referri poterant, quod tota acies equitatu hostium
8 circumdata tenebatur. Hi de sua salute desperantes, ut extremo vitae tempore homines facere consuerunt, aut suam mortem miserabantur aut parentes suos commendabant, si quos ex eo periculo fortuna servare potuisset. Plena erant omnia timoris et luctus.

42. Curio, ubi perterritis omnibus neque cohortationes suas neque preces audiri intellegit, unam ut in miseris rebus spem reliquam salutis esse arbitratus, proximos colles capere universos atque eo
2 signa inferri iubet. Hos quoque praeoccupat missus a Saburra equitatus. Tum vero ad summam desperationem nostri perveniunt et partim fugientes ab equitatu interficiuntur, partim integri procumbunt.
3 Hortatur Curionem Cn. Domitius, praefectus equitum, cum paucis equitibus circum sistens, ut fuga salutem petat atque in castra contendat, et se ab
4 eo non discessurum pollicetur. At Curio numquam se amisso exercitu, quem a Caesare fidei commissum acceperit, in eius conspectum reversurum confirmat
5 atque ita proelians interficitur. Equites ex proelio

perpauci se recipiunt; sed ii, quos ad novissimum agmen equorum reficiendorum causa substituisse demonstratum est, fuga totius exercitus procul animadversa sese incolumes in castra conferunt. Milites ad unum omnes interficiuntur.

43. His rebus cognitis Marcius Rufus quaestor in castris relictus a Curione cohortatur suos, ne animo deficient. Illi orant atque obsecrant, ut in Siciliam navibus reportentur. Pollicetur magistrisque imperat navium, ut primo vespere omnes scaphas ad litus appulas habeant. Sed tantus fuit omnium terror, ut alii adesse copias Iubae dicerent, alii cum legionibus instare Varum iamque se pulverem venientium cernere, quarum rerum nihil omnino acciderat, alii classem hostium celeriter advolaturam suspicarentur. Itaque perterritis omnibus sibi quisque consulebat. Qui in classe erant, proficisci properabant. Horum fuga navium onerariarum magistros incitabat; pauci lenunculi ad officium imperiumque conveniebant. Sed tanta erat completis litoribus contentio, qui potissimum ex magno numero conscenderent, ut multitudine atque onere nonnulli deprimerentur, reliqui hoc timore propius adire tardarentur.

44. Quibus rebus accidit, ut pauci milites patresque familiae, qui aut gratia aut misericordia valerent aut naves adnare possent, recepti in Siciliam incolumes pervenirent. Reliquae copiae missis ad Varum noctu legatorum numero centurionibus sese ei dediderunt. Quarum cohortium milites postero die ante oppidum Iuba conspicatus suam esse praedicans praedam magnam partem eorum interfici iussit,

paucos electos in regnum remisit, cum Varus suam fidem ab eo laedi quereretur neque resistere auderet.

^s Ipse equo in oppidum vectus prosequentibus compluribus senatoribus, quo in numero erat Ser. Sulpicius et Licinius Damasippus [paucis diebus], quæ fieri vellet, Uticae constituit atque imperavit diebusque post paucis se in regnum cum omnibus copiis recepit.

C. IULII CAESARIS
DE BELLO CIVILI
LIBER TERTIUS.

ARGUMENTUM.

[A. U. C. 706.] Caesar constitutis rebus urbanis dictatura se abdicat et consul creatus Brundisium abit c. 1. 2. iam Pompeium ipsum, qui ex Graecia, insulis, omni denique Oriente copias classesque collegerat c. 3—5, aggressurus. Exercitus partem traicit c. 6. 7; navium remissarum aliquot a Bibulo interceptiuntur c. 8. M. Octavius, Pompei legatus, Salonas incassum oppugnat c. 9. Caesar misso ad Pompeium Vibullio Rufo pacem temptat c. 10; a quo cum edoctus esset Pompeius de adventu Caesaris, Apolloniam petere coepit; at Caesar Orico et Apollonia potitur finitimisque receptis civitatibus ad Apsium flumen castra ponit; alteram ripam Pompeius occupat c. 11—13. Bibulus, quocum Libo classem coniunxit, mari portibusque Caesarem, hic illos terra prohibet. Aquae inopia pressi indutias a Caesare postulant c. 14. 15, nec tamen impetrant, quippe qui non pacem sed levandam inopiam cogitarent c. 16. 17. Bibulus moritur c. 18. Castra castris cum ad flumen Apsium collata essent, iterum de compositione agitur, nec meliori eventu c. 19. Moti erant in urbe tumultus a Caelio et Milone; sedantur utriusque morte c. 21. 22. Libo aliquamdiu Brundisium portum obsidet; aquari prohibitus discedit c. 23. 24. Tandem Antonius et Calenus exercitus partem, quae in Italia relicta erat, trans-

mittunt; eodem tempore pars classis Pompeianae tempestate deletur c. 25—27. Duae Caesarianae naves, quae cursum non tenuerant, ab Otacilio Crasso, Pompei praefecto, capiuntur; qui se dediderunt milites, per fidem trucidantur, reliqui strenue se defendentes ad suos se receperunt c. 28. Antonii et Caesaris exercitus iunguntur; quod cum frustra impedire conatus esset, Pompeius ad Asparagium in agro Dyrrhachinorum castra ponit c. 29. 30. Quae dum fiunt Scipio in Syria quas potest pecunias exigit, exercitum largitionibus et rapinis provinciae in officio continet. Dianae Ephesiae pecunias direpturus litteris Pompei cum exercitu in Macedoniam avocatur c. 31—33. Caesar Cassium in Thes-saliam, Calvisium in Aetoliam, Domitium in Macedoniam mittit c. 34. 35. Scipio Macedoniam ingressus male rem gerit contra Domitium c. 36—38. Pompei filius, classi Aegyptiae praefectus, Oricum et Lissum temptat c. 39. 40. Cum Caesar castra Pompei munitionibus ingentis magnitudinis circum-cluderet, annona quidem ipsius exercitus laborabat, gravius tamen Pompeiani aquae inopia affligebantur fluminibus et rivis, unde aquari possent, a Caesare aversis c. 41—49. Pompeiani castella Caesaris aggressi repelluntur c. 50—54. Aetolia, Acarnania, Amphilochois per Cassium et Calvisium receptis aliisque per Calenum conciliatis civitatibus, denuo ad Scipionem de compositione legatus mittitur; infecta re ad Caesarem redit c. 55—57. Pompeius pabuli inopia pre-mittitur; ab transfugis Allobrogibus de Caesaris munitionum condicione edoctus terra marique munitiones in litore po-sitas aggreditur easque expugnat c. 58—64. Quem ubi Caesar munitiones egressum atque obsidione liberatum vidit, alia castra in ipso litore iuxta Pompeium muniri iussit c. 65. Iam mutata fortuna Caesar castellum a Pompeianis occu-patum aggressus gravi clade repellitur c. 66—70. Pompeius imperator appellatur, captivi a Labieno trucidari iubentur c. 71. Quibus rebus cum Pompeianis animus augeretur c. 72, Caesar, ne suis minueretur, apud milites contionatur c. 73; locis excedere tutius ratus in Thessaliam iter facit; apud Aeginium Domitium obvium habet, qui aegre Pompei exer-

citum effugerat c. 74—79. Gomphis et Metropoli occupatis reliqua Thessaliae oppida praeter Larissam Caesari se dederunt c. 80. 81. Subsequitur Pompeius, Scipionis exercitum sibi adiungit; tamquam victoria iam reportata in castris Pompei de belli praemiis agitur c. 82. 83. Data denique pugnandi facultate Caesar Pompeium ad Pharsalum superat, castris potitur, adversariorum partem in deditionem accipit c. 84—99. Quae dum fiunt, Laelius portum Brundisinum obsidet, Cassius partem classis Caesarianae, quae apud Siciliam constiterat, incendit c. 100. 101. Pompeius qui castris a Caesare expugnatis aegre effugerat, primum Mitylenen, inde Ciliciam, Cyprum, Syriam adit, denique Aegyptum confugit; ibi hospitio exceptus ab Achilla, regio praefecto, et Septimio, tribuno militum, interficitur c. 102—104. Caesar Pompeium in Asiam insecutus, pecunias Ephesias servat. Narrantur prodigia, quae pugnae Pharsalicae eventum portenderint c. 105. Cum Alexandriam venisset et regis et sororis Cleopatrae controversias esset compositurus, tumultus ab Achilla excitatur. Caesar rege potitur c. 106—109. Pugnatur ad portum, naves a Caesare incenduntur c. 110. 111. Pharum insulam expugnat, regiam munitionibus firmat. Arsinoe, Ptolemaei filia minor, regno potitura ad Achillam confugit c. 112. Haec initia belli Alexandrini.

1. Dictatore habente comitia Caesare consules creantur Iulius Caesar et P. Servilius: is enim erat annus, quo per leges ei consullem fieri liceret. His rebus confectis, cum fides tota Italia esset angustior neque creditae pecuniae solverentur, constituit, ut arbitri darentur; per eos fierent aestimationes possessionum et rerum, quanti quaeque earum ante bellum fuisset, atque hae creditoribus traderentur. Hoc et ad timorem novarum tabularum tollendum minuendumque, qui fere bella et civiles dissensiones sequi consuevit, et ad debitorum tuendam existima-

⁴tionem esse aptissimum existimavit. Itemque praetoribus tribunisque plebis rogationes ad populum ferentibus nonnullos ambitus Pompeia lege damnatos illis temporibus, quibus in urbe praesidia legionum Pompeius habuerat, quae iudicia aliis audientibus iudicibus, aliis sententiam ferentibus singulis diebus ⁵erant perfecta, in integrum restituit, qui se illi initio civilis belli obtulerant, si sua opera in bello uti vellet, proinde aestimans, ac si usus esset, quoniam ⁶sui fecissent potestatem. Statuerat enim prius hos iudicio populi debere restitui, quam suo beneficio videri receptos, ne aut ingratus in referenda gratia aut arrogans in praecripiendo populi beneficio videretur.

2. His rebus et feriis Latinis comitiisque omnibus perficiendis XI dies tribuit dictaturaque se abdicat et ab urbe proficiscitur Brundisiumque pervenit. Eo legiones XII, equitatum omnem venire iusserat. ²Sed tantum navium repperit, ut anguste vix VII illarum legionum, DC equites transportare possent. Hoc unum [inopia navium] Caesari ad celeritatem ³conficiendi belli defuit. Atque hae ipsae copiae hoc infrequentiores imponuntur, quod multi Gallicis tot bellis defecerant, longumque iter ex Hispania magnum numerum deminuerat, et gravis autumnus in Apulia circumque Brundisium ex saluberrimis Galliae et Hispaniae regionibus omnem exercitum valetudine temptaverat.

3. Pompeius annum spatium ad comparandas copias nactus, quod vacuum a bello atque ab hoste otiosum fuerat, magnam ex Asia Cycladibusque insulis,

Corcyrā, Athenis, Ponto, Bithynia, Syria, Cilicia, Phoenice, Aegypto classem coëgerat, magnam omnibus locis aedificandam curaverat; magnam imperatam² Asiae, Syriae regibusque omnibus et dynastis et tetrarchis et liberis Achaiae populis pecuniam exegerat, magnam societates earum provinciarum, quas ipse obtinebat, sibi numerare coëgerat.

4. Legiones effecerat civium Romanorum VIII: v ex Italia, quas traduxerat; unam ex Cilicia veteranam, quam factam ex duabus gemellam appellabat; unam ex Creta et Macedonia ex veteranis militibus, qui dimissi a superioribus imperatoribus in his provinciis consederant; duas ex Asia, quas Lentulus consul conscribendas curaverat. Praeterea magnum³ numerum ex Thessalia, Boeotia, Achaia Epiroque supplementi nomine in legiones distribuerat: his Antonianos milites admiscuerat. Praeter has ex-³spectabat cum Scipione ex Syria legiones II. Sagittarios Creta, Lacedaemone, ex Ponto atque Syria reliquisque civitatibus III milia numero habebat, funditorum cohortes sescenarias II, equitum VII milia. Ex quibus DC Gallos Deiotarus adduxerat, D Ariobarzanes ex Cappadocia; ad eundem numerum Cotys ex Thracia dederat et Sadalam filium miserat; ex Macedonia CC erant, quibus Rhascypolis praeerat,⁴ excellenti virtute; D ex Gabinianis Alexandria, Gallos Germanosque, quos ibi A. Gabinius praesidii causa apud regem Ptolemaeum reliquerat, Pompeius filius cum classe adduxerat; DCCC ex servis suis pastorumque suorum *numero* coëgerat; CCC Tarcondarius⁵ Castor et Domnilaus ex Gallograecia dederant (horum

alter una venerat, alter filium miserat); CC ex Syria a Commageno Antiocho, cui magna Pompeius praemia tribuit, missi erant, in his plerique hippotoxotae.
⁶ Huc Dardanos, Bessos partim mercenarios, partim imperio aut gratia comparatos, item Macedones, Thessalos ac reliquarum gentium et civitatum adiecerat atque eum, quem supra demonstravimus, numerum expleverat.

5. Frumenti vim maximam ex Thessalia, Asia, Aegypto, Creta, Cyrenis reliquisque regionibus com² paraverat. Hiemare Dyrrhachii, Apolloniae omnibusque oppidis maritimis constituerat, ut mare transire Caesarem prohiberet, eiusque rei causa omni ora³ maritima classem disposuerat. Praeerat Aegyptiis navibus Pompeius filius, Asiaticis D. Laelius et C. Triarius, Syriacis C. Cassius, Rhodiis C. Marcellus cum C. Coponio, Liburnicae atque Achaicae classi Scri⁴ bonius Libo et M. Octavius. Toti tamen officio maritimo M. Bibulus praepositus cuncta administrabat; ad hunc summa imperii respiciebat.

6. Caesar, ut Brundisium venit, contionatus apud milites, quoniam prope ad finem laborum ac periculorum esset perventum, aequo animo mancipia atque impedimenta in Italia relinquerent, ipsi expediti naves conscenderent, quo maior numerus militum posset imponi, omniaque ex victoria et ex² sua liberalitate sperarent, conclamantibus omnibus, imperaret, quod vellet, quodcumque imperavisset, se aequo animo esse facturos, II. Non. Ian. naves³ solvit. Impositae, ut supra demonstratum est, legiones VII Postridie terram attigit. Inter Cerau-

niorum saxa et alia loca periculosa quietam nactus stationem et portus omnes timens, quod teneri ab adversariis arbitrabatur, ad eum locum, qui appellabatur Palaeste, omnibus navibus ad unam incolumibus milites exposuit.

7. Erat Orici Lucretius Vespillo et Minucius Rufus cum Asiaticis navibus XVIII, quibus iussu D. Laelii praeerant, M. Bibulus cum navibus CX Corcyrae. Sed neque illi sibi confisi ex portu prodire sunt ausi, cum Caesar omnino XII naves longas praesidio duxisset, in quibus erant constratae IIII, neque Bibulus impeditis navibus dispersisque remigibus satis mature occurrit, quod prius ad continentem visus est Caesar, quam de eius adventu fama omnino in eas regiones perferretur.

8. Expositis militibus naves eadem nocte Brundisium a Caesare remittuntur, ut reliquae legiones equitatusque transportari possent. Huic officio praepositus erat Fufius Calenus legatus, qui celeritatem in transportandis legionibus adhiberet. Sed serius a terra provectae naves neque usae nocturna aura in redeundo offenderunt. Bibulus enim Corcyrae certior factus de adventu Caesaris, sperans alicui se parti onustarum navium occurrere posse, inanibus occurrit et nactus circiter XXX in eas indiligentiae suae ac doloris iracundiam erupit omnesque incendit eodemque igne nautas dominosque navium interfecit, magnitudine poenae reliquos terreri sperans. Hoc confecto negotio a Sasonis ad Curici portum stationes litoraue omnia longe lateque classibus occupavit custodiisque diligentius dispositis ipse gravissima

hieme in navibus excubans neque ullum laborem aut munus despiciens, ne quod subsidium expectanti Caesari in conspectum venire posset

9. Discessu Liburnarum ex Illyrico M. Octavius cum iis, quas habebat, navibus Salonas pervenit. Ibi concitatis Dalmatis reliquisque barbaris Issam
2 a Caesaris amicitia avertit; conventum Salonis cum neque pollicitationibus neque denuntiatione periculi permovere posset, oppidum oppugnare instituit. Est autem oppidum et loci natura et colle munitum.
3 Sed celeriter cives Romani ligneis effectis turribus his sese munierunt et, cum essent infirmi ad resistendum propter paucitatem hominum crebris confecti vulneribus, ad extremum auxilium descenderunt servosque omnes puberes liberaverunt et praeseclis
4 omnium mulierum crinibus tormenta effecerunt. Quorum cognita sententia Octavius quinque castris oppidum circumdedit atque uno tempore obsidione et
5 oppugnationibus eos premere coepit. Illi omnia perpeti parati maxime a re frumentaria laborabant. Quare missis ad Caesarem legatis auxilium ab eo petebant; reliqua, ut poterant, incommoda per se
6 sustinebant. Et longo interposito spatio cum diuturnitas oppugnationis neglegentiores Octavianos effecisset, nacti occasionem meridiani temporis discessu eorum pueris mulieribusque in muro dispositis, ne quid cotidianae consuetudinis desideraretur, ipsi manu facta cum iis, quos nuper maxime liberaverant,
7 in proxima Octavii castra irruperunt. His expugnatis eodem impetu altera sunt adorti, inde tertia et quarta et deinceps reliqua omnibus

expulerunt et magno numero interfecto reliquos atque ipsum Octavium in naves confugere coëgerunt. [Hic fuit oppugnationis exitus.] Iamque hiems ap-⁸ propinquabat, et tantis detrimentis receptis Octavius desperata oppugnatione oppidi Dyrrhachium sese ad Pompeium recepit.

10. Demonstravimus L. Vibullium Rufum, Pompei praefectum, bis in potestatem pervenisse Caesaris atque ab eo esse dimissum, semel ad Corfinium, iterum in Hispania. Hunc pro suis beneficiis Caesar² idoneum iudicaverat, quem cum mandatis ad Cn. Pompeium mitteret, eundemque apud Cn. Pompeium auctoritatem habere intellegebat. Erat autem haec³ summa mandatorum: debere utrumque pertinaciae finem facere et ab armis discedere neque amplius fortunam periclitari. Satis esse magna utrimque in-⁴ commoda accepta, quae pro disciplina et praeceptis habere possent, ut reliquos casus timerent: illum⁵ Italia expulsum amissa Sicilia et Sardinia duabusque Hispaniis et cohortibus in Italia atque Hispania civium Romanorum centum atque xxx; se morte Curionis et detrimento Africani exercitus tanto militumque deditione ad Curictam. Proinde sibi ac rei publicae parcerent, cum, quantum in bello fortuna posset, iam ipsi incommodis suis satis essent documento. Hoc unum esse tempus de pace agendi, dum⁷ sibi uterque confideret et pares ambo viderentur; si vero alteri paulum modo tribuisset fortuna, non esse usurum condicionibus pacis eum, qui superior videretur, neque fore aequa parte contentum, qui se omnia habiturum confideret. Condiciones pacis,⁸

quoniam antea convenire non potuissent, Romae ab
9 senatu et a populo peti debere. Interea e republica
esse et ipsis placere oportere, si uterque in contione
statim iuravisset se triduo proximo exercitum di-
missurum. Depositis armis auxiliisque, quibus nunc
confiderent, necessario populi senatusque iudicio fore
10 utrumque contentum. Haec quo facilius Pompeio
probari possent, omnes suas terrestres ubique copias
dimissurum

11. Vibullius his expositis [Corcyrae] non minus
necessarium esse existimavit de repentino adventu
Caesaris Pompeium fieri certiore, uti ad id con-
siliu[m] capere posset, antequam de mandatis agi in-
ciperetur, atque ideo continuato nocte ac die itinere
atque [omnibus copiis] mutatis ad celeritatem iumen-
tis ad Pompeium contendit, ut adesse Caesarem
2 nuntiaret. Pompeius erat eo tempore in Candavia
iterque ex Macedonia in hiberna Apolloniam Dyr-
rhachiumque habebat. Sed re nova perturbatus
maioribus itineribus Apolloniam petere coepit, ne
3 Caesar orae maritimae civitates occuparet. At ille
expositis militibus eodem die Oricum profiscitur.
Quo cum venisset, L. Torquatus, qui iussu Pompei
oppido praeerat praesidiumque ibi Parthinorum ha-
bebat, conatus portis clausis oppidum defendere, cum
4 Graecos murum ascendere atque arma capere iu-
beret, illi autem se contra imperium populi Romani
pugnatu[m] esse negarent, oppidani autem etiam sua
sponte Caesarem recipere conarentur, desperatis
omnibus auxiliis portas aperuit et se atque op-

pidum Caesari dedit incolumisque ab eo conservatus est.

12. Recepto Caesar Orico nulla interposita mora Apolloniam proficiscitur. Cuius adventu audito L. Staberius, qui ibi praeerat, aquam comportare in arcem atque eam munire obsidesque ab Apolloniatibus exigere coepit. Illi vero daturos se negare, neque portas consuli praeclusuros, neque sibi iudicium sumpturos contra atque omnis Italia populusque Romanus iudicavisset. Quorum cognita voluntate clam profugit Apollonia Staberius. Illi ad Caesarem legatos mittunt oppidoque recipiunt. Hos sequuntur Bullidenses, Amantini et reliquae finitimae civitates totaque Epiros et legatis ad Caesarem missis, quae imperaret, facturos pollicentur.

13. At Pompeius cognitis his rebus, quae erant Orici atque Apolloniae gestae, Dyrrhachio timens diurnis eo nocturnisque itineribus contendit. Simul Caesar appropinquare dicebatur, tantusque terror incidit eius exercitui, quod properans noctem diei coniunxerat neque iter intermiserat, ut paene omnes ex Epiro finitimisque regionibus signa relinquerent, complures arma proicerent ac fugae simile iter videretur. Sed cum prope Dyrrhachium Pompeius constitisset castraque metari iussisset, perterriti etiam tum exercitu princeps Labienus procedit iuraturque se eum non deserturum eundemque casum subiturum, quemcumque ei fortuna tribuisset. Hoc idem reliqui iurant legati; tribuni militum centurionesque sequuntur, atque idem omnis exercitus iurat. Caesar praeoccupato itinere ad Dyrrhachium finem

properandi facit castraque ad flumen Apsum ponit in finibus Apolloniatum, ut castellis vigiliisque bene meritae civitates tutae essent [praesidio], ibique reliquarum ex Italia legionum adventum exspectare et sub pellibus hiemare constituit. Hoc idem Pompeius fecit et trans flumen Apsum positis castris eo copias omnes auxiliaque conduxit.

14. Calenus legionibus equitibusque Brundisii in naves impositis, ut erat praeceptum a Caesare, quantum navium facultatem habebat, naves solvit paulumque a portu progressus litteras a Caesare accipit, quibus est certior factus portus litoraque omnia classibus adversariorum teneri. Quo cognito se in portum recipit navesque omnes revocat. Una ex his, quae perseveravit neque imperio Caleni obtemperavit, quod erat sine militibus privatoque consilio administrabatur, delata Oricum atque a Bibulo expugnata est; qui de servis liberisque omnibus ad impuberes supplicium sumit et ad unum interficit. Ita exiguo tempore magnoque casu totius exercitus salus constitit.

15. Bibulus, ut supra demonstratum est, erat cum classe ad Oricum et, sicuti mari portibusque Caesarem prohibebat, ita ipse omni terra earum regionum prohibebatur; praesidiis enim dispositis omnia litora a Caesare tenebantur, neque lignandi atque aquandi neque naves ad terram religandi potestas fiebat. Erat res in magna difficultate, summisque angustiis rerum necessariarum premebantur, adeo ut cogerentur sicuti reliquum commeatum ita ligna atque aquam Corcyra navibus onerariis sup-

portare; atque etiam uno tempore accidit, ut difficilioribus usi tempestatibus ex pellibus, quibus erant tectae naves, nocturnum excipere rorem cogerentur; quas tamen difficultates patienter atque aequo animo ferebant neque sibi nudanda litora et relinquendos portus existimabant. Sed cum essent in quibus demonstravi angustias, ac se Libo cum Bibulo coniunxisset, loquuntur ambo ex navibus cum M'. Acilio et Statio Murco legatis; quorum alter oppidi muris, alter praesidiis terrestribus praeerat: velle se de maximis rebus cum Caesare loqui, si facultas detur. Huc addunt pauca rei confirmandae causa, ut de compositione acturi viderentur. Interim postulant ut sint indutiae, atque ab iis impetrant. Magnum enim, quod afferebant, videbatur, et Caesarem id summe sciebant cupere, et profectum aliquid Vibullii mandatis existimabatur.

16. Caesar eo tempore cum legione una profectus ad recipiendas ultiores civitates et rem frumentariam expediendam, qua anguste utebatur, erat ad Buthrotum, oppositum Corcyrae. Ibi certior ab Acilio et Murco per litteras factus de postulatis Libonis et Bibuli legionem relinquit; ipse Oricum revertitur. Eo cum venisset, evocantur illi ad colloquium. Prodit Libo atque excusat Bibulum, quod is iracundia summa erat inimicitiasque habebat etiam privatas cum Caesare ex aedilitate et praetura conceptas: ob eam causam colloquium vitasse, ne res maximae spei maximaeque utilitatis eius iracundia impedirentur. Eis summam esse ac fuisse semper voluntatem, ut componeretur atque ab armis discederetur,

sed potestatem eius rei nullam habere, propterea quod de consilii sententia summam belli rerumque omnium Pompeio permiserint. Sed postulatis Caesaris cognitis missuros ad Pompeium, atque illum reliqua per se acturum hortantibus ipsis. Interea manerent indutiae, dum ab illo rediri posset, neve alter alteri noceret. Huc addit pauca de causa et de copiis auxiliisque suis.

17. Quibus rebus neque tum respondendum Caesar existimavit, neque nunc, ut memoriae prodantur, satis causae putamus. Postulabat Caesar, ut legatos sibi ad Pompeium sine periculo mittere liceret, idque ipsi fore reciperent aut acceptos per se ad eum perducerent. Quod ad indutias pertineret, sic belli rationem esse divisam, ut illi classe naves auxiliaque sua impedirent, ipse ut aqua terraque eos prohiberet. Si hoc sibi remitti vellent, remitterent ipsi de maritimis custodiis; si illud tenerent, se quoque id retenturum. Nihilo minus tamen agi posse de compositione, ut haec non remitterentur, neque hanc rem esse impedimenti loco. Ille neque legatos Caesaris recipere neque periculum praestare eorum, sed totam rem ad Pompeium reicere: unum instare de indutiis vehementissimeque contendere. Quem ubi Caesar intellexit praesentis periculi atque inopiae vitandae causa omnem orationem instituisse neque ullam spem aut condicionem pacis afferre, ad reliquam cogitationem belli sese recepit.

18. Bibulus multos dies terra prohibitus et graviore morbo ex frigore et labore implicitus, cum neque curari posset neque susceptum officium dese-

rere vellet, vim morbi sustinere non potuit. Eo² mortuo ad neminem unum summa imperii redit, sed separatim suam quisque classem ad arbitrium suum administrabat. Vibullius sedato tumultu, quem repen-³ tinus adventus Caesaris concitaverat, ubi primum e re visum est, adhibito Libone et L. Luceio et Theophane, quibuscum communicare de maximis rebus Pompeius consueverat, de mandatis Caesaris agere instituit. Quem ingressum in sermonem Pompeius interpellavit et loqui plura prohibuit. 'Quid mihi',⁴ inquit, 'aut vita aut civitate opus est, quam beneficio Caesaris habere videbor? cuius rei opinio tolli non poterit, cum in Italiam, ex qua profectus sum, reductus existimabor.' Bello perfecto ab iis Caesar⁵ haec facta cognovit, qui sermoni interfuerunt; conatus tamen nihilo minus est aliis rationibus [per colloquia] de pace agere.

19. Inter bina castra Pompei atque Caesaris unum flumen tantum intererat Apsus, crebraque inter se colloquia milites habebant, neque ullum interim telum per pactiones loquentium traiciebatur. Mittit¹ P. Vatinius legatum ad ripam ipsam fluminis, qui ea, quae maxime ad pacem pertinere viderentur, ageret et crebro magna voce pronuntiaret, liceretne civibus ad cives de pace [duos] legatos mittere, quod etiam fugitivis ab saltu Pyrenaeo praedonibusque licuisset, praesertim cum id agerent, ne cives cum civibus armis decertarent? Multa suppliciter locutus² est, ut de sua atque omnium salute debebat, silentioque ab utrisque militibus auditus. Responsum est ab altera parte Aulum Varronem profiteri se altera

die ad colloquium venturum atque una visurum
utrumque, quemadmodum tuto legati venire et quae
vellent exponere possent; certumque ei rei tempus
4 constituitur. Quo cum esset postero die ventum,
magna utrimque multitudo convenit, magnaque erat
exspectatio eius rei, atque omnium animi intenti
5 esse ad pacem videbantur. Qua ex frequentia Titus
Labienus prodit, submissa oratione loqui de pace
6 atque altercari cum Vatinio incipit. Quorum mediam
orationem interrumpunt subito undique tela immissa;
quae ille obtectus armis militum vitavit; vulnerantur
tamen complures, in his Cornelius Balbus, M. Plo-
tius, L. Tiburtius, centuriones militesque nonnulli.
7 Tum Labienus: 'desinite ergo de compositione loqui;
nam nobis nisi Caesaris capite relato pax esse nulla
potest.'

20. Iisdem temporibus M. Caelius Rufus praetor
causa debitorum suscepta initio magistratus tribunal
suum iuxta C. Treboni, praetoris urbani, sellam
collocavit et, si quis appellavisset de aestimatione
et de solutionibus, quae per arbitrum fierent, ut
Caesar praesens constituerat, fore auxilio pollice-
8 batur. Sed fiebat acquitate decreti et humanitate
Treboni, qui his temporibus clementer et moderate
ius dicendum existimabat, ut reperiri non possent,
9 a quibus initium appellandi nasceretur. Nam fortasse
inopiam excusare et calamitatem aut propriam suam
aut temporum queri et difficultates auctionandi pro-
ponere etiam mediocris est animi; integras vero
tenere possessiones, qui se debere fateantur, cuius
4 animi aut cuius impudentiae est? Itaque, hoc qui

~~postularet~~, reperiabatur nemo. Atque ipsis, ad quorum commodum ~~pertinebat~~, ~~darior inventus~~ est Caelius. Sed ab hoc profectus initio, ne frustra ingressus turpem causam videretur, legem promulgavit, ut sexenni die sine usuris creditae pecuniae solvantur.

21. Cum resisteret Servilius consul reliquique magistratus, et minus opinione sua efficeret, ad hominum excitanda studia sublata priore lege duas promulgavit: unam, qua mercedes habitationum annuas conductoribus donavit, aliam tabularum novarum, impetuque multitudinis in C. Trebonium facto et nonnullis vulneratis eum de tribunali deturbavit. De quibus rebus Servilius consul ad senatum retulit, senatusque Caelium ab republica removendum censuit. Hoc decreto eum consul senatu prohibuit et contionari conantem de rostris deduxit. Ille⁴ ignominia et dolore permotus palam se proficisci ad Caesarem simulavit; clam nuntiis ad Milonem missis, qui Clodio interfecto eo nomine erat damnatus, atque eo in Italiam evocato, quod magnis muneribus datis gladiatoriae familiae reliquias habebat, sibi coniunxit atque eum in Thurinum ad sollicitandos pastores praemisit. Ipse cum Casilinum venisset, uno⁵que tempore signa eius militaria atque arma Capuae essent comprehensa familiae Neapoli missa, quae prodicionem oppidi appararet, patefactis consiliis exclusus Capua et periculum veritus, quod conventus arma ceperat atque eum hostis loco habendum existimabat, consilio destitit atque eo itinere sese avertit.

22. Interim Milo dimissis circum municipia literis, se ea, quae faceret, iussu atque imperio facere Pompei, quae mandata ad se per Vibullium delata essent, quos ex aere alieno laborare arbitrabatur, sollicitabat. Apud quos cum proficere nihil posset, quibusdam solutis ergastulis Cosam in agro Thurino oppugnare coepit. Eo cum a Q. Pedio praetore cum legione lapide ictus ex muro periit. Et Caelius profectus, ut dictitabat, ad Caesarem pervenit Thurios. Ubi cum quosdam eius municipii sollicitaret equitibusque Caesaris Gallis atque Hispanis, qui eo praesidii causa missi erant, pecuniam pollicetur, ab his est interfectus. Ita magnarum initia rerum, quae occupatione magistratuum et temporum sollicitam Italiam habebant, celerem et facilem exitum habuerunt.

23. Libo profectus ab Orico cum classe, cui praeerat, navium L, Brundisium venit insulamque, quae contra portum Brundisinum est, occupavit, quod praestare arbitrabatur unum locum, qua necessarius nostris erat egressus, quam omnia litora ac portus custodia clausos teneri. Hic repentino adventu naves onerarias quasdam nactus incendit et unam frumento onustam abduxit magnumque nostris terrorem iniecit et noctu militibus ac sagittariis in terram expositis praesidium equitum deiecit et adeo loci opportunitate profecit, uti ad Pompeium literas mitteret, naves reliquas, si vellet, subduci et refici iuberet: sua classe auxilia sese Caesaris prohibiturum.

24. Erat eo tempore Antonius Brundisii; is virtute militum confisus scaphas navium magnarum circiter LX cratibus pluteisque contexit eoque milites delectos imposuit atque eas in litore pluribus locis separatim disposuit navesque triremes duas, quas Brundisii faciendas curaverat, per causam exercendorum remigum ad fauces portus prodire iussit. Has cum audacius progressas Libo vidisset, sperans intercepti posse, quadriremes v ad eas misit. Quae cum navibus nostris appropinquassent, nostri veterani in portum refugiebant: illi studio incitati incautius sequebantur. Iam ex omnibus partibus subito Antonianae scaphae signo dato se in hostes incitaverunt primoque impetu unam ex his quadriremem cum remigibus defensoribusque suis ceperunt, reliquas turpiter refugere coegerunt. Ad hoc detrimentum accessit, ut equitibus per oram maritimam ab Antonio dispositis aquari prohiberentur. Qua necessitate et ignominia permotus Libo discessit a Brundisio obsessio- nemque nostrorum omisit.

25. Multi iam menses erant et hiems praecipitaverat, neque Brundisio naves legionesque ad Caesarem veniebant. Ac nonnullae eius rei praetermissae occasiones Caesari videbantur, quod certe saepe flaverant venti, quibus necessario committendum existimabat. Quantoque eius amplius processerat temporis, tanto erant alacriores ad custodias, qui classibus praeerant, maioremque fiduciam prohibendi habebant, et crebris Pompei litteris castigabantur, quoniam primo venientem Caesarem non prohibuissent, ut reliquos eius exercitus impedirent,

duriusque cotidie tempus ad transportandum lenioribus ventis exspectabant. Quibus rebus permotus Caesar Brundisium ad suos severius scripsit, nacti idoneum ventum ne occasionem navigandi dimitterent, sive ad *Apsi ostium sive ad* litora Apolloniaticum cursum dirigere atque eo naves eicere possent. Haec a custodiis classium loca maxime vacabant, quod se longius a portibus committere non audebant.

26. Illi adhibita audacia et virtute administrantibus M. Antonio et Fufio Caleno, multum ipsis militibus hortantibus neque ullum periculum pro salute Caesaris recusantibus nacti austrum naves solvunt atque altero die Apolloniam [Dyrrhachium] praetervehuntur. Qui cum essent ex continenti visi, Coponius, qui Dyrrhachii classi Rhodiae praeerat, naves ex portu educit, et cum iam nostris remissiore vento appropinquasset, idem auster increbuit nostrisque praesidio fuit. Neque vero ille ob eam causam conatu desistebat, sed labore et perseverantia nautarum etiam vim tempestatis superari posse sperabat praetervectosque Dyrrhachium magna vi venti nihilo secius sequebatur. Nostri usi fortunae beneficio tamen impetum classis timebant, si forte ventus remisisset. Nacti portum, qui appellatur Nymphaeum, ultra Lissum milia passuum III, eo naves introduxerunt (qui portus ab Africo tegebatur, ab austro non erat tutus) leviusque tempestatis quam classis periculum aestimaverunt. Quo simulatque introitum est, incredibili felicitate auster, qui per biduum flaverat, in Africum se vertit.

27. Hic subitam commutationem fortunae videre licuit. Qui modo sibi timuerant, hos tutissimus portus recipiebat; qui nostris navibus periculum intulerant, de suo timere cgebantur. Itaque tempore commutato tempestas et nostros texit et naves Rhodias afflixit, ita ut ad unam omnes, constrictae numero XVI, eliderentur et naufragio interirent, et ex magno remigum propugnatorumque numero pars ad scopulos allisa interficeretur, pars ab nostris detraheretur; quos omnes conservatos Caesar domum dimisit.

28. Nostrae naves duae tardius cursu confecto in noctem coniectae, cum ignorarent, quem locum reliquae cepissent, contra Lissum in ancoris constiterunt. Has scaphis minoribusque navigiis compluribus submissis Otacilius Crassus, qui Lissi praeerat, expugnare parabat; simul de deditione eorum agebat et incolumitatem deditis pollicebatur. Harum altera navis CCXX e legione tironum sustulerat, altera ex veterana paulo minus CC. Hic cognosci licuit, quantum esset hominibus praesidii in animi firmitudine. Tirones enim multitudine navium perterriti et salo nausaeque confecti iureiurando accepto, nihil iis nocituros hostes, se Otacilio dediderunt; qui omnes ad eum producti contra religionem iuriurandi in eius conspectu crudelissime interficiuntur. At veteranae legionis milites, item conflictati et tempestatis et sentinae vitiiis, neque ex pristina virtute remittendum aliquid putaverunt, et tractandis conditionibus et simulatione deditionis extracto primo noctis tempore gubernatorem in terram navem eicere

cogunt, ipsi idoneum locum nacti reliquam noctis partem ibi confecerunt et luce prima missis ad eos ab Otacilio equitibus, qui eam partem orae maritimae asservabant, circiter CCCC quique eos armati ex praesidio secuti sunt, se defenderunt et nonnullis eorum interfectis incolumes se ad nostros receperunt.

29. Quo facto conventus civium Romanorum, qui Lissum obtinebant, quod oppidum iis antea Caesar attribuerat muniendumque curaverat, Antonium recipit omnibusque rebus iuvit. Otacilius sibi timens ex oppido fugit et ad Pompeium pervenit. *Expositis* omnibus copiis Antonius, quarum erat summa veteranarum trium legionum uniusque tironum et equitum DCCC, plerasque naves in Italiam remittit ad reliquos milites equitesque transportandos, pontones, quod est genus navium Gallicarum, Lissi relinquit, hoc consilio, ut si forte Pompeius vacuum existimans Italiam eo traiecisset exercitum, quae opinio erat edita in vulgus, aliquam Caesar ad insequendum facultatem haberet, nuntiosque ad eum celeriter mittit, quibus regionibus exercitum exposuisset et quid militum transvexisset.

30. Haec eodem fere tempore Caesar atque Pompeius cognoscunt. Nam praetervectas Apolloniam Dyrrhachiumque naves viderant [ipsi iter secundum eas terra direxerant], sed quo essent eae delatae, primis diebus ignorabant. Cognitaque re diversa sibi ambo consilia capiunt: Caesar, ut quam primum se cum Antonio coniungeret; Pompeius, ut venientibus in itinere se opponeret, si imprudentes ex

insidiis adoriri posset, eodemque die uterque eorum,
 ex castris stativis a flumine Apso exercitum edu-
 cunt: Pompeius clam et noctu, Caesar palam atque
 interdiu. Sed Caesari circuitu maiore iter erat,
 longius, adverso flumine, ut vado transire posset;
 Pompeius, quia expedito itinere flumen ei trans-
 eundum non erat, magnis itineribus ad Antonium
 contendit atque eum ubi appropinquare cognovit,
 idoneum locum nactus ibi copias collocavit suosque
 omnes in castris continuit ignesque fieri prohibuit,
 quo occultior esset eius adventus. Haec ad Antonium
 statim per Graecos deferuntur. Ille missis ad Cae-
 sarem nuntiis unum diem sese castris tenuit; altero
 die ad eum pervenit Caesar. Cuius adventu cognito
 Pompeius, ne duobus circumcluderetur exercitibus,
 ex eo loco discedit omnibusque copiis ad Asparagium
 Dyrrhachinorum pervenit atque ibi idoneo loco
 castra ponit.

31. His temporibus Scipio detrimentis quibus-
 dam circa montem Amanum acceptis imperatorem
 se appellaverat. Quo facto civitatibus tyrannisque
 magnas imperaverat pecunias, item a publicanis
 suae provinciae debitam biennii pecuniam exegerat
 et ab iisdem insequentis anni mutuam praeceperat
 equitesque toti provinciae imperaverat. Quibus coactis,
 finitimis hostibus Parthis post se relictis, qui paulo
 ante M. Crassum imperatorem interfecerant et M.
 Bibulum in obsidione habuerant, legiones equitesque
 ex Syria deduxerat. Summamque in sollicitudinem
 ac timorem Parthici belli provincia cum venisset, ac
 nonnullae militum voces cum audirentur, sese, contra

hostem si ducerentur, ituros, contra civem et consulem arma non latu-
ros, deductis Pergamum atque in locupletissimas urbes in hiberna legionibus maximas largitiones fecit et confirmandorum militum causa diripiendas his civitates dedit.

32. Interim acerbissime imperatae pecuniae tota provincia exigebantur. Multa praeterea generatim ad avaritiam excogitabantur. In capita singula servorum ac liberorum tributum imponebatur; columnaria, ostiaria, frumentum, milites, arma, remiges, tormenta, vecturae imperabantur; cuius modo rei nomen reperiri poterat, hoc satis esse ad cogendas pecunias videbatur. Non solum urbibus, sed paene vicis castellisque singulis cum imperio praeficiebantur. Qui horum quid acerbissime crudelissimeque fecerat, is et vir et civis optimus habebatur. Erat plena lictorum et imperiorum provincia, differta praefectis atque exactoribus; qui praeter imperatas pecunias suo etiam privato compendio serviebant; dictitabant enim se domo patriaque expulsos omnibus necessariis egere rebus, ut honesta praescriptione rem turpissimam tegerent. Accedebant ad haec gravissimae usurae, quod in bello plerumque accidere consuevit universis imperatis pecuniis; quibus in rebus prolationem diei donationem esse dicebant. Itaque aes alienum provinciae eo biennio multiplicatum est. Neque minus ob eam causam civibus Romanis eius provinciae, sed in singulos conventus singulasque civitates certae pecuniae imperabantur, mutuasque illas ex senatusconsulto exigere dictitabant; publicanis,

ut in Syria fecerant, insequentis anni vectigal promutuum.

33. Praeterea Ephesi a fano Dianae depositas antiquitus pecunias Scipio tolli iubebat. Certaue eius rei die constituta cum in fanum ventum esset adhibitis compluribus ordinis senatorii, quos advocaverat Scipio, litterae ei redduntur a Pompeio, mare transisse cum legionibus Caesarem: properaret ad se cum exercitu venire omniaque posthaberet. His litteris acceptis quos advocaverat dimittit; ipse iter in Macedoniam parare incipit paucisque post diebus est profectus. Haec res Ephesiae pecuniae salutem attulit.

34. Caesar Antonii exercitu coniuncto deducta Orico legione, quam tuendae orae maritimae causa posuerat, temptandas sibi provincias longiusque procedendum existimabat et, cum ad eum ex Thessalia² Aetoliaque legati venissent, qui praesidio misso pollicerentur earum gentium civitates imperata facturas, L. Cassium Longinum cum legione tironum, quae appellabatur XXVII., atque equitibus CC in Thessaliam, C. Calvisium Sabinum cum cohortibus V paucisque equitibus in Aetoliam misit; maxime eos, quod erant propinquae regiones, de re frumentaria ut providerent, hortatus est. Cn. Domitium Calvinum cum legionibus³ duabus, XI. et XII., et equitibus D in Macedoniam proficisci iussit; cuius provinciae ab ea parte, quae⁴ libera appellabatur, Menedemus, princeps earum regionum, missus legatus omnium suorum excellens studium profitebatur.

35. Ex his Calvisius primo adventu summa omnium Aetolorum receptus voluntate, praesidiis adversariorum Calydone et Naupacto eiectis, omni² Aetolia potitus est. Cassius in Thessaliam cum legione pervenit. Hic cum essent factiones duae, varia voluntate civitatum utebatur: Hegesaretos, veteris homo potentiae, Pompeianis rebus studebat; Petraeus, summae nobilitatis adulescens, suis ac suorum opibus Caesarem enixe iuvabat.

36. Eodemque tempore Domitius in Macedoniam venit; et cum¹ ad eum frequentes civitatum legationes convenire coepissent, nuntiatum est adesse Scipionem cum legionibus, magna opinione et fama omnium; nam plerumque in nova *re veritatem fama*² antecedit. Hic nullo in loco Macedoniae moratus magno impetu tetendit ad Domitium et, cum ab eo milia passuum XX afuisset, subito se ad Cassium³ Longinum in Thessaliam convertit. Hoc adeo celeriter fecit, ut simul adesse et venire nuntiaretur, et quo iter expeditius faceret, M. Favonium ad flumen Aliacmonem, quod Macedoniam a Thessalia dividit, cum cohortibus VIII praesidio impedimentis legionum⁴ reliquit castellumque ibi muniri iussit. Eodem tempore equitatus regis Cotyis ad castra Cassii advo-⁵lavit, qui circum Thessaliam esse consuerat. Tum timore perterritus Cassius cognito Scipionis adventu visisque equitibus, quos Scipionis esse arbitrabatur, ad montes se convertit, qui Thessaliam cingunt, atque ex his locis Ambraciam versus iter facere coepit.⁶ At Scipionem properantem sequi litterae sunt consecutae a M. Favonio, Domitium cum legionibus

adesse neque se praesidium, ubi constitutus esset, sine auxilio Scipionis tenere posse. Quibus litteris acceptis 7 consilium Scipio iterque commutat; Cassium sequi desistit, Favonio auxilium ferre contendit. Itaque die 8 ac nocte continuato itinere ad eum pervenit, tam opportuno tempore, ut simul Domitiani exercitus pulvis cerneretur, et primi antecursores Scipionis viderentur. Ita Cassio industria Domitii, Favonio Scipionis celeritas salutem attulit.

37. Scipio biduum castris stativis moratus ad flumen, quod inter eum et Domitii castra fluebat, Aliacmonem, tertio die prima luce exercitum vado traducit et castris positus postero die mane copias ante frontem castrorum instruit. Domitius tum quo-² que sibi dubitandum non putavit, quin productis legionibus proelio decertaret. Sed cum esset inter bina castra campus circiter milium passuum VI, Domitius castris Scipionis aciem suam subiecit; ille a vallo non discedere perseveravit. At tamen aegre³ retentis Domitianis militibus est factum, ne proelio contenderetur, et maxime, quod rivus difficilibus ripis subiectus castris Scipionis progressus nostrorum impediabat. Quorum studium alacritatemque pugnandi⁴ cum cognovisset Scipio, suspicatus fore, ut postero die aut invitus dimicare cogeretur aut magna cum infamia castris se contineret, qui magna expectatione venisset, temere progressus turpem habuit exitum et noctu ne conclamatis quidem vasis flumen transit atque in eandem partem, ex qua venerat, redit ibique prope flumen edito natura loco castra posuit. Paucis⁵ diebus interpositis noctu insidias equitum collocavit,

quo in loco superioribus fere diebus nostri pabulari consueverant; et cum cotidiana consuetudine Qu. Varus, praefectus equitum Domitii, venisset, subito illi ex insidiis consurrexerunt. Sed nostri fortiter impetum eorum tulerunt, celeriterque ad suos quisque ordines rediit, atque ultro universi in hostes impetum fecerunt; ex his circiter LXXX interfectis, reliquis in fugam coniectis, duobus amissis in castra se receperunt.

38. His rebus gestis Domitius, sperans Scipionem ad pugnam elici posse, simulavit sese angustis rei frumentariae adductum castra movere, vasisque militari more conclamatis progressus milia passuum III loco idoneo et occulto omnem exercitum equitatumque collocavit. Scipio ad sequendum paratus equitum magnam partem ad explorandum iter Domitii et cognoscendum praemisit. Qui cum essent progressi, primaeque turmae insidias intravissent, ex fremitu equorum illata suspicione ad suos se recipere coeperunt, quique hos sequebantur celerem eorum receptum conspicati restiterunt. Nostri, cognitis insidiis, ne frustra reliquos exspectarent, duas nacti turmas (in his fuit M. Opimius, praefectus equitum), omnes aut interfecerunt aut captos ad Domitium deduxerunt.

39. Deductis orae maritimae praesidiis Caesar, ut supra demonstratum est, III cohortes Orici oppidi tuendi causa reliquit isdemque custodiam navium longarum tradidit, quas ex Italia traduxerat. Huic officio oppidoque Manius Acilius legatus praeerat. Is naves nostras interiorem in portum post oppidum reduxit et ad terram deligavit faucibusque

portus navem onerariam submersam obiecit et huic alteram coniunxit; super quam turrim effectam ad ipsum introitum portus opposuit et militibus complevit tuendamque ad omnes repentinos casus tradidit.

40. Quibus cognitis rebus Cn. Pompeius filius, qui classi Aegyptiae praeerat, ad Oricum venit submersamque navim remulco multisque contendens funibus adduxit atque alteram navem, quae erat ad custodiam ab Acilio posita, pluribus aggressus navibus, in quibus ad libram fecerat turres, ut ex superiore pugnans loco integrosque semper defatigatis submittens et reliquis partibus simul ex terra scalis et classe moenia oppidi temptans, uti adversariorum manus diduceret, labore et multitudine telorum nostros vicit, deiectisque defensoribus, qui omnes scaphis excepti refugerant, eam navem expugnavit, eodemque tempore ex altera parte molem temptavit⁴ naturalem obiectam, quae paene insulam oppidum effecerat, et IIII biremes subiectis scutulis impulsas vectibus in interiorem portum traduxit. Ita ex utraque parte naves longas aggressus, quae erant deligatae ad terram atque inanes, IIII ex his abduxit, reliquas incendit. Hoc confecto negotio D. Laelium⁵ ab Asiatica classe abductum reliquit, qui comaeatus Bullide atque Amantia importari in oppidum prohibebat. Ipse Lissum profectus naves onerarias⁶ xxx a M. Antonio relictas intra portum aggressus omnes incendit; Lissum expugnare conatus defendentibus civibus Romanis, qui eius conventus erant, militibusque, quos praesidii causa miserat Caesar,

triduum moratus paucis in oppugnatione amissis re infecta inde discessit.

41. Caesar, postquam Pompeium ad Asparagium esse cognovit, eodem cum exercitu profectus expugnato in itinere oppido Parthinorum, in quo Pompeius praesidium habebat, tertio die [in Macedoniam] ad Pompeium pervenit iuxtaque eum castra posuit et postridie eductis omnibus copiis acie instructa decernendi potestatem Pompeio fecit. Ubi illum suis locis se tenere animadvertit, reducto in castra exercitu aliud sibi consilium capiendum existimavit. Itaque postero die omnibus copiis magno circuitu difficili angustoque itinere Dyrrhachium profectus est sperans Pompeium aut Dyrrhachium compelli aut ab eo intercludi posse, quod omnem commeatum totiusque belli apparatus eo contulisset; ut accidit. Pompeius enim primo ignorans eius consilium, quod diverso ab ea regione itinere profectum videbat, angustius rei frumentariae compulsum discessisse existimabat; postea per exploratores certior factus postero die castra movit, breviori itinere se occurrere ei posse sperans. Quod fore suspicatus Caesar militesque adhortatus, ut aequo animo laborem ferrent, parva parte noctis itinere intermisso mane Dyrrhachium venit, cum primum agmen Pompei procul cerneretur, atque ibi castra posuit.

42. Pompeius interclusus Dyrrhachio, ubi propositum tenere non potuit, secundo usus consilio edito loco, qui appellatur Petra aditumque habet navibus mediocrem atque eas a quibusdam protegit ventis, castra communit. Eo partem navium longarum c

venire, frumentum commeatumque ab Asia atque omnibus regionibus, quas tenebat, comportari imperat. Caesar longius bellum ductum iri existimans et de Italicis commeatibus desperans, quod tanta diligentia omnia litora a Pompeianis tenebantur, classesque ipsius, quas hieme in Sicilia, Gallia, Italia fecerat, morabantur, in Epirum rei frumentariae causa Q. Tillium et L. Canuleium legatum misit, quodque hae regiones aberant longius, locis certis horrea constituit vecturasque frumenti finitimis civitatibus descripsit. Item Lisso Parthinisque et omnibus castellis quod esset frumenti conqueri iussit. Id erat perexiguum cum ipsius agri natura, quod sunt loca aspera ac montuosa ac plerumque frumento utuntur importato, tum quod Pompeius haec providerat et superioribus diebus praedae loco Parthinos habuerat frumentumque omne conquisitum spoliatis effossisque eorum domibus per equites comportarat.

43. Quibus rebus cognitis Caesar consilium capit ex loci natura. Erant enim circum castra Pompei permulti editi atque asperi colles. Hos primum praesidiis tenuit castellaque ibi communit. Inde, ut loci cuiusque natura ferebat, ex castello in castellum perducta munitione circumvallare Pompeium instituit, haec spectans, quod angusta re frumentaria utebatur quodque Pompeius multitudine equitum valebat, quo minore periculo undique frumentum commeatumque exercitui supportare posset, simul, uti pabulatione Pompeium prohiberet equitatumque eius ad rem gerendam inutilē efficeret, tertio, ut auctoritatem

qua ille maxime apud exteras nationes niti videbatur, minueret, cum fama per orbem terrarum percrebuisset, illum a Caesare obsideri neque audere proelio dimicare.

44. Pompeius neque a mari Dyrrhachioque discedere volebat, quod omnem apparatus belli, tela, arma, tormenta ibi collocaverat frumentumque exercitui navibus supportabat, neque munitiones Caesaris prohibere poterat, nisi proelio decertare vellet; ²quod eo tempore statuerat non esse faciendum. Relinquebatur, ut extremam rationem belli sequens quam plurimos colles occuparet et quam latissimas regiones praesidiis teneret Caesarisque copias, quam ³maxime posset, distineret; idque accidit. Castellis enim XXIII effectis XV milia passuum circuitu amplexus hoc spatio pabulabatur; multaque erant intra eum locum manu sata, quibus interim ⁴iumenta pasceret. Atque ut nostri perpetua munitione providebant [perducta ex castellis in proxima castella], ne quo loco erumperent Pompeiani ac nostros post tergum adorirentur [timebant], ita illi interiore spatio perpetuas munitiones efficiebant, ne quem locum nostri intrare atque ipsos a tergo circumvenire ⁵possent. Sed illi operibus vincebant, quod et numero militum praestabant et interiore spatio minorem ⁶circuitum habebant. Cumque erant loca Caesari capienda, etsi prohibere Pompeius totis copiis et dimicare non constituerat, tamen suis locis sagittarios funditoresque mittebat, quorum magnum ⁷habebat numerum, multique ex nostris vulnerabantur, magnusque incesserat timor sagittarum, atque omnes

fere milites aut ex coactis aut ex centonibus aut ex coriis tunicas aut tegimenta fecerant, quibus tela vitarent.

45. In occupandis praesidiis magna vi uterque nitebatur: Caesar, ut quam angustissime Pompeium contineret; Pompeius, ut quam plurimos colles quam maximo circuitu occuparet, crebraque ob eam causam proelia fiebant. In his cum legio Caesaris nona praesidium quoddam occupavisset et munire coepisset, huic loco propinquum et contrarium collem Pompeius occupavit nostrosque opere prohibere coepit et, cum una ex parte prope aequum aditum haberet, primum sagittariis funditoribusque circumiectis, postea levis armaturae magna multitudine missa tormentisque prolatis munitiones impediabat; neque erat facile nostris uno tempore propugnare et munire. Caesar, cum suos ex omnibus partibus vulnerari videret, recipere se iussit et loco excedere. Erat per declive receptus. Illi autem hoc acrius instabant neque regredi nostros patiebantur, quod timore adducti locum relinquere videbantur. Dicitur eo tempore glorians apud suos Pompeius dixisse: non recusare se, quin nullius usus imperator existimaretur, si sine maximo detrimento legiones Caesaris sese recepissent inde, quo temere essent progressae.

46. Caesar receptui suorum timens crates ad extremum tumulum contra hostem proferri et adversas locari, intra has mediocri latitudine fossam tectis militibus obduci iussit locumque in omnes partes quam maxime impediri. Ipse idoneis locis funditores instruxit, ut praesidio nostris se recipientibus

essent. His rebus comparatis legionem reduci iussit. Pompeiani hoc insolentius atque audacius nostros premere et instare coeperunt cratesque pro munitione obiectas propulerunt, ut fossas transcenderent. Quod cum animadvertisset Caesar, veritus, ne non reducti, sed reiecti viderentur, maiusque detrimentum caperetur, a medio fere spatio suos per Antonium, qui ei legioni praeerat, cohortatus tuba signum dari atque in hostes impetum fieri iussit. Milites legionis VIII. subito constipati pila coniecerunt et ex inferiore loco adversus clivum incitati cursu praecipites Pompeianos egerunt et terga vertere coegerunt; quibus ad recipiendum crates deiectae longurique obiecti et institutae fossae magno impedimento fuerunt. Nostri vero, qui satis habebant sine detrimento discedere, compluribus interfectis v omnino suorum amissis quietissime se receperunt pauloque citra eum locum aliis comprehensis collibus munitiones perfecerunt.

47. Erat nova et inusitata belli ratio cum tot castellorum numero tantoque spatio et tantis munitionibus et toto obsidionis genere, tum etiam reliquis rebus. Nam quicumque alterum obsidere conati sunt, percussos atque infirmos hostes adorti aut proelio superatos aut aliqua offensione permotos continuerunt, cum ipsi numero equitum militumque praestarent; causa autem obsidionis haec fere esse consuevit, ut frumento hostes prohiberent. At tum integras atque incolumes copias Caesar inferiore militum numero continebat, cum illi omnium rerum copia abundarent; cotidie enim magnus undique

navium numerus conveniebat, quae commeatum supportarent, neque ullus flare ventus poterat, quin aliqua ex parte secundum cursum haberent. Ipse autem consumptis omnibus longe lateque frumentis summis erat in angustiis. Sed tamen haec singulari patientia milites ferebant. Recordabantur enim eadem se superiore anno in Hispania perpressos labore et patientia maximum bellum confecisse, meminerant ad Alesiam magnam se inopiam perpressos, multo etiam maiorem ad Avaricum, maximarum gentium victores discessisse. Non, illis hordeum cum daretur, non legumina recusabant; pecus vero, cuius rei summa erat ex Epiro copia, magno in honore habebant.

48. Est autem genus radicis inventum ab iis, qui fuerant . . . val . . . eribus, quod appellatur chara, quod admixtum lacte multum inopiam levabat. Id ad similitudinem panis efficiebant. Eius erat magna copia. Ex hoc effectos panes, cum in colloquiis Pompeiani famem nostris obiectarent, vulgo in eos iaciebant, ut spem eorum minuerent.

49. Iamque frumenta maturescere incipiebant, atque ipsa spes inopiam sustentabat, quod celeriter se habituros copiam confidebant; crebraeque voces militum in vigiliis colloquiisque audiebantur, prius se cortice ex arboribus victuros, quam Pompeium e manibus dimissuros. Libenter etiam ex perfugis cognoscebant equos eorum tolerari, reliqua vero iumenta interisse; uti autem ipsos valetudine non bona, cum angustiis loci et odore taetro ex multitudine cadaverum et cotidianis laboribus insuetos

4 operum, tum aquae summa inopia affectos. Omnia enim flumina atque omnes rivos, qui ad mare pertinebant, Caesar aut averterat aut magnis operibus obstruxerat, atque ut erant loca montuosa et ad specus angustiae vallium, has sublicis in terram demissis praesaepserat terramque aggesserat, ut
5 aquam contineret. Itaque illi necessario loca sequi demissa ac palustria et puteos fodere cogebantur atque hunc laborem ad cotidiana opera addebant; qui tamen fontes a quibusdam praesidiis aberant
6 longius et celeriter aestibus exarescebant. At Caesaris exercitus optima valetudine summaque aquae copia utebatur, tum commeatus omni genere praeter frumentum abundabat; quibus cotidie melius subesse tempus maioremque spem maturitate frumentorum proponi videbant.

50. In novo genere belli novae ab utrisque bellandi rationes reperiebantur. Illi, cum animadvertissent ex ignibus nocte cohortes nostras ad munitiones excubare, silentio aggressi universi intra multitudinem sagittas coniciebant et se confestim
2 ad suos recipiebant. Quibus rebus nostri usu docti haec reperiebant remedia, ut alio loco ignes facerent

51. Interim certior factus P. Sulla, quem discedens castris praefecerat Caesar, auxilio cohorti venit
1 cum legionibus duabus; cuius adventu facile sunt
2 repulsi Pompeiani. Neque vero conspectum aut impetum nostrorum tulerunt, primisque deiectis reliqui se verterunt et loco cesserunt. Sed insequentes nostros, ne longius prosequerentur, Sulla revocavit.

At plerique existimant, si acrius insequi voluisset, bellum eo die potuisse finire. Cuius consilium reprehendendum non videtur. Aliae enim sunt legati partes atque imperatoris: alter omnia agere ad praescriptum, alter libere ad summam rerum consulere debet. Sulla [a Caesare castris relictus] liberratis suis hoc fuit contentus neque proelio decertare voluit, quae res tamen fortasse aliquem reciperet casum, ne imperatorias sibi partes sumpsisse videretur. Pompeianis magnam res ad receptum difficultatem afferebat. Nam ex iniquo progressi loco in summo constiterant; si per declive sese reciperent, nostros ex superiore insequentes loco vererantur; neque multum ad solis occasum temporis supererat; spe enim conficiendi negotii prope in noctem rem duxerant. Ita necessario atque ex tempore capto consilio Pompeius tumulum quendam occupavit, qui tantum aberat a nostro castello, ut telum tormento missum adigi non posset. Hoc consedit loco atque eum communivit omnesque ibi copias continuit.

52. Eodem tempore duobus praeterea locis pugnatum est: nam plura castella Pompeius pariter destinendae manus causa temptaverat, ne ex proximis praesidiis succurri posset. Uno loco Volcatius Tullus impetum legionis sustinuit cohortibus tribus atque eam loco depulit; altero Germani munitiones nostras egressi compluribus interfectis sese ad suos incolumes receperunt.

53. Ita uno die vi proeliis factis, tribus ad Dyrrhachium, tribus ad munitiones, cum horum

omnium ratio haberetur, ad duorum milium numero ex Pompeianis cecidisse reperiebamus, evocatos centurionesque complures (in eo fuit numero Valerius Flaccus, L. filius, eius, qui praetor Asiam obtinuerat); signaque sunt militaria sex relata. Nostri non amplius xx omnibus sunt proeliis desiderati. Sed in castello nemo fuit omnino militum, quin vulneraretur, quattuorque ex una cohorte centuriones oculos amiserunt. Et cum laboris sui periculique testimonium afferre vellent, milia sagittarum circiter xxx in castellum coniecta Caesari renumeraverunt, scutoque ad eum relato Scaevae centurionis inventa sunt in eo foramina cxx. Quem Caesar, ut erat de se meritis et de republica, donavit nummum milibus cc atque ab octavis ordinibus ad primipilum se traducere pronuntiavit (eius enim opera castellum magna ex parte conservatum esse constabat) cohortemque postea duplici stipendio frumentoque, virtute spectatiores militaribus quemque donis amplissime donavit.

54. Pompeius noctu magnis additis munitionibus reliquis diebus turres extruxit, et in altitudinem pedum xv effectis operibus vineis eam partem castrorum obtexit, et quinque intermissis diebus alteram noctem subnubilam nactus obstructis omnibus *rebus* castrorum portis et ad impediendum obiectis tertia inita vigilia silentio exercitum eduxit et se in antiquas munitiones recepit.

56 [55]. Aetolia, Acarnania, Amphilocheis per Cassium Longinum et Calvisium Sabinum, ut demonstravimus, receptis temptandam sibi Achaïam

ac paulo longius progrediendum existimabat Caesar. Itaque eo Calenum misit eique Sabinum et Cassium cum cohortibus adiungit. Quorum cognito adventu² Rutilius Lupus, qui Achaïam missus a Pompeio obtinebat, Isthmum praemunire instituit, ut Achaïa Fufium prohiberet. Calenus Delphos, Thebas, Or-³chomenum voluntate ipsarum civitatum recepit, nonnullas urbes per vim expugnavit, reliquas civitates circummissis legationibus amicitia Caesari conciliare studebat. In his rebus fere erat Fufius occupatus.

55 [56]. Omnibus deinceps diebus Caesar exercitum in aciem aequum in locum produxit, si Pompeius proelio decertare vellet, ut paene castris Pompei legiones subiceret; tantumque a vallo eius prima acies aberat, uti ne telo tormentove adici posset. Pompeius autem, ut famam opinionemque hominum² teneret, sic pro castris exercitum constituēbat, ut tertia acies vallum contingeret, omnis quidem instructus exercitus telis ex vallo abiectis protegi posset.

57. Haec cum in Achaïa atque apud Dyrrhachium gererentur, Scipionemque in Macedoniam venisse constaret, non oblitus pristini instituti Caesar mittit ad eum A. Clodium, suum atque illius familiarem, quem ab illo traditum initio et commendatum in suorum necessariorum numero habere instituerat. Huic dat litteras mandataque ad eum;² quorum haec erat summa: sese omnia de pace expertum nihil adhuc arbitrari vitio factum eorum, quos esse auctores eius rei voluisset, quod sua mandata perferre non opportuno tempore ad Pompeium

³vererentur. Scipionem ea esse auctoritate, ut non solum libere quae probasset exponere, sed etiam ex magna parte compellere atque errantem regere posset; praeesse autem suo nomine exercitui, ut praeter auctoritatem vires quoque ad coercendum ⁴haberet. Quod si fecisset, quietem Italiae, pacem provinciarum, salutem imperii uni omnes acceptam ⁵relaturos. Haec ad eum mandata Clodius refert ac primis diebus, ut videbatur, libenter auditus reliquis ad colloquium non admittitur, castigato Scipione a Favonio, ut postea confecto bello reperiebamus, infectaque re sese ad Caesarem recepit.

58. Caesar, quo facilius equitatum Pompeianum ad Dyrrhachium contineret et pabulatione prohiberet, aditus duos, quos esse angustos demonstravimus, magnis operibus praemunivit castellaque his locis ²posuit. Pompeius, ubi nihil profici equitatu cognovit, paucis intermissis diebus rursum eum navibus ad se ³intra munitiones recipit. Erat summa inopia pabuli, adeo ut foliis ex arboribus strictis et teneris harundinum radicibus contusis equos alerent (frumenta enim, quae fuerant intra munitiones sata, consum- ⁴pserant); cogeantur Corcyra atque Acarnania longo interiecto navigationis spatio pabulum supportare, quodque erat eius rei minor copia, hordeo adaugere ⁵atque his rationibus equitatum tolerare. Sed, postquam non modo hordeum pabulumque omnibus locis herbaeque desectae, sed etiam frons ex arboribus deficiebat, corruptis equis macie conandum sibi aliquid Pompeius de eruptione existimavit.

59. Erant apud Caesarem in equitum numero Allobroges duo fratres, Raucillus et Egus, Adbucilli filii, qui principatum in civitate multis annis obtinuerat, singulari virtute homines, quorum opera Caesar omnibus Gallicis bellis optima fortissimaque erat usus. His domi ob has causas amplissimos magistratus mandaverat atque eos extra ordinem in senatum legendos curaverat agrosque in Gallia ex hostibus captos praemiaque rei pecuniariae magna tribuerat locupletesque ex egentibus fecerat. His propter virtutem non solum apud Caesarem in honore erant, sed etiam apud exercitum cari habebantur; sed freti amicitia Caesaris et stulta ac barbara arrogantia elati despiciebant suos stipendiumque equitum fraudabant et praedam omnem domum avertebant. Quibus illi rebus permoti universi Caesarem adierunt palamque de eorum iniuriis sunt questi et ad cetera addiderunt falsum ab his equitum numerum deferri, quorum stipendium averterent.

60. Caesar neque tempus illud animadversionis esse existimans et multa virtuti eorum concedens rem totam distulit; illos secreto castigavit, quod quaestui equites haberent, monuitque, ut ex sua amicitia omnia exspectarent et ex praeteritis suis officiis reliqua sperarent. Magnam tamen haec res illis offensionem et contemptionem ad omnes attulit, idque ita esse cum ex aliorum obiectationibus tum etiam ex domestico iudicio atque animi conscientia intellegebant. Quo pudore adducti et fortasse non se liberari, sed in aliud tempus reservari arbitrati discedere a nobis et novam temptare fortunam no-

⁴vasque amicitias experiri constituerunt. Et cum paucis collocuti clientibus suis, quibus tantum facinus committere audebant, primum conati sunt praefectum equitum C. Volusenum interficere, ut postea bello confecto cognitum est, ut cum munere aliquo per-
⁵fugisse ad Pompeium viderentur; postquam id difficilium visum est neque facultas perficiendi dabatur, quam maximas potuerunt pecunias mutuati, proinde ac suis satisfacere et fraudata restituere vellent, multis coemptis equis ad Pompeium transierunt cum iis, quos sui consilii participes habebant.

61. Quos Pompeius, quod erant honesto loco nati et instructi liberaliter magnoque comitatu et multis iumentis venerant virique fortes habebantur et in honore apud Caesarem fuerant, quodque novum et praeter consuetudinem acciderat, omnia sua prae-
²sidia circumduxit atque ostentavit. Nam ante id tempus nemo aut miles aut eques a Caesare ad Pompeium transierat, cum paene cotidie a Pompeio ad Caesarem perfugerent, vulgo vero universi in Epiro atque Aetolia conscripti milites earumque regionum
³omnium, quae a Caesare tenebantur. Sed hi cognitis omnibus rebus, seu quid in munitionibus perfectum non erat, seu quid a peritioribus rei militaris desiderari videbatur, temporibusque rerum et spatiis locorum, custodiarum varia diligentia animadversa, prout cuiusque eorum, qui negotiis praeerant, aut natura aut studium ferebat, haec ad Pompeium omnia detulerunt.

62. Quibus ille cognitis eruptionisque iam ante capto consilio, ut demonstratum est, tegimenta galeas

milites ex viminibus facere atque aggerem iubet comportare. His paratis rebus magnum numerum² levis armaturae et sagittariorum aggeremque omnem noctu in scaphas et naves actuarias imponit et de media nocte cohortes LX ex maximis castris praesidiisque deductas ad eam partem munitionum ducit, quae pertinebant ad mare longissimeque a maximis castris Caesaris aberant. Eodem naves, quas de³ monstravimus, aggere et levis armaturae militibus completas, quasque ad Dyrrhachium naves longas habebat, mittit et, quid a quoque fieri velit, praecipit. Ad eas munitiones Caesar Lentulum Marcel⁴ linum quaestorem cum legione VIII. positum habebat. Huic, quod valetudine minus commoda utebatur, Fulvium Postumum adiutorem submiserat.

63. Erat eo loco fossa pedum xv et vallum contra hostem in altitudinem pedum x, tantundemque eius valli agger in latitudinem patebat: ab eo in² termino spatio pedum dc alter conversus in contrariam partem erat vallus humiliore paulo munitione. Hoc enim superioribus diebus timens Caesar,³ ne navibus nostri circumvenirentur, duplicem eo loco fecerat vallum, ut, si ancipiti proelio dimicaretur, posset resisti. Sed operum magnitudo et con⁴tinens omnium dierum labor, quod milia passuum in circuitu [munitionis] xvii erat complexus, perficiendi spatium non dabat. Itaque contra mare trans⁵versum vallum, qui has duas munitiones coniungeret, nondum perfecerat. Quae res nota erat Pompeio, delata per Allobrogas perfugas, magnumque nostris attulerat incommodum. Nam ut ad mare nostrae⁶

cohortes nonae legionis excubuerant, accessere subito prima luce Pompeiani [exercitus adventus existit]; simul navibus circumvecti milites in exteriorem vallum tela iaciebant, fossaeque aggere complebantur, et legionarii interioris munitionis defensores scalis admotis tormentis cuiusque generis telisque terrebant, magnaue multitudo sagittariorum ab utraque parte circumfundebatur. Multum autem ab ictu lapidum, quod unum nostris erat telum, viminea tegimenta galeis imposita defendebant. Itaque cum omnibus rebus nostri premerentur atque aegre resisterent, animadversum est vitium munitionis, quod supra demonstratum est, atque inter duos vallos, qua perfectum opus non erat, per mare navibus expositi in aversos nostros impetum fecerunt atque ex utraque munitione deiectos terga vertere coegerunt.

64. Hoc tumultu nuntiato Marcellinus cohortes subsidio nostris laborantibus submittit ex castris; quae fugientes conspicatae neque illos suo adventu confirmare potuerunt neque ipsae hostium impetum tulerunt. Itaque quodcumque addebatur subsidio, id corruptum timore fugientium terrorem et periculum augebat; hominum enim multitudine receptus impediabatur. In eo proelio cum gravi vulnere esset affectus aquilifer et a viribus deficeretur, conspicatus equites nostros, 'hanc ego', inquit, 'et vivus multos per annos magna diligentia defendi et nunc moriens eadem fide Caesari restituo. Nolite, obsecro, committere, quod ante in exercitu Caesaris non accidit, ut rei militaris dedecus admittatur,

memque ad eum deferte.' Hoc casu aquila conservatur omnibus primae cohortis centurionibus interfectis praeter principem priorem.

65. Iamque Pompeiani magna caede nostrorum castris Marcellini appropinquabant non mediocri terrore illato reliquis cohortibus, et M. Antonius, qui proximum locum praesidiorum tenebat, ea re nuntiata cum cohortibus XII descendens ex loco superiore cernebatur. Cuius adventus Pompeianos compressit nostrosque firmavit, ut se ex maximo timore colligerent. Neque multo post Caesar significatione per castella fumo facta, ut erat superioris temporis consuetudo, deductis quibusdam cohortibus ex praesidiis eodem venit. Qui cognito detrimento cum animadvertisset Pompeium extra munitiones egressum, secundum mare ut libere pabulari posset nec minus aditum navibus haberet, commutata ratione belli, quoniam propositum non tenuerat, castra iuxta Pompeium munire iussit.

66. Qua perfecta munitione animadversum est a speculatoribus Caesaris, cohortes quasdam, quod instar legionis videretur, esse post silvam et in vetera castra duci. Castrorum sic situs erat. Superioribus diebus nona Caesaris legio, cum se obiecisset Pompeianis copiis atque opere, ut demonstravimus, circummuniret, castra eo loco posuit. Haec silvam quandam contingebant neque longius a mari passibus CCC aberant. Post mutato consilio quibusdam de causis Caesar paulo ultra eum locum castra transtulit, paucisque intermissis diebus eadem Pompeius occupaverat et, quod eo loco plures erat legiones habi-

5 turus, relicto interiore vallo maiorem adiecerat munitionem. Ita minora castra inclusa maioribus ca-
6 stelli atque arcis locum obtinebant. Item ab angulo castrorum sinistro munitionem ad flumen perduxerat circiter passus cccc, quo liberius a periculo milites aquarentur. Sed is quoque mutato consilio quibusdam de causis, quas commemorari necesse non est, 7 eo loco excesserat. Ita complures dies manserant castra; munitiones quidem omnes integrae erant.

67. Eo signa legionis illata speculatores Caesari renuntiarunt. Hoc idem visum ex superioribus quibusdam castellis confirmaverunt. Is locus aberat a novis Pompei castris circiter passus quingentos. Hanc legionem sperans Caesar se opprimere posse et cupiens eius diei detrimentum sarcire, reliquit in opere cohortes duas, quae speciem munitionis praebent; ipse diverso itinere quam potuit occultissime reliquas cohortes, numero xxxiii, in quibus erat legio nona multis amissis centurionibus deminutoque militum numero, ad legionem Pompei castraque minora duplici acie eduxit. Neque eum prima opinio fefellit. Nam et pervenit prius, quam Pompeius sentire posset, et tametsi erant munitiones castrorum magnae, tamen sinistro cornu, ubi erat ipse, celeriter 5 aggressus Pompeianos ex vallo deturbavit. Erat obiectus portis ericius. Hic paulisper est pugnatum, cum irrumpere nostri conarentur, illi castra defenderent, fortissime Tito Pulione, cuius opera proditum exercitum C. Antoni demonstravimus, eo loco propugnante. Sed tamen nostri virtute vicerunt excisoque ericio primo in maiora castra, post etiam in

castellum, quod erat inclusum maioribus castris, ir-ruperunt et, quod eo pulsa legio sese receperat, nonnullos ibi repugnantes interfecerunt.

68. Sed fortuna, quae plurimum potest cum in reliquis rebus tum praecipue in bello, parvis mo-mentis magnas rerum commutationes efficit; ut tum accidit. Munitionem, quam pertinere a castris ad flumen supra demonstravimus, dextri Caesaris cor-nus cohortes ignorantia loci sunt secutae, cum por-tam quaerere castrorumque eam munitionem esse arbitrarentur. Quod cum esset animadversum con-iunctam esse flumini, prorutis munitionibus defen-dente nullo transcenderunt, omnisque noster equi-tatus eas cohortes est secutus.

69. Interim Pompeius hac satis longa interiecta mora et re nuntiata v legiones ab opere deductas subsidio suis duxit, eodemque tempore equitatus eius nostris equitibus appropinquabat, et acies in-structa a nostris, qui castra occupaverant, cerne-batur, omniaque sunt subito mutata. Legio Pom-peiana celeris spe subsidii confirmata ab decumana porta resistere conabatur atque ultro in nostros impetum faciebat. Equitatus Caesaris, quod angusto itinere per aggeres ascende-bat, receptui suo timens initium fugae faciebat. Dextrum cornu, quod erat a sinistro seclusum, terrore equitum animadverso, ne intra munitionem opprimeretur, ea parte, quam proruerat, sese recipiebat, ac plerique ex his, ne in angustias inciderent, ex x pedum munitione se in fossas praecipitabant, primisque oppressis reliqui per horum corpora salutem sibi atque exitum parie-

abant. Sinistro cornu milites, cum ex vallo Pompeium adesse et suos fugere cernerent, veriti, ne angustiis intercluderentur, cum extra et intus hostem haberent, eodem, quo venerant, receptu sibi consulebant, omniaque erant tumultus, timoris, fugae plena, adeo ut, cum Caesar signa fugientium manu prenderet et consistere iuberet, alii admissis equis eundem cursum confugerent, alii ex metu etiam signa dimitterent, neque quisquam omnino consisteret.

70. His tantis malis haec subsidia succurrebant, quo minus omnis deleteretur exercitus, quod Pompeius insidias timens, credo, quod haec praeter spem acciderant eius, qui paulo ante ex castris fugientes suos conspexerat, munitionibus appropinquare aliquamdiu non audebat, equitesque eius angustiis [portis] atque his ab Caesaris militibus occupatis ad insequendum tardabantur. Ita parvae res magnum in utramque partem momentum habuerunt. Munitiones enim a castris ad flumen perductae expugnatis iam castris Pompei propriam expeditamque Caesaris victoriam interpellaverunt, eadem res celeritate insequentium tardata nostris salutem attulit.

71. Duobus his unius diei proeliis Caesar desideravit milites DCCCCLX et * notos equites Romanos [Fleginatem] Tuticanum Gallum, senatoris filium, C. Fleginatem Placentia, A. Granium Puteolis, M. Sacrativirum Capua, tribunos militum et centuriones *XXXII; sed horum omnium pars magna in fossis munitionibusque et fluminis ripis oppressa suorum in terrore ac fuga sine ullo vulnere interiiit; signa-

que sunt militaria amissa XXXII. Pompeius eo proelio³ imperator est appellatus, [hoc nomen obtinuit] atque ita se postea salutari passus neque in litteris scribere est solitus, neque in fascibus insignia laureae praetulit. At Labienus, cum ab eo impetravisset, ut⁴ sibi captivos tradi iuberet, omnes productos ostentationis, ut videbatur, causa, quo maior perfugae fides haberetur, commilitones appellans et magna verborum contumelia interrogans, solerentne veterani milites fugere, in omnium conspectu interfecit.

72. His rebus tantum fiducia ac spiritus Pompeianis accessit, ut non de ratione belli cogitarent, sed vicisse iam viderentur. Non illi paucitatem no-²strorum militum, non iniquitatem loci atque angustias praeoccupatis castris et ancipitem terrorem intra extraque munitiones, non abscisum in duas partes exercitum, cum altera alteri auxilium ferre non posset, causae fuisse cogitabant. Non ad haec addebant non concursu acri facto, non proelio dimicatum, sibi que ipsos multitudine atque angustiis maius attulisse detrimentum, quam ab hoste acceperant. Non denique communes belli casus recordabantur,⁴ quam parvulae saepe causae vel falsae suspicionis vel terroris repentini vel obiectae religionis magna detrimenta intulissent, quotiens vel ducis vitio vel culpa tribuni in exercitu esset offensum; sed, proinde ac si virtute vicissent, neque ulla com-⁵mutatio rerum posset accidere, per orbem terrarum fama ac litteris victoriam eius diei concelebant.

73. Caesar a superioribus consiliis depulsus omnem sibi commutandam belli rationem existimavit. Itaque uno tempore praesidiis omnibus deductis et oppugnatione dimissa coactoque in unum locum exercitu contionem apud milites habuit hortatusque est, ne ea, quae accidissent, graviter ferrent neve his rebus terrerentur multisque secundis proeliis unum adversum et id mediocre opponerent.

3 Habendam fortunae gratiam, quod Italiam sine aliquo vulnere cepissent, quod duas Hispanias bellicosissimorum hominum, peritissimis atque exercitatis-
simis ducibus pacavissent, quod finitimas frumentariasque provincias in potestatem redegissent; denique recordari debere, qua felicitate inter medias hostium classes oppletis non solum portibus, sed etiam litoribus omnes incolumes essent transportati.

4 Si non omnia caderent secunda, fortunam esse industria sublevandam. Quod esset acceptum detrimenti, cuiusvis potius quam suae culpa debere
5 tribui. Locum se aequum ad dimicandum dedisse, potitum esse hostium castris, expulisse ac superasse pugnantes. Sed sive ipsorum perturbatio sive error aliquis sive etiam fortuna partem iam praesentem-
que victoriam interpellavisset, dandam omnibus operam, ut acceptum incommodum virtute sarcire-
6 tur. Quod si esset factum, fore, uti ad Gergoviam contigisset, ut detrimentum in bonum verteret, atque qui ante dimicare timuissent, ultro se proelio offerrent.

74. Hac habita contione nonnullos signiferos
7 ignominia notavit ac loco movit. Exercitui quidem

omni tantus incessit ex incommodo dolor tantumque studium infamiae sarcindae, ut nemo aut tribuni aut centurionis imperium desideraret, et sibi quisque etiam poenae loco graviores imponeret labores, simulque omnes arderent cupiditate pugnandi, cum superioris etiam ordinis nonnulli ratione permoti manendum eo loco et rem proelio committendam existimarent. Contra ea Caesar neque satis militibus³ perterritis confidebat spatiumque interponendum ad recreandos animos putabat, *et* relictis munitionibus magnopere rei frumentariae timebat.

75. Itaque nulla interposita mora sauciorum modo et aegrorum habita ratione impedimenta omnia silentio prima nocte ex castris Apolloniam praemisit. Haec conquirere ante iter confectum vetuit. His una legio missa praesidio est. His explicitis rebus² duas in castris legiones retinuit, reliquas de quarta vigilia compluribus portis eductas eodem itinere praemisit parvoque spatio intermisso, ut et militare institutum servaretur, et quam serissime eius profectio cognosceretur conclamari iussit statimque egressus et novissimum agmen consecutus celeriter ex conspectu castrorum discessit. Neque vero Pompeius cognito consilio eius moram ullam ad insequendum intulit; sed ea demum spectans, si itinere impeditos perterritos deprehendere posset, exercitum e castris eduxit equitatumque praemisit ad novissimum agmen demorandum, neque consequi potuit, quod multum expedito itinere antecesserat Caesar. Sed cum ventum esset ad flumen Genusum, quod⁴ ripis erat impeditis, consecutus equitatus novissimos

⁵proelio detinebat. Huic suos Caesar equites opposuit expeditosque antesignanos admiscuit CCCC; qui tantum profecerunt, ut equestri proelio commisso pellerent omnes compluresque interficerent ipsique incolumes se ad agmen reciperent.

76. Confecto iusto itinere eius diei, quod proposuerat Caesar, traductoque exercitu flumen Genusum veteribus suis in castris contra Asparagium consedit militesque omnes intra vallum continuit equitatumque per causam pabulandi emissum confestim decumana porta in castra se recipere iussit.

²Simili ratione Pompeius confecto eius diei itinere in suis veteribus castris ad Asparagium consedit. Eius milites, quod ab opere integris munitionibus vacabant, alii lignandi pabulandique causa longius progrediebantur, alii, quod subito consilium profectionis ceperant magna parte impedimentorum et sarcinarum relictis, ad haec repetenda invitati propinquitate superiorum castrorum, depositis in constubernio armis, vallum relinquebant. Quibus ad sequendum impeditis Caesar, quod fore providerat, meridiano fere tempore signo profectionis dato exercitum educit duplicatoque eius diei itinere VIII milia passuum ex eo loco procedit; quod facere Pompeius discessu militum non potuit.

77. Postero die Caesar similiter praemissis prima nocte impeditis de quarta vigilia ipse egreditur, ut, si qua esset imposita dimicandi necessitas, subitum casum expedito exercitu subiret.

²Hoc idem reliquis fecit diebus. Quibus rebus perfectum est, ut altissimis fluminibus atque impedi-

tissimis itineribus nullum acciperet incommodum. Pompeius primi diei mora illata et reliquorum die-³rum frustra labore suscepto, cum se magnis itineribus extenderet et praegressos consequi cuperet, quarto die finem sequendi fecit atque aliud sibi consilium capiendum existimavit.

78. Caesari ad saucios deponendos, stipendium exercitui dandum, socios confirmandos, praesidium urbibus relinquendum necesse erat adire Apolloniam. Sed his rebus tantum temporis tribuit, quantum² erat properanti necesse; timens Domitio, ne adventu Pompei praeoccuparetur, ad eum omni celeritate et studio incitatus ferebatur. Totius autem rei con-³silium his rationibus explicabat, ut, si Pompeius eodem contenderet, abductum illum a mari atque ab iis copiis, quas Dyrrhachii comparaverat, frumento ac commeatu abstractum pari condicione belli secum decertare cogeret; si in Italiam trans-⁴iret, coniuncto exercitu cum Domitio per Illyricum Italiae subsidio proficisceretur; si Apolloniam Oricumque oppugnare et se omni maritima ora excludere conaretur, obsessio Scipione necessario illum suis auxilium ferre cogeret. Itaque praemissis nun-⁵tiis ad Cn. Domitium Caesar ei scripsit et, quid fieri vellet, ostendit praesidioque Apolloniae cohortibus IIII, Lissi I, III Orici relictis, quique erant ex vulneribus aegri depositis, per Epirum atque Athamaniam iter facere coepit. Pompeius quoque de⁶ Caesaris consilio coniectura iudicans ad Scipionem properandum sibi existimabat: si Caesar iter illo haberet, ut subsidium Scipioni ferret; si ab ora

maritima Oricoque discedere nollet, quod legiones equitatumque ex Italia exspectaret, ipse ut omnibus copiis Domitium aggrederetur.

79. His de causis uterque eorum celeritati studebat, et suis ut esset auxilio, et ad opprimendos adversarios ne occasione temporis deesset. Sed Caesarem Apollonia a directo itinere averterat; Pompeius per Candaviam iter in Macedoniam expeditum habebat. Accessit etiam ex improvise aliud incommodum, quod Domitius, qui dies complures castris Scipionis castra collata habuisset, rei frumentariae causa ab eo discesserat et Heracliam [Senticam], quae est subiecta Candaviae, iter fecerat, ut ipsa fortuna illum obicere Pompeio videretur. Haec ad id tempus Caesar ignorabat. Simul a Pompeio litteris per omnes provincias civitatesque dimissis proelio ad Dyrrhachium facto latius inflatusque multo, quam res erat gesta, fama percrebuerat, pulsum fugere Caesarem paene omnibus copiis amissis; haec itinera infesta reddiderat, haec civitates nonnullas ab eius amicitia avertebat. Quibus accidit rebus, ut pluribus dimissi itineribus a Caesare ad Domitium et a Domitio ad Caesarem nulla ratione iter conficere possent. Sed Allobroges, Raucilli atque Egi familiares, quos perfugisse ad Pompeium demonstravimus, conspicati in itinere exploratores Domitii, seu pristina sua consuetudine, quod una in Gallia bella gesserant, seu gloria elati cuncta, ut erant acta, exposuerunt et Caesaris profectionem et adventum Pompei docuerunt. A quibus Domitius certior factus vix III horarum spatio

tecedens hostium beneficio periculum vitavit et ad Aeginium, quod est obiectum [oppositumque] Thessaliae, Caesari venienti occurrit.

80. Coniuncto exercitu Caesar Gomphos pervenit, quod est oppidum primum Thessaliae venientibus ab Epiro; quae gens paucis ante mensibus ultro ad Caesarem legatos miserat, ut suis omnibus facultatibus uteretur, praesidiumque ab eo militum petierat. Sed eo fama iam praecurrerat, quam supra² docuimus, de proelio Dyrrhachino, quod multis auxerat partibus. Itaque Androsthene, praetor Thessaliae, cum se victoriae Pompei comitem esse mallet quam socium Caesaris in rebus adversis, omnem ex agris multitudinem servorum ac liberorum in oppidum cogit portasque praeccludit et ad Scipionem Pompeiumque nuntios mittit, ut sibi subsidio veniant: se confidere munitionibus oppidi, si celeriter succurratur; longinquam oppugnationem sustinere non posse. Scipio discessu exercituum ab Dyrrhachio⁴ cognito Larisam legiones adduxerat; Pompeius nondum Thessaliae appropinquabat. Caesar castris munitis scalas musculosque ad repentinam oppugnationem fieri et crates parari iussit. Quibus rebus effectis⁵ cohortatus milites docuit, quantum usum haberet ad sublevandam omnium rerum inopiam potiri oppido pleno atque opulento, simul reliquis civitatibus huius urbis exemplo inferre terrorem et id fieri celeriter, priusquam auxilia concurrerent. Itaque⁶ usus singulari militum studio eodem, quo venerat, die post horam nonam oppidum altissimis moenibus oppugnare aggressus ante solis occa-

et ad diripiendum militibus concessit statimque ab oppido castra movit et Metropolim venit, sic ut nuntios expugnati oppidi famamque antecederet.

81. Metropolitae primum eodem usi consilio isdem permoti rumoribus portas clauserunt murosque armatis compleverunt; sed postea casu civitatis Gomphensis cognito ex captivis, quos Caesar ad murum producendos curaverat, portas aperuerunt.

² Quibus diligentissime conservatis collata fortuna Metropolitum cum casu Gomphensium nulla Thessaliae fuit civitas praeter Larisaeos, qui magnis exercitibus Scipionis tenebantur, quin Caesari parent atque imperata facerent. Ille idoneum locum in agris nactus, quia prope iam matura *frumenta* erant, ibi adventum exspectare Pompei eoque omnem belli rationem conferre constituit.

82. Pompeius paucis post diebus in Thessaliam pervenit contionatusque apud cunctum exercitum suis agit gratias, Scipionis milites cohortatur, ut parta iam victoria praedae ac praemiorum velint esse participes, receptisque omnibus in una castra legionibus suum cum Scipione honorem partitur classicumque apud eum cani et alterum illi iubet ² praetorium tendi. Auctis copiis Pompei duobusque magnis exercitibus coniunctis pristina omnium confirmatur opinio, et spes victoriae augetur, adeo ut, quicquid intercederet temporis, id morari reditum ³ in Italiam videretur, et si quando quid Pompeius tardius aut consideratius faceret, unius esse negotium diei, sed illum delectari imperio et consulares praetoriosque servorum habere numero dicerent.

Iamque inter se palam de praemiis ac sacerdotiis⁴ contendebant in annosque consulatum definiebant, alii domos bonaque eorum, qui in castris erant Caesaris, petebant; magnaue inter eos in consilio⁵ fuit controversia, oporteretne Lucili Hirri, quod is a Pompeio ad Parthos missus esset, proximis comitiis praetoriis absentis rationem haberi, cum eius necessarii fidem implorarent Pompei, praestaret, quod proficiscenti recepisset, ne per eius auctoritatem deceptus videretur, reliqui, in labore pari ac periculo ne unus omnes antecederet, recusarent.

83. Iam de sacerdotio Caesaris Domitius, Scipio Spintherque Lentulus cotidianis contentionibus ad gravissimas verborum contumelias palam descendebant, cum Lentulus aetatis honorem ostentaret, Domitius urbanam gratiam dignitatemque iactaret, Scipio affinitate Pompei confideret. Postulavit etiam L. Afranium proditoris exercitus Acutius Rufus² apud Pompeium, quod gestum in Hispania diceret. Et L. Domitius in consilio dixit placere sibi bello³ confecto ternas tabellas dari ad iudicandum iis, qui ordinis essent senatorii belloque una cum ipsis interfuissent, sententiasque de singulis ferrent, qui Romae remansissent quique intra praesidia Pompei fuissent neque operam in re militari praestitissent: unam fore tabellam, qui liberandos omni periculo cen-⁴serent; alteram, qui capitis damnarent; tertiam, qui pecunia multarent. Postremo omnes aut de⁵ honoribus suis aut de praemiis pecuniae aut de persequendis inimiciis agebant nec, quibus ratio-

nibus superare possent, sed, quemadmodum uti victoria deberent, cogitabant.

84. Re frumentaria praeparata confirmatisque militibus et satis longo spatio temporis a Dyrrhachinis proeliis intermisso, quo satis perspectum habere militum animum videretur, temptandum Caesar existimavit, quidnam Pompeius propositi aut voluntatis ad dimicandum haberet. Itaque ex castris exercitum eduxit aciemque instruxit, primum suis locis pauloque a castris Pompei longius, continentibus vero diebus, ut progrederetur a castris suis collibusque Pompeianis aciem subiceret. Quae res in dies confirmationem eius exercitum efficiebat. Superius tamen institutum in equitibus, quod demonstravimus, servabat, ut, quoniam numero multis partibus esset inferior, adulescentes atque expeditos ex antesignanis selectis [milites] ad perniciatē armis inter equites proeliari iuberet, qui cotidiana consuetudine usum quoque eius generis proeliorum perciperent. His erat rebus effectum, ut equitum mille etiam apertioribus locis VII milium Pompeianorum impetum, cum adesset usus, sustinere auderent neque magnopere eorum multitudine terrentur. Namque etiam per eos dies proelium secundum equestre fecit atque unum Allobrogem ex duobus, quos perfugisse ad Pompeium supra docuimus, cum quibusdam interfecit.

85. Pompeius, qui castra in colle habebat, ad infimas radices montis aciem instruebat semper, ut videbatur, exspectans, si iniquis locis Caesar se subiceret. Caesar nulla ratione ad pugnam elici

posse Pompeium existimans hanc sibi commodissimam belli rationem iudicavit, uti castra ex eo loco moveret semperque esset in itineribus, haec spectans, ut movendis castris pluribusque adeundis locis commodiore re frumentaria uteretur, simulque in itinere ut aliquam occasionem dimicandi nancisceretur et insolitum ad laborem Pompei exercitum cotidianis itineribus defatigaret. His constitutis rebus, signo³ iam profectionis dato tabernaculisque detensis animadversum est paulo ante extra cotidianam consuetudinem longius a vallo esse aciem Pompei progressam, ut non iniquo loco posse dimicari videretur. Tunc Caesar apud suos, cum iam esset agmen in⁴ portis, 'differendum est' inquit, 'iter in praesentia nobis et de proelio cogitandum, sicut semper deposcimus; animo simus ad dimicandum parati: non facile occasionem postea reperiemus'; confestimque expeditas copias educit.

86. Pompeius quoque, ut postea cognitum est, suorum omnium hortatu statuerat proelio decertare. Namque etiam in consilio superioribus diebus dixerat, priusquam concurrerent acies, fore uti exercitus Caesaris pelleretur. Id cum essent plerique² admirati, 'scio me', inquit, 'paene incredibilem rem polliceri; sed rationem consilii mei accipite, quo firmiore animo in proelium prodeatis. Persuasi equitibus nostris (idque mihi facturos confirmaverunt), ut, cum propius sit accessum, dextrum Caesaris cornu ab latere aperto aggrederentur et circumventa ab tergo acie prius perturbatum exercitum pellerent, quam a nobis telum

in iace-

4retur. Ita sine periculo legionum et paene sine
vulnere bellum conficiemus. Id autem difficile non
5est, cum tantum equitatu valeamus'. Simul denun-
tiavit, ut essent animo parati in posterum et, quo-
niam fieret dimicandi potestas, ut saepe cogitavis-
sent, ne usu manuque reliquorum opinionem fal-
lerent.

87. Hunc Labienus excepit et, cum Caesaris
copias despiceret, Pompei consilium summis laudi-
2bus efferret, 'noli', 'inquit, 'existimare, Pompei, hunc
esse exercitum, qui Galliam Germaniamque devi-
cerit. Omnibus interfui proeliis neque temere in-
3cognitam rem pronuntio. Perexigua pars illius exer-
citus superest; magna pars deperiit, quod accidere
tot proeliis fuit necesse, multos autumnī pestilentia
in Italia consumpsit, multi domum discesserunt,
4multi sunt relictī in continenti. An non audistis ex
iis, qui per causam valetudinis remanserunt, cohortes
5esse Brundisi factas? Hae copiae, quas videtis, ex
delectibus horum annorum in citeriore Gallia sunt
refectae, et plerique sunt ex coloniis Transpadanis.
Ac tamen quod fuit roboris duobus proeliis Dyrr-
6hachinis interiit'. Haec cum dixisset, iuravit se nisi
victorem in castra non reversurum reliquosque, ut
idem facerent, hortatus est. Hoc laudans Pompeius
idem iuravit; nec vero ex reliquis fuit quisquam,
7qui iurare dubitaret. Haec cum facta sunt in con-
silio, magna spe et laetitia omnium discessum est;
ac iam animo victoriam praecipiebant, quod de re
tanta et a tam perito imperatore nihil frustra con-
firmari videbatur.

88. Caesar, cum Pompei castris appropinquasset, ad hunc modum aciem eius instructam animadvertit. Erant in sinistro cornu legiones duae traditae a Caesare initio dissensionis ex senatusconsulto; quarum una prima, altera tertia appellabatur. In eo loco ipse erat Pompeius. Mediam aciem Scipio cum² legionibus Syriacis tenebat. Ciliciensis legio coniuncta cum cohortibus Hispanis, quas traductas ab Afranio docuimus, in dextro cornu erant collocatae. Has firmissimas se habere Pompeius existimabat. Reliquas inter aciem mediam cornuaque interiecerat³ numeroque cohortes CX expleverat. Haec erant milia⁴ . XLV, evocatorum circiter duo, quae ex beneficiariis superiorum exercituum ad eum convenerant; quae tota acie disperserat. Reliquas cohortes VII castris propinquisque castellis praesidio disposuerat. Dextrum cornu eius rivus quidam impeditis ripis mu-⁵ niebat; quam ob causam cunctum equitatum, sagittarios funditoresque omnes sinistro cornu obiecerat.

89. Caesar superius institutum servans decimam legionem in dextro cornu, nonam in sinistro collocaverat, tametsi erat Dyrrhachinis proeliis vehementer attenuata, et huic sic adiunxit octavam, ut paene unam ex duabus efficeret, atque alteram alteri praesidio esse iusserat. Cohortes in acie LXXX con-² stitutas habebat, quae summa erat milium XXII; cohortes II castris praesidio reliquerat. Sinistro cornu Antonium, dextro P. Sullam, media acie Cn. Domitium praeposuerat. Ipse contra Pompeium³ constitit. Simul his rebus anni⁴ a de-

monstravimus, timens, ne a multitudine equitum dextrum cornu circumveniretur, celeriter ex tertia acie singulas cohortes detraxit atque ex his quartam instituit equitatuique opposuit et, quid fieri vellet, ostendit monuitque eius diei victoriam in earum
4 cohortium virtute constare. Simul tertiae aciei totique exercitui imperavit, ne iniussu suo concurreret: se, cum id fieri vellet, vexillo signum daturum.

90. Exercitum cum militari more ad pugnam cohortaretur suaeque in eum perpetui temporis officia
2 praedicaret, imprimis commemoravit: testibus se militibus uti posse, quanto studio pacem petisset; quae per Vatinium in colloquiis, quae per Aulum Clodium cum Scipione egisset, quibus modis ad Oricum cum Libone de mittendis legatis conten-
3 disset. Neque se umquam abuti militum sanguine neque rempublicam alterutro exercitu privare voluisse.
4 Hac habita oratione exposcentibus militibus et studio pugnae ardentibus tuba signum dedit.

91. Erat Crastinus evocatus in exercitu Caesaris, qui superiore anno apud eum primum pilum in legione x. duxerat, vir singulari virtute. Hic signo dato, 'sequimini me', inquit, 'manipulares mei qui fuistis, et vestro imperatori quam constituistis
2 operam date. Unum hoc proelium superest; quo confecto et ille suam dignitatem et nos nostram
3 libertatem recuperabimus'. Simul respiciens Caesarem, 'faciam', inquit, 'hodie, imperator, ut aut vivo mihi aut mortuo gratias agas'. Haec cum dixisset, primus ex dextro cornu procucurrit, atque

eum electi milites circiter CXX voluntarii eiusdem centuriae sunt prosecuti.

92. Inter duas acies tantum erat relictum spatii, ut satis esset ad concursum utriusque exercitus. Sed Pompeius suis praedixerat, ut Caesaris impetum exciperent neve se loco moverent aciemque eius distrahi paterentur; idque admonitu C. Triarii fecisse dicebatur, ut primus excursus visque militum infringeretur aciesque distenderetur, atque in suis ordinibus dispositi dispersos adorirentur; leviusque casura pila sperabat in loco retentis militibus, quam si ipsi immissis telis occurrissent, simul fore, ut duplicato cursu Caesaris milites exanimarentur et lassitudine conficerentur. Quod nobis quidem nulla ratione factum a Pompeio videtur, propterea quod est quaedam animi incitatio atque alacritas naturaliter innata omnibus, quae studio pugnae incenditur; hanc non reprimere, sed augere imperatores debent; neque frustra antiquitus institutum est, ut signa undique concinerent clamoremque universi tollerent; quibus rebus et hostes terreri et suos incitari existimaverunt.

93. Sed nostri milites dato signo cum infestis pilis procucurrissent atque animum advertissent non concurriri a Pompeianis, usu periti ac superioribus pugnis exercitati sua sponte cursum represserunt et ad medium fere spatium constiterunt, ne consumptis viribus appropinquarent, parvoque intermisso temporis spatio ac rursus renovato cursu pila miserunt celeriterque, ut erat praeceptum a Caesare, gladios strinxerunt. Neque vero Pompeiani huic rei de-

fuerunt. Nam et tela missa exceperunt et impetum legionum tulerunt et ordines conservarunt pilisque³ missis ad gladios redierunt. Eodem tempore equites ab sinistro Pompei cornu, ut erat imperatum, universi procucurrerunt, omnisque multitudo sagittariorum se profudit. Quorum impetum noster equitatus non tulit, sed paulatim loco motus cessit, equitesque Pompei hoc acrius instare et se turmatim explicare aciemque nostram a latere aperto circumire⁴ coeperunt. Quod ubi Caesar animadvertit, quartae aciei, quam instituerat sex cohortium, dedit signum.⁵ Illi celeriter procucurrerunt infestisque signis tanta vi in Pompei equites impetum fecerunt, ut eorum nemo consisteret, omnesque conversi non solum loco excederent, sed protinus incitati fuga montes altissimos peterent. Quibus submotis omnes sagittarii funditoresque destituti inermes sine praesidio⁶ interfecti sunt. Eodem impetu cohortes sinistrum cornu pugnantibus etiam tum ac resistentibus in acie Pompeianis circumierunt eosque a tergo sunt adorti.

94. Eodem tempore tertiam aciem Caesar, quae quiescente fuerat et se ad id tempus loco tenuerat,² procurrere iussit. Ita cum recentes atque integri defessis successissent, alii autem a tergo adorirentur, sustinere Pompeiani non potuerunt, atque universi³ terga verterunt. Neque vero Caesarem fefellit, quin ab iis cohortibus, quae contra equitatum in quarta acie collocatae essent, initium victoriae oriretur, ut⁴ ipse in cohortandis militibus pronuntiaverat. Ab his enim primum equitatus est pulsus, ab isdem

factae caedes sagittariorum ac funditorum, ab isdem acies Pompeiana a sinistra parte [erant] circumita atque initium fugae factum. Sed Pompeius, ut equi-⁵ tatum suum pulsum vidit atque eam partem, cui maxime confidebat, perterritam animadvertit, aliis quoque diffusus acie excessit protinusque se in castra equo contulit et iis centurionibus, quos in statione⁶ ad praetoriam portam posuerat, clare, ut milites exaudirent, 'tuemini', inquit, 'castra et defendite diligenter, si quid durius acciderit. Ego reliquas portas circumeo et castrorum praesidia confirmo'. Haec cum dixisset, se in praetorium contulit summae rei⁷ diffidens et tamen eventum exspectans.

95. Caesar Pompeianis ex fuga intra vallum compulsis nullum spatium perterritis dare oportere existimans milites cohortatus est, ut beneficio fortunae uterentur castraque oppugnarent. Qui, etsi magno aestu (nam ad meridiem res erat perducta), tamen ad omnem laborem animo parati imperio paruerunt. Castra a cohortibus, quae ibi praesidio² erant relictæ, industrie defendebantur, multo etiam acrius a Thracibus barbarisque auxiliis. Nam qui³ acie refugerant milites, et animo perterriti et lassitudine confecti, missis plerique armis signisque militaribus, magis de reliqua fuga quam de castrorum defensione cogitabant. Neque vero diutius, qui in⁴ vallo constiterant, multitudinem telorum sustinere potuerunt, sed confecti vulneribus locum reliquerunt, protinusque omnes ducibus usi centurionibus tribunicisque militum in altissimos montes, qui ad castra pertinebant, confugerunt.

96. In castris Pompei videre licuit trichilas structas, magnum argenti pondus expositum, recentibus caespitibus tabernacula constrata, Lucii etiam Lentuli et nonnullorum tabernacula protecta edera, multaque praeterea, quae nimiam luxuriam et victoriae fiduciam designarent, ut facile existimari posset nihil eos de eventu eius diei timuisse, qui non² necessarias conquirerent voluptates. At hi miserrimo ac patientissimo exercitu Caesaris luxuriam obiciebant, cui semper omnia ad necessarium usum de³ fuissent. Pompeius, iam cum intra vallum nostri versarentur, equum nactus, detractis insignibus imperatoris, decumana porta se ex castris eiecit pro⁴ tinusque equo citato Larisam contendit. Neque ibi constitit, sed eadem celeritate paucos suos ex fuga nactus, nocturno itinere non intermisso, comitatu equitum xxx ad mare pervenit navemque frumentariam conscendit, saepe, ut dicebatur, querens tantum se opinionem fefellisse; ut, a quo genere hominum victoriam sperasset, ab eo initio fugae facto paene proditus videretur.

97. Caesar castris potitus a militibus contendit, ne in praeda occupati reliqui negotii gerendi facultatem dimitterent. Qua re impetrata montem opere circummunire instituit. Pompeiani, quod is mons erat sine aqua, diffisi ei loco relicto monte universi iugis eius Larisam versus se recipere coeperunt.³ Qua re animadversa Caesar copias suas divisit partemque legionum in castris Pompei remanere iussit, partem in sua castra remisit, IIII secum legiones duxit commodioreque itinere Pompeianis occurrere

coepit et progressus milia passuum VI aciem instruxit. Qua re animadversa Pompeiani in quodam⁴ monte constiterunt. Hunc montem flumen sublebat. Caesar milites cohortatus, etsi totius diei continenti labore erant confecti noxque iam suberat, tamen munitione flumen a monte seclisit, ne noctu aquari Pompeiani possent. Quo perfecto opere illi⁵ de deditione missis legatis agere coeperunt. Pauci ordinis senatorii, qui se cum iis coniunxerant, nocte fuga salutem petiverunt.

98. Caesar prima luce omnes eos, qui in monte consederant, ex superioribus locis in planiciem descendere atque arma proicere iussit. Quod ubi sine² recusatione fecerunt passisque palmis proiecti ad terram flentes ab eo salutem petiverunt, consolatus consurgere iussit et pauca apud eos de lenitate sua locutus, quo minore essent timore, omnes conservavit militibusque suis commendavit, ne qui eorum violaretur, neu quid sui desiderarent. Hac adhibita³ diligentia ex castris sibi legiones alias occurrere et eas, quas secum duxerat, in vicem requiescere atque in castra reverti iussit eodemque die Larisam pervenit.

99. In eo proelio non amplius CC milites desideravit, sed centuriones, fortes viros, circiter XXX amisit. Interfectus est etiam fortissime pugnans Crastinus, cuius mentionem supra fecimus, gladio in os adversum coniecto. Neque id fuit falsum,² quod ille in pugnam proficiscens dixerat. Sic enim Caesar existimabat, eò proelio excellentissimam virtutem Crastini fuisse, optimeque¹ de se meritum

³iudicabat. Ex Pompeiano exercitu circiter milia xv cecidisse videbantur, sed in deditionem venerunt amplius milia xxiiii (namque etiam cohortes, quae praesidio in castellis fuerant, sese Sullae dediderunt), multi praeterea in finitimas civitates refugerunt; ⁴signaque militaria ex proelio ad Caesarem sunt relata clxxx et aquilae viii. L. Domitius ex castris in montem refugiens, cum vires eum lassitudine defecissent, ab equitibus est interfectus.

100. Eodem tempore D. Laelius cum classe ad Brundisium venit eademque ratione, qua factum a Libone antea demonstravimus, insulam obiectam ²portui Brundisino tenuit. Similiter Vatinius, qui Brundisio praeerat, tectis instructisque scaphis elicuit naves Laelianas atque ex his longius productam unam quinquerehem et minores duas in angustiis portus cepit, itemque per equites dispositos aqua ³prohibere classiarios instituit. Sed Laelius tempore anni commodiore usus ad navigandum onerariis navibus Corcyra Dyrrhachioque aquam suis supportabat, neque a proposito deterrebatur neque ante proelium in Thessalia factum cognitum aut ignominia amissarum navium aut necessariarum rerum inopia ex portu insulaque expelli potuit.

101. Isdem fere temporibus Cassius cum classe Syrorum et Phoenicum et Cilicum in Siciliam venit, et cum esset Caesaris classis divisa in duas partes, dimidia parti praeesset P. Sulpicius praetor Vibone ad fretum, dimidia M. Pomponius ad Messanam, prius Cassius ad Messanam navibus advolavit, quam ²Pomponius de eius adventu cognosceret, perturba-

tumque eum nactus nullis custodiis neque ordinibus certis, magno vento et secundo completas onerarias naves taeda et pice et stupa reliquisque rebus, quae sunt ad incendia, in Pomponianam classem immisit atque omnes naves incendit xxxv, e quibus erant xx constratae. Tantusque eo facto timor incessit,³ ut, cum esset legio praesidio Messanae, vix oppidum defenderetur, et nisi eo ipso tempore quidam nuntii de Caesaris victoria per dispositos equites essent allati, existimabant plerique futurum fuisse, uti amitteretur. Sed opportunissime nuntiis allatis⁴ oppidum est defensum; Cassiusque ad Sulpicianam inde classem profectus est Vibonem, applicatisque nostris ad terram navibus [propter eundem timorem] pari atque antea ratione [egerat] secundum nactus ventum onerarias naves [circiter xl] praeparatas ad incendium immisit, et flamma ab utroque cornu comprehensa naves sunt combustae quinque. Cumque⁵ ignis magnitudine venti latius serperet, milites, qui ex veteribus legionibus erant relictii praesidio navibus ex numero aegrorum, ignominiam non tulerunt, sed sua sponte naves conscenderunt et a terra solverunt impetuque facto in Cassianam classem quinqueremes duas, in quarum altera erat Cassius, ceperunt; sed Cassius exceptus scapha refugit; praeterea duae sunt deprensae triremes. Neque multo⁶ post de proelio facto in Thessalia cognitum est, ut ipsis Pompeianis fides fieret; nam ante id tempus fingi a legatis amicisque Caesaris arbitrabantur. Quibus rebus cognitis ex his locis Cassius cum classe discessit.

102. Caesar omnibus rebus relictis persequendum sibi Pompeium existimavit, quascumque in partes se ex fuga recepisset, ne rursus copias comparare alias et bellum renovare posset, et quantumcumque itineris equitatu efficere poterat, cotidie progrediebatur legionemque unam minoribus itineribus
2 subsequi iussit. Erat edictum Pompei nomine Amphipoli propositum, uti omnes eius provinciae iuniores, Graeci civesque Romani, iurandi causa convenirent. Sed utrum avertendae suspicionis causa
3 Pompeius proposuisset, ut quam diutissime longioris fugae consilium occultaret, an novis delectibus, si nemo premeret, Macedoniam tenere conaretur, existimari non poterat. Ipse ad ancoram una nocte
4 constitit et vocatis ad se Amphipoli hospitibus et pecunia ad necessarios sumptus corrogata, cognito Caesaris adventu, ex eo loco discessit et Mytilenas
5 paucis diebus venit. Biduum tempestate retentus navibusque aliis additis actuariis in Ciliciam atque
6 inde Cyprum pervenit. Ibi cognoscit consensu omnium Antiochensium civiumque Romanorum, qui illic negotiarentur, arcem captam esse excludendi
sui causa nuntiosque dimissos ad eos, qui se ex fuga in finitimas civitates recepisse dicerentur, ne Antiochiam adirent: id si fecissent, magno eorum
7 capitis periculo futurum. Idem hoc L. Lentulo, qui superiore anno consul fuerat, et P. Lentulo consulari ac nonnullis aliis acciderat Rhodi; qui cum ex fuga Pompeium sequerentur atque in insulam venissent, oppido ac portu recepti non erant missisque ad eos nuntiis, ut ex his locis discederent

contra voluntatem suam naves solverunt. Iamque de Caesaris adventu fama ad civitates perferebatur.

103. Quibus cognitis rebus Pompeius deposito adeundae Syriae consilio pecunia societatis sublata et a quibusdam privatis sumpta et aeris magno pondere ad militarem usum in naves imposito duobusque milibus hominum armatis, partim quos ex familiis societatum delegerat, partim a negotiatoribus coëgerat, quosque ex suis quisque ad hanc rem idoneos existimabat, Pelusium pervenit. Ibi casu rex erat Ptolemaeus, puer aetate, magnis copiis cum sorore Cleopatra bellum gerens, quam paucis ante mensibus per suos propinquos atque amicos regno expulerat; castraque Cleopatrae non longo spatio ab eius castris distabant. Ad eum Pompeius misit, ut pro hospitio atque amicitia patris Alexandria reciperetur atque illius opibus in calamitate tegeretur. Sed qui ab eo missi erant, confecto legationis officio liberius cum militibus regis colloqui coeperunt eosque hortari, ut suum officium Pompeio praestarent, neve eius fortunam despicerent. In hoc erant numero complures Pompei milites, quos ex eius exercitu acceptos in Syria Gabinius Alexandriam traduxerat belloque confecto apud Ptolemaeum, patrem pueri, reliquerat.

104. His tunc cognitis rebus amici regis, qui propter aetatem eius in procuratione erant regni, sive timore adducti, ut postea praedicabant, sollicitato exercitu regio ne Pompeius Alexandriam Aegyptumque occuparet, sive despecta eius fortuna, ut plerumque in calamitate ex amicis.

it,

Caesar II.

his, qui erant ab eo missi, palam liberaliter responderunt eumque ad regem venire iusserunt; ipsi clam consilio inito Achillam, praefectum regium, singulari hominem audacia, et L. Septimium, tribunum militum, ad interficiendum Pompeium miserunt. Ab his liberaliter ipse appellatus et quadam notitia Septimii productus, quod bello praedonum apud eum ordinem duxerat, naviculam parvulam conscendit cum paucis suis: ibi ab Achilla et Septimio interficitur. Item L. Lentulus comprehenditur ab rege et in custodia necatur.

105. Caesar, cum in Asiam venisset, reperiebat T. Ampium conatum esse pecunias tollere Epheso ex fano Dianae eiusque rei causa senatores omnes ex provincia evocasse, ut his testibus in summa pecuniae uteretur, sed interpellatum adventu Caesaris profugisse. Ita duobus temporibus Ephesiae pecuniae Caesar auxilium tulit. Item constabat Elide in templo Minervae repetitis atque enumeratis diebus, quo die proelium secundum Caesar fecisset, simulacrum Victoriae, quod ante ipsam Minervam collocatum esset et ante ad simulacrum Minervae spectavisset, ad valvas se templi limenque convertisse. Eodemque die Antiochiae in Syria bis tantus exercitus clamor et signorum sonus exauditus est, ut in muris armata civitas discurreret. Hoc idem Ptolemaide accidit. Pergami in occultis ac reconditis templi, quo praeter sacerdotes adire fas non est, quae Graeci *ἄδύτα* appellant, tympana sonuerunt. Item Trallibus in templo Victoriae, ubi Caesaris statuam consecraverant, palma per eos dies intacta

inter coagmenta lapidum ex pavimento exstitisse ostendebatur.

106. Caesar paucos dies in Asia moratus, cum audisset Pompeium Cypri visum, coniectans eum Aegyptum iter habere propter necessitudines regni reliquasque eius loci opportunitates cum legione una, quam se ex Thessalia sequi iusserat, et altera, quam ex Achaia a Q. Fufio legato evocaverat, equitibusque DCCC et navibus longis Rhodiis x et Asiaticis paucis Alexandriam pervenit. In his erant, legionibus hominum milia tria CC; reliqui vulneribus ex proeliis et labore ac magnitudine itineris confecti consequi non potuerant. Sed Caesar confusus fama rerum gestarum infirmis auxiliis proficisci non dubitaverat, aequae omnem sibi locum tutum fore existimans. Alexandriae de Pompei morte cognoscit atque ibi primum e nave egrediens clamorem militum audit, quos rex in oppido praesidii causa reliquerat, et concursum ad se fieri videt, quod fasces anteferrentur. In hoc omnis multitudo maiestatem regiam minui praedicabat. Hoc sedato tumultu crebrae continuis diebus ex concursu multitudinis concitationes fiebant, compluresque milites huius urbis omnibus partibus interficiebantur.

107. Quibus rebus animadversis legiones sibi alias ex Asia adduci iussit, quas ex Pompeianis militibus confecerat. Ipse enim necessario etesiis tenebatur, qui navigantibus Alexandria sunt adversissimi venti. Interim controversias regum ad populum Romanum et ad se, quod esset consul, pertinere existimans atque eo magis officio suo convenire,

quod superiore consulatu cum patre Ptolemaeo et lege et senatusconsulto societas erat facta, ostendit sibi placere regem Ptolemaeum atque eius sororem Cleopatram exercitus, quos haberent, dimittere et de controversiis iure apud se potius quam inter se armis disceptare.

108. Erat in procuratione regni propter aetatem pueri nutricius eius, eunuchus nomine Pothinus. Is primum inter suos queri atque indignari coepit regem ad causam dicendam evocari; deinde adiutores quosdam consilii sui nactus ex regis amicis exercitum a Pelusio clam Alexandriam evocavit atque eundem Achillam, cuius supra meminimus, omnibus copiis praefecit. Hunc incitatum suis et regis inflatum pollicitationibus, quae fieri vellet, litteris nuntiisque sedocuit. In testamento Ptolemaei patris heredes erant scripti ex duobus filiis maior et ex duabus filiabus ea, quae aetate antecederet. Haec uti fierent, per omnes deos perque foedera, quae Romae fecisset, eodem testamento Ptolemaeus populum Romanum obtestabatur. Tabulae testamenti unae per legatos prius Romam erant allatae, ut in aerario ponerentur (hae, cum propter publicas occupationes poni non potuissent, apud Pompeium sunt depositae), alterae eodem exemplo relictae atque obsignatae Alexandriae proferebantur.

109. De his rebus cum ageretur apud Caesarem, isque maxime vellet pro communi amico atque arbitro controversias regum componere, subito exercitus regius equitatusque omnis venire Alexandriae nuntiatur. Caesaris copiae nequaquam erant

ut eis extra oppidum, si esset dimicandum, confideret. Relinquebatur, ut se suis locis oppido teneret consiliumque Achillae cognosceret. Milites tamen omnes in armis esse iussit regemque hortatus est, ut ex suis necessariis, quos haberet maximae auctoritatis, legatos ad Achillam mitteret et, quid esset suae voluntatis, ostenderet. A quo missi Dioscorides et Serapion, qui ambo legati Romae fuerant magnamque apud patrem Ptolemaeum auctoritatem habuerant, ad Achillam pervenerent. Quos ille, cum in conspectum eius venissent, priusquam audiret aut, cuius rei causa missi essent, cognosceret, corripere atque interfici iussit; quorum alter accepto vulnere occupatus per suos pro occiso sublatus, alter interfectus est. Quo facto regem ut in sua potestate haberet, Caesar efficit, magnam regium nomen apud suos auctoritatem habere existimans et ut potius privato paucorum et latronum quam regio consilio susceptum bellum videretur.

110. Erant cum Achilla copiae, ut neque numero neque genere hominum neque usu rei militaris contemnendae viderentur. Milia enim xx in armis habebat. Haec constabant ex Gabinianis militibus qui iam in consuetudinem Alexandrinae vitae ac licentiae venerant et nomen disciplinamque populi Romani dedidicerant uxoresque duxerant, ex quibus plerique liberos habebant. Huc accedebant collecti ex praedonibus latronibusque Syriae Ciliciaeque provinciae finitimarumque regionum. Multi praeterea capitis damnati exulesque convenerant; fugitivis omnibus nostris certus erat Alexandriae receptus

certainque vitae condicio, ut dato nomine militum essent numero; si quis a domino prehenderetur, consensu militum eripiebatur, qui vim suorum, quod in simili culpa versabantur, ipsi pro suo periculo defendebant.

⁵ Hi regum amicos ad mortem deposcere, hi bona locupletum diripere, stipendii augendi causa regis domum obsidere, regno expellere, alios arcessere vetere quodam Alexandrini exercitus instituto consueverant.

⁶ Erant praeterea equitum milia duo. Inveteraverant hi omnes compluribus Alexandriae bellis; Ptolemaeum patrem in regnum reduxerant, Bibuli filios duos interfecerant, bella cum Aegyptiis gesserant. Hunc usum rei militaris habebant.

111. His copiis fidens Achilles paucitatemque militum Caesaris despiciens occupabat Alexandriam praeter eam oppidi partem, quam Caesar cum militibus tenebat, primo impetu domum eius irrumpere conatus; sed Caesar dispositis per vias cohortibus ² impetum eius sustinuit. Eodemque tempore pugnatum est ad portum, ac longe maximam ea res attulit dimicationem. Simul enim diductis copiis pluribus viis pugnabatur, et magna multitudine naves longas occupare hostes conabantur; quarum erant ³ L auxilio missae ad Pompeium proelioque in Thessalia facto domum redierant, illae triremes omnes et quinque-remes aptae instructaeque omnibus rebus ad navigandum, praeter has XXII, quae praesidii causa ⁴ Alexandriae esse consueverant, constratae omnes; quas si occupavissent, classe Caesari erepta portum ac mare totum in sua potestate haberent, ⁵ commessu auxiliisque Caesarem prohiberent. Itaq

contentione actum, quanta agi debuit, cum illi ce-
rem in ea re victoriam, hi salutem suam consistere
viderent. Sed rem obtinuit Caesar omnesque eas naves
et reliquas, quae erant in navalibus, incendit, quod
tam late tueri parva manu non poterat, confestimque
ad Pharum navibus milites exposuit.

112. Pharus est in insula turris magna altitu-
dine, mirificis operibus exstructa; quae nomen ab
insula accepit. Haec insula obiecta Alexandriae
portum efficit; sed a superioribus regionibus in lon-
gitudinem passuum DCCC in mare iactis molibus
angusto itinere ut ponte cum oppido coniungitur.
In hac sunt insula domicilia Aegyptiorum et vicus
oppidi magnitudine; quo ubi quaecumque naves im-
prudencia aut tempestate paulum suo cursu deces-
serunt, has more praedonum diripere consuerunt.
Iis autem invitis, a quibus Pharus tenetur, non po-
test esse propter angustias navibus introitus in portum.
Hoc tum veritus Caesar, hostibus in pugna occu-
patis, militibus expositis Pharumprehendit atque ibi
praesidium posuit. Quibus est rebus effectum, uti-
tuto frumentum auxiliaque navibus ad eum suppor-
tari possent. Dimisit enim circum omnes propinquas
provincias atque inde auxilia evocavit. Reliquis oppidi
partibus sic est pugnatum, ut aequo proelio discede-
retur et neutri pellerentur (id efficiebat angustiae
loci), paucisque utrimque interfectis Caesar loca
maxime necessaria complexus noctu praemunit. In eo
tractu oppidi pars erat regiae exigua, in quam ipse ha-
bitandi causa initio erat inductus, et theatrum con-
iunctum domui [quod] arcis tenebat locum aditusque

habebat ad portum et ad reliqua navalia. Has munitiones insequentibus auxit diebus, ut pro muro obiectas haberet neu dimicare invitus cogeretur. Interim filia minor Ptolemaei regis vacuum possessionem regni sperans ad Achillam sese ex regia traiecit unaque
10 bellum administrare coepit. Sed celeriter est inter eos de principatu controversia orta; quae res apud milites largitiones auxit; magnis enim iacturis sibi
11 quisque eorum animos conciliabat. Haec dum apud hostes geruntur, Pothinus, nutricius pueri et procurator regni [in parte Caesaris], cum ad Achillam nuntios mitteret hortareturque, ne negotio desisteret neve animo deficeret, indicatis deprehensisque internuntiis a Caesare est interfectus. Haec initia belli Alexandrini fuerunt.

BELLUM ALEXANDRINUM.

ARGUMENTUM.

[A. U. C. 706. 707.] Quae ad expugnandam Alexandriam Caesar, ad defendendam Aegyptii paraverint, exponuntur c. 1—3. Arsinoe interempto Achilla exercitui Ganymedem praeficit c. 4. Hic Caesarem aqua interclusurus rotis et machinis magnam vim aquae ex mari exprimit et in partem urbis ab Caesare occupatam ad corrumpendam dulcem puteorum aquam immittit; at Caesar fodiendis in litore puteis calamitati medetur c. 5—9. Rhodiorum fortitudine reique navalis experientia Caesar proelio navali victor excedit c. 10. 11. Maior classis ab Ganymede comparatur c. 12. 13; iterum vincitur Rhodiorum imprimis virtute c. 14—17. Minus prospere res cessit Caesari Pharum insulam aggresso; ipse natatu periculum evasit c. 18—21. Quo detrimento cum Romanis animus non infringeretur, Alexandrini ad Caesarem de rege dimittendo legatos mittunt, simulantes, eo recepto omne impedimentum sublatum iri, quominus Caesari se dederent c. 22. 23. Quibus promissis etiamsi fidem Caesar non haberet, regemque dimissum hostem futurum esse praevideret, tamen eum dimittit, bellum contra regem honestius existimans quam contra convenarum ac fugitivorum manum c. 24. Alexandrinos commeatibus insidiatos aggressus, quadriremem Rhodiam amittit c. 25. Iam Mithridates Pergamenus collectis in Syria Ciliciaque auxiliis ad Caesarem contendit, Pelusium ex itinere recipit, Alexandrinos iter intercepturos fugat c. 26. 27. Coniunctus cum eo Caesar castra regis ad

Nilum posita expugnat; rex ipse fugiens flumine mergitur c. 28—31. Caesar victor Alexandriam ingreditur c. 32, Cleopatrae ex Ptolemaei testamento regnum tradit c. 33. Interea Domitius Calvinus parum feliciter bellum administrabat in Ponto contra Pharnacem, qui Armeniam minorem et Cappadociam, Deiotari et Ariobarzanis regna, occupaverat c. 34—41; in Illyrico autem aliquamdiu varia fortuna cum Pompeiani exercitus reliquiis pugnabatur, dum proelio navali ad Tauridem insulam commisso Vatinius provinciam Caesari restituit c. 42—47. Quo tempore Caesar cum Pompeio in Graecia bellum gerebat, Q. Cassius Longinus pro praetore Hispaniam obtinebat. Qui cum magnum sibi totius provinciae odium conflasset, largitionibus exercitus amorem sibi conciliaturus, quocumque modo potest pecunias extorquet c. 48. 49. Ineunt provinciales consilia de eius morte c. 50. Per litteras Caesaris in Africam transmittere iussus, exercitum ad Cordubam colligit c. 50. 51; ab coniuratis graviter vulneratus Beronum et evocatorum auxilio servatur c. 52. 53. Proficiscuntur legiones ad auxilium imperatori ferendum excepta vernacula c. 54. Conquiruntur caedis conscii et interficiuntur exceptis iis, qui se pecunia redemerunt c. 55. Sanatis vulneribus denuo pecuniis inhiat c. 56. Iam vernaculae legionis milites seditione facta ad secundanos, quibus non minori atque illis odio erat Cassius, contenderunt, Thorium Italicensem ducem deligunt c. 57; Cordubam petunt, Cassii odio Pompei nomen in scutis inscribunt c. 58, mox detrahunt, ubi et Cordubenses et Marcellum, qui oppido praeerat, eodem atque se ipsos Cassii odio teneri cognoverunt. Marcellus dux constituitur c. 59, isque varia fortuna rem gerit contra Cassium c. 60. 61. Auxiliatur Cassio Bogud, rex Mauritaniae c. 62. Iam ad bellum componendum Lepidus ex citeriore provincia advenit, cui statim Marcellus se credit. Indutiis factis Bogudis milites in castellum aliquod Marcelli impetum faciunt c. 63. Marcelli et Lepidi castra coniunguntur, Cassio liber exitus conceditur. Paulo post Cassius Iberum transgrediens navigio tempestate demerso interiit c. 64. Caesar ex Aegypto in Syriam profectus huic provinciae Sextum

Caesarem praeficit, ipse Ciliciam adit, paucosque dies ad res ordinandas commoratus per Cappadociam in Pontum iter conficit c. 65. 66. Proficiscenti obviam fit Deiotarus, veniam ab eo petiturus, quod in castris Pompei fuisset c. 67. Restituit ei regium honorem Caesar c. 68. Cum Pontum intrasset, Pharnaces legatos belli deprecandi causa ad eum mittit c. 69. Condiciones ab Caesare propositas se amplecti simulat, sed cum eum rebus urbanis Romam arcessi sciret, rem trahere studet. Quod hominis consilium cum Caesarem non lateret, celerrime ad Zelam, ab Pharnace occupatam, contendit Proelio commisso regis exercitus profligatur, ipse cum paucis equitibus fuga evasit c. 70—76. Ponto recepto Caesar in Asiam iter facit; de provinciae controversiis cognoscit. Mithridatem Pergamenum regem Bospori et tetrarcham Gallograecorum constituit, deinde omnium opinione celerius victor in Italiam redit c. 77. 78.

1. Bello Alexandrino conflato Caesar Rhodo atque ex Syria Ciliciaque omnem classem arcessit; Creta sagittarios, equites ab rege Nabataeorum Malcho evocat; tormenta undique conquiri et frumentum mitti, auxilia adduci iubet. Interim munitiones cotidie operibus augentur, atque omnes oppidi partes, quae minus esse firmae videntur, testudinibus ac musculis appetuntur; ex aedificiis autem per foramina in proxima aedificia arietes inmittuntur, quantumque aut ruinis deicitur aut per vim recipitur loci, in tantum munitiones proferuntur. Nam incendios fere tuta est Alexandria, quod sine contignatione ac materia sunt aedificia et structuris ac fornicibus continentur tectaque sunt rudere aut pavimentis. Caesar maxime studebat, ut, quam angustissimam partem oppidi palus a meridie interiecta efficiebat, hanc operibus vineisque agendis ab reliqua parte urbis

excluderet, illud spectans, primum, ut, cum in duas partes esset urbis divisa acies, uno consilio atque imperio administraretur, deinde, ut laborantibus succurri atque ex altera oppidi parte auxilium ferri posset, imprimis vero, ut aqua pabuloque abundaret, quarum alterius rei copiam exiguam, alterius nullam omnino facultatem habebat; quod utrumque large palus praebere poterat.

2. Neque vero Alexandrinis in gerendis negotiis cunctatio ulla aut mora inferebatur. Nam in omnes partes, per quas fines Aegypti regnumque pertinet, legatos conquisitoresque delectus habendi causa miserant, magnumque numerum in oppidum telorum atque tormentorum convexerant et innumerabilem multitudinem adduxerant. Nec minus in urbe maxime armorum erant institutae officinae. Servos praeterea puberes armaverant; quibus domini locupletiores victum cotidianum stipendiumque praebabant.

3. Hac multitudine disposita munitiones semotarum partium tuebantur; veteranas cohortes vacuas in celeberrimis urbis locis habebant, ut quacumque regione pugnaretur, integris viribus ad auxilium ferendum opponi possent. Omnibus viis atque angipartis triplicem vallum obduxerant (erat autem quadrato exstructus saxo neque minus xxxx pedes altitudinis habebat), quaeque partes urbis inferiores erant, has altissimis turribus denorum tabulatorum munierant.

5. Praeterea alias ambulatorias totidem tabulatorum confixerant subiectisque eas rotis funibus iumentisque obiectis directis plateis in quacumque erat visum partem movebant.

3. Urbs fertilissima et copiosissima omnium rerum apparatus suggerebat. Ipsi homines ingeniosissimi atque acutissimi, quae a nostris fieri viderant, ea sollertia efficiebant, ut nostri illorum opera imitati viderentur, et sua sponte multa reperiabant, unoque tempore et nostras munitiones infestabant et suas defendebant. Atque haec principes in consiliis contionibusque agitabant: populum Romanum paulatim in consuetudinem eius regni occupandi venire. Paucis annis antea Gabinium cum exercitu fuisse in Aegypto; Pompeium se ex fuga eodem recepisse; Caesarem venisse cum copiis, neque morte Pompei quicquam profectum, quo minus apud se Caesar commoraretur. Quem si non expulissent, futuram ex regno provinciam; idque agendum mature: namque eum interclusum tempestatibus propter anni tempus recipere transmarina auxilia non posse.

4. Interim dissensione orta inter Achillam, qui veterano exercitui praeerat, et Arsinoën, regis Ptolemaei minorem filiam, ut supra demonstratum est, cum uterque utrique insidiaretur et summam imperii ipse obtinere vellet, praeoccupat Arsinoë per Ganymeden eunuchum, nutricium suum, atque Achillam interficit. Hoc occiso sine ullo socio et custode ipsa omne imperium obtinebat; exercitus Ganymedi traditur. Is suscepto officio largitionem in milites auget et reliqua pari diligentia administrat.

5. Alexandria est fere tota suffossa specusque habet a Nilo pertinentes, quibus aqua in privatas domos inducitur, quae paulatim spatio temporis

2 liquescit ac subsidit. Hac uti domini aedificiorum
atque eorum familiae consuerunt: nam quae flumine
Nilo fertur, adeo est limosa ac turbida, ut multos
variosque morbos efficiat; sed ea plebes ac multi-
tudo contenta est necessario, quod fons urbe tota
nullus est. Hoc tamen flumen in ea parte erat urbis,
3 quae ab Alexandrinis tenebatur. Quo facto est ad-
monitus Ganymedes, posse nostros aqua intercludi:
qui distributi munitionum tuendarum causa vicatim
ex privatis aedificiis specubus ac puteis extracta
aqua utebantur.

6. Hoc probato consilio magnum ac difficile
opus aggreditur. Intersaeptis enim specubus atque
omnibus urbis partibus exclusis, quae ab ipso tene-
bantur, aquae magnam vim ex mari rotis ac machi-
nationibus exprimere contendit; hanc locis superio-
ribus fundere in partem Caesaris non intermittebat.
2 Quam ob causam salsior paulo praeter consuetu-
dinem aqua trahebatur ex proximis aedificiis ma-
gnamque hominibus admirationem praebebat, quam
ob rem id accidisset; nec satis sibi ipsi credebant,
cum se inferiores eiusdem generis ac saporis aqua
dicerent uti, atque ante consuissent, vulgoque inter
se conferebant et degustando, quantum inter se dif-
3 ferrent aquae, cognoscebant. Parvo vero temporis
spatio haec propior bibi omnino non poterat, illa
inferior corruptior iam salsiorque reperiebatur.

7. Quo facto dubitatione sublata tantus incessit
timor, ut ad extremum casum periculi omnes de-
ducti viderentur, atque alii morari Caesarem dice-
rent, quin naves conscendere iuberet, alii multo

gravius extimescerent [casum], quod neque celari Alexandrini possent in apparanda fuga, cum tam parvo spatio distarent ab ipsis, neque illis imminentibus atque insequentibus ullus in naves receptus daretur. Erat autem magna multitudo oppidanorum, in parte Caesaris, quam domiciliis ipsorum non moverat, quod ea se fidelem palam nostris esse simulabat et descivisse a suis videbatur [: ut mihi defendendi essent Alexandrini neque fallaces esse neque temerarii, multaue oratio frustra absumeretur; cum vero uno tempore et natio eorum et natura cognoscatur, aptissimum esse hoc genus ad proditionem dubitare nemo potest].

8. Caesar suorum timorem consolatione et ratione muniebat. Nam puteis fossis aquam dulcem reperiri posse affirmabat: omnia enim litora naturaliter aquae dulcis venas habere. Quod si alia esset litoris Aegyptii natura atque omnium reliquorum, tamen, quoniam mare libere tenerent, neque hostes classem haberent, prohiberi sese non posse, quo minus cotidie navibus aquam peterent vel a sinistra parte a Paraetonio vel a dextra ab insula; quae diversae navigationes numquam uno tempore adversis ventis praecluderentur. Fugae vero nullum esse consilium non solum iis, qui primam dignitatem haberent, sed ne iis quidem, qui nihil praeterquam de vita cogitarent. Magno negotio impetus hostium adversos ex munitionibus sustineri; quibus relictis nec loco nec numero pares esse posse. Magnam autem moram et difficultatem ascensum in naves habere praesertim ex scaphis; summam esse contra in Ale-

xandrinis velocitatem locorumque et aedificiorum
6 notitiam. Hos praecipue in victoria insolentes praecursuros et loca excelsiora atque aedificia occupaturos; ita fuga navibusque nostros prohibituos. Proinde eius consilii obliviscerentur atque omni ratione esse vincendum cogitarent.

9. Hac oratione apud suos habita atque omnium mentibus excitatis dat centurionibus negotium, ut reliquis operibus intermissis ad fodiendos puteos animum conferant neve quam partem nocturni temporis intermittant. Quo suscepto negotio atque omnium animis ad laborem incitatis magna una nocte vis aquae dulcis inventa est. Ita operosis Alexandrinorum machinationibus maximisque conatibus non
3 longi temporis labore occursum est. Eo biduo legio xxxvii. ex dediticiis Pompeianis militibus cum frumento, armis, telis, tormentis imposita in naves a Domitio Calvino ad litora Africae paulo supra Alexandriam delata est. Hae naves euro, qui multos dies continenter flabat, portum capere prohibebantur; sed loca sunt egregia omni illa regione ad tenendas
4 ancoras. Hi cum diu retinerentur atque aquae inopia premerentur, navigio actuario Caesarem faciunt certiores.

10. Caesar, ut per se consilium caperet, quid faciendum videretur, navem conscendit atque omnem classem se sequi iussit nullis nostris militibus impositis, quod, cum longius paulo discederet, munitiones nudare volebat. Cumque ad eum locum accessisset, qui appellatur Chersonesus, aquandique causa remiges in terram exposuisset, nonnulli ex eo

numero, cum longius a navibus praedatum processissent, ab equitibus hostium sunt excepti. Ex his cognoverunt Caesarem ipsum in classe venisse neque ullos milites in navibus habere. Qua re comperta magnam sibi facultatem fortunam obtulisse bene gerendae rei crediderunt. Itaque naves omnes, quas paratas habuerant ad navigandum, propugnatoribus instruxerunt Caesarique redeunti cum classe occurrerunt. Qui duabus de causis eo die dimicare nolebat, quod et nullos milites in navibus habebat, et post horam x. diei res agebatur; nox autem allatura videbatur maiorem fiduciam illis, qui locorum notitia confidebant; sibi etiam hortandi suos auxilium defuturum, quod nulla satis idonea esset hortatio, quae neque virtutem posset notare neque inertiam. Quibus de causis naves, quas potuit, Caesar ad terram detrahit; quem in locum illos successuros non existimabat.

11. Erat una navis Rhodia in dextro Caesaris cornu longe ab reliquis collocata. Hanc conspicati hostes non tenuerunt sese, magnoque impetu IIII ad eam constratae naves et complures apertae contenderunt. Cui coactus est Caesar ferre subsidium, ne turpem in conspectu contumeliam acciperet, quamquam, si quid gravius illis accidisset, merito casurum iudicabat. Proelium commissum est magna contentione Rhodiorum; qui cum in omnibus dimicationibus et scientia et virtute praestitissent, tum maxime illo tempore totum onus sustinere non recusabant, ne quod suorum culpa detrimentum acceptum videretur. Ita proelium secundissimum est

factum. Capta est una hostium quadriremis, depressa est altera, duae omnibus epibatis nudatae; magna praeterea multitudo in reliquis navibus propugnatorum est interfecta. Quod nisi nox proelium diremisset, tota classe hostium Caesar potitus esset. ⁶Hac calamitate perterritis hostibus adverso vento leniter flante naves onerarias Caesar remulco victrici-
eibus suis navibus Alexandriam deducit.

12. Eo detrimento adeo sunt fracti Alexandrini, cum iam non virtute propugnatorum, sed scientia classiariorum se victos viderent, quibus . . . et superioribus locis sublevabantur, ut ex aedificiis defendi possent, et materiam cunctam obicerent, quod nostrae classis oppugnationem etiam ad terram ²verebantur. Idem, posteaquam Ganymedes in concilio confirmavit sese et eas, quae essent amissae, restitutum et numerum adaucturum, magna spe et fiducia veteres reficere naves accuratiusque huic ³rei studere atque inservire instituerunt. Ac tametsi amplius ex navibus longis in portu navalibusque amiserant, tamen reparandae classis cogitationem ⁴non deposuerunt. Videbant enim non auxilia Caesari, non commeatus supportari posse, si classe ipsi valerent; praeterea nautici homines, urbis et regionis maritimae cotidianoque usu a pueris exercitati, ad naturale ac domesticum bonum refugere cupiebant; et quantum parvulis navigiis profecissent, sentiebant: itaque omni studio ad parandam classem incubuerunt.

13. Erant omnibus ostiis Nili custodiae exigendi portorii causa dispositae; naves veteres erant

in occultis regiae navalibus, quibus multis annis ad navigandum non erant usi: has reficiebant, illas Alexandriam revocabant. Deerant remi: porticus, gymnasia, publica aedificia detegebant; asseres remorum usum obtinebant: aliud naturalis sollertia, aliud urbis copia subministrabat. Postremo non longam navigationem parabant, sed praesentis temporis necessitati serviebant et in ipso portu confligendum videbant. Itaque paucis diebus contra omnium opinionem quadriremes xxii, quinqueremes v confecerunt; ad has minores apertasque complures adiecerunt et in portu periclitati remigio, quid quaeque earum efficere posset, idoneos milites imposuerunt seque ad configendum omnibus rebus paraverunt. Caesar Rhodias naves viii habebat (nam decem missis una in cursu litore Aegyptio defecerat), Ponticas viii, Lycias v, ex Asia xii. Ex his erant quinqueremes et quadriremes x, reliquae infra hanc magnitudinem et pleraeque apertae. Tamen virtute militum confisus cognitis hostium copiis se ad dimicandum parabat.

14. Postquam eo ventum est, ut sibi uterque confideret, Caesar Pharon classi circumvehitur adversasque naves hostibus constituit: in dextro cornu Rhodias collocat, in sinistro Ponticas. Inter has spatium cccc passuum relinquit, quod satis esse ad explicandas naves videbatur. Post hunc ordinem reliquas naves subsidio distribuit; quae quamque earum sequatur et cui subveniat, constituit atque imperat. Non dubitanter Alexandrini classem pro-
ducunt atque instruunt: in fronte collocant xxii,

reliquas subsidiarias in secundo ordine constituunt.
 4 Magnum praeterea numerum minorum navigiorum et
 scapharum producunt cum malleolis ignibusque, si
 quid ipsa multitudo et clamor et flamma nostris ter-
 5 roris afferre possent. Erant inter duas classes vada
 transitu angusto, quae pertinent ad regionem Africae
 (sic enim praedicant, partem esse Alexandriae
 dimidiam Africae), satisque diu inter ipsos est ex-
 spectatum, ab utris fieret transeundi initium, propter-
 ea quod ei, qui intrassent, et ad explicandam classem
 et ad receptum, si durior accidisset casus, impedi-
 tiores fore videbantur.

15. Rhodiis navibus praeerat Euphranor, animi
 magnitudine ac virtute magis cum nostris hominibus
 2 quam cum Graecis comparandus. Hic ob notissimam
 scientiam atque animi magnitudinem delectus est ab
 3 Rhodiis, qui imperium classis obtineret. Qui ubi
cessare Caesarem animum advertit, 'videris mihi',
 inquit, 'Caesar, vereri, si haec vada primis navibus
 intraris, ne prius dimicare cogaris, quam reliquam
 4 classem potueris explicare. Nobis rem committe:
 nos proelium sustinebimus (neque tuum iudicium
 fallemus), dum reliqui subsequantur. Hos quidem
 diutius in nostro conspectu gloriari magno nobis et
 5 dedecori et dolori est.' Caesar illum adhortatus
 atque omnibus laudibus prosecutus dat signum pugnae.
 Progressas ultra vadum III Rhodias naves circum-
 sistunt Alexandrini atque in eas impetum faciunt.
 6 Sustinent illi atque arte sollertiaque se ex
 ac tantum doctrina potuit, ut in dispari nume
 transversa hosti obiceretur, nullius remi deter

sed semper venientibus adversae occurrerent. Interim sunt reliquae subsecutae. Tum necessario discessum⁷ ab arte est propter angustias loci, atque omne certamen in virtute constitit. Neque vero Alexandriae⁸ fuit quisquam aut nostrorum aut oppidanorum, qui aut in opere aut in pugna occupatum animum haberent, quin altissima tecta peteret atque ex omni prospectu locum spectaculo caperet precibusque et votis victoriam suis ab diis immortalibus exposceret.

16. Minime autem par erat proelii certamen. Nostris enim [pulsis] neque terra neque mari effugium dabatur victis, omniaque victoribus erant futura in incerto; illi, si superassent navibus, omnia tenerent; si inferiores fuissent, reliquam tamen fortunam periclitarentur. Simul illud grave ac miserum videbatur, perpaucos de summa rerum ac de salute omnium decertare; quorum si qui aut animo aut virtute cessisset, reliquis etiam esset cedendum, quibus pro se pugnandi facultas non fuisset. Haec³ superioribus diebus saepenumero Caesar suis exposuerat, ut hoc maiore animo contenderent, quod omnium salutem sibi commendatam viderent. Eadem⁴ suum quisque contubernalem, amicum, notum prosequens erat obtestatus, ne suam atque omnium falleret opinionem, quorum iudicio delectus ad pugnam proficisceretur. Itaque hoc animo est decertatum, ut neque maritimis nauticisque sollertia atque ars praesidium ferret, neque numero navium
 praesidio⁵ prodesset, neque electi ad
 viri virtuti nostrorum

possent adaequare. Capitur hoc proelio quinque-remis una et biremis cum defensoribus remigibusque, et deprimuntur tres nostris incolumibus omnibus. Reliquae propinquam fugam ad oppidum capiunt; quas protexerunt ex molibus atque aedificiis imminetibus et nostros adire propius prohibuerunt.

17. Hoc ne sibi saepius accidere posset, omniratione Caesar contendendum existimavit, ut insulam molemque ad insulam pertinentem in suam redigeret potestatem. Perfectis enim magna ex parte munitionibus in oppido ex illa urbem uno tempore temptari posse confidebat. Quo capto consilio cohortes x et levis armaturae electos, quosque idoneos ex equitibus Gallis arbitrabatur, in navigia minora scaphasque imponit; alteram insulae partem distingendae manus causa constratis navibus aggreditur praemiis magnis propositis, qui primus insulam cepisset. Ac primo impetum nostrorum pariter sustinuerunt. Uno enim tempore et ex tectis aedificiorum propugnabant et litora armati defendebant, quo propter asperitatem loci non facilis nostris aditus dabatur, et scaphis navibusque longis quinque mobiliter et scienter angustias loci tuebantur. Sed ubi primum locis cognitis vadisque pertemptatis pauci nostri in litore constiterunt atque hos sunt alii subsecuti constanterque in eos, qui in litore aequo institerant, impetum fecerunt, omnes Pharitae terga verterunt. His pulsis custodia portus relicta *reliqui* naves ad litora et vicum applicarunt seque ex navibus tuenda aedificia eiecerunt.

18. Neque vero diutius ea munitione se continere potuerunt, etsi erat non dissimile atque Alexandriae genus aedificiorum, ut minora maioribus conferantur, turresque editae et coniunctae muri locum obtinebant, neque nostri aut scalis aut cratibus aut reliquis rebus parati venerant ad oppugnandum. Sed terror hominibus mentem consiliumque eripit et membra debilitat, ut tunc accidit. Qui se in aequo loco ac plano pares esse confidebant, iidem perterriti fuga suorum et caede paucorum xxx pedum altitudine in aedificiis consistere ausi non sunt seque per molem in mare praecipitaverunt et DCCC passuum intervallum ad oppidum enataverunt. Multi tamen ex his capti interfectique sunt; sed numerus captivorum omnino fuit sexcenti.

19. Caesar praeda militibus concessa aedificia diripi iussit castellumque ad pontem, qui propior erat Pharo, communivit atque ibi praesidium posuit. Hunc fuga Pharitae reliquerant; citeriorem illum, propioremque oppido Alexandrini tuebantur. Sed cum postero die simili ratione aggreditur, quod his obtentis duobus omnem navigiorum excursus et repentina latrocinia sublatum iri videbat. Iamque eos, qui praesidio eum locum tenebant, tormentis ex navibus sagittisque depulerat atque in oppidum redegerat et cohortium trium instar in terram exposuerat (non enim plures consistere angustiae loci patiebantur); reliquae copiae in navibus stationem obtinebant. Quo facto imperat pontem adversus hostem praevallari et, qua exitus navibus erat fornice exstructo, quo pons sustinebatur, lapidibus oppleri atque obstrui.

5 Quorum altero opere effecto, ut nulla omnino scapha egredi posset, altero instituto omnes Alexandrinorum copiae ex oppido se eiecerunt et contra munitiones pontis latiore loco constiterunt, eodemque tempore quae consueverant navigia per pontes ad incendia onerariarum emittere ad molem constituerunt.

6 Pugnabatur a nostris ex ponte, ex mole; ab illis ex area, quae erat adversus pontem, et ex navibus contra molem.

20. In his rebus occupato Caesare militesque hortante remigum magnus numerus et classiariorum
2 ex longis navibus nostris in molem se eiecit. Pars eorum studio spectandi ferebatur, pars etiam cupiditate pugnandi. Hi primum navigia hostium lapidibus ac fundis a mole repellebant ac multum proficere multitudine telorum videbantur. Sed postquam
3 ultra eum locum ab latere eorum aperto ausi sunt egredi ex navibus Alexandrini pauci, ut sine signis certisque ordinibus, sine ratione prodierant, sic temere
4 in naves fugere coeperunt. Quorum fuga incitati Alexandrini plures ex navibus egrediebantur nostrosque acrius perturbatos insequiebantur. Simul, qui in navibus longis remanserant, scalas rapere navesque a terra repellere properabant, ne hostes
5 navibus potirentur. Quibus omnibus rebus perturbati milites nostri cohortium trium, quae in ponte ac prima mole constiterant, cum post se clamorem exaudirent, fugam suorum viderent, magnam vim telorum adversi sustinerent, veriti, ne ab tergo circumvenirentur et discessu navium omnino reditu intercluderentur, munitionem in ponte inatitntam reli-

querunt et magno cursu incitati ad naves contenderunt. Quorum pars proximas nacta naves multitudine hominum atque onere depressa est, pars resistens et dubitans, quid esset capiendum consilii, ab Alexandrinis interfecta est; nonnulli feliciore exitu expeditas ad ancoram naves consecuti incolumes discesserunt, pauci allevatis scutis et animo ad conandum nisi ad proxima navigia adnatarunt.

21. Caesar, quoad potuit cohortando suos ad pontem ac munitiones continere, eodem in periculo versatus est; postquam universos cedere animadvertit, in suum navigium se recepit. Quo multitudo hominum insecuta cum irrumperet, neque administrandi neque repellendi a terra facultas daretur, fore, quod accidit, suspicatus sese ex navigio eiecit atque ad eas, quae longius constiterant, naves adnatavit. Hinc suis laborantibus subsidio scaphas mittens nonnullos conservavit. Navigium quidem eius multitudine depressum militum una cum hominibus interiit. Hoc proelio desiderati sunt ex numero legionariorum militum circiter CCCC et paulo *ultra* eum numerum classiarii et remiges. Alexandrini eo loco castellum magnis munitionibus multisque tormentis confirmarunt atque egestis ex mari lapidibus libero sunt usi postea ad mittenda navigia.

22. Hoc detrimento milites nostri tantum afuerunt ut perturbarentur, ut [incensi atque incitati magnas accessiones fecerint in operibus hostium expugnandis] in proeliis cotidianis, quandocumque fors obtulerat, procurentibus et erumpentibus Alexandrinis [manum comprehendi multum ope-

ribus et ardentibus studiis militum, nec divulgata Caesaris hortatio subsequi legionum aut laborem aut pugnandi poterat cupiditatem, ut] magis deterrendi et continendi a periculosissimis essent dimicationibus quam incitandi ad pugnandum.

23. Alexandrini, cum Romanos et secundis rebus confirmari et adversis incitari viderent neque ullum belli tertium casum nossent, quo possent esse firmiores, ut coniectura consequi possumus, aut admoniti a regis amicis, qui in Caesaris erant praesidiis, aut suo priore consilio per occultos nuntios regi probato legatos ad Caesarem miserunt, ut dimitteret regem transireque ad suos pateretur: paratam enim omnem multitudinem esse confectam taedio puellae fiduciaro regno, dominatione crudelissima Ganymedis facere id, quod rex imperasset; quo si auctore in Caesaris fidem amicitiamque venturi essent, nullius periculi timorem multitudini fore impedimento, quo minus se dederent.

24. Caesar, etsi fallacem gentem semperque alia cogitantem, alia simulantem bene cognitam habebat, tamen petentibus dare veniam utile esse statuit, quod, si quo pacto sentirent ea, quae postulerent, mansurum in fide dimissum regem credebat, sin, id quod magis illorum naturae conveniebat, ducem ad bellum gerendum regem habere vellent, splendidius atque honestius se contra regem quam contra convenarum ac fugitivorum manum bellum esse gesturum. Itaque regem cohortatus, ut consuleret regno paterno, parceret praeclarissimae patriae, quae turpibus incendiis et ruinis esset deformata,

cives suos primum ad sanitatem revocaret, deinde conservaret, fidem populo Romano sibi praearet, cum ipse tantum ei crederet, ut ad hostes armatos cum mitteret, dextra dextram tenens dimittere coepit adulta iam aetate puerum. At regius animus⁴ disciplinis fallacissimis eruditus, ne a gentis suae moribus degeneraret, contra flens orare Caesarem coepit, ne se dimitteret; non enim sibi regnum ipsum conspectu Caesaris esse iucundius. Compressis pueri⁵ lacrimis Caesar ipse commotus celeriter, si illa sentiret, fore eum secum affirmans ad suos dimisit. Ille⁶ ut ex carceribus in liberum cursum emissus adeo contra Caesarem acriter bellum gerere coepit, ut lacrimas, quas in colloquio proiecerat, gaudio videretur profudisse. Accidisse hoc complures Caesaris⁷ legati, amici, centuriones militesque laetabantur, quod nimia bonitas eius fallaciis pueri elusa esset. Quasi vero id Caesar bonitate tantum adductus ac non prudentissimo consilio fecisset.

25. Cum duce assumpto Alexandrini nihilo se firmiores factos aut languidiore Romanos animadverterent eludentibusque militibus regis aetatem atque infirmitatem magnum dolorem acciperent neque se quicquam proficere viderent, rumoresque existerent, magna Caesari praesidia terrestri itinere, Syria Ciliciaque, adduci, quod nondum auditum Caesari erat, commeatum, qui mari nostris supportabatur, intercipere statuerunt. Itaque expeditis navigiis locis² idoneis ad Canopum in statione dispositis navibus insidiabantur nostris commeatuique. Quod ubi Caesari³ nuntiatum est, [unam] classem iubet expediti

atque instrui. Praeficit huic Tiberium Neronem. Proficiscuntur in ea classe Rhodiae naves atque in his Euphranor, sine quo nulla umquam dimicatio maritima, nulla etiam parum feliciter confecta erat.

4 At fortuna, quae plerumque eos, quos plurimis beneficiis ornavit, ad duriores casum reservat, superiorum temporum dissimilis Euphranorem prosequabatur.

5 Nam cum ad Canopum ventum esset, instructaque utrimque classis conflisset, et sua consuetudine Euphranor primum proelium commisisset et triremem hostium perforasset ac demersisset, proximam longius insecutus parum celeriter insequentibus reli-

6 quis circumventus ab Alexandrinis est. Cui subsidium nemo tulit, sive quod in ipso satis praesidii pro virtute ac felicitate eius putarent esse, sive quod ipsi sibi timebant. Ita qui unus ex omnibus eo proelio bene rem gessit, solus cum sua quadriremi victrice perit.

26. Sub idem tempus Mithridates Pergamenus, magnae nobilitatis domi scientiaeque in bello et virtutis, fidei dignitatisque in amicitia Caesaris, missus in Syriam Ciliciamque initio belli Alexandrini ad auxilia arcessenda, magnis copiis, quas celeriter et propensissima civitatum voluntate et sua diligentia confecerat, itinere pedestri, quo coniungitur Aegyptus

2 Syriae, Pelusium adductis, id oppidum firmo praesidio occupatum Achillae propter opportunitatem loci (namque tota Aegyptus maritimo accessu Pharo, pedestri Pelusio velut claustris munita existimatur) repente magnis circumdatum copiis, multiplici praesidio pertinaciter propugnantibus, et copiarum ma-

gnitudine, quas integras vulneratis defessisque subiciebat, et perseverantia constantiaque oppugnandi, quo die est aggressus, in suam redegit potestatem praesidiumque ibi suum collocavit. Inde re bene gesta Alexandriam ad Caesarem contendit omnesque eas regiones, per quas iter faciebat, auctoritate ea, quae plerumque adest victori, pacarat atque in amicitiam Caesaris redegerat.

27. Locus est fere regionum illarum nobilissimus non ita longe ab Alexandria, qui nominatur Delta; quod nomen a similitudine litterae accepit: nam pars quaedam fluminis Nili derivata [inter se] duobus itineribus paulatim medium inter se spatium relinquens diversissimo ad litus intervallo mari coniungitur. Cui loco cum appropinquare Mithridaten rex cognovisset et transeundum ei flumen sciret, magnas adversus eum copias misit, quibus vel superari delerique Mithridaten vel sine dubio retineri posse credebatur. Quemadmodum autem optabat eum vinci, sic satis habebat interclusum a Caesare a se retineri. Quae primae copiae flumen a Delta transire et Mithridati occurrere potuerunt, proelium commiserunt festinantes praeripere subsequenter victoriae societatem. Quorum impetum Mithridates magna cum prudentia [constantiaque virtutum et Alexandrinorum imprudentia] consuetudine nostra castris vallatis sustinuit; cum vero incaute atque insolenter succedere eos munitionibus videret, eruptione undique facta magnum numerum eorum interfecit. Quod nisi locorum notitia reliqui se texissent partimque in naves, quibus flumen transierant, recepissent, fun-

7ditus deleti essent. Qui ut paulum ab illo timore se
recrearunt, adiuncti his qui subsequebantur rursus
oppugnare Mithridaten coeperunt.

28. Mittitur a Mithridate nuntius Caesari, qui
rem gestam perferret. Cognoscit ex suis eadem haec
accidisse rex. Ita paene sub idem tempus et rex
ad opprimendum Mithridaten proficiscitur et Caesar
ad recipiendum. Celeriore fluminis Nili navigatione
rex est usus, in quo magnam et paratam classem
habebat. Caesar eodem itinere uti noluit, ne navibus
in flumine dimicaret, sed circumvectus est eo mari,
quod Africae partis esse dicitur, sicuti supra demon-
stravimus; prius tamen regis copiis occurrit, quam
is Mithridaten aggredi posset, eumque ad se victo-
3rem incolumi exercitu recepit. Consederat cum copiis
rex loco natura munito, quod erat ipse excelsior
planicie ex omnibus partibus subiecta; tribus autem
ex lateribus variis munitionum generibus tegebatur:
unum latus erat adiectum flumini Nilo, alterum edi-
tissimo loco ductum, ut partem castrorum obtineret,
tertium palude cingebatur.

29. Inter castra et Caesaris iter flumen inter-
cedebat angustum altissimis ripis, quod in Nilum
influebat, aberat autem ab regis castris milia pas-
2suum circiter VII. Rex cum hoc itinere venire Cae-
sarem comperisset, equitatum omnem expeditosque
delectos pedites ad id flumen misit, qui transitu
Caesarem prohiberent et eminus ex ripis proelium
impar inirent: nullum enim processum virtus habebat
3aut periculum ignavia subibat. Quae res incendit
dolore milites equitesque nostros, quod tam diu pari

proelio cum Alexandrinis certaretur. Itaque eodem tempore equites Germani dispersi vada [fluminum] quaerentes partim demissioribus ripis flumen transierunt, et legionarii magnis arboribus excisis, quae longitudine utramque ripam contingerent, proiectis iis repentinoque aggere iniecto flumen transierunt. Quorum impetum adeo pertimuerunt hostes, ut in fuga spem salutis collocarent, sed id frustra: namque ex ea fuga pauci ad regem refugerunt paene omni reliqua multitudine interfecta.

30. Caesar re praeclarissime gesta, cum subitum adventum suum iudicaret magnum terrorem Alexandrinis iniecturum, protinus victor ad castra regis pertendit. Haec cum et opere magno vallata et loci natura munita animadverteret confertamque armatorum multitudinem collocatam in vallo videret, lassos itinere ac proeliando milites ad oppugnanda castra succedere noluit. Itaque non magno intervallo relicto ab hoste castra posuit. Postero die castellum, quod rex in proximo vico non longe a suis castris munierat brachiisque cum opere castrorum coniunxerat vici obtinendi causa, Caesar aggressus omnibus copiis expugnat, non quo id minore numero militum consequi difficile factu putaret, sed ut ab ea victoria perterritis Alexandrinis protinus castra regis oppugnaret. Itaque eo cursu, quo refugientes Alexandrinos ex castello in castra sunt milites insecuti, munitionibus successerunt acerrimeque eminus proeliari coeperunt. Duabus ex partibus aditus oppugnationis nostris dabatur: una, quam liberum accessum habere demonstravi, altera, quae mediocre

intervallum inter castra et flumen Nilum habebat. 6 Maxima et electissima multitudo Alexandrinorum defendebat eam partem, quae facillimum aditum habebat; plurimum proficiebant in repellendis vulnerandisque nostris, qui regione fluminis Nili propugnabant; diversis enim telis nostri figebantur, adversi ex vallo castrorum, aversi ex flumine, in quo multae naves, instructae funditoribus et sagittariis, nostros impugnabant.

31. Caesar, cum videret milites acrius proeliari non posse nec tamen multum profici propter locorum difficultatem cumque animum adverteret excelsissimum locum castrorum relictum esse ab Alexandrinis, quod et per se munitus esset, et studio partim pugnandi partim spectandi decucurrissent in eum locum, in quo pugnabatur, cohortes illo circumire castra et summum locum aggredi iussit iisque Carfulenum praefecit, et animi magnitudine 2 et rei militaris scientia virum praestantem. Quo ut ventum est, paucis defendentibus munitionem, nostris contra militibus acerrime pugnantibus diverso clamore et proelio perterriti Alexandrini trepidantes in 3 omnes partes castrorum discurrere coeperunt. Quorum perturbatione nostrorum animi adeo sunt incitati, ut paene eodem tempore ex omnibus partibus, primi tamen editissimum castrorum locum caperent; ex quo decurrentes magnam multitudinem 4 hostium in castris interfecerunt. Quod periculum plerique Alexandrini fugientes acervatim se de vallo praecipitarunt in eam partem, quae flumini erat 5 adiuncta. Horum primis in ipsa fossa munitionis

magna ruina oppressis ceteri faciliorem fugam habuerunt. Constat fugisse ex castris regem ipsum, receptumque in navem multitudine eorum, qui ad proximas naves adnatabant, demerso navigio perisse.

32. Re felicissime celerrimeque gesta Caesar magnae victoriae fiducia proximo terrestri itinere Alexandriam cum equitibus contendit atque ea parte oppidi victor introiit, quae praesidio hostium tenebatur. Neque eum consilium suum fefellit, quin hostes eo proelio audito nihil iam de bello essent cogitaturi. Dignum adveniens fructum virtutis et animi magnitudinis tulit. Omnis enim multitudo oppidanorum armis proiectis munitionibusque suis relictis veste ea sumpta, qua supplices dominantes deprecari consuerunt, sacrisque omnibus prolatis, quorum religione precari offensos iratosque animos regum erant soliti, adveniendi Caesari occurrerunt seque ei dederunt. Caesar in fidem receptos consolatus per hostium munitiones in suam partem oppidi magna gratulatione venit suorum; qui non tantum bellum ipsum ac dimicationem, sed etiam talem adventum eius felicem fuisse laetabantur.

33. Caesar Aegypto atque Alexandria potitus reges constituit, quos Ptolemaeus testamento scripserat atque obtestatus erat populum Romanum, ne mutarentur. Nam maiore ex duobus pueris, rege, amisso minori tradidit regnum maiorique ex duabus filiis, Cleopatrae, quae manserat in fide praesidiisque eius; minorem, Arsinoën, cuius nomine diu regnasse impotenter Ganymeden docuimus, deducere ex regno statuit, ne qua rursus nova dissensio,

priusquam diuturnitate confirmarentur regum imperia,
3 per homines seditiosos nasceretur. Legiones ibi
veterana sexta secum reducta ceteras reliquit, quo
firmius esset eorum regum imperium, qui neque
amorem suorum habere potuerant, quod fideliter per-
manserant in Caesaris amicitia, neque vetustatis
4 auctoritatem paucis diebus reges constituti. Simul
ad imperii nostri dignitatem utilitatemque publicam
pertinere existimabat, si permanerent in fide reges,
praesidiis eos nostris esse tutos; hos, si essent ingrati,
5 posse isdem praesidiis coërceri. Sic rebus omnibus
confectis et collocatis ipse [itinere terrestri] profectus
est in Syriam.

34. Dum haec in Aegypto geruntur, rex Deio-
tarus ad Domitium Calvinum, cui Caesar Asiam
finitimasque provincias administrandas tradiderat,
venit oratum, ne Armeniam minorem, regnum suum,
neve Cappadociam, regnum Ariobarzanis, possideri
vastarique pateretur a Pharnace; quo malo nisi
liberarentur, imperata se facere pecuniamque pro-
missam Caesari non posse persolvere. Domitius
non tantum ad explicandos sumptus rei militaris
cum pecuniam necessariam esse iudicaret, sed etiam
turpe populo Romano et C. Caesari victori sibi-
infame esse statueret regna sociorum atque ami-
corum ab externo rege occupari, nuntios confestim
ad Pharnacem misit, Armenia Cappadociaque de-
cederet neve occupatione belli civilis populi Romani
6 ius maiestatemque temptaret. Hanc denuntiationem
cum maiorem vim habituram existimaret, si propius
eas regiones cum exercitu accessisset, ad legiones

profectus unam ex tribus, xxxvi., secum ducit, duas in Aegyptum ad Caesarem mittit litteris eius evocatas; quarum altera in bello Alexandrino non occurrit, quod itinere terrestri per Syriam erat missa. Adiungit [Cn.] Domitius legioni xxxvi. duas ab Deio-⁴ taro, quas ille disciplina atque armatura nostra complures annos constitutas habebat, equitesque c, totidemque ab Ariobarzane sumit. Mittit P. Sestium⁵ ad C. Plaetorium quaestorem, ut legionem adduceret, quae ex tumultuariis militibus in Ponto confecta erat, Quintumque Patisium in Ciliciam ad auxilia arces-
senda. Quae copiae celeriter omnes iussu Domitii Comana convenerunt.

35. Interim legati a Pharnace responsa referunt: Cappadocia se decessisse, Armeniam minorem recepisse, quam paterno nomine iure obtinere deberet. Denique eius regni causa integra Caesari servaretur; paratum enim se facere, quod is statuisset. Domitius, cum animadverteret eum Cappadocia de-² cessisse non voluntate adductum, sed necessitate, quod facilius Armeniam defendere posset subiectam regno suo quam Cappadociam longius remotam, quodque omnes tres legiones adducturum Domitium putasset; ex quibus cum duas ad Caesarem missas audisset, audacius in Armenia substitisse, perseverare coepit, ut eo quoque regno decederet: neque³ enim aliud ius esse Cappadociae atque Armeniae, nec iuste eum postulare, ut in Caesaris adventum res integra differretur: id enim esse integrum, quod ita esset, ut fuisset. His responsis datis cum iis⁴ copiis, quas supra scripsi, profectus est in Armeniam

5 locisque superioribus iter facere instituit: nam ex
Ponto a Comanis iugum editum silvestre est, per-
tinens in Armeniam minorem, quo Cappadocia finitur
6 ab Armenia; cuius itineris has esse certas oppor-
tunitates *vidit*, quod in locis superioribus nullus im-
petus repentinus accidere hostium poterat, et quod
Cappadocia his iugis subiecta magnam commeatus
copiam erat subministratura.

36. Complures interim legationes Pharnaces ad
Domitium mittit, quae de pace agerent regiaque
2 munera Domitio ferrent. Ea constanter omnia asper-
nabatur nec sibi quicquam fore antiquius quam
dignitatem populi Romani et regna sociorum recu-
3 perare legatis respondebat. Magnis et continuis iti-
neribus confectis cum adventaret ad Nicopolim,
quod oppidum positum in Armenia minore est plano
ipsum loco, montibus tamen altis ab duobus late-
ribus obiectis satis magno intervallo ab oppido
remotis, castra posuit longe a Nicopoli circiter
4 milia passuum VII. Quibus ex castris cum locus
angustus atque impeditus esset transeundus, Phar-
naces in insidiis delectos pedites omnesque paene
disposuit equites, magnam autem multitudinem pe-
coris intra eas fauces dissipari iussit paganosque
5 et oppidanos in his locis obversari: ut, sive amicus
sive inimicus Domitius eas angustias transiret, nihil
de insidiis suspicaretur, cum in agris et pecora et
homines animadverteret versari tamquam amicorum
adventu; *sin* ut in hostium fines veniret, praeda
diripienda milites dissiparentur dispersique caede-
rentur.

37. Haec cum administraret, numquam tamen intermittebat legatos de pace atque amicitia mittere ad Domitium, cum hoc ipso crederet facilius eum decipi posse. At contra spes pacis Domitio in eisdem castris morandi attulit causam. Ita Pharnaces amissa proximi temporis occasione, *cum* vereretur, ne cognoscerentur insidiae, suos in castra revocavit. Domitius postero die propius Nicopolim accessit castraque oppido contulit. Quae dum muniunt nostri, Pharnaces aciem instruxit suo more atque instituto. In fronte enim simplici directa acie cornuat⁴ trinis firmabantur subsidiis; eadem ratione haec media collocabantur acie duobus dextra sinistraque intervallis simplicibus ordinibus instructis. Perfecit⁵ inceptum castrorum opus Domitius parte copiarum pro vallo constituta.

38. Proxima nocte Pharnaces interceptis tabellariis, qui de Alexandrinis rebus litteras ad Domitium ferebant, cognoscit Caesarem magno in periculo versari flagitarique ab Domitio, ut quam primum Caesari subsidia mitteret, propiusque ipse Alexandriam per Syriam accederet. Qua cognita re Pharnaces victoriae loco ducebat, si trahere tempus posset, cum discedendum Domitio celeriter putaret. Itaque ab oppido, qua facillimum accessum et aequissimum ad dimicandum nostris videbat, fossas duas directas non ita magno medio intervallo relicto in pedum altitudinis in eum locum deduxit, quo longius constituerat suam non producere aciem. Inter has⁴ fossas aciem semper instruebat, equitatum autem omnem ab lateribus extra fossam collocabat; qui

neque aliter utilis esse poterat, et multum numero anteibat nostrum equitatum.

39. Domitius autem, cum Caesaris magis periculo quam suo commoveretur neque se tuto discessurum arbitraretur, si condiciones, quas reiecerat, rursus appeteret aut si negatis discederet, ex propinquis castris in aciem exercitum eduxit; XXXVI. legionem in dextro cornu collocavit, Ponticam in sinistro. Deiotari legiones in mediam aciem contulit, quibus tamen angustissimum intervallum frontis reliquit reliquis cohortibus in subsidiis collocatis. Sic utrimque acie instructa processum est ad dimicandum.

40. Signo sub idem tempus ab utroque dato concurritur: acriter varieque pugnatur. Nam XXXVI. legio, cum extra fossam in equites regis impetum fecisset, adeo secundum proelium fecit, ut moenibus oppidi succederet fossamque transiret aversosque² hostes aggrederetur. At Pontica ex altera parte legio, cum paulum aversa hostibus cessisset, fossam autem *transire et* circumire aciem secundam conata esset, ut aperto latere aggrederetur hostem, in ipso transitu fossae confixa et oppressa est. Deiotari³ vero legiones vix impetum sustinuerunt. Ita victrices regiae copiae cornu suo dextro mediaque acie converterunt se ad XXXVI. legionem. Quae tamen fortiter vincentium impetum, sustinuit, magnis copiis hostium circumdata praesentissimo animo pugnans in orbem se recepit ad radices montium; quo Pharnaces insequi propter iniquitatem loci noluit.⁴ Ita Pontica legione paene tota amissa, magna parte

Deiotari militum interfecta xxxvi. legio in loca se superiora contulit non amplius ccl desideratis. Ceciderunt eo proelio splendidi atque illustres viri nonnulli, equites Romani. Quo tamen incommodo Domitius accepto reliquias exercitus dissipati collegit itineribusque tutis per Cappadociam se in Asiam recepit.

41. Pharnaces rebus secundis elatus, cum de Caesare ea, quae optabat, speraret, Pontum omnibus copiis occupavit ibique et victor et crudelissimus rex,² cum sibi fortunam paternam feliciore eventu destinaret, multa oppida expugnavit, bona civium Romanorum Ponticorumque diripuit, supplicia constituit in eos, qui aliquam formae atque aetatis commendationem habebant, ea, quae morte essent miseriora, Pontumque nullo defendente paternum regnum glorians se recepisse obtinebat.

42. Sub idem tempus in Illyrico est incommodum acceptum, quae provincia superioribus mensibus retenta non tantum sine ignominia, sed etiam cum laude erat. Namque eo missus aestate cum² duabus legionibus Q. Cornificius, Caesaris quaestor pro praetore, quamquam erat provincia minime copiosa ad exercitus alendos et finitimo bello ac dissensionibus confecta et vastata, tamen prudentia ac diligentia sua, quod magnam curam suscipiebat, ne quo temere progredieretur, et recepit et defendit. Namque et castella complura locis editis posita,³ quorum opportunitas castellanos impellebat ad decursiones faciendas et bellum inferendum, expugnavit eaque praeda milites donavit, quae etsi erat

tenuis, tamen in tanta provinciae desperatione erat
4 grata praesertim virtute parta, et cum Octavius ex
fuga Pharsalici proelii magna classe in illum se
sinum contulisset, paucis navibus Iadertinorum,
quorum semper in rempublicam singulare consti-
terat officium, dispersis Octavianis navibus erat
potitus, ut vel classe dimicare posset adiunctis
5 captivis navibus sociorum. Cum diversissima parte
orbis terrarum Cn. Pompeium Caesar victor seque-
retur compluresque adversarios in Illyricum propter
Macedoniae propinquitatem se reliquiis ex fuga col-
lectis contulisse audiret, litteras ad Gabinium mittit,
uti cum legionibus tironum, quae nuper erant con-
scriptae, proficisceretur in Illyricum coniunctisque
copiis cum Q. Cornificio, si quod periculum pro-
6 vinciae inferretur, depelleret; sin ea non magnis
copiis tuta esse posset, in Macedoniam legiones
adduceret: omnem enim illam partem regionem-
que vivo Cn. Pompeio bellum instauraturam esse
credebat.

43. Gabinus, ut in Illyricum venit, hiberno
tempore anni ac difficili, sive copiosorem provin-
ciam existimans sive multum fortunae victoris Cae-
saris tribuens sive virtute et scientia sua confisus,
quam saepe in bellis periclitatus magnas res et
secundas ductu ausuque suo gesserat, neque pro-
vinciae facultatibus sublevabatur, quae partim erat
exinanita partim infidelis, neque navibus intercluso
mari tempestatibus commeatus supportare poterat,
magnisque difficultatibus coactus non ut volebat,
7 sed ut necesse erat be at. Ita cum duris-

simis tempestatibus propter inopiam castella aut oppida expugnare cogeretur, crebro incommoda accipiebat, adeoque est a barbaris contemptus, ut Salonam se recipiens in oppidum maritimum, quod cives Romani fortissimi fidelissimique incolebant, in agmine dimicare sit coactus. Quo proelio duobus milibus militum amplius amissis, centurionibus XXXVIII, tribunis IIII cum reliquis copiis Salonam se recepit summaque ibi difficultate rerum omnium pressus paucis mensibus morbo periit. Cuius et infelicitas vivi et subita mors in magnam spem Octavium adduxit provinciae potiundae; quem tamen diutius in rebus secundis et fortuna, quae plurimum in bellis potest, diligentiaque Cornificii et virtus Vatini versari passa non est.

44. Vatinius Brundisii cum esset, cognitis rebus quae gestae erant in Illyrico, cum crebris litteris Cornificii ad auxilium provinciae ferendum evocaretur et M. Octavium audiret cum barbaris foedera percussisse compluribusque locis nostrorum militum oppugnare praesidia partim classe per se partim pedestribus copiis per barbaros, etsi gravi valetudine affectus vix corporis viribus animum sequebatur, tamen virtute vicit incommodum naturae difficultatesque et hiemis et subitae praeparationis. Nam cum ipse paucas in portu naves longas haberet, litteras in Achaiam ad Q. Calenum misit, uti sibi classem mitteret. Quod cum tardius fieret, quam periculum nostrorum flagitabat, qui sustinere impetum Octavii non poterant, navibus actuariis, quarum numerus erat satis magnus, magnitudine

quamquam non satis iusta ad proeliandum, rostra
4 imposuit. His adiunctis navibus longis et numero
classis aucto militibus veteranis impositis, quorum
magnam copiam habebat ex omnibus legionibus,
qui numero aegrorum relictis erant Brundisii, cum
exercitus in Graeciam transportaretur, profectus
est in Illyricum, maritimas nonnullas civitates, quae
defecerant Octavioque se tradiderant, partim reci-
piebat, partim remanentes in suo consilio praeter-
5 vehebatur, nec sibi ullius rei moram necessitatemque
iniungebat, quin quam celerrime posset ipsum Octa-
6 vium persequeretur. Hunc oppugnantem Epidaurum
terra marique, ubi nostrum erat praesidium, adventu
suo discedere ab oppugnatione coëgit praesidiumque
nostrum recepit.

45. Octavius, cum Vatinius classem magna
ex parte confectam ex naviculis actuariis habere
cognosset, confisus sua classe substitit ad insulam
Tauridem; qua regione Vatinius insequens navi-
gabat, non quo Octavium ibi restitisse sciret, sed
quod eum longius progressum insequi decreverat.
2 Cum propius Tauridem accessisset distentis suis
navibus, quod et tempestas erat turbulenta et nulla
suspicio hostis, repente adversam ad se venientem
navem antennis ad medium malum demissis instructam
3 propugnatoribus animadvertit. Quod ubi conspexit,
celeriter vela subduci demittique antemnas iubet
et milites armari et vexillo sublato, [quo pugnandi
dabat signum] quae primae naves subsequebantur
4 idem ut facerent, significabat. Parabant se Vati-
niani repente oppressi; parati deinceps Octaviani

ex portu procedebant. Instruitur utrimque acies, ordine disposita magis Octaviana, paratior militum animis Vatiniana.

46. Vatinius, cum animum adverteret neque navium se magnitudine neque numero parem esse, fortuitae *tamen* dimicationi rem committere maluit. Itaque primus sua quinqueremi in quadriremem ipsius Octavi impetum fecit. Celerrime fortissimeque contra illo remigante naves adversae rostris concurrerunt adeo vehementer, ut navis Octaviana rostro discusso ligno contineretur. Committitur acriter relis quibus locis proelium, concurriturque ad duces maxime: nam cum suo quisque auxilium ferret, magnum comminus in angusto mari proelium factum est. Quantoque coniunctis magis navibus confligendi potestas dabatur, tanto superiores erant Vatiniani; qui admiranda virtute ex suis navibus in hostium naves transilire non dubitabant et dimicatione aequata longe superiores virtute rem feliciter gerebant. Deprimitur ipsius Octavi quadriremis, multae praeterea capiuntur aut rostris perforatae merguntur; propugnatores Octaviani partim in navibus iugulantur, partim in mare praecipitantur. Ipse Octavius se in scapham confert; in quam plures cum confugerent, depressa scapha vulneratus tamen adnatat ad suum myoparonem. Eo receptus, cum proelium nox dirimeret, tempestate magna velis profugit. Sequuntur hunc suae naves nonnullae, quas casus ab illo periculo vindicarat.

47. At Vatinius re bene gesta receptui cecinit suisque omnibus incolumibus in eum se portum

victor recepit, quo ex portu classis Octavi ad dimi-
2candum processerat. Capit ex eo proelio penterem
unam, triremes duas, dicrotas VIII compluresque
remiges Octavianos, posteroque ibi die, dum suas
captivasque naves reficeret, *consumpto* post diem
tertium contendit in insulam Issam, quod eo se re-
3cepisse ex fuga credebat Octavium. Erat in ea nobi-
lissimum regionum earum oppidum coniunctissimum-
4que Octavio. Quo ut venit, oppidani supplices se
Vatinio dederunt, comperitque ipsum Octavium
parvis paucisque navigiis vento secundo regionem
Graeciae petisse, inde ut Siciliam, deinde Africam ca-
5peret. Ita brevissimo spatio re praeclarissime gesta,
provincia recepta et Cornificio reddita, classe adver-
sariorum ex illo toto sinu expulsa victor se Brundisium
incolumi exercitu et classe recepit.

48. Iis autem temporibus, quibus Caesar ad
Dyrrhachium Pompeium obsidebat et Palaepharsali
rem feliciter gerebat Alexandriaeque cum periculo
magno tum etiam maiore periculi fama dimicabat,
Q. Cassius Longinus in Hispania pro praetore pro-
vinciae ulterioris obtinendae causa relictus, sive
consuetudine naturae suae sive odio, quod in illam
provinciam susceperat quaestor ex insidiis ibi vul-
2neratus, magnas odii sui fecerat accessiones, quod
vel ex conscientia sua, cum de se mutuo sentire
provinciam crederet, vel multis signis et testimoniis
eorum, qui difficulter odia dissimulabant, *animum*
advertere poterat, et compensare offensionem pro-
3vinciae exercitus amore cupiebat. Itaque, cum
primum in unum locum exercitum conduxit, *sester-*

tios centenos militibus est pollicitus nec multo post, cum in Lusitania Medobregam oppidum montemque Herminium expugnasset, quo Medobregenses confugerant, ibique imperator esset appellatus, sestertiis centenis milites donavit. Multa praeterea et magna⁴ praemia singulis concedebat; quae speciosum reddebant praesentem exercitus amorem, paulatim tamen et occulte militarem disciplinam severitatemque minuebant.

49. Cassius legionibus in hiberna dispositis ad ius dicendum Cordubam se recepit contractumque antea aes alienum gravissimis oneribus provinciae constituit exsolvere; et ut largitionis postulat consuetudo, per causam liberalitatis speciosam plura largitori quaerebantur. Pecuniae locupletibus impera-² bantur, quas Longinus sibi expensas ferri non tantum patiebatur, sed etiam cogebat, in gregem locupletium simultatium causa tenues coniciebantur, neque³ ullum genus quaestus aut magni et evidentis aut minimi et sordidi praetermittebatur, quo domus et tribunal imperatoris vacaret. Nemo erat, qui modo⁴ aliquam iacturam facere posset, quin aut vadimonio teneretur, aut in reos referretur. Ita magna etiam⁵ sollicitudo periculorum ad iacturas et detrimenta rei familiaris adiungebatur.

50. Quibus de causis accidit, ut, cum Longinus imperator eadem faceret, quae fecerat quaestor, similia rursus de morte eius provinciales consilia inirent. Horum odium confirmabant nonnulli familiares eius; qui, cum in illa societate versarentur rapinarum, nihilo minus oderant eum, cuius nomine

peccabant, sibi que quod rapuerant acceptum referebant, quod interciderat aut erat interpellatum Cassio assignabant. Quintam legionem conscribit novam. Augetur odium et ex ipso delectu et sumptu additae legionis. Complentur equitum III milia maximisque ornantur impensis; nec provinciae datur ulla requies.

51. Interim litteras accepit a Caesare, ut in Africam exercitum traiceret perque Mauritaniam ad fines Numidiaee perveniret, quod magna Cn. Pompeio Iuba miserat auxilia maioraque missurus existimabatur. Quibus litteris acceptis insolenti voluptate efferebatur, quod sibi novarum provinciarum et fertilissimi regni tanta oblata esset facultas. Itaque ipse in Lusitaniam proficiscitur ad legiones arcessendas auxiliaque adducenda; certis hominibus dat negotium, ut frumentum navesque c praepararentur, pecuniaeque describerentur atque imperarentur, ne qua res, cum redisset, moraretur. Reditus eius fuit celerior omnium opinione: non enim labor aut vigilantia cupienti praesertim aliquid Cassio deerat.

52. Exercitu coacto in unum locum castris ad Cordubam positis pro contione militibus exponit, quas res Caesaris iussu gerere deberet, polliceturque iis, cum in Mauritaniam traiecisset, sestertios centenos se daturum; quintam fore in Hispania legionem. Ex contione se Cordubam recepit eoque ipso die tempore postmeridiano, cum in basilicam iret, quidam Minucius Silo, cliens L. Racili, libellum, quasi aliquid ab eo postularet, ut miles ei

tradidit, deinde post Racilium (nam is latus Cassi tegebat), quasi responsum peteret, celeriter dato loco cum se insinuasset, sinistra corripit aversum dextraque bis ferit pugione. Clamore sublato fit a coniuratis impetus universis. Munatius Flaccus proximum gladio traicit lictorem; hoc interfecto Q. Cassium legatum vulnerat. Ibi T. Vasius et L. Mergilio simili confidentia Flaccum, municipem suum, adiuvant: erant enim omnes Italicenses. Ad ipsum Longinum L. Licinius Squillus involat iacentemque levibus sauciat plagis.

53. Concurritur ad Cassium defendendum: semper enim Berones compluresque evocatos cum telis secum habere consuevit. A quibus ceteri intercluduntur, qui ad caedem faciendam subsequebantur; quo in numero fuit Calpurnius Salvianus et Manilius Tuscus. Minucius inter saxa, quae iacebant in itinere, fugiens opprimitur et relato domum Cassio ad eum deducitur. Racilius in proximam se domum familiaris sui confert, dum certum cognosceret, confectusne Cassius esset. L. Laterensis, cum id non dubitaret, accurrit laetus in castra militibusque vernaculis et secundae legionis, quibus odio sciebat praecipue Cassium esse, gratulatur; tollitur a multitudine in tribunal, praetor appellatur. Nemo enim aut in provincia natus, ut vernaculae legionis miles, aut diuturnitate iam factus provincialis, quo in numero erat secunda legio, non cum omni provincia consenserat in odio Cassi: nam legiones xxx. et xxi. paucis mensibus in Italia scriptas Caesar attribuerat Longino, quinta legio nuper ibi erat confecta.

54. Interim nuntiatur Laterensi vivere Cassium.

Quo nuntio dolore magis permotus quam animo perturbatus reficit se celeriter et ad Cassium visendum
2 proficiscitur. Re cognita xxx. legio signa Cordubam
3 infert ad auxilium ferendum imperatori suo. Facit
hoc idem xxi. Subsequitur has v. Cum duae legiones reliquae essent in castris, secundani veriti ne soli relinquerentur, atque ex eo, quid sensissent, iudicaretur, secuti sunt factum superiorum. Permansit in sententia legio vernacula neque ullo timore de gradu deiecta est.

55. Cassius eos, qui nominati erant conscii caedis, iubet comprehendi; legionem v. in castra remittit cohortibus xxx retentis. Indicio Minuci cognoscit L. Racilium et L. Laterensem et Annium Scapulam, maximae dignitatis et gratiae provincialem hominem sibi que tam familiarem quam Laterensem et Racilium, in eadem fuisse coniuratione, nec diu moratur dolorem suum, quin eos interfici iubeat.
3 Minucium libertis tradit excrucians, item Calpurnium Salvianum; qui profitetur indicium coniuratorumque numerum auget, vere, ut quidam existimant,
4 ut nonnulli queruntur, coactus. Isdem cruciatibus affectus L. Mergilio* Squillus nominat plures; quos Cassius interfici iubet exceptis iis, qui se pecunia
5 redemerunt. Nam palam HS lxx cum Calpurnio paciscitur et cum Q. Sestio l. Qui si maxime nocentes sunt multati, tamen periculum vitae dolorque vulnerum pecuniae remissus crudelitatem cum avaritia certasse significabat.

56. Aliquot post diebus litteras a Caesare missas accipit, quibus cognoscit Pompeium in acie victum amissis copiis fugisse. Qua re cognita mixtam dolore et voluptatem capiebat. Victoriae nuntius laetitiam exprimebat; confectum bellum licentiam temporum intercludebat. Sic erat dubius animi, utrum nihil timere an omnia licere mallet. Sanatis vulneribus arcessitis omnes, qui sibi pecunias expensas tulerant, acceptasque eas iubet referri; quibus parum videbatur imposuisse oneris, ampliorem pecuniam imperat. Equitum autem Romanorum delectum instituit; quos ex omnibus conventibus coloniisque conscriptos transmarina militia perterritos ad sacramenti redemptionem vocabat. Magnum hoc fuit vectigal, maius tamen creabat odium. His rebus confectis totum exercitum lustrat; legiones, quas in Africam ducturus erat, et auxilia mittit ad traiectum. Ipse classem, quam parabat, ut inspiceret, Hispalim accedit ibique moratur, propterea quod edictum tota provincia proposuerat: quibus pecunias imperasset, neque contulissent, se adirent.

57. Quae evocatio vehementer omnes turbavit. Interim L. Titius, qui eo tempore tribunus militum in legione vernacula fuerat, nuntiat eam a legione xxx., quam Q. Cassius legatus simul ducebat, cum ad oppidum Leptim castra haberet, seditione facta centurionibus aliquot occisis, qui signa tolli non patiebantur, discessisse et ad secundam legionem, contendisse, quae ad fretum alio itinere deducebatur. Cognita re noctu cum v cohortibus unetvicesimanorum egreditur, mane

Ibi

eam diem, ut, quid ageretur, perspiceret, moratus
 3 Carmonem contendit. Hic cum legio xxx. et xxi.
 et cohortes iiii ex v. legione totusque convenisset
 equitatus, audit iiii cohortes a vernaculis oppressas
 ad Obuculum cum his ad secundam pervenisse om-
 nesque ibi se coniunxisse et M. Thorium Italicensem
 4 ducem delegisse. Celeriter habito consilio Marcellum
 quaestorem Cordubam, ut eam in potestate retineret,
 5 Q. Cassium legatum Hispalim mittit. Paucis ei
 diebus affertur conventum Cordubensem ab eo de-
 fecisse Marcellumque aut voluntate aut necessitate
 abductum (namque id varie nuntiabatur) consentire
 cum Cordubensibus; duas cohortes legionis v., quae
 6 fuerant Cordubae in praesidio, idem facere. Cassius
 his rebus incensus movet castra et postero die Se-
 goviam ad flumen Singiliense venit. Ibi habita con-
 tione militum temptat animos; quos cognoscit non
 sua, sed Caesaris absentis causa sibi fidissimos esse
 nullumque periculum deprecaturus, dum per eos
 Caesari provincia restitueretur.

58. Interim Thorius ad Cordubam veteres le-
 giones adducit, ac ne dissensionis initium natum
 seditiosa militum suaeque natura videretur, simul ut
 contra Q. Cassium, qui Caesaris nomine maioribus
 viribus uti videbatur, aequè potentem opponeret
 dignitatem, Cn. Pompeio se provinciam recuperare
 2 velle palam dictitabat. Et forsitan etiam hoc fecerit
 odio Caesaris et amore Pompei, cuius nomen multum
 poterat apud eas legiones, quas M. Varro obtinuerat;
 sed id, qua mente, communis erit coniectura:
 3 certe hoc prae se Thorius ferebat; milites a

fatebantur, ut Cn. Pompei nomen in scutis inscriptum haberent. Frequens legionibus conventus obviam, prodit, neque tantum virorum, sed etiam matrum familias ac praetextatorum, deprecaturque, ne hostili adventu Cordubam diriperent: nam se contra Cassium consentire cum omnibus; contra Caesarem ne facere cogerentur, orare.

59. Tantaе multitudinis precibus et lacrimis exercitus commotus cum videret ad Cassium persequendum nihil opus esse Cn. Pompei nomine et memoria, tamque omnibus Caesarianis quam Pompeianis Longinum esse in odio, neque se conventum neque M. Marcellum contra Caesaris causam posse perducere, nomen Pompei ex scutis detraxerunt, Marcellum, qui se Caesaris causam defensurum profitebatur, ducem asciverunt praetoremque appellarunt et conventum sibi adiunxerunt castraque ad Cordubam posuerunt. Cassius eo biduo circiter III³ milia passuum a Corduba citra flumen Baetim in oppidi conspectu loco excelso facit castra; litteras ad regem Bogudem in Mauritaniam et M. Lepidum proconsulem in Hispaniam citeriorem mittit, subsidio sibi provinciaeque Caesaris causa quam primum veniret. Ipse hostili modo Cordubensium agros vastat, aedificia incendit.

60. Cuius rei deformitate atque indignitate legiones, quae Marcellum sibi ducem ceperant, ad eum concurrerunt, ut in aciem educerentur, priusque configendi sibi potestas fieret, quam cum tanta contumelia nobilissimae carissimaeque possessiones Cordubensium in conspectu suo in ferro

2 flammaque consumerentur. Marcellus, cum configere
miserrimum putaret, quod et victoris et victi detri-
mentum ad eundem Caesarem esset redundaturum,
neque suae potestatis esset, legiones Baetim
3 traducit aciemque instruit. Cum Cassium contra pro
suis castris aciem instruxisse loco superiore *videret*,
causa interposita, quod is in aequum non descen-
deret, Marcellus militibus persuadet, ut se reciperent
4 in castra. Itaque copias reducere coepit. Cassius,
quo bono valebat Marcellumque infirmum esse sci-
ebat, aggressus equitatu legionarios se recipientes
complures novissimos in fluminis ripis interfecit.
5 Cum hoc detrimento, quid transitus fluminis vitii diffi-
cultatisque haberet, cognitum esset, Marcellus castra
Baetim transfert, crebroque uterque legiones in aciem
educit; neque tamen configitur propter locorum
difficultates.

61. Erat copiis pedestribus multo firmior Mar-
cellus: habebat enim veteranas multisque proeliis
expertas legiones. Cassius fidei magis quam virtuti
2 legionum confidebat. Itaque, cum castra castris
collata essent, et Marcellus locum idoneum castello
cepisset, quo prohibere aqua Cassianos posset, Lon-
ginus veritus, ne genere quodam obsidionis clauderetur in regionibus alienis sibi infestis, noctu
silentio ex castris proficiscitur celerique itinere
Uliam contendit, quod sibi fidele esse oppidum cre-
3 debat. Ibi adeo coniuncta ponit moenibus castra, ut
et loci natura (namque Ulia in edito monte pos-
est) et ipsa munitione urbis undique ab oppi-
4 tione tutus esset. Hunc Marcellus insequi

quam proxime potest Uliam castra castris confert locorumque cognita natura, quo maxime rem deducere volebat, necessitate est edoctus, ut neque configeretur (cuius si rei facultas esset, resistere incitatis militibus non poterat) neque vagari Cassium latius pateretur, ne plures civitates ea paterentur, quae passi erant Cordubenses. Castellis idoneis, locis collocatis operibusque in circuitu oppidi continuatis Uliam Cassiumque munitionibus clausit. Quae priusquam perficerentur, Longinus omnem suum equitatum emisit; quem sibi usui fore credebat, si pabulari frumentarique Marcellum non pateretur, magno autem fore impedimento, si clausus obsidione et inutilis necessarium consumeret frumentum.

62. Paucisque diebus Cassi litteris acceptis rex Bogud cum copiis venit adiungitque ei legioni, quam secum adduxerat, complures cohortes auxilias Hispanorum. Namque, ut in civilibus dissensionibus accidere consuevit, ita temporibus illis in Hispania nonnullae civitates rebus Cassi studebant, plures Marcellum fovebant. Accedit cum copiis Bogud ad exteriores Marcelli munitiones. Pugnatur utrimque acriter, crebroque id accidit fortuna saepe ad utrumque victoriam transferente; nec tamen umquam ab operibus depellitur Marcellus.

63. Interim Lepidus ex citeriore provincia cum cohortibus legionariis xxxv magnoque numero equitum et reliquorum auxiliorum venit ea mente Uliam, ut sine ullo studio contentiones Cassi Marcellique componeret. ~~Hic venienti, sine dubitatione Marcellus~~

se credit atque offert; Cassius contra suis se tenet praesidiis, sive eo, quod plus sibi iuris deberi quam Marcello existimabat, sive eo, quod, ne praeoccupatus animus Lepidi esset obsequio adversarii, ver³ebatur. Ponit ad Uliam castra Lepidus neque habet a Marcello quicquam divisi. Ne pugnetur, inter⁴dit; ad exeundum Cassium invitat fidemque suam in re omni interponit. Cum diu dubitasset Cassius, quid sibi faciendum quidve Lepido esset credendum, neque ullum exitum consilii sui reperiret, si permaneret in sententia, postulat, uti munitiones disice⁵rentur, sibiue liber exitus daretur. Non tantum indutiis factis, sed prope iam *pace* constituta opera *cum* complanarent, custodiaeque munitionum essent deductae, auxilia regis in id castellum Marcelli, quod proximum erat regis castris neque opinantibus omni⁶b^{us} (si tamen in omnibus fuit Cassius: nam de huius conscientia dubitabatur) impetum fecerunt compluresque ibi milites oppresserunt. Quod nisi celeriter indignatione et auxilio Lepidi proelium esset diremptum, maior calamitas esset accepta.

64. Cum iter Cassio patefactum esset, castra Marcellus cum Lepido coniungit. Lepidus eodem tempore Marcellusque Cordubam cum suis, Cassius² proficiscitur Carmonam. Sub idem tempus Trebonius proconsul ad provinciam obtinendam venit. De cuius adventu ut cognovit Cassius, legiones, quas secum habuerat, equitatumque in hiberna distribuit; ipse³ omnibus suis rebus celeriter correptis Malacam co⁴tendit ibique adverso tempore navigandi naves c⁵scendit, ut ipse praedicabat, ne se Lepido et

bonio et Marcello committeret; ut amici eius dictitabant, ne per eam provinciam minore cum dignitate iter faceret, cuius magna pars ab eo defecerat; ut ceteri existimabant, ne pecunia illa ex infinitis rapinis confecta in potestatem cuiusquam veniret. Progressus secunda ut hiberna tempestate cum in Hiberum flumen noctis vitandae causa se contulisset, inde paulo vehementiore tempestate, nihilo periculosius se navigaturum credens, profectus, adversis fluctibus occurrentibus ostio fluminis, in ipsis faucibus, cum neque flectere navim propter vim fluminis neque directam tantis fluctibus tenere posset, demersa nave periit.

65. Cum in Syriam Caesar ex Aegypto venisset atque ab iis, qui Roma venerant ad eum, cognosceret litterisque urbanis animadverteret multa Romae male et inutiliter administrari neque ullam partem reipublicae satis commode geri, quod et contentionibus tribuniciis perniciosae seditiones orerentur, et ambitione atque indulgentia tribunorum militum et qui legionibus praeerant multa contra morem consuetudinemque militarem fierent, quae dissolvendae disciplinae severitatisque essent, eaque omnia flagitare adventum suum videret, tamen praeferendum existimavit, quas in provincias regionesque venisset, eas ita relinquere constitutas, ut domesticis dissensionibus liberarentur, iura legesque acciperent, externorum hostium metum deponerent. Haec in Syria, Cilicia, Asia celeriter se confecturum sperabat, quod hae provinciae nullo bello premebantur; in Bithynia ac Ponto plus oneris videbat sibi impendere.

Non excessisse enim Ponto Pharnacem audiebat neque excessurum putabat, cum secundo proelio vehementer esset inflatus, quod contra Domitium Calvinum fecerat. Commoratus fere in omnibus civitatibus, quae maiore sunt dignitate, praemia bene meritis et viris et publice tribuit, de controversiis veteribus cognoscit ac statuit; reges, tyrannos, dynastas provinciae finitimos, qui omnes ad eum concurrerant, receptos in fidem condicionibus impositis provinciae tuendae ac defendendae dimittit et sibi et populo Romano amicissimos.

66. Paucis diebus in ea provincia consumptis Sextum Caesarem, amicum et necessarium suum, legionibus Syriaeque praefecit; ipse eadem classe, qua venerat, proficiscitur in Ciliciam. Cuius provinciae civitates omnes evocat Tarsum, quod oppidum fere totius Ciliciae nobilissimum fortissimumque est. Ibi rebus omnibus provinciae et finitimarum civitatum constitutis cupiditate proficiscendi ad bellum gerendum non diutius moratur magnisque itineribus per Cappadociam confectis biduum Mazacae commoratus Comana venit, vetustissimum et sanctissimum in Cappadocia Bellonae templum, quod tanta religione colitur, ut sacerdos eius deae maiestate, imperio, potentia secundus a rege consensu gentis illius habeatur. Id homini nobilissimo Lycomedi Bithynio adiudicavit; qui regio Cappadocum genere ortus propter adversam fortunam maiorum suorum mutationemque generis iure minime dubio, vetustate tamen intermisso, sacerdotium id repetebat. Fratri autem Ariobarzanis Ariarathi, cum bene meritu

uterque eorum de republica esset, ne aut regni hereditas Ariarathen sollicitaret, aut heres regni timeret Ariobarzanen, adtribuit, qui sub eius imperio ac ditione essent. Ipse iter inceptum simili velocitate conficere coepit.

67. Cum propius Pontum finesque Gallograeciae accessisset, Deiotarus, tetrarches Gallograeciae tunc quidem paene totius, quod ei neque legibus neque moribus concessum esse ceteri tetrarchae contendeant, sine dubio autem rex Armeniae minoris ab senatu appellatus, depositis regiis insignibus neque tantum privato vestitu, sed etiam reorum habitu supplex ad Caesarem venit oratum, ut sibi ignosceret, quod in ea parte positus terrarum, quae nulla praesidia Caesaris habuisset, exercitibus imperiisque *coactus* in Cn. Pompei castris fuisset: neque enim se debuisse iudicem esse controversiarum populi Romani, sed parere praesentibus imperiis.

68. Contra quem Caesar cum plurima sua commemorasset officia, quae consul ei decretis publicis tribuisset, cumque defensionem eius nullam posse excusationem [eius] imprudentiae recipere coarguisset, quod homo tantae prudentiae ac diligentiae scire potuisset, quis urbem Italiamque teneret, ubi senatus populusque Romanus, ubi respublica esset, qui denique post L. Lentulum, C. Marcellum consules, tamen se concedere id factum superioribus suis beneficiis, veteri hospitio atque amicitiae, dignitati aetatique hominis, precibus eorum, qui frequentes concurrissent hospites atque amici Deiotari ad deprecandum, de controversiis tetrarcharum postea se

cogniturum esse dixit, regium vestitum ei restituit.

4 Legionem autem eam, quam ex genere civium suorum Deiotarus armatura disciplinaque nostra constitutam habebat, equitatumque omnem ad bellum gerendum adducere iussit.

69. Cum in Pontum venisset copiasque omnes in unum locum coëgisset, quae numero atque exercitatione bellorum mediocres erant (excepta enim legione sexta, quam secum adduxerat Alexandria veteranam multis laboribus periculisque functam multisque militibus partim difficultate itinerum ac navigationum partim crebritate bellorum adeo diminutam, ut minus mille hominibus in ea esset, reliquae erant tres legiones, una Deiotari, duae, quae in eo proelio, quod Cn. Domitium fecisse cum Pharnace 2 scripsimus, fuerant), legati a Pharnace missi Caesarem adeunt atque imprimis deprecantur, ne eius adventus hostilis esset: facturum enim omnia Pharnacen, quae imperata essent. Maximeque commemorabant nulla Pharnacen auxilia contra Caesarem Pompeio dare voluisse, cum Deiotarus, qui dedisset, tamen ei satisfacisset.

70. Caesar respondit se fore aequissimum Pharnaci, si quae polliceretur repraesentaturus esset. 2 Monuit autem, ut solebat, mitibus verbis legatos, ne aut Deiotarum sibi obicerent, aut nimis eo gloriantur beneficio, quod auxilia Pompeio non misissent. 3 Nam se neque libentius facere quicquam quam supplicibus ignoscere, neque provinciarum publicas iniurias condonare iis posse, qui fuissent in se officiosi. 4 Quin id ipsum, quod commemorarent, officium

fuisse utilius Pharnaci, qui providisset, ne vinceretur, quam sibi, cui dii immortales victoriam tribuissent. Itaque magnas et graves iniurias civium Romanorum,⁵ qui in Ponto negotiati essent, quoniam in integrum restituere non posset, concedere Pharnaci. Nam⁶ neque interfectis amissam vitam neque exsectis virilitatem restituere posse; quod quidem supplicium gravius morte cives Romani subissent. Ponto vero⁷ decederet confestim familiasque publicanorum remitteret ceteraque restitueret sociis civibusque Romanis, quae penes eum essent. Si fecisset, iam tunc sibi⁸ mitteret munera ac dona, quae bene rebus gestis imperatores ab amicis accipere consuessent. Miserat enim Pharnaces coronam auream. His responsis datis legatos remisit.

71. At Pharnaces liberaliter omnia pollicitus cum festinantem ac percurrentem Caesarem speraret libentius etiam crediturum suis promissis, quam res pateretur, quo celerius honestiusque ad res magis necessarias proficisceretur (nemini enim erat ignotum plurimis de causis ad urbem Caesarem revocari), lentius agere, decedendi diem postulare longiorem, pactiones interponere, in summa frustrari coepit. Caesar cognita² calliditate hominis, quod aliis temporibus natura facere consuevit, tunc necessitate fecit adductus, ut celerius omnium opinione manum consereret.

72. Zela est oppidum in Ponto, positu ipso ut in plano loco satis munitum: tumulus enim naturalis veluti manu factus excelsiore undique fastigio sustinet murum. Circumpositi sunt huic oppido magni multi-² que intercisi vallibus colles; quorum editissimus

unus, qui propter victoriam Mithridatis et infelicitatem Triari detrimentumque exercitus nostri superioribus temporibus [locis atque itineribus paene coniunctus oppido] magnam in illis partibus habet nobilitatem, nec multo longius milibus passuum III abest ab Zela. Hunc locum Pharnaces veteribus patrum feliciū castrorum relictis operibus copiis suis omnibus occupavit.

73. Caesar cum ab hoste milia passuum V castra posuisset videretque eas valles, quibus regia castra munirentur, eodem intervallo sua castra munituras, si modo ea loca hostes priores non cepissent, quae multo erant propiora regis castris, aggerem comportari iubet intra munitiones. Quo celeriter collato proxima nocte vigilia quarta legionibus omnibus expeditis impedimentisque in castris relictis prima luce neque opinantibus hostibus eum ipsum locum cepit, in quo Mithridates secundum proelium adversus Triarium fecerat. Huc omnem comportatum aggerem ex castris servitia aggerere iussit, ne quis ab opere miles discederet, cum spatio non amplius passuum mille intercisa valles castra hostium divideret ab opere incepto Caesaris castrorum.

74. Pharnaces, cum id repente prima luce animadvertisset, copias suas omnes pro castris instruxit. Quas interposita tanta locorum iniquitate consuetudine magis pervulgata militari credebat instrui Caesar vel ad opus suum tardandum, quo plures in armis tenerentur, vel ad ostentationem :
ciae, ne munitione magis quam manu defe
Pharnaces videretur. Itaque deterritus

minus prima acie pro vallo instructa reliqua pars exercitus opus faceret. At Pharnaces impulsus sive³ loci felicitate sive auspiciis et religionibus inductus, quibus obtemperasse eum postea audiebamus, sive paucitate nostrorum, qui in armis erant, comperta, cum more operis cotidiani magnam illam servorum multitudinem, quae aggerem portabat, militum esse credidisset, sive etiam fiducia veterani exercitus sui, quem XXII. in acie conflixisse et vicisse legati eius gloriabantur, simul contemptu exercitus nostri, quem pulsum a se Domitio duce sciebat, inito consilio dimicandi descendere praerupta valle coepit. Cuius⁴ aliquamdiu Caesar irridebat inanem ostentationem et eo loco militum coartationem, quem in locum nemo sanus hostis subiturus esset: cum interim Pharnaces eodem gradu, quo in proclivem descenderat vallem, ascendere adversus arduum collem instructis copiis coepit.

75. Caesar incredibili eius vel temeritate vel fiducia commotus neque opinans imparatusque oppressus eodem tempore milites ab opere revocat, arma capere iubet, legiones opponit aciemque instruit; cuius rei subita trepidatio magnum terrorem² attulit nostris. Nondum ordinibus instructis falcatae³ regiae quadrigae permixtos milites perturbant; quae tamen celeriter multitudine telorum opprimuntur. Insequitur has acies hostium, et clamore sublato⁴ configitur multum adiuvante natura loci, plurimum deorum immortalium benignitate; qui cum omnibus casibus belli intersunt, tum praecipue, quibus nihil ratione potuit administrari.

76. Magno atque acri proelio comminus facto dextro cornu, quo veterana legio sexta erat collocata, initium victoriae natum est. Ab ea parte cum proclivi detruderentur hostes, multo tardius sed tamen eisdem diis adiuvantibus sinistro cornu medietate acie totae profligantur copiae regis. Quae quam facile subierant iniquum locum, tam celeriter gradu pulsae premebantur loci iniquitate. Itaque multis militibus partim interfectis partim suorum ruina oppressis, qui velocitate effugere poterant, armis tamen proiectis, vallem transgressi nihil ex loco superiore inermi proficere poterant. At nostri victoria elati subire iniquum locum munitionesque aggredi non dubitarunt. Defendentibus autem iis cohortibus castra, quas Pharnaces praesidio reliquerat, celeriter castris hostium sunt potiti. Interfecta multitudine omni suorum aut capta Pharnaces cum paucis equitibus profugit; cui nisi castrorum oppugnationis facultatem attulisset liberius profugiendi, vivus in Caesaris potestatem adductus esset.

77. Tali victoria totiens victor Caesar incredibili est laetitia affectus, quod maximum bellum tanta celeritate confecerat, quodque subiti periculi recollectione laetior victoria facilis ex difficillimis rebus acciderat. Ponto recepto praeda omni regia militibus condonata postero die cum expeditis equitibus ipse proficiscitur, legionem sextam decedere ad praemia atque honores accipiendos in Italiam iubet, auxilia Deiotari domum remittit; duas legiones cum Coelio Viniciano in Ponto relinquit.

78. Ita per Gallograeciam Bithyniamque in Asiam iter facit omniumque earum provinciarum de controversiis cognoscit et statuit; iura in tetrarchas, reges, civitates distribuit. Mithridaten Pergamenum, a quo rem feliciter celeriterque gestam in Aegypto supra scripsimus, regio genere ortum, disciplinis etiam regiis educatum (nam Mithridates, rex Asiae totius, propter nobilitatem Pergamo parvulum secum asportaverat in castra multosque retinuerat annos) regem Bospori constituit, quoad sub imperio Pharnacis fuerat, provinciasque populi Romani a barbaris atque inimicis regibus interposito amicissimo rege munivit. Eidem tetrarchian [legibus]³ Gallograecorum iure gentis et cognationis adiudicavit occupatam et possessam paucis ante annis a Deiotaro. Neque tamen usquam diutius moratus est⁴ quam necessitas urbanarum seditionum pati videbatur. Rebus felicissime celerrimeque confectis in⁵ Italiam celerius omnium opinione venit.

BELLUM AFRICANUM.

ARGUMENTUM.

[A. U. C. 707. 708.] Exercitu Lilybaeum contracto Caesar classe in Africam proficiscitur c. 1. 2. Navium parte ad Adrumetum collecta (reliquas tempestas a cursu averterat) Caesar copias exponit castraque ad oppidum collocat c. 3. Captivus cum litteris ad Considium, qui oppido praeerat, missus necatur c. 4. Deficientibus ad oppidum expugnandum viribus Caesar castra ad Ruspina movet c. 5. 6, inde ad Leptim; quo oppido recepto in litore castra ponit, iamque per litteras auxilia ex Sardinia finitimisque provinciis arcessit et copias, quae in Sicilia remanserant, transmittendas curat c. 7—9. Naves errore abductae, quas Caesar ipse classe conscensa iam erat conquisiturus, adveniunt c. 10. 11. Paulo post proelio commisso Caesar unica rei militaris peritia hostes imprimis equitum numero superiores fugat c. 12—18. Quae Labieno, hostium duci, ante proelium fuerit fiducia perfugae et captivi docent c. 19. Caesar castris muniendis comparandisque rebus ad bellum necessariis operam dat; classem ad naves onerarias ex errore conquirendas mittit c. 10. 21. Cn. Pompeius filius a M. Catone patris admonitione ad rem strenue gerendam incitatur c. 22. Ascurum Mauritaniae oppidum navibus temptat; eruptione ab oppidanis facta in naves compulsus insulas Baleares petit c. 23. Scipionis copiae cum Petrei et Labieni coniunguntur c. 24, quibus et exercitum adiuncturus erat, sed cum fines a Boc

rege,

et P. Sittio, Caesari cum exulum numero auxiliante, vastarentur, ex itinere in regnum revocatur c. 25. Caesar denuo de exercitu adducendo in Siciliam nuntium mittit; munitiones castrorum auget c. 26. Scipio elephantis ad pugnam instituendis operam collocat c. 27. Vergilius, Thapso praefectus, navi Caesariana potitur c. 28. Pugnandi facultate ab Scipione oblata Caesar exercitum castris continet, cum antequam auxilia advenissent, pugnare nollet c. 29—32. Legati ex Acilla ad eum mittuntur; praesidium sibi a Caesare petunt idque impetrant c. 33. Iam ab Sallustio Crispo praetore naves frumento oneratae a Cercina insula adducuntur, itemque copiarum, quae in Sicilia relictæ erant, pars ab Alieno proconsule transmittitur c. 34. Gaetulorum magnus numerus in castra Caesaris perfugit; legati ex oppido Thisdra frumenti copiam Caesari offerunt praesidiumque sibi postulant c. 37. 38. Cum hostium equitatu feliciter pugnatur c. 39. 40. Acie instructa Caesar ad Uzittam, quam Scipio tenebat, accedit; opponitur ab Scipione acies; cum neuter pugnandi initium faceret, uterque exercitus ad solis occasum in castra reducuntur c. 41. 42. Considius oppido Acilla frustra temptato Adrumetum se recipit c. 43. Navis Caesariana ex secundo commeatu capitur; milites qui inerant veterani ab Scipione trucidantur, tirones inter legiones distribuuntur c. 44—46. Caesariani imbre cum grandine saxeâ commixto graviter laborant c. 47. Iam ab Iuba Scipioni auxilia adducuntur c. 48. Equites a Labieno in insidiis collocati fugantur; nec multo post cum in Caesaris legiones sub vesperum ab opere in castra revertentes impetus esset factus, paulum abfuit, quin ipse Labienus cum Iuba caperentur c. 49—52. Tandem reliqua exercitus pars ex Sicilia advecta est; contione habita Caesar quosdam tribunos militum et centuriones ab exercitu removet c. 54. 55. Gaetuli ab Iuba desciscunt et qui ex iis apud Iubam in equitum numero militabant noctu ad Caesarem profugiunt c. 56. 56. Iubae in primores civium Romanorum arrogantia c. 57. Exercitus in aciem educuntur; ad vesperum denique equitum fit leve proelium c. 58—61. Interim naves Caesaris onerariae, quae longius a portu con-

stiterant, apud Leptim a Varo incenduntur; quem Caesar continuo insecutus quinquagemam recuperat, aliam navim expugnat, et quas ante portum Adrumeti, in quem profugerat classis Vari, apprehendit, incendit c. 62—64. Frumentum conquisiturus Caesar cum exercitus parte circum villas usque ad Aggar oppidum proficiscitur, quod cum et adversarii facerent, per eiusmodi occasiones crebro est pugnatum c. 65—73. Legati ex Vaga oppido Caesarem conveniunt; dum eum de mittendo praesidio orant, oppidum ab Iuba esse expugnatum nuntiatur c. 74. Exercitu lustrato Caesar ad oppidum Sarsuram castra movet frumentum eo ab Scipione comportatum intercepturus; Labienum agmen cum equitatu lacescentem fugat, oppido potitur. Inde in castra, quae ad Aggar habuerat, regreditur. Eodem Scipio subsequitur c. 75. 76. Quem cum ad pugnam elicere nequiret, Caesar rem in discrimen adducturus Thapsum proficiscitur, oppidumque, cui Vergilius praeerat, circummunire instituit. Iam Scipio, nisi oppidum munitissimum hominesque fidissimos amittere vellet, facere non potuit, quin dimicaret c. 77—80. Proelio ad oppidum commisso Scipionis exercitus gravissima clade profligatur c. 81—86. Qui vitae exitus fuerit Catonis, Iubae, Petrei, Scipionis narratur c. 87—96. Rebus sic feliciter gestis Caesar Iubae regnum in provinciae formam redigit, civitates singulosque qui cum Scipione fecerant pecunia multat, deinde Romam revertit c. 97—98.

1. Caesar itineribus iustis confectis nullo die intermisso a. d. XIII. Kal. Ian. Lilybaeum pervenit statimque ostendit sese naves velle conscendere, cum non amplius legionem tironum haberet unam, equites vix DC. Tabernaculum secundum litus ipsum
 2. constituit, ut prope fluctus verberaret. Hoc eo consilio fecit, ne quis sibi morae quicquam fore speraret, et ut omnes in dies horasque parati essent.
 3. Incidit per id tempus, ut tempestates ad navigan-

dum idoneas non haberet. Nihilo tamen minus in navibus remiges militesque continere et nullam praetermittere occasionem profectionis; cum praesertim⁴ ab incolis eius provinciae nuntiarentur adversariorum copiae equitatus infinitus, legiones regiae IIII, levis armaturae magna vis, Scipionis legiones X, elephantum CXX classesque esse complures, tamen non deterrebat animoque et spe confidebat. Interim in dies et naves longae adaugeri, et onerariae complures eodem concurrere, et legiones tironum convenire, in his veterana legio quinta, equitum ad II milia.

2. Legionibus collectis VI et equitum II milibus, ut quaeque prima legio venerat, in naves longas imponebatur, equites autem in onerarias. Ita maiorem² partem navium antecedere iussit et insulam petere Aponianam, quae abest a Lilybaeo commoratus bona paucorum publice vendit, deinde Alieno³ praetori, qui Siciliam obtinebat, de omnibus rebus praecipit et de reliquo exercitu celeriter imponendo. Datis *mandatis* ipse navem conscendit a. d. VI.⁴ Kal. Ian. et reliquas naves statim est consecutus. Ita vento certo celerique navigio vectus post diem⁵ quartum cum longis paucis navibus in conspectum Africae venit: namque onerariae reliquae praeter paucas vento dispersae atque errabundae diversa loca petierunt. Clupeam classe praetervehitur, dein⁶ Neapolim; complura praeterea castella et oppida non longe a mari reliquit.

3. Postquam Adrumetum accessit, ubi praesidium erat adversariorum, cui praeerat C. Considius,

et a Clupeis secundum oram maritimam cum equitatu [Adrumetum] Cn. Piso cum Maurorum circiter² tribus milibus apparuit; ibi paulisper Caesar ante portum commoratus, dum reliquae naves convenirent, exponit exercitum, cuius numerus in praesentia fuit peditum III milia, equites CL, castrisque ante oppidum positis sine iniuria cuiusquam concessit cohibetque omnes a praeda. Oppidani interim muros armatis complent, ante portam frequentes considunt ad se defendendum; quorum numerus⁴ duarum legionum instar erat. Caesar circum oppidum vectus natura loci perspecta rediit in castra. Nonnemo culpaе eius imprudentiaeque assignabat, quod neque certum locum gubernatoribus praefectisque, quem peterent, praeceperat, neque, ut more ipsius consuetudo superioribus temporibus fuerat, tabellas signatas dederat, ut in tempore his perlectis⁶ locum certum peterent universi. Quod minime Caesarem fefellerat. Namque nullum portum terrae Africae, quo classes decurrerent, pro certo tutum ab hostium praesidio fore suspicabatur, sed fortuito oblatam occasionem egressus aucupabatur.

4. L. Plancus interim legatus petit a Caesare, uti sibi daret potestatem cum Considio agendi, si² posset aliqua ratione perducere ad sanitatem. Itaque data facultate litteras conscribit et eas captivo dat³ perferendas in oppidum ad Considium. Quo simul atque captivus [cum] pervenisset litterasque, ut erat mandatum, Considio porrigere coepisset, priusquam acciperet ille, 'unde', inquit, 'istas?' Tum⁴ captivus: 'imperatore a Caesare'. Tunc Considius,

'unus est', inquit, 'Scipio imperator hoc tempore populi Romani'; deinde in conspectu suo statim captivum interfici iubet litterasque nondum perlectas, sicut erant signatae, dat homini certo ad Scipionem perferendas.

5. Postquam una nocte et die ad oppidum consumpta neque responsum ullum a Considio dabatur, neque ei reliquae copiae succurrebant, neque equitatu abundabat et ad oppidum oppugnandum non satis copiarum habebat et eas tironum, neque primo adventu convulnerari exercitum volebat, et oppidi egregia munitio et difficilis ad oppugnandum erat accessus, et nuntiabatur auxilia magna equitatus oppidanis suppetias venire, non est visa ratio ad oppugnandum oppidum commorandi, ne, dum in ea re Caesar est occupatus, circumventus a tergo ab equitatu hostium laboraret.

6. Itaque castra cum movere vellet, subito ex oppido erupit multitudo, atque equitatus subsidio uno tempore eis casu succurrit, qui erat missus a Iuba ad stipendium accipiendum, castraque, unde Caesar egressus iter facere coeperat, occupant et eius agmen extremum insequi coeperunt. Quae res cum animadversa esset, subito legionarii consistunt, et equites, quamquam erant pauci, tamen contra tantam multitudinem audacissime concurrunt. Accidit res incredibilis, ut equites minus * xxx Galli Maurorum equitum II milia loco pellerent fugarentque in oppidum. Postquam repulsi et coniecti erant intra munitiones, Caesar iter constitutum ire co tendit. Quod cum saepius facerent et modo in

querentur, modo rursus ab equitibus in oppidum repellerentur, cohortibus paucis ex veteranis, quas secum habebat, in extremo agmine collocatis et parte equitatus iter leniter cum reliquis facere coepit. Ita quanto longius ab oppido discedebatur, tanto tardiores ad insequendum erant Numidae. Interim in itinere ex oppidis et castellis legationes venire et polliceri frumentum paratosque esse, quae imperasset, facere. Itaque eo die castra posuit ad oppidum Ruspina, Kal. Ianuariis.

7. Inde movit et pervenit ad oppidum Leptim, liberam civitatem et immunem. Legati ex oppido obviam veniunt, libenter se omnia facturos, quae vellet, pollicentur. Itaque centurionibus ad portas oppidi et custodiis impositis, ne quis miles in oppidum introiret aut iniuriam faceret cuiquam incolae, non longe ab oppido secundum litus facit castra. Eodemque naves onerariae et longae nonnullae casu advenerunt; reliquae, ut est ei nuntiatum, incertae locorum Uticam versus petere visae sunt. Interim Caesar a mari non digredi neque mediterranea petere propter navium errorem, equitatumque in navibus omnem continere, ut arbitror, ne agri vastarentur; aquam in naves iubet comportari. Remiges interim, qui aquatum e navibus exierant, subito equites Mauri neque opinantibus Caesarianis adorti multos iaculis convulnerunt, nonnullos interfecerunt. Latent enim in insidiis cum equis inter convalles, ut subito existant, non ut in campo comminus depugnent.

8. Caesar interim in Sardiniam nuntios cum litteris et in reliquas provincias finitimas dimisit, ut sibi auxilia, commeatus, frumentum, simulatque litteras legissent, mittenda curarent, exoneratisque partim navibus longis Rabirium Postumum in Sici-
liam ad secundum commeatum arcessendum mittit. Interim cum x navibus longis ad reliquas naves² onerarias conquirendas, quae deerrassent, et simul mare tuendum ab hostibus iubet proficisci. Item³ C. Sallustium Crispum praetorem ad Cercinam insulam versus, quam adversarii tenebant, cum parte navium ire iubet, quod ibi magnum numerum frumenti esse audiebat. Haec ita imperabat unicuique,⁴ ita praecipiebat uti fieri possent, ne nec locum excusatio ullum haberet nec moram tergiversatio. Ipse interea ex perfugis et incolis cognitis condicionibus⁵ Scipionis, et qui cum eo bellum contra se gerebant, miserari (regium enim equitatum Scipio ex provincia Africa alebat) tanta homines esse dementia, ut malint regis esse vectigales, quam cum civibus in patria in suis fortunis esse incolumes.

9. Caesar a. d. iiii. Non. Ian. castra movet; Lepti sex cohortium praesidio cum Saserna relicto ipse rursus, unde pridie venerat, Ruspina cum reliquis copiis convertit ibique sarcinis exercitus relictis ipse cum expedita manu proficiscitur circum villas frumentatum oppidanisque imperat, ut plostraiumenta⁶que omnia sequantur. Itaque magno numero⁷ frumenti invento Ruspina redit. Huc eum idcirco existimo recepisse se, ut maritima oppida post se

ne vacua relinqueret praesidioque firmata ad classim receptacula muniret.

10. Itaque ibi relicto P. Saserna, fratre eius, quem Lepti, proximo oppido, reliquerat, cum legione iubet comportari ligna in oppidum quam plurima; ipse cum cohortibus VII, quae ex veteranis legionibus in classe cum Sulpicio et Vatinio rem gesserant, ex oppido Ruspina egressus proficiscitur ad portum, qui abest ab oppido milia passuum duo, ibique classem sub vesperum cum ea copia conscendit. Omnibus in exercitu insciis et requirentibus imperatoris consilium magno metu ac tristimonia sollicitabantur. Parva enim cum copia et ea tironum neque omni exposita in Africa contra magnas copias et insidiosae nationis equitatumque innumerabilem se expositos videbant neque quicquam solatii in praesentia neque auxilium in suorum consilio animum advertabant nisi in ipsius imperatoris vultu, vigore mirabilique hilaritate: animum enim altum et erectum prae se gerebat. Huic acquiescebant homines et in eius scientia et consilio omnia sibi proclivia omnes fore sperabant.

11. Caesar una nocte in navibus consumpta iam caelo albente cum proficisci conaretur, subito navium pars, de qua timebat, ex errore eodem conferebatur. Hac re cognita Caesar celeriter de navibus imperat omnes egredi atque in litore armatos reliquos advenientes milites exspectare. Itaque sine mora navibus eis in portum receptis et advectis militum equitumque copiis rursus ad oppidum Ruspinae redit atque ibi castris constitutis ipse cum

cohortibus expeditis xxx frumentatum est profectus. Ex eo est cognitum Caesaris consilium, illum cum classe navibus onerariis, quae deerrassent, subsidio ire clam hostibus voluisse, ne casu imprudentes suae naves in classem adversariorum inciderent, neque eam rem eos voluisse scire, qui in praesidiis relictii sui milites fuissent, ne hi propter suorum paucitatem et hostium multitudinem metu deficerent.

12. Interim cum iam Caesar progressus esset a castris circiter milia passuum III, per speculatores et antecessores equites nuntiatur ei copias hostium haud longe ab sese visas. Et hercule cum eo nuntio pulvis ingens conspici coeptus est. Hac re cognita Caesar celeriter iubet equitatum universum, cuius copiam habuit in praesentia non magnam, et sagittarios, quorum parvus numerus, ex castris arcessiri atque ordinatim signa se leniter consequi; ipse antecedere cum paucis armatis. Iamque cum procul hostis conspici posset, milites in campo iubet galeari et ad eam pugnam parari; quorum omnino numerus fuit xxx cohortium cum equitibus cccc, sagittariis CL.

13. Hostes interim, quorum dux erat Labienus et duo Pacidii, aciem dirigunt mirabili longitudine non peditum, sed equitum confertam et inter eos levis armaturae Numidas et sagittarios pedites interposuerant et ita condensaverant, ut procul Caesariani pedestres copias arbitrarentur, dextrum ac sinistrum cornu magnis equitum copiis firmaverant. Interim Caesar aciem dirigit simplicem, ut poterat, propter paucitatem; sagittarios ante aciem consti-

tuit, equites dextro sinistroque cornu opponit et ita praecipit, ut providerent, ne multitudine equitatus hostium circumvenirentur: existimabat enim se acie instructa cum pedestribus copiis dimicaturum.

14. Cum utrimque exspectatio fieret, neque Caesar sese moveret et cum suorum paucitate contra magnam vim hostium artificio magis quam viribus decernendum videret, subito adversariorum equitatus sese extendere et in latitudinem promovere collesque complecti et Caesaris equitatum extenuare simulque ad circumeundum comparare se coeperunt.
²Caesariani equites eorum multitudinem aegre sustinebant. Acies interim mediae cum concurrere conarentur, subito ex condensis turmis pedites Numidae levis armaturae cum equitibus procurrunt et inter
³legionarios [pedites] iacula coniciunt. Hic cum Caesariani in eos impetum fecissent, illorum equites refugiebant; pedites interim resistebant, dum equites rursus cursu renovato peditibus suis succurrerent.

15. Caesar novo genere pugnae oblato, cum animum adverteret ordines suorum in procurrendo turbari (pedites enim, dum equites longius ab signis persequuntur, latere nudato a proximis Numidis iaculis vulnerabantur; equites autem hostium pilum militis cursu facile vitabant), edicit per ordines, ne quis miles ab signis III pedes longius procederet.
²Equitatus interim Labieni suorum multitudine confusus Caesaris paucitatem circuire non moratur: equites Iuliani pauci multitudine hostium defessi equis convulneratis paulatim cedere; hostis magis
³magisque instare. Ita puncto temporis omnibus

legionariis ab hostium equitatu circumventis Caesarisque copiis in orbem compulsis, intra cancellos omnes coniecti pugnare cgebantur.

16. Labienus in equo capite nudo versari in prima acie; simul suos cohortari, nonnumquam legionarios Caesaris ita appellare: 'quid tu', inquit, 'miles tiro, tam feroculus es? Vos quoque iste verbis infatuavit? In magnum mehercule vos periculum impulit. Misceor vestri'. Tum miles, 'non sum',² inquit, 'tiro, Labiene, sed de legione x. veteranus'. Tum Labienus, 'non agnosco', inquit, 'signa decumanorum'. Tum miles: 'iam me, qui sim, intelleges'. Simul cassidem de capite deiecit, ut cognosci ab eo³ posset, atque ita pilum viribus contortum, dum in Labienum mittere contendit, equi graviter adverso pectori adfixit et ait: 'Labiene, decumanum militem, qui te petit, scito esse'. Omnium tamen animi in⁴ terrorem coniecti et maxime tironum: circumspicere enim Caesarem neque amplius facere nisi hostium iacula vitare.

17. Caesar interim consilio hostium cognito iubet aciem in longitudinem quam maximam porrigi et alternis conversis cohortibus, ut una post, altera ante signa tenderet, ita coronam hostium dextro⁵ sinistroque cornu mediam dividit et unam partem ab altera exclusam equitibus intrinsecus cum peditatu telis coniectis in fugam ~~ve~~ longius progressus viritus insidias se ~~a~~ cipit. Idem altera pars equitum ped⁶ saris facit. His rebus gestis ac

repulsis convulneratisque ad sua praesidia sese, sicut erat instructus, recipere coepit.

18. Interim M. Petreius et Cn. Piso cum equitibus Numidis MDC electis peditatuque eiusdem generis satis grandi ex itinere recta subsidio suis occurrunt. Atque hostes suis ex terrore firmatis rursusque renovatis animis legionarios conversis equitibus recipientes novissimos adoriri et impedire coeperunt, quo minus in castra se reciperent. Hac re animadversa Caesar iubet signa converti et medio campo redintegrari proelium. Cum ab hostibus eodem modo pugnaretur nec comminus ad manus rediretur, Caesarisque equites iumenta ex nausea recenti, siti, languore, paucitate, vulneribus defatigata ad insequendum hostem perseverandumque cursum tardiora haberent, dieique pars exigua iam reliqua esset, cohortibus equitibus circumdatis cohortatur, ut uno ictu contenderent neque remitterent, donec ultra ultimos colles hostes reppulissent atque eorum essent potiti. Itaque signo dato in hostes languide tela neglegenterque mittentes subito immittit cohortes turmasque suorum; atque puncto temporis hostibus nullo negotio campo pulsus, post colle deiectis nacti locum atque ibi paulisper commorati, ita uti erant instructi, leniter se ad suas recipiunt munitiones. Itemque adversarii male accepti tum demum se ad sua praesidia contulerunt.

19. Interim ea re gesta et proelio dirempto ex adversariis perfugere plures ex omni genere hominum, et praeterea intercepti [hostium] complures equites peditesque. Ex quibus cognitum est con-

silium hostium, eos hac mente et conatu venisse, uti novo atque inusitato genere proclii tirones legionarii paucique perturbati Curionis exemplo ab equitatu circumventi opprimerentur, et ita Labienum dixisse pro contione, tantam sese multitudinem auxiliorum adversariis subministraturum, ut etiam caedendo in ipsa victoria defatigati vincerentur atque a suis superarentur; quippe qui [in] illo rumore [sibi] confideret primum, quod audierat Romae legiones veteranas dissentire neque in Africam velle transire; deinde, quod triennio in Africa suos milites consuetudine retentos fideles sibi iam effecisset, maxima autem auxilia haberet Numidarum equitum levisque armaturae, praeterea ex fuga proelioque Pompeiano quos secum a Brundisio transportaverat equites Germanos Gallosque ibique postea ex hybridis, libertinis servisque conscripserat, armaverat, qui uti frenato condidicerant, praeterea regia auxilia elephantis cxx equitatuque innumerabili, deinde legiones conscriptas ex cuiusquemodi generis amplius xii milibus. Hac spe atque ea audacia inflammatus Labienus cum equitibus Gallis Germanisque mdc, Numidarum sine frenis vii milibus, praeterea Petreiano auxilio adhibito equitibus mdc, peditum ac levis armaturae quater tanto, sagittariis ac funditoribus hippotoxotisque compluribus, his copiis pridie Non. Ian. post diem vi., quam Africam Caesar attigit, in campis planissimis purissimisque ab hora diei quinta usque ad solis occasum est decertatum. In eo proelio Petreius graviter ictus ex acie recessit.

20. Caesar interim castra munire diligentius, praesidia firmare copiis maioribus vallumque ab oppido Ruspina usque ad mare ducere et a castris alterum eodem, quo tutius ultro citroque commeari auxiliaque sine periculo sibi succurrere possent, tela tormenta ex navibus in castra comportare, remigum partem ex classe, Gallorum, Rhodiorum, epibatarumque armare et in castra evocare, uti, si posset, eadem ratione, qua adversarii, levis armatura interiecta inter equites suos interponeretur, sagittariisque ex omnibus navibus Ityreis, Syris et cuiusque generis ductis in castra compluribus frequentabat suas copias (audiebat enim Scipionem post diem tertium eius diei, quo proelium factum erat, appropinquare, copias suas cum Labieno et Petreio coniungere; cuius copiae legionum VIII et equitum III milium esse nuntiabantur), officinas ferrarias instruere, sagittas telaque uti fierent complura curare, glandes fundere, sudes comparare, litteras in Siciliam nuntiosque mittere, ut sibi crates materiemque congererent ad arietes, cuius inopia in Africa esset, praeterea ferrum, plumbum mitte-
retur. Etiam animadvertibat frumento se in Africa nisi importato uti non posse: priore enim anno propter adversariorum delectus, quod stipendiarii aratores milites essent facti, messem non esse factam; praeterea ex omni Africa frumentum adversarios in pauca oppida et bene munita comportasse omnemque regionem Africae exinanisse frumento, oppida praeter ea pauca, quae ipsi suis praesidiis tueri poterant reliqua dirui atque deleri et eorum incolae in

sua praesidia coëgisse commigrare, agros desertos ac vastatos esse.

21. Hac necessitate Caesar coactus privatos ambiendo et blande appellando aliquantum numerum frumenti in sua praesidia congesserat et eo parce utebatur. Opera interim ipse cotidie circuire et ad ternas cohortes in statione habere propter hostium multitudinem. Labienus saucios suos, quorum maximus numerus fuit, iubet in plostris deligatos Adrumetum deportari. Naves interim Caesaris onerariae errabundae male vagabantur incertae locorum atque castrorum suorum; quas singulas scaphae adversariorum complures adortae incendebant atque expugnabant. Hac re nuntiata Caesar classes circum insulas portusque disposuit, quo tutius commeatus supportari posset.

22. M. Cato interim, qui Uticae praeerat, Cn. Pompeium filium multis verbis assidueque obiurgare non desistebat. 'Tuus', inquit, 'pater istuc aetatis cum esset et animadvertisset rempublicam ab nefariis sceleratisque civibus oppressam bonosque aut interfectos aut exilio multatos patria civitateque carere, gloria et animi magnitudine elatus privatus atque adulescentulus paterni exercitus reliquiis collectis paene oppressam funditusque deletam Italiam urbemque Romanam in libertatem vindicavit, idemque Siciliam, Africam, Numidiam, Mauritaniam mirabili celeritate armis recepit. Quibus ex rebus et eam dignitatem, quae est per gentes clarissimissimaeque, conciliavit adulescentulusque atque Romanus triumphavit. Atque ille non ita

patris gestis neque tam excellenti maiorum dignitate parta neque tantis clientelis nominisque claritate praeditus in rempublicam est ingressus. Tu contra et patris nobilitate et dignitate et per te ipse satis animi magnitudine diligentiaque praeditus nonne eniteris et proficisceris ad paternas clientelas auxilium tibi reiue publicae atque optimo cuique efflagitatum?

23. His verbis hominis gravissimi incitatus adulescentulus cum naviculis cuiusquemodi generis xxx, inibi paucis rostratis, profectus ab Utica in Mauritaniam regnumque Bogudis est ingressus expeditoque exercitu numero servorum, liberorum ii milium, cuius partem inermem, partem armatam habuerat, ad oppidum Ascurum accedere coepit; in quo oppido praesidium fuit regium. Pompeio adveniente oppidani usque eo passi propius accedere, donec ad ipsas portas ac murum appropinquaret, subito eruptione facta prostratos perterritosque Pompeianos in mare navesque passim compulerunt. Ita re male gesta Gneus Pompeius filius naves inde avertit neque postea litus attigit classemque ad insulas Baleares versus convertit.

24. Scipio interim cum iis copiis, quas paulo ante demonstravimus, Uticae grandi praesidio relicto profectus primum Adrumeti castra ponit, deinde ibi paucos dies commoratus noctu itinere facto cum Labieni et Petrei copiis se coniungit, atque unis castris factis iii milia passuum longe considunt. Equitatus interim eorum circum Caesaris munitiones vagari atque eos, qui pabulandi aut aquandi gratia

extra vallum progressi essent, excipere; ita omnes adversarios intra munitiones continere. Qua re Caesariani gravi annona sunt conflictati, ideo quod nondum neque ab Sicilia neque ab Sardinia commeatus supportatus erat, neque per anni tempus in mari classes sine periculo vagari poterant; neque amplius milia passuum VI terrae Africae quoquo versus tenebant pabulique inopia premebantur. Qua necessitate coacti veterani milites equitesque, qui multa terrarumque bella confecissent et periculis inopiaque tali saepe essent conflictati, alga e litore collecta et aqua dulci eluta et ita iumentis esurientibus data vitam eorum producebant.

25. Dum haec ita fierent, rex Iuba cognitis Caesaris difficultatibus copiarumque paucitate non est visum dari spatium convalescendi augendarumque eius opum. Itaque comparatis equitum magnis peditumque copiis subsidio suis egressus e regno ire contendit. P. Sittius interim et rex Bocchus coniunctis suis copiis cognito regis Iubae egressu propius eius regnum copias suas admovere, Cirtamque, oppidum opulentissimum eius regni, ~~rex~~ adortus paucis diebus pugnando capit et praeterea duo oppida Gaetulorum. Quibus cum condicionem ferret, ut oppido excederent idque sibi vacuum traderent condicionemque repudiassent, postea ab eo ~~et~~ interfectique sunt omnes. Inde progressus oppidaque vexare non destitit. Quibus rebus Iuba, cum iam non longe ab Scipione atque ducibus abesset, capit consilium, satius esse suoque regno subsidio ire, quam, dum alios

turus proficisceretur, ipse suo regno expulsus forsitan utraque re expelleretur. Itaque rursus se recipere, atque auxilia etiam ab Scipione abduxit sibi suisque rebus timens, elephantisque xxx relictis suis finibus oppidisque suppetias profectus est.

26. Caesar interim, cum de suo adventu dubitatio in provincia esset, neque quisquam crederet ipsum, sed aliquem legatum in Africam cum copiis venisse, conscriptis litteris circum provinciam omnes civitates facit de suo adventu certiores. Interim nobiles homines ex suis oppidis profugere et in castra Caesaris devenire et de adversariorum eius crudelitate acerbitateque commemorare coeperunt. Quorum lacrimis querelisque Caesar commotus cum antea constituisset e stativis castris aestate inita cunctis copiis auxiliisque accitis bellum cum suis adversariis *facere, iam nunc* gerere instituit litteris celeriter in Siciliam ad Alienum et Rabirium Postumum [conscriptis et] per catascopum missis, ut sine mora ac nulla excusatione hiemis ventorumque quam celerrime exercitus sibi transportaretur: Africam provinciam perire funditusque everti ab suis inimicis; quod nisi celeriter sociis foret subventum, praeter ipsam Africam terram nihil, ne tectum quidem, quo se reciperent, ab illorum scelere insidiisque reliquum futurum. Atque ipse in tanta erat festinatione et exspectatione, ut postero die, quam misisset litteras nuntiumque, classem exercitumque morari diceret, dies noctesque oculos mentemque ad mare dispositos directosque haberet. Nec mirum. Animadvertibat enim villas exuri, agros

vastari, pecus diripi, trucidari, oppida castellaque dirui delerique, principes civitatum aut interfici aut in catenis teneri, liberos eorum obsidum nomine in servitutem abripi; iis se in miseriis suamque fidem⁷ implorantibus auxilio propter copiarum paucitatem esse non posse. Milites interim in opere exercere⁸ atque castra munire, turres, castella facere molesque iacere in mare non intermittere.

27. Scipio interim elephantos hoc modo condocere facere instituit. Duas instruxit acies, unam funditorum contra elephantos, quae quasi adversariorum locum obtineret et contra eorum frontem adversam lapillos minutos mitteret; deinde in ordinem elephantos constituit; post illos autem suam aciem in-²struxit, ut, cum ab adversariis lapides mitti coepissent, et elephanti perterriti se ad suos convertertissent rursus ab sua acie lapidibus missis eos converterent adversus hostem; quod aegre tardeque fiebat. Rudes enim elephanti multorum annorum³ doctrina usuque vetusto vix edocti tamen communi periculo in aciem producuntur.

28. Dum haec ad Ruspinae ab utrisque du-
cibus administrantur, C. Vergilius praetorius, qui Thapsi, oppido maritimo, praeerat, cum animad-
verteret naves singulas cum exercitu Caesaris in-
certas locorum atque castrorum suorum vagari,
occasionem nactus navem quam ibi habuit actuariam
complet militibus et sagittariis et eisdem scaphas
de navibus adiungit ac singulas naves Caesarianas
consectari coepit. Et cum plures adortus esset,³
pulsus fugatusque inde discessisset nec tamen

desisteret periclitari, forte incidit in navem, in qua erant duo Titii, Hispani adulescentes, tribuni legionis v., quorum patrem Caesar in senatum legerat, et cum his Titus Salienus, centurio legionis eiusdem, qui M. Messalam legatum obsederat Messanae seditiosissima oratione apud eum usus, idemque pecuniam et ornamenta triumphii Caesaris retinenda et custodienda curarat et ob has causas sibi timebat.

³ Hic propter conscientiam peccatorum suorum persuasit adulescentibus, ne repugnarent seseque Vergilio traderent. Itaque deducti a Vergilio ad Scipionem custodibus sunt traditi et post diem tertium

⁴ interfecti. Qui cum ducerentur ad necem, petisse dicitur maior Titius a centurionibus, uti se priorem quam fratrem interficerent, idque ab eis facile impetrasse, atque ita esse interfectos.

29. Turmae interim equitum, quae pro vallo in stationibus esse solebant [ab utrisque ducibus], cotidie minutis proeliis inter se depugnare non inter-

² mittunt; nonnumquam etiam Germani Gallique Labieniani cum Caesaris equitibus fide data inter

³ se colloquebantur. Labienus interim cum parte equitatus Leptim oppidum, cui praeerat Saserna cum cohortibus vi, oppugnare ac vi irrumpere conabatur; quod ab defensoribus propter egregiam munitionem oppidi et multitudinem tormentorum

⁴ facile et sine periculo defendebatur. Quod ubi saepius eius equitatus facere non intermittebat, cum forte ante portam turma densa adstitisset, scorpione accuratius misso atque eorum decurione percusso et ad equum defixo reliqui perterriti fuga se

in castra recipiunt. Quo facto postea sunt deterriti oppidum temptare.

30. Scipio interim fere cotidie non longe a suis castris, passibus CCC, instruere aciem ac maiore parte diei consumpta rursus in castra se recipere. Quod cum saepius fieret, neque ex Caesaris castris quisquam prodiret neque propius eius copias accederet, despecta patientia Caesaris exercitusque eius [Iuba] universis copiis productis elephantisque turritis xxx ante aciem instructis quam latissime potuit porrecta equitum peditumque multitudine uno tempore progressus haud ita longe a Caesaris castris constitit in campo.

31. Quibus rebus cognitis Caesar iubet milites, qui extra munitiones processerant [quique] pabulandi aut lignandi *causa* aut etiam muniendi gratia vallum petierant quaeque ad eam rem opus erant, omnes intra munitiones minutatim modesteque sine tumultu aut terrore se recipere atque in opere consistere. Equitibus autem, qui in statione fuerant, praecipit, ut usque eo locum obtinerent, in quo paulo ante constitissent, donec ab hoste telum missum ad se perveniret; quod si propius accederetur, quam honestissime se intra munitiones reciperent. Alii quoque equitatui edicit, uti suo quisque loco paratus armatusque praesto esset. At haec non ipse per se coram, cum de vallo prospecularetur, sed mirabili peritus scientia bellandi in praetorio sedens per speculatores et nuntios imperabat, quae fieri volebat. Animadvertibat enim, quamquam magnis essent copiis adversarii freti, tamen saepe a se fu-

gatis, pulsus perterritisque et concessam vitam et ignota peccata; quibus rebus numquam tanta supereretur ex ipsorum inertia conscientiaque animi victoriae fiducia, ut castra sua adoriri auderent. Praeterea ipsius nomen auctoritasque magna ex parte eorum exercitus minuebat audaciam. Tum egregiae munitiones castrorum atque valli fossarumque altitudo et extra vallum stili caeci mirabilem in modum consiti vel sine defensoribus aditum adversariis prohibebant; scorpionum, catapultarum ceterorumque telorum, quae ad defendendum solent parari, magnam copiam habebat. Atque haec propter exercitus sui praesentis paucitatem et tirocinium praeparaverat, non hostium vi et metu commotus patientem se timidumque hostium opinioni praebebat. Neque idcirco copias, quamquam erant paucae tironumque, non educebat in aciem, quod victoriae suorum diffideret; sed referre arbitrabatur, cuiusmodi victoria esset futura: turpe enim sibi existimabat tot rebus gestis tantisque exercitibus devictis, tot tam claris victoriis partis ab reliquis copiis adversariorum suorum ex fuga collectis se cruentam adeptum existimari victoriam. Itaque constituerat gloriam exsultationemque eorum pati, donec sibi veteranarum legionum pars aliqua in secundo comatu occurrisset.

32. Scipio interim paulisper, ut antea dixi, in eo loco commoratus, ut quasi despexisse Caesarem videretur, paulatim reducit suas copias in castra et contione advocata de terrore suo desperationeque exercitus Caesaris facit verba et cohortatus suos

victoriam propriam se eis brevi daturum pollicetur. Caesar iubet milites rursus ad opus redire et per causam munitionum tirones in labore defatigare non intermittit. Interim Numidae Gaetulique diffugere cotidie ex castris Scipionis et partim in regnum se conferre, partim, quod ipsi maioresque eorum beneficio C. Mari usi fuissent Caesaremque eius affinem esse audiebant, in eius castra perfugere catervatim non intermittunt. Quorum ex numero electis hominibus illustrioribus [Gaetulos] et litteris ad suos cives datis cohortatus, uti manu facta se suosque defenderent, ne suis inimicis adversariisque dicto audientes essent, mittit.

33. Dum haec ad Ruspinam fiunt, legati ex Acilla, civitate libera et immuni, ad Caesarem veniunt seque paratos, quaecumque imperasset, et libenti animo facturos pollicentur: tantum orare et petere ab eo, ut sibi praesidium daret, quo tutius id et sine periculo facere possent; se et frumentum et quaecumque res eis suppeteret communis salutis gratia subministraturos. Quibus rebus facile a Caesare impetratis praesidioque dato C. Messium, aedilicia functum potestate, Acillam iubet proficisci. Quibus rebus cognitis Considius Longus, qui Adrumeti cum duabus legionibus et equitibus DCC praeerat, celeriter ibi parte praesidii relictâ cum VIII cohortibus ad Acillam ire contendit. Messius celerius itinere confecto prior Acillam cum cohortibus pervenit. Considius interim, cum ad urbem cum copiis accessisset et animadvertisset praesidium Caesaris ibi esse, non ausus periculum suorum facere nulla re

gesta pro multitudine hominum rursus se Adrumetum recepit; deinde paucis post diebus equestribus copiis ab Labieno adductis rursus Acillitanos castris positis obsidere coepit.

34. Per id tempus C. Sallustius Crispus, quem paucis ante diebus missum a Caesare cum classe demonstravimus, Cercinam pervenit. Cuius adventu C. Decimius quaestorius, qui ibi cum grandi familiae suae praesidio praeerat commeatui, parvulum navigium nactus conscendit ac se fugae commendat. Sallustius interim praetor a Cercinitanis receptus magno numero frumenti invento naves onerarias, quarum ibi satis magna copia fuit, complet atque in castra ad Caesarem mittit. Alienus interim proconsul Lilybaeo in naves onerarias imponit legiones XIII. et XIII. et equites Gallos DCCC, funditorum sagittariorumque mille ac secundum commeatum in Africam mittit ad Caesarem. Quae naves ventum secundum nactae quarto die in portum ad Ruspinam, ubi Caesar castra habuerat, incolumes pervenerunt. Ita Caesar duplici laetitia ac voluptate uno tempore auctus, frumento auxiliisque, tandem suis hilaratis annonaeque levata sollicitudinem deponit, legiones equitesque ex navibus egressos iubet ex languore nauseaque reficere, divisos in castella munitionesque disponit.

35. Quibus rebus Scipio quique cum eo essent [comites] mirari et requirere: C. Caesarem, qui ultro consuesset bellum inferre ac lacessere proelio, subito commutatum non sine magno consilio suspicabantur. Itaque ex eius patientia in magnum timorem

coniecti ex Gaetulis duos, quos arbitrabantur suis rebus amicissimos, magnis praemiis pollicitationibusque propositis pro perfugis speculandi gratia in Caesaris castra mittunt. Qui simul ad eum sunt deducti, petierunt, ut sibi liceret verba sine periculo proloqui. Potestate facta, 'saepenumero,' inquit, 'imperator, complures Gaetuli, qui sumus clientes C. Mari, et propemodum omnes cives Romani, qui sunt in legione IIII. et VI., ad te volumus in tuaque praesidia confugere; sed custodiis equitum Numidarum, quo id sine periculo minus faceremus, impediēbamur. Nunc data facultate pro speculatoribus missi a Scipione ad te cupidissime venimus, ut perspiceremus, num quae fossae aut insidiae elephantis ante castra portasque valli factae essent, simulque consilia vestra contra easdem bestias comparationemque pugnae cognosceremus atque iis renuntiaremus.' Qui collaudati a Caesare stipendioque donati ad reliquos perfugas deducuntur. Quorum orationem celeriter veritas comprobavit; namque postero die ex legionibus his, quas Gaetuli nominarunt, milites legionarii complures ab Scipione in castra Caesaris perfugerunt.

36. Dum haec ad Ruspīnam geruntur, M. Cato, qui Uticae praeerat, delectus cotidie libertinorum, Afrorum, servorum denique et cuiusquemodi generis hominum, qui modo per aetatem arma ferre poterant, habere atque [sub manum] Scipioni in castra submittere non intermittit. Legati interim ex oppido Thidra, in quo tritici modium milia ccc comportata fuerant a negotiatoribus Italicis aratoribusque,

ad Caesarem venere, quantaque copia frumenti apud se sit, docent, simulque orant, ut sibi praesidium mittat, quo facilius et frumentum et copiae suae conserventur. Quibus Caesar in praesentia gratias agit praesidiumque brevi tempore se missurum dixit cohortatusque ad suos cives iubet proficisci. P. Sittius interim cum copiis Numidia fines ingressus castellum in montis loco munito locatum, in quod Iuba belli gerendi gratia et frumentum et res ceteras, quae ad bellum usui solent esse, comportaverat, vi expugnando est potitus.

37. Caesar, postquam legionibus, veteranis duabus, equitatu levique armatura copias suas ex secundo commeatu auxerat, naves [VI] onerarias statim iubet Lilybaeum ad reliquum exercitum transportandum proficisci; ipse VI. Kal. Febr. circiter vigilia prima imperat, speculatores apparitoresque omnes ut sibi praesto essent. Itaque omnibus insciis neque suspicantibus vigilia tertia iubet omnes legiones ex castris educi atque se consequi ad oppidum Ruspinam versus, in quo ipse praesidium habuit, et quod primum ad amicitiam eius accessit. Inde parvulam proclivitatem degressus sinistra parte campi propter mare legiones ducit. Hic campus mirabili planicie patet milia passuum XII; quem iugum cingens a mari ortum neque ita praealtum velut theatri efficit speciem. In hoc iugo colles sunt excelsi pauci, in quibus singulae turres speculaeque singulae per veteres erant collocatae, quarum apud ultimam praesidium et statio fuit Scipionis.

38. Post Caesar ad iugum, de quo docui, ascendit atque in unumquemque collem *inspecturus* turres castellaque *iter* facere coepit idque adeo minus semihora efficit. Postquam non ita longe ab ultimo² colle turrique fuit, quae proxima fuit castris adversariorum, in qua docui esse praesidium stationemque Numidarum, Caesar paulisper commoratus perspectaque natura loci, equitatu in statione disposito, legionibus opus attribuit brachiumque medio iugo³ ab eo loco, ad quem pervenerat, usque ad eum, unde egressus erat, iubet dirigi ac muniri. Quod⁴ postquam Scipio Labienusque animadverterunt, equitatu omni ex castris educto acieque equestri instructa a suis munitionibus circiter passus mille progrediuntur pedestremque copiam in secunda acie minus cccc passus constituunt.

39. Caesar in opere milites adhortari neque adversariorum copiis moveri. Iam cum non amplius² passus MD inter hostium aciem suasque munitiones esse animadvertisset intellexissetque ad impediendos milites suos et ab opere depellendos hostem propius accedere necesseque haberet legiones a munitionibus deducere, imperat turmae Hispanorum, ad proximum collem propere occurrerent praesidiumque inde deturbarent locumque caperent, eodemque iubet levis armaturae paucos consequi subsidio. Qui missi³ celeriter Numidas adorti partim vivos capiunt, nonnullos equites fugientes convulneraverunt locumque sunt potiti. Postquam id Labienus animadvertit, quo⁴ celerius iis auxilium ferret, ex acie instructa equitatus sui prope totum dextrum cornu avertit atque

¹suis fugientibus suppetias ire contendit. Quod ubi Caesar conspexit, Labienum ab suis copiis longius iam abscessisse, equitatus sui alam sinistram ad intercludendos hostes immisit.

40. Erat in eo campo, ubi ea res gerebatur, villa permagna turribus IIII instructa; quae Labieni prospectum impediebat, ne posset animum advertere ab equitatu Caesaris se intercludi. Itaque non prius vidit turmas Iulianas, quam suos caedi a tergo sensit. Ex qua re subito in terrorem converso equitatu Numidarum, recta in castra fugere contendit. Galli Germanique, qui restiterant, ex superiore loco et post tergum circumventi fortiterque ⁴restantes conciduntur universi. Quod ubi legiones Scipionis, quae pro castris erant instructae, animum adverterunt, metu ac terrore obcaecatae omnibus ⁵portis in sua castra fugere coeperunt. Postquam Scipione eiusque copiis campo collibusque exturbatis atque in castra compulsis [cum] receptui Caesar cani iussisset equitatumque omnem intra suas munitiones recepisset, campo purgato animadvertit mirifica corpora Gallorum Germanorumque; qui partim eius auctoritatem erant ex Gallia secuti, partim pretio pollicitationibusque adducti ad eum se contulerant, nonnulli, qui ex Curionis proelio capti conservatique parem gratiam in fide pariter tuenda ⁶praestare voluerant. Horum corpora mirifica specie amplitudineque caesa toto campo ac prostrata diverse iacebant.

41. His rebus gestis Caesar postero die ex omnibus praesidiis cohortes deduxit atque omnes

suas copias in campo instruxit. Scipio suis male acceptis, occisis convulneratisque intra suas continere se munitiones coepit. Caesar instructa acie secundum² infimas iugi radices propius munitiones leniter accessit. Iamque minus mille passus ab oppido Uzitta, quod Scipio tenebat, aberant legiones Iulianae, cum Scipio veritus, ne oppidum amitteret, unde aquari reliquisque rebus sublevari eius exercitus consuerat, eductis omnibus copiis quadruplici acie instructa ex instituto suo, prima equestri turmatim directa elephantisque turritis interpositis [armatisque], suppetias ire contendit. Quod ubi Caesar animadvertit, arbi-³tratus Scipionem ad dimicandum paratum ad se certo animo venire, in eo loco, quo paulo ante commemoravi, ante oppidum constitit suamque aciem mediam eo oppido textit; dextrum sinistrumque cornu, ubi elephantis erant, in conspectu patenti adversariorum constituit.

42. Cum iam prope solis occasum Caesar expectavisset neque ex eo loco, quo constiterat, Scipionem progredi propius se animadvertisset locoque se magis defendere, si res coëgisset, quam in campo comminus consistere audere, non est visa ratio pro-²pius accedendi eo die ad oppidum, quoniam ibi praesidium grande Numidarum esse cognoverat hostesque mediam aciem suam oppido texisse et sibi³ difficile factu esse intellexit, simul et oppidum uno tempore oppugnare et in acie in cornu dextro ac sinistro ex iniquiore loco pugnare, praesertim cum milites a mane diei ieiuni sub armis stetissent defatigati. Itaque reductis suis copiis in castra postero⁴

die propius eorum aciem instituit exporrigere munitiones.

43. Interim Considius, qui Acillam . . . et VIII cohortibus stipendiariis Numidis Gaetulisque obsidebat, ubi C. Messius cohortibus praeerat, diu multumque expertus magnisque operibus saepe admotis et his ab oppidanis incensis cum proficeret nihil, subito nuntio de equestri proelio allato commotus, frumento, cuius in castris copiam habuerat, incenso, vino, oleo ceterisque rebus, quae ad victum parari solent, corruptis Acillam, quam obsidebat, deseruit atque itinere per regnum Iubae facto copias cum Scipione partitus Adrumetum se recepit.

44. Interea ex secundo commeatu, quem a Sicilia miserat Alienus, navis una, in qua fuerat Q. Cominius et L. Ticida, eques Romanus, ab residua classe cum erravisset delataque esset vento ad Thapson, a Vergilio scaphis naviculisque actuariis
2 excepta est et abducta. Item altera navis trieris ex eadem classe errabunda ac tempestate delata ad Aegimurum a classe Vari et M. Octavi est capta, in qua milites veterani cum uno centurione et nonnulli tirones fuerunt; quos Varus asservatos sine
3 contumelia deducendos curavit ad Scipionem. Qui postquam ad eum pervenerunt et ante suggestum eius constiterunt, 'non vestra', inquit, 'sponte vos certo scio, sed illius scelerati vestri imperatoris impulsu et imperio coactos cives et optimum quem-
4 que nefarie consecrari. Quos quoniam fortuna in nostram detulit potestatem, si, id quod facere debetis, rempublicam cum optimo quoque defendetis

certum est vobis vitam et pecuniam donare. Quapropter, quid sentiat, proloquimini.'

45. Hac habita oratione Scipio, cum existimasset pro suo beneficio sine dubio ab his gratias sibi actum iri, potestatem iis dicendi fecit. Ex eis² centurio legionis XIII. 'pro tuo,' inquit, 'summo beneficio, Scipio, tibi gratias ago (non enim imperatorem te appello), quod mihi vitam incolumitatemque belli iure capto polliceris, et forsitan isto uterer beneficio, si non ei summum scelus adiungeretur. Egone contra Caesarem, imperatorem meum,³ apud quem ordinem duxi, eiusque exercitum, pro cuius dignitate victoriaque amplius tricies armis depugnavi, adversus armatusque consistam? Neque ego istud facturum sum, et te magnopere, ut de negotio desistas, adhortor. Contra cuius enim co-⁴pias contendas, si minus antea expertus es, licet nunc cognoscas. Elige ex tuis cohortem unam, quam putas esse firmissimam, et constitue contra me; ego autem ex meis commilitonibus, quos nunc in tua potestate tenes, non amplius x sumam. Tum ex virtute nostra intelleges, quid ex tuis copiis sperare debeas.'

46. Postquam haec centurio praesenti animo adversus opinionem eius est locutus, ira percitus Scipio atque animi dolore incensus innuit centurionibus, quid fieri vellet, atque ante pedes centurionem interfecit reliquosque veteranos a tironibus iubet secerni. 'Abducite istos,' inquit, 'nefario scelere contaminatos et caede civium saginatos.' Sic extra vallum deducti sunt et cruciabiliter interfecti.

3 Tirones autem iubet inter legiones dispertiri et Cominium cum Ticida in conspectum suum prohibet
4 adduci. Qua ex re Caesar commotus eos, quos in stationibus cum longis navibus apud Thapsum custodiae causa in salo esse iusserat, ut suis onerariis longisque navibus praesidio essent, ob negligentiam ignominiae causa dimittendos ab exercitu gravissimumque in eos edictum proponendum curavit.

47. Per id tempus fere Caesaris exercitui res accidit incredibilis auditu. Namque vergiliarum signo confecto circiter vigilia secunda noctis nimbus cum
2 saxeae grandine subito est exortus ingens. Ad hoc autem incommodum accesserat, quod Caesar non more superiorum temporum in hibernis exercitum continebat, sed in tertio quartoque die procedendo propiusque hostem accedendo castra communiebat, opereque faciendo milites se circumspiciendi non
3 habebant facultatem. Praeterea ita ex Sicilia exercitum transportabat, ut praeter ipsum militem et arma nec vas nec mancipium neque ullam rem, quae usui militi esse consuevit, in naves imponi
4 pateretur. In Africa autem non modo sibi quicquam non acquisierant aut paraverant, sed etiam propter
5 annonae caritatem ante parta consumpserant. Quibus rebus attenuati oppido perquam pauci sub pellibus acquiescebant; reliqui ex vestimentis tentoriolis factis atque arundinibus scopisque contextis permanebant.
6 Itaque subito imbre grandineque consecuta gravatis pondere tentoriis aquaeque vi subrutis disiectisque, nocte intempesta ignibus exstinctis, rebus, quae ad victum pertinent, omnibus corruptis per castra

passim vagabantur scutisque capita contegebant. Eadem nocte v. legionis pilorum cacumina sua sponte arserunt.

48. Rex interim Iuba de equestri proelio Scipionis certior factus evocatusque ab eodem litteris praefecto Saburra cum parte exercitus contra Sittium relicto, ut secum ipse aliquid auctoritatis adderet exercitui Scipionis ac terrorem Caesaris, cum tribus legionibus equitibusque frenatis DCCC, Numidis sine frenis peditibusque levis armaturae grandi numero elephantisque xxx egressus e regno ad Scipionem est profectus. Postquam ad eum pervenit, castris² regis seorsum positis cum eis copiis, quas commemoravi, haud ita longe ab Scipione consedit. (Erat³ in castris Caesaris superiore tempore magnus terror, et exspectatione copiarum regiarum exercitus eius magis suspensiore animo ante adventum Iubae commovebatur; postquam vero castra castris contulit,⁴ despectis eius copiis omnem timorem deponit. Ita quam antea absens habuerat auctoritatem, eam omnem praesens dimiserat.) Quo facto cuivis facile⁵ fuit intellectu Scipioni additum animum fiduciamque regis adventu. Nam postero die universas suas⁶ regisque copias elephantis LX productis in aciem quam speciosissime potuit instruxit ac paulo longius progressus ab suis munitionibus haud ita diu commoratus se recipit in castra.

49. Caesar, postquam animadvertit Scipioni auxilia fere, quae exspectasset, omnia convenisse neque moram pugnandi ullam fore, per iugum summum cum copiis progredi coepit et brachia

protinus ducere et castella munire propiusque Scipionem capiendo loca excelsa occupare contendit, ²ne adversarii magnitudine copiarum confisi proximum collem occuparent atque ita longius sibi progrediendi eriperent facultatem. Eiusdem collis occupandi [gratia] Labienus consilium ceperat et, quo propiore loco fuerat, eo celerius occurrerat.

50. Erat convallis satis magna latitudine, altitudine praerupta crebris locis speluncae in modum subrutis, quae erat transgredienda Caesari, antequam ad eum collem, quem capere volebat, perveniretur, ultraque eam convallē olivetum vetus crebris ²arboribus condensum. Hic cum Labienus animadvertisset, Caesarem, si vellet eum locum occupare, prius necesse esse convallē olivetumque transgredi, eorum locorum peritus in insidiis cum parte equitatus levique armatura consedit et praeterea post montem equites in occulto collocaverat, ut, cum ipse ex improvise legionarios adortus esset, ex colle se equitatus ostenderet, et re duplici perturbatus Caesar eiusque exercitus neque retro regrediundi neque ultra procedendi oblata facultate circumventus ⁴cideretur. Caesar postquam equitatu ante praemisso inscius insidiarum [cum] ad eum locum venisset, abditi sive obliti praeceptorum Labieni sive veriti, ne in fossa ab equitibus opprimerentur, rari ac ⁵singuli de rupe prodire et summa petere collis. Quos Caesaris equites consecuti partim interfecerunt, partim ⁶vivorum sunt potiti; deinde protinus collem petere contenderunt atque eum decusso Labieni

praesidio celeriter occupaverunt. Labienus cum parte equitum vix fuga sibi peperit salutem.

51. Hac re per equites gesta Caesar legionibus opera distribuit atque in eo colle, quo erat potitus, castra munivit. Deinde ab suis maximis castris per² medium campum e regione oppidi Uzittae, quod inter sua castra et Scipionis in planicie positum erat tenebaturque a Scipione, duo brachia instituit duci et ita dirigere, ut ad angulum dextrum sinistrumque eius oppidi convenirent. Id hac ratione opus instruc³ bat, ut, cum propius oppidum copias admovisset oppugnareque coepisset, tecta latera suis munitio- nibus haberet, ne ab equitatus multitudine circum- ventus ab oppugnatione deterreretur, praeterea, quo facilius colloquia fieri possent, et si qui perfugere vellent, id quod antea saepe accidebat magno cum eorum periculo, tum facile et sine periculo fieret. Voluit etiam experiri, cum propius hostem acces-⁴ sisset, haberetne in animo dimicare. Accedebat etiam⁵ ad reliquas causas, quod is locus depressus erat, puteique ibi nonnulli fieri [complures] poterant: aqua tione enim longa et angusta utebatur. Dum haec⁶ opera, quae ante dixi, fiebant a legionibus, interim pars acie ante opus instructa sub hoste stabat; equites barbari levisque armaturae proeliis minutis comminus dimicabant.

52. Caesar ab eo opere cum iam sub vesperum copias in castra reduceret, magno incursu cum omni equitatu levique armatura Iuba, Scipio, Labienus in legionarios impetum fecerunt. Equites Caesariani vi⁷ universae subitaeque hostium multitudinis pulsati pa-

rumper cesserunt. Quae res aliter adversariis cecidit.
3 Namque Caesar ex medio itinere copiis reductis
equitibus suis auxilium tulit; equites autem adventu
legionum animo addito conversis equis in Numidas
cupide insequentes dispersosque impetum fecerunt
4 atque eos convulneratos usque in castra regia reppu-
lerunt multosque ex iis interfecerunt. Quod nisi in
noctem proelium esset coniectum, pulvisque vento
flatus omnium prospectui offecisset, Iuba cum La-
bieno capti in potestatem Caesaris venissent, equita-
tusque cum levi armatura funditus ad internecionem
5 deletus esset. Interim incredibiliter ex legionibus
III. et VI. Scipionis milites diffugere partim in castra
Caesaris, partim in quas quisque poterat regiones
II^a 6 pervenire; itemque equites Curioniani diffusi Scipioni
eiusque copiis complures se eodem conferebant.

53. Dum haec circum Uzittam ab utrisque duci-
bus administrantur, legiones duae, X. et VIII., ex
Sicilia navibus onerariis profectae, cum iam non
longe a portu Ruspinae abessent, conspicatae Cae-
sarianas naves, quae in statione apud Thapsum sta-
bant, veriti, ne in adversariorum ut insidiandi gratia
ibi commorantium classem inciderent, imprudentes
vela in altum dederunt ac diu multumque iactati
tandem multis post diebus siti inopiaque confecti ad
Caesarem perveniunt.

54. Quibus legionibus expositis memor in Italia
pristinae licentiae militaris ac rapinarum certorum
hominum parvulam modo causulam nactus Caesar,
quod C. Avienus, tribunus militum X. legionis, navem
commeatus familia sua atque iumentis occupavisset

neque militem unum ab Sicilia sustulisset, postero² die de suggestu convocatis omnium legionum tribunis centurionibusque, 'maxime vellem', inquit, 'homines suae petulantiae nimiaeque libertatis aliquando finem fecissent meaeque lenitatis, modestiae patientiaeque rationem habuissent. Sed quoniam illis *abusi* sibi³ neque modum neque terminum constituunt, quo ceteri dissimiliter se gerant, egomet ipse documentum more militari constituam. C. Aviene, quod in Italia⁴ milites populi Romani contra rempublicam instigasti rapinasque per municipia fecisti quodque mihi rei publicae inutilis fuisti et pro militibus tuam familiam iumenta⁵que in naves imposuisti, tuaque opera militibus tempore necessario respublica caret, ob eas res ignominiae causa ab exercitu meo te removeo hodieque ex Africa abesse et quantum pote proficisci iubeo. Itemque te, Aule Fonteii, quod tribunus militum seditiosus malusque civis fuisti, te ab exercitu dimitto. Tite Saliene, M. Tiro, C. Clusinas, cum⁵ ordines in meo exercitu beneficio non virtute consecuti ita vos gesseritis, ut neque bello fortes neque pace boni aut utiles fueritis et magis in seditione concitandisque militibus adversum vestrum imperatorem quam pudoris modestiaeque fueritis studiosiores, indignos vos esse arbitror, qui in meo exercitu ordines ducatis missosque facio et quantum pote abesse ex Africa iubeo'. Itaque tradit eos centurionibus et singulos non amplius singulis additis servis in navem imponendos separatim curavit.

55. Gaetuli interim perfugae, quos cum litteris mandatisque a Caesare missos supra docuimus, ad

suos cives perveniunt. Quorum auctoritate facile adducti Caesarisque nomine persuasi a rege Iuba desciscunt celeriterque cuncti arma capiunt contraque regem facere non dubitant. Quibus rebus cognitis Iuba distentus triplici bello necessitateque coactus de suis copiis, quas contra Caesarem adduxerat, sex cohortes in fines regni sui mittit, quae essent praesidio contra Gaetulos.

56. Caesar brachiis perfectis promotisque usque eo, quo telum ex oppido adigi non posset, castra² munit, ballistis scorpionibusque crebris ante frontem castrorum contra oppidum collocatis defensores muri deterrire non intermittit eoque quinque legiones ex³ superioribus castris deducit. Qua facultate oblata illustriores notissimique conspectum amicorum propinquorumque efflagitabant atque inter se colloquebantur. Quae res quid utilitatis haberet, Caesarem⁴ non fallebat. Namque Gaetuli ex equitatu regio nobiliores equitumque praefecti, quorum patres cum Mario ante meruerant eiusque beneficio agris finibusque donati post Sullae victoriam sub Hiempsalis regis erant dati potestatem, occasione capta nocte iam luminibus accensis cum equis calonibusque suis circiter mille perfugiunt in Caesaris castra, quae erant in campo proxime [locum] Uzittae locata.

57. Quod postquam Scipio quique cum eo erant cognoverunt, cum commoti ex tali incommodo essent,² fere per id tempus M. Aquinum cum C. Saserna colloquentem viderunt. Scipio mittit ad Aquinum: nihil attinere eum cum adversariis colloqui. Cum [nihilominus] eius sermonem nuntius ad Scipionem

referret: se restare, ut reliqua, quae vellet, perageret, viator praeterea ab Iuba ad eum est missus, qui diceret audiente Saserna, 'vetat te rex colloqui'. Quo nuntio perterritus discessit et dicto audiens fuit³ regi. Usu venisse hoc civi Romano et ei, qui ab populo Romano honores accepisset, incolumi patria fortunisque omnibus Iubae barbaro potius obedientem fuisse, quam aut Scipionis obtemperasse nuntio aut caesis eiusdem partis civibus incolumem reverti malle! Atque etiam superbius Iubae factum non in⁴ M. Aquinum, hominem novum parvumque senatorem sed in Scipionem, hominem illa familia, dignitate, honoribus praestantem. Namque cum Scipio sagulo⁵ purpureo ante regis adventum uti solitus esset, dicitur Iuba cum eo egisse non oportere illum eodem uti vestitu, atque ipse uteretur. Itaque factum est, ut⁶ Scipio ad album sese vestitum transferret et Iubae homini superbissimo inertissimoque, obtemperaret.

58. Postero die universas omnium copias de castris omnibus educunt et supercilium quoddam excelsum nacti non longe a Caesaris castris aciem constituunt atque ibi consistunt. Caesar item pro-² ducit copias celeriterque iis instructis ante suas munitiones, quae erant in campo, constituit, sine dubio existimans ultro adversarios, cum tam magnis copiis auxiliisque regis essent praediti promptiusque prosiluissent ante, secum concursuros propiusque se accessuros. Equo circumvectus legionesque cohortatus signo³ dato accessum hostium aucupabatur. Ipse enim a suis munitionibus longius non sine ratione *non* procedebat, quod in oppido Uzittae, quod Scipio tenebat, hostium

⁴erant cohortes armatae; eidem autem oppido ad dextrum latus eius cornu erat oppositum, verebaturque, ne, si praetergressus esset, ex oppido eruptione facta ab latere eum adorti conciderent. Praeterea haec quoque eum causa tardavit, quod erat locus quidam perimpeditus ante aciem Scipionis, quem suis impedimento ad ultra occurrendum fore existimabat.

59. Non arbitror esse praetermittendum, quemadmodum exercitus utriusque fuerint in aciem instructi. ²Scipio hoc modo aciem direxit. Collocabat in fronte suas et Iubae legiones, post eas autem Numidas in subsidiaria acie ita extenuatos et in longitudinem directos, ut procul simplex esse acies media ab legionariis militibus videretur [in cornibus autem ³duplex esse existimabatur]. Elefantos dextro sinistroque cornu collocaverat aequalibus inter eos intervallis interiectis, post autem elefantos armaturas ⁴leves Numidasque auxiliares substituerat. Equitatum frenatum universum in suo dextro cornu disposuerat: sinistrum enim cornu oppido Uzitta claudebatur, ⁵neque erat spatium equitatus explicandi. Praeterea Numidas levisque armaturae infinitam multitudinem ad dextram partem suae aciei opposuerat fere interiecto non minus mille passuum spatio et ad collis radices magis appulerat longiusque ab adversariorum suisque copiis promovebat, id hoc consilio, ut, cum acies duae inter se concucurrissent, initio certaminis paulo longius eius equitatus circumvectus ex improvise clauderet multitudine sua exercitum Caesaris atque perturbatum iaculis configeret. Haec fuit ratio Scipionis eo die proeliandi.

60. Caesaris autem acies hoc modo fuit collocata, ut ab sinistro eius cornu ordiar [et ad dextrum perveniam]: habuit legionem x., viii. in sinistro cornu, xxv., xxviii., xiii., xiiii., xxviii., xxvi. in media acie. In suo autem dextro cornu e secunda² acie veteranarum legionum partem cohortium collocaverat, praeterea ex tironum paucas adiecerat. Tertiam autem aciem in sinistrum suum cornu contulerat et usque ad aciei suae mediam legionem porrexerat et ita collocaverat, uti sinistrum suum cornu triplex esset. Id eo consilio fecerat, quod suum dextrum⁴ latius munitionibus adiuwabatur, sinistrum autem, equitatus hostium multitudini uti resisti posset, laborabat; eodemque suum omnem equitatum contulerat et, quod ei parum confidebat, praesidio his equitibus legionem v. praemiseraat levemque armaturam inter equites interposuerat. Sagittarios varie passimque⁵ locis certis maximeque in cornibus collocaverat.

61. Sic utrorumque exercitus instructi non plus passuum ccc interiecto spatio, quod forsitan ante id tempus acciderit numquam quin dimicaretur, a mane usque ad horam x. die perstiterunt. Iamque Caesar² dum exercitum intra munitiones suas reducere coepisset, subito universus equitatus ulterior Numidarum Gaetulorumque sine frenis ab dextra parte se movere propiusque Caesaris castra, quae erant in colle, se conferre coepit, frenatus autem Labieni eques in loco permanere legionesque detinere: cum³ subito pars equitatus Caesaris cum levi armatura contra Gaetulos iniussu ac temere longius progressi paludemque transgressi multitudinem hostium pauci

⁴sustinere non potuerunt leviq̃ue armatura deserta pulsi convulneratq̃ue uno equite amisso, multis equis sauciis, levis armaturae xxvii occisis ad suos refugerunt. Quo secundo equestri proelio facto Scipio laetus in castra nocte copias reduxit. Quod proprium gaudium bellantibus fortuna tribuere non decrevit. ⁶Namque postero die Caesar cum partem equitatus sui Leptim misisset, in itinere praedatores equites Numidas Gaetulosque ex improvise adorti circiter c partim occiderunt, partim vivorum potiti sunt. Caesar interim cotidie legiones in campum deducere atq̃ue opus facere vallumq̃ue et fossam per medium campum ducere adversariorumq̃ue excursionibus iter ⁸officere non intermittit. Scipio item munitiones contra facere et, ne iugo a Caesare excluderetur, appropere. Ita duces utrique et in operibus occupati esse, et nihilo minus equestribus proeliis inter se cotidie dimicabant.

62. Interim Varus classem, quam antea Uticae hiemis gratia subduxerat, cognito legionis xiii. et xiiii. ex Sicilia adventu celeriter deducit ibique Gaetulis remigibus epibatisq̃ue complet insidiandiq̃ue gratia progressus Adrumetum cum lv navibus pervenit. Cuius adventus inscius Caesar Lucium Cispium cum classe xxvii navium ad Thapsum versus in stationem praesidii gratia commeatus sui mittit, itemq̃ue Quintum Aquilam cum xiii navibus longis ⁸Adrumetum eadem de causa praemittit. Cispium quo erat missus celeriter pervenit; Aquila tempestate iactatus promontorium superare non potuit atq̃ue angulum quendam tutum a tempestate nactus cum

classe se longius a prospectu removit. Reliqua clas-⁴
sis in salo ad Leptim egressis remigibus passimque
in litore vagantibus, partim in oppidum victus sui
mercandi gratia progressis vacua a defensoribus
stabat. Quibus rebus Varus ex perfuga cognitis oc-⁵
casionem nactus vigilia secunda Adrumeto ex cothone
egressus cum primo mane Leptim universa classe
vectus naves onerarias, quae longius a portu in salo
stabant, incendit et penteres duas vacuas a defen-
soribus nullo repugnante cepit.

63. Caesar interim celeriter per nuntios in
castris, cum opera circumiret, certior factus, quae
aberant a portu milia passuum VI, equo admisso
omissis omnibus rebus celeriter pervenit Leptim
ibique hortatur, omnes ut se naves consequerentur;
[postea] ipse parvulum navigiolum conscendit, in²
cursu Aquilam multitudine navium perterritum atque
trepidantem nactus hostium classem sequi coepit.
Interim Varus celeritate Caesaris audaciaque com-³
motus cum universa classe conversis navibus Adru-
metum versus fugere contendit. Quem Caesar in⁴
milibus passuum IIII consecutus recuperata quin-
queremi [cum suis omnibus epibatis] atque etiam
hostium custodibus CXXX in ea nave captis triremem
hostium proximam, quae in repugnando erat com-
morata, onustam remigum epibatarumque cepit.
Reliquae naves hostium promontorium superarunt⁵
atque Adrumetum in cothonem se universae con-
tulerunt. Caesar eodem vento promontorium supe-⁶
rare non potuit atque in salo in ancoris ea nocte
commoratus prima luce Adrumetum accedit ibique

navibus onerariis, quae erant extra cothonem, incensis omnibusque reliquis ab iis aut subductis aut in cothonem compulsis, paulisper commoratus, si forte vellent classe dimicare, rursus se recepit in castra.

64. In ea nave captus est P. Vestrius, eques Romanus, et P. Ligarius Afranianus, quem Caesar in Hispania cum reliquis dimiserat, et postea se ad Pompeium contulerat, inde ex proelio effugerat in Africamque ad Varum venerat; quem ob periurii² perfidiam Caesar iussit necari. P. Vestrio autem, quod eius frater Romae pecuniam imperatam numeraverat, et quod ipse suam causam probaverat Caesari, se a Nasidi classe captum, cum ad necem duceretur, beneficio Vari esse servatum, postea sibi facultatem nullam datam transeundi, ignovit.

65. Est in Africa consuetudo incolarum, ut in agris et in omnibus fere villis sub terra specus frumenti condendi gratia clam habeant atque id propter bella maxime hostiumque subitum adventum praeparent. Qua de re Caesar per indicem certior factus tertia vigilia legiones duas cum equitatu mittit ab castris suis milia passuum x atque inde magno numero frumenti onustos recipit in castra. Quibus rebus cognitis Labienus progressus a suis castris milia passuum vii per iugum et collem, per quem³ Caesar pridie iter fecerat, ibi castra duarum legionum facit atque ipse cotidie existimans Caesarem eadem saepe frumentandi gratia commeaturum, cum magno equitatu levique armatura insidiaturus locis idoneis considit.

66. Caesar interim de insidiis Labieni ex perfugis certior factus paucos dies [ibi com]moratus, dum hostes cotidiano instituto saepe idem faciendo in negligentiam adducerentur, subito mane imperat porta decumana legiones se [v]III veteranas cum parte equitatus sequi, atque equitibus praemissis² neque opinantes insidiatores subito in convallibus latentes *ex* levi armatura concidit circiter D, reliquos in fugam turpissimam coniecit. Interim Labienus³ cum universo equitatu fugientibus suis suppetias occurrit. Cuius vim multitudinis cum equites pauci⁴ Caesariani iam sustinere non possent, Caesar instructas legiones hostium copiis ostendit. Quo facto perterrito Labieno ac retardato suos equites recepit incolumes. Postero die Iuba Numidas eos, qui loco⁵ amisso fuga se receperant in castra, in cruce omnes suffixit.

67. Caesar interim, quoniam inopia frumenti premebatur, copias omnes in castra conducit atque praesidio Lepti, Ruspinae, Acillae relicto, Cispio Aquilaeque classe tradita, ut alter Adrumetum, alter Thapsum mari obsiderent, ipse castris incensis quarta noctis vigilia acie instructa impedimentis in sinistra parte collocatis ex eo loco proficiscitur et pervenit ad oppidum Aggar; quod a Gaetulis saepe antea oppugnatum summaque vi per ipsos oppidanos erat defensum. Ibi in campo castris unis² positis ipse frumentatum circum villas cum parte exercitus profectus magno invento hordei, olei, vini, fici numero, paucis tritici, atque recreato exercitu redit in castra. Scipio interim cognito Caesaris dis-³

cessu cum universis copiis per iugum Caesarem subsequi coepit atque ab eius castris milia passuum VI longe trinis castris dispertitis copiis consedit.

68. Oppidum erat Zeta, quod aberat a Scipione milia passuum X, ad eius regionem et partem castrorum collocatum, a Caesare autem diversum ac remotum, quod erat ab eo longe milia passuum XIII. Huc Scipio legiones duas frumentandi gratia misit.
² Quod postquam Caesar ex perfuga cognovit, castris ex campo in collem ac tutiora loca collatis atque ibi praesidio relicto ipse quarta vigilia egressus praeter hostium castra proficiscitur cum copiis et
³ oppidum potitur. Legiones Scipionis comperit longius in agris frumentari et, cum eo contendere conaretur, animadvertit copias hostium his legionibus occurrere suppetias. Quae res eius impetum retardavit.
⁴ Itaque capto C. Minucio Regino, equite Romano, Scipionis familiarissimo, qui ei oppido praeerat, et P. Atrio, equite Romano de conventu Uticensi, et camelis XXII regis abductis, praesidio ibi cum Oppio legato relicto ipse se recipere coepit ad castra.

69. Cum iam non longe a castris Scipionis abesset, quae eum necesse erat praetergredi, Labienus Afraniusque cum omni equitatu levique armatura ex insidiis adorti agmini eius extremo se offerunt
² atque ex collibus primis exsistunt. Quod postquam Caesar animadvertit, equitibus suis hostium vi oppositis sarcinas legionarios in acervum iubet compor-
³ tare atque celeriter signa hostibus inferre. Quod postquam coeptum est fieri, primo impetu legionum *equitatus* et levis armatura hostium nullo negotio

loco pulsa et deiecta est de colle. Cum iam Caesar existimasset hostes pulsos deterritosque finem laces-
sendi facturos et iter inceptum pergere coepisset, iterum celeriter ex proximis collibus erumpunt atque eadem ratione, qua ante dixi, in Caesaris legionarios impetum faciunt Numidae levisque armaturae mirabili velocitate praediti, qui inter equites pugnabant et una pariterque cum equitibus accurrere et refugere consueverant. Cum hoc saepius facerent et proficiscentes Iulianos insequerentur, refugerent instantes, propius non accederent et singulari genere pugnae uterentur equosque iaculis convulnerare satis esse existimarent, Caesar intellexit nihil aliud eos conari, nisi ut se cogerent castra eo loco ponere, ubi omnino aquae nihil esset, ut exercitus eius ieiunus, qui a quarta vigilia usque ad horam x. diei nihil gustasset, ac iumenta siti perirent.

70. Cum iam ad solis occasum esset, et non totos c passus in horam esset progressus, equitatu suo propter equorum interitum extremo agmine remoto, legiones in vicem ad extremum agmen evocabat. Ita vim hostium placide leniterque procedens per legionarium militem commodius sustinebat. Interim equitum Numidarum copiae dextra sinistraque per colles praecurrere coronaeque in modum cingere multitudine sua Caesaris copias, pars agmen extremum insequi. Caesaris autem non amplius III aut IIII milites veterani si se convertissent et pila viribus contorta in Numidas infestos coniecissent, amplius duum milium numero ad unum terga vertebant, ac rursus ad aciem passim con-

versis equis se colligebant atque in spatio consequēbantur et iacula in legionarios coniciebant. Ita Caesar modo procedendo modo resistendo tardius itinere confecto noctis hora prima omnes suos ad unum in castra incolumes sauciis x factis reduxit. Labienus circiter CCC amissis, multis vulneratis ac defessis instando omnibus ad suos se recepit. Scipio interim legiones productas cum elephantis, quos ante castra in acie terroris gratia in conspectu Caesaris collocaverat, reducit in castra.

71. Caesar contra eiusmodi hostium genera copias suas non ut imperator exercitum veteranum victoremque maximis rebus gestis, sed ut lanista tirones gladiatores condocere; quo pede se reciperent ab hoste et quemadmodum obversi adversariis et in quantulo spatio resisterent, modo procurrerent modo recederent comminarenturque impetum, ac prope quo loco et quemadmodum tela mitterent, praecipere. Mirifice enim hostium levis armatura anxium exercitum nostrum atque sollicitum habebat, quia et equites deterrebat proelium inire propter equorum interitum, quod eos iaculis interficiebat, et legionarium militem defatigabat propter velocitatem: gravis enim armaturae miles simulatque ab iis insectatus constiterat in eosque impetum fecerat, illi veloci cursu periculum facile vitabant.

72. Quibus ex rebus Caesar vehementer commovebatur, quia quodcumque proelium quotiens erat commissum, equitatu suo sine legionario milite hostium equitatu levique armaturae eorum nullo

modo par esse poterat. Sollicitabatur autem his rebus, quod nondum legiones hostium cognoverat et quonam modo sustinere se posset ab eorum equitatu levique armatura, quae erat mirifica, si legiones quoque accessissent. Accedebat etiam haec causa,² quod elephantorum magnitudo multitudoque animos militum detinebat in terrore. Cui uni rei tamen⁴ invenerat remedium. Namque elephantos ex Italia transportari iusserat, quo et miles noster speciemque et virtutem bestiae cognosceret, et cui parti corporis eius telum facile adigi posset, ornatusque ac loricatus cum esset elephantus, quae pars corporis eius sine tegmine nuda relinqueretur, ut eo tela⁵ conicerentur, praeterea, ut iumenta bestiarum odorem stridoremque et speciem consuetudine capta non reformidarent. Quibus ex rebus largiter erat⁶ consecutus. Nam et milites bestias manibus pertractabant earumque tarditatem cognoscebant, equitesque in eos pila praepilata coniciebant, atque in consuetudinem equos patientia bestiarum adduxerat.

73. Ob has causas, quas supra commemoravi, sollicitabatur Caesar tardiorque et consideratior erat factus et ex pristina bellandi consuetudine celeritateque excesserat. Nec mirum. Copias enim² habebat in Gallia bellare consuetas locis campestribus et contra Gallos, homines apertos minimeque insidiosos, qui per virtutem, non per dolum dimicare consuerunt; tum autem erat ei laborandum, ut consuefaceret milites hostium dolos, insidias,³ artificia cognoscere et quid sequi, quid vitare

⁴ conveniret. Itaque, quo haec celerius conciperent, dabat operam, ut legiones non in uno loco contineret, sed per causam frumentandi huc atque illuc raptaret, ideo quod hostium copias ab se suoque ⁵ vestigio non discessuras existimabat. Atque post diem tertium productas accuratius suas copias sicut instruxerat, propter hostium castra praetergressus aequo loco invitat ad dimicandum. Postquam abhorre-
rere eos videt, reducit sub vesperum legiones in castra.

74. Legati interim ex oppido Vaga, quod finitimum fuit Zetae, cuius Caesarem potitum esse de-
² monstravimus, veniunt; petunt et obsecrant, ut sibi praesidium mittat: se res complures, quae utiles ³ bello sint, [ad]ministraturos. Per idem tempus deorum voluntate studioque erga Caesarem transfuga suos cives facit certiores Iubam regem celeriter cum copiis suis, antequam Caesaris praesidium eo perveniret, ad oppidum accucurrisse atque advenientem multitudine circumdata eo potitum omnibusque eius oppidi incolis ad unum interfectis dedisse oppidum diripiendum delendumque militibus.

75. Caesar interim lustrato exercitu a. d. xii. Kal. April. postero die productis universis copiis progressus ab suis castris milia passuum V a Scipionis circiter duum milium interiecto spatio in acie ² constitit. Postquam satis diuque adversarios ab se ad dimicandum invitatos supersedere pugnae anim-
³ advertit, reducit copias posteroque die castra movet atque iter ad oppidum Sarsuram, ubi Scipio Numidarum habuerat praesidium frumentumque compor-

taverat, ire contendit. Quod ubi Labienus anim-⁴ advertit, cum equitatu levique armatura agmen eius extremum carpere coepit atque ita lixarum mercatorumque, qui plostris merces portabant, interceptis sarcinis addito animo propius audaciusque accedit ad legiones, quod existimabat milites sub onere ac sub sarcinis defatigatos pugnare non posse. Quae⁵ res Caesarem non fefellerat: namque expeditos ex singulis legionibus tricenos milites esse iusserat. Itaque eos in equitatum Labieni immissos turmis suorum suppetias mittit. Tum Labienus conversis⁶ equis signorum conspectu perterritus turpissime fugere contendit. Multis eius occisis, compluribus vul-⁷ neratis milites legionarii ad sua se recipiunt signa atque iter inceptum ire coeperunt. Labienus per iugum summum collis dextrorsus procul subsequi non destitit.

76. Postquam Caesar ad oppidum Sarsuram venit, inspectantibus adversariis interfecto praesidio Scipionis, cum suis auxilium ferre non auderent, fortiter repugnante P. Cornelio, evocato Scipionis, qui ibi praecerat, atque a multitudine circumvento interfectoque oppido potitur atque ibi frumento exercitui dato postero die ad oppidum Thisdram pervenit; in quo Considius per id tempus fuerat² cum grandi praesidio cohorteque sua gladiatorum. Caesar oppidi natura perspecta aquae inopia ab³ oppugnatione eius deterritus protinus profectus circiter milia passuum IIII ad aquam facit castra atque inde die quarto egressus redit rursus ad ea

castra, quae ad Aggar habuerat. Idem facit Scipio atque in antiqua castra copias reducit.

77. Thabenenses interim, qui sub dicione et potestate Iubae esse consuessent, in extrema eius regni regione maritima locati interfecto regio praesidio legatos ad Caesarem mittunt, rem a se gestam docent, petunt orantque, ut suis fortunis populus Romanus, cum bene meriti essent, auxilium ferret.

2 Caesar eorum consilio probato Marcium Crispum tribunum cum cohortibus tribus et sagittariis tormentisque compluribus praesidio Thabenam mittit.

3 Eodem tempore ex legionibus omnibus milites, qui aut morbo impediti aut commeatu dato cum signis non potuerant ante transire in Africam, ad milia IIII, equites CCCC, funditores sagittarii que mille uno 4 commeatu Caesari occurrerunt. Itaque cum his copiis omnibus legionibus eductis, sicut erat instructus, v milibus passuum ab suis castris, ab Scipionis vero II milibus passuum longe constitit in campo.

78. Erat oppidum infra castra Scipionis nomine Tegea, ubi praesidium equestre circiter II milium 2 numero habere consuerat. Eo equitatu dextra sinistra directo ab oppidi lateribus ipse legiones ex castris eductas atque in iugo inferiore instructas non longius fere mille passus ab suis munitionibus progressus in acie constituit. Postquam diutius in uno loco 3 Scipio commorabatur, et tempus diei in otio consumebatur, Caesar equitum turmas suorum iubet in hostium equitatum, qui ad oppidum in statione erant, facere impressionem levemque armaturam, sagittarios 4 funditoresque eodem submittit. Quod ubi coeptum

est fieri, et equis concitatis Iuliani impetum fecissent, Pacidius suos equites exporrigere coepit in longitudinem, ut haberent facultatem turmas Iulianas circumfundi et nihilo minus fortissime acerrimeque pugnare. Quod ubi Caesar animadvertit, CCC, quos⁵ ex legionibus habere expeditos consuevit, ex proxima legione, quae ei proelio in acie constiterat, iubet equitatui succurrere. Labienus interim suis⁶ equitibus auxilia equestria submittere sauciisque ac defatigatis integros recentioribusque viribus equites subministrare. Postquam equites Iuliani CCCC vim⁷ hostium ad IIII milia numero sustinere non poterant et a levi armatura Numidarum vulnerabantur minutatimque cedebant. Caesar alteram alam mittit, qui satagentibus celeriter succurrerent. Quo facto [sui]⁸ sublatis universi in hostes impressione facta in fugam adversarios dederunt; multis occisis, compluribus vulneratis insecuti per III milia passuum usque ad colles hostibus adactis se ad suos recipiunt. Caesar⁹ in horam X. commoratus, sicut erat instructus se ad sua castra recepit omnibus incolumibus. In quo¹⁰ proelio Pacidius graviter pilo per cassidem caput ictus compluresque duces ac fortissimus quisque interfecti vulneratique sunt.

79. Postquam nulla condicione cogere adversarios poterat, ut in aequum locum descenderent legionumque periculum facerent, neque ipse propius hostem castra ponere propter aquae penuriam se posse animadvertibat, adversarios non virtute eorum confidere, sed aquarum inopia fretos despicere se intellexit, II. Non. Apr. tertia vigilia egressus ab Aggar²

xvi milia nocte progressus ad Thapsum, ubi Vergilius cum grandi praesidio praeerat, castra ponit oppidumque eo die circummunire coepit locaque idonea opportunaque complura praesidiis occupare, hostes ne intrare ad se ac loca interiora capere possent. Scipio interim cognitis Caesaris consiliis ad necessitatem adductus dimicandi, ne per summum dedecus fidissimos suis rebus Thapsitanos et Vergilium amitteret, confestim Caesarem per superiora loca consecutus milia passuum viii a Thapso binis castris consedit.

80. Erat stagnum salinarum, inter quod et mare angustiae quaedam non amplius mille et passus intererant; quas Scipio intrare et Thapsitanis auxilium ferre conabatur. Quod futurum Caesarem non fefellerat. Namque pridie in eo loco castello munito ibique iii . . . praesidio relicto ipse cum reliquis copiis lunatis castris Thapsum operibus circummunivit. Scipio interim exclusus ab incepto itinere supra stagnum postero die et nocte confecto caelo albente non longe a castris praesidioque, quod supra commemoravi, mille passibus ad mare versus consedit et castra munire coepit. Quod postquam Caesari nuntiatum est, milite ab opere deducto, castris praesidio Asprenate proconsule cum legionibus duabus relicto, ipse cum expedita copia in eum locum citatim contendit, classisque parte ad Thapsum relicta reliquas naves iubet post hostium tergum quam maxime ad litus appellii signumque suum observare, quo signo dato subito clamore facto ex improvviso hostibus aversis incuterent terrorem, ut perturbati ac perterriti respicere post terga cogerentur.

81. Quo postquam Caesar pervenit et animadvertit aciem pro vallo Scipionis cum elephantis dextro sinistroque cornu collocatis et nihilo minus partem militum castra non ignaviter munire, ipse acie triplici collocata, legione x. xiii.que dextro cornu, xiiii. et viii. sinistro oppositis, v. legione in quarta acie ad ipsa cornua quinque cohortibus contra bestias collocatis, sagittariis, funditoribus in utrisque cornibus dispositis levique armatura inter equites interiecta ipse pedibus circum milites concursans virtutesque veteranorum proeliaque superiora commemorans blandeque appellans animos eorum excitabat. Tirones autem, qui numquam in acie dimicassent, hortabatur, ut veteranorum virtutem aemularentur eorumque famam, locum, nomen victoria parta cuperent possidere.

82. Itaque in circumeundo exercitum animadvertit hostes circa vallum trepidare atque ultro citroque pavidos concursare et modo se intra portas recipere modo inconstanter immoderateque prodire. Cum idem a pluribus animadverti coeptum esset,² subito legati evocatique obsecrare Caesarem, ne dubitaret signum dare: victoriam sibi propriam a diis immortalibus portendi. Dubitante Caesare atque³ eorum studio cupiditatieque resistente sibi que eruptione pugnari non placere clamitante et etiam atque etiam aciem sustentante, subito dextro cornu iniussu Caesaris tubicen a militibus coactus canere coepit. Quo facto ab universis cohortibus signa in hostem⁴ coepere inferri, cum centuriones pectore adverso

resisterent vique continerent milites, ne iniussu imperatoris concurrerent, nec quicquam proficerent.

83. Quod postquam Caesar intellexit, incitatis militum animis resisti nullo modo posse, signo Felicitatis dato equo admisso in hostem contra principes² ire contendit. A dextro interim cornu funditores sagittariiue concita tela in elephantos frequentes³ iniciunt. Quo facto bestiae stridore fundarum lapidumque perterritae sese convertere et suos post se frequentes stipatosque proterere et in portas valli⁴ semifactas ruere contendunt. Item Mauri equites, qui in eodem cornu cum elephantis erant, praesidio⁵ deserti principes fugiunt. Ita celeriter bestiis circumitis legiones vallo hostium sunt potitae, et paucis acriter repugnantibus interfectisque reliqui concitati in castra, unde pridie erant egressi, confugiunt.

84. Non videtur esse praetermittendum de virtute militis veterani v. legionis. Nam cum in sinistro cornu elephans vulnere ictus et dolore concitatus in lixam inermem impetum fecisset eumque sub pedem subditum dein genu innixus pondere suo proboscide erecta vibrantique stridore maximo premeret atque enecaret, miles hic non potuit pati, quin se armatus² bestiae offerret. Quem postquam elephans ad se telo infesto venire animadvertit, relicto cadavere militem proboscide circumdat atque in sublime extollit.³ Armatus, qui in eiusmodi periculo constanter agendum sibi videret, gladio proboscidem, qua erat circumdatus, caedere quantum viribus poterat non destitit. Quo dolore adductus elephans milite abiecto

maximo cum stridore cursuque conversus ad reliquas bestias se recepit.

85. Interim Thapso qui erant praesidio ex oppido eruptionem porta maritima faciunt et, sive ut suis subsidio occurrerent, sive ut oppido deserto fuga salutem sibi parerent, egrediuntur atque ita per mare umbilici fine ingressi terram petebant. Qui a servitiis² puerisque, qui in castris erant, lapidibus pilisque prohibiti terram attingere rursus in oppidum se receperunt. Interim Scipionis copiis prostratis passimque³ toto campo fugientibus confestim Caesaris legiones consequi spatiumque se non dare colligendi. Qui⁴ postquam ad ea castra, quae petebant, perfugerunt, ut reffectis castris rursus sese defenderent, ducemque aliquem requirerent, quem respicerent, cuius auctoritate imperioque rem gererent, [qui] postquam anim-⁵ adverterunt neminem ibi esse praesidio, protinus armis abiectis in regia castra fugere contendunt. Quo postquam pervenerunt, ea quoque ab Iulianis⁶ teneri vident. Desperata salute in quodam colle consistunt atque armis demissis salutationem more militari faciunt. Quibus miseris ea res parvo prae-⁷sidio fuit. Namque milites veterani ira et dolore incensi non modo, ut parcerent hosti, non poterant adduci, sed etiam ex suo exercitu illustres urbanos, quos auctores appellabant, complures aut vulnerarunt aut interfecerunt; in quo numero fuit Tullius⁸ Rufus quaestorius, qui pilo traiectus consulto a milite interiit; item Pompeius Rufus brachium gladio percussus, nisi celeriter ad Caesarem accucurrisset, interfectus esset. Quo facto complures equites Ro-⁹

mani senatoresque perterriti ex proelio se receperunt, ne a militibus, qui ex tanta victoria licentiam sibi assumpsissent immoderate peccandi impunitatis propter maximas res gestas spe, ipsi quoque interficerentur.
 10 Itaque ii omnes Scipionis milites, cum fidem Caesaris implorarent, inspectante ipso Caesare et a militibus deprecante, eis uti parcerent, ad unum sunt interfecti.

86. Caesar trinis castris potitus occisisque hostium L milibus fugatisque compluribus se recepit L militibus amissis, paucis sauciis in castra et statim ex
 2 itinere ante oppidum Thapsum constitit elephantosque LX ornatos armatosque [cum turribus ornamentisque capit] captos ante oppidum instructos constituit, id hoc consilio, si posset Vergilius quique cum eo ob-
 3 deduci. Deinde ipse Vergilium appellavit invitavitque ad deditionem suamque lenitatem et clementiam commemoravit. Quem postquam animadvertit re-
 4 sponsum sibi non dare, ab oppido discessit. Postero die divina re facta contione advocata in conspectu oppidanorum milites collaudat totumque exercitum veteranum donavit, praemia fortissimo cuique ac bene
 5 merenti pro suggestu tribuit ac statim inde digressus Rebilo proconsule cum III ad Thapsum legionibus et Cn. Domitio cum duabus Thisdrac, ubi Considius praeerat, ad obsidendum relictis, M. Messala Uticam ante praemisso cum equitatu, ipse eodem iter facere contendit.

87. Equites interim Scipionis, qui ex proelio
fugerant *Uticam* versus iter facerent, perve-

niunt ad oppidum Paradam. Ubi cum ab incolis non recipiuntur, ideo quod fama de victoria Caesaris praecucurrisset, vi oppido potiti in medio foro lignis coacervatis omnibusque rebus eorum congestis ignem subiciunt atque eius oppidi incolas cuiusque generis aetatisque vivos constrictosque in flammam coniciunt atque ita acerbissimo afficiunt supplicio; deinde protinus Uticam perveniunt. Superiore tempore M.² Cato, quod in Uticensibus propter beneficium legis Iuliae parum suis partibus praesidii esse existimaverat, plebem inermem oppido eiecerat et ante portam bellicam castris fossaque parvula duntaxat munierat ibique custodiis circumdatis habitare coëgerat; senatum autem oppidi custodia tenebat. Eorum castra³ hi equites adorti expugnare coeperunt, ideo quod eos Caesaris partibus favisse sciebant, ut eis interfectis eorum pernicie dolorem suum ulciscerentur. Uticenses animo addito ex Caesaris victoria lapidibus⁴ fustibusque equites reppulerunt. Itaque posteaquam castra non potuerant potiri, Uticam se in oppidum coniecerunt atque ibi multos Uticenses interfecerunt domosque eorum expugnaverunt ac diripuerunt. Quibus cum Cato persuadere nulla ratione⁵ quiret, ut secum oppidum defenderent et caede rapinisque desisterent, et quid sibi vellent sciret, sedandae eorum importunitatis gratia singulis C. divisit. Idem Sulla Faustus fecit ac de sua pecunia largitus est unaque cum iis ab Utica profisciscitur atque in regnum ire intendit.

88. Complures interim ex fuga Uticam perveniunt. Quos omnes Cato convocatos una cum CCC,

qui pecuniam Scipioni ad bellum faciendum contulerant, hortatur, ut servitia manumitterent oppidumque defenderent. Quorum cum partem assentire, partem animum mentemque perterritam atque in fugam destinatam habere intellexisset, amplius de ea re agere destitit navesque iis attribuit, ut in quas quisque partes vellet proficisceretur. Ipse omnibus rebus diligentissime constitutis liberis suis Lucio Caesari, qui tum ei pro quaestore fuerat, commendatis et sine suspicione, vultu atque sermone, quo superiore tempore usus fuerat, cum dormitum isset, ferrum intro clam in cubiculum tulit atque ita se traiecit. Qui dum anima nondum exspirata concidisset, et impetu facto in cubiculum ex suspicione medicus familiaresque continere atque vulnus obligare coepissent, ipse suis manibus vulnus crudelissime divellit atque animo praesenti se interemit. Quem Uticenses, quamquam oderant partium gratia, tamen propter eius singularem integritatem et quod dissimillimus reliquorum ducum fuerat quodque Uticam mirificis operibus munierat turesque auxerat, sepultura afficiunt. Quo interfecto L. Caesar aliquid sibi ex ea re auxilii ratus convocato populo contione habita cohortatur omnes, ut portae aperirentur: se in C. Caesaris clementia magnam spem habere. Itaque portis patefactis Utica egressus Caesari imperatori obviam proficiscitur. Messala, ut erat imperatum, Uticam pervenit omnibusque portis custodias ponit.

89. Caesar interim a Thapso progressus Ussetam pervenit, ubi Scipio magnum frumenti numerum,

armorum, telorum ceterarumque rerum cum parvo praesidio habuerat. Id adveniens potitur: deinde Adrumetum pervenit. Quo cum sine mora introisset, armis, frumento pecuniaque considerata Q. Ligario, C. Considio filio, qui tum ibi fuerant, vitam concessit. Deinde eodem die Adrumeto egressus Livineio Regulo cum legione ibi relicto Uticam ire contendit. Cui in itinere fit obvius L. Caesar et subito se ad genua proiecit vitamque sibi neque amplius quicquam deprecatur. Cui Caesar facile et pro natura sua et pro instituto concessit, item Caecinae, † Ceteio, P. Atrio, L. Cellae patri et filio, M. Eppio, M. Aquino, Catonis filio Damasippique liberis ex sua consuetudine tribuit circiterque luminibus accensis Uticam pervenit atque extra oppidum ea nocte mansit.

90. Postero die mane in oppidum introiit contioneque advocata Uticenses incolas cohortatus gratias pro eorum erga se studio agit, cives autem Romanos negotiatores et eos, qui inter CCC pecunias contulerant Varo et Scipioni, multis verbis accusatos et de eorum sceleribus longiore habita oratione ad extremum, ut sine metu prodirent, edicit: se eis duntaxat vitam concessurum; bona quidem eorum se venditurum, ita tamen, qui eorum ipse sua bona redemisset, se bonorum venditionem inducturum et pecuniam multae nomine relaturum, ut incolumitatem retinere posset. Quibus metu exsanguibus de vitaque ex suo promerito desperantibus subito oblata salute libentes cupidique condicionem acceperunt petieruntque a Caesare, ut universis CCC uno nomine

pecuniam imperaret. Itaque bis milies sestertio his imposito, ut per triennium sex pensionibus populo Romano solverent, nullo eorum recusante ac se eo die demum natos praedicantes laeti gratias agunt Caesari.

91. Rex interim Iuba, ut ex proelio fugerat, una cum Petreio interdum in villis latitando tandem nocturnis itineribus confectis in regnum pervenit atque ad oppidum Zamam, ubi ipse domicilium, coniuges liberosque habebat, quo ex cuncto regno omnem pecuniam carissimasque res comportaverat quodque inito bello operibus maximis munierat, accedit. Quem antea oppidani rumore exoptato de Caesaris victoria audito ob has causas oppido prohibuerunt, quod bello contra populum Romanum suscepto in oppido Zamae lignis congestis maximam in medio foro pyram construxerat, ut, si forte bello foret superatus, omnibus rebus eo coacervatis, dein civibus cunctis interfectis eodemque proiectis igne subiecto tum demum se ipse insuper interficeret atque una cum liberis, coniugibus, civibus cunctaque gaza regia cremaretur. Postquam Iuba ante portas diu multumque primo minis pro imperio egisset cum Zamenis, dein, cum se parum proficere intellexisset, precibus orasset, uti se ad suos deos penates admitterent, ubi eos perstare in sententia animadvertit nec minis nec precibus suis moveri, quo magis se reciperent, tertio petit ab eis, ut sibi coniuges liberosque redderent, ut secum eos asportaret. Postquam sibi nihil omnino oppidanos responsi reddere animadvertit, nulla re ab his impetrata ab Zama

discedit atque ad villam suam se cum M. Petreio paucisque equitibus confert.

92. Zamenses interim legatos de his rebus ad Caesarem Uticam mittunt petuntque ab eo, uti, antequam rex manum colligeret seseque oppugnaret, sibi auxilium mitteret: se tamen paratos esse, sibi quoad vita suppeteret, oppidum seque ei reservare. Legatos collaudatos Caesar domum iubet antecedere² ac suum adventum praenuntiare. Ipse postero die Utica egressus cum equitatu in regnum ire contendit. Interim in itinere ex regiis copiis duces com-³ plures ad Caesarem veniunt orantque, ut sibi ignoscat. Quibus supplicibus venia data Zamam per-⁴ venit. Rumore interim perlato de eius lenitate clementiaque propemodum omnes regni equites Zamam perveniunt ad Caesarem ab eoque sunt metu periculoque liberati.

93. Dum haec utrobique geruntur, Considius, qui Thisdrae cum familia sua, gladiatoria manu Gaetulisque praeerat, cognita caede suarum Domitii-
que et legionum adventu perterritus desperata salute oppidum deserit seque clam cum paucis barbaris pecunia onustus subducit atque in regnum fugere contendit. Quem Gaetuli, sui comites, in itinere² praedae cupidi concidunt seque in quascumque potuere partes conferunt. C. interim Vergilius, post-³ quam terra marique clausus se nihil proficere intellexit suosque interfectos aut fugatos, Marcum Catonem Uticae sibi ipsi manus attulisse, regem vagum a suisque desertum ab omnibus aspernari, Saburram eiusque copias ab Sittio esse deletas, Uticae Caesarem

sine mora receptum, de tanto exercitu reliquias esse nullas, sibi suisque liberis a Caninio proconsule, qui eum obsidebat, fide accepta seque et sua omnia et oppidum proconsuli tradit.

94. Rex interim ab omnibus civitatibus exclusus desperata salute, cum iam coenatus esset cum Petreio, ut cum virtute interfecti esse viderentur, ferro inter se depugnant, atque firmior imbecillioem Iuba² Petreium facile ferro consumpsit. Dein cum ipse sibi conaretur gladio traicere pectus nec posset, precibus a servo suo impetravit, ut se interficeret [idque obtinuit].

95. P. Sittius interim pulso exercitu Saburrae, praefecti Iubae, ipsoque interfecto, cum iter cum paucis per Mauritaniam ad Caesarem faceret, forte incidit in Faustum Afraniumque, qui eam manum habebant, quae Uticam diripuerat, iterque in Hispaniam intendebant et erant numero circiter mille.² Itaque celeriter nocturno tempore insidiis dispositis cum prima luce adortus praeter paucos equites, qui ex primo agmine fugerant, reliquos aut interficit aut in deditionem accipit, Afranium et Faustum cum³ coniuge et liberis vivos capit. Paucis post diebus dissensione in exercitu orta Faustus et Afranius interficiuntur; Pompeiae cum Fausti liberis Caesar incolumitatem suaque omnia concessit.

96. Scipio interim cum Damasippo et Torquato et Plaetorio Rustiano navibus longis diu multumque iactati, cum Hispaniam peterent, ad Hipponem regium deferuntur; ubi classis P. Sitti per id tempus² erat. A qua pauciora ab amplioribus circumventa

navigia deprimuntur, ibique Scipio cum quibus paulo ante nominavi interiit.

97. Caesar interim Zamae auctione regia facta bonisque eorum venditis, qui cives Romani contra populum Romanum arma tulerant, praemiisque Zamenisibus, qui de rege excludendo consilium ceperant, tributis vectigalibusque regiis erogatis ex regnoque provincia facta atque ibi Sallustio pro consule cum imperio relicto ipse Zama egressus Uticam se recepit. Ibi bonis venditis eorum, qui sub Iuba² Petreioque ordines duxerant, Thapsitanis HS xx, conventui eorum HS xxx, itemque Adrumetinis HS xxx, conventui eorum HS l multae nomine imponit; civitates bonaque eorum ab omni iniuria rapinisque defendit. Leptitanos, quorum superioribus³ annis bona Iuba diripuerat, et ad senatum questi per legatos atque arbitris a senatu datis sua receperant, xxx centenis milibus pondo olei in annos singulos multat, ideo quod initio per dissensionem principum societatem cum Iuba inierant eumque armis, militibus, pecunia iuverant. Thisdritanos propter⁴ humilitatem civitatis certo numero frumenti multat.

98. His rebus gestis Idibus Iun. Uticae classem conscendit et post diem tertium Caralis in Sardiniam pervenit. Ibi Sulcitanos, quod Nasidium eiusque classem receperant copiisque iuverant, HS c multat et pro decumis octavas pendere iubet bonaque paucorum vendit et ante diem IIII. Kal. Quintil. naves² conscendit et a Caralibus secundum terram provectus duodetricesimo die, ideo quod tempestatibus in portibus cohibebatur, ad urbem Romam venit.

BELLUM HISPANIENSE.

ARGUMENTUM.

[A. U. C. 708. 709.] Collectis Pompeianarum partium reliquiis auxiliisque et precibus et vi comparatis Cn. Pompeius filius in Hispania ulteriore denuo bellum contra Caesarem parat c. 1. Caesar quartum consul creatus ad Cordubam proficiscitur, quam Sext. Pompeius occupatam tenebat c. 2; Uliae ab Cn. Pompeio obsessae tempestatis beneficio praesidium immittit c. 3, ipse Cordubam aggreditur. Iam fratris litteris arcessitus Cn. Pompeius, Uliae obsessione dimissa c. 4, Caesari flumen Baetim transgressuro occurrit. Cum crebro nec tamen ullo eventu esset pugnatum, Caesar noctu Ateguam signa movet, eumque insequitur Pompeius c. 5. 6. Castra uterque muniunt ad flumen Salsum in locis ad bellum gerendum maxime natura idoneis c. 7. 8. Pompeius castellum quoddam Caesaris adortus repellitur c. 9; paulo post castris incensis Cordubam contendit c. 10. Capiuntur a Caesaris equitibus homines commeatum ex oppido in Pompei castra portantes c. 11. Oppidani erumpentes repelluntur c. 12. Pompeius castra munitione cum flumine Salso coniungit. Caesar Ateguam oppugnare pergit; imprimis tormentis eminus pugnatur c. 13. Pompeius trans flumen Salsum castellum constituit; proelio equestri facto Pompeiani Caesarianos repellunt; deinde adductis ab Caesare auxiliis cedere coguntur c. 14. Quae sit proelii equestris ratio, exponitur. Brevi post, cum ad murum pugnarentur, oppidani hospites, qui in oppide

erant, ingulant et de muro praecipitant c. 15. Oppidani cum Pompeio se coniuncturi eruptionem faciunt; at repelluntur c. 16. Tullius quidam cum Caesare de deditione agit c. 17. Continuatur oppidi oppugnatio c. 18. Oppidum Caesari deditur c. 19. Castris Pompei ad Ucubam versus motis Caesar eodem iter facit c. 20. Cum transfugarum ex Pompeiano exercitu numerus in dies augeretur, Pompeius eos, qui Caesari favere dicebantur, supplicio tradit c. 21. Ursaonenses, Ateguae capti, legati ad suos dimittuntur; interfecti sunt a Pompeianis, qui Ursaonem praesidio tenebant c. 22. Caesar Pompei castris castra confert; Caesariani operibus occupati lacesuntur a Pompeianis. Fit leve proelium c. 23; gravius proelium postero die editur nec sine magno Pompeianorum detrimento c. 24. Q. Pompeius Niger cum Antistio Turpione ad singulare certamen provocante concreditur c. 25. Equites aliquot Romani ad Caesarem transeunt; intercipiuntur Cn. Pompei litterae c. 26. Castris utrimque in campo Mundensi positis c. 27 maximum ibi proelium committitur. Cum hostes natura loci adiuventur utpote ex loco superiore pugnantes, Caesariani prope de victoria desperabant; at legionis X. et equitum virtute proelium est restitutum hostesque in fugam confecti sunt c. 28—31. Pompeianorum pars Mundam confugit; ad eos obsidendos parte exercitus relicta c. 32 Caesar ipse Cordubam aggreditur et expugnat c. 33. 34. Deinde Hispalim recipit. Praesidium, quod ibi relinquit, mox opprimitur a Philone cum Lusitanorum manu oppidum noctu ingresso c. 35. Eruptione facta oppidani naves in Baeti flumine incendunt; quos persecuti Caesariani oppido ipso potiuntur. Asta Caesari deditur; coniuratio ab transfugis Pompeianis concitata opprimitur c. 36. Pompeius navium numero occupato Carteia profugit; insequitur eum Didius, qui Gadibus Caesarianae classi praeerat, naviumque partem incendit, partem capit c. 37. Pompeius saucius in lectica effugit; infeliciter cum persequentibus Caesarianis pugnat c. 38. Cum in specum se abdidisset, captivorum indicio deprehensus interficitur c. 39. Lusitani, qui ex Pompeiano exercitu supererant, Didium navibus reficiendis occupatum crebris proeliis

laccessunt, naves incendunt, ipsum occidunt c. 40. Interim Fabius Maximus ad Mundam obsidendam a Caesare relictus oppidum expugnat; inde Ursaonem obsidere instituit c. 41. Contio, quam Caesar Hispali habuit c. 42.

1. Pharnace superato Africa recepta qui ex his proeliis cum adolescente Cn. Pompeio profugissent, cum et ulterioris Hispaniae potitus esset, dum Caesar muneribus dandis in Italia detinetur, quo facilius praesidia contra compararet Pompeius, in fidem uniuscuiusque civitatis confugere² coepit. Ita partim precibus partim vi bene magna³ comparata manu provinciam vastare. Quibus in rebus nonnullae civitates sua sponte auxilia mittebant, item nonnullae portas contra cludebant. Ex quibus si qua oppida vi ceperat, cum aliquis ex ea civitate optime [de Cn. Pompeio] meritus civis esset, propter pecuniae magnitudinem aliqua ei inferebatur causa, ut eo de medio sublato ex eius pecunia latronum largitio fieret. Ita pacis commodo *modo* hostis furato maiores augebantur copiae. Hoc crebrius nuntiis in Italiam missis civitates contrariae Pompeio auxilia sibi depostulabant.

2. Caesar dictator tertio, *consul* designatus quarto multis ante iter rebus confectis cum celeri festinatione ad bellum conficiendum in Hispaniam [cum] venisset, legatique Cordubenses, qui a Cn. Pompeio discessissent, Caesari obviam venissent, a quibus nuntiabatur nocturno tempore oppidum Cordubam capi posse, quod necopinantibus adversariis eius provinciae potitus esset, simulque quod tabellariis, qui a Cn. Pompeio dispositi omnibus locis

essent, qui certio rem Cn. Pompeium de Caesaris adventu facerent..... Multa praeterea verisimilia proponebant. Quibus rebus adductus, quos legatos³ ante exercitui praefecerat, Q. Pedium et Q. Fabium Maximum de suo adventu facit certiores utque sibi equitatus, qui ex provincia fuisset, praesidio esset. Ad quos celerius, quam ipsi opinati sunt, appro-⁴ pinquavit neque, ut ipse voluit, equitatum sibi praesidio habuit.

3. [Erat] idem temporis Sex. Pompeius frater [qui] cum praesidio Cordubam tenebat, quod eius provinciae caput esse existimabatur; ipse autem Cn. Pompeius adulescens Uliam oppidum oppugnabat et fere iam aliquot mensibus ibi detinebatur. Quo ex oppido cognito Caesaris adventu legati² clam praesidia Cn. Pompei Caesarem cum adissent, petere coeperunt, ut sibi primo quoque tempore subsidium mitteret. Caesar *ad* eam civitatem omni³ tempore optime de populo Romano meritam [esse] celeriter sex cohortes secunda vigilia iubet proficisci, pari equites numero. Quibus praefecit hominem eius provinciae notum et non parum scientem, L. Iunium Paciaecum. Qui cum ad Cn. Pom-⁴ pei praesidia venisset, incidit idem temporis, ut tempestate adversa vehementique vento affligeretur; quae vis tempestatis ita obscurabat, ut vix proxi-⁵ mum agnoscere possent. Cuius incommodum summam utilitatem ipsis praebebat. Ita cum ad eum⁶ venerunt, iubet binos equos conscendere, et recta per adversariorum praesidia ad oppidum contendunt. Mediisque eorum praesidiis cum essent....⁷

unus ex nostris respondit, ut sileat verbum facere: nam id temporis conari ad murum accedere, ut oppidum capiant; et partim tempestate impediti vigiles non poterant diligentiam praestare, partim illo responso deterrebantur. Cum ad portam appropinquassent, signo dato ab oppidanis sunt recepti, et pedites dispositi partim ibi remanserunt, equites clamore facto eruptionem in adversariorum castra fecerunt. Sic in illo facto, cum inscientibus accidisset, existimabant prope magna pars hominum, qui in his castris fuissent, se prope captos esse.

4. Hoc misso ad Uliam praesidio Caesar ut Pompeium ab ea oppugnatione deduceret, ad Cordubam contendit exque itinere loricatos viros fortes cum equitatu ante praemisit; qui simul in conspectum oppidi se dederunt, equis recipiuntur. Hoc a Cordubensibus nequaquam poterat animum adverti. Appropinquantibus ex oppido bene magna multitudo ad equitatum concidendum cum exissent, loricati, ut supra scripsimus, ex equis descenderunt et magnum proelium fecerunt, sic uti ex infinita hominum multitudine pauci in oppidum se reciperent. Hoc timore adductus Sex. Pompeius litteras fratri misit, ut celeriter sibi subsidio veniret, ne prius Caesar Cordubam caperet, quam ipse illo venisset. Itaque facit: 4 Uliam prope capta litteris fratris excitus cum copiis ad Cordubam iter facere coepit.

5. Caesar cum ad flumen Baetim venisset neque propter altitudinem fluminis transire posset, lapidibus orbes plenos demisit: ita insuper ponte facto 2 copias ad castra tripartito traduxit. Tenebat ad-

versus oppidum e regione pontis castra, ut supra scripsimus, tripartito. Huc cum Pompeius cum suis³ copiis venisset, ex adverso pari ratione castra ponit. Caesar, ut eum ab oppido commeatuque excluderet, brachium ad pontem ducere coepit. Pari idem conditione Pompeius. Hic inter duces duos fit contentio, uter prius pontem occuparet; ex qua contentione cotidiana minuta proelia fiebant, ut modo hi, nonnumquam illi superiores discederent. Quae⁵ res cum ad maiorem contentionem venisset, ab utrisque comminus pugna iniqua, dum cupidius locum student tenere, propter pontem coangustabantur, fluminis ripas appropinquantes coangustati praecipitabantur. Hic alternis non solum mortis⁶ mortem exaggerabant, sed tumulos tumulis exaequabant. Ita diebus compluribus cupiebat Caesar, si qua conditione posset, adversarios in aequum locum deducere et primo quoque tempore de bello decernere.

6. Id cum animadverteret adversarios minime velle, quo eos, quomodo ab Ulia retraxerat, in aequum deduceret, copiis flumine traductis noctu iubet ignes fieri magnos..... ita firmissimum eius praesidium Ateguam proficiscitur. Id cum Pompeius² ex perfugis rescisset † qua die facultatem et angustias..... carra complura mulosque onustos retraxit et ad Cordubam se recepit. Caesar munitionibus³ Ateguam oppugnare et brachia circumducere coepit. Qui cum [de] Pompeio nuntius esset allatus, eo die proficiscitur. Cuius in adventum praesidii causa⁴ Caesar cum complura castella occupasset, partim

ubi equitatus partim ubi pedestris copia in statione et in excubitu castris praesidio esse possent, hic in adventu Pompeio incidit, ut matutino tempore nebula esset crassissima. Ita illa obscuracione cum aliquot cohortibus et equitum turmis circumcludunt Caesaris equites et concidunt, sic ut vix in ea caede pauci effugerent.

7. Insequenti nocte castra sua incendit Pompeius et trans flumen Salsum per convalles castra inter duo oppida Ateguam et Ucubim in monte constituit. Caesar interim munitionibus ceterisque, quae ad oppugnandum opus fuerunt *perfectis*, aggerem vineasque agere instituit. Haec loca sunt montuosa et natura edita ad rem militarem; quae planicie dividuntur et Salso flumine, proxime tamen Ateguam ut flumen sit, circiter passuum duo milia. Ex ea regione oppidi in montibus castra habuit posita Pompeius in conspectu utrorumque oppidorum, neque suis ausus est subsidio venire. Aquilas et signa habuit XIII legionum. Sed ex quibus aliquid firamenti se existimabat habere, duae fuerunt vernaculae, quae a Trebonio transfugerant; una facta ex coloniis, quae fuerunt in his regionibus; quarta fuit Afraniana ex Africa, quam secum adduxerat. Reliquae ex fugitivis [auxiliares] consistebant..... Nam de levi armatura et equitatu longe et virtute et numero nostri erant superiores.

8. Accedebat huc, ut longius bellum duceret Pompeius, quod loca sunt edita et ad castrorum munitiones non parum idonea. Nam fere totius ulterioris Hispaniae regio propter terrae fecundi-

tatem et non minus copiosam aquationem inopem difficilemque habet oppugnationem. Hic etiam propter² barbarorum crebras excursiones omnia loca, quae sunt ab oppidis remota, turribus et munitionibus retinentur, sicut in Africa, rudere, non tegulis teguntur; simulque in his habent speculas et propter³ altitudinem longe lateque prospiciunt. Item oppidorum magna pars eius provinciae montibus fere munita et natura excellentibus locis est constituta, ut simul aditus ascensusque habeat difficiles. Ita ab⁵ oppugnationibus natura loci distinentur, ut civitates Hispaniae non facile ab hoste capiantur. Id quod in hoc contigit bello. Nam cum inter Ateguam et⁶ Ucubim, quae oppida supra sunt scripta, Pompeius habuit castra constituta in conspectu duorum oppidorum, ab suis castris circiter milia passuum IIII grumus est excellens natura, qui appellatur castra Postumiana: ibi praesidii causa castellum Caesar habuit constitutum.

9. [Quod] Pompeius, quod eodem iugo tegebatur loci natura, et remotum erat *castellum* a castris Caesaris, animadvertibat loci difficultate et, quia flumine Salso intercludebatur, non esse commissurum Caesarem, ut in tanta loci difficultate ad subsidium mittendum se committeret. Ita fretus² opinione tertia vigilia profectus castellum oppugnare coepit. Cum appropinquassent, clamore repentino³ telorumque multitudine iactus facere coeperunt, uti magnam partem hominum vulneribus afficerent. Quo⁴ peracto cum ex castello repugnare coepissent, maioribusque castris Caesari nuntius esset allatus, cum

III legionibus est profectus, ut laborantibus succurreret nostris; et cum ad eos appropinquasset, fuga perterriti multi sunt interfecti, complures capti, in quibus duo . . . multi praeterea armis exuti fuerunt, quorum scuta sunt relata LXXX.

10. Insequenti luce Arguetius ex Italia cum equitatu venit. Is signa Saguntinorum rettulit quinque, quae ab oppidanis cepit. Suo loco praeteritum est, quod equites ex Italia cum Asprenate ad Caesarem venissent. Ea nocte Pompeius castra sua incendit et ad Cordubam versus iter facere coepit. Rex nomine Indo, qui cum equitatu suas copias adduxerat, dum cupidius agmen adversariorum insequitur, a vernaculis legionariis exceptus est et interfectus.

11. Postero die equites nostri longius ad Cordubam versus prosecuti sunt eos, qui commeatus ad castra Pompei ex oppido portabant. Ex his capti L cum iumentis ad nostra adducti sunt castra. Eodem die Q. Marcius, tribunus militum qui fuisset Pompei, ad nos transfugit; et noctis tertia vigilia in oppido acerrime pugnatum est, ignemque multum miserunt [sc. omne genus *telorum* quibus ignis per iactus solitus est mitti]. Hoc praeterito tempore Gaius Fundanius, eques Romanus, ex castris adversariorum ad nos confugit.

12. Postero die ex legione vernacula milites sunt capti ab equitibus nostris II, qui dixerunt se servos esse. Cum venirent, cogniti sunt a militibus, qui antea cum Fabio et Pedio fuerant et Trebonio [transfugerant]. Eis ad ignoscendum nulla facultas

est data, et a militibus nostris interfecti sunt. Idem³ temporis capti tabellarii, qui a Corduba ad Pompeium missi erant perperamque ad nostra castra pervenerant, praecisis manibus missi sunt facti. Pari⁴ consuetudine vigilia secunda ex oppido ignem multum telorumque multitudinem iactando bene magnum tempus consumpserunt compluresque vulneribus affecerunt. Praeterito tempore noctis eruptionem⁵ ad legionem VI. fecerunt, cum in opere nostri distenti essent, acriterque pugnare coeperunt; quorum vis repressa a nostris, etsi oppidani superiore loco defendebantur. Hi cum eruptionem facere coepissent,⁶ tamen virtute militum nostrorum, [qui] etsi inferiore loco premebantur, [tamen] repulsi adversarii bene multis vulneribus affecti in oppidum se contulerunt.

13. Postero die Pompeius ex castris suis brachium *ducere* coepit ad flumen Salsum; et cum nostri equites pauci in statione fuissent a pluribus reperti, de statione sunt deiecti et occisi tres. Eo die Aulus² Valgius, senatoris filius, cuius frater in castris Pompei fuisset, omnibus suis rebus relictis equum conscendit et fugit. Speculator de legione II. Pompeiana³ captus a militibus et interfectus est; idemque temporis glans missa est inscripta: quo die ad oppidum capiendum accederent, se scutum esse positurum. Qua spe nonnulli, dum sine periculo murum⁴ ascendere et oppido potiri posse se sperant, postero die ad murum opus facere coeperunt et bene magna prioris muri parte deiecta Quo facto ab oppidanis, ac si suarum partium⁵

essent, conservati missos facere loricatos, qui praesidii causa praepositi oppido a Pompeio essent, orabant. Quibus respondit Caesar: se condiciones dare, non accipere consuevisse. Ibi cum in oppidum revertissent, relato responso, clamore sublato, omni genere telorum emissio pugnare pro muro⁷ toto coeperunt; propter quod fere magna pars hominum, qui in castris nostris essent, non dubitarunt, quin eruptionem eo die essent facturi. Ita corona⁸ circumdata pugnatum est aliquamdiu vehementissime, simulque ballista missa a nostris turrem deiecit, qua adversariorum, qui in ea turre fuerant, quinque deiecti sunt et puer, qui ballistam solitus erat observare.

14. Eius *diei* praeterito tempore Pompeius trans flumen Salsum castellum constituit neque a nostris prohibitus falsaue illa opinione gloriatus est, quod² prope in nostris partibus locum tenuisset. Item insequenti die eadem consuetudine dum longius prosequitur, quo loco equites nostri stationem habuerant, aliquot turmae cum levi armatura, impetu facto loco sunt deiecti et propter paucitatem nostrorum equitum simul cum levi armatura inter turmas adversariorum³ protriti. Hoc in conspectu utrorumque castrorum gerebatur, et maiore Pompeiani exsultabant gloria, longius quod nostris cedentibus prosequi coepissent. ⁴Qui cum aliquo loco a nostris recepti essent, ut consuissent, ex simili virtute clamore facto aversati sunt proelium facere.

15. Fere apud exercitus haec est equestris proelii consuetudo: cum eques ad dimicandum

dimisso equo cum pedite concreditur, nequaquam par habetur. Id quod *contra* in hoc accidit proelio. Cum pedites levi armatura lecti ad pugnam equitibus nostris necopinantibus venissent, idque in proelio animadversum esset, complures ex equis descenderunt. Ita exiguo tempore eques pedestre: [pedes equestre] proelium facere coepit, usque eo ut caedem proxime a vallo fecerint. In quo proelio adversariorum ceciderunt CXXIII, compluresque armis exuti, multi vulneribus affecti in castra sunt redacti. Nostri ceciderunt III; saucii XII pedites et equites V. Eius diei insequenti tempore pristina consuetudine pro muro pugnari coeptum est. Cum bene magnam multitudinem telorum ignemque nostris defendentibus iniecissent, nefandum crudelissimumque facinus sunt aggressi in conspectuque nostro hospites, qui in oppido erant, iugulare et de muro praecipites mittere coeperunt, sicuti apud barbaros; quod post hominum memoriam numquam est factum.

16. Huius diei extremo tempore a Pompeianis clam [ad] nostros tabellarius est missus, ut ea nocte turres aggeremque incenderent et tertia vigilia eruptionem facerent. Ita igne telorumque multitudine iacta cum bene magnam partem temporis consumpsissent, portam, quae e regione et in conspectu Pompei castrorum fuerat, aperuerunt, copiaeque totae eruptionem fecerunt secumque extulerunt virgulta, crates ad fossas complendas et harpagones ad casas, quae stramenticiae ab nostris hibernorum causa aedificatae erant, diruendas et incendendas, praeterea argentum, vestimenta, ut, dum nostri in

praeda detinentur, illi caede facta ad praesidia Pompei se reciperent: nam quod existimabat eos posse conatum efficere, nocte tota ultra stabat flumen Salsum in acie. Quod factum licet necopinantibus nostris esset gestum, tamen virtute freti repulsos multisque vulneribus affectos oppido represserunt, praedam armaque eorum sunt potiti vivosque aliquos ceperunt, qui postero die sunt interfecti. Eodemque tempore transfuga nuntiavit ex oppido Iunium, qui in cuniculo fuisset, iugulatione oppidanorum facta clamasse facinus se nefandum et scelus fecisse: nam eos nihil meruisse, quare tali poena afficerentur, qui eos ad aras et focos suos recepissent, eosque hospitium scelere contaminasse; multa praeterea dixisse, qua oratione deterritos amplius iugulationem non fecisse.

17. Ita postero die Tullius legatus cum Catone Lusitano venit et apud Caesarem verba fecit: 'Utinam quidem dii immortales fecissent, ut tuus potius miles quam Cn. Pompei factus essem et hanc virtutis constantiam in tua victoria, non in illius calamitate praestarem. Cuius funestae laudes quoniam ad hanc fortunam reciderunt, ut cives Romani indigentes praesidii et propter patriae lucuosam perniciem dedimur hostium numero, qui neque in illius prospera acie primam fortunam, neque in adversa secundam obtinuimus [victoriam]. Qui legionum tot impetus sustentantes, nocturnis diurnisque operibus gladiorum ictus telorumque missus exceptantes, relictī et deserti a Pompeio, tua virtute superati salutem a tua clementia deposci-

mus, petimus, ut qualem’ ‘. . . . gentibus me⁴ praestiti, similem in civium deditione praestabo.’

18. Remissis legatis cum ad portam venissent, Ti. Tullius et cum introëuntem Cato Lusitanus insecutus non esset, revertit ad portam et hominem apprehendit. Quod Tiberius cum fieri animadvertit,² simul pugionem eduxit et manum eius incidit. Ita refugerunt ad Caesarem. Eodemque tempore si-³ gnifer de legione prima transfugit et nuntiavit, quo die equestre proelium factum esset, suo signo perisse homines xxxv, neque licere castris Cn. Pompei nuntiare neque dicere perisse quemquam. Servus,⁴ cuius dominus in Caesaris castris fuisset (uxorem et filios in oppido reliquerat), dominum iugulavit et ita clam a Caesaris praesidiis in Pompei castra discessit et indicium glande scriptum misit, per quod certior fieret Caesar, quae in oppido ad defendendum compararentur. Ita litteris acceptis, cum⁵ in oppidum revertisset, qui mittere glandem inscriptam solebat. . . . Insequenti tempore duo Lusitani fratres transfugae nuntiarunt, cum Pompeius con-
tionem habuisset, ‘quoniam oppido subsidio non posset venire, noctu ex adversariorum conspectu se deducerent ad mare versum’: unum respondisse, ut potius ad dimicandum descenderent, quam signum fugae ostenderent; eum, qui ita locutus esset, iugulatum. Eodem tempore tabellarii eius deprehensi,⁶ qui ad oppidum veniebant; quorum litteras Caesar oppidanis abiecit et qui vitam sibi peteret iussit turrem ligneam oppidanorum incendere; id si fe-⁷ cisset, ei se promisit omnia concessurum. Quod

difficile erat factu, ut eam turrem sine periculo quis
1 incenderet. Ita [funē] crure deligato cum propius
accessisset, ab oppidanis est occisus. Eadem nocte
transfuga nuntiavit Pompeium et Labienum de iugulatione oppidanorum indignatos esse.

19. Vigilia secunda propter multitudinem telorum turris nostra, quae lignea fuisset, ab imo vitium fecit usque ad tabulatum secundum et tertium. Eodem tempore pro muro pugnarunt acerrime et turrim nostram ut superiorem incenderunt, idcirco quod ventum oppidani secundum habuerunt.
2 Insequenti luce materfamilias de muro se deiecit, ad nos transiliit dixitque se cum familia constitutum habuisse, ut una transfugerent ad Caesarem: illam
3 oppressam et iugulatam. Hoc praeterea tempore tabellae de muro sunt deiectae, in quibus scriptum est inventum: 'L. Munatius Caesari. Si mihi vitam tribues, quoniam ab Cn. Pompeio sum desertus, qualem me illi praestiti, tali virtute et constantia
4 [futurum] me in te praestabo.' Eodem tempore oppidani legati, qui antea exierant, Caesarem adierunt: si sibi vitam concederet, sese insequenti luce
5 oppidum esse dedituros. Quibus respondit: se Caesarem esse fidemque praestaturum. Ita ante diem xi. Kal. Mart. oppido potitus imperator est appellatus.

20. Quod Pompeius, ex perfugis cum deditionem oppidi factam esse scisset, castra movit Ucubim versus et circum ea loca castella disposuit et munitionibus se continere coepit, *etiam* Caesar
2 movit et propius castra castris contulit. Eodem

tempore mane loricatus unus ex legione vernacula ad nos transfugit et nuntiavit Pompeium oppidanos Ucubenses convocasse eisque ita imperavisse, ut diligentia adhibita perquirerent, qui essent suarum partium itemque adversariorum victoriae fautores. Hoc praeterito tempore in oppido, quod fuit captum, servus est pressus in cuniculo, quem supra demonstravimus dominum iugulasse: is vivus est combustus. Idemque temporis centuriones loricati VIII ad Caesarem transfugerunt ex legione vernacula, et equites nostri cum adversariorum equitibus congressi sunt, et saucii aliquot occiderunt levi armatura. Ea nocte speculatores prensi servi III et unus ex legione vernacula. Servi sunt in crucem sublati, militi cervices abscisae.

21. Postero die equites cum levi armatura ex adversariorum castris ad nos transfugerunt. Et eo tempore circiter XL equites ad aquatores nostros excucurrerunt, nonnullos interfecerunt, item alios vivos abduxerunt; e quibus capti sunt equites VIII. Insequenti die Pompeius securi percussit homines LXXIII, qui dicebantur esse fautores Caesaris victoriae, reliquos verum oppidum iussit deduci; ex quibus effugerunt CXX et ad Caesarem venerunt.

22. Hoc praeterito tempore, qui in oppido Ategua Ursavonenses capti sunt, legati profecti sunt cum nostris, uti rem gestam Ursavonensibus referrent, quid sperarent de Cn. Pompeio, cum viderent hospites iugulari, praeterea multa scelera ab iis fieri, qui praesidii causa ab his reciperentur. Qui cum ad oppidum venissent, nostri, qui fuissent:

equites Romani et senatores, non sunt ausi introire in oppidum, praeterquam qui eius civitatis fuissent. 3 Quorum responsis ultro citroque acceptis et red-
ditis cum ad nostros se reciperent, qui extra oppi-
dum fuissent, illi praesidio insecuti ex aversione 4
legatos iugularunt. Duo reliqui ex eis fugerunt, Caesar rem gestam detulerunt et specula-
tores ad oppidum Ateguam miserunt. Qui cum certum comperissent legatorum responsa ita esse gesta, quemadmodum illi rettulissent, ab oppidanis concursu facto eum, qui legatos iugulasset, lapidare et ei manus intentare coeperunt: illius opera se 5
perisse. Ita vix periculo liberatus petiit ab oppi-
danis, ut ei liceret legatum ad Caesarem proficisci: 6
illi se satisfacturum. Potestate data cum inde esset profectus, praesidio comparato, cum bene magnam manum fecisset et nocturno tempore per fallaciam in oppidum esset receptus, iugulationem magnam facit principibusque, qui sibi contrarii fuissent, interfectis 7
oppidum in suam potestatem recipit. Hoc praeterito tempore servi transfugae nuntiaverunt oppidanorum bona venire neque extra vallum licere exire nisi discinctum, idcirco quod, ex quo die oppidum Ategua esset captum, metu conterritos complures profugere 8
in Baeturiam; neque sibi ullam spem victoriae propositam habere, et si qui ex nostris transfugerit, in levem armaturam conici eumque non amplius XVII accipere.

23. Insequenti tempore Caesar castris castra contulit et brachium ad flumen Salsum ducere 1
coepit. Hic dum in opere nostri distenti essent,

complures ex superiore loco adversariorum decurrerunt nec desistentibus nostris multis telis iniectis complures vulneribus affecere. Hic tum, ut ait Ennius, nostri cessere parumper. Itaque praeter consuetudinem cum nostris animadversum esset accidere, centuriones ex legione v. flumen transgressi duo restituerunt aciem, acriterque eximia virtute plures cum agerent, ex superiore loco multitudo telorum alter eorum concidit. Ita cum eius compar proelium facere coepisset, cum undique se circumveniri animum advertisset, regressus pedem offendit. In huius concidentis, centurionis ac viri fortis, signa cum complures adversariorum concursum facerent, equites nostri transgressi inferiore loco adversarios ad vallum agere coeperunt. Ita cupidius dum intra praesidia illorum student caedem facere, a turmis et levi armatura sunt interclusi. Quorum nisi summa virtus fuisset, vivi capti essent. Nam et munitione praesidii ita coangustabantur, ut eques spatio intercluso vix se defendere posset. Ex utroque genere pugnae complures sunt vulneribus affecti, in quibus etiam Clodius Arquitius; inter quos ita comminus est pugnatum, ut ex nostris praeter duos centuriones sit nemo desideratus gloria se efferentes.

24. Postero die ad Soricam utrorumque convenere copiae. Nostri brachia ducere coeperunt. Pompeius cum animadverteret castello se excludi Aspavia, quod est ab Ucubi milia passuum v, haec res necessario devocabat eum ad dimicandum ut descenderet; neque tamen aequo loco sui pote-

statem faciebat, sed ex grumo excelsum
tumulum capiebat, usque eo ut necessario cogeretur
4 iniquum locum subire. Quo de facto cum utrorumque
copiae tumulum excellentem petissent, prohibiti a
nostris sunt, deiecti planicie. Quae res secundum
5 nostris efficiebat proelium. Undique cedentibus ad-
versariis non parum magna in caede versabantur.
Quibus mons, non virtus saluti fuit. Quo subsidio
nisi advesperasset, a paucioribus nostris [omni
6 auxilio] privati essent. Nam ceciderunt ex levi ar-
matura CCCXXIII, ex legionariis CXXXVIII, praeter-
quam quorum arma et spolia allata sunt. Ita pridie
duorum centurionum interitio hac adversariorum
poena est litata.

25. Insequenti die pari consuetudine cum ad
eundem locum eius praesidium venisset, pristino illo
suo utebantur instituto: nam praeter equites nulli
2 loco aequo se committere audebant. Cum nostri in
opere essent, equitum copiae concursus facere coe-
perunt, simulque vociferantibus legionariis, cum
locum efflagitarent † ut consueti insequi existimare
posses paratissimos esse ad dimicandum, nostri ex
humili convalle bene longe sunt egressi et planicie
3 iniquiore loco constituerunt. Illi tamen procul dubio
ad congregiendum in aequum locum non sunt ausi
descendere praeter unum Antistium Turpionem; qui
fidens viribus ex adversariis sibi parem esse nemi-
4 nem agitare coepit. Hic, ut fertur Achillis Memno-
nisque congressus, Q. Pompeius Niger, eques Ro-
manus Italicensis, ex acie nostra ad congregiendum
5 progressus est. Quoniam ferocitas Antisti omnium

mentes converterat ab opere ad spectandum, acies sunt dispositae. Nam inter bellatores principes dubia⁶ erat posita victoria, ut prope videretur finem bellandi duorum dirimere pugna. Ita avidi cupidique † suarum quisque ex partium virorum fautorumque voluntas habebatur. Quorum virtute alacri, cum ad⁷ dimicandum in planiciem se contulissent, scutorumque laudis insignia praefulgens opus caelatum..... quorum pugna esset prope profecto dirempta, nisi propter equitum congressum, ut supra demonstravimus, levem armaturam praesidii causa non longe ab opere..... castra constituit. Ut nostros equi-⁸ tes in receptu, dum ad castra redeunt, adversarii cupidius sunt insecuti, universi clamore facto impetum dederunt. Ita metu perterriti, cum in fuga essent, multis amissis in castra se recipiunt.

26. Caesar ob virtutem turmae Cassianae donavit milia XIII et praefecto torques aureos V et levi armaturae milia XII. Hoc die A. Baebius et C. Fla-² vius et A. Trebellius, equites Romani Astenses, argento prope tectis equis ad Caesarem transfugerunt; qui nuntiaverunt equites Romanos coniurasse omnes,³ qui in castris Pompei essent, ut transitionem facerent: servi indicio omnes in custodiam esse coniectos, e quibus occasione capta se transfugisse. Item hoc die litterae sunt deprensae, quas mittebat Ursaonem⁴ Cn. Pompeius: 'S. V. G. E. V. Etsi, prout nostra⁵ felicitas, ex sententia adversarios adhuc propulsos.... qui si aequo loco sui potestatem facerent, celerius, quam vestra opinio fert, bellum confecissem. Sed⁶ exercitum tironem non audent in campum deducere

nostrisque adhuc fixi praesidiis bellum ducunt. Nam singulas civitates circumsederunt: inde sibi comm⁷atus capiunt. Quare et civitates nostrarum partium conservabo et bellum primo quoque tempore conficiam. Cohortes in animo habeo ad vos mittere. Profecto nostro commeatu privati necessario ad dimicandum descendent.'

27. Insequenti tempore cum nostri in opere distenti essent, equites in oliveto, dum lignantur, ²interfecti sunt aliquot. Servi transfugerunt, qui nuntiaverunt, a. d. III. Non. Mart. proelium ad Soricam quod factum est, ex eo tempore metum esse magnum, ³et Attium Varum circum castella praeesse. Eo die Pompeius castra movit et contra Hispalim in oliveto constituit. Caesar priusquam eodem est ⁴profectus, luna hora circiter sexta visa est. Ita castris motis Ucubim Pompeius praesidium, quod reliquit, iussit ut incenderent et deusto oppido in castra ⁵maiora se reciperent. Insequenti tempore Ventiponem oppidum cum oppugnare coepisset, deditione facta iter fecit in Carrucam, contra Pompeium castra posuit. Pompeius oppidum, quod contra sua ⁶praesidia portas clausisset, incendit; milesque, qui fratrem suum in castris iugulasset, interceptus est a nostris et fusti percussus. Hinc itinere facto in campum Mundensem cum esset ventum, castra contra Pompeium constituit.

28. Sequenti die cum iter facere Caesar cum copiis vellet, renuntiatum est a speculatoribus Pompeium de tertia vigilia in acie stetisse. Hoc nuntio ²allato vexillum proposuit. Idcirco enim copias edu-

xerat, quod Ursaonensium civitati, *qui sui* fuissent fautores, antea litteras miserat, Caesarem nolle in convallem descendere, quod maiorem partem exercitus tironem haberet. Hae litterae vehementer confirmabant mentes oppidanorum. Ita hac opinione fretus totos.....facere posse existimabat. Etenim et natura loci defendebatur et ipsius oppidi munitione, ubi castra constituta. Namque superius demonstravimus loca excellentia tumulis contineri, intervallo planiciei dividi.....id quod eo incidit tempore.

29. Planicies inter utraque castra intercedebat circiter milia passuum v, ut praesidia Pompei duabus defenderentur rebus, oppido et excelsi loci natura. Hinc dirigens proxima planicies aequabatur. Cuius decursum antecede-²bat rivus, qui ad [eorum] accessum summam efficiebat loci iniquitatem; nam palustri et voraginoso solo currens erat ad dextram. Itaque³ Caesar, cum aciem directam vidisset, non habuit dubium, quin media planicie in aequum ad dimicandum adversarii procederent. Hoc erat in omnium⁴ conspectu. Huc accedebat, ut locus illa planicie aequitatem *daret et ornaretur* diei solisque serenitate, ut mirificum et optandum tempus prope ab diis immortalibus illud tributum esset ad proelium committendum. Nostri laetari, nonnulli etiam timere, quod⁵ in eum locum res fortunaque omnium deducerentur, ut, quicquid post horam casus tribuisset, in dubio poneretur. Itaque nostri ad dimicandum procedunt,⁶ id quod adversarios existimabamus esse facturos; qui tamen a munitione oppidi longius non audebant pro-

cedere, † in quo sibi prope murum adversariis constituebant. Itaque nostri procedunt. Interdum aequitas loci adversarios efflagitabat, ut tali condicione contenderent ad victoriam; neque tamen illi a sua consuetudine discedebant, ut aut ab excelso loco aut ab oppido discederent. Nostri pede presso propius rivum cum appropinquassent, adversarii patrocinari loco iniquo non desinunt.

30. Erat acies XIII aquilis constituta, quae lateribus equitatu tegebatur cum levi armatura milibus sex, praeterea auxiliares accedebant prope alterum tantum; nostra praesidia LXXX cohortibus et VIII milibus equitum. Ita cum in extrema planicie iniquum in locum nostri appropinquassent, paratus hostis erat superior, ut transeundum superius iter vehementer esset periculosum. Quod cum a Caesare esset animadversum, ne quid temere culpa secus admitteretur, eum locum definire coepit. Quod cum hominum auribus esset obiectum, moleste et acerbe accipiebant impediri, quo minus proelium conficere possent. Haec mora adversarios alacriores efficiebat: Caesaris copias timore impediri ad committendum proelium. Ita se efferentes iniquo loco sui potestatem efficiebant, ut magno tamen periculo accessus eorum haberetur. Hic decumani suum locum, cornu dextrum tenebant, sinistrum III. et V, legio itemque et cetera auxilia et equitatus. Proelium clamore facto committitur.

31. Hic etsi virtute nostri antecedeabant, adversarii loco superiore se defendebant acerrime, et vehemens fiebat ab utrisque clamor telorumque missu

concursus, sic ut prope nostri diffident victoriae. Congressus enim et clamor, quibus rebus maxime² hostis conterretur, in collatu pari erant condicione. Itaque ex utroque genere pugnae cum parem vir-³ tutem ad bellandum contulissent, pilorum missu fixa cumulatur et concidit adversariorum multitudo. Dex-⁴ trum demonstravimus decumanos cornu tenuisse; qui etsi erant pauci, tamen propter virtutem magno adversarios timore eorum opera afficiebant, quod a suo loco hostes vehementer premere coeperunt, ut ad subsidium, ne ab latere nostri occuparent, legio adversariorum traduci coepta sit a dextro. Quae⁵ simul est mota, equitatus Caesaris sinistro cornu premere coepit: at illi eximia virtute proelium facere, ut locus in aciem ad subsidium veniundi non daretur. Ita cum clamor esset intermixtus gemitu⁶ gladiatorumque crepitus auribus oblatus, imperitorum mentes timor praepediebat. Hic, ut ait Ennius, pes⁷ pede premitur, armis teruntur arma, adversariosque vehementissime pugnantes nostri agere coeperunt; quibus oppidum fuit subsidio. Ita ipsis Liberalibus⁸ fusi fugatique non superfuissent, nisi in eum locum confugissent, ex quo erant egressi. In quo proelio⁹ ceciderunt milia hominum circiter xxx et si quid amplius, praeterea Labienus, Attius Varus, quibus occisis utrisque funus est factum, itemque equites Romani partim ex urbe partim ex provincia ad milia iii. Nostri desiderati ad hominum mille partim¹⁰ equitum partim peditum; saucii.....adversariorum aquilae sunt ablatae xiii et signa et fasces praeterea hos habuit.....

32.ex fuga hac qui oppidum Mundam sibi constituissent praesidium, nostrique cogeantur
2 necessario eos circumvallare. Ex hostium armis scuta et pila pro vallo, pro caespite cadauera collocantur, insuper abscisa in gladiatorum mucrone capita hominum ordinata ad oppidum conversa, ut et ad hostium timorem virtutisque insignia proposita viderent et vallo circumcluderentur adversarii. Itaque Galli tragulis iaculisque oppidum ex hostium cadaveribus [sunt] circumplexi oppugnare coeperunt.
3 Ex hoc proelio Valerius adulescens Cordubam cum paucis equitibus fugit, Sex. Pompeio, qui Cordubae
4 fuisset, rem gestam refert. Cognito hoc negotio quos equites secum habuit, quod pecuniae secum habuit, eis distribuit et oppidanis dixit se de pace ad Caesarem proficisci et secunda vigilia ab oppido discessit. Cn. Pompeius cum equitibus paucis nonnullisque peditibus ad navale praesidium parte altera Carteiam contendit, quod oppidum abest a
5 Corduba milia passuum CLXX. Quo cum ad octavum miliarium venisset, P. Caucilius, qui castris antea Pompei praepositus esset, eius verbis nuntium mittit, eum minus belle habere: ut mitterent lecticam, qua in oppidum deferri posset. Litteris missis
7 Pompeius Carteiam defertur. Qui illarum partium fautores essent, conveniunt in domum, quo erat delatus (qui arbitrati sunt clanculum venisse), ut ab eo, quae vellent, de bello requirerent. Cum frequentia convenisset, de lectica Pompeius eorum in fidem confugit.

33. Caesar ex proelio *Munda* munitione circumdata Cordubam venit. Qui ex caede eo refugerant, pontem occuparunt. Cum eo ventum esset, convi-²ciari coeperunt: nos ex proelio paucos superesse; quo fugeremus? Ita pugnare coeperunt de ponte. Caesar flumen traiecit et castra posuit. Scapula,³ totius seditionis, familiae et libertinorum caput, ex proelio Cordubam cum venisset, familiam et libertos convocavit, pyram sibi exstruxit, coenam afferri⁴ quam optimam imperavit, item optimis insternendum vestimentis; pecuniam et argentum in praesentia familiae donavit. Ipse de tempore coenare, resinam⁵ et nardum identidem sibi infundit. Ita novissimo tempore servum iussit et libertum, qui fuisset eius concubinus, alterum se iugulare, alterum pyram incendere.

34. Oppidani autem, simul Caesar castra contra oppidum posuit, discordare coeperunt, usque eo ut clamor in castra nostra perveniret [fere inter Caesarianos et inter Pompeianos]. Erant hic legiones,² quae ex perfugis conscriptae, partim oppidanorum servi, qui erant a Sexto Pompeio manumissi; qui in Caesaris adventu discedere coeperunt. Legio³ XIII. oppidum defendere coepit; *etenim* cum iam depugnarent, turres ex parte et murum occuparunt. Denique legatos ad Caesarem mittunt, ut sibi le-⁴giones subsidio intromitteret. Hoc cum animadverterent homines fugitivi, oppidum incendere coeperunt. Qui superati a nostris sunt interfecti hominum milia XXII, praeterquam extra murum qui perierunt. Ita Caesar oppido potitur. Dum hic detinetur, ex⁵

proelio quos circummunitos superius demonstravimus, eruptionem fecerunt et bene multis interfectis in oppidum sunt redacti.


35. Caesar Hispalim cum contendisset, legati deprecatum venerunt. Ita cum ad oppidum esset ventum, Caninium legatum cum praesidio intro-mittit; ipse castra ad oppidum ponit. Erat. bene magna *manus* intra Pompeianarum partium, quae praesidium receptum indignaretur. Clam quendam Philonem, illum, qui Pompeianarum partium fuisset defensor acerrimus (is tota Lusitania notissimus erat) — hic clam praesidia *in* Lusitaniam proficiscitur et Caecilium Nigrum, hominem barbarum, ad Len-nium convenit, qui bene magnam manum Lusita-norum haberet. Rursus Hispalim *in* oppidum denuo noctu per murum recipitur: praesidium, vigiles iugulant, portas praecludunt, de integro pugnare coeperunt.

36. Dum haec geruntur, legati Carteienses re-nuntiaverunt, quod Pompeium in potestate haberent. Quod ante Caesari portas praeclusissent, illo bene-ficio suum maleficio existimabant se lucri facere. Lusitani Hispali pugnare nullo tempore desistebant.
2 Quod Caesar cum animadverteret, si oppidum ca-pere contenderet, *fore* ut homines perditii incende-rent et moenia delerent, ita consilio habito noctu patitur Lusitanos eruptionem facere; id quod con-sulto non existimabant fieri. Ita erumpendo naves, quae ad Baetim flumen fuissent, incendunt. Nostri dum incendio detinentur illi profugiunt et ab
4 equitibus conciduntur. Quo facto oppido recuperato

Astam iter facere coepit; ex qua civitate legati ad deditionem venerunt. Mundensesque, qui ex proelio in oppidum confugerant, cum diutius circumsiderentur, bene multi deditionem faciunt, et cum essent in legionem distributi, coniurant inter sese, ut noctu signo dato, qui in oppido fuissent eruptionem facerent, illi caedem in castris administrarent. Hac re cognita insequenti nocte vigilia tertia tessera data extra vallum omnes sunt concisi.

37. Carteienses, dum Caesar in itinere reliqua oppida oppugnat, propter Pompeium dissentire coeperunt. Pars erat, quae legatos ad Caesarem miserat, pars erat, qui Pompeianarum partium fautores essent. Seditione concitata portas occupant; caedes² fit magna; saucius Pompeius naves xx occupat longas et profugit. Didius, qui *ad* Gades classi prae-fuisset, simulatque nuntius allatus est, confestim sequi coepit; partim peditum et equitatus ad persequendum celeriter terrestre faciebant iter navigationem confestim insequentes. Quarto die navigationis, quod³ imparati a Carteia profecti sine aqua fuissent, ad terram applicant. Dum aquantur, Didius classe accurrit, naves incendit, nonnullas capit.

38. Pompeius cum paucis profugit [et locum quendam munitum natura occupat]. Equites et cohortes, quae ad persequendum missae essent, speculatoribus antemissis certiores fiunt: diem et noctem iter faciunt. Pompeius umero et sinistro crure vehementer erat saucius; huc accedebat, ut etiam talum intorsisset; quae res maxime impedienda⁴ Ita lectica ad turrem cum esset ablatus, [in e



ferebatur] Lusitanus, more militari *ex eius* praesidio
speculator missus, cum fuisset conspectus, celeriter
4 equitatu cohortibusque Caesaris circumcluditur. Erat
accessus loci difficillimus. Nam idcirco [propter]
quod ille e suo praesidio fuisset conspectus, celeriter
adeo munitum locum natura ceperat sibi Pompeius,
ut quamvis magna multitudine adducta *pauci* homi-
nes ex superiore loco defendere possent. Subeuntes
5 [in adventu] *nostros* depellunt [qui] telis. Quibus
cedentibus cupidius insequabantur adversarii et
confestim tardabant ab accessu. Hoc saepius facto
animadvertebatur nostro magno id fieri periculo.
6 Opere circummunire instituunt; pari autem et celeri
festinatione circum munitiones iugo dirigunt, ut
aequo pede cum adversariis congredi possent. A
quibus cum animadversum esset, fuga sibi praesidium
capiunt.

39. Pompeius, ut supra demonstravimus, sau-
cius et intorto talo idcirco tardabatur ad fugiendum,
itemque propter loci difficultatem neque equo neque
2 vehiculo saluti suae praesidium parare poterat. Caedes
3 a nostris undique administrabatur. Conclusa muni-
tione amissisque auxiliis ad convallem exesumque
locum in speluncam Pompeius se occultare coepit,
ut a nostris non facile inveniretur nisi captivorum
4 indicio. Ita ibi interficitur. Cum Caesar Gadibus
fuisset, Hispalim II. Id. April. caput allatum et po-
pulo datum est in conspectum.

40. Interfecto Cn. Pompeio adolescente Didius,
quem supra demonstravimus, illa affectus laetitia
proximo se recepit castello nonnullasque naves ad


reficiendum subduxit et, quamvis essent, brachium. . . . Lusitani, qui ex pugna superfuerunt, ad signum se receperunt et bene magna manu comparata ad Didium se reportant. Huic etsi non aberat diligentia ad naves tuendas, tamen nonnumquam ex castello propter eorum crebras excursiones eliciebatur et prope cotidianis pugnis insidias ponunt et tripartito signa distribuunt. Erant parati, qui naves incenderent, incensisque qui subsidium *ferrent* repellerent: hi sic dispositi erant, ut a nullo *conspici possent*. In conspectu omnium ad pugnam contendunt. Ita cum ex castello Didius ad propellendum processisset cum copiis, signum a Lusitanis tollitur, naves incenduntur, simulque, qui ex castello ad pugnam processerant, eodem signo, fugientes latrones dum persequuntur, a tergo insidiae clamore sublato circumveniunt. Didius magna cum virtute cum compluribus interficitur; nonnulli ea pugna scaphas, quae ad litus fuerant, occupant, item [nonnulli] complures nando ad naves, quae in salo fuerunt, se recipiunt, ancoris sublatis pelagus remis petere coeperunt; quae res eorum vitae fuit subsidio. Lusitani praeda potiuntur. Caesar Gadibus rursus ad Hispaniam recurrit.


41. Fabius Maximus, quem ad Mundae praesidium oppugnandum reliquerat, operibus assiduis *diurnis nocturnisque circumclusit*. Interclusi inter se decernere *armis coeperunt et facta caede bene magna eruptionem faciunt*. Nostri ad oppidum recuperandum occasionem non praetermittunt et reliquos vivos capiunt, XIII milia. Ursaonem pro-

ficiscuntur; quod oppidum magna munitione continebatur, sic ut ipse locus non solum opere, sed etiam natura datus ad oppugnandum hostem appareret. Huc accedebat, ut aqua praeterquam in ipso oppido [nam] circumcirca nusquam reperiretur propius milia passuum VIII; quae res magno erat adiumento oppidanis. Tum praeterea accedebat, ut aggerem materiesque, unde soliti sunt turres † agi, propius milia passuum VI non reperiebatur. Ac Pompeius, *ut se* ad oppidi oppugnationem tutiorem efficeret, omnem materiem circum oppidum succisam intro congeffit. Ita necessario diducebantur nostri, ut a Munda, quam proxime ceperant, materiem illo deportarent.

42. Dum haec ad Mundam geruntur et Ursanem, Caesar, ad Hispalim cum Gadibus se recepisset, insequenti die contione advocata commemorat: initio quaesturae suae eam provinciam ex omnibus provinciis sibi peculiarem constituisse et, quae potuisset eo tempore, beneficia largitum esse; ²insequenti praetura ampliato honore vectigalia, quae Metellus imposuisset, a senatu petisse et ea pecunia provinciam liberasse, simulque patrocinio suscepto multis legationibus ab se in senatum inductis simul publicis privatisque causis multorum ³inimicitias susceptis defendisse; suo item in consulatu absentem, quae potuisset, commoda provinciae tribuisse: eorum omnium commodorum et immemores et ingratos in se et in populum Romanum ⁴hoc bello et praeterito tempore cognosse. 'Vos iure gentium civiumque Romanorum institutis cognitis

more barbarorum populi Romani magistratibus sacrosanctis manus semel et saepius attulistis et luce clara Cassium in medio foro nefarie interficere voluistis. Vos ita pacem semper odistis, ut nullo tempore legiones desitae populi Romani in hac provincia haberentur. Apud vos beneficia pro maleficiis, maleficia pro beneficiis habentur. Ita neque in otio concordiam neque in bello virtutem ullo tempore retinere potuistis. Privatus ex fuga Cn. Pompeius adulescens a vobis receptus fasces imperiumque sibi arripuit, multis interfectis civibus auxilia contra populum Romanum comparavit, agros provinciamque vestro impulsu depopulavit. In quo vos victores existimabatis? An me deleto non animadvertetis [decem] habere legiones populum Romanum, quae non solum vobis obsistere, sed etiam caelum diruere possent? Quarum laudibus et virtute. . . .





This book should be returned to
the Library on or before the last date
stamped below.

A fine is incurred by retaining it
beyond the specified time.

Please return promptly.

NOV 3 '65 H

78-219

CANCELLED

THE END

7.228
Julii Caesaris Commentarii cum s
ener Library 002869265



2044 085 186 187